



Digitized by the Internet Archive
in 2018 with funding from
Wellcome Library

<https://archive.org/details/b30538749>

42550
PROSPERI ALPINI

MAROSTICENSIS Philosophi & Medici, in Gymnasio PATAVINO
Medicamentorum simplicium Professoris ordinarii,

MEDICINA ÆGYPTIORUM.

Accessit huic editioni ejusdem Auctoris

LIBER DE

BALSAMO.

UT ET

JACOBI BONTII

MEDICINA INDORUM.

Editio nova.



LUGDUNI BATAVORUM,

Ex Officina Vid. & Fil. **CORN. BOUTESTEIN,** 1718.





ILLUSTRISSIMO AC SAPIENTISSIMO
SENATORI,
ANTONIO MAUROCENO,
Supremo Reipub. Venetæ Consiliario.

PROSPER ALPINUS. S. D.



UM multis ab hinc annis (*Vir Illustrissime*) medicinæ studio, ac sciendi cupiditate ductus, patriis & ipse (exemplo præstantissimorum virorum, qui ad hanc, & alias disciplinas perdiscendas, varias regiones peragrarunt,) litoribus relictis, in Ægyptum profectus essem, quod ipsam medendi artem primas ac verissimas radices apud illas gentes olim habuisse intellexerim, quando vel à brutis animalibus ibi medicinam exerceri, aliqui prodiderint, ex quibus & vacuandi sanguinis per sectas venas, & multorum aliorum præsidiorum usum prodiiſſe, Ægyptiorum non paucis persuasum est: apud illos populos nonnullos annos moratus, ipsorum usitatam medicinam à me eo tempore observatam, & in quinque Commentarios digestam, post meum in patriam reditum cum perficere summopere optarem,

P R Æ F A T I O.

evocatus interea Genuam ad Joannem Andræam Auriam, Principem amplissimum, ut apud illum medicinam facerem, assiduus Aulæ curis implicatus, id eo tempore efficere non potui. Cum vero illinc reversus, in perfectiorem eos, quoad potui, statum restituissem, decrevi sub tuo nomine nunc tandem ipsos in lucem proferre. Quos tibi amplissimo Senatori, mihi jam usque à primis meorum studiorum annis fautori, adjutori, ac patrono unico jure merito dicare debeo. Tibi enim soli hi primarii meorum studiorum partus, ac fructus debentur. Quid? non te solo adiutore mihi in Ægyptum proficisci, ejusque loca perlustrasse olim concessum est? Qui, cum me meæ juventuris annos in his locis medicinam facientem exigua sane studiorum meorum expectatione terere aliquando animadvertisses, neque parum hanc meam doluisses vicem, tantum in meis rebus studii ac laboris adhibuisti, ut Georgius Hemus Patricius Clarissimus, Consul pro Cayro Ægypti designatus, me in ea loca medicinæ causa libenter conduxerit; scilicet illa peragratione varias hominum perspectas naturas, morbos, causas, ac usus medendi penes varias gentes observatos, non parum utilitatis ac splendoris meis studiis afferre posse, intelligebas. Taceo innumera alia longe majora ex te in me collata beneficia: quanta enim benevolentia, ac humanitate Franciscum Alpinum, carissimum Patrem meum, dum viveret (quem medicinæ causa multos annos cognovisti, ac plurimi fecisti) meque ac alios meæ familiæ semper tueris complexus, dici quidem à me satis non potest. Merito itaque non hos modo meos studiorum labores, verum me-ipsam quoque cum his tibi devovendum puto. Jam diu enim pluribus de causis mihi fuit in optatis, ut tantorum in me munerum tuorum aliquod tibi grati animi, meæque præstantis in te observantiæ signum ostenderem. Ad hæc illud etiam accedit, quod hos libros de illiusce gentis medicina a me (quæ mea est ingenii tenuitas) conscriptos, cum non omni plane culpa carere cognoscerem, tui clarif-

P R Æ F A T I O.

rissimi nominis splendore fultos in lucem prodire volui; quod plurimum illis auctoritatis, & existimationis, te patrono, accessurum intelligerem. Tu enim is es, qui quidem hac nostra ætate multis virtutibus in hac felicissima Repub. Maurocenorum familiam antiquitate, nobilitate, ac auctoritate claram magis ac magis illustras, & ornas. De cujus quidem tuæ familiæ, atque de tuis ipsius laudibus mihi nunc agere institutum non est, tum quia ad Oratorem magis hæc tam magna tractare, quam ad medicum pertineat; tum etiam quod adeo omnibus eæ notæ sunt, ut nullo, qui eas aliis indicet, indigere videantur. Quis vero hic, aut alibi nunc est, qui istius familiæ claritatem, antiquitatem atque auctoritatem ignoret? Quam tot Serenissimi Duces, classisque maritimæ præfecti excellentissimi, quam Cardinales amplissimi, & Patriarchæ ex ea orti (qui plurimum olim Christianam Rempubl. Illustrarunt,) quam Senatores alii fere innumeri maximis honoribus, ac dignitatibus variis temporibus in hac Civitate decorati, adeo nobilem, amplam, & Illustrem esse declarent, ut hoc ad ejus laudes maxime sufficere possit. Nam ut alios omittam, Hieronymus Maurocenus frater tuus nemini superiorum cedens, præclaris virtutibus & rebus gestis, dum viveret, patriam exornavit. Cujus mortem immaturam multis lacrymis non modo patricii, sed plane omnes, quos tanti viri virtutes non latuere, maxime luxerunt. Nec hercle id injuria. In quo enim viro tantam unquam in Deum fidem, pietatem, charitatem ulla reperit antiquitas? Quis etiam in Reipub. magistratibus obeundis talem ac tantam sapientiam, justitiam, prudentiam, atque humanitatem ostendit? Testes sunt Veronenses, qui in ejus præfectura ita fuisse tractati, ut & illius magistratus, & rerum ab eo præclare gestarum nulla unquam sit hominibus oblivio ereptura memoriam. Ex quibus in ea civitate exantlatis tum vigiliis, tum maximis laboribus, ægritudo, qua ille postea defunctus est, ori-

P R Æ F A T I O.

originem habuit. Is etiam præter alios multos magistratum, ac præfecturarum ordines, quibus sua ætate ipse magnifice ornatus est, in amplissimo Clarissimorum patrum cœtu cooptatus, multis annis præclarissimus Senator vixit. Ac tandem Decemvirum capitalium dignitate summa cum laude perfunctus est. Hæc igitur virtutum, & recte factorum exemplum Hieronymus tuus frater moriens reliquit. Hæc eadem in te postea hæreditario quodam jure, mirifice translata fuisse, teque eodem splendore claruisse, quis ignorat? Nolo enim de te etiam nunc dicere, quam omnibus Catholicæ religionis verus amator, atque accerrimus defensor videaris, quamque divini cultus assiduus sis observator, quantaque in Deum quoque tua sit fides, in Pauperes pietas, ac charitas. Quod majus pietatis in patriam, charitatis, fortitudinisque exemplum de te proferri posset, quam quod tu quindecim nunc labentibus annis, hic ingenti illa grassante pestilentia, urbemque hanc atrocissime devastante, tuis civibus edidisti? Cum scilicet sextæ partis civitatis peste infectæ, curam à Clarissimis patribus in tanta calamitate tibi demandatam non modo (quod plerique, sibiipsis plus quam patriæ consulentes, tunc faciebant) non recusaveris, sed hilari potius vultu summe arduam ac periculosam illam provinciam susceperis, non minusque pie, quam fortiter, sapienter, ac feliciter obieris. Neque enim tota civitas hæc infecta peste in tanta sui necessitate tunc à te deferri potuit. Omitto præterea quanta in multis Reipub. muneribus, à te variis temporibus dignissime expletis, justitia, probitate, ac prudentia rem Venetam administraveris. Præsertim ubi te patres conscripti actibus Illustrissimorum Procuratorum, atque legum conservationi præesse voluerunt. In quibus quidem, atque in Senatu (Senator jam diu ab ipsis creatus) plurimum laudis ac splendoris es consecutus. Simul & illud omittam, quam in gravi ista provincia, qua hoc anno supremus Reipub. Consiliarius

P R Æ F A T I O.

à Clarissimis patribus delectus es, vigilantissime, ac sapientissime te geras, quantaque solertia, ac benignitate cunctos in eo magistratu complectaris, ut ea profecto causa nemo sit, qui te semel noverit, quin statim se tibi addictissimum fateatur. Unum vero illud de te minime tacendum puto; domum etenim tuam sic sapienter, ac prudenter instituisti, ut merito hac ætate plurimum sit admiranda. In ea quidem talis ac tanta penes omnes, qui ipsam habitant, recte ac honeste vivendi elucet harmonia, ut sacer religiosorum hominum cœtus jure omnibus videri debeat. In ipsa quidem neminem invenias, qui præter id, quod summe honestum est, quicquam aut facere, aut loqui audeat. In qua talis est futura filiorum posteritas, ut si ex præsentibus ventura prævideri liceat, maxime sperandum sit, fore, ut tuarum virtutum claritas æternis sæculis in filiis, ac nepotibus tuis refulgeat. Quales Joannes, Petrus, Laurentius, Franciscus, atque Matthæus; existunt, morum profecto integritate, ac virtutum præstantia non parum hoc sæculo admirandi. Sic enim à te omnes educati sunt, ut inter ipsos nullus sit, qui vera religione, perfectaque in Deum fide non effulgeat, qui plurima tum in te, tum in reliquos fratres observantia, obedientia, ac amore eximio non exardeat. Liberalitate vero, modestia, temperantia, mansuetudine, continentia, aliisque fere innumeris virtutibus nemo certe ex iis, qui vel sunt, vel fuere, præferendus ipsis videatur. Sed & hæc, & plura quoque hujusmodi omittam, cum hoc meum institutum non sit, atque plurimum etiam tuam his modestiam offendi sciam, qui aliorum laudes, quam tuas libentius audire soleas. Etsi tu igitur nunc is Senator sis, cui amplissima ac divina prope munera debeantur, est tamen tuæ liberalitatis qua cunctos perbenigne complecteris, ut hos meos libros, quos tibi nunc ego devotissime consecro, atque voveo, libenter accipias, tenue quidem, & tenuis hominis musculum; à
sum-

P R Æ F A T I O.

summa tamen observantia, studio, & amore in te meo profectum. Id si tibi non erit ingratum, mihi animum ad graviora medicinæ studia plurimum inflammabis. Vale, meque, ut soles, ama.

Venetiis, Anno Salutis humanæ, M. D. XCI.

Menſe Martio



PROS-



PROSPER ALPINUS

ERUDITIS LECTORIBUS.



EX Aegypto, in qua ego nonnullos annos medicinae causa olim moram feceram, Deo annuente, in patriam reductus, Patavium quamprimum me contuli, ut Melchiorum Guilandinum (viri in omni genere scientiarum clarissimum, ac in plantarum cognitione nulli hoc ævo secundum, mihiq; plurima necessitudine conjunctissimum) salutationis gratia convenirem: A quo humanissime acceptus, aliquot dies apud illum fui, in quibus multa inter nos de Aegypti regione; cælo, temperie, & de illorum corporum habitu, temperamento, locuti sumus, de medicis, ac morbis, quibus illa regio abundat, & de medicina penes illos populos usitata, ac denique de plantis, quæ illis in locis nascuntur, sermones aliquos habuimus. Is igitur me postea, ut illa, quæ inter nos commentata fuerant, literis mandarem, obnixè rogavit, & suasit; fore enim, ut non parum utilitatis, ac voluptatis ex his ad medicinæ studiosos accedat. Cui cum non parere ac obsequi, turpe putarem, quantà cura, & studio potui, eosdem ipsos à nobis per id temporis habitos sermones in quinque libros, divisos, ac digestos, sub nomine Aegyptiorum medicinæ (quando de illa tantum agere

PROSPER ALPINUS ERUDITIS LECTORIBUS.

nostrum præcipuum fuerit institutum, neque de aliis, nisi illius gratia) comprehensos, scriptis tradidi. Quos cum à multis desiderari forte intellexerim, quamplurimis etiam id mihi medicis doctissimis persuadentibus, præsertimque Hieronymo Mercuriali, ac Alexandro Massaria hac tempestate medicis celeberrimis, ne horum voluntatem aspernari, & multorum utilitati invidisse videar, ipsos in lucem proferre non sum veritus. Hos itaque, eruditi lectores, candido animo accipite, legite, ac bene consulite. Quod si ego hos vobis gratos fuisse aliquando intellexero, alia his graviora, atque utiliora in arte medendi studia, à me multo labore, ac vigiliis alias elucubrata, atque informata, vobis medicinæ amatoribus communicare non recusabo. Valete.





MELCHIORIS GUILANDINI,
DE PROSPERO EX ÆGYPTO
AUTHORIS IN PATRIAM REDITU
CONGRATULATIO.

In qua obiter multa quæ in itinere acciderunt, præfationis loco habentur.

GUILANDINUS.



GRATULATOR summopere, Alpine, te ex Ægypto tandem incolumen Patavium rediisse, quandoquidem maximum esse existimem, hominem multas, quas longissima itinera ferunt, molestias, crebrioraque & grandiora simul pericula à varia illiusce gentis barbarie sibi sæpe oblata, superasse, in patriamque saluum omnino reversum esse. Quem tuum reditum difficilem reddebant variæ Ægypti locorum naturæ, coelique calores, quibus nostra corpora diverso assueta cœlo, multum alterantur, atque læduntur. Quamobrem gaudeo maximopere, atque iterum gaudeo, quod nunc te saluum ad nos denuo contuleris, mihi que ita hilarem te nunc obtuleris. ALPIN. Atque ego etiam ingenti gaudio perfundor, quod te virum doctissimum, universis literarum professoribus, & principibus multis excellentis tuæ doctrinæ causa acceptissimum,

P R Æ F A T I O.

num, invenerim in hac præclarissima studiorum urbe, optima valetudine tuis studiis vivere, præ gaudioque tanti tui boni, & præ voluptate vix quid loquar scio. Gratis etiam majores, quas possum tibi nunc ago, quod ex meo reditu tantum gaudii, ac voluptatis acceperis, mihi que tantum tribueris, quem in tua potestate esse, quicumque sim, tibi persuadeas volo.

GUILLAND. Tibi non minus multas gratias agere debeo pro tua isthac humanitate. Iter vero arduum, & periculis plenum te olim suscepisse existimo. Sed cur in Ægyptum te conferre volueris tantisque illis te exponere periculis, libenter audirem.

ALPIN. Ego fere usque à pueris hujus semper fui sententiæ, neminem posse perfectum esse medicum, qui varias regiones, & loca non peragraverit, diversosque hominum mores non observaverit, atque hoc pace illorum dixerim, qui instar avium nunquam nidos suos deserunt, neque ab his latum unguem recedere audent. Variæ etenim regiones varios tum morbos patiuntur, tum medicinas ferunt ad eos persanandos accommodatas, atque etiam varii medendi usus in variis observantur locis, quorum observatione medicus fit prudentior, & doctior: qua sententia adductus sum, ut si in arte medica cuperem aliquid proficere, orbis partem aliquam peragrarem, aliosque morbos in aliis familiares locis, & varias medicinas ac plantas quæ ibi nascerentur, & diversos usus medendi, penes diversas nationes usitatos observarem, atque cognoscerem. Cum itaque publice medicinam facerem in proximo Oppido C. S. Petri, aliquo remotius abeundum existimaui, atque in hac sententia multum perstiti, sed quorsum versus proficisci præstaret, id vero ignorabam. Quo quidem tempore mihi Deus Opt. Max. optatissimam occasionem præbuit, ut in Ægyptum proficiscer medicus cum Clarissimo Georgio Hemo, qui illo tempore à Serenissima felicissimaque Veneta Republica Consul in ea provincia fuerat electus. Ad hoc iter etiam me multum hortatus est Franciscus Alpinus Medicus paterque meus carissimus.

P R Æ F A T I O.

mus. Tandemque in eam veni sententiam, ut mihi facile foret ex animi mei sententia illuc proficisci. Itaque accepi conditionem, meque tunc ad iter hilari animo paravi. **GUILAND.** Quoniam virtus laudata crescit, non pudebit me hoc vel te præsentem dicere, auctum iri vehementer tuorum studiorum peritiam ac laudem, ob hanc tui animi non vulgarem nobilitatem, qua hanc peregrinationem sciendi gratia suscipere, ita probe in animum induxeris. Sed his omissis, cuperem tuum nunc iter audire, & quo tempore ipsum inceperis, quaque forte etiam eo fueris usus; omnes siquidem longa itinera confidentes, multos labores patiuntur, & multa subeunt pericula, quæ postea aliis narrent. **ALPIN.** Anno à Virginis beatissimæ partu M. D. LXXX. Septembri mense die XXI. eam, quæ Pec-
catorum appellatur, navim conscendi una cum Georgio Hemo Consule designato pro Cayro Ægypti, viro sane pro sua ipsius humanitate, animique integritate Clarissimo: quique in Consulatu ita se gessit, ut cuique carissimus fuerit, & illius discessum ab Ægypto non modo Veneti mercatores, sed vel ipsi Ægyptii ægre tulisse, atque adeo luxisse visi sint. Itaque datis velis Zacynthum secundis ventis paucis diebus pervenimus, portumque ingressi sumus. Unde digressis non ita ex voto reliqua navigatio successit, quandoquidem paulo post ita validis procellis tempestatibusque agitari, turbarique cœpimus, ut facile dixisses nobis evenisse, quod Ovidius cecinit:

*Navita sollicitus quoque ventos horret iniquos,
Et prope tam lethum, quam prope cernit aquam:
Quod si concussas Triton exasperat undas,
Qui tibi nunc toto est, nullus in ore color.
Tum fœcunda voces generosa sydera Leda
Et felix dicas, quem sua terra tenet.*

Cœpit enim ea nocte, quæ est ante diem decimum septimum mensis Octobris, quem diem omnes nautæ stellarem, ut ita

P R Æ F A T I O.

dicam appellant, ventus Hellespontius ita adverso impetu tempestuose perflare, ut coacti fuerint nautæ proram obvolvere: Qui timentes ab Africis ventis, qui eo temporis flare solent, creberrimis, grandioribusque procellis mare verrentes, ne navis in solum ab his abduceretur, naufragiumque fieret, per eodem Africos ventos iter suum direxerunt: quo fane ita directo itinere, navis in vastissimum mare ab Hellespontio vento, quem nautarum vulgus Græcum Orientalem appellat, raptim, & ingenti impetu ferebatur, ita, ut à terra magis magisque ipsa elongaretur. Nostrum vero nos iudicium fefellit, quod sperabamus cum obortum ventum cito casurum, ab eoque rursum nostrum iter, quod per Circium ventum fuerat, brevi tempore nos esse recepturos, siquidem prior ille ventus non adeo cito cessavit, quin potius tanta tempestate ac furore per-auctus est, & nobis ita sæpe minari cœpit, ut coacti fuermus navim velis nudatam mari committere, & temere ab illorum infano impetu interitum nostris oculis millies in hora minantium expectare, atque ab his absque ullo regimine in vastissimo pelago alternis undis ad libitum agitari. Atque hæc horrida tempestas ad diem usque vigesimum secundum protendebatur, tanto omnium timore, ut nemo esset, qui de salute sua speraverit quicquam. nostram aliquantulum demulcebant miseriam illa Lucretii Carmina:

*Certa quidem finis vitæ mortalibus adstat,
Nec vitari lethum potest quin obeamus.*

Placuit tamen misericordie Deo, ne ab ea tempestate interiremus; ut fortasse ad aliquam rem etiam viveremus: Cui quas possum majores nunc gratias ago, ac perpetuo referam; qui me sua clementia ac pietate ex tanto periculo incolumem servaverit. Die vero vigesimo secundo mensis Octobris, aurora lucescente, ad Corcyræ locum eum pervenimus, quem Fano appellant, ventis omnino sedatis. Et paulo post Zephiris placide

cide

P R Æ F A T I O.

cide spirantibus insulæ fretum ingressi sumus summa omnium cum voluptate ac gaudio, atque Merleras appellatum portum tenuimus: ab eoque altera die summo mane alium in portum pervenimus, à primo parum distantem, atque ab eo Corcyram. In qua per diem moram traximus. Postridieque Septentrionali exorto vento, ab ejus portu digressi sumus, quo cessante non multo post ad portum, qui est apud Gomenizzas, accessimus. adversis vero nostræ navigationi ventis diu perseverantibus, & largissimis adhuc pluviis, magnisque imbribus, detenti, quibus quidem Corcyræ insulæ situs sex quotannis mensibus obruitur, atque aliis sex siccitate exhauritur, coacti sumus in Corcyræ portum confugere, & salutis nostræ consilere. Ubi usque ad nativitatem Domini permansimus, cujus diei festivitate devote servata, altera die orto Sole, triremis auxilio nostra navi è portu deducta, vela ventis dedimus, eodemque die Paxo vidimus. Alteraque die Aparctia vento impetuose spirante, sub aurora Zacynthum rursus vidimus, portumque illum cum magna omnium eam urbem accolentium admiratione, quod accolæ ceterique omnes ex proxima tempestate nos interiisse sibi firmiter persuaserint. Zacynthi vero toto Januario mense commorati sumus. Dieque sequentis mensis tertia ab eo portu discessimus, meliorique fortuna iter nostrum recepimus, ac per diem ante cinerem in portum Sudæ, fortissimum Cretæ insulæ propugnaculum, pervenimus, ubi peractis quinque diebus, portum Fraschiam vocatum, qui ab urbe Creta decem millia passuum distat, invasimus. Multi ex Cretensis, qui pro certo habuerant nostram navim Octobri proximo mense mari absorptam fuisse, simulque cum ipsa aliquot Cretenses Caloyeros nobiscum navigantes, nostro adventu, tanto sunt affecti gaudio, ut ipsorum lætitiæ publicis campanarum sonis in templis per multos dies publice manifestarent: ubi vero Cretæ multis diebus moram traximus, inter initia mensis Martii, ut nostro longissimo itineri finem tandem im-

po-

P R Æ F A T I O.

poneremus, vela rursus ventis dedimus, in altumque navim Circio vento, qui leniter spirabat, advehi permisimus, ceterum tertia die Austrinis ventis rursus vehementer exortis, retrogressi in portum Standiam applicuimus, ab eaque nova procella salvi fuimus, distat & hic portus ab urbe decem millia passuum. Ibique tribus peractis diebus, orto Sole, ab eo portu navim solvimus, Agrestique vento, & Favonio impetuosissime spirantibus, mare mediterraneum ingredimur, in ipsoque procellosa navigatione utentes duorum dierum spatio Alexandriam procul inspeximus, ingentique omnium gaudio iter nostrum tunc finem habiturum speravimus, neque nos nostra decipisset sententia, ni ventus ille non modo omnem subito furorem dimisisset, verum pene omnino siluisset. Mare etenim quam citò ventis omnibus caruit, adeoque siluit, ut navis ulterius progredi non potuerit, ob maximam ejus tranquillitatem, à qua valde pertinuimus, ne ab ipsa alia nova tempestas oriretur, nostri que itineris finem, quem oculis prospiciebamus, prohiberet, & in alia graviora maris pericula nos injiceret. At Dei optimi maximi voluntate factum est, ut ope triremis Præfecti Alexandriæ, quem Sangiac appellant, in portum navis duceretur, & die *xxi*. mensis Martii finem longissimæ nostræ navigationi imponeremus. Alexandriæ vero, Cypri ingenti grassante pestilentia, usque ad Julium mensem mansimus; cujus mensis initio per Nilum flumen navigantes, Cyprium venimus. In qua urbe tribus annis, & adhuc amplius moram traximus. Tandemque hoc anno *MDLXXXIV*. Ægyptiis littoribus relictis, navi Balbiana vocata, mensibus Octobri, atque Novembri tantum navigantes, Deo summa pietate patriæ redditi sumus. *GUILLAND*. Omnia certe maris itinera in summo periculo versantur, quando navigantium vita, quia proxima est mari, proxima semper exitio sit dicenda, atque etiam quod spes prosperi itineris in aëris inconstantissimam naturam referatur. Verum ne te pigeat hæc atque illa passum fuisset

P R Æ F A T I O.

fuisse, quoniam fortasse hæc olim te meminisse juvabit. Adprime jucundum semper existimavi, hominem posse dicere, hæc atque illa sum passus, siquidem eorum eventuum memoria hominem alacriorem ad ferendos fortunæ casus, prudentioremque efficit. Sed his omissis age, quæso, quid tu tandiu in Ægypto fecisti, quibusve studiis animum toto illo tempore oblectasti? Neque enim eum te esse arbitror, qui non egregium aliquod nobileque studium sis ibi profecutus, quando credendum est, plurimas easdemque pulcherrimas tibi non defuisse occasiones, quibus aliquid te ipso dignum in re medica meditari potuisses. ALPIN. Quid facerem ociosus toto illo tempore in Ægypto? nisi apud eam gentem qualis exerceretur medicina, atque quales plantæ in eo solo nascerentur dignoscere operam darem, ne saltem diceretur noctu me Ægyptum adiisse; per id temporis, quo ibi moram traxi, publice medicinam exercendo, apud illos medendi usitatum modum discere studii. Et quod temporis etiam ab eo studio atque ægrotorum curis mihi supererat id ponebam, ut tu ex me quoque audisti, in opere de præfatio medicorum multis jam ab hinc annis à me incepto. GUILAND. Gaudeo te operam Ægyptiorum medicinæ cognoscendæ sic dedisse, ut apud illos frequentatum medendi modum, atque ipsorum usitata medicamenta plane, animadvertaris, & didiceris. Quæ omnia cum adprime sint digna, quæ à nostris medicis cognoscantur, te nunc obnixe rogo, hisce diebus, quibus Patavii commoraberis, ne grave sit tibi, mecum de his, in hoc viridario loqui, præsertim vero de morbis illi populo familiaribus, deque ipsorum medendi usu, atque demum de plantis ibi nascentibus; sic enim in his æstivis caloribus sub gratissimis hujusce viridarii umbris tempus cum virtute consumere nobis jucundissimum fore existimo. ALPIN. Dabo equidem operam libentissime, ut non in hac re solum, verum in omnibus aliis tuæ obsequar voluntati, quamquam nullam unquam tuorum meritorum partem ego assequi valeam.

id-

P R Æ F A T I O.

idque libentius faciam, quod plurimum emolumenti me sperem ex hac nostra colloctione pro tua doctrina, & humanitate consecuturum. Solem vero cum nunc videam pene in Occasum descendisse, fortasse præstiterit loquendi principium in proximam diem remittere. **GUILAND.** Recte sane, ego vero vix aurora expectata me in viridarium conferam, teque ut quamprimum venias etiam atque etiam oro. **ALPIN.** Perplacet, sed tempus est, ut abs te nunc abeam, meque à multis meis negotiis nunc expediam, ut mane quam diluculo ad te redire possim: interea vale. **GUILAND.** Quando apud me esse nolis, ut lubet, ut ante noctem tuis functus negotiis, mane redire possis, abi felix.





INDEX CAPITUM,

LIBRI PRIMI.

CAP. I.	D e statu Ægyptiorum medicorum.	Pag. 1
II.	Ægyptii qualem nunc medicinam exercent.	2
III.	Quamobrem hoc tempore Ægyptii artem medicam habeant vitiosam.	9
IV.	Apud Ægyptios medicos medicam illam propositionem usurpari, quæ est, contraria contrariis curari; atque an ipsi eam recte observent.	14
V.	Quæ præsciri debeant, priusquam ad particularem medicinæ Ægyptiorum narrationem accedatur.	17
VI.	De Ægypti situ, atque illius aëris temperie.	18
VII.	De anni temporibus apud Ægyptios usitatis, atque de ipsorum temperie.	21
VIII.	De aëris mutatione ex ventorum Septentrionalium spiratione, atque ex augmento fluminis Nili.	25
IX.	De Ægyptiorum corporum temperaturis, atque habitibus.	30
X.	Quali victu Ægypti habitatores nunc utantur.	33
XI.	De causis cur longævi sint Ægyptii.	38
XII.	An ad vitæ conservationem aquæ Nili fluminis usus vino sit utilior nec-ne.	43
XIII.	De morbis patriis, & epidemicis, qui apud Ægyptios observantur.	49
XIV.	De morbis Ægyptiis familiaribus, deque ipsorum causis.	51

INDEX CAPITUM.

- XV. *De peste, quæ sæpe loca Ægypti invadit, atque atrocissime devastat.* 59
- XVI. *Cur pestis contagium ex locis Barbariæ Cayrum importatum diuturnius sit, & magis exitiosum eo, quod ex aliis locis provenire observatur.* 62
- XVII. *Quo tempore pestis loca Ægyptia invadere soleat, & quo tempore ipsa desinat.* 70
- XVIII. *A qua causa, Cayri qualiscumque pestilentia sit, mense Junio omnino tollatur.* 71

LIBRI SECUNDI.

- CAP. I. **D**e usu mittendi sanguinem apud Ægyptios medicos frequentato, & cur apud ipsos sanguinis vacuatio sit familiarissimum remedium. 80
- II. *De ratione variorum corporum temperamenti atque habitus, deque Ægyptiorum vario temperamento, & habitu.* 84
- III. *In quibus morbis Ægyptii sanguinis missione utantur, atque in quibus corporibus.* 94
- IV. *Ægyptios errare nimium frequenti ac copiosæ sanguinis evacuationi indulgentes, & in pueris mittentes sanguinem.* 97
- V. *Ægyptios medicos non errare si in pueris, qui morbis acutis corripiuntur, aliquando sanguinem mittant.* 102
- VI. *In pinguioribus corporibus, Eunuchis, mulieribus, pueris, senibusque quo modo Ægyptii sanguinem mittant.* 110
- VII. *An Ægyptii medici recte se gerant in usu missionis sanguinis in dysenteria, diarrhæa biliosa, exanthematibus, puncticulis appellatis, pestiferisque bubonibus, & parotidibus.* 113
- VIII. *Ægyptios medicos à cibo sanguinem mittere, atque an recte faciant etiam illis, quibus sanguinem mittere debent, potum aliquem propinare.* 119
- IX. *Quot*

INDEX CAPITUM.

- IX. *Quot modis Ægyptii sanguinem mittere soleant.* 125
 X. *De venis, quæ in usu sunt apud Ægyptios pro molienda sanguinis missione.* 126
 XI. *Ægyptios arterias pro sanguinis missione non secus quam venas incidere.* 133
 XII. *De arteriis, quas Ægyptii secare solent, atque quomodo illas secent, & curent, & in quibus etiam morbis ipsarum sectione utantur.* 136
 XIII. *De cucurbitulis, quibus in Ægypto medici utuntur.* 139
 XIV. *Qualis cucurbitularum apud Ægyptios sit usus, in quibusque morbis iis ipsi utantur.* 141
 XV. *An solis cucurbitulis corpora recte ac tuto vacuari possint, & num in principiis morborum pro vacuatione sint adhibendæ.* 147
 XVI. *An errent Ægyptii nunquam utentes cucurbitulis pro adjuvanda exanthematum eruptione.* 160

LIBRI TERTII.

- CAP. I. **D**e variarum scarrificationum frequenti apud medicos Ægyptios usu. 166
 II. *De aurium, narium, labiorum, gingivarum scarrificationibus, quas medici Ægyptii pro evacuatione frequentant.* 168
 III. *Malleolorum sive crurum scarrificationem ad moliendam evacuationem auxilium esse antiquissimum, à Græcisque clarissimis medicis valde usitatum.* 173
 IV. *Quibus in Italiæ locis hominibus sanguis crurum scarrificatione fuerit detractus.* 177
 V. *Crurum scarrificationem non eam esse, quam nostri applicitis cucurbitulis frequentant.* 180
 VI. *Inter crurum scarrificationem, atque venæ sectionem maximam esse convenientiam, ac similitudinem.* 185
 VII. *An crurum scarrificatio vicaria sit venæ sectionis.* 188
 VIII. *Quomodo Ægyptii crurum scarrificationem exerceant, atque administrent.* 195

INDEX CAPITUM.

- IX. *In quibus morbis usus crurum scarrificationis apud Ægyptios frequentetur, atque in quibus corporibus.* 199
- X. *An crurum scarrificatio in sura, ut Ægyptii faciunt, vel potius in malleolo, ut Gal. docuit, sit facienda.* 203
- XI. *De usu scarrificationis partium, inflammatione, tumore, pustula, colore non naturali, insigni dolore vexatarum, apud Ægyptios frequentato.* 207
- XII. *De variis partium inustionibus, quæ selectissima secreta ad varios curandos morbos apud Ægyptios habentur.* 209
- XIII. *De sectione, qua in hydropicis & suppuratis Ægyptii utuntur.* 218
- XIV. *De lapidis à vesica extractione absque ulla incisione apud Ægyptios frequentata, & de dysenteriae curatione empirica.* 223
- XV. *De usu balneorum dulcium pro ornatu corporum, atque quid mulieres ad pinguefacienda corpora in ipsis moliantur.* 229
- XVI. *Quæ Ægyptiæ mulieres in balneis facitit, ut ipsarum corpora impinguescant.* 233
- XVII. *De dulcium balneorum pro sanitate corporum apud Ægyptios usu.* 236
- XVIII. *De frictionibus, quibus Ægyptii in balneis utuntur.* 240
- XIX. *De balneorum apud Ægyptios usu ad varios morbos persanandos.* 244

LIBRI QUARTI.

- CAP. I. **D**e medicamentis alterantibus, quæ in usu apud medicos Ægyptios existunt. 250
- II. *De Medicamentis ab Ægyptiis animi gratia usitatis, sperantibus ab his devoratis varia exoptata in insomniis videre.* 257
- III. *De decoctis, quibus Ægyptii, tum in sanis, tum ægrotis corporibus utuntur.* 264
- IV. *De*

INDEX CAPITUM.

- IV. *De syrupis apud Ægyptios usitatis.* 268
- V. *De purgantibus medicamentis à medicis Ægyptiis usitatis.* 270
- VI. *Uter nobilium, vel plebejorum Ægyptiorum purgandi usus sit laudatior, sive an purgando medicamenta leniter purgantia prævalidis magis præstent.* 278
- VII. *Apud nonnullos Ægyptios in usu esse statim ab assumpto purgante medicamento frigidam aquam multam propinari.* 285
- VIII. *De theriaca, atque aliis compositis medicamentis, quæ in usu sunt apud Ægyptios.* 287
- IX. *Theriacæ compositio, quam singulis annis pro Turcarum Rege componunt, quam tharac faruc appellant.* 290
- X. *In quo Ægyptiorum theriacæ descriptio differat ab ea, quæ ab Andromacho Seniore olim fuit memoriæ prodita.* 294
- XI. *De aliquibus simplicibus medicamentis theriacæ compositionem ingredientibus consideratio.* 302
- XII. *Errores, quos committunt Ægyptii in componenda theriaca, atque de ipsorum theriacæ præstantia.* 307
- XIII. *De quibusdam aliis compositis medicamentis, quibus Ægyptii etiam utuntur.* 310
- XIV. *De clysteribus apud Ægyptios usitatis.* 312
- XV. *De secretis auxiliis, quorum usum ad febres Ægyptiæ frequentant.* 315

F I N I S.

PROS-



PROSPERI ALPINI DE MEDICINA ÆGYPTIORUM.

LIBER PRIMUS.

C A P. I.

De statu Ægyptiorum medicorum.

GUILANDINUS, ALPINUS.



U M hæc dies serenissima jam illuxerit, & opportune nos in hoc viridario simul concesserimus, locum secretioris hujus recessus quietissimum, opportunissimamque occasionem nacti, de medicina Ægyptiorum jam aliquid commentemur, de qua quidem prius quam agamus, à medicorum, quibus ea regio abundat, narratione principium faciemus. ALPIN. Jamjam è via huc veniendo, eminùs te in viridario ambulantem, profundeque cogitantem prospexi, & haud parum miratus sum, quòd tam diluculo è lectulo surrexeris. Neque tamen abs re credo, in viridarium descendisti, ut frigidiuscula scilicet isthac aura matutina, ac non minus istius elegantissimi tui viridarii amoenitate aliquantulum te recreares. Sed ne tuum loquendi desiderium

A

rium

rium amplius oratione mea retardem, ad principium propositi tui sermonis jamjam descendo. Sed quid obsecro me de medicis Ægyptiis dicturum arbitraris? an quia multis persuasum est ibi medicinam primas habuisse radices, plurimosque illustres viros tum in medicina, tum in aliis scientiis olim in Ægypto floruisse, iisdem etiam hac tempestate ornari regionem illam ac florere? **GUILLAND.** Quid ni omnes istud ipsum sentiant? quando usque adeo etiam ibi bruta multa animalia reperiantur, quibus ars insita curandi morbos aliquos existimetur? quemadmodum de Hippopotamo equo marino in Nilo flumine degente apud quosdam legitur. Hunc enim equum in quadam medendi parte etiam magistrum esse aliqui affirmant. Assidua namque ipse, ut ajunt, ingluvie & satietate obesus, exit in littus, recentes indagaturus arundinum cæsuras, atque ubi acutissimum earum stipitem cernit, id in corpus adigens, venam quandam sibi in crure vulnerat, atque ita profluvio sanguinis excitato morbidum aliàs corpus exonerat, mox plagam rursus limo obducit. Quamobrem sunt, qui arbitrantur, missionem sanguinis ab hujusmodi animali homines didicisse, veluti etiam à volucre quadam Ibi vocata apud Nilum quoque nascente clysteriorum usum accepisse. Quod ipsam sæpius sibi alvum exonerasse rostri aduncitate aqua per anum intromissa sæpe sit observatum. Si itaque bestias ipsas in ea orbis parte natura medicinam docuisse creditur, quid de hominibus erit ratione ac discursu præditis existimandum? Atque eo magis cum priscis iis sæculis Ægyptus plurimis doctissimis medicis semper floruerit? **ALPIN.** Hippopotamum & alia bruta animalia, de quibus ea medendi miracula prædicantur, ibi reperiri certum est: at quod ego de hominibus medicinam profitentibus hisce annis observarim, in medium nunc tibi proferam, paucisque narrabo, quæ ex his scitu digna mihi fuere visa, ac primum dico, Cayri aliisque in locis Ægypti plurimos tum viros, tum mulieres reperiri, qui publice per urbem medicinam faciunt, non tamen ullos existere, qui hanc artem aliqua ratione atque Hippocratice faciant. quando ibi nunc non literis, sed armis opera ab his populis detur: neque id quidem mirum, cum Turcarum imperio

ea gens subiecta sit. qui nullis scientiarum studiis delectantur : armis tantum, auro argentoque & veneri indulgentes. de quibus verè videtur Seneca dixisse:

Turpis libido dominatur (scilicet nunc) potens venerè,

Luxuria victrix orbis immensas opes

Jampridem avaris manibus, ut perdat, rapit.

Deest illis studiorum exercitatio, quamquam publicas scholas, five studia ipsi habeant, in quibus varia scientiarum genera docentur; Cayri studii locum Gemelharar appellant, pro quo tercenta millia aureorum anno quolibet dissipari ajunt. Siquidem ibi totius Academiae sumptus ad libros, ad victum & ad reliqua doctoribus & scholaribus necessaria quotannis aere publico supeditantur. Ex omnibus vero scientiis, atque artibus, quæ ibi docentur, ea sola pars theologica apud ipsos colitur, quæ Pseudoprophetae Mahometis leges, institutionesque pertractat. Multi siquidem, propemodumque infiniti sunt, qui honoris atque utilitatis gratia in ejusmodi scientiam incumbunt, quam qui adepti sunt in summo pretio atque honore apud Turcas, aliosque omnes habentur. Hos Cadi appellant, quasi dixerint, sacrae legis doctores, quos Turca illius regionis praefectus suos quoque judices creat, quibus autoritas concessa est, ut possint quacunque de re in jure civili, ac pontificio judicare. ob quam rem ipsi tum in summa veneratione habentur, tum maximas parant opes. In aliis vero artibus atque scientiis perpauca sunt, qui perfecti fieri studeant, omniumque minime in arte medica, quæ cum aliis omnibus ferè in locis summo dignitatis gradu sit, infimum nunc atque vilissimum tum ob gentis barbariem, tum ob eorum, qui per urbem medentur ignorantiam locum tenet. quam nisi hinc ex Europa per Venetos Consules conducti medici, curandis ibi Turcarum, Arabum, & aliarum gentium optimatibus, & quamplurimis, quos alii medici desperata salute reliquerant, ad valetudinem reductis extulissent, atque illustrassent, omnium mechanicarum artium ignobilissima apud Ægyptum jacuisset; id autem diligentia, ut dixi, nostrorum reparatur. Illi vero cum ab omnibus contemnantur, tum etiam lucrum ipsorum exiguum est. GUILAND. Cum medici illi ita

negligantur, neque multum lucri faciant, quæ occasio erit, qua ad medicinam valenter perdiscendam illi moveantur. Non est igitur mirum inter illos paucos perfectos medicos reperiri. Quod cum explicatum à te sit, nunc reliquum est præterea nihil, nisi ut susceptum de medicina Ægyptiorum sermonem claudas, ac de aliis rebus loquaris. ALPIN. Quamobrem? GUILAND. Quoniam ex indoctis medicis, quid boni, ac scitu digni ex te observatum audire possum? ALPIN. Intellego unde tu in eam deveneris sententiam. Sed hoc fortasse non est ita existimandum, quando scientia atque doctrina ignaros homines, Empirice tamen multa in arte secreta posse dignoscere, quis negabit? qualia sunt multa medendi secreta auxilia summam ob utilitatem nobilissima, apud Ægyptios priscos medicos olim inventa, hereditariè potius ab aliis præclarissimis medicis his relicta, quàm aliqua doctrina ab ipsis acquisita. Quid etenim, ut tibi de multis aliqua proferam, non ne mirum in modum laudandus esset ille mittendi sanguinis Ægyptiorum usus ex sectione multarum venarum, quæ nostris medicis minime sunt usitatae? quales sunt jugulares, narium, angulorum oculorum, frontis, post aures, politis atque aliarum multarum corporis partium. Quis etenim medicus is erit, qui nesciat, illarum venarum sectionem ad quamplurimos tollendos morbos esse utilissimam? Quid dicam de sectione arteriarum, quam ad mittendum in multis morbis sanguinem non minus tutò, quàm in venis ipsi familiarissime usurpant. Cùm Galenus interim iis sectis quasi miraculo multos sævos morbos curatos nobis scriptum pluribus in locis reliquerit. Quid de aurium, colli, occipitis, labiorum, narium, atque malleolorum scarificatione dicemus? Cum ipsi mirabili dexteritate hoc genus auxilii præstent. Et quid de suarum cucurbitularum usu ab hoc nostro planè diverso? Quidque de unctionum ratione, atque de multis aliis ferme infinitis, quibus ipsi medendo utuntur, medicis præfidiis, deque etiam quamplurimis medicamentis simplicibus, ac compositis ab his multa cum utilitate frequentatis, erit judicandum? GUILAND. Digna istæc mihi videntur, ut ab omnibus doctis medicis desiderentur; mirumque omnibus videri.

deri debet, quo pacto hi indocti homines tot, tantisque nobilibus auxiliis recte uti sciant; nullo ea discursu ac medicæ artis ratione cognoscentes. Sed quo ordine his medicis per eam regionem exercere medicinam permittitur, quando ita artis medicæ dogmatum ignari existant? ALPIN. Extat Cayri inter cæteros medicos omnes quidam Ægyptius, quem Achimbassi illi appellant: qui medicorum princeps nostrâ linguâ interpretatur. Hujus officium est, illos, qui ibi medicinam exercere velint, de illiusce artis peritia sedulò percunctari, & examinare, atque eis, qui in medendi examine recte responderint ac recte se gesserint, publica fide concedere, ut per eam regionem mederi impunè possint. Istud autem in doctorum numero asciscendi munus non datur multis, ut in multis Europæ locis fieri solet, sed uni soli tantum, illique præsertim, qui plus auri argente Præfecto Cayri, quem Bafsà appellant, hac de causa solverit. Parum etenim id curat hoc tempore Bafsà, an ille, qui Achimbassi procreandus est, sit ad illud munus rectè obeundum probè idoneus, adeo nunc apud illos omnia corrumpit avaritia; non hoc, inquam, ille curat, sed an potius aureos multos ipsis offerat. Eodem exemplo & ipse Achimbassi etiam à Præfecto perdoctus eodem avaritiæ vitio sublatus, pretium à cooptandis accipiens, omnes indistincte cum indoctos, tum doctos mederi per urbem finit. Qua facilitate numerus tum virorum, tum mulierum medentium in ea maxima urbe Cayri est ferè infinitus, cùm quisque exhibito auro possit ab Achimbassi medendi authoritatem obtinere. Horum vero, qui per eam urbem medentur alii promiscue morbos omnes curare profitentur, alii partis alicujus tantum mala. veluti sunt ocularii, qui omnes morbos ac symptomata oculos lædencia, sanant. & dentarii, atque auricularii, tantum malis dentium auriumque medentes. atque alii qui tantum intestinorum ægritudines, alii pudendorum, alii vesicæ & alii uteri curant; in quibus morbis mulieres medicæ viris præferuntur: existimant enim ægrotæ mulieres haudquaquàm posse viros sic recte uteri affectus cognoscere, ut mulieres ipsæ. Quare fit ut ægrotæ medicas potius, ut à suis morbis curentur, quàm

medicos adhibeant: sunt etiam alii qui tantum febres sanant, quorum alii omnium, & alii aliquarum tantum curationem profitentur; atque hæc obiter dicta sint de medicis Ægyptiis.

C A P. II.

Ægyptii qualem nunc medicinam exerceant.

G U I L A N D I N U S.

INTELLEXI probè omnia, verum id à te scire cupio, quid est, quod omnes medici Ægyptii Empirici existant, sectamque Empiricam sequantur. ALPIN. Ut per eos annos, quibus Cayri moram traxi, observare potui, potius methodicæ simulque empiricæ ipsos addictos judicavi, quando ad indicandam morborum curationem partium læsarum, causarum, naturæ, ætatis, virium, habitus cœlique observationem esse necessariam negent, quibusdamque medendo utantur communissimis propositionibus, quæ methediorum sectam referre videntur. Ipsi etenim affirmant omnia morborum genera, vel à caliditate, vel à frigiditate oriri, vel morborum omnium præcipuam causam in calorem præter naturam, vel frigiditatem referunt: Quoniam vero ipsi arbitrantur eorum omnium, qui Ægyptum incolunt; corpora ratione cœli, sub quo vivunt, valde calidi, ad summam vergere caloris intemperiem, ob id perfrigerantium medicamentorum usum in omnibus ferè morbis sine discrimine habent frequentissimum, illisque temerè & inconsultò medendo utuntur. Observare sedulo se putantes famosissimam, vulgarissimamque in schola medicorum illam propositionem, quæ est, contraria contrariis curari; Hincque credentes ob illiuscæ cœli summe calidam temperiem, ibi omnes ferè morbos, vel primo ab ea, quæ præternaturam est, caliditate procreari, vel saltem semper cum aliis causis præternaturalem caliditatem concurrere, ob quam causam usum refrigerantium medicamentorum maxime affectant, idque præsertim in febribus: in quibus absque ullo delectu, valde frigidis medicamentis semper utuntur,

tur, maximeque in iis, quæ ex humorum putredine oboriuntur. Quod sanè contra medicinæ dogmata ab ipsis fieri existimo. Nihil enim frigidorum remediorum usus, quantum ad febrium causas, quæ sunt obstructiones meatuum, venarum, vel aliarum partium, spectat, aliquid prodesse, & multum obesse potest, cum a frigidityte humorum cruditas, atque obstructio augeantur, maxime vero quando pituitosi succi sunt obstructionis auctores. Tales enim humores ab usu frigidorum incrudescent magis, & crassi fiunt magis, & ipsorum copia, ventriculo frigidior atque ad concoquendum ineptiore ab eisdem effecto, peraugetur. quàm vero sint illa refrigerantia medicamenta ab iis frequentata, posterius suis locis dicemus. GURLAND. Malus mihi quoque ille in medendis putridis febribus valde refrigerantium usus esse videtur, quando nemo rationalium medicorum, quorum sectam omnibus præferendam iudico, ignorat, obstructions venarum, aliarumque partium in febrientibus à multis succis, vel crassis, vel viscidis, fieri, & à multa frigidityte ipsas adaugeri. Galen. in synochis putridis febribus, ut apud ipsum in libro nono, meth. medendi legitur ea laudavit medicamenta, quæ obstructa liberandi vim haberent, absque multo tamen calore, ne calor febrilis augeatur. ob idque eligenda illa esse, quæ exiguo calore prædita, id tamen præstare possint. Hincque in tollendis obstructionibus usum oxymellitis summopere commendavit. Ægyptii vero fortassè ita frigidis in iis febribus utuntur medicamentis, quod hæc ex biliosis tenuissimisque humoribus ortum maxime ducunt, qui non attenuandi, sed incrassandi sint, ut Avicennæ asseclæ affirmant, hancque fortassè ob causam illi medici frigida medicamenta adhibent, ut ex quibus genita febris fuit, biliosi, tenuissimique humores crassiores evadant, ad facilioremque excretionem eo modo parentur. Hæc erit igitur ratio quamobrem frigidis adeo medicamentis utantur. ALPIN. Si tu corpora illorum hominum quali temperamento sint, rectè novisses, in hanc proculdubio sententiam non venisses; nam, ut suis locis dicam, omnium ferè illa loca habitantium corpora diverso constant temperamento, quòd aliquis cœli illiusce

ra-

ratione, credere posset, quando pleraque illorum corporum licet ex sui natura sanguinea existant, multa tamen pituita, etiam ex victus ratione apud ipsos usitata, abundare dignoscantur. Quamquam enim Ægyptii in ipso ortu interna viscera valde calida sub calidissimo cœlo susceperint, ex potu tamen aquarum, usuque continuo ciborum tum frigidorum, tum refrigerandi qualitate magna ex parte præditorum, quibus ferè semper utuntur, ab immoderataque venere, atque ab usu dulcium balneorum, quæ assidue frequentant, temperamentum illud calidum paulatim permutant in minus calidum, & tandem in frigidum; itaque fit, ut qui bilioso nascuntur temperamento, in sanguineum mutantur, & qui sanguineo in pituitosum. Hincque quamplurima foeminarum, mariumque corpora ibi reperiuntur pinguiissima, cum tamen cœli calidissimi ratione corpora omnia gracillima esse potius deberent. ex his igitur omnibus illorum corpora refrigerantur. Quo fit, ut omnes ejus regionis accolæ stomachum valde frigidum contraxerint, licet ipsi corporis habitu carnosum, bonique succi, constare etiam observentur. Hujus autem facito ex me conjecturam, qui prius quàm Ægyptum adiissem, cum gracillimo corpore summeque calido essem, ibi ex assiduo aquæ potu, cui ob illos vehementes calores continuè indulgendum erat, carnosum effeci corpus & pingue. quo tempore stomachus adeo erat ad frigiditatem conversus, ut ejus concoctrix facultas ad concoquendum imbecillior effecta sæpe videretur, quam ob causam sæpe acidis cruditatibus vexabar. Quod si mihi id acciderat, homini medico, & in temperata regione genito, quid de Ægyptiis ipsis existimandum, qui non solum aquam pro potu affectant, sed omnes frigidos cibos, quique immodicæ veneri dant operam usumque dulcium balneorum frequentant? quæ omnia refrigerandi facultatem habent; nisi illos crudis multis humoribus abundare? Quod confirmare videntur assiduæ ventriculi cruditates, in quas ipsorum quamplurimi incidunt, frequentissimi-que articulorum dolores, qui continue sparsim per urbem vagantur, ac mulieres, Eunuchos, & omnes absque discrimine invadunt ac affligunt. Ex his igitur colligo Cayri rarissimas
fe-

febres ab exquisito humore bilioso gigni, plerasque verò à crudo ac pituitofo excrementorum genere; ideo arbitror usum refrigerantium mendicamentorum iis febribus non rectè convenire, ob illorum humorum, à quibus generantur, tenuiorem substantiam, ut Arabes medici volunt, crassefaciendam, quando eos potius crassiori substantia constare quàm tenui ex nuper allatis optime pateat. Non erit itaque frigidorum medicamentorum usus in febribus putridis ibi vagantibus omnino tutus, sed sæpe iis noxius. Illi igitur medici quod ad febres compescendas attinet, probandi quidem essent, scilicet, ut illum febris socium calorem extinguant, pessime vero faciunt quòd febrium causas minime auferant. Ac potius ipsos dixerim medicinæ adulatores, quando solum ægrotantium, caloribus, doloribus, siti, occurrere, symptomataque solum demulcere studeant. perfectam vero curationem, quæ Galeno docente in lib. 9. meth. med. à causis exorditur, negligant. Accidit tamen aliquando, ubi febres vehementiores affligunt, in caloribusque heceticis, ut rectè frigidorum medicamentorum usus administratus videatur. GUILAND. Mendosam satis illos possidere in mendo artem methodicam ex his à te narratis intellexi, quam etiam empiricam esse facile perspicitur, quod ea quæ in hac arte noverunt, potius hæreditarie à majoribus tradita acceperint, atque in ipsorum memoria remanserint, quàm ullo discursu, vel ratione fuerint ab ipsis cognita.

C A P. III.

Quamobrem hoc tempore Ægyptii artem medicam habeant vitiosam.

A L P I N U S.

DIXIMUS Ægyptios medicos nostro hoc ævo non exercere rationalem, vel dogmaticam medendi viam, sed vitiatam, ac multis mendis plenam. GUILAND. Quonam modo est ibi vitium istud in medicina contractum? ALPIN. Scito hoc

B

tem-

tempore medicos illos finem habere non sanitatem ægrotantium, quem veri medici semper intuentur scopum, sed ut gratiam atque obsequium hominum comparent; ita ut nunc ibi locum habeat illa sententia:

Obsequium amicos, veritas odium parit.

Hos medicos Gal. adulatores appellat, cum haudquaquàm id ipsis sit cordi, quemadmodum ægrotis recte, ac tuto medeatur, sed potius quomodo eorundem delitiis inserviant. Respicit itaque ipforum medendi methodus ægrotorum gratiam, atque obsequium. & ob hanc causam victum ægrotis gratum instituunt, omnibusque febricitantibus, ac sitientibus permittunt, ut quantum volunt, aquæ potu se expleant, fructusque in victu quoslibet ab ægrotis expetitos non negant, affirmantes, nihil à natura appetitum posse ægros offendere, quando naturam ipsam tutius, ac prudentius ad corporis tutelam moveri, quàm medicos, affirmandum sit. proinde multi ægrotis febrientibus non verentur in victu concedere angurias, cucumeres, cucurbitas, melones, ficus, atque alios quoscumque ibi habere possunt fructus, & ut uno verbo dicam, omnia concedunt ægrotis, quæ grata illis esse cognoscunt. De medicamentis itidem hoc idem observant, ut tantum illa medicamenta ad sanitatem parandam adhibeant, quæ ab ægris non abhorrentur, eaque tum qualitate, tum copia seligunt, quæ nullo pacto corpora ægrotantium agitare possint: ob idque maxime in communi sunt usu, ad quoscumque propulsandos morbos, hujusmodi medicamenta, manna scilicet, cassia, tamarindi, syrupus de granatis solutivus, atque rosatus; non exceduntque mannæ, cassiæ, tamarindorum unciam, sæpissimeque ægrotis hæc offerunt, alii singulis, alii alternis, & alii pluribus diebus offerentes; pluribus etenim vicibus eam purgationem præstant, quod nos unica vice facere consuescimus. Ex purgantibus utuntur, myrobalanis, Rhabbarbo, agarico, senna, atque aliis hujusce generis multis, quorum dragmam in singulos haustus non excedunt; hicque modus purgandi inter plerosque civium ac nobilium exercetur, atque in hoc se rectè gerere videntur, dum cavent à validioribus, scamoneatisque pharmacis, in iis pur-

purgandis corporibus. Sunt tamen alii qui rusticis medentur, cum iis vero prævalidioribus purgationibus agunt, sed, ut dixi, non nisi in rusticis. Mirumque non erit hosce medicos his medicamentis potius lenientibus, quàm purgantibus utentes, tardissime ægros sanare; id autem ea causa faciunt, ne purganda corpora nimium ab iis agitentur, atque perturbentur: ob quam causam plerique clysteribus medentur, potius quàm medicamentis per os assumptis, ut quàm minime corpora agitent. In materia quoque chirurgica eodem modo ægrotorum obsequia sequuntur, hincque multum sanguinis omnibus detrahunt, quod omnes missione sanguinis lætentur; id vero sæpe in multis, etiam à cibo, ut multis obsequantur, qui ajunt jejuno stomacho ægrotis non conducere id auxilium, quod nimium vires absumat. Et in omnibus denique medicamentis eodem semper spectant, ut quàm maxime ægris obsequantur. GUILAND. Adulatores medicos non solum Ægyptus habet, sed non minus multa Italiæ loca, in quibus multi ignari homines eos optimis quibusque medicis ea causa præferunt, quòd obsequantur sibi, idque tantam vim ad capiendos ægrotorum animos habet, ut plurimi sæpe ab ignaris atque adulatoribus medicis usque ferè ad exitium perducti, neque tam grandes illorum in medendo errores agnoscant, neque si etiam agnoscant, ab his discedere velint. Sed quamobrem medici illi olim præstantissimi ad medendi modum hunc vitiatum accesserunt? ALPIN. Hic corruptus medendi modus non à priscorum illorum medicorum ignorantia principium duxit, sed ut ex Ægyptiis historiarum peritis audivi, à barbara priscorum Ægypto imperantium tyrannide; tempore enim quo Mamaluchi illiusce regionis obtinebant imperium, omnia ea loca medicis doctissimis florebant, qui dogmatice summaque cum ratione medicinam faciebant, sed tanta erat ea in dominis barbaries, ut optimi illi doctissimique medici, vel rebus bene gestis sæpe lucri loco ab iis contumeliis afficerentur. Barbara etenim ea progenies, quæ moribus bestiis erat simillima, quòd originem duxerit è Tartaris rusticisque, rectam ac rationalem medendi methodum non admittebat. Illorum aliquis dolore aliquo correptus non secùs quàm

furens bestia subitò ut sanaretur imperabat, quod cum non semper ita citò eveniret, pessime miseros eos medicos tractabat. Idem observabatur in illos qui sitientibus ipsis plurimam crudam aquam in potu negabant, vel à calore febrili valde detentis frigida balnea prohibebant, in quibus immergi volebant, & iis multum refrigerari. si tormina ab assumpto aliquo pharmaco sentiebant, vel multum eo purgarentur; vel fastidiose vomerent, in medicos jurgia, & contumelias, miseros Ægyptios! qui fato quodam semper Tyrannis subiecti fuerunt. Illi itaque optimi medici rectè medicinam exercentes indigne has contumelias ferentes, modum sanè perquàm facilem in medendo invenerunt, quo barbaris iis hominibus satisfacerent, atque perpeffas injustè objurgationes ac contumelias vindicarent, ac de illorum tyrannide in ipsos exercita hoc modo pœnas fumerent.

GUILAND. Piget me tantorum medicorum injuriarum, sed mirum non erat, eos ita à barbara ac ferina ea gente contumeliose pati, quando virtuti vitium, & sapientiæ ignorantia opponatur. Ab illorum enim barbaro dominio illis sæculis non solum medicinam, sed etiam omnes alias scientias ab Ægypto in alias orbis partes commigrasse existimo, atque ideo nunc Turcarum loca studiis scientiarum omnino vacare. Sed perge modum enarrare, quo ad fugiendas & ulciscendas illorum contumelias usi fuerunt. Siquidem haud parum esse judico, homines illos in tanta calamitate positos, viam invenisse, qua id periculi effugere potuerint. **ALPIN.** Tunc hac ratione mederi eis cœperunt, hæcque fuit ab his indagata methodus; Namque eis ægroto curando proposito, primò, quo ille morbo, vel miti vel magno vexaretur, atque quibus symptomatis corripere-
retur, eaque mitiane an magna essent, scire operam dabant: quibus rectè perspectis ac cognitis, omnes curationis indicationes præcipue considerabant, hinc morbos tantum atque symptomata respiciebant, causis omnino neglectis, vel levissime cognitis. morbo enim, si symptomatibus iis vehementibus careret, contrariis mederi omni ratione studebant, veluti exempli gratiâ, febre vexato, absque multis gravioribus symptomatibus, victum primo frigidorum atque humidorum instituebant,
quem

quem penitus morbum extirpare, iis ignaris bestiis facile suadebant, proinde omnes fructus, qui humidi essent ac frigidi eis collaudabant, ut sunt anguriæ, cucurbitæ, cucumeres, poma, & ex oleribus beta, malva, bammia, colocassia, lactuca, endivia, fucus atque alia hujusmodi temperamenti ac facultatis multa. Pro potu frigidissimam quamcunque aquam, largissimeque ad ægrotantium libitum, concedebant. In materia vero chirurgica in quacumque febre, quod omnes illos barbaros ad largam sanguinis evacuationem inclinatos admodum cognoscerent, multum sanguinis detrahebant. Et ex medicamentis alterantibus ea laudabant, quæ refrigerarent, atque humectarent, atque de purgantibus, evacuationem per epicrasim, lenientibus medicamentis, à quibus nihil Barbarorum corpora turbarentur, moliebantur. Febris vero omnia symptomata demulcere vel omnino abigere studebant, calori enim æstuoso interne frigidis aquis, vel syrupis, vel decoctis, vel fructibus, & frigidis epithematibus occurrere, conabantur, sitientibus quantum vellent ægrotis aquæ permittentes, in appetentiis, quoscumque cibos ab ægrotis expetitos concedentes, vigiliis, valide somnum provocantibus, qualia sunt opiata omnia, obsistebant, dolores vehementes tollebant, iis medicamentis quæ insigni frigiditate partium sensum adimunt, qualia sunt stupefacientia à nostris appellata, atque sic in singulis aliis febrium symptomatibus facere cœperunt: hicque fuit modus curandi quo ægrotos blandè curare se ajebant, eosque medici illi suo gladio jugulabant, verique inde facti sunt medicinæ adultores, ut illorum tam importunam effugerent tyrannidem, atque miseriam, quando ægroti obsequii vi arbitrarentur rectè à medicis illis tractari. Ortusque est malus is medendi modus ab Ægypto imperantium tyrannide, quem postea omnes alii qui consequuti sunt medici rectè observarunt, mortuisque doctissimis iis medicis, simulque cum iis hujus artis doctrina, postea paucissimi reperti fuerunt literarum studiis dediti; siquidem dominorum ob barbariem literarum professoribus inimicam, academiam, ac studendi commoditates defecerunt, eaque causa studentium etiam numerus defecit, omnino præsertimque in philosophia &

medicina, indeque Ægyptus experts scientiarum, literarum professorumque tunc facta est. Deindeque ille medendi modus, jam multis ætatibus ibi frequentatus, ac per illas urbes receptus, aliis omnibus medicis, qui postea fuere, communicatus fuit, neque difficulter ab iis perdiscebatur, cum pauca quædam tenenda essent. Hic igitur modus medendi, quem illi homines affecuti ibi optimi medici existimantur, tale principium habuisse, à multis dicitur. In eo vero sicuti multa corrupta, atque arte Hippocratica indigna observantur, sic multa etiam veram præclarissimorum medicorum antiquitatem redolentia reperiuntur, quæ digna sunt ob egregiam quam præstant in medicina utilitatem, ut ab omnibus doctissimis medicis audiantur, atque perdiscantur. In qua vero parte medicinæ istæc eluceant, nuper dictum est, & inferius qualia particulatim existant, suis locis dicemus. Sed priusquam ad ea accedamus, multa prius erunt cognoscenda quæ ad maiorem clarioremque dicendorum cognitionem facere videntur, atque in primis, ne tempus frustra conteramus, considerandam tibi viro doctissimo eam propositionem propono, quam illi medici mordicus observare medendo creduntur, quæ est, contraria contrariis curari. Quam propositionem vel mulieres ipsæ medicinæ & rerum omnium ignaræ perbelle ibi se putant observare.

C A P. IV.

Apud Ægyptios medicos medicam illam propositionem usurpari, quæ est, contraria contrariis curari, atque an ipsi eam rectè observent.

G U I L A N D I N U S.

CUM Ægyptii in medendo utantur ea propositione, quæ est, contraria contrariis curari, videntur hac in re non omnino carere rationali medicina, quando ea quoque omnes rationales medici ægrotis medeantur, morbos curantes iis medicamentis, quæ eis sunt contraria. ut Gal. in lib. 11. meth. cap.

cap. 12. testatum reliquit. Quamobrem & illos, qui posito hoc principio medicinam ibi faciunt, ob id inter rationales medicos esse recensendos, aliquis assereret. ALPIN. Huic medicæ propositioni non modo ejus loci medicos inniti, sed ipsas etiam mulieres, certum est; quinimo Cayri si volueris tertianam notham febrem, agrimonio, apio, vel petroselino, vel chamedrio, vel aliis curare, ut obstructions, à quibus oritur, atque fovetur ea febris, auferantur, non modo medici, sed mulieres inclamabunt non esse id faciendum, quando febris, quæ calidissima est intemperies, solis refrigerantibus remediis curari debeat, quibus medicamentis calida intemperie præditis potius febris augeretur, nedum tolli posset. hanc igitur ob causam ea vituperant, atque suspecta habent, quæ superius aperientia narravi: quæ licet morbo similia videantur, tamen ejus causis contraria existunt, quibus sublatis febris tollitur, iisdemque perseverantibus nunquam febres illæ finiuntur, idcirco dicenda sunt illa eadem medicamenta per hunc modum morbo contraria. Neque tamen eo quòd medendo utantur ea quam dixi communitate, rationales appellandi sunt medici. Tibi enim doctissimo viro notissimum est, methodicos tantum appellatos medicos, usos fuisse iis communitatibus, qui neque locum patientem ad curationis indicationem aliquid prodesse autumarunt, neque causam, neque ætatem, neque tempus, neque cælum, neque virium robur, neque ægrotantis habitum, neque temperamentum, sed à solius affectus indicatione remedii indicatione sumpta, ea communitate febrem, exempli gratiâ, nuper in medium propositam curant. Sed errant in cognoscendis morbo contrariis remediis. Namque putridæ febres quæ ab obstructionibus genitæ sunt & foveantur, ut rectè curentur, debemus uti iis quæ tum morbo, tum causis sint contraria, qualia sunt quæ refrigerant, humectant, aperiunt, atque abstergunt, quibus sanè si obstructions cedant, febris proculdubio tollitur, iisdem vero ob humorum lentorem & crassitiem curationi obstantibus, atque non cedentibus, contraria valentiora prioribus requiruntur, scilicet quæ majorem vim habeant obstructa aperiendi, ut propterea quod omnia valenter aperientia calida sint,

ad

ad calida fit deveniendum: ubi vero causæ februm putridarum haud admodum curatu sunt difficiles, sufficient ea quæ tantum sunt morbo contraria, quæ simul aperiendi vim habeant, & ubi causæ non facile cedunt, morbo similibus, quoad caliditatem, & causis contrariis, quoad aperiendi facultatem uti debemus. At in febribus quæ causis conjunctis vacant, ut sunt hæcticæ ab ephemeris, vel putridis febribus genitæ, medici solis morbo contrariis uti debent: ambobus vero tum causa tum morbo curationem indicantibus, nos remedia sequimur, quæ ambobus sunt opposita. hincque cichoreacea omnibus putridis febribus convenientia auxilia judicantur, quia tum feberi, ea qua prædita sunt frigiditate, resistunt, tum causæ, ob eam quam adepta sunt obstructa aperiendi, facultatem. Si vero morbus mitis, ac non vehemens ingruat, iis quæ causæ contraria sunt magis quàm morbo uti oportet, quemadmodum in morbo, tum vehemente, tum magno, medicamenta debent magis morbo esse contraria. Hincque Galenus prudentissime docuit in lib. meth. med. si multa simul curationem indicent, ei medicos attendere oportere, quod magis urget, aliis tamen non neglectis. Ægyptii vero secus in curandis morbis agunt, semper à morbo sumpta curationis indicatione, utuntur iis, quæ morbo contraria esse arbitrantur, morbi causis omnino neglectis, proindeque in omnibus febribus nullo discrimine frequentissimum habent medicamentorum valde refrigerantium usum, quòd ipsa morbo validissime obsistere arbitrentur. In putridisque decipiuntur, pessimeque, ut arbitror, se gerunt, valde frigidis utentes, quia frigiditate intensâ obstructa augentur, & cruditas humorum crudorum fovetur. GUILAND. Mirari nos non decet, si ii medici etiam ea communitate, quæ est, contrariorum contraria esse remedia, pessime, ac vitiose nunc mendendo utantur, cum ferè omnia alia, quæ à priscis doctissimis illis medicis in ipsorum memoria relicta fuere, corruptè ac pessimè nunc etiam sequantur. Neque etiam mirum ipsos ad frigidorum usum ita præcipites ferri, quoniam omnes ob cœli caliditatem sibi ipsis in animam induxerunt, à calidis esse cavendum, ne calida corpora calidorum usu oblædantur; quod

& apud Genuenses quoque observari licet, ii enim biliosa corpora nacti, ita calidorum usum effugiunt, ut ad contraria potius, ad frigida scilicet, non secus quàm Ægyptii deflectant. secus verò apud Germanos, Boemos, Polonos, Anglos, Flandros, Gallos, atque alios sub frigido cælo viventes, fieri consuevit; Namque illi tantum à frigidis metuentes, in calidorum usum nimium labuntur. aromatum etenim usu, atque generosissimorum vinorum, calidorumque non minus medicamentorum sibi ipsis hepar, sanguinemque comburunt. ALPIN. Verum profectò dicis, sed de his satis, nunc ad alia transeundum.

C A P. V.

Quæ præsciri debeant, priusquàm ad particularem de medicina Ægyptiorum narrationem accedatur.

G U I L A N D I N U S.

Q UÆ nam isthæc erunt, quæ nunc explicanda statuisti, aliquane præcipua & propria illorum præsidia, quibus ad curandos morbos utuntur? ALPIN. Nondum eò pervenimus, ut possimus de iis nunc agere; etenim multa supersunt audienda, priusquam ad illorum narrationem deveniatur. GUILAND. Quænam igitur isthæc, inquam, existunt? ALPIN. Multa, quippè Ægypti situs, illius temperies cœli, anni tempora, ipsorumque naturæ, & aëris mutationes ex Nili fluminis incremento, Ægyptiorumque corporum habitus, temperamentaque, victus, morbi ibi nascentes, ipsorumque causæ, atque alia, quæ ad medicinam illorum rectè noscendam facere videntur. GUILAND. Quamobrem hæc? ALPIN. Quoniam cum eorum, quibus ad curandos humani corporis affectus illiusce regionis homines utuntur non simplicem historiam tibi sim proditurus, sed unà cum ea rerum illarum laudem atque vitium, ut ex horum lectione medicinæ studiosi iis quæ illi in medicina facienda maxime sequuntur, tuto, & ex artis præceptis uti sciant, & ad morborum instituendam curationem, ab illis quæ vitio-

C

se,

fe, minimeque ex artis ratione sunt apud ipsos usitata præsidia cavere queant. **GUILAND.** Laudo hunc tuum loquendi ordinem, quando præter eorum, quibus Ægyptii utuntur in mendendo, utilem notitiam, ista, quæ prius exponenda proponis non minorem, cognita, nobis afferent, & voluptatem, & utilitatem. Perge itaque quod vis enarrare, nulla interposita mora, ne hæc dies sine longa linea nobis abeat. quando multa supersunt dicenda, quibus hujus diei reliquum posse sufficere vix credo.

C A P. VI.

De Ægypti situ atque illius aëris temperie.

A L P I N U S.

ÆGYPTI regio posita est inter Æthiopiam, Arabiam, & Marmaricam, quæ nunc Barbaria dicitur, atque mare mediterraneum, habet enim à meridie Æthiopiam, à Septentrione mare mediterraneum, veluti ab ortu Arabiam, rubrumque mare spectat atque ab occasu Marmaricam. Cayrus, olim Babylon, vel Babulis, nunc primaria Ægypti civitas, ab æquatore triginta gradibus distat, & longitudo ejus est, graduum circiter sexaginta. sex tantum gradibus cum dimidio hanc civitatem ad tropicum Cancræ accedere Ptolemæus testatur. maximæque dies ibi est quatuordecim horarum, & minima decem. Civitas hæc ad radices montium Arabiæ Petreæ ab Oriente posita est, Septentrionalibus omnibus ventis exposta, nullo monte ab ea maris parte contacta, tota meridionalis pars fabulosa est. à quibus omnibus ejus aër ad frigidum & calidum alteratur. Ab Orientalibus vero atque Occidentalibus parvam suscipit ille aër alterationem. Cum itaque hæc regio prope tropicum sit, mirum non est, si Sole multum calefiat, præsertimque æstate, quo tempore Sol radiis ibi terram rectius ferit, copiamque radiorum vel luminis, majorem ejus terræ accolis demittit. Quem calorem ibi multum esse, ac vehementem eos populos quandoque

que perpeti, ostendunt multa ab ipsis refrigerationis causâ inventa, atque usitata. Eos enim in primis terrena habitare ædium loca apud omnes ob calorem noxium manifestum est, non minusque in quaque domo frigidarum aquarum in medio ædium positi fontes, eos frigiditate oblectari, significant. His etenim aquarum fontibus per totam æstatem ipsum domorum aërem refrigerant, propè etiam illos omnes ferè dormiunt. Amplius, civitas hæc altissimis est fabricata ædibus, quæ supra vias usque adeo latissimis expanduntur tegumentis, ut viarum totum penè cœlum ex superiori parte occupent, obstruantque, ne Sol (quando omnibus horis umbræ vias detinent, atque obtegunt) noxam inferat viatoribus. Vastissimis etiam fistulis, quæ maximis tubis sunt similes, intra omnes domos positæ ad frigidum excipiendum aërem utuntur. Hæ ex mediis domibus meatu decem cubitorum latitudinis ferè exurgunt, per mediumque rectissime sursum feruntur in aërem, perviæque multo latiori ore instar campanæ expanso, ad summa vestigia desinunt atque pertingunt, quo ore Septentrionem versus aperto, frigidam auram spirantem excipiunt, infernisque ipsum ædium terrenis locis demittunt. & hoc pacto cujusque ædis inferna, terrenaque loca refrigerantur. Victus frigidorum ciborum, potuumque apud omnes nimium observatus, eam regionem immodico aëris calori expositam proculdubio confirmat. GUILAND. Istæc certè omnia summe calidam aëris illius temperiem coarguunt, nihilominus calorem æstatis tempore ibi talem esse audiui, quem facile quisque perferre possit. Temperari enim calores illiusce temporis à Nili fluminis incremento per id temporis celebrato, atque ab assidua Septentrionalium ventorum spiratione, à multis proditum est. ALPIN. Ni Deus his duabus causis ambientis illius aëris æstivos calores minuisset, haudquaquam fieri posset, ut animalia ibi viverent. Tanta est Dei Optimi Maximi providentia, ut in locis sub cœlo calidissimo vi radiorum solis inflammatis, sit aliquid quo refrigerentur, sicut in frigidissimis regionibus omni ferè calore destitutis, ut aliquid habeatur, quo ea loca incalescant. Eaque causa in locis Septentrionalibus, sub frigidissimo cœlo pretiosissimæ ac

copiosissimæ pelles reperiuntur, & lignorum comburendorum copia, quibus se à vehementissimis illis frigoribus homines defendant. Aër itaque æstate proximis radiis solaribus rectius terram ferientibus valde accensus, ab aucta Nili fluminis aqua, Septentrionaliumque ventorum spiratione assidua obtunditur, ac multum moderatur; ex prædominio vero ipse est calidus & ficcus, inæqualis, valdeque inconstans, substantia tenuissimus, maximeque in locis à mare remotis, ut Cayrum, aliæque civitates & loca supra ripas Nili posita. Hic aër hyeme aliquando insigniter frigidus apparet, & aliquando calidissimus, ob ficitatem immodicam aëris (ibi etenim rarissime pluit.) quæ ut rerum naturæ non ignari sciunt, utramque activarum qualitatum acuit, veluti hæ ab humiditate hebetantur. Quam ob causam ob tenuitatem substantiæ, hyemalis aër frigidior, quàm revera sit, ab his populis experitur, quoniam is ob partium etiam tenuitatem corpora penitissime penetrat; frigidamque qualitatem introducit, lædensque sensibiles partes, majoris est causa sensus, quàm sit ipsa vis frigoris, maximeque ex omnibus corporis partibus caput ab aëris ejus loci frigiditate obleditur, multoque magis, quòd antea calido aëre calfactum, meatus valde apertos habuerit, per quos facilius frigidum aërem suscipit, a quo postea facile offenditur. Hincque nullum est genus morbi ex capitis distillatione obortum, quod illi populi non patiantur. Dominatur autem aër summe calidus, ipsius cœli, ut dictum est, ratione: quod hæc civitas à tropico cancri tantum sex gradibus distet. Qua brevi intercapedine, dum Sol ad illum accedit tropicum, & illorum Zenith fit propinquior, aër ille valde incalescit, & nisi Etesiæ venti tunc à Septentrione spirarent, vehementissimus & qui vix à nostris perferri posset, caloris æstus sentiretur. Hyeme etiam nocturnus aër admodum frigidus observatur, qui ab orto Sole paulo post parum incalescit, in meridieque plurimum; adveniente vero nocte rursum in frigidum permutatur, ita, ut aër ille valde inæqualis sit dicendus, ab ipsiusque illa inæqualitate plurimi morbi originem ducunt, atque generantur, qui eo temporis per urbem vagantur. GUILAND. Cupio etiam ejusdem aëris temperiem pro an-

ni temporum ratione à te explicari. Quam ob causam te in primis de anni temporibus, quæ in usu apud eam nationem existunt, atque de ipsorum temperie, loqui optimum fore arbitror. ALPIN. Libenter de his nunc sermonem instituem.

C A P. VII.

De anni temporibus apud Ægyptios usitatis, atque de ipsorum temperie.

A L P I N U S.

DIVIDAM annum apud Ægyptios usitatum ac observatum in quatuor, ut nostri etiam faciunt, partes, sed secus quàm illi; ac primùm à Vere incipiam. Quod anni tempus ibi duobus mensibus temperatum, observatur, Januario quippe & Februario. Incipitque Orione & Canicula orientibus, & definit ad occasum Arcturi, quo tempore æstas incipit, & definit usque ad nocturnum Trianguli ortum: Quæ quidem æstas duplex singulis annis observatur, quarum prima est inæqualissima ac summè inconstans vehementissimo cum caloris æstu, quæ maxime corpora offendit, præsertimque advenarum ejusce cœli qualitati minime assueta: id igitur anni tempus, ut nuperime etiam dictum est, principium facit. Arcturo Occidente, scilicet in initio mensis Martii, protenditurque ferè usque ad tropicum cancri, tribus, scilicet comprehensum mensibus, quippe Martio, Aprile, Majo. Altera æstas, quam secundam partem æstatis appellamus, priori statim succedit, nam ipsa incipit Sole signum cancri ingrediente, terminumque habet propè finem mensis Augusti. Hæcque æstas priori æqualior, constantior, minusque æstuosa, atque minus sentitur noxia corporibus. Autumnus habet alios duos menses, scilicet Septembrem atque Octobrem. Hyems vero orientibus Pleiadibus, scilicet incipiente mense Novembri, incipit, atque ad Januarium mensem usque protenditur. Hoc itaque modo annum Ægyptiorum dividi oportere judico, ut quatuor diversis aëris natu-

ris quatuor anni tempora rectè respondeant. Ver Januario, atque Februario ibi observari, non est mirum, cum ejusce temporis temperamentum mediocre ac temperatum in aëre percipiatur. Id ipsumque etiam tempus veris, inquam, indicant arbores, quæ per eos menses ibi germinant, & frondescere incipiunt, terraque illa virentibus herbis, stirpibus, floribusque amœnissima redditur. His autem exactis mensibus primam æstatem, vel primam æstatis partem animantibus valde pro ejus inconstantia, multumque inæquali caloris, & frigoris statu, noxiam sentiunt. Atque hæc prima æstatis pars inconstanter mensibus Martio, Aprili, Majo, observatur. GUILAND. A quibusnam causis hæc prima æstatis pars inconstantissima, æstuosissima, atque inæqualissima fit? Memini etenim ego dum Cayri olim moram facerem, iis utique tribus mensibus me ventos calidissimos, molestissimosque sentiisse, cum arenarum inflammatarum magna copia, qua aër ita obscurabatur, ut Sol neutiquam videri posset. Illoque etiam tempore quamplurimos vagasse epidemicos, atque lethales morbos, maximeque oculorum lippitudines, quas Græci Ophthalmias appellant. Quam ob causam arbitror hujus prioris æstatis partis causam esse ventos illos summe calidos, atque ardentes, à Meridie, locisque arenosis inflammatis perflantes; Hosque ventos Campsim appellabant, quasi dicerent ventos diebus quinquaginta perflantes; id vero tuis proximis verbis adversatur, qui dixeris istam æstatis partem non tantum diebus iis, sed tribus perpetuis mensibus durare. ALPIN. Euri Austrique venti, ut tu rectè dixisti, à meridie loca arenosa, summoque calore inflammata transeuntes atque in Ægyptum spirantes, tantum caloris æstus, pulverumque & inflammatarum arenarum evehunt, ut ignitas flammæ, necnon pulveribus obscurissimas, nubes eo asportasse videantur. Pulvis illa vel arena copiosa ventis tum asportata, tum ex solo Ægypti ventis arrepta, atque per aërem agitata, non minus quàm aër suo calore, corpora lædit, atque offendit, oculosque maxime, quos mordet & inflamat. Hincque epidemias plurimas & ophthalmias, quæ tunc temporis per illam urbem vagantur, originem habere dicerem. Hi
venti

venti interrupte ac inconstanter, quandoque tribus, & quandoque quinque, & aliquando etiam septem atque novem diebus (quamquam rarissimo contingat) spirant. Ipsosque Charonios vocare possumus, quod quasi à Charonte procedant, semper plurimos lethales morbos iis populis asportantes. Quo tempore multas pestíferas febres, atque phrenitides, homines non diebus, sed horis paucis perdentes, sævissimasque quamplurimas ophtalmias ibi vagari observavi. Corpora omnia ita ab his languida redduntur, ut ferè cibos abhorrere videantur, inextinguibilique siti continue ardeant. Pro qua siti arcenda flumen Nilum eis Deus largitus est, cujus aqua præjucundissima omnia refrigerantur, atque humectantur. Advenæ nostri iis perflantibus ventis ad subterranea loca confugiunt, in quibus morantur, quousque ille ventorum ardor resederit, atque cessaverit. Conjunxit hæc incommoda Deus Optimus, cum aliis quibusdam bonis, nam ubi calidissimi ii venti conticuere, statim à Septentrione flare alii incipiunt, qui subitaneum inflammationis, atque laxatis corporibus solatium præstant. Si enim illi diu perseverarent, nemo in ea regione vivere posset. Quod autem ad primam æstatis partem attinet, quam trium mensium esse affirmarim, & ad ventos, quos Ægyptii vocent Campsim, quod nomen numerum explicat quinquagenarium, scito circa illius quinquagenarii numeri explicationem multos multa locutos fuisse. Aliqui etenim illos ventos Campsim appellant, quoniam ipsi interruptè diebus quinquaginta spirare soleant. Atque aliqui eo nomine quinquaginta eos nuncupant, quod illorum ventorum furor ac æstuosa molestia spacio dierum quinquaginta finiatur. Et alii Campsim ob id eos dicendos affirmant, quod ut plurimum à Paschate Resurrectionis usque ad Pascha Ascensionis ipsi flare observentur, quod tempus est dierum quinquaginta. Quod tamen falsum dignoscitur, quando ego observavi sepius ante Pascha etiam Resurrectionis illorum ventorum furorem. Alii, & verius mea quidem sententia, dicunt, hos ventos Campsim vocatos fuisse ex morte Campsi multarum copiarum ducis, quem immodica arenarum copia, quæ ventis illuc asportata fuerat, cum toto exercitu in Africæ

de-

deserto suffocaverat, ut in vita Alexandri Magni legitur. Hæc æstatis pars est corporibus valde noxia, quoniam per id temporis calor interim continuò, & interim frigus in aëre percipitur. In hoc etiam anni tempore per urbem vagatur ille lethalissimus morbus, quem Demelmuia appellant, qui paucis horis homines perdit. Altera æstatis pars hanc sequitur æqualis & minus calida; esset tamen & ipsa calidissima, nisi Septentrionales venti continuè tunc spirarent, atque nisi Nili fluminis fieret incrementum, quibus aëris æstuosa caliditas paululum contemperatur. Hac æstatis parte, quæ à nobis secunda æstas vocatur, aër est multum & ipse calidus, sed æqualis constansque à principio ad finem usque, non subito sed paulatim sensimque caloris adferens mutationes; qui quò Septembri mensi vicinior, eò temperatior redditur. Ideo hoc anni tempus morbis caret, & salubre est. Omnes agricolæ tunc vitam otiosam ducunt, quoniam terra usque ad peraucti fluminis diminutionem cultui est inepta, inundatione aquæ supra ipsam non finiente. Atque tunc spectacula, ludique augescente flumine ab his celebrantur. Autumnus Septembri, Octobrique mensibus celebratur, in cuius fine cessante fluminis inundatione, triticum ferunt, quod Martio mense maturum ab ipsis evellitur, atque colligitur. Hujus temporis aër est temperatissimus, æqualis, morbis carens. Aliis sequentibus duobus mensibus frigidior fit, atque hyemalis. Raro decidunt pluviae; quod si contingat, tanquam ros est: Cayri, inquam, quandoquidem Alexandriae Pelusique, & in omnibus locis mari adjacentibus pluit largissime, & sæpe. Novembrique facilius, quam Decembri, id accidit, quòd eo mense aër sit frigidior: rarissime glacies, neque nix, neque grando ibi visitur, cum aër careat tanta frigiditate qua hæc gigni queant. Hæcque est temperies aëris locorum, qui à mare longè distant, per omnia anni tempora observata. loca mari proxima aëre utuntur minus calido, & minus sicco, ibique largissime, ut dictum est, pluere solet. GUILAND. Tuo de anni in ea regione partibus diligenti habito sermone mirum in modum sum delectatus, sed quoniam dixisti, Sole tropicum cancri ingrediente aërem ibi ex immoderate calido atque æstuoso,

so, ad minus calidum ob ventos à Septentrione spirantes, atque ob incrementum Nili fluminis mutari, id illius cœli naturæ videtur maxime contrarium, quando quis crederet, in calida regione Sole terram ad angulos rectos feriente, aërem à magis calido ad minus calidum mutari posse. Ideo cupio te de hac eademque aëris mutatione rursus clarius loqui. ALPIN. Tibi, ut soleo, semper etiam hac eadem in re satisfaciam.

C A P. VIII.

De aëris mutatione ex ventorum Septentrionalium spiratione, atque ex augmento fluminis Nili.

A L P I N U S.

VENTI, quibus ad calorem & frigus aër Ægypti, præfertimque Cayri permutatur, sunt Meridionales atque Septentrionales. Ab his etenim, ut nuper etiam dictum est, ea loca maxime incalescunt, veluti à Septentrionalibus refrigerantur. His omnibus tota illa regio est exposita, sed magis Septentrionalibus, quibus Ægyptus libere ventilatur, a Meridionalibus vero, cum inter ipsum & meridiem montes quamplurimi sint, præsertimque Lybiæ atque Æthiopiæ, non ita libere perflatur, rarò etenim ipsi perflant, atque non nisi, ut superius dictum est, in prima æstatis parte. Perflant vero à Septentrione sæpissimè in anno, sed præcipue tota æstate. Summa enim Dei sapientia Ægyptum cœli causâ valde calidum Septentrionalibus magis, quàm aliis expositum esse voluit, ut ipsorum refrigeratione aër illiusce regionis summe calidus multum refrigeraretur. Ab Orientalibus autem parum vel nihil illorum locorum aër alteratur, quoniam & rarissimi, & paucissimi existunt, quod tota ea regio montibus ab Oriente supposita sit, atque ab his contacta. Et ex his qui ab occasu spirant, non multum aër alteratur, cum hi temperati sint. Septentrionales itaque venti, qui mense Junio flare incipiunt, mirum in modum aërem refrigerant, quoniam longissimos mar-

ris tractus, priusquam illuc accedant, pertranseunt, in tam longoque itinere ipsi ab aqua maris refrigerantur. Mirari itaque non debemus, si hi venti in secunda æstate continue frigus per iter susceptum spirantes, aërem illorum refrigerant. Quam aëris ad frigus alterationem fovet etiam fluminis Nili incrementum, à peracta fluminis aqua refrigerato sive moderato caloris æstu. **GUILAND.** Quæso fluminis hujus ortum, incrementum, ejusque causas, ibi ab iis populis auditas, mihi etiam narrare, non pigeat. His etenim probè cognitis, quo pacto Ægyptiis refrigerationem conciliet, facile dignoscemus. **ALPIN.** Quamquam ego certò sciam tibi viro doctissimo hujusce fluminis incrementum, & ejus causam ex multorum scriptis esse planè cognitam, nihilominus, cum istud etiam ex me narrari volueris, operam dabo, ut tibi morem geram. Hoc flumen, omnium, ut audito, longitude maximum à divina sapientia in arenosa squalidiorique Africa factum esse creditur, ut illa mundi pars foret habitabilis. Quando summum admirandumque omnibus videatur miraculum, terram Ægypti, Sayeth, aliarumque multarum Africæ regionum loca esse fecundissima ob solam hujusce fluminis inundationem, nihil enim terræ, arena excepta, ea loca habent. Deus flumen illud iis populis largitus est, ut ea arenosa loca pingui limo fluminis aquâ asportato, fecundarentur, atque irrigarentur. Qui accuratius ejus ortum indagarunt, atque noverunt, affirmant nasci proxime brumali tropico ad radices quorundam altissimorum montium, lacum vastissimum sexcentum mille passuum circuitus, facientes, à quo flumen Gion ab his appellatum directè Septentrionem versus procedit, tandemque in mare mediterraneum descendit, ipsumque ingreditur, & ab ipso propè æquinoctium magnus rivus procedit, per mediumque totius Africæ transit ab Ortum ad Occasum procedens. Quo flumine Nigro à nostris vocato, hi populi perinde ac Ægyptii utuntur. Nilus vero, ut ad ipsum nunc redeam, terram Ægypti arenosam, ac omnino sterilem limo pinguiissimo aquæ larga inundatione obtegit, fecundissimamque ac cultui aptissimam reddit. Deusque etiam, quòd eorum locorum corpora summe calida,

&

& squalida, præmultoque cœli calore admodum sitientia essent, illis hoc flumen largitus est: cujus aquâ omnium pro usu humano optimâ epotâ, corpora ipsorum ab his aëris ardoribus defenderentur. Cayri vero, ut hujusce fluminis augmentum nunc dicam, singulis annis constantissime (cujus veram causam me ignorare fateor.) mensē Junio, die decima septima, Oriente Sole, flumen illud augeri incipit, & nunquam observatum est, ejusdem augmenti principium ab ea die, & hora consueta deflexisse; quod certè magnum naturæ arcanum omnibus videtur. Mox magis & magis perauctum, singulis aliquando diebus ad octo, vel decem, vel ad pauciorum digitorum altitudinem crescit: ad summum quatuor & viginti cubitis. Aliquando etiam, quod tamen rarissime observatum est, usque sex & viginti cubitorum altitudine perauctum fuisse, illorum memoria constat. Ipsumque decem tantum & octo cubitis auctum fat est pro agrorum inundatione facienda. Terminatur vero totum augmentum mensē Augusto, & plerumque usque ad medium Septembrem, vel ipsum augmentum usque ad istud tempus vigere observatur, loquor de aqua extra fluminis ripas aucta, quando intra ripas flumen semper decrescat usque ad Majum mensē; & ex hoc tempore inundatio decrescere incipit; continuat hoc aquæ decrementum usque ad medium Octobrem, quo tempore omnis aquæ tumor inundatioque absorpta est, terræque ob id agricolæ semina committere solent. Decrescit autem intra ripas Nilus paulatim ac paulatim ad Majum usque mensē, in quo mensē ejus aqua paucissima, & ferè stagnans cernitur. De hujus aquæ utilitate, atque de magna voluptate pro his mitigandis caloribus, postea loquemur. Verum à quibus causis arbitreris tu hujusce fluminis augmentum istud pendere? GUILAND. Ab Etesis eo tempore flantibus ventis, ut dicebat Thales philosophus, non arbitror, quando nihil in eo flumine cernatur, quod prohibeat, quin ipsum omnem aquam evomet in mare. Neque minus puto, ut Ephorus affirmabat, solum Ægyptium, quod instar spongiæ æstate expressum, aquam hyeme susceptam exudando, possit flumen istud augere: Minusque etiam, ut Euripides, atque Anaxago-

ras dixere, à liquatis Æthiopiæ nivibus id fieri posse, quod Euripides his verbis expressit, dicens:

Aqua pulchra deferens.

Fluminis Nili, quæ ex terra defluit,

Nigrorum hominum, & tunc tumefacit undas,

Quum Æthiopiæ nives liquantur.

Nives intra tropicos fieri nequaquam existimo, cum nusquam in Ægypto, cœli longè minus calidi Æthiopico, nives, aut pruinæ præ aëris caliditate visæ sint. Equidem multo veriores iudico sententiam Democriti Abderitæ, Agatarchidis, Diodori Siculi, Plinii atque Hieronymi Fracastorii, qui dixere huiusce fluminis augmentum pluviis in Æthiopia cadentibus acceptum referri, quæ ibi Sole cancri signum ingrediente fiunt largissimæ, ac copiosissimæ quadraginta usque diebus perseverantes. Quam sententiam Fracastorius his versibus memoriæ prodidit in libro de vita Joseph, dicens.

Nam septem annos qui deinde sequentur.

Infelix steriles, durosq; Ægyptus habebit;

Ipsè intra ripas demisso flumine Nilus

Curret iners supraque caput, limumque feracem

Non tollet: Sicca arebunt arva omnia, sicca

Solstitia, & nulli descendunt è montibus amnes;

Consueti pluviarum amnes sub sidere cancri

Æthiopum populis, nec hyems æstiva redibit.

Quod verissimum esse illius regionis accolæ affirmant, cum sæpe audiant ex multis ab Æthiopiæ variis locis Cayrum profectis diebus quadraginta singulis annis perpetuoque tempore ibi largissimos imbres, atque continuas è cœlo decidere, Cayrim toto ferè augmenti fluminis tempore Etesiæ, ut jam dictum est, perflantes singulis ferè diebus ab orto Sole, usque ad meridiem multas nubes nigras, crassas, pluviosas in altissimos usque Lybiæ, Æthiopiæque montes propellunt, atque asportant, in quibus montibus hæ concrecentes in pluvias vertuntur, quæ ab his in Nilum cadentes, sunt causæ ipsius augmenti. Observatur quotidie Cayri dum flumen hoc augetur, qua die multæ nubes supra Ægyptum versus Meridiem à Septentrionalibus

iis ventis asportatæ transferint, multum flumen augeri, atque ex contrario clara apparente die, nullisque nubibus in eo cælo apparentibus, parum crescere. Et hæc eos nunquam fallit observatio. ego igitur fluminis hujus augmentum ab Æthiopicis largis pluviis fieri cum illis doctissimis viris unà existimo. ALPIN. Neque immeritò, in ipsorum sententia te esse, opinor, quando ex ea nubium à te nunc narrata experientia, multis observationibus facta, ego etiam animadverterim verissimum esse assiduas, largissimasque ibi decidere pluvias, atque imbres, à quibus flumen crescit. Imbres nuper dictos in montibus Æthiopiæ fieri à quamplurimis mercatoribus, qui loca Africæ propè Nilum posita peragrarunt, sæpissime audivi. Addo majorem pluviarum copiam in montibus illis, à quorum radicibus id flumen nasci ex multorum mente, dictum est, fieri oportere, quoniam ea loca per id temporis frigidiora existunt, Sole ab ipsis quamplurimum elongato, atque excelsos montes habent, quorum juga aërem fervare admodum frigidum credendum est, quia etiam flumen, quod Nigrum appellant, non falso à multis creditum esse Nili rivum, æque ut Nilus crescere observe-
tur. Pluviæ itaque augmenti fluminis hujus causæ creduntur. Quod etsi verissimum esse arbitror, tamen duo de flumine isto tibi nunc dicenda esse judico, quorum causas naturalibus principiis posse cognosci, nullo modo fieri posse arbitror. Primumque est, flumen istud in Ægypto constantissime perpetuo tempore singulis annis mense Junio dieque decima septima, incipere augeri. Secundum est, observatio futuri hujusce incrementi: qua ad quotos cubitus flumen fit perventurum, prænoscent, nunquamque à suo judicio aberrant, neque falluntur. GUILAND. Quomodo hoc verum esse, & quo pacto ipsi augmenti hujus magnitudinem præscire queunt? ALPIN. Nilum incipere augeri perpetuo tempore mense Junio, dieque septima decima, omnibus ibi habitantibus notissimum est, sed qua causa id fiat, ego prorsus ignoro. Mense itaque Junio ante solis ad tropicum accessum, multis diebus Ægyptii terram illiusce fluminis toto integro anno adservatam, & siccata, arefactamque accipiunt, quam lance expendunt, faciuntque ut ponderum

numerus, addentes ac subtrahentes, dragmis sedulo respondeat, ut exempli gratia, terra sit trium dragmarum pondere, quam in loco sicco, undique concluso reponunt, & conservant, quotidieque librantes, ipsam observant nihil auctam, nihilque imminutam pondere esse usque ad diem decimam septimam mensis Junii, in qua die auctam ipso pondere inveniunt, ex cujus pondere multum vel parum aucto, multum vel parum flumen illud auctum iri prænoscunt, à diligenterque peraukti illiusce ponderis notitia, quotis etiam cubitibus ipsum sit augendum certò præsciunt. Hujus observationis, atque veritatis testes erunt Paulus Marianus Venetus illo tempore pro Gallorum Rege Consul clarissimus, & ex societate Jesu Rever. Baptista Elianus, & Franciscus Saxus, & Franciscus Bonus, Joannesque Varotus Anglus nobilissimus, qui in multis observationibus interfuerunt. Ex qua vero causa hæc terra pondere augeatur, non est nunc dicendi locus. GUILAND. Hæc certè duo sunt multâ admiratione digna, de quibus nisi à sermone de medicina Ægyptiorum prosequendo, atque absolvendo nunc aberrarem, quando hoc præcipuum sit nobis institutum, ac propositum, cuperem multo copiosiora, ac altiora loqui. quæ quidem in commodiorem occasionem considerata remitteremus. Sed tempus est, ut ad alia transeamus, proinde optimum fore existimo, ut tu nunc de Ægyptiorum corporum temperamenti, atque habitu loquaris, postquam ambientis illiusce aëris temperamentum probè narraisti; atque omnes quibus solet mutari, causas rectè es contemplatus. Expecto itaque ut de his sermonem instituas.

C A P. IX.

De Ægyptiorum corporum temperaturis, atque habitu.

A L P I N U S.

DA RE operam, ut Ægyptiorum corporum temperiem indagemus finitam, sive terminatam, nihil fanè aliud erit, quàm

quàm tempus frustra consumere: quod si tu mihi indicaveris Cayri tantum accolarum temperiem dicendam, non secus quàm Xanthus ab Æsopo perdoctus, illis, quibus totum mare se potaturum promiserat, dixerat, ipsum prius à fluminibus segregari oportere, responderem itidem, ut Ægyptii à cunctis aliis populis segregarentur, quod sanè difficillimum est, quando Cayri habitatores sint Ægyptii, Arabes, Æthiopes, Abissini, Indi, Persæ, Assyrii, Damasceni, Græci, Armeni, Turcæ, Tartari, Prussi, Ungari, Sclavi, Mauritani, omniumque aliarum ferè nationum. Semper hæc civitas fuit publicum ac famosissimum emporium totius orbis terrarum. Hincque apparet difficultas constituendi, atque designandi unum aliquod temperamentum, hujusce urbis accolis omnibus commune. **GUILAND.** Videtur tamen necessarium, omnes, qui eam urbem per multos annos habitarunt, ad aliquod reduci temperamentum, eodem tum cœlo, tum victu usi, quæ procul dubio nativum temperamentum mutare solent. Nam cœlum, cibus, potus, & aliæ conservatrices causæ, corpora necessariò, ut dicebat Gal. in lib. artis med. alterant, atque permutant. Audio vero ibi triplex genus hominum reperiri, Urbanos, scilicet urbem habitantes, Arabes, qui degunt sub tentoriis, atque demum Agricolas Rusticosve villarum habitatores. Non videtur igitur tam difficile eis temperamentum unum constitui, atque assignari posse. **ALPIN.** Illorum corpora, quod posterius etiam, atque ex me accuratius audies, ubi rursum ipsorum, tum temperamenta, tum habitus sumpta ex missione sanguinis occasione, cum id apud ipsos valde frequens sit, considerabo, pleraque sanguinea existunt. Certò enim affirmare possumus ipsa cœli ratione esse valde calida & sicca statuenda, cum sub calidissimo & sicco cœlo habitent. omniumque maxime rusticorum, & secundo loco, Arabum demumque Urbanorum: Quorum caliditatem & siccitatem minuunt, & permutant usus frequens, & assiduus potus aquæ, ciborumque refrigerandi facultatem habentium, atque immodicæ veneris. Quæ omnia ita possunt pro refrigerandis corporibus, ut calidissima corpora summe frigida reddere queant. Idque in me-
ipsum

ipsum facto periculo verum esse cognovi. Nusquam gentium memini me vidisse in tanto numero ita perpingues homines, quales Cayri observantur. Ex viris plurimos usque adeo pingues inspexi, ut mammās haberent longè mulierum maximis mammis majores, crassiores, ac pinguiore. Balneis etiam ibi ex dulci aqua paratis, quibus assiduo utuntur, corpora illorum maxime refrigerantur, ex his itaque colligo, pleraque illorum corpora sanguineo, vel pituitoso temperamento constare. præfertimque mulierum atque Eunuchorum. Ex corporis partibus præcipuis hepar calidum & humidum plerique obtinent, atque temperatum, quare multo sanguine abundant. Stomachum vero frigidum, multaque pituita refertum. atque hoc tum ex cœlo, tum ex victu, nam ab ambiente summe calido quemadmodum hepar peradmodum incalescit, ita stomachus frigeat, dicebat enim non immerito Divinus Hippoc. *hyeme ventres esse calidissimos, & æstate frigidissimos.* Quare ex aëris multa caliditate, naturali corporis calore, tum extra ad extimas corporis partes evocato, tum exoluto, stomachus frigidior redditur. ex usu vero victus refrigerantis quis dubitat corpora ad frigidum mutari? Habitus illorum est, vel moderate carnosus & pinguis, vel valdè pinguis. loquor de urbanis, quando Arabes habeant corpora graciliora, atque minus pingua; Omniumque maxime rusticorum, quorum corpora tum gracillima, hirsuta, squalida, & ferè combusta à Sole conspiciuntur. GUILAND. Ex cœlo, cujus nunc qualitatem perfectè ex te percepi, possum illorum corporum temperamenta, qualia tu constituisti confirmare, sed ex victu, quem hætenus non intellexi, nequaquam. proinde cupio ceteris in aliam occasionem reiectis, ut tu victum illorum mihi enarres, quo non solum ea, quæ de ipsorum corporum temperamentis tu in medium attulisti laudare possim, sed multo plus etiam quibus morbis ob hanc rationem ipsa sint obnoxia, dignoscam. ALPIN. Verum dicis: At non minus ex cognito ipsorum victu, longævæ illiusce gentis rationem speculari poteris, quando præcipuam illorum longævitatatis causam in ipsorum vivendi modo consistere, ego existimem. Victum itaque quem ipsi affectant, tibi detegere operam nunc dabo.

C A P. X.

Quali victu Ægypti habitatores nunc utantur.

A L P I N U S.

ÆGYP TII tenui, admodumque sobrio victu utuntur: sæpius tamen quàm nostri, in die comedunt, ter siquidem quaterve singulo die cibum sumentes quantitate & qualitate paucum, unicoque ac simplici cibo sunt contenti, ciborum varietatem abhorrentes. neque multum carniū usu delectantur. atque plerique illorum aquam epotant, lege illis interdicto vino. Sunt tamen etiam multi Christianorum, Turcarum, atque Hebræorum, qui vinorum potationibus non secus quàm Ultramontani indulgent. Usus carniū apud Ægyptios est temperatissimus, atque non minus simplicissimus, omnes ferè arietum castratorum carnibus vescuntur. Aliqui ipsorum pullis gallinaceis frui nunc cœperunt, à nostris mercatoribus perdocti, tamen in carniū esu sunt parcissimi. **GUILAND.** Qualis igitur est cibus illis familiaris, quo perpetuo aluntur, cum ipsos carnibus parcissime vesci dixeris? Forsitan leguminum, lactiniorum, piscium, fructuumque usum illos pro cibo frequentare, atque iis cibis ali dices. **A L P I N.** Omnes humido cibo oblectantur, ipsumque affectant, hincque orizam in jure carnis castratorum paratam, lentescque, pisa, & albos ciceres, melochiam, malvam, atriplicem, betam, caules, bammiam, cucumeres nostrates, & quos Chatè appellant, colocassiam, scilicet ejus radices, melones, angurias, dactilos, musas, ficus nostrates, & ficomori, armenica, perfica, uvas, mala aurantia, limonia, citria, granata. Ex carnibus, ut nuper etiam dictum est, arietum castratorum, quæ cæteris omnibus ibi in pretio habentur, pullos gallinaceos. multi pauperum carnes bubulorum, aliquandoque etiam camelorum esitare consueverunt. Et ex piscibus, quorum usus ibi est aliquanto familiarior, comedunt lupum, cephalum & multos alios ex Nilo flumine

mine expiscatos, crocodili etiam carnes non secus quàm aliorum piscium multi mandunt. In locis prope mare positis omnia piscium genera, in multa copia optima reperiuntur, quibus omnibus ipsi vescuntur, salitis quàm maxime ac interim semiputridis. Ex lacte quamplurimos cibos parant, omniaque genera lacticiniorum apud ipsos sunt in usu frequentissimo. atque hæc de cibis particularibus, qui in usu apud eos sunt, dicta sufficiant, hoc uno tantum cognito, ipsos ciborum varietate non delectari, sed cibo simplicissimo. Multi enim sunt, qui prandium vel cœnam perficiunt, sola anguria vel pane triticeo, quo omnes vescuntur. ibi etenim nulla alia panis genera cognoscuntur, quàm ex tritico parata. vel solo juscule ex radicibus colocassiae, vel bammiae fructibus, vel melochia, vel oriza, vel lentibus, vel cum alio legumine parato, vel sacchari cannis viridibus commansis, vel solis uvis, vel ficubus, vel cucumeribus, aliisque similibus. GUILAND. Suntne apud illos optima olera atque fructus piscesque & carnes, quibus illi vescuntur? ALPIN. Omnia olerum genera, illorumque fructus omnes nostris sunt longè multò humidiores, atque hinc etiam insipidiores, quando omnia hæc terram non modice irrigatam, at multis diebus inundatam producere, te vidisse certò sciam. Tanta est ejus terræ ficcitas & ariditas, ut si ea à terra abigenda sit, terraque ipsa fœcundior reddenda, non sat est ipsam tantum modice aqua irrigari, sed quamplurimis diebus largissima copiosissimaque aqua undantem, atque tectam manere. Hincque hortorum viridiorumque diebus singulis terram sæpius aqua inundare vel demergere solent, ut fœcunditati aptiorem reddant; ea item causa omnia illorum olera, atque herbas esse valde humidas, atque nostris insipidiores arbitror, quibus animalia quæ pascuntur carne fieri valde humida, excrementosa, atque gustui minus suavia non est mirum. Pisces etiam in Nilo nascentes tametsi pingues atque gustui suaves sint, nihilominus ad sanitatem tuendam pessimi putantur; nam flumen illud saxosum fundum non habet, sed limosum, neque admodum celeri ac vehementi motu agitatur, ipsius aqua limosa & cœnosa existit. Quæ omnia non obscura esse indicia insalubrium

piscium in eo flumine nascentium Gal. in lib. de succorum bonit. cap. 19. memoriæ prodidit. Pro potu omnes Ægyptii Mahometis affeclæ suavissima illiusce fluminis aqua utuntur, quæ aliis omnibus bonitate videtur præferenda. Christiani verò atque Hebræi etiam vinis utuntur. GUILAND. Hippocrates in lib. de aëre, loc. & aq. docuit optimam aquam esse quàm purissimam, cujusvis coloris; atque mali tum saporis, tum odoris expertem. Qualis vero sit purissima Gal. in lib. . . de simp. med. facult. cap. 5. his verbis docuit, inquiens: *Aqua quæ est purissima, tribus sensibus judicatur, gustu videlicet, visu, olfactu: gustu, si nullam planè qualitatem præ se ferat, sed videatur ab omni qualitate immunis: Visu, si pura, sincera, & exquisite clara: olfactu, si eorum nihil est, quæ in aquis vitiosis esse olfactus testatur, ut aciditas, putredo, acredo, salsedo, aliquodve aliud vitium, quod nomine caret: Docet etiam cognoscere, omnium optima atque pessima aqua quo pacto dignoscatur, in primo de sanit. tuenda. cap. 2. dicens: Quod si quis est, qui ex notis potius vim ejus prænosse malit, cujus fons è petra scaturiens contra Septentriones fluit, Solemque aversum habet, hanc ægrè concoctum iri, tardique transitus esse, putandum est: eadem nimirum calefiet, frigeſietque tardè: Contra, cujus ad Orientem Solem fons erumpit, quæque per meatum aliquem mundum, aut puram colatur terram, eademque calefit ac refrigeratur ocysſime. hanc omni ætati utilissimam esse existimandum est. Hisque notis pessima ab optima aqua dignoscitur, quibus certi sumus aquam Nili fluminis probè clarescentem optimam judicari, quando ipsa sit omnium purissima limpidissimaque, subdulci sapore, nulloque malo odore. ALPIN. Quis non credet illiusce celeberrimi fluminis aquam omnium ad usum humanum optimam ac præstantissimam esse, ipsa tum longo itinere (Nilus etenim in locis propè sub tropicum capricorni positus nascitur, ultraque alterum tropicum, scilicet cancri, in mare usque mediteraneum labitur) tum quoniam universam terræ plagam à Sole exustam, quam inhabitabilem antiqui esse arbitrati sunt ob caloris nimium æstus, pertransiit, in longissimoque itineris tractu ferè à Sole percoquitur, & à motu vel agitatione, quæ in tam longi itineris processu*

cessu fit, & à collapsu five descensu à summis montibus factò, flumine ab excelsis locis ad ima præcipitato probè attenuetur & purgetur. Quod vero non saxosum alveum id flumen habeat, sed pinguissimæ terræ, atque optimæ, ipsam aquarum omnium minime frigiditate posse nocere, erit judicandum. Quibus notis Avicenna aquam illam multis laudibus commendandam literis tradidit. **GUILAND.** Rectè loqueris, sed hoc tempore quo pacto illam quæ turbidissima est, claram efficiunt, ad usumque idoneam reddunt? Galenus etenim in lib. i. de simp. med. facult. dixit, Ægyptios olim ipsa per fictilia vasa percolata usos fuisse. **ALPIN.** Alium quoque nunc modum apud ipsos adhiberi, ac frequentari vidi, quo aquam illam puram, ac claram efficiunt. Ipsi etenim statim camelis in utribus è flumine domum asportatam aquam in magno fictili vase oblongo, alvum latiore ac rotundam obtinente, binasque aquæ amphoras continente, reponunt, eaque ibi reposita, & projecta confertim, quinque dulcibus amygdalis modicè contusis labra vasis inungunt, & subito manum cum amygdalis in pugnum obsertatum conclusis, simul cum toto cubito in aquam demergunt, valideque hinc inde per aquam cubitum pugnumque impetuosè movent, atque agitant, donec ipsa longè multo turbidiorem reddiderint, indeque è vase detractò brachio, amygdalis intra aquam relictis, ipsam clarescere sinunt; quæ spatio trium horarum probè clarescit. quam è magno illo vase in parvulis fictilibus rursus reponunt, in quibus & clarescit magis, & refrigeratur. Plerique incolarum hac aqua ita claresacta pro potu, atque cibo utuntur. Alii multi eam pluribus diebus residere ac purgari, permittunt, ut purissimam, atque quàm tenuissimam reddant. quæ proculdubio omnium est aquarum præstantissima. Rectè quidem ipsi, quoad conservandam sanitatem, se gerunt, illa utentes aqua, quæ ita est tenuis, ut epota subito omnes partes corporis penetret, quamplurimi ab epota illa aqua, statim largissime sudant. Aliqui mingunt copiosius, atque alii per alvum dejiciunt. est enim partium tenuissimarum levissima, atque à Sole concocta, ita ut ob id mirum non sit illam immodicè diu noctuque epotam corpora non lædere.

Quin-

Quin imo calida corpora ipsa multum juvantur, nam interno-
rum illorum viscerum calorem, atque incendium contemperat.
Hinc quum Cayri Jo. Jacobus Manne Medicus doctissimus, &
ego de curanda cujusdam Turcæ domini Sangiachi renum cali-
da intemperie consuleremus, cum ego pro illo affectu serum la-
ctis caprini commendarem, ridens ait, ecquid sero lactis indi-
gemus, si Nili aquam habemus? Hoc ego tunc risu dignum
esse judicavi, sed multis post annis facta de ejus aquæ facultate
experientia, non irridendam sententiam doctissimi Medici,
quinimo summopere laudandam ac commendandam esse, co-
gnovi. **GUILAND.** Gaudeo tantas laudes aquæ Nili fluminis au-
divisse, minusque ob hanc causam miror, si ejus regionis acco-
læ sibi ipsis persuaserint, aquam illam intra ipsorum corpora su-
sceptam in sanguinem mutari. Siquidem omnes uno ore cla-
mant, ipsam in nostris corporibus non alium humorem, quàm
sanguinem generare, & hoc illi à Deo datum fuisse, ubi Moy-
si præceperit, ut aquæ in sanguinem mutarentur. Ex quo tem-
pore creditur hanc aquam vim sanguinis obtinuisse. Hanc di-
vites omnes epotant, tum simplicem, tum saccharo & succo
limonis mistam. Sed hæc sint satis de illorum cibo & potu.
perge tu reliqua mihi enarrare. **ALPIN.** Omnes ejus regionis
homines vigiles existunt, paucissimique somni; Venerem co-
piosam exercent. licet enim per legem illis plures, tum uxores,
tum servas mancipia habere pro veneris usu. Hilares existunt,
otiosam quamplurimi vitam agentes, exceptis Arabibus & ru-
sticis, qui asperiores vitam degunt, dulcium balneorum usum
omnes cujusvis sexus & ætatis ibi frequentant, corporis orna-
tus gratia, atque refrigerandorum corporum ab itineribus in-
flammatorum, non minusque pro demenda corporum illorum
humorum plenitudine.

CAP. IX.

De causis cur longævi sint Ægyptii.

GUILANDINUS.

AUDIO in Ægypti locis homines vivere longiorem vitam, quàm alibi, quando ipsorum permulti annos plus centum vivant. Communis ferè omnibus iis habitatoribus vita annorum nonaginta solet esse. Causam igitur vitæ apud ipsos longioris te mihi nunc referre cupio, quando hominis vitam conservare, & corrumpere ea, quæ vulgus medicorum res non naturales, & Gal. causas conservatrices, appellat, quisque nostrum non ignorat. Quæ sunt aër, cibus, potus, motus, quies, somnus, vigilia, excretio, atque retentio, animique passionēs. Ab aliqua igitur harum causarum, vel à multis simul conjunctis longiorem illorum hominum vitam pendere arbitror, sed à quibus præsertim id fiat ex te audire desidero.

ALPIN. Ægyptios longævos esse, verissimum est, atque ex causis nuper dictis non minus: de his etenim Galenus cap. 35. lib. art. med. hæc scripsit: *Alteratur igitur corpus à nonnullis quidem necessario, à quibusdam vero non necessario, Dico autem necessario, quæ nulla est evitandi ratio, non necessario autem reliqua. Nam aërem quidem nos ambientem semper attingere, comedereque, ac bibere, & vigilare, & dormire est necessarium. Ex his itaque ea corpora alterantur, ac mutantur, atque conservantur. Quamobrem aërem, cibum, potum, iis populis longiorem vitam concedere proculdubio existimo. Effectus namque communes à communibus causis pendere omnes sciunt, ob id ab aëre, cibus, potuque longam illorum hominum vitam fieri arbitror, quod aëre, cibus, potuque nihil ipsi habeant inter se communius, sed observato ac cognito ipsorum aëre calido & sicco inæquali, simulque cum cibus, quibus vescuntur, & etiam potu, anceps sum an vitæ apud eos observata longitudo ab his pendeat, vel non ab aliis. Teque idcirco rogo, qui tum aë-*
rem

rem illorum locorum, tum victum incolarum nuper narratum audisti, ac novisti, cujus hac de re sis sententiæ mihi manifestare velis. **GUILAND.** Causam, ob quam hi populi nostris longiorem vitam degant, in primis esse, judico, sobrium ipsorum victum, abstinentiamque tum à copia, tum varietate carnum, atque usum optimæ aquæ Nili fluminis in potu, atque in cibis. Si quidem omnes Europæi, qui crapulas, atque vina frequentant, brevius vivunt. Germaniæque ob id & Poloniæ accolæ cœlo Ægyptio contrario utentes, quia multis carnibus vescuntur, vinorumque ebrietatibus assidue operam dant, breviorē agere vitam non est mirum: Plerique etenim (ut audio) non excedunt annum suæ ætatis sexagesimum. Contra Ligures longevi sunt, quàm plures enim Genuensium nonagesimum usque vel centesimum etiam annum attingunt, temperatissime enim vivunt, vinisque paucissimis utuntur, atque ebrietates abhorrent. Ob has igitur causas homines Ægyptios longævos fieri arbitror. **ALPIN.** Non videntur mihi hæc usquequaque veritatem continere, neque ita facile te posse medicis persuadere, arbitror usum carnis & vini esse causam, ut nostra corpora (quæ illo victu assidue utuntur) sint brevioris vitæ, quàm Ægyptiorum observentur, quæ paucissima carne vescuntur, & minime vinis indulgent, aquamque in potu frequentant. Hoc sanè paradoxum ab omnibus judicatum iri sentio: Namque quis credet cibos melius nutrientes, probioremque & copiosorem sanguinem gignentes corporibus brevioris vitæ esse causam, atque alia minus, pejorque nutrientia, & paucioris sanguinis ad durabilitatem conducere? Hæc certè tibi quoque à veritate aliena esse videbuntur. Quis enim medicorum dubitat, vel ignorat usu optimarum carnum, optimique vini naturalem calorem augeri, atque roborari, mutatumque à suo naturali statu, imminutumque carne & vino citò revocari, pristinaque sanitati restitui? In omnibus etiam morbis præcipuam victus rationem, in qua carnes primum locum sibi vendicant, omnes medici laudant, maximeque ubi vires collabuntur quibus quàm citò probior multusque sanguis gignitur, quo calor naturalis augetur, atque fovetur. Vinum vero quam citò nutriat,

triat, resolutumque calorem restituat, peraugeat & foveat, neminem medicorum ignorare certò scio. Quid igitur dicemus, optimarum carniū, viniq̃ue usum causam esse, quin minus corpora vivant, quando eo victu naturæ vires augeantur, atque conserventur? Hoc profectò qui affirmabunt impossibile, dicere possibile videbuntur. **GUILAND.** Litem mecum nunc cœpisti pergravem, cum me proculdubio multum aberrasse hac in re existimes. At nunc etiam edico tibi, dubii causa à me propositum, paradoxum non esse, scilicet homines usui carniū, viniq̃ue indulgentes minus vivere, quàm illos, qui ab his abstinēt, aliaque in victum assūmunt, neutiquam vini potationibus operam dantes. Porro ut de hoc nunc mihi certior apud te sit fides, conabor rationibus tibi illud persuadere. Nam secus ejus regionis hominibus accidit, ac cœli ratione esse deberet: Si quidem calidiorem regionem accolentes citius mori deberent, iis, qui frigidiora loca inhabitant, ratio utique suaderet, ut hinc non immeritò Nicolaus Leonicens in lib. Aristotelis de long. & brevit. Vitæ hæc scripta reliquerit: *Asclepiades inter medicos rari nominis memoriæ prodidisse videtur, Æthiopes quidem trigésimo ætatis anno senescere, apud Britannos vero multos ad centesimum usque & vigésimum pervenire ætatis annum: quoniam Solis calore apud Æthiopes resolvantur, arescantque corpora, apud Britannos vero compacta, densaque fiant cœli algentioris causâ, & exhalationi caloris nullum relinquant locum.* Si vivunt igitur Ægyptii multis annis in calidiori illo cœlo, non ab aëre, qui multo calore corpora illa resolveret, arefaceretque, sed à victu longævus evadere dicendum erit, præsertimque à multarum carniū usu parcissimo, atque ab assiduo & continuo usu aquæ illiuscè fluminis omnium aquarum optimæ. Quod quidem ex hoc fieri facile sciri poterit. Namque velutī usus moderatissimus, quem ipsi sequuntur, optimæ carnis, modicum sanguinem generans, nativum calorem fovet, consumptumque humidum substantificum reparat; ita immoderatus frequens, vel assiduus, atque continuus non modo humidum non reparat; caloremque auget, sed eum sæpe suffocat, corrumpit, atque dissolvit. **ALPIN.** Quonam modo id fieri poterit,

terit, cum multus sanguis genitus humidum substantificum deperditum restauret, caloremque nativum non minus peraugeat? **GUILAND.** Duobus sanè modis hoc fieri ex me audies; & primo, quoniam multus carnum usus multam sanguinis copiam generat, quæ si reparandæ humiditati substantificæ, calori que resturando, & augendo apponatur, tantum abest, ut humidum caloremque ea alimenti copia augeat, ut magis sæpe suffocet, atque dissipet. Quo sane modo Gal. dixit. in lib. de caus. morb. *parvam flammam multo oleo suffocari & extinguui.* Secundo quia multa carnis copia in stomacho suscepta à calore ipsam alterante, atque in alimentum permutante, ut fiat pro nutriendis partibus alimentum opportunum, omnino vinci, atque mutari non potest. Ideo illud alimentum non modo calefacit, sed refrigerat. Hincque doctissime Galenus in libro tertio de temp. docuit, omne nutrimentum, quatenus est nutrimentum, calorem animalis augere. & ex hoc fieri, quod ab ipso calore vincitur, probeque concoquitur, & mutatur in substantiam partium nutriendarum, ut ipsis omninò similis fiat, quod ibi ita scriptum reliquit: *Si namque ex nutrientium sunt genere, siquidem vincantur, calfaciunt; si non vincantur, refrigerant.* Et quomodo fiat, in libro de caus. morb. cap. tertio, ita subjunxit. *Immodicum alimentum refrigerare, si enim ligna universim & multa supra parvam flammam coacervaveris, ob immodicæ quantitatis excessum, ipsam extinguēs.* Quibus hæc etiam addidit: *sic optimi cibi, quique plurimum animali afferunt nutrimentum, supra modum assumpti morbos frigidos generant.* Modica vero sumpta caro probè vincitur à calore naturali, & ob id nativo humido similis facta, ipsum nutrit, fovet, & augeat. eoque aucto vitam quoque foveri, ac conservari, certum est. Hinc illiusce regionis populi, quoad carnum usum temperatissimi, longævi fiunt. Addo etiam plurimos illorum vino non uti pro potu, lege illis interdicto, quod quantum valeat ejus usus assiduus & copiosus, ad hominis sanitatem pervertendam, Galenus ibidem iis verbis docuit, dicens: *Quamquam vinum modicè haustum, ut quod maxime proprium alimentum sit, nativum calorem adaugeat, tamen morbum attonitum, Epilepsiam,*

læsiones motus, sensusve immodicè sumptum ipsum facere. Et in secundo libro de sympt. causis dixit: tremore corripuntur, qui se vino meraco amplius impleverunt, vel multis cruditatibus laborarunt, vel longo tempore cibus repleti. Et in tertio etiam de temper. ait: Proinde nec vinum ipsum semper animal calfacit, æquè, ut nec oleum flammam accendit, tametsi aptissimum est ignis nutrimentum, immò, si imbecillæ & exiguæ flammæ confertim multum oleum infundas, suffocabis eam, prorsusque extingues potius, quàm augebis, sic igitur & vinum ubi plus bibitur, quàm ut vinci possit, tantum abest, ut animal calfaciat, ut etiam frigidiora vitia gignat. Ideo cum illorum locorum accolæ sobrie vivant, lacte, oleribus, fructibusque vescentes, minimeque in esu carnum, neque in vinorum potationibus delinquant, mirum non est, si ipsorum corpora multum sanguinem gignentia (quod in plerisque illorum observatur) longam agant vitam. Vinorum generosissimorum usum temperate etiam adhibitum iis posse prodesse non satis mihi constat, quando non calore pleraque ipsorum corpora indigeant, sed frigore, ne amplius nativus calor in biliosis corporibus exolvatur, sed retineatur. Atque ne sanguis biliosior magis etiam fiat. Usus enim illiusce aquæ præstantissimæ multorum illorum corporum sanguinem, cœli occasione calidissimum, temperatiorem reddit, atque ipsum cohibet, minusque aptum morbis efficit. Hinc Germaniæ, Poloniæ, Galliæ, Angliæ, Flandriæ, & aliorum frigidorum locorum quamplurimi, ut etiam dictum est, ob assiduas ebrietates, quibus assiduè operam dant, paucis annis vivunt. Multi etiam in Italia quotidie à medicis observantur, qui ob crapulas, & ebrietates, tum paucò tempore vivunt, tum vitam miserriam quamplurimis morbis continuè afflicti, transigunt. Ipsorum alii podagricis doloribus, alii convulsionibus, vel tremoribus, vel vertiginibus, vel aliquo illorum morborum à caloris naturalis imminutione, atque imbecillitate nascente, ferè per totam vitam vexati.

C A P. XII.

*Ad vitæ conservationem aquæ Nili fluminis usus,
num vino sit utilior, necne.*

A L P I N U S.

QUAMQUAM omnia de longæ Ægyptiorum vitæ causis te rectissime locutum fuisse, atque planè de his veritatem attigisse certo sciam, nihilominus liceat adhuc mihi, de ejusdem aquæ utilitate dubium aliquod tibi resolvendum proponere, quando ex iis, quæ nuper in medium proposuisti aquæ usus ad corporum illorum calidorum vitam producendam, usu vini accommodatior, atque utilior esse videatur. Quod iis contrarium omnino videtur, quæ de usu aquæ Hippoc. & Galenus literis mandarunt. namque apud eos constat ab aquæ potu corpora parum juvari. ex Galenoque hæc in libro tertio de rat. vict. in morb. acutis, de usu aquæ leguntur: *Tarde igitur jure optimo meat aqua, difficulter concoquitur, atque ægre descendit, quamquam alioqui & optima sit, & culpa omni vacet.* Hic etiam ex Hippoc. mente docet aquam, quamquam omnium purissima sit, multo tempore manere in ventriculo, fluctuationesque ut plurimum parere, atque in bilioso ventriculo etiam corrumpi, difficulterque in hepar, thoracem, pulmones, renesque distribui: ob idque ipsam, neque sputum educere, neque urinam, neque sudorem, neque alvum ciere, neque sitim tollere, (quòd ipsa moretur in amplis ventriculi intestinorumque cavitatibus, nec penitus imas partes permeet, neque eas humectet.) neque alere, neque vires roborare. sed hypochondriis valde esse noxiam, præsertim hepatis lienique obstructis, vel in tumorem elatis. Quamobrem cum hæc de aquæ facultate vera utique sint, quis ille erit, qui non viderit, aut noverit, Ægyptios falsò ab aquæ etiam illiusce usu fieri longævos dici posse, quando, ut jam audivimus, paucissime iis corporibus conducere ac prodesse possit, sed potius sit multum incom-

moda, ac noxia. Quis igitur audebit affirmare, usum aquæ in iis corporibus in potu frequentatum usui vinorum præferri utilitate debere? nemo, ut arbitror, in medicina initiatus, id affirmabit, quia hoc ex Galeno diffinitum est in libro sexto epidem. comment. 4. text. secundo, hisce utique verbis: *Siquidem vinum aquæ præstat, non solum ad concoctionem, quæ in ventriculo fit adjuvandam, sed etiam ad concocta distribuenda, ad sanguinem creandum, ad nutriendum, ad lotium citandum, & ad corpora difflanda in rectè valentibus.* Valde itaque hinc dubium videtur, quod aqua ad potum assidue usitata possit corporum conservationi conferre, quinimò magis contrarium facere ejus usum, ut apud Galenum nostrum nunc legimus, aqua vinum præstare. neque immeritò dictum esse, quando aqua neque concoctionem adjuvare possit, quod frigida ipsa existat, atque à calidis omnis coctio fiat; neque concoctorum distributionem, cum minime tenuissimarum sit partium, difficulterque ac tarde viscera permeet: neque sanguinis procreationem cum ipsa fiat à calido, sanguis enim & ipse facultate calidus dicitur: neque nutritionem, cum ipsa non alat: neque urinarum, sudorumque excretionem, neque corporum difflationem, quia ut nuperrime etiam dixi, tenuissima substantia non constat, qua citò facileque corporis partes penetret, atque transeat: Atque si optimam hæc facere aquam verum fit, quid de mala dicendum erit? nonnisi pessime conferre ipsam nobis posse. Quàm multos enim morbos, sævissimosque ex earum aquarum usu oriri, in libro de prævidendis morbis a me dictum est. Sed cum hæc vera existant, quæso, quomodo poterit usus illiusce aquæ Ægyptiorum longævitati conducere? Cupio itaque hac in re me valde ancipitem tuæ sententiæ acquiescere, quam nunc audire expecto. GUILAND. Neque omnibus corporibus aquam improbandam, neque laudandam judico, quinimò magis credendum, atque affirmandum existimo aquæ usum multis proficuum esse, & multis etiam noxium: Hinc in quibusdam corporibus aquam vino utilitate esse præferendam, & in quibusdam vinum aquæ. Calidioribus siquidem corporibus, cui dubium erit magis fore proficuum aquæ, quàm vini usum. quoniam à vini potius calidita-

ditate læderentur, quàm juvarentur. Quam rem non ego, sed Galenus tuus docet cognosci, ac observari pro corporum temperaturarum, habituumque varietate oportere: quam ob causam, vinum damnat, tum in pueris, tum in iis, qui sunt calidi humidique temperamenti. quibus aquam multum conferre affirmat, ipsamque pro iis summe laudat, ut apud ipsum in primo libro de san. tuenda cap. undecimo, legitur: apud divinumque Hippocratem non minus in libro sexto epidem. comment. 4. text. 15. his profectò verbis: *Per calido natura refrigeratio, potus aqua, quiescere.* Et Galen. in ejus commentario, dixit Hippocr. eam sententiam fore intelligendam de summe calidis corporibus. quod clarius explicavit in libro quinto, de san. tuenda cap. 12. cum dixit: *Vinum autem frigidis siccisque naturis utilissimum esse, prius dictum est.* An vero calidis, omnibus idoneum non sit, sed utilior his aquæ potio sit, sicuti in libro de popularibus morbis, sive Epidemion legimus, nunc existimandum. Fortassis enim absurdum omnino cuiquam videbitur juvenem, qui athleticus vel militaris sit, aut etiam fossor, messorve, aut arator vel denique, qui robustum aliquod opus exercet, aquæ tantum potione uti: atque in hoc falli Hippocratem, cum calida temperamenta aquæ potionem poscere, absolute pronuntiet. Mihi vero Hippocrates non absolutè id, sed de naturis summe calidis, quæ utique propter intemperiem tales sint, dixisse videtur. Et si quispiam contradixerit nobis, quòd ei non videatur aquæ potu corpora juvari posse, quia ipsa quamquam omnium aquarum sit optima, multum in ventriculo moretur, fluctuetque, & tarde meet per corpus, jecurque atque lienem obstructos vel tumefactos adaugeat, inutilisque observetur ad omnem corporis evacuationem, scilicet ad sputorum educationem, alvi, urinarum, sudorumque excretionem adjuvandam, atque non minus ad concoctionem & distributionem concocti alimenti, demum quòd etiam ipsa minime corpora alat: Respondetur, hoc planè verum non esse, quoniam aquæ reperiuntur, quæ concoctionem adjuvant, non minusque alimenti distributionem, citò viscera permeantes, sanguinisque generationi favent, atque nutritioni, non minus, quæ adjuvant omnem

corporis evacuationem. ALPIN. Quo pacto id esse poterit, quando aquæ facultas frigida sit, quæ semper concoctionem, sanguinis procreationem, nutritionem, quæ omnia à calore fiunt, impediet, & substantia præterea ejus crassa sit, difficulterque corpus permeet, qua utique evacuationes promovere posse non videtur, quando si hæc præstare debeat, necessarium sit, ipsam tenuium esse partium, ut angustos meatus membrorum pervadere queat? GUILAND. Aquæ optimæ reperiuntur, quæ neque insigniter frigidæ sunt, quæque dulces existunt, quales esse cœlestes Hippocr. in lib. de aëre, locis, & aquis, c. 4. memoriæ prodidit, qui de his ita scripsit: *Aquæ igitur levissimæ, & dulcissimæ, & tenuissimæ, ac splendidissimæ sunt*, Non minusque aquæ nuper dictæ Nili fluminis clarefactæ, dulces, tenuissimæque, splendidissimæ, atque levissimæ existunt. Quæ sanè omnes præterquam quod ex dulci sapore non valde frigidæ esse creduntur, sunt etiam tenuissimæ, ita, ut celerissime corporis viscera permeent. Audio etenim (quod olim, cùm Cayri moram facerem, etiam observavi) in singulis ferè corporibus ab ipsis epotis aquis statim vel copiosas urinas, vel sudores, vel per alvum dejectiones observari, atque in hypochondriis nullam fluctuationem ab ipsis ostendi, loquor de iis, quæ Cayri habentur, & potantur, quando Alexandriæ aquæ consent substantia crassiori, quæ pessimæ existunt, tardissimeque viscera permeant. ALPIN. Confirmo tuam sententiam, atque me in omnibus corporibus observasse, citissime illas aquas Cayri clarefactas, vel per alvum, vel per urinam, vel sudorem exijisse, non secus quàm serum lactis ac aquæ thermæ facere observantur. Omnes advenæ, cùm Cayrum statim venerint, in primis diebus semper, ob illiusce aquæ potum, diarrhæam pati soliti sunt. Mihi vero aquam illam per urinam, atque sæpissimæ per sudorem exire contingebat. In æstivis caloribus nocte qualibet sæpissime ob sitim intensissimam, qua omnes tunc temporis ex calore ambientis cruciantur, largissime sæpissimeque ex ea aqua bibebam, à qua semper in copiosissimum sudorem statim erumpebam, ita ut quoties ex ea ebiberem, toties semper exudarem. Hyeme vero, atque aliis anni temporibus

ribus non ita calidis, non per sudorem, sed per alvum, atque vesicam aquam illam epotam ferè totam excernebam. Non omittam tibi narrare, me hujusce aquæ largissimo potu usum, à dolore renum vehementissimo atque acutissimo ex calculis orto sanatum fuisse. Porrò cum interim illo jam dicto renum dolore afflictus valde sitirem, multa vasa fictilia frigida ac purissima illiusce aquæ plena in ferratis meis fenestris aëri exposita prospiciens, uno ipsorum avidissime arrepto, item altero, atque mox tertio, totam aquam devoravi, quæ ad minus sex librarum pondere fuerat. à qua assumpta somno, labore doloris defessus, capior, quo paulo post expergefactus minxi, cum multa copia assumptæ illiusce aquæ quinque lapillos phaseolorum magnitudine, quibus excretis statim à dolore liber evasi.

GUILAND. Perplacet exempla, successusque hos audivisse, quos utique veros esse judico, cum ea aqua sit tenuissimarum partium, neque multum frigida, sed potius concoctam esse omnes pro certò habere deberent, cum Nilus totam illam mundi partem permeet, quæ omnium orbis terrarum, ut nuper etiam dictum est, calidissima est, atque terram habet pinguisimam cuiusvis frigoris expertem. Itaque cum hæc vera sint, quisque nostrum poterit affirmare, epotam eam aquam posse optimi sanguinis procreationem adjuvare, quæ summum biliosorum illorum corporum hepatis calorem obtemperando, causa est, ut non bilis multa, sed multus temperatus sanguis gignatur. Juvabit non minus concocti alimenti distributionem, ob ejus partium tenuitatem, qua quascumque partes corporis penetrat; qua etiam substantiæ tenuitate minime in ventriculo, aut hypochondriis moratur, neque fluctuationem parit, neque hypochondria lædit, quinimo iecori lienique inflammato auxilio est. Experimentiâ didici, potum ejus aquæ valde conferre melancholicis ab hypochondriis effectis. Hac eademque ratione ad omnes excrementorum excretiones utilis est. An vero nutrit, quando latissima sit apud omnes medicos sententia, aquam non nutrire, videtur & ipsa ad nutritionem inutilis censenda. Sed Ægyptii affirmant contrarium verum esse, quia hi omnes aquam illam totam in sanguinem in nostris corporibus

mu-

mutari arbitrantur, ac pro certo habent. Vimque gignendi sanguinem ajunt obtinuisse, postquam, Dei concessione, à Mose aquæ in sanguinem olim fuere mutatæ. Confirmantque hanc sententiam, quòd cernant corpora pleraque illorum incolarum habitu bene carnosò, copiosi temperatique sanguinis observari. Non minusque etiam quod ipsa dulcis existat. quem saporem, rem haud planè à nutritione alienam significare dicunt. Sed utcunque sit, hoc unum scimus, ejus aquæ usu corpora illa optime, ac salubriter vivere. & ob id falsam judico Galeni sententiam, qua omnem aquam noxiam potius, quàm utilem affirmat. si enim hoc verum esset, quomodo tot infinitarum regionum populi vivere utique possent, continue aquam potantes. Infiniti propemodum sunt populi tum in Africa, tum in Asia aquam solam potantes, qui rectissime valent; Corporaque habent boni tum succi, tum habitus. præsertimque in locis calidis, atque in summe calidis corporibus aquæ usus est saluberrimus. Sed non modo in sanis, at in ægrotis non minus aquæ usus adprime opportunus ac utilis observatur. Cum omnibus ferè ægrotis aqua in potu pro vino substituatur. Plures existunt, qui vini usu omnino omisso, aquam frequentantes in potu, à podagra, aliisque multis morbis præservati sunt. Quamobrem, ut ex dictis conclusionem colligam; dico aquam optimam dari, quæ neque admodum frigida est, & quæ tenuissima substantia constat, quæque utilissima erit corporibus calido temperamento refertis, veluti frigidis naturis eadem ratione incommoda, atque inutilis erit judicanda, in quibus ipsum vinum præferendum absque dubio erit. At de his fatis. Ad alia enim à te transeundum puto, fortasseque his hætenus auditis non foret inutile, neque nostro ordini aversum, te nunc eorum corporum morbos recensere, quando nunc aëris, ipsorumque temperamenta, & victus rationem omnem audierimus. ALPIN. Rectè suades, atque nunc tibi morem geram. Quoniam hæc, priusquam præsidia apud eam gentem usitata tibi narrare incipiam, nos novisse utile erit.

C A P. XIII.

*De morbis patriciis, & epidemicis, qui apud
Ægyptos observantur.*

G U I L A N D I N U S.

ÆG Y P T I O R U M corpora haud multis malis esse obnoxia
Ecogito, quod ipsa aëre fruuntur sicciore, qui pauciorum
morborum solet esse causa. Atque etiam quia eos populos so-
brie vivere nuper dictum est, quem victum corpora ab ægri-
tudinibus præservare quisque nostrum non ignorat. ALPIN.
Aliter evenire audies, quando ad gignendos morbos plures aliæ
etiam concurrant causæ, neque omnes ejus regionis habitatores
æque vivere possunt. Multi enim inopia coacti, quorum nu-
merus ibi ferè est infinitus, pessimis tum cibis, tum turbida ac
putrida aqua ali coguntur. Multi etiam ibi reperiuntur qui vino
utuntur, non modo ex Christianis & Hebræis, qui omnes vi-
num ut nostri affectant, sed ex Turcis etiam aliqui, præsertim-
que milites, etsi lege interdictus apud omnes Mahometi asse-
clas vini usus sit, non tamen à vino temperare possunt, sed
longe Germanis, Polonisque magis vino & ebrietatibus ope-
ram dant. Cayri quotidie Turcæ vino ebrios ab asinis domos
suas portari conspiciuntur. Vinis vero plerique utuntur è Cre-
ta insula, Rhodo, Cyprio, asportatis, quæ omnium sunt ge-
nerosissima: omnia enim alia ex Italia, Corcyro, Zacyntho,
advecta, præ nimio cœli calore, acida fiunt. Quamobrem
cum ibi multi malo victu utantur, aërisque inæqualitate, &
venere immoderata, non erit mirum, eos quoque in multos
morbos incidere. Proinde non expers morborum Ægyptus
erit, sed quamplurimis, diversisque ac periculosis morbis sem-
per scatebit. GILAND. Suntne apud ipsos multi morbi pro-
prietarii, vel patrii, quos endemicos Græci appellant? ALPIN.
Multi fanè, quales sunt oculorum lippitudines, quas Græci
ophthalmias appellant, lepræ, Elephantiasæ, phrenitides exi-
tio-

tiosissimæ, homines paucis horis perdentes, variolæ pestilentes in pueris, articulorum dolores, omniaque genera morborum quæ à capitis defluxu ad inferas partes excitantur, herniæ, renum & vesicæ calculi, phtyses, obstructions, hepatis lienisque & stomachi imbecillitates, febres tertianæ, arden-tes, hæcticæ & pestilentes. **GUILAND.** Non arbitror patrios iis solum eos morbos dici bere, cùm apud alias quoque nationes ipsi observentur, namque in multis aliis locis omnes nuper dicti morbi observantur. **ALPIN.** Verum est eosdem morbos aliis non minus populis esse infestos, sed non perpetuo tempore, ut apud Ægyptios. Apud multos enim populos opthalmias vagari aliquibus temporibus reperiemus, non tamen semper. Semper etiam homines herniosi, leprosi, atque elephantiasi correpti, eaque præsertim, qua pedes vere pedibus elephantum omnino similes habere cernuntur. Neque exitiosissimas phrenitides paucis horis ægrotos perdentes ubique reperiri arbitror. quando Gal. in lib. 3. epidem dixerit, nunquam vidisse se phreneticos mortuos ante tertiam diem. nihilominus tribus, quatuorque horis multos periisse phreneticos vidi, quorum casus posterius suis locis tibi referam; Neque singulis annis, ut alibi fit, bis in anno in pueros pestiferæ variolæ vagantur, neque continue arthritici quamplurimi homines, quales ibi existunt, reperiuntur, neque renum vesicæque à calculis læsi, neque singulis annis certo tempore vagantur febres pestilentes exitiosæ plurimæ, neque innumera hominum caterva à cruditatibus stomachi ubique affligitur, ac vexatur. Ob quam morborum nuper dictorum familiaritatem, ni Ægypti proprios vel patrios eos appellare volueris, dices tamen iis populis ipsos esse admodum familiares. **GUILAND.** Vagantur ne per eam urbem Cayri isti morbi quandoque epidemici? **ALPIN.** Opthalmiæ, febres pestilentes, nuper dictæque phrenitides, variolæque pestiferæ epidemicæ grassantur. Alii vero morbi sparsim per urbem observantur, quos sporades Græci nuncupant, quod sparsim, & non gregatim homines pervadant. Etsi omnes, quasi endemii etiam sint, sive patrii, quia ceteris aliis morbis nuper dicti iis populis sint magis familiares. **GUILAND.** Cupio te
nunc

nunc illos rursus mihi clarius dicere, atque ipsorum causas. Quibus à te narratis, de peste, quæ sæpe eam gentem infestat sævissimeque devastare solet, te sermonem habiturum cupio, quod illud morbi genus, quo tempore in regione moram traxisti, Cayrum invasisse, multumque devastasse, audierim: ob quam rem te de eo morbo admodum scite ac distinctè loqui posse judico. De patriis itaque, vel de iis populis familiaribus morbis, qui tum epidemice, tum sparsim grassari per eam urbem solent, nunc si videtur, ediffere.

C A P. XIV.

De morbis Ægyptiis familiaribus, deque ipsorum causis.

A L P I N U S.

ALEXANDRIÆ Autumno grassantur febres pestilentes multæ, lethales, quæ ferè quamplurimos invadunt, cum urinis pulsibusque & colore febrili usque adeò parum à naturali statu mutatis, ut sæpe medicos atque ægrotos decipiant. His vero notis pleræque dignoscuntur: in principio enim vomitus multo biliosi, ac virulenti observantur, à quibus cibum assumptum continere nequeunt, assiduisque corporis agitationibus inquietudinibusque vexantur, stomachique angore anguntur. In plerisque etiam observantur multæ symptomatice dejectiones, liquidæ, biliosæ, variæ, admodum ægre olentes, sive foetentes. Plures cibum abhorrent, neque valde sitiunt, etsi linguæ ipsis sint siccæ, asperæ, & nigræ. Incolæ quàm advenæ difficiliter corripuntur, atque ab his intereunt. De harum febrium causis illiusce urbis medicorum variæ sententiæ observantur. Si quidem aliqui ipsorum ajunt, à ventis nasci, qui à proximo urbis lacu spirant. Prope ipsam à meridie positus est Mareotis lacus, circuitus ut audio, tercentum mille passuum. Hi etenim venti vim habent putredines insignes gignendi, quod putres veneficosque è lacu halitus Alexandriæ populis ipsi inducant.

cant. Aliqui earum pestiferarum febrium ortum referunt potius in putridos, veneficosque halitus, qui à subterraneis urbis locis, cavitatibusve palustri ac pessima aqua plenis aëri tunc permiscentur. Urbs etenim hæc tota super columnas marmoreas numero fermè infinitas posita, & fundata est, ita, ut fundamenta hæc solum omnium domorum sint, quæ universam omnium ædium basim sustentant. Ideo loca urbis omnia subterranea, inania, ac pervia existunt, ut affirmant aliqui: quod ea causa factum fuit, ne urbs terræmotibus foret obnoxia: vel aliis ita putantibus, ut aquam à Nilo flumine per rivum in urbem manantem populus copiosissimam in subterraneis illis magnis cavitatibus ad usum per annum conservaret. Singulis annis peraucti fluminis illius rivus, Caleg vocatus, in eas urbis cavitates copiosissimam aquam evomit, quæ sequenti æstate ferè tota absumitur, paucissimaque remanet, quæ coenosa, palustrisque reddita, corrumpitur, veneficaque evadit, ex qua tunc multi vapores sursum elevati aërem inficiunt qui pestiferarum illarum febrium causa existit. Quod neque credendum est, quia eo tempore ad paucam eam palustrem aquam corruptam multa nova ex rivo nuper dicto tunc aucti fluminis accedit, atque ei permiscetur, quæ utique antiquæ vitium, malamque qualitatem corrigit. Quamobrem veriore causam illarum febrium esse autumo, ut multi alii quoque confirmant, usum ejusdem nuper dictæ antiquæ aquæ in potu & cibus. Quæ sanè quousque novæ confluxæ aquæ, qua ipsi ad cibum & potum tunc uti incipiunt, permista remanet, antiquaque rectè non residet, neque ab ipsa nova illuc confluxu rectè expurgatur, semper usum suspectum ad eos sævos morbos reddit. Ideo antiqua aqua palustris ac putrefacta novæ permista, ad potum & cibum usitata insignes parit in corporibus putredines, à quibus eæ pestilentes febres facile fiunt. Hyeme oculorum lippitudines ibi multæ vagantur. Plurimasque Cayri easdemque per omnia anni tempora homines invadere ob nitrosum pulverem, qui continuè oculos habitantium mordicat, & calefacit, observatur, longè maximeque in æstatis prima parte, quo tempore calor ambientis æris summè calidi oculos inflamat, taliumque morbo-

borum numerum auget. Sparſim vero urbem toto anno hæ oculorum inflammationes vagantur; atque epidemicæ plurimæ in prima æſtatis parte calidiſſima, inæqualiſſimaque ob vehementiſſimum Meridionalium ventorum calorem, atque inflammatarum arenarum copiam, quæ ab iiſdem ventis aſportantur. Eo enim anni tempore è centum hominib. quinquaginta ſaltem lippientes obſervantur. Multi præſervantur ad his inflammationibus oculorum ſæpius in die algidâ aquâ large oculis lavatis, vel roſacea, vel aliqua ſtillatitia, vel Nili fluminis clarefacta. Eodem etiam tempore vagantur ibi epidemicæ febres peſtilentes multæ, atque ille apud eam gentem horrendiſſimus morbus, Dem el muja ab iis appellatus, qui pauciſſimis horis hominem perdit: Cujus morbi exemplum, quod apud nos novus ſit morbus, tibi ſubjungere optimum eſſe puto. Erat enim Cayri Paris Chriſtianus omnibus Venetis mercatoribus valde familiaris, annos natus quinquaginta, temperamento bolioſo & habitu gracili, qui una die febre ephemera, cum capitis dolore correptus, ſudavit toto corpore multum, excepto capite, quod nihil ſudavit, & febre integrè eſt judicatus. Dolor tamen capitis remanſit citra febrem: mane ſurrexit, ſolitaque munia obiens illa die, circa finem dolore perſeverante, in angulo dextri oculi rubor cum parvo tumore apparuit ſine dolore. Noctem præ ſolito dolore inquietam duxit, rubor tumorque oculi evanuit, diſparuitque; tamen erat immunis omnino à febre, nulliſque aliis ſymptomatis, quàm à nuper dicto dolore ipſe conflictabatur abſque ullo calore febrili: circa meridiem ab aſſumpto cibo dolor perauctus eſt, cœpit febrire, fereque continuo vomuit cum cibo multa virulenta, voceque defecit articulata, valde gemebat, non audiebat, non cognoſcebat, manuum phrenetica geſticulatio, floccos carpebat, feſtucasque colligebat. Reſpiratio magna, inæqualis, rara per interval- lum edita. Pulſus inæqualiſſimi, duriffimi: Hypochondria in principio mollia, mox valde tenſa. Extrema omnia frigida, minimeque recaleſcentia, ſtertebat, convuſus eſt, atque ſubito obiit. Tempus, quo februit ante exitium, non exceſſit duarum horarum ſpatium. Plurimi ſunt, qui hilariter coenan-

Com. 2.
in text. 73.

Aphor. 5.

tes instar apoplecticorum moriuntur, phreneticorum etiam notis. Notæ vero humorum cerebrum lædentium mixtæ sunt ex his, quæ tum pituitam, tum sanguinem, vel bilem significant. Omnesque simul significare videntur cerebrum ejusque membranas invasisse, tum calidos humores, tum frigidos, esseque ex his factum apostema. Quam sanè affectionem mixtam ex lethargo & phrenitide judicare possumus, illamque esse, quam Græci Thiphomaniam appellant. Quod & nomen non minus Arabicum, quo hunc morbum nominant, explicare videtur. Nam ipsi hunc morbum appellant Dem el muja. Dem enim Arabica lingua sanguinem denotat, & muja, aquam, quasi morbum dixerint ex sanguine & aqua genitum. His humoribus conjungitur insignis putredo ac venefica qualitas, quæ subitanei atque celerrimi exitii est causa. GUILAND. Neque mirum videtur mihi in hoc anni tempore, quod est prima æstatis pars, fieri hujusmodi cerebri inflammationes ex illis humoribus pituitosis ac biliosis, vel ex sanguine, atque ipsas sequi etiam exitium quam citissime. Nam cui medico erit dubium, primæ illiusce æstatis partis constitutionem austrinam, summè calidam potuisse subvehere à toto corpore in cerebrum maximam partem humorum, in illis corporibus exuperantium? Quo sanè modo Gal. in lib. 1. epidem. multos phreneticos factos fuisse narravit ex bile, ab austrina constitutione in caput sublata. Proprium esse videtur austrinorum ventorum subvehere ad caput humores, atque ipsum lædere. ut Hippoc. in lib. 3. Aphorism. docuit, cum inquit: *Austrini flatus caput gravantes, sensusque hebetantes, & reliqua.* Cum itaque in illa æstatis parte vigeant hujusmodi venti calidissimi, mirum non erit, si capita illorum habitantium quàm maxime lædantur, ab eoque calore inflammentur, multisque ab ipso calore in caput sublatis vaporibus, humoribusque à toto corpore in caput à colore, veluti à cucurbitula attractis, atque insigniter putrefactis ab immodica ambientis aëris caliditate. Exitium etiam tam cito illos sequi, non à copia illorum humorum, sed à venefica qualitate, ab intensissima putredine genita, ut Gal. in phrenetico ab Hippoc. in lib. 3. epidem. descripto tribus diebus mortuo accidisse, me-

memoriæ prodidit. Illiusce vero urbis habitatorum corpora succis pituitosis, & multo sanguine, atque amara bile abundare à te superius dictum est. Sed hæc obiter dicta à me sint; tu vero ne vacuum tempus demus, perge reliqua mihi enarrare.

ALPIN. Rectè fanè dixisti, ex illa primæ ætatis constitutione austrina summe calida, inæquali, atque ab eorum humorum exuperantia fieri eas cerebri lethalissimas inflammationes, in quibus fit paucis horis exitium, ob intensissimam putredinem illorum humorum, cerebrum ejusque membranas pessime oblædentem, ita, ut subito virtus animalis extinguatur, atque cum ea vitalis, continuò communicata cordi à cerebro læsione. Singulis annis semel Ægyptii hoc malo conflictantur. Aliquibus annis plus, ubi plus à Campsinis ventis molestantur, atque ubi minus ii perflant minus etiam id morbi genus ipsi patiuntur, quo innumeri semper intereunt. Eodem etiam tempore grassantur in pueris plurimæ variolæ pestiferæ, contagiosæ, quæ oriuntur à veneficis vaporibus in aërem tunc à putrida aqua rivi fluminis, Caleg vocati, sublatis. Singulis etenim annis octo eo flumine ad altitudinem decem & octo cubitorum, aqua ab ipso in rivum Caleg vocatum ingressa, perque ipsum transiens, totam urbem permeat, fluitque semper per ipsam à tempore, quo Nilum nuper dicta altitudine auctum esse dixi, quousque flumen ipsum crescere desiit, quæ, finito augmento fluminis, in alveo Caleg remanet, pauloque post stagnans facta, putrescit, viridisque primo cernitur & mox nigra, admodumque foetida apparet. Cujus putredo contracta in ipsa (quando fluminis augmentum terminetur mense Octobri, vel ad summum Novembri, & Junio rursum mense augeri incipiat) adveniente prima ætatis parte, adhuc magis augetur, intenseque putris reddita, halitus in aërem exhalat corruptos valdeque veneficos, à quibus aër infectus, pueros omnes partem rivo proximam habitantes in pestilentes eos morbos incidere est causa. Quam ob causam omnes civitatis habitatores illam rivi partem habitare timentes, ne ipsorum filii ab illo venefico aëre moriantur, aliò confugiunt. Hæcque sunt mala, quæ Cayri epidemice grassari solent. Multa alia existunt, quæ sparsim multos offendunt, quales sunt lepræ,

præ, elephantiasis, herniæ, arthritis, catharri maligni ad pulmones, phtyses, viscerum obstructions, inflammationes, & scirrhusi tumores, stomachi cruditates, flatus hypochondriaci, melancholiæ, renum vesicæque calculi. Lepra atque Græcorum elephantiasis in multis pauperibus semper cernitur. Qui inopia aquam cœnosam, semiputridamque epotant, atque pro victu carnem bubulam, camelorumque & pisces salitos semiputres, in stagnisque & lacubus, captos. caseumque quendam immodicè salitum ac semiputrem (est enim is omnium ciborum pauperibus familiarissimus, tum quia ob insignem falsedinem illorum appetitui sit acceptissimus, tum etiam, quia ibi vilissimo pretio venditur. Hunc Gibnehalon appellant.) Ex quo victu ipsorum corpora multum sanguinis fœculenti, perustæque flavæ bilis, & pituitæ crassæ, viscidæ, falsuginosæ generare ac coacervare, necessarium est. A quibus humoribus, ad cutim potrusis eos excitari morbos cuilibet nostrum manifestum est. Vagatur & altera elephantiasis, ut nuper etiam dictum est, qua correpti, pedes multis magnis duris tumoribus tumidos, magnos, atque deformes habent, elephantium maxime similes, cruribus tumefactis etiam conjunctos; quibus tamen æger nihil doloris sentit, sed ad ambulandum ineptus redditur. Multos vidi ipsorum, qui ipsi pedibus calceorum loco ligneis capsulis indutis, incedebant passu lentissimo ac difficillimo. Hoc morbo correpti multi Cayri cernuntur, ex malo victu, quem affectant, scilicet ex piscium Nili, ac multorum lacuum stagnantium, semiputridarumque aquarum, & colocassæ radicum, bammix, melochiæ olerum usu, quo multam pituitam crassam, lentamque gignunt, quæ ad pedes defluxa illos scirrhusos œdæmatososque tumores pedibus creat. Non minusque multas carnosas hernias parit. Atque ab hac eademque causa innumeris fieri viscerum obstructions, tumoresque scirrhusos arbitor. Herniarum omnes species ibi semper vagantur, plurimæque magnæ anguriæ magnitudine cernuntur. Autumant, aquosas oriri ab usu assiduo illarum anguriarum, quas appellant Batechel muja. Hæc anguriarum species intra corticem, non pulpam, ut in aliis visitur, sed solam aquam dul-

dulcissimam cum seminibus obtinet : quarum aquam, (cui in illis caloribus omnes libentissime indulgent,) assidue ebibitam ad testes descendere ob partium ipsius tenuitatem, atque scrotum implere ajunt. Ex flatibus non minus multæ herniæ observantur ab imbecillo calore stomachi, ab usuque leguminum, radicum, fructuumque, à quibus multi crassiores flatus ortum habent, qui multis hypochondria quoque tendunt, atque alias etiam partes. Ab usu assiduo aquæ in potu, & crudorum frigidorumque fructuum, olerumque, & ab immodica venere, usuque frequenti dulcium balneorum & ab intensis cœli caloribus plerisque stomachus frigidior redditur. Hincque multi illorum assiduas stomachi cruditates patiuntur, quorum numerus ferè infinitus Cayri conspicitur. Ego enim cum in via (ut apud ipsos consuetudo est, ut semper cum obviam alicui medico fiunt, ipsi brachium porrigant, ut pulsus tangat, etsi sani omnino etiam sint, atque ab eo intelligant ipsorum statum vel sanum vel ægrotum,) mihi aliquando necesse fuisset cujuscumque Turcæ Domini pulsus tangere, ut ei corporis statum detegerem, hac arte sum usus, ut (quando omnes ferè ejus loci homines opinentur, pulsus observatione medicum posse, usque etiam annularem, ut ita dicam, digitum manus, dolentem dignoscere.) semper inspecta facie naturalem suum colorem, habitum, figuram habente, postquam pulsum rectè tetigissem, dicerem illum rectè se habere quoad sanitatem universi corporis, sed tantum omnium ipsius corporis partium stomachum non omnino sanum, sed sæpe à cruditatibus læsum, qui frigidior imbecilliorque sit, nequeatque cibos omnes probè concoquere; semperque hac arte usus plurimum honorem apud ipsos sum consecutus, qui me optimum medicum inde crederent. Arthritici multi ibi existunt, ex multis humoribus crudis, quibus ob victum pleraque corpora abundare superius dictum est, & à multis etiam frigidis flatibus in articulos decumbentibus, à capitifque destillationibus creberrime ab inæqualissimoque aëre caput maxime lædente, excitatis, ad articulos delabentibus. A qua vero causa multi habeant articulos, atque ad suscipiendos humores faciles, non est scitu difficile, quando illi utuntur im-

modica venere, & frequentissime dulcibus balneis, quæ quanto articulos debilitent, atque laxent, tu recte nosti. Accedit etiam multa hyemalis aëris frigiditas, quæ ob tenuissimum, siccumque, inæqualemque aërem vehementior quàm sit, à corporibus sentitur. Demum consueſcunt etiam multi vestibus iisdem tantum uti hyeme, quibus utebantur per æstatem, & multi nudis pedibus toto hyeme ambulant; quæ omnia articulos lædere ſcimus. Renes permulti contraxerunt ex immodica venere valde calidos, ac debiles, in quibus cum multa confluat ea, qua corpora illa scatent, cruditarum copia, non erit mirum eos sæpiſſime calculis conflictari, & ulcera etiam in iis pati. Calculorum etiam maxima iis occasio eſſe ſolet, aqua non rectè purgata, clarefactaque, quæ quia diuretica eſt, facile ad renes permeat, terramque ſecum ducit, quæ amplius calore ſiccata, in calculos mutatur. Hique morbi omnes exiſtunt, qui ſparſim per urbem illam ſemper vagantur. **GUILAND.** Scio etiam ibi multos melancholicos reperiri, quos ſanctos multi eſſe autumant. **ALPIN.** Innumeri ii prope modum exiſtunt, qui vitam agere omnino à peccatis immunem profitentur, ſanctitatemque habere exiſtimantur, atque vivunt in locis aſperis Deo ſervientes, moreque Heremitarum. Hique in ſummo honore, apud omnes Mahometis aſſeclas habentur. Divitias ſpernunt, & mundi voluptates ac commoda fugiunt; abhorrentes vitam inhoneſtam, cœlibemque amplexantes. Humaniffime cum omnibus cujuſvis religionis ſe gerunt, errores omnes acriter accuſantes, mundumque homini eſſe miſeriam prædicant. Mœſti ſemper exiſtunt; à Deo multa ſupplicia ob mortalium flagitia expectantes. Habent corpora nigra, ſqualida, gracillima mumiarum arefactis corporibus omnino ſimilia. Quæ melancholica exiſtunt, conſumpto calore naturali ob immodicum ambientis aëris calorem, & tenuiſſimum victum, affiduas vigilias ac labores multos. Sed his nunc finem imponamus, quando opportunum tempus ſit, de peſte illorum locorum nunc loqui, de qua nihil in narrandis morbis *Ægyptiorum* meminimus. Sæpe tamen ipſa ea loca, *Cayrumque* maxime atrociffime devaſtat, ipſorumque gentem depaſcitur.

C A P. XV.

De peste, quæ sæpe loca Ægypti invadit, atque atrocissime devastat.

G U I L A N D I N U S.

ÆGYP T I O R U M loca sæpissime à peste atrociter devastari multis notum est, atque illam ex proximis finitimisque locis sæpe in illa asportari, in ipsisque sponte rarissime nasci, neque multos latet. Sed tu de ipsa verius, qui ipsam rectè observasti, loquere. ALPIN. Illiusce gentis pestem aliis omnibus sæviorem, atrocio remque esse existimo, pro erronea Turcarum Ægyptiorumque credulitate, qua omnes pro certo habent, singulis à Deo præconstitutum esse exitium, exitiique qualitatem, ita, ut, in bello morituros nullo pacto à peste interimi posse arbitrentur. Et solum peste eos mori posse, quibus quidem ab ipsa exitium præfixum sit. Qua vana credulitate omnem pestiferum morbum negligunt; atque parvi faciunt, nihilque ab eo timent, pro certo credentes, si illis vitam eo morbo finiendam destinatum sit, quin ab eo moriantur, nullo pacto ipsos posse effugere, neque in bello, neque in mari, neque alio modo mortem sibi pertimescendam. Atque hinc peste Ægyptum depopulante, urbem Cayrum sævissime depascente, nemo ipsorum in ipsa fugam arripit, neque una cum peste infectis versari timet, neque vestibibus, aliisque laneis, lineisque pannis pestis contagio infectis uti abhorret. Vestes enim, aliaque peste interemptorum defunctorumque suppellectilia, subito in emporiis publice venduntur, quod magis mirum videtur quisque ea emit absque ullo pestilentis contagii timore. Quæ sanè lues nullo pacto ab iis formidata, cum de ipsius contagio nulla habeatur ratio apud ipsos, fit vehementissima, sævissimaque per universam urbem citissime expanditur, & disseminatur, tantamque tyrannidem in ipsos ac stragem exercet, ejus contagio ob hominum hac in re negligentiam, in plurimos pro-

pagato, mirumque etiam in modum aucto, ut Cayri anno à Virginis Beatissimæ partu 1580. sex septemve tantum mensium spatio quingenta millia hominum, ut audio, peste perierint. Hoc boni habent ibi peste infecti, atque ægroti, quod à nullis deferuntur, quinimò medici omnes peste correptis libere, non secus, quàm aliis in omnibus morbis, medentur, citraque ullum timorem astantes ipsorum curam habent, non secus quàm ægrotis ab alio salutari, minimeque contagioso morbo facerent. **GUILLAND.** Mira loqueris, at suæ ignorantia à peste exitium subsequens illis poena fit, ac supplicium. Quid stultius esse potest, quàm oculis cernere pestilenti contagio plurimos interemptos esse, atque non credere, vel dubitare saltem sibi ipsis idem contingere posse, quasi credere nequeant ignem omnia combustilia comburere posse? Certe stultissima ea est opinio, planeque erronea ac falsa, quam non immeritò apud eam stultissimam gentem multorum hominum strages, ac ruina sequitur. Quid etenim, nonne naturæ etiam repugnat, dicere quoslibet homines ab excellenti aliqua putredine affici non posse, quam non æque omnes corripì ab ea possint, prædestinatamque cuilibet exitii qualitatem esse, liberaque non esse animalia, at ad particularem moriendi modum prædestinata? Ceterum hæc omittamus, quando hujus disputationis hîc non sit locus. Nunc ex te audire cupio, illorum locorum pestilentia à qua causa fiat, atque utrum ab aëris putridi inspiratione exstagnantibus lacubus, vel ab insigni, vehementissimoque calore corpora, ob pravum victum pessimis multis humoribus scatentia insigniter putrescant, vel demum si pestis aliunde contagio illuc potius asportetur. **ALPIN.** Plerumque pestilens contagium in Ægyptum ex multis locis peste infectis asportari solet. Rarissimeque ab aëris vitio pestis illa nascitur. Et hoc nonnisi ubi Nilus immodice ea loca inundat. Aqua etenim longiori tempore terram occupante fit, ut universum illud solum lacus invadat palustris ac stagnans, qui accedente primæ æstatis calore austrino, multo insigniorem recipit putredinem. Vel aër illorum locorum suapte natura calidus, & ficcus, fluminis larga Nili inundatione perseverante, immodice humidus reddi-

tur;

tur; quod aëris temperamentum ad gignendam pestilentiam esse valde opportunum ac facile Gal. in 1. lib. de temp. memoriæ prodidit. Ab halitibus vero putridis ac corruptis palustrium locorum Ægypti, lacuumque aquarum corruptarum singulis annis si multi essent, quales sequi solent immodicas fluminis inundationes aliquando ibi factas, pestis annis singulis ibi ex aëre fieret. Ex caliditate aëris immodica pestilentiam obortam fuisse nemo hætenus ibi vidit. Observatum vero est, ab insigni aëris calore potius omne pestiferum contagium extinctum esse, nunquam tamen à calore primæ æstatis, quod sua inæqualitate, atque calore suffocante potius putrefactionis generationi non parum faveat. Plerumque igitur id genus morbi ibi contagio ex aliis locis asportari solet, rarissimeque ab aëris vitio. Neque minus verum est, per septennium ibi pestem nasci, vel reviviscere. Ex tribus vero locis præcipuè pestis in Ægyptum accedit, scilicet ex Græcia, Syria, & Barbaria. Quæ autem ex Græciæ, & Syriæ locis illuc vehitur, Cayrumque corripit, satis mitis, & minus fera pauciores homines interimere observatur, brevique tempore tollitur: Sed quæ à Barbaricis locis in eam urbem invehitur, omnium est perniciosissima, sævissima, longissima, plurimos populos despascens, atque stragem multam ipsis inferens. Qualis fuit, quæ Cayrum, ut superius etiam dictum est, anno 1580. ex Barbaricis locis mense Octobri invasit, sæviitque per universam eam urbem atrocissime, tantamque stragem intulit, ut ad Junium usque mensem (quo tempore pestis contagium, qualecumque sit, desinere consuevit) periisse dicantur ad minus quingenta millia hominum. GUILAND. Forsitan id contingere majoris minorisque illorum locorum ab urbe ista distantia ratione dicendum erit. Quando Barbarica ea regio Ægypto, tum proxima sit. Aliaque loca Græciæ & Syriæ, præter quod distant, etiam ipsa ab Ægypto, mari quoque separata sunt. ALPIN. Minime profectò hujusce rei causa est, locorum ab urbe Cayro distantia, quoniam etsi urbs Bizantium, à qua sæpissime peste infecta pestilens contagium asportatur, ab ipsa Ægypto multum distet, tamen ut tu probe nosti, Syria multo propin-

quior est, quàm Bizantium. Cur itaque contagium pestilens Cayrum ex Barbaricis locis asportatum diu affliçtet, miserrimeque urbem hanc diruat, & devaſtet, ejusque omnem ferè populum depaſcatur, atque ex aliis locis nuper dictis asportatum minus ſævire ſit obſervatum, breviusque tollatur, & minorem ſtragem pariat, ex te nunc audire deſidero, qui altioris in abditis naturæ arcanis contemplationis te noverim. Ideo iſtuc ex te diſcere expecto.

C A P. XVI.

Cur peſtis contagium ex locis Barbariæ Cayrum importatum, diuturnius ſit, & magis exitioſum experiatur eo, quod ex aliis omnibus locis provenire obſervatur.

G U I L A N D I N U S.

NE videar nunc propoſitæ dubitationis laborem velle ſubterfugere, etſi rectius ad te iſ ſermo attineret, qui in iis locis longiorem quàm ego moram traxeris, nihilominus non deſinam tibi ſatisfacere, de propoſiti dubii cauſa meam ſententiam in medium proferendo. Cauſam itaque cur peſtis ex Barbaria illuc proſecta, ſit diuturnior, ſævior & exitioſior, exiſtimo eſſe præſtantiam excellentiamve peſtilentis illiuſce putredinis, cujus contagium veſtibus lineis, laneiſque multis pannis (quas merces plurimi ab iis locis Cayrum ſæpe advehunt) aſportatum, ob eam cauſam excellentius eſſe, atque citius eos invadere, multamque in ipſos tyrannidem exercere, diutiusque vigere poſſe ratio expoſtulat. Putredine igitur peſtis Barbariæ locorum exiſtente præſtantiori, venenofum ipſius contagium aſportatum validius ſæviusque eos populos invadere, quàm ex locis Græciæ Syriæque illuc proſectum, quodque fiat in his locis peſtis, ejusque venenum non ita excellens, non eſt mirum.

ALPIN. Veram fanè nuper propoſiti dubii cauſam dictam ex
te

te fuisse existimo, sed nondum tamen dubium explicatum ac resolutum esse videtur. Quando non demonstraveris quam ob causam pestis Barbaricæ putredo vehementior sit dicenda ac judicanda illâ, quæ in Græciæ, Syriæque locis observatur. Multoque magis, quod facile aliquis dicere posset, Græciæ & Syriæ, pestis putredinem Barbaricâ majorem potius judicandam, quoniam utræque hæ regiones aëre utuntur minus calido, multoque humidior. Quem quidem aërem ad excitandam pestilentiam esse aptissimum & facillimum Gal. in 1. lib. de temp. & in primo de diff. feb. testatum reliquit. Hinc Aristoteles in libro 3. de hist. animal. dixit, corpora sanguinea, quod aliis sint temperatiora, facilius computrescere. & Hipp. in 3. lib. aphorif. docuit putredines humidis temporibus & pluviosis fieri, atque videri. Quas quidem aëris qualitates magis habere Græciam, atque Syriam, quàm Barbariam multi noverunt. Nam scimus, Barbariæ aërem cœli calidissimi ratione calidissimum, atque ficcissimum esse, & Græciæ, Syriæque illo temperatiorem, atque humidum magis, ob id eorum locorum corpora ad putrescendum erunt valde apta, & facilia, atque ipsorum non minus putredo illâ erit excellentior, quæ in Barbariæ corporibus excitatur. quia ut etiam nuper dictum est, ficciora illa sunt corpora, minusque ad putrescendum apta, quinimò magis ut putrescant valde difficilia. **GUILAND.** Hoc tamen non est ita facile credendum, quando calidioris ficciorisque corporis putredo longe multo difficilior, mea quidem sententia, ea sit judicanda, quæ in corporibus minus calidis & humidis, ad putrescendum facillimis ac aptissimis excitatur. Quæ res tibi clarior videbitur, si me altiori magis stilo ipsam contemplari siveris. **ALPIN.** Nihil est, quod ego nunc libentius magis faciam, quàm te de eadem re loquentem, audire. sermo etenim tuus mihi semper non minus pro tua doctrina utilis, quàm gratus esse debet. **GUILAND.** Neminem nostrum esse arbitror, qui ignoret, pestem sive pestilentiam esse corporum ingentem ac summam putredinem, perniciosissimi veneni qualitate præditam, quæ sævissimam stragem in loca ab ipsa infecta inducit. Quam duplicem habere causam, ex
qua

Aphor. 113
& 16.

- qua fit, cognoscitur, scilicet putrefaciens, atque putrescibile, five causam efficientem, & materiam. Quæ efficiens sit causa, non est scitu admodum difficile, quando omnes medici affirmant, ipsam, esse calorem non naturalem, five extraneum, naturali contrarium, planeque inimicum. Naturalis enim calor corpus conservat, & quicquid in ipsum agit conservationis causâ agit. Extraneus vero, innaturalisque ad corruptionem omnia operatur, atque hic est, qui putredinem efficit, naturalem calorem corrumpendo ac dissipando, cum ita comparatum sit, Galeno in 4. lib. de simp. med. facult. docente, ut
- Cap. 14. res quælibet in propria servetur natura ex calore proprio, quo dissipato necessaria sequitur corruptio, cum humores nequeant
- Cap. 8. proprio calore destituti, imputres manere ac servari, ut in lib. 2. de diff. feb. Gal. scripsit, inquiens: *Neque enim fieri potest, ut aliquis quispiam ex humoribus talis permaneat, qualis erat ab initio, nedum qui ita depravatus, ut naturæ cultum non amplius suscipiat, sed alterum omnino sequitur, ut scilicet coquatur, apponatur, assimiletur solidis partibus animalis, aut corrumpatur, & putre fiat.* Qualis vero sit hic calor, in eodem libro, his verbis subjunxit paulo post, inquiens: *Nam rectè sentire videtur Aristoteles, ab aliena caliditate oriri putredinem. vocat autem alienam, externam non insitam, neque nativam in quocumque genere rerum, nam hæc concoquere apta est, externa autem corrumpere & putrefacere.* Noscitur vero hic calor, vel extrinsece, vel intrinsece; Extrinsece, ab aëre immodice calfacto; ob quam causam aëre existente immodice calido etiam putredines propagantur. Hincque fortassè Gal. in lib. 3. de temp. dixit: *At quæ corporis nostri naturam putrefaciunt, calida potestate existunt.*
- Cap. 4. Ex quo quidem aëris calore interdum ortam fuisse pestilentiam in hunc modum in primo lib. de diff. feb. testatum reliquit, dicens: *Contingit autem quandoque præcedere ambientis aëris caliditatem immodicam, quemadmodum in ea pestilentia, quæ Athenienses invasit, ut Thucidides inquit: Sed in tuguriis suffocantibus æstatis tempore habitantium corpora corruptione laborant; intrinsece vero calor hic extraneus excitari solet, prohibita caloris naturalis respiratione. quod significant omnes putridæ febres,*

bres, quæ à putredine humorum ab obstructis vasorum meatibus orta excitari solent. Omnes enim humores, sive crassitie, sive copia obstruentes, aliquo tempore necessario putrescunt. Fit etiam à quocumque calore immodico naturalem dissipante, atque corrumpente. Per calorem etiam extraneum nos intelligere debemus, omne illud, quod naturalem calorem dispergit, ac extinguit, ut halitus venenosi, non tantum caliditas aëris immodica, quæ ad putrescendum concurrit solum in corporibus, quæ multis pessimisque humoribus scatent, non tamen semper. Hæcque de causa effectiva putredinis à me obiter dicta sint. De eo verò, quod putrescit, dicimus, humores omnes, omnesque corporis partes putrefieri posse, calore ipsarum naturali ab extraneo corrupto & dissipato, vel eodem ipso etiam calore partis nativo vincente morbosam causam; quam putrefactionem nostri suppurationem & concoctionem appellant, quarum illa in abscessibus suppuratis, & hæc in febribus putridis observatur. Altera vero putrefactio, quæ fit natura vel in parte, vel omnino superata, ut in vehementissimis inflammationibus, quæ in gangrenas, spaciosque, dissipato ac extincto proprio partis calore ab extraneo, permutantur, observari solet. Omnes itaque tum partes corporis, tum humores computrescere possunt. ALPIN. Crediderim ego humida quæ tantum existunt, posse putrescere, ac sicca nequaquam, cum putredo sicco potius tanquam contrario tolli observetur, ut Gal. in nuperime abs te recitato libro ita scripsit: *Promptissime enim putrescunt, quæcumque calida ac humida, & multa sunt in calidis locis, nisi diffuari, simul ac refrigerari contingat.* & in primo lib. de temp. ait: *Deprehendas ex Borea (qui siccus naturâ & frigidus ventus est). omnia quàm diutissime imputria durare. Contra putrescere facillime austrino flatu.* Est enim is ventus calidus & humidus. Idemque affirmavit in primo lib. epidem. his utique verbis: *Auster dissolvere corpora consuevit, humoresque fundere, adeoque putrefacere simul, ubi cum largioribus sit conjunctus imbribus.* At manifestiorem hanc rem fecit in lib. 3. epidem. dicens: *Et putredo omnis ex materia quidem gignitur humida, ex causa vero efficiente, extraneo & præter naturam calore.* Sed quid

Cap. 4.

Comm. 1.
text. 26.Comm. 3.
text. 1.

Galenī testimonio egemus, cum omnibus medicis manifestissimum, atque apud ipsos observatissimum sit, carentia humiditate non putrescere, quamquam corrumpi queant? Carnes etenim aceto, saleque imputres ob id servari per multum tempus, quod minus ob hæc humidæ reddantur, cuilibet nostrum notum est. Hinc colligam solum humida putrescere posse, minimeque sicca. **GUILAND.** Recte sanè dixisses, si actu quæ sunt humida & sicca intellexeris, cum fieri nequeat, ut aliquod putrescat, quod omnino ficcum actu deprehendatur; necesse enim ei esse aliquam humiditatem, in quam putredo accendatur. Nihilominus possunt multa putrescere actu humida, quæ sicca etiam sint potestate, veluti vinum putrescit, flava, atraque bilis, potestate omnia sicca. Biliosæ enim febres, inflammationesque erisipelatodes flavam bilem putrescere significant. Humida vero actu, atque potestate facilius putrescunt, ut sanguis, lac, & alia multa. Difficiliusque aliquo modo sicca, & impossibile est actu potestateque sicca posse putrescere. Hæcque sufficient de præcipuis causis ad putrefactionem concurrentibus. Demonstratumque est putredinis causam effectricem esse calorem extraneum, & materialem, & omnia quæ actu habent humiditatem aliquam, facillimeque putrescere actu & potestate humida, ut sanguis, difficulterque sicca potestate, & humida actu, ut bilis, minime vero omnium putrescere actu, & potestate sicca, ut ossa. Ab his igitur discam, putredinem pestis Barbaricæ regionis habitantium esse vehementiorem, intensioremque eâ, quæ è Syriæ locis erumpit. Apud me enim constat priorum hominum corpora calidi ficcique esse temperamenti, ut indicare satis aperte videtur habitus ipsorum omnium fere corporum squalidus, gracillimus, durus, ac nigri, exstique coloris: Græcorum vero, atque Syrorum corpora calida & humida existunt, temperata, multique sanguinis, & habitus carnosī moderateque pinguis, floridique non minus coloris. Ideo hæc ob humiditatem facillima sunt, ut putrescant, & illa ob ficcitatem ad putrescendum difficillima. Quæ cum ita intense ac excellenter putrescant, putredinis intensiorem gradum, lapsus à suo naturali statu, certe explicat, qui in iis

ma-

maximus est. Nam sicca omnia corpora non ex quavis causa facile, ut humida, putrescunt, sed ex prævalidissima causa, quâ necessario prævalidam putredinem illam etiam judicabimus. Hinc hyeme atque in senibus febres exortas majores iis, quæ in æstate, atque in juvenibus fiunt, affirmamus. quod iis magnus lapsus observatur, qui illarum esse prævalidas causas explicet. Barbarica itaque corpora sicca ac squalida, peste correpta, necesse est affirmare, ex magno in ipsis lapsu observato, causas putredinis habuisse prævalidas: & consequenter putredinem factam intensiorem ac excellentiorem illâ, quæ in temperatis corporibus (qualia sunt Græcorum, & Syrorum) fit. in illis enim ad putredinem ob siccitatem magnus, & in his ob humiditatem parvus lapsus observatur. in quibus parvas ad putrefactionem, & in illis prævalidas concurrisse causas dicendum erit, ut in febre æstatis, & hyemis. in hac enim ad concitandam febrem prævalida causa est necessaria, veluti æstate quàm facile ex quolibet causa homines in febres incurrunt. Quam prævalidam causam putrefacientem corpora Barbarorum, præ squalore ac siccitate ad putrescendum valde inepta, necessario esse calorem extraneum in iis corporibus susceptum existimo: si enim pravo ipsi victu uterentur, suspicio esset de intensissimo ambientis calore, ut ab ipso ita excellentem susciperent putredinem, veluti apud Athenienses olim ortam fuisse pestilentiam ex Gal. nuper dictum est. Cæterum cum vel ab aëre, vel ab aliqua alia causa hic externus naturali contrarius calor ea corpora putrefaciens, accedat, obscura non est causa, cur illi ita intensius ab ea putrescant. Quando jam priori causæ, (quam ego omnino ignoro.) alia jungatur, quæ cur in illis corporibus intensiores illæ generentur putredines, declarat. Namque omnibus manifestum est, humores omnes, partesque corporis proprio calore destitutas, ab alieno vel extraneo computrescere. ut Gal. docuit in lib. 4. de simp. med. facult. atque, ut nuper quoque dictum est, humores naturali ac proprio suo calore destitutos ac privatos, putredinis expertes servari non posse, sed necessario putrescere. quo fit, ut qui humores magis suo calore destituuntur, & qui minus, majorem, atque minorem ne-

cessario subeant putrefactionem. Cur igitur iis probè auditis cur Barbarica corpora sub continuo calidissimo cœlo degentia, tam intensam contrahunt putredinem, admirabimur? quando maximus continuusque, quem semper experiuntur, calor absque aliqua refrigeratione, illorum corporum naturalem calorem dissipet, & dissolvat, ipsaque corpora extraneo ad putrescendum agenti subjiciat, atque etiam cum frigore careant, non diffletur, ac refrigeretur. Aër enim summe calidus, continuè marcescit, pessimusque fit, atque corporum calorem innatum corrumpit ac dissolvit. quo dissoluto intensissimas fieri putredines non est mirum, atque ab his pestiferos morbos, qui caloris adjumento, & latius expanduntur, & acutiores sævioresque evadunt, non secus quàm dicunt medici, venenorum calidiora, magis, & minus calida, minus ad nocendum esse efficacia. Hincque colligunt multi, in locis sub frigidiori cœlo positis homines mitiorem pestilentiam pati, ut in Boemia, Germania, Polonia, & aliis frigidioribus orbis plagis observatum est. ibi etenim pestilentiam mitissimam, ac ipsis admodum domesticam patiuntur. Cum igitur Barbari ex continuo immodicoque cœli calore (summè enim calida regio est Barbaria) naturali calore imbecilli, ac paucò fruuntur, mirum non est, si ipsorum corpora excellentissimas suscipiant putredines; & Græci & Syri temperatori cœlo utentes, si multum innatum habentes calorem, non ita intensas excipiant putrefactiones, quoniam apud ipsos calor extraneus debilis est, & insitus multus, veluti apud Barbaros insitus paucus, & extraneus multus. mirumque ob id non est, si Barbarorum corporum peste infectorum putredo sit præstantior eâ, quam Græci, Syrique patiuntur. & ejus non minus contagium apud hos minus excellens sit, ad hominesque inficiendos præpotentius apud illos, excellentius, acutius, prævalidiusque. atque hæc de vehementia pestilentis illorum putredinis, contagii fortitudine, ac imbecillitate, ex efficientis causæ ratione indagata dicere volui. Nunc vero de eadem re ex materiæ putrescentis occasione differamus; Nam multa existunt, à materia, quæ ibi putrescit, cognita, quæ eam pestiferi contagii præstantiam majorem & minorem confir-

mant.

mant. Siquidem corporum humores ibi putrescentes majori ex parte, cœli utique ratione biliosi, atque exusti existunt, qui quantò sunt ad putrescendum difficiliore, eò putrefacti intensiorem acutioremque putredinem excipiunt. Quod quidem clarissime significant symptomata, ac morbi ex putrefacta bile, ac atra bile, vel exustis humoribus orta: quæ omnia acutissima, vehementissima, atque horrendissima existunt, ut medicis praxim exercentibus notissimum est. In febribus à putredine bilioforum exustorumque humorum ortis, sævissima symptomata, ac horrendissima observari, quæ ægrotos male habent, citissimeque aliquando interimunt, cuique planè clarum est. Accedit quod putredo in sicca materia suscepta, longe illâ, quæ in humida accenditur, acutior, atque diuturnior existit, ut cognoscere possumus in omnibus formis arte factis, tum in sicca, tum in humida materia receptis; in hac enim quæ excepta sunt, facile corrumpuntur, atque citò delentur; in illâ, maxima difficultate, atque longo tempore. Cui enim ignotum est, figuram in cera facile imprimi, atque facile corrumpi, ac deleri, in ferro & lapide quàm difficillime, & tardissime? Non videtur itaque à veritate alienum affirmare, contagium pestis Barbariæ in corporum humores ficciores accensæ acutius, excellentius, diuturnius, Græco ac Syriaco, quod à putredine promanat in corporum humores humidiores, (quando hæc corpora calida & humida, & illa calida & sicca existant.) esse judicandum; ideoque in Ægypto ex Barbaria advectum, vehementius incolas pervadere, atque ipsos atrociter depasci, diutiusque quàm alibi vigere atque perseverare, insignemque ibi hominum stragem inducere. Hasque puto causas, cur pestiferum contagium ex Barbariæ locis peste infectis illuc asportatum, citius plurimos homines invadat, quàm ex Græciæ Syriæque locis profectum, atque diutius ibi vivat, atrociusque eam gentem feriat, atque perdat. His auditis, audiendum etiam est tempus, quo ibi pestis manifestatur, & non minus cognoscendum est. quanto tempore duret, quando audierim, Junio mense, Sole æstivum tropicum permeante, omnem pestilentiam ibi consumi, atque aboleri. Ideo istud mihi nunc

narrare non te pigeat. ALPIN. Libentissime à te nunc expetita dicam; atque nunc ne tempus frustra conteramus, etiam loqui incipiam.

C A P. XVII.

Quo tempore pestis loca Ægyptia invadere soleat, & quo tempore ipsa desinat.

A L P I N U S.

PESTIS Cayri, atque in omnibus locis Ægypti invadere eos populos, solet ineunte Septembri mense, usque ad Junium: his enim omnibus mensibus à Septembri ad Junium usque pestis aliunde per contagium illuc asportata, eam gentem invadere solet. Quæ primis in his mensibus accedit omnium est sævissima, maximeque si Barbariæ locis proficiscatur, universam etenim ipsa illam urbem asperè depascitur, multos, propemodumque infinitos mortales perdit. Minus sæva est, quo tradior illuc accessit, viderique incipit, ita ut quò tardius venerit, eò mitior ac brevior sit judicanda: quoniam cum angustum habeat temporis spatium, quo serpere per populum possit, nequit omnes suas in homines illos vires ostendere. Junio vero mense, qualiscumque & quantacumque sit ibi pestilentia, Sole primam Cancris partem ingrediente, omnino tollitur, quod multis planè divinum esse non immerito videtur. Sed quod etiam valde mirabile creditur, omnia supellectilia pestifero contagio infecta tunc nullum contagii effectum in eam gentem edunt, ita, ut tunc ea urbs in tutissimo ac tranquillissimo statu reducatur, ex summe morbofo; atque morbi particulares, sporadici à Græcis vocati, tunc apperere incipiunt, qui nusquam gentium tempore pestis apparebant. GUILAND. Sed nunquid aliis tribus sequentibus mensibus pestis illuc profecta populum illum corripit, atque quam ob causam omnis pestilentia mense Junio abigatur, atque omnino desinat, libenter etiam nunc ex te audirem? ALPIN. Junio, Julio & Augusto mense numquam, ut Ægyp-

Ægyptii affirmant, visa est pestis illuc ex infectis locis profecta quæ eos populos invaserit. Quam vero ob causam ab Ægypto illo mense omnis pestilentia, quantacumque & qualiscumque sit tollatur, nunc venari ac indagare conabor. Arduam sane ac difficillimam hanc cognitionem esse existimo, proinde non ita facile à me excogitata causa proferenda est, sed prius ipsam veritati comparare, ac rectè contemplari debeo, & mox in lucem proferre. GUILAND. Sapienter istuc illo pacto facies, sed quoniam tandiu ibi cum ea gente versatus es, non dubito illiusce effectus veram ac certam causam te ab iis accepisse, atque didicisse, vel per te ipsum ratione atque eventibus indagasse. Cupio igitur te nunc de his audire.

C A P. XVIII.

Qua causa Cayri qualiscunque pestilentia sit, mense Junio omnino tollatur.

A L P I N U S.

NIHIL est, neque fit aliquid eo in mense, scilicet Junio, quod urbem à pestifero morbo infectam in salubrem statum mutare dignoscatur; Nili fluminis excepto augmento, quod ipsum constantissime die septima decima mensis Junii aëris illiusce temporis mutatione ab immodico caloris æstu inæqualissimo, ab Austrinis, Eurisque ventis, ut nuper dictum est, concitato, ad aërem minus calidum, sed æqualem, & continuum, sive ab Austrina morbosa constitutione in Septentrionalem salubrem facta. Namque aër tribus fere mensibus ante æstivum Solstitium, quo tempore universum pestis contagium absumitur, interruptè calidissimus, fereque suffocans animalia, ex Austrinis. Eurisque ventis interruptè, ut superius sedulo narratum est, calidissimum spirantibus, observatur, inæqualissimusque etiam, quia ii venti non diu perseverant, sed paucis quibusdam tantum diebus, plerumque tribus spirare soleant, & mox desinere, à quibus subito venti alii perflant, admodum corpora refrigerantes. Atque ab his paucis post diebus rursum
sum-

summe calidi redeant, aëremque non parum ab aliis refrigeratum ad immodicum calorem confertim mutant. Quamobrem aër calidissimus, æstuosissimus, inæqualissimus, pessimusque iis tribus mensibus ingruit, & qui ipsum itidem sequitur, accedente Solstitio æstivo, etsi valde & ipse calidus sit, est tamen continue æqualis, uniformis, non confertim, sed sensim ac sensim mutationes, quæ cœli ratione fiunt, inferens. Accedit etiam per id tempus Septentrionalium ventorum, quos nostri Etesias appellant, spiratio. Incipiunt etenim Sole signum cancri ingrediente, è Septentrione ii venti spirare; qui totis Julio, & Augusto mensibus constanter, placidissimeque perflant, & toto fere Junio mense, Campsinis ventis absorptis, iidem Septentrionales venti orti, constanter spirare incipiunt, hique proculdubio existunt, quos Gall. aliique Prodomos vocant. Hæcque per id temporis incipiunt observari, à quibus fortasse non immeritò causam extinctionis pestis, morbosique in salubrem statum mutationis pendere arbitror, quando nulla alia ex conservatricibus causis, quas vulgus medicorum res non naturales appellat, aëre excepto, ibi eo tempore appareat, in quam morborum status insalubrem mutationem referre possimus. Ideo necessarium erit, hujusce mutationis causam aëris mutationi acceptam referre: & quoniam tunc aër mutatur ab æstuante calore, inæquali, in minus calidum, & æqualem, atque continuum, mirum non erit, si quemadmodum prius aëre à Campsinis ventis, calore suffocante, atque inæqualissimo, quippè modò calidissimo, modò frigido effecto, ac vigente, morbosus status observabatur; ita eodem in minus calidum, atque in æqualem, & continuum mutato, etiam morbosum statum in salubrem mutari, non immeritò dicendum erit. Corpora enim in hoc aëris statu valde calido, continuo, ac omnino æquali, semper calfaciente, diffantur, aperiuntur, evacuantur atque exsiccantur. Nam quisque per id temporis sæpissime per diem largissime exudat, quo fit, ut pestiferum etiam contagium ab aëris insigni & assiduo calore exolvi, atque dissipari non injuriâ sit credendum. A Nili fluminis facto augmento, aërem in hunc statum mutari posse aliquibus forsitan

tan videbitur, quòd eodem tempore, scilicet Sole Solstitium tenente (cùm annis singulis flumen crescere incipiat die decima mensis Junii) constantissime observetur, hunc aëris salubrem statum vagari. Quod sanè ita non esse ostendit illo tempore, quo ibi omne pestilens contagium absumitur. Nili incrementum obscurissimum, ac paucissimum esse, ex quo aër non poterit usque adeo alterari, ac à priori statu mutari, qui possit morbosum ejus statum corrigere, aut omnino tollere. Itaque illiusce fluminis incrementum esse in causa ut pestilentia illa desinat, non erit credendum, quando alio tempore evanescit pestis, & alio flumen suum suscipiat augmentum: quod aërem multum alterare queat. Pestis extinctio nihilominus coincidit cum fluminis augmenti principio, sed quia incrementi initia tenuia satis sunt, atque ita obscura, ut vix ab omnibus dignoscantur, per id temporis inceptam esse illiusce auctiorem ita, ut vel nihil, vel parum aër præsentis ejus temporis, à priori statu mutatus sit. Quomodo itaque aër vel nihil, vel parvissime mutatus tantam vim habere potuerit, qui possit mutare statum pestilentem in saluberrimum? certè nemo hoc affirmare audebit, nisi dixerit etiam tolli pestilens contagium ab occulta aliqua causa; veluti principium quoque augmenti fluminis illius per singulos annos, eodem mense, die, & hora constantissime ac semper observatum, ab eadem occulta causa pendere multi non immeritò affirmant, quando hujus perpetuo incipientis augmenti causam posse naturæ principiis indagari, ac vere cognosci, nullo modo posse fieri mihi videatur. Hincque anticipites non immeritò fieri, quod Nili aquæ illud augmentum ex pluviis Æthiopum principium habeat, quoniam nullibi pluviae semper fieri incipiunt eadem tum die, tum hora, ut possint eadem die semper flumen aliquod augere; quod si verum esset, utique dubitare omnes possent, causam generationis pluviarum, in aëris temperiem inconstantissimam referri debere. Quare non videtur verum esse, pestis illam dissolutionem tempore eodem, quo flumen augeri incipit observatam, posse à Nili augmento causam habere. An vero ipsa referri possit in Etesiarum spirationem, quando hi venti tunc spirare incipiant,

Cap. I.
com. I.

placidissimeque per totam æstatem continent? Sed non desunt aliqui, qui ventos (quod ipsi incipiant accedente Solstitio cancri,) esse Etesias denegent. Namque omnes, qui de his scribere, eos flare incipere à canis fideris ortu affirmant, ut Gal. in lib. de caus. procatarct. atque in 1. epidem. memoriæ prodidit. De his vero Plinius in lib. 2. Nat. histi. scripsit, ita dicens: *Ardentissimo autem æstatis tempore exoritur Caniculæ sidus, Sole primam partem Leonis ingrediente, qui 15. ante Augusti Calend. est. hujus exortum dieb. octo ferme Aquilones antecedunt, quos Prodromos appellant. Post biduum autem exortus, iidem aquilones constantius perflant diebus quadraginta, quos Etesias vocant. Cum igitur Cayri hi venti constanter flare incipiant sub Solstitio æstivo, non poterimus statuere eos esse Etesias. GUILAND.* Non ob id tamen ita facile negandum erit, quod Cayri venti illi solitum tempus, quo in Italia Etesias flare multi scribere, antecedant, ferè per mensem non esse Etesias, quando alia eorum ventorum signa observentur. Nam ex Septentrione ipsi spirant, constanterque flant diebus quadraginta, & multo pluribus etiam, non aspereque, sed summe placidé spirant, dieque ab ortu Solis incipientes, auram frigidiusculam efficientes: quæ omnia tales ventos denotant. Quam vero ob causam ibi incipiant sub Solstitio æstivo, & Italiæ in locis eo tantum Solstitio peracto ab ortu caniculæ per aliquot dies, ibique longiori quoque tempore, quàm hic observetur, spirent non est nostrum nunc considerare, ac contemplari. Neque planè veram esse Aristotelis sententiam in lib. 2. meteororum literis traditam, hinc dubitari posset, quando is dixerit, à reversione Solis à Solstitio Cancræ, dum Leonem ingreditur, Septentrioni multo calore communicato, ab eoque eorum locorum nivibus glacieque liquatis, flatus inde excitari, à quibus Etesias ortum habuerint. Quando in Ægypto Sole ad tropicum accedente, Etesias fiant. Quod si ita esset, proculdubio aut eodem tempore, tum in Italia, tum in Ægypto observarentur, aut prius in Italia sentirentur, quàm ad Ægyptum pervenissent. Sed cum prius ibi conspiciantur, dicendum erit ab eadem effectrice causa ab Aristotele significata, scilicet calore, eos ventos nasci, sed non à liqua-

liquatis nivibus, glacieque locorum Septentrionalium, sed Græciæ aliorumque Asiæ minoris, quæ sunt Ægypto proxima, quæ habent excelsos montes, à quibus nives calore liquatæ halitus Ægyptiis locis mandantes, illos profectò ventos efficiunt. Non puto igitur ab re nunc ex te dictum esse, illos ventos incipientes flare in Ægypto, Sole Cancrum ingrediente, & perdurantes fere toto mense Augusto, esse Etesias. Tu modo perge ad inceptæ reliquum orationis. ALPIN. Ab his igitur ventis aërem alteratum, esse causam cur pestis illa dissolvatur, multi illorum affirmant. Quod etiam non videtur penitus à veritate alienum, quando id multis etiam rationibus nobis persuaderi possit, in primisque ex contrariorum naturæ ratione: namque nulli dubium est, austrinos eos ventos, quos diximus ab iis populis Campsin nuncupari, natura ac qualitate opponi Septentrionalibus Etesiiis vocatis: Quod cum verum sit, non erit mirum, diversum planeque contrarium statum, cum Etesii ventis dominantur, aërem habere, ab eo, qui Campsinis oppositis spirantibus prius observabatur. Ideo si his vigentibus in aëre status aëris fuerat morbosus, procul dubio ipsis absorbtis, Etesiiisque oppositis flare incipientibus, constanterque flantibus, in oppositum, qui est salubris, ipsum mutari debere affirmandum erit. Accedit natura Etesiarum, quæ adversatur pestilentibus constitutionibus, quemadmodum austrina putrefactionibus favere, observatur. quod Gal. in primo lib. de Cap. 44 temp. ita scriptum reliquit. *Deprehendas ex Borea, qui siccus naturâ & frigidus ventus est, omnia quàm diutissime imputria durare, contra putrescere facillime austrino flatu.* Amplius particulatim Gal. hos ventos aëri salubritatem inducere in multis locis nos docuit; in lib. enim 3. epidem. dixit: *Si Etesiae in æstate fiant, multa mala prohibere, quæ iis non flantibus fierent: ideo de pestilenti statu inquit: Quo tempore si Etesiae spirassent, morbosum humani corporis statum omnem abstersissent, Æstatem Etesiiis carentem admodum morbosam esse pluribus in locis scriptum reliquit. Et proinde Hipp. æstatem pestilentis naturæ describens, ait: Æstas serena erat & calida, magni erant æstus. Etesiae parvæ dispersim spirarunt.* Ex his igitur dicere possumus

3. epid.
com. 3.
text. 71.

illiusce pestis abolitionem vel extinctionem ab Etesiiis tunc flare incipientibus, aëremque in oppositam temperiem mutantibus, non parvam occasionem, vel causam habere posse. Dicunt etiam multi, quod calor æstatis immoderatus diu durans, absque quod contrario aliquo frigido vento diffletur, ac ventiletur, non poterit diu servari quin corrumpatur vel putrescat, veneficamque acquirat qualitatem. Non posse vero pestem illam extinguere atque deleri ab Etesiarum spiratione, hinc etiam dubitari potest, quod pestis in multis locis, quamquam Etesiae valde spirarint, non fuerit extincta: ut in peste anni 1575. Patavii observatum est. Itaque cum ex nuperrime dictis de his dubius non parum hac eadem de re sim, obsecro ne te pigeat, de causis, quibus illam apud Ægyptios pestilentiam deleri putas, tuam sentiam proferre. **GUILAND.** Pestilens contagium totum per illud temporis perpetuò annis singulis extinguere, scilicet mense Junio, cum Sol primam canceri partem ingreditur, id ex aëris mutatione accidere mihi videtur, quando nulla aliarum sanitatem conservantium causarum observetur ibi esse, quæ id facere queat. Aërem vero ipsum ex morbofo statu in salubrem mutari tunc temporis ex particulari temperie suscepta, alienum esse à veritate non judico. Is etenim, uti ex te audiavi, eo tempore fit priori minus calidus, quamquam valde & ipse calidus sit, sed continuus, æqualis, eodemque modo perpetuo constans, qui si quas suscipit alterationes ac mutationes, illas non confertim, sed sensim ac sensim recipit: Quo sanè tempore ab ipso corpora (cum remiserit calor ille æstuosus à Campsinis ventis evectus, suffocans) melius se habent, eumque calorem facilius ac melius perferunt: quoniam is tunc habet calorem à cœlo, cui illa corpora jam assueta sunt, in ipsoque nata, non autem à ventis, veluti antea fuerat, advenam temperiem ipsorum aëri inducentibus. Hincque æqualis & constans fit, quod à ventis mutationem nullam suscipiat. Illo itaque aëre tunc multum calfaciente, atque perpetuo eodem modo perseverante, corpora ipsorum admodum exudant, aperiantur, atque siccantur. quibus tum in ipsis corporibus, tum in vestibus, aliisque omnibus suppellectilibus, omnis excrementitia.

titia humiditas dissolvitur, atque consumitur, eaque maxime, in qua pestilens illud contagium fundatur, atque ab ipsa fovetur. A vehementi aëris caliditate omne contagium dissolvi posse, vel omnes mulierculæ sciunt, quæ laneos pannos, ceteraque domorum suppellectilia quovis contagio infecta, per multos dies Soli, ut ab his contagii omnem suspicionem abigant, exponunt, neque longa experientia, ut cognitum est, sua spe unquam frustantur, reddentes hæc omnia ab omni contagio munda, ac libera. Atque hinc mirum utique non est, si hi populi infecti pestifero contagio, aëri summe calido, æquali, corpora multum diffianti, aperienti, tum per insensibilem transpirationem, tum per copiosum, assiduumque sudorem evacuanti, & exsiccanti expositi, ab eo liberi fiant. Certum enim est, ac apud omnes ibi observatissimum, omnia corpora per id temporis summe diffilari, sudoribusque assiduís copiosisque, ac insensibili transpiratione exsiccari. Quæ quantum conducant ad abigendam e corporibus omnem putredinem, neminem medicorum ignorare certò scio, qui tamen in Gal. scri- Cap. 4. ptis sit versatus. Namque is in 1. lib. de diff. feb. hos duos esse præcipuos scopos ad præservanda corpora à pestilentia dixerat, his verbis: *Erat autem eorum summa, ut ostendit idem Hippocr. ipsa putrefactio. quod cum nos prævidissemus statim ab initio, quæcunque corpora humida videbamus, omni via exsiccare conabamur. quæ vero sicciora, in iis antiquum habitum conservabamus. at in quibus superfluitates redundabant, hæc purgationibus sanabamus. Obstructiones autem foraminum aperire, atque abstergere studebamus.* Pauloque post dixit: *una siquidem ac prima est in omnibus communis intentio, quod corpus quàm maxime superfluitatibus vacet, atque optime spiret.* Quam obrem, quod ea aëris temperies admodum corpora exsiccet, atque difflet, existimo non immeritò fore putandum, inde absumi eam pestilentiam, ejusque omne contagium, exsiccato scilicet vel dissoluto ab eo calore aëris humido in pannis, & omni suppellectili veste, qua putredo, ejusque contagium fovebatur, atque iis corporibus evacuatis, exsiccatisve, atque diffatis. ALPIN. Hæc veritas videtur non parum obscura, ac dubia, cum in prima æstate,

vel æstatis parte, in qua summam vigere pestilentiam diximus, oporteret etiam eandem corporum vigere salubritatem, quando aëris tunc summa caliditas queat & ipsa omnem contagii humiditatem à pannis, ceterisque aliis suppelleçtilibus consumere ac resolvere, non minusque illorum corpora, tum per sudorem copiosum, tum per insensibilem evacuationem exsiccare, atque diffilare. **GUILAND.** Intelligere arbitror ex his, unde tibi orta sit hæc difficultas, respondeoque, aërem primæ æstatis partis etsi calidissimus sit, ea utique efficere non posse, tum præ immoderata caliditate ferè animalia suffocante, tum præ ejus inæqualitate: namque ut dixi, postquam æstuantissimi Campsini flârint, subito oppositi validissime spirare solent, frigidi, quibus neque contagii humiditas consumi potest, cum calor diu non perseveret, neque corpora exsiccantur, neque diffilentur ob eandem causam. Calor etenim ejus prioris status non est aptus, ut putredinem deleat, sed potius ipsam concitet, quando ab eo nativus calor summe labefactetur, ac exolvatur. Nam corpora superfluitatibus scatentia, ad hoc, ut à putredine ipsa vindicari possint, non solum exsiccatione, quæ fieri potest ibi præ intenso calore molita evacuatione vel per sudorem, vel per halitus, opus habent, verum non minus diffilatione atque naturalis spiritus, calorive restauratione, aliter calor nativus diffipabitur: in aëre vero immoderatè calido corpora evacuationibus exsiccare possunt, & diffilari, sed non restaurari vitales spiritus, qui sola refrigeratione, quæ fit frigidi aëris inspiratione, nutriuntur, foventur, atque restaurantur. Hincque secundæ æstatis assiduus calor calidus, continuus, æqualis ac uniformis poterit corpora exsiccare, ipsorumque meatus aperire, atque **Etesiis** simul frigidum temperatum spirantibus toto illo tempore, corporum etiam vitalis spiritus poterunt restaurari, ac foveri. Nili vero augmentum eodem tempore inceptum posse huic aëris salubritati conducere, planè ignoro. quod tunc & obscurissimum sit, atque etiam, quia potius humiditate, quàm siccitate aërem refert, atque alterat; quæ aëris qualitas omnino inutilis ad tollendam putredinem cognoscitur, quando potius omnem putrefactionem pro causa in qua fit, humiditatem ha-

habere omnes noverint. Hæc idonea judicavi, quæ propositam dubitationem probè solvere potuerint, quippe Junio mense omnem pestilentiam, ejusque omne contagium aboleri ex aëris temperie calida, æquali, uniformi, atque continua, Etefiarumque spiratione, quibus corpora, tum per sudorem, tum per insensibilem transpirationem exsiccantur, diffiantur, atque refrigerantur. & hæc de peste loca Ægypti invadente sufficiant. tuque perge alia enarrare. ALPIN. Omnia jam una die, quæ in ipsa dicenda proposueramus, peracta vides, essetque ad alia transeundum. Sed quia nos Solem sub horizontem descendere perspicimus, in aliam diem aliis de rebus sermonem differamus; ad ipsorum autem medicinam mane accedemus. Domum itaque eo, atque huc mane Deo annuente revertar. Quidque tunc præcise sit dicendum, simul terminabimus. Vale. GUILAND. Vale & tu, dum huc etiam veneris. Diluculoque in viridario me conferam, atque te, usque dum redeas, expectabo.

FINIS PRIMI LIBRI.



PROS-



PROSPERI ALPINI

DE MEDICINA ÆGYPTIORUM.

LIBER SECUNDUS.

C A P. I.

De usu mittendi sanguinem, apud Ægyptios Medicos frequentato, & cur apud ipsos sanguinis vacuatio sit familiarissimum remedium.

GUILANDINUS, ALPINUS.



CUM te nondum ad me rediisse Sole jamdudum diem aperiente admirarer, demum in via te conspicio, externis ferè sopitis sensibus, gressus cum profunda quadam animi cogitatione movere, quasi semistupidum, atque comatosum, viridarium versus deambulantem; à qua tamen non ausus sum te revocare, ne tuam aliquam voluptatem perturbarem, sed quid istud est, quod tu ambulando ita profundè cogitas, atque ita altius contemplaris? ALPIN. Ne frustra tempus conterem, eundo, atque more Peripateticorum deambulando, varia præsidia, quibus Ægyptii medendo utuntur, in memoriam revocabam,

ma-

materiamque ita paratam mecum ipse reputabam futuram de ipsa hodierno die tractationem, ne ego, ubi te in viridario convenissem, in mora interim essem nostris jam cœptis sermonibus. **GUILAND.** Recte sanè fecisti, eam te nunc ubi in hujusce amœnissimi viridarii secretiori solito recessu ambo convenimus, referre æquum est. **ALPIN.** Tres esse medicinæ curatricis partes, (quas fontes auxiliorum, vel præsidiorum vulgus medicorum appellat.) omnibus manifestum est, ea scilicet, quæ victu, quæ medicamentis, & quæ manu exercetur. Has vocant nostri diæteticam, pharmaceuticam, & chirurgicam. Prima omnem victus rationem continet, quæ ægrotis conducit; secunda medicamentorum usum complectitur; tertia ea præsidia pertractat, quæ manus operâ adhibentur. Cum itaque omnes hæ medicinæ partes juxta illorum populorum usum percurrendæ nobis sint, ne quippiam ad medendum utile omitamus, in primis à postrema parte exordiri, ab historia quippè auxiliorum, quæ manu exercentur, optimum fore judicavi, præsertimque à mittendi sanguinis ratione, quam illi sequuntur, quòd hæc medicinæ pars apud ipsos in curandis morbis sit ceteris partibus usitatior, atque familiarior. Præcipua vero hujusce partis capita, de quibus nunc instituenda est oratio, eundo & cogitando, priusquam huc pervenissem, planè firmavi. Quæ omnia nihil aliud decernunt, quàm mittendi sanguinis rationem, atque usum apud Ægyptios frequentatum, tum nonnullas etiam usus partes variis morbis addictas, inurendi, cauterizandive, atque quasdam etiam præcipuas alias chirurgicas operationes, tum ad suppuratos, tum ad hydropicos, tum ad illos, qui ex lapidibus in vesica dolent, atque ægrotant, ad aliasque etiam multas affectiones. Sed quid in his amplius moror? melius est, ut de his nunc loqui incipiam, ne inceptum hunc diem sine longa linea abire finamus. **GUIL.** Jam his præmissis, tempus est, ut ad usum mittendi sanguinem apud ipsos frequentatum, te conferas. Ideo, si lubet incipere poteris. **ALPIN.** Communissimum est, admodumque familiare in tota Ægypto medicum præsidium, quod sanguinis missione tractatur. Ita, ut omnes cujusque sexus, ætatis, com-

plexionis, quocumque anni tempore, in quovis morbo libentissime largius, sæpiusque variis modis mittere sanguinem confuescant. Omnesque sanguinis evacuationem libentius, quàm alia medica presidia admittunt. Quisque etenim huic remedio nimium confidens, ipsum quocumque morbo correptus magna spe arripit; idque triplicem ob causam, in primisque, quòd omnibus plane persuasum sit, ut superius dictum est, quoslibet ferè morbos ibi vel à caliditate omnimoda oriri, vel cum aliis causis caliditatem etiam adesse. Ex quo quælibet sanguinis evacuatio multum refrigerat, sanguinis missione ita facile utuntur. Secundo, ibi quisque arbitratur, corpora illa multo sanguine abundare, ob largum aquæ Nili fluminis usitatum potum, quæ ut illorum est opinio, tota in sanguinem vertitur, vimque gignendi sanguinem ipsam ex eo tempore putant adeptam, ex quo Moses Dei præcepto aquas in sanguinem mutavit. Demum addunt etiam, ea corpora non esse mali succi, quæ cachochyma Græci vocant, sed boni multique sanguinis, quæ plethorica plenitudine correpta, dicunt. GUILAND. Omnium morborum causam præcipuam habere, caliditatem, quod isti autumant, planè falsum, atque à varietate alienum est; neque hoc ulla egere demonstratione, existimo, cum nulla ex parte id verum esse possit: nam si ex uno homo constaret elemento, utique, ut dicebat Hippocr. non doleret. Corpora enim variis pro varietate præcipuorum membrorum, naturis constant, variisque humoribus redundant, adeo, ut interim à caliditate, unoque humorum exsuperante laborent, & interim à frigiditate, ac alio humore, vel aliquando à multis simul junctis. Et si corpus aliquod calidis præcise morbis, ob ejus temperiem, obnoxium erit, non tamen omnino. Redundare vero plurima ipsorum multo sanguine utique verum est; quoniam omnia eorum viscera quo ad calorem, ut dictum est, temperamento, omnes cibos in bonum sanguinem mutant; veluti contra, cachochyma corpora mali temperamenti causâ, quoscunque etiam optimos cibos in malum sanguinem vertunt. Atque hinc usus mittendi sanguinem ita apud eos invaluisse dici potest, quando ex omnibus medicis præsidiis, omnia fere corpora,

ra,

ra, quia sanguine potius, quàm aliis humoribus plerumque offendi soleant, sanguinis evacuatione promptius juventur. ALPIN. Verum dicis, sed de sanguinis evacuatione, idem, quod ex usu alterantium medicamentorum illis alias evenisse dictum est, contingit. Etenim quia illorum locorum populi, ob cœli, sub quo degunt, multam caliditatem, putant omnia illorum corpora esse summe calida, atque à calore fere semper affici, minimeque à frigore, quæ corporum credita temperies omnem calidorum medicamentorum usum eos abhorrerere coegit; frigidaque complecti, atque frequentare: non secus quàm etiam frigidorum locorum accolæ immodice calidis operam dare, à frigidis timere consueverunt, ita Ægyptii in missione sanguinis se gerunt, putantes corpora omnia, tum à calore ob cœli statum pati, tum à copia sanguinis, quòd assidue ipsa multum sanguinem congerere arbitrentur; & quia sanguinis evacuatio utrique incommodo prompte, ac tutò securrit, quoniam tum refrigerat, tum plenitudinem demit, libentissime eam amplectuntur; sanguinemque largius, tum frequentius quàm deceret, atque necessitas exposcere videretur, in omnibus pueris, juvenibus, viris, senibus, mulieribus, eunuchis, atque in quocumque cœli statu, & tempore anni, atque morborum differentia sæpissime vacuant. Demum eò redacta res est, ut tantum evacuationis sanguinis viribus fisci incumbere, ut alia auxilia spernentes, hoc immoderatè utantur; valdeque in usu hujus præsidii errare mihi videntur: quando tum largius, tum crebrius quàm deceret, audacter mittant sanguinem, atque adeò in multis, in quibus pluribus de causis hoc remedii genus non conveniret. Dictum siquidem est, multa ex illis corporibus ad frigidam temperiem inclinare, hincque & pinguiissima ibi multa, & pleraque mollia, rarique habitus, & facile dissolubilis esse; his nulla sanguinis evacuatio familiaris esse potest. ut Gal. in lib. de curat. per sang. miss. testatum reliquit. Quamobrem hoc remedium multis opportunum, in omnibus ab ea gente usurpari non est laudandum. GUILAND. Non rectè hoc intelligo, sed accuratiorem, atque absolutiorem illorum corporum temperamentorum cognitionem ex te li-

benter audirem, sine qua fieri non posse videtur, ut mittendi sanguinis ratio apud illos nobis innotescat; proinde itera mihi rursum Ægyptiorum corporum temperamenta. ALPIN. Sed ut rectè ea cognoscere possimus, primo ineuendam esse puto rationem illius, quæ in variis corporibus est temperies, atque habitus. Quæ rectè explicata, facilius illorum hominum naturas, atque habitus varios demonstrabunt. GUILAND. Verum dicis, atque ut commodius videtur, fatagito.

C A P. II.

De ratione variorum corporum temperamenti, atque habitus, deque Ægyptiorum vario temperamento, & habitu.

A L P I N U S.

CUM corporum, eorum qui Ægyptum habitant, temperies atque habitus rursum accuratius à nobis sit cognoscendus, ut apud ipsos mittendi sanguinis usus rationem vere consequamur, prius universali quadam via ratio varietatis temperamentorum, atque habitus à nobis est cognoscenda. Siquidem illorum corpora omnia esse sanguinea, sanguineque multo abundare, neque dici potest, neque utique verum est. Nusquam enim corpora omnia unico prædita temperamento observantur. Necessarium etenim est, ubique multa ex variis conflata temperamentis reperiri, scilicet quæ sanguinis, quæ pituitæ, quæ bilis, quæ melancholiæ naturam sint adepta. quæ temperamenta sequuntur cordis, hepatisque temperaturam: ab his siquidem duobus membris universum corpus propriam nancisci temperiem Gal. in lib. artis medic. testatum reliquit, vel etiam ab alterius illorum dominantis temperamento. Qua quidem ratione quale utriusque membri, vel prævalentis temperamentum, atque habitus erit, tale observabitur in universo corpore. Quo fit, ut si alicujus cor heparque simul calidum humidumque tem-

temperamentum à nativitate obtinuerint, idem in universo corpore intueri fit necessarium, idemque erit totius corporis temperamentum, quod in hepate cordis temperamento prævalente, vel in corde hepatis temperiem vincente, observabitur. Ex quibus dici non immeritò potest, Socrates constat calido humidoque temperamento, igitur vel utrumque ejus membrum, cor & hepar, erunt calida & humida, vel ipsorum alterum alteri prævalens. Corporis itaque totius hoc temperamentum prædictorum duorum membrorum, vel alterius altero prævalentis naturam sequi est necessarium, veluti calidum & ficcum, biliosum cordis & hepatis simul, vel alterius alteri dominantis caliditatem & ficcitatem. Et frigidum ficcumque melancholicum, frigiditatem & ficcitatem, frigidumque & humidum, pituitosum, frigiditatem, atque humiditatem eorundem viscerum, vel unius tantum, quod alteri prævalet, naturam sequitur. Hæcque sunt omnia composita corporum temperamenta, quæ à temperamento cordis atque hepatis simul, vel alterius horum alteri prævalentis, proficiscuntur. Cum igitur universum aliquod corpus caliditate & humiditate constat, quod temperamentum sanguineum dicimus, illius corporis utrumque simul cor, atque hepar calidum & humidum temperate esse, vel alterum illorum non temperate, sed intense, ita, ut si cor sit calidum & humidum distemperate, hepatis temperatam frigiditatem ac ficcitatem superare necessarium sit, & eodem modo hepar, si hanc ipsum obtinuerit temperiem, ac cor ei obstiterit. Si vero cor & hepar æque oppositæ fuerint naturæ, ita, ut cor tantum sit calidum & humidum, quantum hepar est calidum ac ficcum, atque è contra, temperiem corporis totius temperatam efficient; quod si cor caliditate hepar superaverit, totum corpus tantum in caliditate excedet, quantus erit caloris cordis excessus supra hepatis frigiditatem; quemadmodum si excesserit hepar frigiditate cordis caliditatem, tantum fieret corpus frigidum, quantus erit excessus frigiditatis supra caliditatem cordis. Hæcque sunt corporum temperamenta, modo nuper dicto à temperie cordis & hepatis prodeuntia, ac genita, quæ omnia non in uno, veluti neque illorum unum tantum tem-

peramentum, in omnibus hominibus reperitur. Quod quamobrem sit, id est cur omnia corpora non uno eodemque temperamento constent, sed multis ac inter se variis, ex te nunc libenter discerem. **GUILAND.** Miror cur cum tu sis adeo astronomis addictus, hujus rei causam ab ipsorum observationibus addiscere nolueris, quando omnes astronomi corporum naturas à cœlestis schematis in hora nativitatis supputati observatione speculentur. Considerant enim quæ cœli facies, in ea hora, qua quis natus est, terris incumbibat; cœlum siquidem in duodecim partes dividunt, & in qualibet illarum (quas ipsi domus appellant.) considerant signum, quod ex duodecim cœlestibus imaginibus ea hora reperiatur, atque ex erraticis stellam ibi simul inventam; ex horumque omnium, scilicet ex domo, signo, & stellis ibi ortus tempore observatis iudicium excipiunt, naturasque hominum venantur à prima domo, quæ est orientalis cœli pars, & ex signo ac stellis, quæ in ea domo inventa fuerunt, vel eam domum respiciunt. Tuam itaque naturam calidam humidamque illi affirmarent, quoniam in tuæ generationis schemate libra ascendens observatur, quam naturam ab eo libræ signo manifestari ajunt calidam humidamque temperatam, hincque etiam hilarem ac musicæ non minusque veneri deditum hominem significari, à venere libræ domina; literarumque studiis præsertimque astronomiæ, philosophiæ, medicinæque operam te maxima delectatione deditum, Mercurius in nona domo in signo Geminorum clare judicabant; eodemque etiam in nona invento, nuper dictarum scientiarum causa te longissimas peregrinationes, fastidiosissimaque itinera profecturum. Sed cur ego de te tanta ex astronomorum mente loquor, de quo exempli causa dicendum suscepi, ut ostenderem cum astronomis, hominum temperamenta, ac naturas ex signi natura, atque stellarum, orientis in prima cœli domo inventarum cognosci. Sed istis causis omissis, aliæ ad hanc rem firmiores ac veriores sunt indagandæ. **ALPIN.** Gratissimum mihi fuit ea ex te audivisse, quibus meam ad astronomorum observationem naturam retulisti: quæ cum haud planè verum attingant, perge modo physice magis me docere, cur varii homi-

nes inter se variis constant temperamentis, vel naturis. **GUILLAND.** Qui de natura scripserunt, in multis hominibus diversorum temperamentorum, vel naturarum causas, verius, ac manifestius nobis demonstrarunt. Namque Aristoteles omnium philosophorum facile primus in lib. 2: de physico auditu affirmavit, Solem atque hominem, hominem sanè generare, ut ipse doceret, ad animalis generationem duo agentia esse necessaria, quippè agens proximum, atque remotum: proximum est homo, qui ut animal ad sui similis generationem, agit. Sol vero est una ex causis efficientibus remotis; quæ etiam concurrat ad eandem animalis generationem adjuvandam, & efficiendam. Agunt vero utraque in materiam bene dispositam ad agentis formam introducendam. Tria itaque ad nostrorum corporum generationem prima concurrunt principia, quarum primum est cælum, utpotè causa efficiens, sub qua omnia cœlestia corpora comprehenduntur. Secundum est homo, mas scilicet & femina. Tertium materia ex qua homo generatur; id vero est semen humanum. Qualis igitur temperamenti erunt hæc generationis principia in homine gignendo, talis itidem homo genitus erit, quando perpetuo verum sit, generatum generanti esse simile. Siquidem omne agens vel animatum, vel inanimatum, agit, ut sibi simile generet, hincque quodlibet generatum erit simile generanti, & generans generato. **ALPIN.** Mihi non omnino hæc veritas manifesta videtur, cum multi homines iis, à quibus geniti sunt, haud planè similes existant. Plures etenim filii patribus ac matribus dissimiles apparent; quod quidem non esset, si generata omnia, iis, quæ generant essent similia, & generantia generatis. **GUILLAND.** Aliam suscepisti nunc quæstionem solutu non ita facilem, quam nunc ut dissolvam, neque locus, neque occasio de qua loquimur, expostulat. Multa tamen sunt, quibus efficitur, ut generati hominis patris, ac matris frustretur similitudo. Sæpe enim accidit foetus similes produci cuipiam vel viro, vel feminae in hora coitus imaginatis. Legitur mulierem sæpe coeundo, Æthiopis nigri pictam figuram intuendo, atque imaginando tandem nigrum filium peperisse. Hincque affirmant mul-

multi, adulteras mulieres præ timore ne à maritis in adulterio comprehendantur, assidua de illis dum coeunt, cogitatione filios maritis similes parere. Ægroti itidem semen vitiatum habentes, similes ipsis natos efficiunt. Semina etiam avorum vel aliorum consanguineorum aliquando vim retinuerunt, à quibus ipsorum similitudo in conceptis non rarò efformatur, atque exprimitur. Ceterum tametsi aliqua occasione generatorum à generantibus figura deformatur, tamen natura generatorum (quam philosophi intelligunt) nihil ab iis, quæ generant unquam mutatur. Quales enim erunt causarum ad generationem concurrentium naturæ, tales quoque erunt eorum constitutiones, quæ ab iis generabuntur. atque in hunc sensum non errat philosophorum sententia, quæ semper generantis & generati similitudinem docet, ideo generans simile est generato, & generatum generanti naturâ, atque specie. Præcipuum igitur agens est cœlum, sub quo comprehenduntur omnia corpora cœlestia, quod agit (ut Aristotelici ajunt) in hæc inferiora sublunaria motu & lumine. In qua igitur orbis parte Sol, qui ex omnibus illis causis in hæc inferiora efficacius agit, majorem inducet calorem, generata omnia naturâ, vel temperamento calido referentur, atque ubi parum calefacit, minus etiam calida animantium corpora observabuntur. In qua re in primis occurrunt terrarum regiones considerandæ, locorum situs, annique tempora. Quicquid igitur temperatis in regionibus, & locis, ob situs rationem temperatis, atque ex anni temporibus in vere producet, temperato procul dubio temperamento constabit, maximeque, si natura animalis utriusque generantis, scilicet maris & feminæ, temperata & ipsa simul fuerit. Semper enim in temperata regione, & loco, & in vere ex anni temporibus, homo à temperato homine proximo generante, genitus erit temperamenti temperati, idcirco ei ex quo ipse genitus est, temperamento temperato erit similis. Homo enim locum habitans temperatum, si temperati sit unâ temperamenti, & ex anni temporibus in vere hominem generaverit, ei naturâ, vel temperamento omnino similem efficiet. Si vero isthæc omnia agentia inter se simul unico non constabunt

bunt temperamento, sed potius invicem discrepabunt, non omnino generati generantibus causis similitudo respondebit. Similitudo siquidem naturæ id quod aliis præstabit absque dubio sequetur. Ut si exempli gratiâ, quispiam ex patre nascitur temperato, sed in cœlo minus temperato, naturâ similis magis patri quàm cœlo, erit. Siquidem in generatione magis potest agens proximum, & particulare, quàm remotum & universale: quam ob causam quando agens proximum, & agens remotum inter se differunt, proximum ferè semper superabit remotum, ubi præsertim vis agentis remoti non ita sit præpotens, ut possit vim proximi agentis superare, veluti exempli gratia, si daretur aliquis qui temperamento natus temperato, in Æthiopiæ maximis caloribus hominem generaret, absque dubio hominis illiusce generantis natura vinceretur à vehementissimo illius regionis calore, ibique natus ob id homo magis causæ efficienti, videlicet cœlo, quàm proximo agenti quippe patri, temperamento similis constituetur. Quando igitur omnia generationis principia simul in una natura inter se conveniunt, efficiunt partus eis omnino similes: ac illis inter se dissidentibus geniti similitudo illud sequetur, quod aliorum vires superabit. Hinc colligo homines multis variisque constare temperamentis, ob variam principiorum vel causarum ad generationem concurrentium vim, atque potentiam: etenim ex patre calidi temperamenti homines orientur, eodem itidem temperamento præditi, nisi cœli prævalida frigiditas patris temperamento calido obstiterit. Nam ea immoderata ob regionem, vel locorum situm, vel anni tempus hybernum existente, homines temperamenti potius calidi, quàm frigidi producentur. Atque si pater & cœlum calidi fuerint temperamenti vel frigidi, soboles calidam vel frigidam itidem naturam præ se feret. Si vero paterno sanguine calidi existente temperamenti, cœli obstiterit frigiditas non multa, homines geniti potius calidi, quàm frigidi erunt temperamenti. Et è contra, si homo generans frigidi temperamenti sit, in cœloque moderate calido, generabit hominem quoad temperamentum frigidum. in cœloque immoderate calido, calidum efficiet.

Hæcque erit naturarum temperamentorumve diversorum in hominibus ratio. ALPIN. Næ tu omnia, quæ ad temperamentorum varietatem explicandam rationem attinet, doctissime atque accuratissime comprehendisti. Et nisi materia medica Ægyptiorum nos breviores esse cogeret, cuperem ex te etiam hac eadem de re uberiores sermonem haberi. De quibus ego in libris de prævidendis morbis Cayri conscriptis multa literis tradidi. Unum tamen hic non esse prætermittendum cogito, quippè corpora in lucem cum prodeunt, vel statim enixa, uterumque egressa, ex ambientis qualitate vel temperamento multum alterari, ita, ut corpora infantum habitus rarissimi, ab aëre alterata facile accedant ad aëris temperamentum. Cum per poros cutis facile ambientis qualitas ad viscera permeet, ipsaque ad suum temperamentum alteret. Hoc utique verum esse, id nobis persuadere potest, quòd varia anni tempora, cujuslibet ætatis corpora usque adeo alterant, & mutant, ut suscepti ab ipsis temporibus anni temperamenti, varia humorum redundantia clarissimum sit argumentum, hyeme corpora, quòd ab aëre frigido alterentur, & mutantur, frigidos humores gignere, ac coacervare, & vero ob aërem temperatum, sanguinem, Æstateque bilem, ob caliditatem, & Autumno melancholiam, ob frigiditatem & siccitatem. Itaque si perfecta adultorum corpora, densissimæ cutis, usque adeo ab aëris mutationibus alterentur ac mutantur, quid in tenellis corporibus infantum continuò ex utero egressis fieri judicabimus? Ipsa videlicet quamplurimum ab ambientis qualitate alterari, & mutari. Quod non videtur usque mulierculis esse ignotum, aliquando dicentibus, homine in hyeme nato à frigoreque facile patiente, mirum non est, si hic homo ita à frigore multum ac facile patiatur, quando in lucem proditus hyeme fuerit. Quamobrem existimo, corpora statim enixa à cœlo maxime alterari ac mutari, præsertimque sub calidissimo cœlo nata. Vehementissimus etenim aëris calor, quocumque modo fiat, remediis, quibus moderetur atque contemperetur, omnino vacat. Cujus quidem rei ego in æstivis Ægypti caloribus certum periculum feci. Frigido vero aëri multa ubique sunt, quæ opponuntur, ab ipso-

ipsoque corpora defendunt. Ob quam rationem in calidissimo aëre orti, quin à calore multum alterentur, & mutantur, defendi nequeunt. Quod multò facilius fiet, si ex homine calidi temperamenti etiam geniti sint. Si vero à frigido mare, atque femina gignantur, ambiens calidus aër eos reddet ad temperiem minus frigidam. Et qui ex calido semine, sive patre matreque geniti in lucem eduntur sub cœlo frigido, quum ex calido proximi agentis hominis, & frigido agentis remoti cœli medium quoad temperiem exurgere sit necessarium, temperatiori natura observabuntur. In calido vero cœlo, iidem fient calidissimi. In aëre vero frigido inopes tantum alterantur ac mutantur, cum divites igne, pellibusque à frigore liberos defendant. A caliditate vero omnes patiuntur, contra quam nulum hætenus validum remedium inventum est. Ceterum his auditis, de illorum corporum, qui Ægyptum habitant, temperaturis, atque habitus jam loquamur. GUILAND. Ex cœli Ægyptii ratione, atque ex incremento Nili fluminis, unà cum Septentrionalium ventorum flatu, qui per æstatis calores percipitur, aërem calidum ficcum, inæqualem, tenuissimumque esse ex te audivi, neque in omnibus locis uniformem: quando aër locorum propè mare positorum longe minus sit, valdeque crassus, qui quoad humiditatem & ficcitatem temperatus est. In locis verò longe à mari positis aër calidior & ficcior existit, substantiæque tenuioris. Ex quibus ratione cœli illorum quidem corpora, ob temperatum calorem, atque humidum, temperata, sanguinea, habitusque moderate carnosæ & pinguis, horum verò calidiora, ficciora, biliosa, graciliorisque habitus esse colligimus. Quod tamen agentis tantum remoti ratione judicatum, nisi proximum quoque concurrat, non erit credendum; proinde de illorum hominum proximo agente, de homine scilicet mare atque femina, ibi ad generationem proxime coeuntibus, tempestivum est te nunc loqui: ALPIN. Audita locorum Ægypti, quoad temperamentum, diversitate, atque probè habitantium illorum loci ratione perspecta, unaque illarum naturarum diversitate, quæ in illos, aëris temperamenti ratione observari deberet, quæ tamen à proximo, tum agente, tum à

potus, ciborum, dulciumque balneorum & veneris usu mutata non observatur, de Cayrinæ civitatis hominibus agam, (idemque de aliis loca longè à mari posita, habitantibus, erit intelligendum, quod de ipsis nunc à nobis dicetur.) de ipsorumque temperamento, atque habitu loquar, quando à cognita ipsorum temperie, atque habitu, haud difficile aliorum locorum mari adjacentium hominum, & temperamenta & habitus intelligemus. Sunt vero ii populi triplicis differentiæ, ut etiam aliàs dictum est, scilicet urbanorum, qui in urbe degunt, Arabum extra urbem sub tentoriis habitantium, atque demum rusticorum, terræ cultui incumbentium. Primi corpora in caliditate, atque humiditate temperata obtinent, multi sanguinis, habitusque bene carnosus & pinguis. Secundi, scilicet Arabes, corpora biliosa, gracilia; Demum rustici squalidis corporibus præditi sunt, quæ melancholica existunt, quòd à Solis caloribus exurantur. Quamobrem singulos hos homines inter se feminis differentiam habere diversitati temperamentorum respondentem, hinc colligi debet. Civium enim semen, quoad caliditatem & humiditatem, temperatum erit: Et Arabum calidius, ficciusque ac biliosius, atque Rusticorum frigidius, ficcius & melancholicum. Hæcque est illorum sanguinis diversitas, quæ tamen nunc ob aliorum populorum permissionem haudquaquam perspicitur. GUILAND. Ab advenis fortasse, qui illuc ex aliis regionibus commigrarunt, illorum sanguis permixtus est, apud eos facta multiplici Imperii permutatione. Extant advenæ multi, qui illuc ex quamplurimis locis, tum Ethiopiæ, tum Abissiæ accesserunt; præsertimque mulieres mancipiæ, quarum utriusque regionis numerus ferè ibi infinitus existit. maximeque ex Abissiæ locis advecta. Hæ siquidem eam habent pulchritudinem & gratiam, ut longè cariori pretio venundentur, quàm omnes aliarum omnium regionum. Neque Ægyptii eas ad domorum obeunda opera emunt, sed pro veneris usu. Quam Ægyptii sanguinis mutationis causam minime spernendam existimo, quod ex te an sit verum melius audire expecto. ALPIN. Veris Ægyptiis, (Christianis exceptis) nunc tota ea regio ferè penitus caret. Quorum ple-

rique sanguinis temperamento dignoscuntur. Fuere autem, ut à multis audio, antiquitus temperiei calidioris, atque ficcioris, quippè biliosæ, sed tum aquæ fluminis Nili, tum frigidorum ciborum assiduo usu corporibus ad frigidum mutatis, tale temperamentum illos accepisse à multis proditum est. In aliis vero sanguinis major varietas videtur, quando & urbani omnes Ægyptii sanguinem permiscuerint mulieribus, Arabibus, Turcis, Syris, Damascenis, Græcis, Italis, Slavonicis, Ungaricis, Prussis, Tartaris, Abissinis, Ethiopibus, & in omnibus Africæ locis Ægypto proximis ortis, in venere usi. Sunt præterea ibi, ut aliàs dictum est, homines etiam plurimarum nationum, qui cum omnium locorum mulieribus coeuntes, sanguinem illum evariant. quem necessariò varium quoque sequitur temperamentum. Sanguis etenim Ægyptiorum sanguini Turcarum, Armeniorum, Ungarorum, Tartarorum, Sclavorum, Assyriorum, Græcorum, Italorum, aliarum similium nationum cœlo minus frigido utentium permixtus, temperamentum constituit temperate calidum atque humidum, sanguineum, & cum Ægyptii, Arabibus, Barbaris, Abissinis, Ethiopibus, atque iis, qui Ægypti partem superiorem habitant, quam Sahit illi appellant, miscentur, calidum, siccumque biliosum, atque adustum sanguinem reddunt. Duo itaque videntur esse illorum corporum temperamenta, quæ omnibus illis dominantur, sanguineum scilicet vocatum, atque biliosum. Quæ illorum temperamenta maxime permutat ipsorum frequentata victus ratio, ut sæpissime hætenus à nobis traditum est. Usu etenim potus illiusce optimæ aquæ, ciborumque vim refrigeratorem habentium, dulciumque balneorum, corpora summe biliosa contemperantur, sanguineaque evadunt, & sanguinea ab his, pituitosa fiunt, calore quippè hepatis refrigerato. Pituitosis vero ea vivendi ratione utentibus, majori facta caloris refrigeratione, valde humidum, atque frigidum temperamentum succedit; hincque Mulieres, Eunuchi, & provectioris ætatis multi, pinguiissimi ibi hac ratione facti conspiciuntur. Quamplures ibi reperiuntur naturæ temperatæ, ac multi sanguinis, præterea intempe-

ratæ ad frigidum, ex multa pituita. Non paucique ad calidum, ex multa bile, ac ad frigidum, per aduersionem sanguinis, in melancholiam vergentes, ut in quamplurimis Ethiopum, Arabum, Rusticorumque visitur. Atque hæc de universa illorum corporum temperie à nobis dicta sint. Addo, stomachum ferè omnes imbecillum, frigidum ex nuper dicto vivendi modo obtinere, atque ex cœlo summè calido, quo utuntur, calore aëris calidiore nativum dissolvente, ad extimasque partes evocante: ut æstate in nostris fieri corporibus observamus; atque ab immodico usu veneris, qui quantum stomachum refrigeret, debilitetque, non est alicui nostrum immanifestum. Ad has causas illorum ventriculum labefactantes, accessit adhuc larga, ac crebra apud eos frequentata sanguinis missio. Quæ quidem quomodo illis conducat, & quomodo etiam officiat, posterius considerabimus.

C A P. III.

In quibus morbis Ægyptii sanguinis missione utantur, atque in quibus corporibus.

G U I L A N D I N U S.

POSTEAQUAM tu illorum corporum temperamenta, atque habitus ita accurate complexus es, nunc opportunum est, ut ad evacuationem sanguinis apud ipsos consuetam redeas, deque hoc medico præsidio nunc loquaris: quandoquidem ita familiarissimum omnibus auxilium esse dixisti. In primis verò sedulo à te narrari cupio, quibus morbis eo auxilii genere ipsi occurrant; cum enim magnum sit remedium, atque in magnis tantum morbis, ut Hippocr. atque Gal. docuerunt, expetitur, eos in iis tantum curandis illo uti debere arbitror. ALPIN. Usque adeò familiaris apud ipsos facta est sanguinis missio, ut non modo in omnibus acutis magnisque morbis, verum in parvis quoque non minus eam adhibeant. Cujus instituti causa videtur esse, ut nuper etiam dictum est, ea, quæ ab illis omnibus corporum omnium fere illorum putatur esse plethora, sive sangu-

guinis redundantia, atque etiam, quoniam ipsi hoc auxilii genus multum refrigerare experiuntur, idcirco omnibus ferè morbis opportunissimum id remedium arbitrantur, quando certissimum ipsis fit, ibi omnes morbos, ac symptomata, cœli calidioris, corporumque illorum ratione, à calida causa præcipue pendere. Sed ut particulatim rem colligam ac perstringam, dico eos confugere ad missionem sanguinis in omnibus putridis febribus, pestilentibus, & non minus in variolis, puncticulisque pestilentibus, atque in omnibus internis inflammationibus, scilicet, phrenitide, atque in ea phrenitidis specie, quam Del el muja illos vocare diximus. sæpissimeque in lethargo, in Angina, pleuritide, peripneumonia, hepatis, lienis, ventriculi septi transversi, intestinorum, tenuium, uterique inflammationibus. In externis non minus copiosâ utuntur sanguinis vacatione, præsertimque in erysipelate quamcumque corporis partem occupante, sed præcipue caput. Oculorumque in lippitudinibus, ophthalmiisve, gingivarum, colli glandularum, faucium, linguæ, in omnibus inflammationibus, parotidibus, bubonibus, carbunculis, cancris, aliisque omnibus tumoribus ortum à calidis humoribus, ducentibus, atque non minus in omnibus ab iisdem succis obortis ulceribus. Idemque etiam præstant in maximis doloribus capitis, oculorum, gulæ, aurium, dentium, pectoris, intestinorum, renum, crurum, articulorumque omnium, si modo non à flatulento spiritu, vel à frigido humore illi oriantur. Sæpe etiam in sanguinis profluvis, alvi-que dysentericis fluxionibus. Pariterque in convulsis, epilepticis, vertiginosis, resolutis apoplecticisque, ac in immoderatis vigiliis, & in omnibus amentis, in obstructis, hydropicisque in principio multis. Cardiacis, hypochondriacis, leprosis, elephantisque, atque ferè in omnibus aliis morbis, vel symptomatis, quæ humana corpora invadere solent, copiosam, frequentemque exercent sanguinis missionem. In quam plurimis etiam corporibus sanitatis tempore, ad alios morbos præcavendos id audent. Quam sanè evacuationem in omnibus corporum temperamentis, habitibus, ætatibus exercent, nulla-que præcautione, quam observandam in hac evacuatione omnes

nes docti medici docuerunt. Atque nihil minus ab assumpto cibo sanguinem vacuare moliuntur. **GUILAND.** Nunquid missionem sanguinis etiam frequentant in gracillimis illis squalidissimisque corporibus, quæ semi-tabida videntur, ac in pinguibus, mollibus, maximeque in mulieribus, atque Eunuchis: & non minus in pueris & senibus, absque debita providentia omnium, quæ observanda sunt, ut istud præsidium conferat? Sed qua tandem illi provisione pro missione isthac sanguinis utuntur? **ALPIN.** Cavent multi illorum, cum mittere sanguinem cogitant, ne corpora jejuna sint, atque hic ab assumpto cibo mittere sanguinem plerique solent. Minimeque, ut nostri medici in praxi, qui non immeritò animadvertendum censent, sanguinem educturi, ne crudi humores in ventriculo, cibusque sit inconcoctus; itaque prius lenienti aliquo pharmaco, vel clystere purgatorio, alvum lenire fæcesque educere nituntur, vel diætam tenuiorem imponunt, ut rectè cruditates concoquantur & expellantur, ne ab emissio sanguine è stomacho in venas rapiantur. **GUILAND.** Galen. in lib. 9. meth. med. ait: *Si præcedat ciborum cruditas, tantopere differre venæ sectionem jubebis, quantum satisfacere, tum ad eorum concoctionem, tum, ut excrementa descendant, videbitur.* Atque in multis locis præcepit, ante missionem clysterem purgantem præmitti oportere, ut ne evacuato sanguine cruditates in stomacho, atque in primis venis contentæ à venis rapiantur, atque in universum corpus excipiantur. Nunquam enim crudo cibo existente in ventriculo mittendum esse sanguinem voluit, quod in lib. 6. de sanit. tuend. docuit. Quid? illine hæc in molienda sanguinis vacuatione observant? **ALPIN.** Paucissimi sunt, qui priusquam mittere sanguinem instituunt, velint differre venæ sectionem vel scarificationem, quousque stomachi, primarumque venarum cruditates vel concoctæ, vel aliquo clystere, vel medicamento eductæ sint. quinimò (quod posterius audies) à cibo multi sanguinem detrahunt, ut etiam nunc dictum est. **GUILAND.** Illos in isthac sanguinis evacuatione minime rectè se gerere, sed potius multum in ipsa exercenda errare, cogito. Ea isti spe in omnibus ferè morbis ad missionem sanguinis confugiunt, ut quam-

Cap. 5.

Cap. 5.

pri-

primum ad eam ruant, utentes illa tum copiosius, tum crebrius, tum inordinatius quàm deceret pro morborum curandorum ratione, atque etiam corporum temperamentorum, habituum, atque ætatum ulla habita consideratione. ALPIN. Quo pacto existimas ipsos in hujusce præsidii usu multum errare, quando pro certo habeant, non modo verum non esse; quinimo magis omnes, qui in mittendo sanguine non eo modo se gerunt, errorem committere asserant. Si itaque, vir doctissime, quomodo hac in re errent demonstraveris, ego illorum partem defendendam, tum disputandi, tum aliquid ex te discendi causa recipiam. Mihi non minus utile, quàm summe gratum erit ex te illorum errores, quos in usu missionis sanguinis committunt, nunc audire. GUILAND. Operam dabo, ut tibi hac in re omnino satisfaciam, & illos quantum potero reprehendendo, ipsorum errores tibi manifestos ac planè notos reddam.

C A P. IV.

Ægyptios errare, nimium frequenti, & copiosæ sanguinis evacuationi indulgentes, & in pueris mittentes sanguinem.

G U I L A N D I N U S.

MEDICOS Ægyptios multifariam in frequenti sanguinis largioris evacuatione, plurimum errare, atque à veris medicinæ fundamentis desciscere facile demonstrabitur: quando sæpe mittere sanguinem, atque copiosius non nisi eos juvet, qui immoderata sanguinis copia gravati, magnum futurum morbum expectant. Alia vero corpora omnia, quæ neque immodica sanguinis copia redundant, neque ab ejus plenitudine magni alicujus futuri morbi occasionem subeunt, non modo eâ non juvantur, quinimò valde læduntur, quoniam inde immodice nativus calor dissolvitur, quo resoluta quis ignorat, omnes totius corporis functiones lædi? Quod apud Galenum in lib. de Cucurb. & scarif. his profectò verbis legitur: *Eodem nam-* Cap. 4.
N
que

quo anno venam frequenter incidere, minime quidem rationi consentaneum arbitramur: quandoquidem cum larga sanguinis copia vitalis quoque spiritus emittitur, quo sanè absumpto, crebrius quidem moles universa frigescit, tum animales functiones omnes deteriores redduntur. Omnia verò illorum populorum corpora non ita multo sanguine abundare (etsi Ægyptii id arbitrantur) ut sæpe in morbosam plenitudinem incidant, manifestum esse arbitror. Quod cum sit, necesse est à crebra copiosaque sanguinis missione illa offendi. Nec illi accolæ omnes temperamento apto sanguinis evacuationi cernuntur; etsi multi, in quibus amplæ venæ cernuntur, quique sunt modice graciles, neque candidi, neque tenera carne præditi, ibi existant, quos copiosæ sanguinis evacuationi ceteris aptiores esse Gal. in lib. de curan. rat. per sang. miss. memoriæ prodidit. Quibus non ita damnanda sanguinis missio videtur, tamen plurima corpora etiam ibi existunt, ut tu nuper enarrasti, maxime crassa, & pingua, qualia omnium Eunuchorum existunt. Præter eunuchos plurimos ibi, tum mares, tum feminas reperiri habitu quàm crassissimo & pinguiissimo aliàs dictum est. Sunt etiam nihilominus multa corpora gracillima, nigra, sicca, & squalida paucissimi sanguinis, quibus quamcumque sanguinis missionem nocuam esse quisque nostrum affirmabit. Præterea illud accedit, quod in omnibus fere iis corporibus, quorum temperamentum in multo sanguine situm est, caro mollis est, rarissimæque cutis, ob frequentiam dulcium balneorum, quibus sæpissime eos uti diximus. Itaque non possum usum mittendi sanguinis apud illos, ita frequentatum planè laudare: siquidem, ut dixi, in cœlo calido, sub quo degunt, multa ex illis corporibus, præsertim Eunuchorum, aliorumque plurimorum, qui pinguiissimo habitu, molli ac raro præditi sunt, minime commode talem evacuationem sustinere posse judico; Quare non nisi in magnis morbis illi medici necessitate coacti, deberent ad sanguinis missionem accedere, atque etiam ea in pauciori quantitate uti. Idemque in gracillimis nigris, squalidioribus multis Æthiopum, Arabum, Rusticorumque corporibus faciendum censeo. ALPIN. In plerisque illorum corporum, quæ tem-

temperamento sunt, vel pituitoso vel melancholico exusto, (quorum numerus Cayri extat non parvus,) aut habitu pingui, teneraque carne, vel etiam arido & gracillimo, errare illos medicos, ita copiose sæpius sanguinem mittentes, mihi planè obscurum non est, quando hæc corpora sanguinis missioni inepta sint; at non modo hæc ea sanguinis missione juvari non posse cogito, sed neque alia etiam, quæ multo sanguine redundant. Huncque mittendi sanguinis usum apud illos frequentatum, abusum voco. Sed quid tu censes de usu mittendi sanguinis vel in pueris, atque non minus in infantibus apud omnes ita frequentati? Hanc etenim evacuationem, quamquam Arabes multi præclarissimi medici non omnino abhorruerint, tamen à Galeno aliisque in Græca schola medicis omnino prohibitum est, ne in pueris ante annum decimum quartum ullo pacto sanguis mittatur. GUILAND. Certissima, atque omnium non modo antiquorum Græcorum, sed nostrorum etiam recentium communissima sententia, in pueris ante illud tempus non esse sanguinem educendum, quocumque etiam magno, atque acuto morbo correptis. Majorem etenim noxam ab emissio in pueris sanguine esse, quàm sit utilitas, quæ eam evacuationem consequitur: eo quod corpora illorum substantificæ humiditatis; naturalisque caloris resolutioni valde sunt obnoxia, cum humidissima, molliissimaque carne constent. Quod in lib. 9. meth. med. Gal. his verbis scriptum reliquit, dicens: *Puerorum ergo substantia omnium facillime digeritur, ac dissipatur, propterea quod est omnium humidissima: nulla vero frigidior. Quo minus vacuantis præsidii eget, cum habeat ex seipsa, unde naturaliter evacuetur.* Tanta itaque ab emissio sanguine in pueris pertinetur futura exolutio virium, ut quàm facillimo negotio à morbo ipsi vincantur. Quam ob causam Gal. sanguinis missionem iis, in lib. de curandi rat. per sang. miss. interdixit, ita dicens: *Hac ratione nec pueris venas tundes usque ad decimum quartum ætatis annum, post quem si multus congestus sanguis appareat, tempusque anni verum fuerit, regioque naturâ temperata, & pueri naturâ bene sanguineâ, sanguinem minues; multoque magis, si aut peripneumoniæ, aut anginæ, aut pleuritidis, aut alterius acuti gravisque morbi pe-*

Cap. 7.

Cap. 13.

text. com. 9.

Cap. 14.

riculum incumbat. Idem fere scripsit in lib. 4. comm. de vict. rat. in morb. acut. ita inquit: *At certè pueri quamquam vitali facultate valeant, tamen neque hi sanguinis sustinent missionem.* Promptè enim eorum substantia, tum propter humiditatem, tum propter temperamenti caliditatem evaporatur. Atque in lib. 11. meth. med. præcepit in juvene annum suæ ætatis decimum quartum non excedente, etiam si syncho invasus sit, non esse sanguinem mittendum. Quamobrem ex Galeno colligitur, eos medicos in pueris mittentes sanguinem satis aperte errare, à veraque medendi ratione deflectere. ALPIN. Neque tamen ita statim eos accusatos hac de re vellem, quando neque Ægyptii carent rationibus ab experientia, atque ratione desumptis, quibus contraria defenditur illorum sententia. GUILAND. Forsitan illorum assidua, quam cum ipsis habuisti Ceyri, consuetudo, atque familiaritas, ita eos tibi in gratiam reduxit, ut summos ipsorum errores non videris, neque cognoveris. Sed te commoneo, & hortor, ne tantam medicorum turbam, ita manifestos illorum errores defendendo, in te concites: vereor enim ne male contra illos hunc errorem possis defendere. Siquidem si nobis ceteræ deessent rationes, nonne sat esset auctoritatem tanti medici Galeni, quæ illis omnino adversatur, tibi ante oculos ponere, qui expressè missionem sanguinis in pueris damnaverit? ALPIN. Profecto magis adduci debeo, ut Galenum sequar, quàm illius regionis medicos, quibus cum, si dum in ea regione morarer, familiarem consuetudinem habui, nihilominus à Galeno artem medicam didici, tamen non amicos in scientiis sector, sed veritatem, cui semper adhæreo. At si potes me pauca dicentem audire, ausculta, quæ Terentius in Adelpho comœdia his verbis nos docuerit, dicens: *Nunquam ita quisquam bene subducta ratione ad vitam fuit, quin res, ætas, usus semper aliquid adportet novi, aliquid moneat, ut illa, quæ te scire credas, nescias, & quæ tibi putâris prima, in experiundo repudies.* Ita nobis fortassè accidere potuerit, ut multa artis medicæ dogmata vera esse putaverimus, quæ mox falsa, atque ab artis ratione aliena agnita fuerint. Hoc auxilium in pueris totius Arabiæ, Æthiopiæ, Abissinæ, Ægyptique

ptique est familiarissimum. Quod verum esse constat ex hominum illorum relatione. Qui usus in iis mittendi sanguinis si error à nostris judicetur, errare procul dubio sit affirmandum totius Ægypti, Arabiæ, Abissinæ, Æthiopiæ, quibus hoc remedii genus est familiarissimum, omnes medicos. Ni enim ii aliquid utilitatis ex illo præsidio in pueris tanto tempore cognovissent; vel clarius, si ex ea sanguinis in pueris adhibita missione damnum aliquod accidere longa & antiqua illa experientia ipsi didicissent, tot sæculis, atque lustris in omnibus illarum regionum locis, usque in hanc diem illam non frequentassent. Cayri dum eram, & postea Bassani, postquam ex Ægypto in patriam me contuli, multos vidi, quibus meo jussu sanguis missus fuerat, à quamplurimis acutis morbis curatos. Tandem colligo, atque confirmo, in universa Ægypto medicos uti in pueris sanguinis missione, idque non parva semper cum utilitate. GUILAND. Cuperem nunc te nuper dictorum esse memorem, quando nuperrime utrique in id convenimus, ut medicos illos valde culpandos censeremus, qui in isto mittendi sanguinis usu ita facile ac frequenter labantur, non in pueris modo, in quibus omnis sanguinis missio, ob ipsorum humidissimam substantiam, atque habitum facile evaporabilem, magis detestabilis videtur, sed in adultis etiam. Cur igitur nunc studes mihi suadere illorum antiqua etiam experientia in pueris, in quibus major erroris, ac manifestior creditur esse occasio, non errare, si mittant sanguinem, cum eosdem in adultis nuperrime errare dixeris? Cessa igitur id amplius asserere, ne ita levi occasione tentes contra te tantam nostrorum medicorum turbam concitare, quam profecto recte nosti non modo non probare hoc auxilium in pueris, sed maxime abhorrere. Quando ad mittendum sanguinem etiam in juvenibus sint difficillimi. Quamobrem longè melius consulo, ut de sanguinis in pueris missione, juxta illiusce populi placita, opinionem, & consilium, susceptumque ea de re sermonem dimittas, atque ad alia narranda accedas. Siquidem ego misereor tui, qui tantos medicos facias inimicos tibi. ALPIN. Quinimò susceptum sermonem, ego prosequi cupio, quòd non arbitror illos medicos tam grandem er-

rorem, ut tu atque alii putant, committere, in aliquibus pueris acute ægrotantibus, si sanguinem aliquando demant. Quam in his missionem etsi Gal. non laudaverit, aliis etiam præclarissimis viris in arte medica, ut Rasi, Haly, Avenzoar, Avicennæ, Celso, secus persuasum est. GUILAND. Gaudeo te in hanc esse sententiam, quoniam, ut hoc mihi rectè persuadeas, spero te omnes in medium rationes laturum, quibus missionem sanguinis in pueris esse faciendam, Ægyptii statuerint; proinde illas ex te audire nunc desidero. Permagnum erit, quamplurimis Erasistrateis medicis illud te posse persuadere, mihi vero, qui cum Ægyptiis etiam sentio, quàm facile persuadebitur.

C A P. V.

Ægyptios medicos non errare, si in pueris, qui morbis acutis corripuntur, aliquando sanguinem mittant.

A L P I N U S.

NEMO est, qui neget, medicum esse naturæ imitorem, atque ipsam ob id medendo semper quantum fieri potest sequi, atque imitari debere. Quod satis erit pro præsentī re, in nostrorum corporum evacuationibus, atque purgationibus ostendere. Siquidem cum observassent medici naturam sæpissime, nullo medico auxilio adhibito, multos homines febrē vexatos, excernendo humorem, à quo febris illa orta fuerat, per alvum, vel vomitu, vel per urinam, vel per sudorem, vel sanguinis eruptionem ex naribus, aut ab hæmorrhoidibus, aut ab utero, aut ex alvo factam, sanavisse; ideo & ipsi à naturæ expulsionibus exinde perdocti arte usi sunt, ad educendos humores, à quibus ortæ fuerunt febres. Alii verè, sectis venis, aut cute scarificata cum observassent sæpius naturam, ea ratione ægrotos, vacuata multa copia sanguinis, in pristinam sanitatem restituisse, sanguinem & ipsi mittere tentarunt, atque etiam eadem copia, qua sæpe observarunt sanguinem critice

ce à natura excretum fuisse. Aliique purgatoriis pharmacis alvum subducentibus humores, à quibus morbi originem duxerant, purgare studuerunt. Atque alii medicamento, urinam atque sudorem exsiccare. Nonnulli etiam per insensibilem evacuationem, idem præstant. Exemplum habetur apud Hippocratem in quo scripsit : *Lippientem alvi profluvio corripi bonum*, Aphor. 17, & Gal. in comm. ait : *Est autem & hoc apud ipsum exemplum unum eorum, quæ sponte & utiliter evacuantur, quod medicum imitari oportet*, & proculdubio sic etiam omnes faciunt, in lippitudinibus alvum & clysteribus, & purgationibus subducentes; omnes verò evacuationes, quas natura critice, ut medici appellant, operatur, bonas esse in dubio non est revocandum, hincque non minus easdem arte medica paratas, idem facere. dicendum est. Nam dicebat Hippoc. in 1. lib. aphor. *In perturbationibus ventris, & vomitibus spontaneis, si talia purgentur qualia purgari oportet: confert, & leviter ferunt, sin minus contra.* Aphor. 21. Omnes enim excretiones à natura non coacta factas optimas esse, ægrotisque salutare, verissimum est, eodemque etiam modo arte factas, modo eas, quas natura recte operatur, hæ rectè, & ex arte imitentur. Quibus positis, quis quæso neget, à natura factas criticas evacuationes & purgationes, eandem vim habere in ægrotis pueris, juvenibus, adultis, senibus, mulieribus, virginibus, nuptis, viduis, atque in qualibet regione, loco, anni tempore atque constitutione aëris; neque ob ætatis, temperamenti, sexus, cœlique diversitatem ab ipsis evacuationibus, purgationibusque differentem esse utilitatem dici poterit; quod si diceretur, à veritate esset alienum. Nam alvi profluvium in omnibus cujusvis ætatis, temperamenti, sexus, cœli, lippientibus bonum erit, quoniam in illis omnibus oculorum inflammationem, opthalmiam vocatam, solvet illa purgatio. Ita Hippocrates in 2. lib. prognost. docente, *in omnibus acutis, periculosisque pulmonis correptis, omnes abscessus in cruribus facti boni erunt judicandi.* Atque omnibus etiam acutis febribus afflictis omnes sudores critici utiles existunt, qui omnes profectè, tum pueros, tum viros, tum senes; tum feminas ubique rectè judicant, atque ab his febribus liberant, qua-

Text. 10.

In 3. lib.
epidem.Comm.
2. text.

quales ab Hippocrate (veluti apud ipsum legitur in libris epidemicis) in Cleonactide Methone, Muliere trimestri foetu gravidâ, Melidia in Dealcisque horto decumbente, Chærione, Pericle, Virgineque Abderæ, Anaxione, Muliere Morosa, Virgineque Larissæ fuere observati. De sanguinis vero evacuatione, vel eruptione in morbis, Hippoc. in 4. de vict. rat. in morb. acu. ait: *Et si ex naribus fluxerit sanguis, solvitur ægritudo.* Galenus etiam de Methone loquens dixit: *Large de naribus eruptiones sanguinis liberant ferè, sanè enim videtur à sola sanguinis eruptione, & judicatus, & servatus, quamquam non omnino tuta signa haberet.* Et Hippoc. in 1. epidem. scripsit. *Febribus autem ardentibus hæc accidebant, quibus rite & largiter sanguis per nares erupit, eadem causa maxime servabantur.* Nec ullum novi, si rectè ei erupisset sanguis in hoc statu, quemquam mortuum. & in 6. etiam lib. aphorismorum: *In insanientibus si varices, vel hæmorrhoides supervenerint, insanie fit solutio.* Eodem quoque modo uteri inflammatio ex sanguinis è naribus eruptione liberatur. Quare omnes sanguinis excretiones critice apparentes in omnibus, tum pueris, tum juvenibus, tum viris, tum senibus, bonæ erunt judicandæ, ægrotisque salutares. Cur itaque aliquis contendat, has quoque arte confectas sanguinis evacuationes, quæ naturam idem rectè molientem imitantur, bonas non esse, ægrotisque tum pueris, tum juvenibus, tum aliis omnibus alterius ætatis corporibus non conferre? Certè non video quo pacto veritati addictus aliquis negare queat. & si dicet, in pueris sanguinis educationes non esse utiles, quia maxime ipsorum vires resolvunt, respondebunt Ægyptii medici, neque igitur natura poterit unquam pueros febre correptos, larga sanguinis per nares ab ipsa præstita evacuatione sanare. Quod falsum tamen est, cum infinitus prope sit puerorum numerus, quos largo sanguinis sponte facta eruptione sanatos quisque verisatus senex medicus certò comperit, atque cognovit. Neque profecto mensis adhuc est, cum Bassani puellulam annum suæ ætatis octavum non excedentem, filiam Bonazontæ calceorum sutoris maligna febre afflictam, sanguinis sponte facta larga eruptione, planè à febre liberam, atque judicatam, obser-

servavi. Nos igitur, ut Ægyptii, sanguinis missione vel etiam in ægrotis pueris uti debemus, cum natura ipsa nostrorum corporum affectus edocta, non timeat emissio in iis sanguine, à virium resolutione, sed potius eos eo auxilio fanet. Nec putandum huic sententiæ solos illius regionis medicos esse addictos, sed alios quoque multos clarissimos, atque gravissimos, ut de Avenzoare legitur, qui cum suo filio trimo venam secuisset, per eam multo educto sanguine, ipsum à morbi periculo vindicavit. Avicenna etiam posse medicos, vel in secundo anno affixis cucurbitulis, sanguinem vacuare, testatur. Et Haly Abbas ait: *Quod si ad flebotomum puer pellitur, & virtus ejus surrexit, ac possibile est passionis alicujus sanguineæ causa difficilis, qualis est suffocatio, phrenitis, pleuresis, & simile iis, non tamen præter parentum minuas voluntatem.* Sed quid? nonne alii etiam multi reperti sunt, qui mittere sanguinem in pueris, sumpta à magnitudine morborum occasione non ita abhorruerunt? Ac dum hæc scriberem, pro confirmanda, in pueris sanguinis evacuatione, mihi in memoriam venerunt, quæ aliàs Rasim in li. de flebotomia, ut iisdem interpretis verbis utar, de ventosis & sanguisugis hæc memoriæ tradita legeram; quæ hæc sunt? *Dico considerare debere in negotio infantium, quoniam forte videmus in iis infantibus esse febrem: deinde erit ex caliditate ejus fluxus sanguinis de naribus fortis: quare si minutio esset nociva ejus & dissolutio de eis fieret competens, jam expelleretur hujusmodi febris & natura.* Hac itaque gravissimi medici ratione ductus, hoc idem à me videtur posse decerni, scilicet quia nos sæpe vidimus in pueris naturam sanguinem evacuare; eaque evacuatione illos recte sanare, non perdere, etsi multum ipsorum substantia dissolvatur, ideo eodem modo in iis arte facta sanguinis missio non erit abhorrenda. Idem Rasis paulò post ex mente Constantini dixit: *Quidam sustinent minutionem, & quidam non sustinent, quidam indigent ea vehementer, quidam pereunt per eandem in ipsa ætate: Unde non est considerandum in numero annorum, sed in cute corporis & necessitate.* GUILAND. Arbitror ex præcipuis maximisque auxiliis, ad sanandos pueros à febribus putridis esse sanguinis missionem, quod nobis facile suavis est, quia

In 1. lib.
fen. 5. c.
22.
lib. 9. c. 2.

Curat. 10.

Curat. 96.

Curat. 62.

Curat. 49.

nos sæpissimè vidimus pueros larga sanguinis eruptione confectim à natura facta, à putridis febribus continuò judicatos, ex indeque sanatos. Hinc non immeritò Cornelius Celsus in libro 2. de iis, quæ indicant sanguinis missionem, ait: *Interest enim non quæ ætas sit, neque quid in corpore intus geratur, sed quæ vires sint.* Ergo si juvenis imbecillus est, aut si mulier, quæ gravida non est, parum valet, malè sanguis mittitur: emoritur enim vis, quæ his supererat, & hoc modo erepta est. At firmus puer, & robustus senex, & gravida mulier valens tuto curatur. At quid mirerur, eos populos nunc in pueris ægrotantibus sanguinis missionem frequentare, cum Amatus quoque Lusitanus medicus Hebræus, non spernendus, in quamplurimis puerulis sanguinis missione felici cum successu semper usus fuerit? In prima enim suarum centuriarum ait, puellam annos septem natam, à febre liberasse sanguine ex secta dextri cubiti vena interna, ad sex usque uncias educto. Ibi que hanc missionem sanguinis ex Arabum medicorum mente contra Græcos in pueris faciendam consulit. Amplius in secunda Centuria, itidem à febre continua puerulum octo annorum misso sanguine per venam sectam sanitati restitutum narrat: & in quarta, alium puerum eodem morbo vexatum, eodem auxilio sanatum meminit, atque in quinta, quinque annorum puerulum pleuriticum; atque in septima puellam maligna febre correptam sanitati missione sanguinis restitutam fuisse, testatur. de qua ipse ita scripsit: *Puella pulchra, & filia formosa à Saqua nata annos octo, biduo continuo febriebat, & caput dolebat, huic secta communi in brachio vena, sanguis ad uncias quatuor, fuit extractus, tunc exanthemata veluti culicum morsus erupere, sed postea perextensa universam ferè cutem occuparunt, & per nares illi multus sanguis fluebat, & fluxus ventris quoque illi supervenit, sed rectè gubernata, & per intervalla cochleari ebibito syrupo violaceo recenti, libera & immunis evasit.* In scholiis vero hæc quoque auditu digna memoriæ, ab eo prodita leguntur: *Advertant, qui Galeni præceptis adstricti ante quartum decimum annum sanguinem per venæ sectionem extrahere timent, quum ex se natura in hac puella sanguinem copiosum per nares deposuerit, ut sæpe aliàs in aliis pueris observatum est.* Quam sanè

sanè sanguinis evacuationem Hispani omnes in pueris frequentant, præsertimque ut Ægypti faciunt, cruribus scarificatis. Neque desunt alii multi præclarissimi medici nostrorum temporum in pueris etiam laudantes missionem sanguinis, inter quos est doctissimus Fernelius, qui Galenum, cum pueros ineptos sanguinis missioni dixerit, intellexisse de pleniori, sive copiosiori educatione, qua usque ferè ad deliquium antiqui utebantur. affirmavit. ALPIN. Sed quænam illorum sunt rationes, qui negant, in iis hanc sanguinis missionem esse faciendam, quibus rationibus non decere in pueris evacuari sanguinem affirmant; & quid illis responderi potest? GUILAND. Negant eam pueris conferre posse evacuationem, quoniam ipsi sponte nimis exolvuntur, cum corpora humidissima, mollissima apertissimaque obtineant, admodumque propensa vaporationibus, quæ quam citò, detracto sanguine, vel, supra addita alia evacuatione deficiunt, quando ipsi corpora habeant, quæ continue evacuantur. Quibus evacuatione sanguinis etiam addita vires valde collabuntur, quibus diminutis non poterunt puerorum corpora morbum superare. Quam ob causam Galenum iis missionem sanguinis prohibuisse affirmant. Quæ res non videtur omnino veritati consentire, quoniam, etsi corpora puerorum habeant substantiam humidissimam, mollissimam, apertissimamque, qua continue multum per insensibilem evaporationem diffantur, ac evacuantur, nihilominus possunt etiam aliam sanguinis moderatam evacuationem perferre, absque detrimento. Puerorum siquidem ætas multo substantifico humido abundat, naturalique calore feracissimo; atque hinc non minus viribus multis, ac validioribus puerilis ætas est referta. Namque quia plurimum habent, ut Hippoc. in aphorismis ait, caloris innati, egent plurimo alimento, eaque causa omnes pueri sunt voracissimi, plurimumque, comedunt: quo fit, ut semper plurimum sanguinem coacervent: eoque abundare puerilem ætatem Gal. docuit in brevi denotatione dogmatum Hippocratis. atque hinc est, quod in pueris sæpissime sanguis multus per nares profluere observatur. etsi copia caloris etiam ad idem concurrat; cujus evacuationem ferunt citra aliquam noxam, tum ob ejus copiam,

qua ipsi abundant, tum ob vires, quibus sunt præditi. Præterea quis ignorat, inter omnia, quæ missionem sanguinis indicant, virium robur præcipuam habere partem in admittendo illo auxilio, quandoquidem corporibus, quæ viribus planè careant, nullus, ni ipsa interimere velit, audebit elicere sanguinem: datis etiam duobus corporibus ejusdem ætatis; temperamenti, eodem morbo correptis, si alteri tamen languidiores extent, jure nulli dubium, quin in robustiori satis audacter sanguinem evacuabimus, in altero vero parum, & non absque aliquo timore. Quamobrem cum pueri habeant corpora validioribus viribus munita, multoque sanguine referta, cur aliquo acuto morbo illis infestis sanguinem in moderata copia non mittemus? quoniam etsi vacuantur continuè per insensibilem evaporationem, tamen moderatam quoque ferre poterunt evacuationem, quod nobis certo suadere debet, pueros observari sæpissime ac familiarissime per nares multo sanguine profluxo, absque noxia vacuatos. Pueritiæ profluvium sanguinis per nares est familiarissimum, quod cessat ubi adultiorem attigerunt ætatem. Quid? An non in pueris etiam lactentibus acuto aliquo morbo correptis observatur, eos aliquando inediam multis diebus sine noxa perferre, & mox quasi mortuos reviviscere? quod illis contingit, quia præterquàm quod viribus constant robustioribus, etiam plurimum pituitosi humoris concocti habent, quo calor in optimum sanguinem mutato, facile nutritur, atque fovetur. & proinde quamquam mittatur in iis modicus sanguis, non fit tanta virium jactura. Multa sunt præterea quæ non ita valde dissolvi puerorum corpora denotant, in primisque multos illorum febricitantes, eodem tempore posse sanguinis copiosum fluxum, sudores, alvique copiosas dejectiones sæpe absque ullo ipsorum detrimento etiam perferre, atque potius ab iis sanari, non admodum extenuati vel graciles facti. quinimò si rectè, tum puerorum, tum aliarum ætatum cadavera inspiciantur, procul dubio puerorum semper, si tum morbi species, tum tempora, quibus ægrotarunt inter se comparentur, minus dissoluta, atque attenuata aliis inspicientur, quod utique haud tantæ ipsorum corporum resolutionis

nis argumentum etiam esse potest. Quamobrem probe satisfacere medicos illos, dicendum est, qui missione sanguinis vel in pueris utuntur, neque ut mittant sanguinem, quartus decimus expectandus est peractus annus. Ridiculum sanè videtur, annorum numero missionem sanguinis præfiniri oportere, quando ipse quoque Gal. dixerit : *Itaque non numero solummodo animum advertes, quod quidam faciunt, sed corporis habitui; nam sunt, qui sexagesimo ætatis anno venæ sectionem non ferant, cum quidam, qui septuaginta nati sunt annos, perferant* Minusque ætates certis annorum numeris possint à medicis definiri. Gale-
nus idem in lib. de sectis, dixit, non mittendum esse sanguinem in puero admodum parvo. Atque hæc obiter de sanguinis missione in pueris à me dicta sint. ALPIN. Admodum hoc tuo doctissimo sermone sum delectatus, præsertim cum ex te multa didicerim, quæ in pueris faciendam esse vacuationem sanguinis demonstrant. Ægyptii itaque in pueris hanc evacuationem non secus, quàm in aliarum ætatum hominibus frequentant, tum venæ, arteriæque sectionem, tum etiam per scarificationem malleolorum, crurumve, atque aurium. Magis vero per scarificationem quàm per venæ sectionem in ipsis consueverunt id agere. Eodem quoque modo non minus sanguinis evacuatione in senibus utentur, in iis tamen, qui non ad ultimum senium perducti sint, sed optimi temperamenti & habitus, qui-
que satis validis viribus consent. GUILAND. Cum hætenus dixeris missionem, vel evacuationem sanguinis illorum locorum, medicos in omnibus iis corporibus exercere, non minusque in Eunuchis, mulieribus, pueris, senibus, & pinguioribus hominibus, quibus satis Ægyptus abundat, Cupio etiam ex te audire, an per venæ, vel arteriæ sectionem, vel per scarificationem alicujus partis corporis, vel per hirudines, vel cucurbitulas, talem vacuationem familiarius præstant, quando his tantum viis quælibet sanguinis missio peragatur. Hæcque nunc ex te audire expecto.

Cap. 257

CAP. VI.

In pinguioribus corporibus, Eunuchis, mulieribus, pueris, senibusque quomodo Ægyptii sanguinem mittant.

GUILANDINUS.

Cap. 13.

Cum corpora pingua, mollia, alba, atque valde humida ubi in omnibus ferè mulieribus, vel saltem in plerisque observentur, quibus sanguinis missionem non omnino convenire his verbis Gal. in lib. de curat. per sang. miss. docuit; dicens:

Cap. 14.

Deinde considerandum. quæ sit naturalis hominis temperies. Nam quibus amplæ sunt venæ, quique modice graciles sunt, nec candidi, neque tenera carne præditi, copiosius evacuabis: contrarios autem parcius: quippe qui exiguum habent sanguinis, carnemque facile transpirabilem. Sicque in libro 11. methodi, loquitur: Quod si corpus decimum quartum annum excefferit, existimandum est, qualisnam ejus natura sit, num gracilis & spissa, & dura, & copiosi sanguinis, an contra: atque ita in priori missionem sanguinis adhibebis: in secunda nequaquam. Quinetiam modus vacuandi sanguinis ex iisdem indicantibus fumetur. Si enim cui sanguis mittitur triginta annos natus sit, sed laxus, & mollis, & pinguis, & albus, & gracilibus venis, huic planè sanguinem non mittes, aut parum detrahes. Hæc cum in multis hominibus, pueris Eunuchis, senibusque spectentur, Ægyptios non parum in usitanda sanguinis evacuatione errare dicemus. Namque crebra ac copiosa sanguinis eductio, quæ apud eos omnes est, etiam ex levissima causa familiaris, iis omnibus valde incommoda ac noxia erit, quando quælibet nuper dictorum corporum, ex paucissima etiam evacuatione multum resolvantur, atque ipsorum moles universa inde non parum perfrigescat. Sed quoniam nostrorum medicorum quamplurimi existimant, cucurbitulis præstitam sanguinis evacuationem in his corporibus minorem facere spirituum resolutionem vel consumptionem, ideò per
has

has potius, quàm per sectam venam ipsis sanguinem mitti suadent, cum per sectam venam sanguis evacuatus multum caloris naturalis absumat, ut Gal. in lib. de cucurb. hirudinibus scriptum reliquit, itaque nunc quonam illorum modorum mittendi sanguinem illi populi utantur, narres velim, num per venarum, arteriarumque sectionem, an potius per cucurbitulas, vel simplicem scarificationem, vel hirudines appositas venis. ALPIN. In omnibus iis nuper dictis corporibus, scilicet pinguioribus, albidioribus, mollissima ac tenerissima carne præditis, habituque raro, qualia plurimorum, tum virorum, tum mulierum, senum, omniumque Eunuchorum, (quorum ibi adest haud parvus numerus,) ac puerorum multa cernuntur, quamquam etiam sectis venis sæpe ab his sanguinem evacuent, nihilominus familiarius cruribus antiquorum more scarificatis mittere sanguinem consueverunt, omnium maxime in valde pueris, scilicet infantibus, quibus ibi detrahunt etiam sanguinem? cruribus, vel auribus scarificatis, ne peracto quidem primo anno. Provisionis quidem causa in prima ætatis parte æstiosa, inæquali, in qua multi pessimi morbi, vel etiam puerulos ac infantes invadunt, in pluribus eorum scarificatis auribus mittunt sanguinem; itaque vix inter centenos, tercenos aliquando reperies, quibus aures scarificatæ non sint. Quamobrem in infantibus, atque pueris omnibus sanguinem scarificatis auribus, atque cruribus mittunt. In Eunuchis verò, & mulieribus, pingui, raroque habitu præditis, atque demum in ceteris hominibus, eodem ferme habitu, tum molli, tum raro refertis, per scarificationem moliuntur sanguinis evacuationem. GUILAND. Rectè sane illi in istis corporibus per cutis scarificationem sanguinem vacuantes, se gerunt, quando hæc corpora facile transpirabilia, ex sanguinis evacuatione per sectas venas confecta valde resolvantur. Quod ex Galeno didicimus, qui de scarificatione ita scripsit: *Eodem namque anno venam frequenter incidere, minime quidem rationi consentaneum arbitramur: quandoquidem cum larga sanguinis copia vitalis quoque spiritus emittitur: Quo sane absumpto, crebrius quidem moles universa frigescit, tum animales functiones omnes deteriores redduntur. Quamobrem ab*

igno.

Cap. II.

ignobilioribus membris, utpotè cruribus, educendus est, scilicet scarificatione. Sed talem usum mittendi sanguinem per scarificationem optimum esse, atque artis ratione comprobatum, in lib. de curat. per sang. miss. docuit his verbis: *Porro quæ ex mulieribus albidiores sunt, sanguinem acervare tenuem solent: quocirca adhibitis malleolorum scarificationibus maxime juvantur. At quæ nigriores sunt, secta vena curato: crassiores enim sanguinem, ac magis melancholicum colligunt, magis vero etiam si magnas habere venas appareant, quod illis accidit, quæ graciliores sunt, ac nigriores: Carnosis verò & candidis parvæ insunt venæ, quibus malleolos scarificare, quam venam secare præstiterit, quippe cum hæc parvas in cruribus venas habeant: itaque etiam si probè secentur, quod justum tamen sit, non profluat.* Commodior hæc per scarificatos malleolos sanguinis evacuatio in iis corporibus est, utiliorque non immerito judicanda; commodior, inquam, quoniam corpora pingua, candida, mollia, exiles parvasque venas, & sanguinem tenuiorem habent, quarum aliquæ rectè etiam sectæ, justam sanguinis copiam non dabunt: faciliorque sanguinis hæc quantitas scarificata cute crurum sive surarum, multis, neque minimis referta venis. Utilior, quòd ex ea scarificatione celebrata sanguinis missione, non tanta spirituum copia resolvitur. Sed quid? isti hac scarificatione nonne cucurbitulis affixis sanguinem extrahunt? vel non apposis, venis aliquibus, ut nostri faciunt, hirudinibus sanguinem mittunt? ALPIN. Neque usum cucurbitularum pro sanguinis evacuatione facienda, neque per hirudines evacuationem nobis cognitam, illi norunt. Missionem sanguinis per cucurbitulas, ad tollendam plenitudinem, maxime damnant, neque iis unquam sanguinem evacuationis causa mittunt, sed tantum revulsionis vel diversionis gratia, priori loco per sectam venam evacuata copia sanguinis. veluti in ophtalmiis occipiti affixis cucurbitulis uti solent. Neque dorso, neque lumbis, neque cruribus eas unquam affigunt. Collo tantum, occipiti, ac ejus proximis partibus cucurbitulas apponere consueverunt. Hirudinum usum prorsus ignorant, dicunt enim veneficam eas habere naturam, illarumque morsum non minus noxium experiri.

CAP.

C A P. VII.

An Ægyptii Medici rectè se gerant in usu missionis sanguinis in dysenteria, diarrhæa biliosa, exanthematibus, puncticulis appellatis, pestiferisque bubonibus, & parotidibus.

A L P I N U S.

DIXI illos medicos, cruribus scarificatis exercere missionem sanguinis in omnibus pinguioribus, albidioribusque corporibus, Eunuchis, mulieribus, puerulis, in quibus rectè illos ex Galeni sententia facere dices, sed in dysenteria, biliosa diarrhæa, exanthematibusque, à nostris periculis, vel puncticulis vocatis, inque pestiferis tumoribus eos sanguinem mittentes, nescio an laudabis, quando multi medici etiam doctissimi exclament in iis ferè omnibus morbis summoperè noxiam, ac exitiosam ferè esse illiusce humoris evacuationem. Neque fortasse citra rationem ipsis id persuasum est, quando tum vires admodum ab ea vacuatione collabantur, tum etiam ea plures optimi medici in iis, usi non fuerint. GUILAND. Cupio audire ex te rationes, quibus illis persuasum sit, in illis affectibus inutilem esse sanguinis missionem. Quibus auditis, meam quoque sententiam in medium postea proferam. ALPIN. Sigillatim tamen de quolibet affectu hæ dicendæ sunt. In primisque recensebo, quæ in dysenteria à sanguinis missione arceant, & mox de aliis loquar. Sed quæ illi pro ipsorum sententia dicunt, hæc sanè sunt. In primis Galeni auctoritate se muniunt, cui omnes medicos addictos esse debere affirmant, atque quòd ipse dum de dysenteria loqueretur, missionis sanguinis nusquam meminisse legerint, affirmant idcirco errare omnes pro illo affectu mittentes sanguinem: Multoque magis, qui observaverint, tantum medicum manifestissime in his sanguinis evacuationem damnas-
se. ut in lib. 4. de vict. rat. in morb. acut. legitur, his profecto
verbis: *Fluente alvo sanguinem non detrahes. Nam si post detra-*

Com. 113.

P

Etio-

Etionem perseverat fluor, virtutem prosternit. Cujus sententiam constat repetitam fuisse in libro I. ad Glauc. quando scripsit: *Sed neque si fuerit febris cum alvi profluvio, alia est opus evacuatione.* Quicumque his plus adimere fore necessarium putantes, aut sanguinem mittere, aut ventrem movere tentarunt, in graviora pericula duxerunt. An in dysenteria, ac diarrhæa sanguis sit mittendus, utique his verbis explicavit; Quid dubii igitur est amplius, quin ex ejus sententia in eo affectu sanguinis aliqua evacuatio non sit facienda? Quod remedium cum tantus medicus dysentericis, atque diarrhæâ correptis interdixerit, cur quisque nostrum tanto à præceptore perdoctus, idem faciendum non suadebit? Quam sententiam multi confirmant dicentes, in dysenteria admodum vires resolvi, quando tum sanguinis crebra fiat dejectio, interdumque etiam copiosa, & dolores vehementes ferè assidui, quos etiam vigiliæ sequi solent immodicæ, quæ omnia multum vires labefactare, ac resolvere omnibus est plane cognitum. Quapropter si in iis medici sanguinis evacuatione utantur, procul dubio erunt in causa, ut in majores virium lapsus, ac resolutiones incidant ægroti, quibus collapsis natura necessariò morbo succumbet. Itaque hac ratione confirmari posse Galeni sententiam statuunt. Cui libenter ego etiam subscriberem, cum dysenteria (dico illum affectum, in quo ulcerata intestina apparent) fiat ex cachochymia, sive ex malis humoribus, qui non evacuatione, quo auxilio plethora curatur, sed purgatione, tolluntur. Intestina etenim abraduntur, & exulcerantur vel à biliosis acrioribus succis, vel à falsa pituita; quæ sanè non sanguinis vacuatione tolluntur, sed ut nunc dixi, purgatione. Maximè itaque hîc errare medici Ægyptii dicendi sunt, utentes sanguinis missione vel etiam in dysenteria. **GUILAND.** Erras (mea quidem sententia) si id credis, quando in iis affectibus sanguinem evacuare ab artis vera methodo alienum esse, non judicaverim; quinimo in ea re illi multa sunt laude digni, atque Hippocratice dysentericis mederi mihi videntur. Namque sanguinis in iis evacuatio dolorem vehementem, quo dysenterici cruciantur, mitigare potest, ut ex Galeno colligitur, qui nullum majus remedium in maximis doloribus

bus evacuatione, atque purgatione se invenisse scriptum reliquit. Non minusque intestinorum partium ulceratarum inflammationem, atque febrem imminuit, fluxumque humoris ab intestinis revellit, somnumque inducit; itaque in dysenteria, viribus, ætate ac aliis consentientibus, circa initia revulsionis gratiâ, præsertim ubi magna affuerit humorum copia, aut sanguinis impetus valde urgeat, vel maxima inflammatio, aut dolor vehemens observetur, vel jecur male affectum sit, à quo acres succi ad intestina confluant, adprime utilem sanguinis evacuationem esse existimo. Atque illi qui exordiuntur à sanguinis missione curationem, eandem rationem sequi videntur, quam medici omnes febres putridas curantes, ab ablatione causarum curationem incipientes: quis enim ignorat, tria in iis curationem indicare, scilicet morbum, causam, atque symptoma? ut in 9. meth. med. Gal. docuit. veramque ac optimam curationem illam esse, quæ à causa exorditur? nunquam enim morbus tolletur, non ablata prius ejus causa. Dysenteria vero ex Galeno in 4. lib. aphorism. & in 3. de sympt. caus. atque in 6. de loc. affect. alibique in sexcentis aliis locis, ulcus est intestinorum ex flavabile, vel atra, Galeno in 4. lib. aphorism. docente, aut à falsa pituita, ut in 3. lib. aphorism. apud ipsum legitur, abradentibus, ortum. Quo pacto igitur quis dysenteriam, quæ est ulcus intestinorum, rectè unquam curabit, nisi causam prius, à qua ortum ducit, adimere studebit? Causa vero, ut dictum est, cum sit biliosus sanguis acris, & mordax ab universo corpore vel à jecore ad intestina demandatus, is proculdubio evacuatione tollitur: nam per sanguinis evacuationem nonne hujus redundantis humoris copia diminuitur? quæ diminuta vel nihil, vel minus ad intestina confluit. Amplius cum biliosus ille sanguis ex calore multo jecoris gignatur, ejusque multa copia subministretur, quis est, qui ex missione sanguinis jecore refrigerato, minus illius humoris gigni posse, ignoret? Medici enim omnes, calidorum humorum redundantiam factam, sanguinis missione prohibere student. Demum cui obscurum, atque ignotum est, eorum humorum acrimoniam, qua intestina mordentur, atque abraduntur, immodico

Aph. 24.

Aph. 12.

jecoris calore fieri? intensus etenim ac immodicus calor ejusce membri, sanguinem efficit calidiorem, ac acutiorem: quis, inquam, ille erit ita artis medicæ ignarus, qui nesciat, jecore præ multo calore gignente sanguinem biliosum, acremque, eo evacuatione sanguinis refrigerato, minus acutum atque acrem producturum esse sanguinem? Cum igitur sanguinis missio copiam biliosi sanguinis diminuat, ejusque acrimoniam obtundat, talemque sanguinis cursum ab intestinis avertat, id nihil aliud erit, quàm causam, qua ulcera fiunt in intestinis, planè adimere, qua sublata facile facta ulcera sanabuntur. Quæso, quis ille est (sanguisugariis enim usque est manifestissimum) cui homo aliquis ob ulcus in quacumque extrinseca corporis parte, ex bilioso humore confluyente ortum, sanandus occurrerit, qui ut illum hominem rectè curet, priusquam medicamentis exsiccantibus utatur, non in id incumbat, ut corpus prius, tum evacuetur per sanguinis missionem, tum aliquo medicamento purgetur? sanguinis enim evacuationes prohibent, quin minus illiusce calidi humoris amplius gignatur, purgationes vero genitam ejusce humoris copiam minuunt; hæc enim magnorum ulcerum, localibus remediis non cedentium rationalis, ac vera curatio existit, quam cur non eandem fieri oportere in iisdem ulceribus internam quampiam partem occupantibus, præsertimque intestina, omnes velint aut nolint facere cogentur? si dicerent hanc evacuationem, quamquam ipsa opportuna sit, non conducere dysentericis, quia est in causa, ut vires multum resolvantur, atque collabantur, qua postea imbecillitate non possent alvi profluvium firmare, respondebitur naturam non ita pati ex modica sanguinis evacuatione, ut ea valde viribus destituatur, ad morbum pervincendum: quod si æque à missione sanguinis in omnibus læsis ulceratisque partibus corporis natura debilitari existimanda sit, cur intestinis læsis tantum patietur, si mittetur sanguis? ex aliis vero corporis partibus nequaquam? si dicent, quia ulcerata intestina ex sanguinis evacuatione diminutis viribus, minus poterunt firmari & sisti, & ita profluvium ægrotos perdet; nos dicemus, si non mittatur sanguis, atque eo modo statim in principio divertatur fluxus

fluxus ab intestinis, multo sanè majorem sanguinis copiam per alvum, perseverante illo affectu, emanaturam, quæ longè plus, quàm arte facta, vires resolvet. Optimum itaque esse remedium dysentericis, modicam sanguinis evacuationem existimo. Cujus sententiæ fuere Alexander Trallianus, Aëtius, atque alii multi gravissimi medici: ex recentioribus verò Donatus Antonius ab Altomari paucis his verbis optimum esse auxilium missionem sanguinis in veris dysentericis scriptum reliquit, dicens: *At si male admodum affecto jecinore flavæ bili admixtus sanguis ab eo ad intestina deferatur, ita, ut strigmenta quoque intestinorum dejiciantur, summa intestinorum tunica humoris acrimonia derafa, quisnam verebitur internam in dextro cubito venam secare? nedum revulsionis gratia, verum etiam ipsiusmet jecinoris alterationis. Cur plerique medici in hoc casu, qui solam intestinorum exulcerationem, neglecto jecinore curare consueverunt, in causa sunt, ut ægri moriantur ex Galeni sententia lib. 4. de articulis com. 4. Rursus ubi vehementissimus infestaverit dolor propter rodentium humorum acrimoniam, ad intestina à toto, seu ab aliqua corporis parte confluentium, & propterea verenda sit phlegmonis generatio, aut virium defectus, cui absonum videbitur venam secari debere? Cum & idem Gal. in maximis doloribus nullum majus invenerit remedium, quàm usque ad deliquium animi sanguinem mittere, aut purgare, ut patet aphor. 23. lib. 1. Quamquam venam secandam dicimus, ubi cuncta ea admiserint, nec usque ad animi deliquium, sed paulatim, ac sensim, ne vires imbecilliores reddant, ipsam probamus, prout Aëtius & Alexander probarunt. Atque hæc Altimarus medicus sua tempestate clarissimus, qui omnibus dysentericis feliciori semper eventu sanguinem seccta vena mittebat; cujus rei excellens Ascanius Curacciolus à dysenteria sola sanguinis missione absque aliis auxiliis sanatus, atque alter filiorum Joan. Ferdinandi Rocchi dysentericus eo auxilio servatus; testes fuere. Cum eodem etiam tempore eodem morbo alter frater correptus, cui sanguis non fuerat missus, mortem objerit. Amatus Lusitanus medicus non spernendus Chiam mulierem dysentericam misso sanguine, atque alios multos curavit, ut in ejus centuriis memoriæ traditum est. Multi alii medici doctissimi usi sunt hoc*

auxilio in curandis dysentericis, quos omnes hic recensere nimis molestum foret. ALPIN. Conspicuam hanc veritatem mihi nunc planè ita reddidisti, ut deinceps maxime mihi constitutum sit, missionem sanguinis pro curanda dysenteria opportunissimum fore auxilium, atque absque eo maxima cum difficultate homines à dysenteria sanari posse. At optimum etiam erit, ut adversariorum nuper allatis rationibus, quibus hoc auxilium in hoc affectu damnant, nunc etiam satisfacias. GUILAND. Ad ea, quæ apud Galenum scripta leguntur, præsertimque in lib. 1. ad Glauc. quæ illorum opinioni magis favere creduntur, respondendum est, ibi Gal. locutum fuisse de alvi profluvio, qui febris symptoma existit, febremque sequitur, ut accidens, quod ejus morem significare videtur. Nos vero cum de dysenteria loquimur, prout morbus est, cui sit febris conjuncta, ejus est symptoma; itaque verba Galeni nihil nobis obsunt, dum loquimur de dysenteria, quæ morbus est à febre distinctus. Quod si alibi, ut dictum est, in 4. lib. de vict. rat. in morb. acut. dixit, *Fluente alvo sanguinem non detrahes. Nam si fluor post detractionem perseveret, vires prostermit*, ego, ut recte hanc rem intelligam, ita rursus distinguo, alvi profluvium fieri læsis intestinis primario affectu, aut stomacho; vel illis communicata læsione ab universo corpore, aut ab aliqua parte, præsertimque à jecinore, quo sane modo pleræque diarrhææ biliosæ, & dysenterix gigni solent. Ubi igitur profluvium fit læsis intestinis, vel ventriculo, primario affectu, tunc sanguinis missio, atque purgatio videtur damnanda, quandoquidem ex illa evacuatione partes illæ paucò calore nativo refertæ plus aliis debilitentur, & idcirco hoc auxilii genere non juvantur, sed potius læduntur. Orta vero fluxione biliosa, quæ abraferit intestina, idque vel universi corporis, vel hepatis vitio, quo viscere læso pleræque fieri solent; proculdubio sanguinis evacuatio utilis erit, quæ non intestina labefactabit, etenim ab ipsis divertendo biliosum sanguinem intestina ulcerantem, ipsis potius non parum roboris adjiciet. Hinc vero fit, ut omnes ulcera tantummodo intestinorum curantes, & non hepar, tanquam causam, ex qua id mali creatur intestinis, pessime curent, ut dicebat

cebat Gal. in lib. 4. de artic. his verbis: *Interdum enim quum* Com. 40.
propter dejectiones acres, principio quidem pinguedo, processu tem-
poris quædam strigmenta, quæ ab intestinis deradantur, unà excer-
nantur, plerique medici neglecto jecinore, ulceri duntaxat intestino-
rum medentur, atque idcirco ægrotantes præcipitant; hoc igitur
modo responsum fit ad eorum adductas rationes. Superest ut
Ægyptios in biliosis dysenteriis, atque diarrhæis, quæ non in-
testinorum, sed vel totius corporis, vel hepatis vitio obortæ
sunt, sanguinem mittentes laudemus. ALPIN. Idem faciunt in
omnibus pestilentibus morbis, maximeque in omnibus exan-
thematibus, non minusque periculis vocatis, atque parotidi-
bus, carbunculis, atque bubonibus. In iis enim in principio,
viribus consistentibus, largè sanguinem mittere solent; in om-
nibusque corporibus cujusvis ætatis, vel temperamenti. Mul-
tis vero, puerisque maxime scarificatis cruribus, atque multis
secta vena sanguinem evacuant: & hæc de missione sanguinis à
me dicta sint. Quibus ita cognitis, antequam mihi è memoria
effluat, aliud tibi narrare cupio, id vero est, illorum multos à
cibo mittere sanguinem. Quod fortassè tibi doctissimo medi-
co, non parum rationi adversari videbitur, hoc unum scio mul-
tos usum hunc in mittendo sanguine sectari; sed an optimus sit
is usus, & à nobis recipiendus, ex te libenter audirem.

C A P. VIII.

*Ægyptios medicos à cibo sanguinem mittere, atque an
rectè faciant etiam, illis, quibus sanguinem mit-
tere debent, potum aliquem propinare.*

A L P I N U S.

VUlgus Ægyptiorum medicorum à cibo consuescere mitte-
re sanguinem nuper dictum est. Nuncque idem confir-
mo. Sæpissime etenim, qui jejuno stomacho fieri missionem
sanguinis alicui ægroto præceperim, ab Ægyptiis accusabar,
me corpora ægrota alimento vacua tum evacuare velle, atque
ipso-

ipforum tum vires, tum functiones labefactare. Sæpius rogabam, ut mihi clarius hanc rem explicarent, vel docerent, qui in ipforum sententiam ducere conabantur, dicebant, omnibus optimis medicis notum esse, sanguinis evacuatione corpora valde labefactari, facta plurima innati caloris ab emissio sanguine resultione. Ideo si id fiat ante cibum jejuno stomacho pertimescendum fore absque dubio à multa virium resolutione. Addunt non minus corporum amaram bilem ab evacuato sanguine fieri acutiorem, multosque in syncopen stomachi iam vocatam inducere. **GUILAND.** Sed quæso, num tu rationibus illos falsos esse demonstrabas, an potius ab illis gratiam inire cupiebas, ipsos verè aut fictè laudando magis, ut cum iis lites detrectares?

ALPIN. Non ego unquam fui tam vili animo, ut eos mihi contradicentes pertimuerim, quinimo magis sæpe medicas difficultates coram nonnullis Turcis dominis persequi studebam, ut illi cognoscerent quantò plus Ægyptiis nostri saperent medici. Negabamque illis ab omni sanguinis missione ægrotantium corpora debilitari, ac resolvi; veluti iis, qui ex multa plenitudine vel sanguinis, vel aliorum humorum gravati, ab emissio multo sanguine, vel pharmaco quopiam in humoris copia exhibito exonerati, vires acquirant, sæpe fieri observatur, idque exemplo alicujus humeris multum pondus gestantis, qui vel omnino ab onere, vel aliqua in parte subtractus, collapsas ferè à labore vires recipit, illis persuadere conabar. Quos etiam redarguebam, qui in mittendo sanguine post assumptum cibum, eum usum non modo ipforum multi sectarentur, verum etiam artis medicæ rationi illum consentire affirmarent. Hunc igitur vacuandi sanguinis pessimum esse usum mordicè affirmabam, veluti neque alterum illum eorum usum laudabam, qui apud omnes est frequentissimus in missione sanguinis, ut ægrotis priusquam fecent venam, potum aliquem frigidum propinent. **GUILAND.** Fortassè cibum assumendi ante sanguinis evacuationem usum ex Arabum clarissimorum medicorum mente illi defendere poterant, quando Avicenna lib. 1. fen. 4. hæc ad unguem scripta reliquerit, dicens. *Subtilitatem vero sensus habenti, & debilitatem, buccellæ mundi panis in rob acetoso bonum*

habenti odorem infusæ sunt dandæ. Et si fuerit debilitas complexionis frigidæ, sint intinctæ in aliquo, quod sit sicut aqua cum zucchero cum Alefniati, aut in syrupo mentæ muscato, aut in myva muscata, postea minuatur sanguis. Optimum igitur esse, priusquam sanguis evacuetur, eos aliquid cibi capere, qui stomachum debilem, vel sensus acutioris obtinent, cum Avicenna dici poterit. Cujus sententiæ Rasim non minus gravissimum medicum esse, legitur in libro de phlebotomia, Vent. & Sang. ex mente Constantini, cum dixit: *Cholerici debent primo comedere, & postea minui: tamen de cibo tenui ad modum gallicelli, aut carnis hædinæ, aut de pane infuso in vino, aut succo granatorum. Sed ipsi, quorum corpora sunt rara, condensentur, & postea minuatur.* Cum itaque hi præclarissimi medici in biliosis stomachis, in ventriculo debiliore oris, vel acutioris sensus laudaverint prius aliquid cibi fore ab ægrotis capiendum, quàm sanguis mitteretur, mirum non fuit, si & Ægyptii, cum observassent pleraque illorum corpora habere stomachum debilem, ac biliosum, idem fore ab ipsis observandum, ne animo linquerentur, sibi ipsis persuasum sit. Quod tamen minime aliquem Græcorum medicorum præcepisse legitur; quin potius contra in missione sanguinis eos memoriæ prodidisse compertum est. Gal. in lib. meth. med. dixit. *Nam si præcedat ciborum cruditas, tanto tempore differre venæ sectionem jubebis, quantum satisfacere, tum ad eorum concoctionem, tum ut excrementa descendant, videbitur; hoc idem in pluribus aliis locis docuit, præfertimque in lib. de cur. rat. per sang. miss. atque in tertio epidem.* Cui non modo omnes Græci planè assentiunt; verum etiam Arabes præcipui. Quod ex Rase in nuper citato libro his verbis legitur: *Quoties in stomacho cibarium fuerit, nulla fiat minuto, dum non fuerit digestum, & egredietur substantia de intestinis, qui nisi emitti poterit, emittatur cum clystere, deinde minutio fiat: & paulo post idem iis verbis clarius patuit, quæ sunt. Horribilis est minutio ante digestionem cibi, qui est in stomacho, & meseraïca, quoniam facta minutione attrahitur aliquid de eo, quod in venis & stomacho est ad hepar, & meatus ejus, respectu vacuitatis sunt stricti, & incongruum est, quod attrahat crudum, ne fiat in*

Q venis

venis humor crudus nocivus, & eis non digeretur, sed putrescet & augebit febrem, aut infert ei aliquid pejus; ideo expectanda est minutio si opportuna fuerit, donec integre fiat digestio. Cujus signum habebitur per urinam croceam, & alleviationem corporis, suscitato paucio appetitu cibi. Quid igitur dicemus, quando ita periculum sit (his gravissimis medicis docentibus) post cibum mittere sanguinem, ut multos Ægyptiorum facere, dictum est? reprehendemusne illos hac in re, an potius eos recte facere affirmabimus? Hactenus tu quid sit pro utraque parte sentiendum, respondendumque, recte intellexisti. ALPIN. At ego ex te hoc dubii explicari velim. GUILAND. Hæc in response sunt prænoscentia. In primisque in sanguinis missione primam operationem esse, ejusdem evacuationem, quam duo alii effectus sequuntur, scilicet venarum inanitio, & spiritus calorisve diminutio, quam sequitur universi corporis refrigeratio, veluti inanitionem venarum omnium successiva partium attractio. Atque à modica sanguinis facta in venis inanitione, pauca, & ab immodica multa fiet sanguinis attractio, quemadmodum etiam immodicam sanguinis vacuationem sequitur immodica caloris naturalis resolutio, vel diminutio, atque hanc omnium corporis partium refrigeratio, qua omnes functiones indeterius abeunt. Ab hac postrema spirituum immodica resolutione, syncope, vel animi deliquium, fit, quæ plerumque fit resolutis viribus à plurima sanguinis evacuatione. Excitatur etiam sæpissime is affectus, stomacho valde imbecillo effecto, cujus vires facile à modica etiam sanguinis vacuatione resolvuntur, vel ejus ore valde sensibili existente, vel biliosis humoribus acrioribusque oppleto. In iis itaque ventriculo aliquo trium nunc dictorum modorum læso, atque ægroto, non esset mittendus sanguis. Quando Gal. lib. 9. meth. med. os ventriculi nimium sensibile, aut imbecillum, vel amara bile redundans, dixerit, prohibere sanguinis missionem, quam dum moliri cogimur, acutorum morborum urgente aliqua occasione, Arabes multi volunt os ventriculi pauxillo cibi muniendum esse, ac roborandum, ne in syncopen ægroti labantur, malumque augecat bile amariore facta, à ventriculoque intra venas rapta. Qua mem-

memברי roboratione ac defensione à fyncope , ut jam dixi , multi ægrotis evacuandis pauxillum cibi offerunt , atque multi vice cibi exhibent aliquem frigidum potum , cum aliquo fyrupo robur ventriculi respiciente : atque hic ufus potandi ante miffionem fanguinis , vel ftatim ab emiffio , vel dum educitur , eft ferè apud omnes fatis frequens , qui etiam ut alter cibandi in malum eft apud ipfos deductus ufum , fed de potu paulo poft dicemus. De cibo vero ante miffionem fanguinis , ægrotis concedendo , fum hujufce fententiæ , illud institutum inutile effe , neque citra periculum exerceri. In corporibus enim ftomachum , neque imbecillum , neque nimium fenfile ejus os , neque cum multa amara bile obtinentibus , cui dubium , fumum errorem effe , à cibo mitti fanguinem ? Nihil enim ipfa ab emiffio fanguine patientur , neque vires admodum refolventur. Cibus vero multi mali caufa fieri poterit , namque incoctus intra venas attraheretur , quo venæ obftruerentur , quibus obftructis putredo & febris neceffaria augeretur. Quare in iis non erit exercenda fanguinis miffio ftatim à cibo. In aliis vero ægrotis , habentibus , ut fupra dictum eft , ventriculum vel imbecillum , vel acutioris fensus , vel amara bile redundantem , nunquam , fi fieri poteft , ad miffionem fanguinis eft veniendum : quod fi a magno morbo cogamur id facere , poffumus præcepto Ægyptiorum uti , ut detur aliquid cibi vel potus. Mihi tamen magis potus , quàm cibus arridet ; proinde illos magis laudo , qui aliquo potu utuntur , quo acutum oris ventriculi fenfum , vel bilis calorem , atque acrimoniam obtundant , atque attemperent. ALPIN. Quibus fanguinem mittere volunt , ne in fyncope incidant , aquam fimplicem crudam faccharo commixtam cum modico fucci limonum , exhibent : quam potionem , ut poftea dicemus , ipfi per excellentiam , farbet , appellant , atque ipfam vel ftillatitiam calaf , vel de nenuphare , vel de foncho , vel endivia cum aliquo fyrupo refrigerante , veluti eft violatus , nenupharinus , rofatus , de fucco limonum , vel de acetofitate citri. Alii eandem cum vino granatorum , atque faccharo , atque alii exhibent aquam infufionis , florum calaf , vel berberorum , vel tamarindorum cum faccharo. Atque alii

etiam offerunt potionem, de quibus postea loquemur. Quæ omnia videntur idonea auxilia ex calida temperie imbecillo ventriculo, vel acutioris sensus, atque bilioso sive picrocolo, ab eo enim potu, exeunte sanguine, non facile in deliquium animi ægroti concidunt. Quid mirum enim est, frigidæ aquæ potu à syncope ægrotos defendi posse, cum ea tantum in facie projecta, jam ortum deliquium animi mitescere compertum sit? **GUILAND.** Aquæ illiusce potus usum iis, quibus sanguis statim mittitur, noxium potius, quàm utilem apud eos judico, quando ut ex te audivi, non modicè, sed large frigidam aquam illis propinent, qua etsi videantur tunc juvari, qui rectè perferant sanguinis missionem, tamen paulo post nimium refrigerato ventriculo, aliquam noxam sentient; maximeque etiam, quia ab ipsa intra venas rapta ægrotos in hydropem incidere posse Avicenna testatum reliquit. Quod ejusverba ita explicant: *In eo, qui phlebotomatur, super potum aquæ plurimæ timetur hydropisis, propter expulsionem aquæ attractæ cum sanguine ad profunda membrorum: Quare oportet, ut sit occupatus in provocanda urina, & ea, quæ sequuntur.* Neque rectè utilitatem aquæ in facie projectæ calorem intus protrudentis, qui tunc vividior in ventriculo, aliisque internis membris fit, ei utilitati esse comparandam judico, quæ per os potu aquæ in stomachum assumitur, quando hæc non modo calorem non vivificet, sed potius imminuat, atque extinguat, & illa foveat, atque roboret, ab extrinsecis partibus ad interna viscera eo recurso. hæc sufficiant, de iis quæ manduntur, & potantur, in missione sanguinis: utilius nunc erit, ut ad modos, pro quibus illi sanguinem mittunt exponendos, accedas. Ne tempus in his amplius conteramus.

CAP. IX.

Quot modis Ægyptii sanguinem mittere soleant.

GUILANDINUS.

QUOT modis medici illi sanguinem mittere nunc consueverint, ex te audire desidero, ex quo sermone non parum ego voluptatis acipiam, quando apud illos medicos cogitem, præter eam rationem, qua nostri medici in mittendo sanguine utuntur, aliquos alios in usu esse mittendi sanguinis modos, quos nostris non minus pro varietate præsidiorum, quàm utilitate multa, maxime gratos fore existimo. Igitur si placet, de his sermonem instituas. ALPIN. Tribus modis eos mittere sanguinem ibi observavi, ac cognovi, quippe per venarum, & per arteriarum sectionem, atque tertio per scarificationem cutis. Venarum enim sectione non secus quàm nostri, nacti ab acutis, atque magnis morbis occasionem, sanguinem mittunt. sed à plurimis venis, quæ apud nostros medicos non sunt in usu, missionem sanguinis exercent, veluti sunt venæ temporum, frontis, aurium, angulorum oculorum, nasi, labiorum, gulæ, atque aliarum partium aliæ, quas paulò post recensebimus. Arteriarum pro missione sanguinis etiam sectionem, apud ipsos esse non minus in usu, quàm venarum ad multos chronicos morbos profligandos, omnes, qui ea loca habitarunt, testes existunt. Et ego hisce oculis sæpe vidi frontis, aurium, manusque arterias sectas, quæ non secus quàm vena brevi tempore coaluerunt. Harum usum pro mittendo sanguine, Ægyptiorum, Arabumque proprium esse existimo, quando alibi nusquam gentium, neque viderim, neque audierim observari talem missionem sanguinis, quæ etsi multis ad multos morbos idonea, ac multum utilis esse videretur, non tamen arteriarum sectionem tutam, atque sine magno periculo exerceri posse quicumque affirmabit magna siquidem cum difficultate, & non sine multo vitæ discrimine sectæ arteriæ coalescere possunt, ut &

apud Galenum & alios præclarissimos medicos planè constitutum est. Sed de his suis locis loquemur accuratius, atque uberius. Cute etiam scarificata, frequentissime, atque familiarissime, mittunt sanguinem, in pueris, mulieribus, atque Eunuchis. Scarificant autem ad mittendum sanguinem, crura, aures, nares, labia, & ab his partibus scarificatis absque ulla cucurbitula sanguinem evacuant. Advertant medici nostri temporis, illos nunquam ab illis scarificatis partibus productione sanguinis ullo cucurbitularum genere uti, sed earum vice dulcis aquæ calido balneo, nec unquam pro universali corporis evacuatione cucurbitulis sanguinem educunt, sed solum pro partis alicujus evacuatione molienda, præsertimque capitis, neque præterea partibus corporis cucurbitulas affigere solent pro mittendo sanguine, occipite atque collo exceptis, à quibus in oculorum morbis, multisque aliis calidis morbis capitis, semper facta universali corporis evacuatione, scarificatione cucurbitulis appositis sanguinem mittunt. Cucurbitulæ etiam, quibus illi medici utuntur ab iis, quæ apud nostros in usu existunt planè diversæ spectantur, illique diverso modo iis utuntur. Quando eas non igne, vel aqua, ut nostri faciunt, sed spiritus attractione cuti affigunt. Sanguinis missionem per hirudines prorsus negligunt, quòd ibi hæ fortasse non nascantur, neque reperiantur. Hique modi existunt, quibus illi medici sanguinem mittunt. Nunc vero de omnibus venis, quarum sectionem pro sanguinis missione frequentant, loquendum est.

C A P. X.

*De venis, quæ in usu sunt apud Ægyptios
pro molienda sanguinis missione.*

A L P I N U S.

APUD Medicos Ægyptios pro missione sanguinis facienda omnes utique venæ in usu existunt, sed quæ magis familiaria-

liares apud ipsos habentur, sæpiusque frequentantur, sunt temporum, frontis, magnorum angulorum oculorum, aurium, nasi, narium, labiorum, præsertimque inferioris labii, linguæ, occipitis, colli, atque jugulares, cubiti, manus, poplitis, surarum, atque tali. Usus vero venarum capitis apud illos frequentissimus, atque familiarissimus est, quòd sæpe ingens ipsorum caterva oculorum lippitudinibus corripiantur, atque afflictentur. Quibus occurrunt, sanguinis in primis facta evacuatione, ex cephalica, cubiti directè parti affectæ, vel magis læsæ respicientis, & mox secta vena frontis, deincepsque non desinente morbo, magnorum angulorum oculorum. Multi priusquam ad venam frontis accedant, missionem sanguinis ex occipite, atque partibus proximis post aures positis, cum scarificatione appositis cucurbitulis procurant, atque mox non sublata oculi inflammatione, ad alias nuper dictas secandas descendunt. GUILAND. Rectè in iis secandis se gerere videntur, quando, Gal. in lib. de constit. art. med. docuit, sanguinis evacuationem affectæ parti per vicinarum partium venas fieri oportere, veluti his verbis apud ipsum legitur: *His ergo docentibus, qui in coxendicem fluxus decubuere, per poplitum ac malleolorum evacuabimus venas, uti sanè, & quæ in uteris hærescunt: quæ in thorace ac pulmone habentur, per venam cubiti internam: Quæ in capite & in collo ex humeraria. Proximarum enim, omniumque affectæ particule venarum evacuatio optima est ac facillima.* Providere itaque oculorum inflammationibus per has sectas venas rectè videntur. Sed quonam modo ipsi parvas, vixque apparentes multarum partium venas secare queunt? ALPIN. Certè Chirurghi Ægyptii, sive operarii in scindendis venis, longè nostris accommodatiores, ac peritiores observantur; tenuissimas siquidem ac multum obscuras venas commodè ac tutò secant. Quod etsi tutò faciant, nihilominus in multis partibus, ubi hæ minimæ venæ vixque conspicuæ cernuntur, scarificatione utuntur, pro evacuando sanguine, veluti faciunt ab auribus sanguinem mittere volentes; venis intra extraque ipsas scarificatis. (Quamquam Gal. in 6. epidem. Hippocratem reprehenderit, dicentem. *Cedemata curantur scarificatis venis quæ*

Cap. 17.

quæ intra aures sunt.) Idemque in labiis, gingivis, naribus, collo, cruribusque facere observantur; à quibus partibus scarificatis non æquè copiam sanguinis evacuant; namque ab auribus, labiis, gingivis, collo, paucus emanat sanguis, cujus pauca quantitate ex auribus infantium detracta; (hæc enim aurium scarificatio propria ferè puerorum ibi existit.) atque etiam à labiis, gingivisque eductum sanguinem etiam in adultis præcedente universali evacuatione, mederi posse malis illarum partium arbitrantur. **GUILAND.** Expecto etiam ut dicas, quibus malis occurrant ex sectis iis singulis nuper dictis venis, pro sanguinis evacuatione facienda. De cujusque igitur sectionis, qua hi utuntur pro missione sanguinis, utilitate, nunc te verba facere cupio. **ALPIN.** Dico igitur à vena frontis factò principio, eam Ægyptios secare, atque ab ea sanguinem mittere, in maximis capitis doloribus, ac inflammationibus: quibus malis sanguinis evacuationem ex ista vena celebratam verè conducere Hippocr. lib. 5. Aphor. & Gal. tum in lib. de curandi rat. per sang. miss. tum in 13. meth. nos docuerunt. Itidemque venas temporum, magnorumque angulorum oculorum ipsi in iisdem affectibus secant, quibus ab iis sectis venis missionem sanguinis convenire, Gal in lib. de Anatomia vivorum, scriptum reliquit; quippè in capitis doloribus, præsertimque hemicranis, atque in antiquis ophthalmiis, & lacrymis, panno, scabie, palpebrarum, nyctalope. Venas vero post aures, atque intra aures secant in pueris aliquo acuto morbo vexatis, præsertimque in calidioribus capitis morbis. Nariumque & nasi venas incidunt in antiquis doloribus capitis, atque in oculorum etiam passionibus, faciei que ruboribus, & inflammationibus, proximas naso particulas lædentibus, ut est gutta rosacea. **GUILAND.** Hunc venarum usum, atque utilitatem fortasse eos à Galeno accepisse, dicendum erit, qui in lib. 1. de comp. med. secundum loc. hæc eadem à te narrata ad unguem his verbis scripserit, dicens: *Quod si affectio (ut potè dolor capitis) perseveret, venæ sectione à naso, aut fronte, aut cucurbitis affixis utitor, sanguinis à locis affectis detractiones in affectionibus inveteratis convenire omnes medici fatentur.* **ALPIN.** Et labiorum, gingiva-

Aphor. 68.
Cap. 19.
Cap. 11.

givarumque venas secant, vel potius scarificant, in faucium, gutturis, oris, gingivarumque inflammationibus, atque in dentium doloribus, à dentium gingivarumque morbis, atque labiorum fissuris scarificatione gingivarum, ad dentium radices ter quaterque in mense facta, se longo tempore præservant, eas vero scarificant acutissimo stilo argenteo, vel aureo. Mittunt etiam sanguinem sectis sub lingua venis in gutturis, asperæ arteriæ, faucium, & tonsillarum inflammatione, non secus quàm nostri faciunt. Collum vero atque mentum scarificant, in gutturis maximis inflammationibus, ab iisque sanguinem mittunt, appositis cucurbitulis. Quod ex Galeno faciendum, in iis morbis in 6. de compon. med. secundum locos, his verbis docemur.

Si vero nihil tale apparuerit, augeſcat tamen malum, ita, ut ægrè transglutire poſſint ægri, ut ſuffocationis principium ſit nobis ſuſpectum, alvus forti clyſtere, aut glande ſubducenda eſt, & vena cubiti ſecanda cucurbitæque cum ſcarificatione collo ac mento affigendæ.

Cap. 3.

GUILAND. Quasi iſthæc omnia Gal. confirmat de miſſione ſanguinis à venis capitis, quæ tu nunc dixiſti, in lib. de curat. per ſanguinis miſſ. ita dicens: *Quo circa quæ in gutture & arteria gravi torquentur inflammatione, in principio quidem ſecta in cubito vena, poſt principium autem in ipſa lingua magnifice prodeſt, incisis videlicet venis quæ in ea ſunt, ambabus. Sic indurata phlegmonis in oculis reliquiæ, ſecta, quæ ad magnum decurrit angulum vena, mirifice juvantur: Sicut capitis gravitas, & inveteratos in eo ex plenitudine dolores levare, manifeſte ſolet tuſa in fronte vena: ac incipientes, aut etiam vigentes per cucurbitam in cervice procurata retractio, interim quidem ſolam, interim cum ſcarificatione.* Sed tu perge reliqua enarrare. **ALPIN.** Jugulares venas non minus ſecant in maximis, tum gutturis, tum ceterarum partium reſpirationi ſubſervientium inflammationibus, atque tumoribus, maximeque in angina ſuffocante. Multo etenim ſanguine ex altera jugularium ſecta vena, evacuato, multos ferè planè ſuffocatos ad vitam rediiſſe, à multis illorum, atque à me obſervatum eſt. Neque mirum, quando & Auctor lib. de Anat. vivorum hæc ſcripta reliquerit: *Et ex iſtis ſunt duæ jugulares, & minuuntur in principio lepræ, & fortis anginae,*

Cap. 19.

R

&

& angustia anhelitus, & in asthma acuto, & in raucedine vo-
 cis, & in apostemata pulmonis, & in spirandi difficultate, quæ
 ex multo sanguine fit calido, & ægritudinibus splenis, & laterum.
 De aliarum vero venarum utilitate nihil amplius dicam, quan-
 do satis omnia, quoad illorum ritum hætenus dixerimus. De
 crurum vero auriumque scarrificatione, à quibus partibus per
 scarrificationem absque cucurbitulis mittunt sanguinem, aliàs
 suis locis loquemur. Atque hic est illarum omnium venarum
 apud Ægyptios frequentatus usus, & utilitas. Quæ omnia
 non dissentire videntur à Galeni doctrina. In lib. enim nuper
 dicto, si tamen ejus est, de venarum temporum, jugularium,
 magnorumque angulorum oculorum, atque omnium aliarum
 usu atque utilitate eadem planè leguntur, & illarum quæ in
 naribus existunt, fronte, lingua, in lib. 2. & 6. de comp.
 med. secundum loc. non minusque usus cucurbitularum in collo
 & mento, atque post aures in lib. de oculis, atque in 6. epi-
 dem. GUILAND. Priusquam ulterius progrediaris, lubet ali-
 qua adversus ea, quæ de usu venarum, quæ sunt in magnis
 oculorum angulis atque post aures positæ, ex Ægyptiorum in-
 stituto dixisti, nunc in medium afferre. Nam author lib. de
 Anat. vivorum dixit: *Et duæ venæ temporum, quæ flexuose in-
 cedunt: & duæ venæ quæ sunt in angulis oculorum lacrimalibus,
 non apparent multum, nisi propter constrictionem suffocantem, &
 in ipsis non est profundandus phlebotomus, quoniam fortè fierent fi-
 stulæ, & non egreditur sanguis nisi paucus.* Ex his igitur appa-
 ret usum venarum, magnorum angulorum oculorum neque tu-
 tum, neque multum utilem esse, quando ab iis sectis venis, &
 fistularum impendeat periculum, ex parte subjacente ad susci-
 piendas fistulas facillima; atque cum parum etiam sanguinis per
 earum venarum sectionem evacuetur, parum utilitatis esse pos-
 sunt. Eas vero quæ intra, extraque aures cernuntur, quas tu
 secare illos affirmasti, certum est Galenum, Hippocratem in
 6. epid. reprehendisse, qui dixerit, Cedemata curari scarrifica-
 tis quæ intra aures sunt. De venis autem post aures positis Hip-
 poc. hæc in lib. de aëre, loc. & aquis memoriæ prodidit: *A
 principio morbi utramque venam retro aures incidunt, quo facto*
san-

Cap. 2.

Cap. 3.

Comm. 5.
Text. 22.

Cap. 11.

sanguine multo promanante somnus eos corripit præ imbecillitate, sicque obdormiscunt, quorum quidem aliqui depulso somno sani exurgunt, aliqui vero minime. Atque mihi sanè videntur ea medicatione seipsos perdere: venæ enim retrò aures sunt, quas si quis secet, sterilitatem inferet his, quibus secantur: Quamobrem ex iis apparet, primo magnorum angulorum venas parvæ esse utilitatis, quòd per ipsarum sectionem paucus sanguis educatur, & secundo, aurium nuper dictas sectas venas sterilitatis, atque exitiosi somni aliquando esse causam; ideo illarum usum haud à nostris medicis arripiendum puto. ALPIN. De venis magnorum angulorum in oculis Galenum dixisse, paucum sanguinem vacuari, atque impendere periculum ex ipsarum sectione futuræ fistulæ, verissimum est, si tamen is ejus est liber, quando in alio libro de curat. per sang. miss. de iis venis, hæc etiam scripserit: *Sic induratae phlegmonum in oculis reliquæ secta, quæ ad magnum decurrit angulum vena, mirifice juvatur.* Ego vero semper quantam volui sanguinis copiam, ab his sectis venis in multis corporibus detraxi. Francisco enim Rigono, Georgii Hemmi; eò tempore ibi pro Serenissima, simulque felicissima Veneta Republica, Consulis clarissimi, Oeconomo, difficili oculorum lippitudine afflicto, vena, quæ dextri oculi magnum perreptat angulum, dissecta, sanguis ad librarum pondus sæpe detractus est. Nullisque, etsi in pluribus istius venæ sectionem observaverim, exinde fistulam obortam fuisse observavi. De venis verò, quæ tum intra tum extra aures existunt, quas omnes scarrificatione secant, quamquam in illarum sectione Gal. Hippocratem reprehenderit, nos posterius, ubi de scarrificatione aurium sermonem habuerimus, quid sentiendum sit dicemus. Quod verò apud Hippocratem legitur in lib. de aëre, loc. & aquis de venarum post aures positarum sectione, atque ab illa evacuato copioso sanguine, cum sterilitatem induci, tum immoderatos somnos, partim verum, partim falsum est. Etenim ex larga sanguinis per illas venas dissectas evacuatione hominis in profundissimos, longissimosque somnos, prolabi, non est mirum: multa exinde cerebri facta refrigeratione, ab imminuto calore nativo, ob multam cum sanguine simul spiri-

Cap. 96

ruum factam dissolutionem. Menime tamen observatum est, aliquam ab ea sterilem evasisse. Memini juvenem Christianum natione Cophtum, annos natum supra viginti, Aois appellatum, Cayri ab appositis cum scarificatione cucurbitulis post aures, ob oculorum difficilem opthalmiam, illisque venis profunda, more illorum, scarificatione facta incis, ac plurimo vacuato sanguine, in profundissimum somnum incidisse, ex quo multi mortuum ipsum sunt arbitrati, qui tamen post très dies expergefactus, convaluit, paucosque post menses puellam pro uxore duxit, cum qua filium habuit; hæcque à me obiter de his dicta sint. **GUILAND.** Venas capitis multas quippè temporum, angulorum oculorum, nasi, frontis, & alias non nisi propter constrictionem suffocantem apparere, ut commodo secari possint, Author libri de anatom. vivorum docuit. Propterea nescio an Ægyptii illas ita parent, ut intumescant, more nostrorum, linteo quàm fortiter collo devincto, vel alio utantur, ut idem præstent, artificio. Amplius duo etiam alia scire ex te cupio, quorum alterum est, quo pacto jugularem venam apparere faciant, quaque in parte rectè appareat: non minusque quomodo ab iis secetur. Demum idem de ea, quæ in poplite scinditur à te dicendum puto. **ALPIN.** Eodem modo, quo nostri facere observantur, Ægyptii utuntur in secandis omnibus capitis venis, ligantes collum linteo quàm fortiter, vel etiam frontem pro scindenda vena frontis: In secanda vero altera jugularium, in primis collo eodem modo fortiter linteo devincto, ægrotum caput flectere; atque inclinare ad oppositam partem jubent, venamque per rectitudinem tundunt, ac vacuato sanguine, caput præter quod ad oppositum inclinantes distendunt, obliquè flectunt, ut venæ sectio obtegatur, faciliusque coalescat. Secant itidem sub poplite venam, facta ligatura sub genu, interimque etiam supra genu. Sed sæpe non apparet, maximèque in iis quorum corpora venis exiguis referta sunt. Sed tempus est, ut ad arteriarum sectionem, qua Ægyptii non secus quàm in venis utuntur, transeamus.

CAP. XI.

*Ægyptios arterias pro sanguinis missione non secus
quàm venas secare.*

ALPINUS.

ÆGYPTIIS sanguinis vacuatio per sectas arterias non minus
quàm per venas, familiarissima est, & absque ullo timore
eas secant ad quamplurimos curandos morbos. Usunque san-
guinis vacuationis per ipsas sectas frequentissimum habent, ac
pro tutissimo auxilio, divinoque secreto, ad diuturnas oculo-
rum ophtalmias, aque inveteratas, nec-non ad capitis, visce-
rumque multorum antiquos, diuturnosque dolores. In hisque
malis audacissime illi non secus quàm venas, arterias secant, at-
que ab ipsis sanguinem mittunt. GUILAND. Mirabile nunc ex
te de arteriis audio, quòd ipsas pro mittendo sanguine illi me-
dici secare audeant, atque ita familiariter & tutò, perinde ac
in venis facerent: hoc certè non possum non multum admirari,
maximeque cum nemo nostrum hanc provinciam aggredi ha-
ctenus ausus fuerit. Harum siquidem sectarum arteriarum usum
pro missione sanguinis, non modo omnibus medicis recentiori-
bus, verum etiam antiquis maxime suspectum fuisse, multorum
testimoniis planè constat. Neque immeritò Gal. in lib. de cur.
rat. per sang. miss. hæc loquente; *Quin & interiisse quosdam no-
vi ab arteria interiori in cubito, venæ subiecta, nonnullos quidem
protinus ob vinculum circumpositum, volentibus medicis sistere san-
guinis eruptionem, in gangrenam incidentes: alios postea in aneuris-
mate manu curando defunctos.* Quo timore non injuria in ani-
mos, tum antiquorum, tum recentiorum medicorum injecto,
exinde omnes abhorruere sanguinis missionem per arteriarum se-
ctionem faciendam, tantique remedii usum hinc parvi fecerunt,
atque neglexerunt. Quid itaque ais, tantùm illis medicis Ægy-
ptiis nunc inesse audaciæ, ut omni abjecto timore, magnisque
neglectis periculis, arterias, usque ad mittendum sanguinem se-

Cap. 233

Cap. 6.

cent? ALPIN. An non tibi videntur medici tutò posse arterias secare, quia fortasse sectæ arteriæ nequeant coalescere, atque hinc aneurismatis periculum impendere, tandemque exitii? Fortasse nunc eorum tibi non venit in mentem, quæ Gal. hac de re scripserit in libro 5. methodi, quæ sunt hujusmodi. *De arteria autem vulnerata jam dictum est, nonnullis medicorum videri non posse fieri, ut coeat. Atque asserunt aliqui quidem sola experientia se contentos professi: Alii vero etiam ratione usi ejusmodi, siquidem duram esse ac cartilagineam ajunt alteram arteriæ tunicam, talium vero nihil posse in unum coire, cum sit mollium tantum corporum in unum coeundi habilitas: ut tum in externis, videlicet nullo nec lapide cum lapide, nec testa cum testa unquam coeunte: tum vero in nobis ipsis, quando nec cartilago cum cartilagine, nec os cum osse coalescat. Non enim fracta ossa per unionem cohærent, sed per callum eum, quem Græci poron vocant, ceu glutino junguntur: siquidem arteriæ natura difficultatem quidem durioris tunicæ suæ glutinandæ, prorsus indicat, non tamen ejusmodi, quæ evinci omnino nequeat, neque ita est sicca & dura, ut os vel cartilago, immo longe his mollior, ac magis carnosæ. Quo utique minus de unienda sectione ejus est desperandum, ubi tum ipsa sit parva, tum hominis corpus natura molle. Videtur autem experientia quoque ipsa rationi subscribere: cum & in pueris & in mulieribus propter corporum humiditatem, & mollitiem, eam viderim glutinari, & in uno juvene, cui (ut dictum est,) exigue erat incisa. Cum vero sanatu difficilior sit arteria, quàm vena, non tamen est medicamentorum admodum diversus in utraque usus, immo specie planè idem majoris, minorisque ratione evarians. Quippè tanto siccioribus medicamentis eget arteria, quàm vena, quod si carnem circa gigni est opus, eadem ambæ requirunt: atque hæc Gal. Ex quibus cum constet arterias sectas posse coalescere, quamquam non ita facile id sit, cur & nos non fatebimur, tutò posse earum aliquas pro mittendo sanguine secari? nec ab ipsarum sectione, semper aneurismatis pendere periculum? Mihi quidem hoc videtur, verum ratione in primis, quod arteriæ sectæ possint coalescere, atque mox experientia Ægyptiorum omnium, quos sæpissime viderim multas in multis ægrotis secuisse, absque ullo discrimi-*

ne

ne vel timore, nullumque à secta aliqua arteria obiisse vidi; quinimo multos exinde sanatos fuisse. Galenus etiam visus est hoc non modo non rejecisse remedium, verum tutò medicos utique arterias secare posse confirmasse, atque easdem coalescere posse. Etenim ipse in lib. de curat. per sang. miss. circa finem dixit: *postquam per insomnia monitus arteriam secui, quæ est inter pollicem & indicem, & sanguinem ea secta misi, beneque successit, atque vidi etiam magistrum quendam Pergami arteria cubiti secta, à lateris dolore liberatum absque ullo aneurismate; atque hæc etiam subjungens, ait: Hæc itaque mihi persuaserunt, ut subinde in summis artubus, immo & in capite arterias secarem in omnibus doloribus, qui à calida, spirituosaque substantia nasci videbantur, & maxime in membranis: quorum dolor punctiōni similis est, ac sensim expanditur, pungente quidem sensu una in parte, tanquam in affecti loci centro infixio.* GUILAND. Non differt mea hac in re à tua sententia, quinimo eidem addictus sum, existimoque non esse desperatam arteriarum sectarum unionem, atque coalescentiam; duo tamen existunt, quæ mihi hujus rei veritatem non parum ancipitem reddunt, quorum alterum est, pulsus in arteriis motus, qui videtur valde efficax ad vitandam arteriæ unionem, ulcerisque sanationem. Gal. enim pulmonum ulcera sanari non posse ob continuam pulmonum motionem, non immeritò docuit, cum ex motu vulnera, quæ coaluerunt, facile denuo rumpantur, atque aperiantur. Cogito itaque motum continuum arteriarum ipsis, quominus coalescant, atque sanentur esse multo impedimento, quæ difficultas augetur à duriori substantia arteriarum, quæ sectæ arteriæ multo difficilior venis sanari possunt. ALPIN. Galenus ait, arterias dura sanè substantia præditas esse, non tamen ea, quæ nullam recipiat coalescentiam, atque unionem. Illi vero arteriarum prævalido motui facillimo ac tutissimo remedio occurrunt. Sectioni enim arteriæ, probè in primis unitæ digitis frustum æris planum, rotundum, & crassum superponunt, ipsumque valide, ei annectunt, & fortiter ligant, ut valide arteriam comprimat, atque ejus pulsui valide obsistat, ne rursus vulnus aperiatur. GUILAND. Hæc sufficere mihi videntur, ad de-

demonstrandum rectum in arteriarum sectione usum, & hac ratione tutò illos medicos operari posse existimo. Nunc te quas illi fecant arterias narrare decet, atque quonam modo, tum illas secent, tum sectas sanent, ab aneurismateque defendant, & in quibus malis earum sectione pro mittendo sanguine, illi utantur.

C A P. XII.

De arteriis, quas Ægyptii secare solent, atque quomodo illas secent, & curent, & in quibus etiam morbis ipsarum sectione utantur.

A L P I N U S.


EJUS regionis medici omnium arteriarum, quæ in capite cernuntur, sectionem pro sanguinis vacuatione aggredi solent. In antiquis enim capitis doloribus, maximeque cum pulsu affligentibus, in omnibusque etiam capitis inflammationibus, arteriam frontis, temporum, atque eam quæ post aures est posita, secare solent; idque feliciter ipsis accidit, ex his vero omnibus eam, quæ in fronte existit, frequentius ad illius affectus scindere solent, præsertimque in antiquatis ophtalmiis. Multos, qui vel antiquum capitis dolorem pertulerunt, vel oculos longo tempore habuerunt lippientes, per sectam frontis arteriam sanguine evacuato subito, quasi præstigio quodam sanatos fuisse Cayri vidi. Harum itidem earundem arteriarum usum Galeno fuisse plane cognitum, verba ab eo in lib. 14. meth. tradita probè manifestant, quæ hæc existunt: *Oportet autem derafo capite curiose tangere, tum quæ retro, tum quæ secundum utramque aurem sunt arterias: præterea, quæ in fronte, & quæ in temporibus sunt. Quarum quæ calidiores aliis apparebunt, ac majorem exhibentes pulsum, hæ sunt incidendæ. Quæcumque vero & parvæ & propè cutem resident, harum vel si partem aliquam excideris, veluti facere in crurum varicibus solemus, aptius erit. Quod & apud illos frequens est; neque immeritò, quando arteriæ,*

teriæ, quæ calidiores atque grandiores apparent, multum sanguinem excalfactum, vel aliquo flatu permistum contineant, eoque repletæ distendantur: qui per eas sectas, tum evacuatur, unâ cum halitu, tum refrigeratur. **GUILAND.** Quæso ne te narrare pigeat, an apud illos medicos videris nuper dictarum arteriarum aliquam sectam, ut venæ à nostris secari solent, simulque extractam, vel exustam fuisse. Quando in lib. de Anat. vivorum hæc de his legantur: *Ex arteriis verò, quæ sunt in capite, est arteria temporis, quæ quandoque aduritur, & hoc fit, ut rheumatismi subtiles constringantur, qui ad oculos descendunt; & duæ arteriæ, quæ sunt post aures, quæ phlebotomantur propter species ophtalmiæ, & principium aquæ, nyctalopes, & antiquum dolorem hepatis, in earum tamen phlebotomia semper existit timor, & tardatur consolidatio.* **ALPIN.** Nunquam illos medicos vidi arteriam aliquam totam secuisse, vel extraxisse, sæpissime tamen phlebotomata non secus quàm venam fuisse in multis oculatim vidi. Sæpissime ad prohibendos catharrhales fluxus in oculos, temporum arterias exurunt. In omnibus fanè Ægypti locis quamplurimos exustis temporibus, ob eam causam cernes: is vero arterias illas, atque alias exurendi usus ab Æthiopia illuc delatus est. Nam Æthiopum, Abissionorumque plurimi eum modum exurendi affectant. Nunquam vidi aliquem usum fuisse sectione arteriarum, post aures positarum, pro lippientibus, atque iis, qui hepatis dolorem patiuntur; hepate enim affecto illam secare solent arteriam, quæ inter pollicem digitum, & indicem manus pulsat. Quod à Galeno quoque comprobatum fuisse legitur in lib. de curat. per sang. miss. Audivi ab illis medicis etiam jugulares arterias in suffocantibus affectibus secari, quod ego nusquam in illis locis vidi. Secant in manu, ut dictum est, positam inter pollicem & indicem digitum, ab eaque mittere sanguinem solent ad omnes internorum viscerum dolores, atque inflammationes. Hæque sunt arteriæ, quas eos ad sanguinem detrahendum, secare per id temporis observare potui. **GUILAND.** Illos mihi in multam gratiam reduxisti, qui non modo omnes Græcos, Arabesque antiquos medicos longè in hoc superarint, cum nun-

Cap. 23.

quam ipforum aliquem fuisse legatur, qui sectione arteriarum ita familiariter, & tutò usus ferit, sed fortassè multis secretis auxiliis vel medicamentis sectas illas arterias, magis tutò conglutinant, & ipsarum vulnus sanant. ALPIN. Duo nunc tibi narro, quorum primum est, quomodo illi fecent arterias, secundum, sectas quo pacto facile sanent. Operarius in primis partem in qua arteria scindenda existit, fascia linea, non secus quàm in venarum sectione fieri solet, ligat, arteriamque sanguine impleri, atque tumidam fieri, finit, quam tunc acutissimo phlebotomo, sive scalpro oblique secat (phlebotomis Ægyptii ad sectionem arteriarum longè nostris acutiores utuntur,) in sectioneque etiam illarum semper minimam efficiunt sectionem, quia sanguis tenuissimus est, atque etiam quòd magnum vulnus difficilius coalescit. Secta itaque arteria finit sanguinis tantum effluere, quanto opus habet: cujus quantitatis regula à multis observatur, quando ex semetipso sanguis desinit effluere. Sanguineque vacuato, non secus quàm nostri in sectis venis ad unionem digitis labia deducunt, ita sectam arteriam unit, ejusque vulneri modicum gossypii superponit, supra quem æneum magnum denarium ibi usitatum, (quem illi Follara appellant, estque ipse latitudinis communis veneti aurei, & crassitie argentei aurei) fortiter alligat, permittitque hoc modo arteriam ligatam, & adstrictam tribus diebus manere, quibus finitis, ligaturum detrahit, nullo alio ad ipsius curam auxilio ab iis usitato; nullumque ex plurimis, vidi, cui sectæ arteriæ fuerunt, qui detractò æneo denario, ligatura post très exactos dies, aliquo alio auxilio opus habuerit, sed integrè sanatos omnes observavi. Sunt vero aliqui, qui priusquàm ligent arteriam, gossypiumque ei superponant, parum thuris accensæ candelæ flammâ calfacti apponunt, eoque arteriæ vulnus rectè digitis uniunt, & mox gossypium, & tandem follara superponunt, atque alii lentium nigrarum pulverem arteriæ vulnus aspergunt, & mox gossypium & follaram apponunt; atque hæc de sectione arteriarum apud illos usita sufficiunt, ex quibus colligitur duo in sectione illa observari, scilicet in iis affectum minimum vulnus, peroblique acutissimoque phlebotomo.





tomo adactum, & applicationem ænei denarii supra arteriæ vulnus. Quo & frigiditate, & duritie pulsus arteriæ motus cohibetur, atque ne valide arteria pulsu vulnus percutiat, atque ne vehemens ille motus fiat, quo possit arteriæ vulnus rursus dilatari, atque obstare, quin arteria secta rectè coalescat, prohibetur. GUILAND. Hactenus usum sectionis arteriarum probè narraſti, atque modum, præterea tuto eas, tum secandi, tum sectionem sanandi, quare omnes facile nostri medici audacter ipsum usum aggredi, atque experiri possunt. Quum posse multis ægrotis prodesse, ubi tutò administrari queat, nemo nostrum contendat. Sed de his satis. Nunc opere-pretium esse existimo, ut etiam de cucurbitulis, quibus illi medici utuntur, aliquid disseras.

C A P. XIII.


De cucurbitulis, quibus in Ægypto medici utuntur.


A L P I N U S.


Duo cucurbitularum genera illorum locorum medici usurpant, unum quippè vitreum, corneum alterum. Utrumque tamen genus simul convenit, quòd spiritus sive oris attractione, sive ore attracta, vel retracta respiratione apponuntur. Omnes ii medici hoc scilicet modo illas pertractant. Igne enim, vel calenti aquâ ipsas cuti affigere nemo illorum novit. Sed ore tantum attracta respiratione, moliuntur opus, & sic cuti affigunt. Qui modus admovendi cucurbitulas planè ei similis videtur, quem Hero Alexandrinus in lib. spiritualium nobis prodidit. Corneæ, taurorum parvæ, perpolitæ & perforatæ existunt, quibus utraque extremitas, latissima quippe & angustissima, sive acutissima, meatu pervio constat. Earum formam subjectæ figuræ demonstrant. Cornu angustior extremitas est perforata, ut operator ore eam excipiendo, per ipsum spirationem intro attractam, cucurbitulam altero ore expanso latiori, affigere cuti possit: ea vero cuti eo modo affixa, angustioris

extremi acuti meatus, vel foramen continuò ex ore detractum frustulo pellis ovilis saliva medefacta, & emollita clauditur, cuteque exinde in aliquem tumorem ducta, cucurbitulæ parvum foramen pelle obductum, & clausum detegitur, atque aperitur, quo aperto continuò cucurbitula à cute excidit, atque Chirurgo rursus eam cuti apponere volente, rursus os latum magnum cuti applicitum, extremi cornu parvum foramen ore excipit, rursusque spiritum intro trahit, quousque probè affixam illam cuti adhærere viderit, quo viso continuo extremum pellicula nuper dicta lingua revoluta claudit, ne flatus exinde respirare queat. Hoc idem illi faciunt, volentes unà sanguinem mittere eadem cute scarificata. namque eodem modo cucurbitulam cuti annectunt, vel affigunt. atque extremi cornu parvum foramen ore excipiunt, spiritumque in se trahentes sanguinem foras trahunt. quem etiam valenter trahit sola cucurbitula cuti, eo modo affixa: quam non trahere, ut volunt sanguinem, cum viderint, opem ferunt spiritum ore valenter per parvum extremi cornu foramen trahentes. Hincque iis cucurbitulis eo modo usi, quàm nostris copiosior sanguis evacuatur. Talium cucurbitularum igitur apud illos medicos est usus. Ceterum hæ sæpius chirurgis ore sanguinem, ut dictum est, trahentibus in cucurbitulam affixam, illud incommoditatis afferunt, ut sanguis sæpius in trahentium chirurgorum ore trahatur, quando ipsæ rostrum vel cornu acutum extremum, cuius per foramen fit attractio, non altius multum emineat à corpore cucurbitulæ; neque corpus est ita magnum, ut multum sanguinem contineat, quod sanguinem eductum suscipit, atque retinet. Hincque usum instituerunt vitrearum, quæ majori corpore rotundiore ventre constarent, & in medium ventris ab eminentiori parte rostrum longissimum pervium sive cavum, haberent. cuius munus foret, ut per ipsius foramen sive rostri extremi os in ore chirurgi exceptum, cucurbitulæ cuti applicarentur, atque sanguinis missionem commodiorem molirentur, qua sanguis eductus per rostrum ad os trahentis non duceretur, sed totus intra corpus cucurbitulæ retineretur, minimeque ad attrahentis os efflueret, cum rostri extremitas à corpore

re







re eminentissima, ac remotissima fit, rostrum enim longissimum existit. Usus vero omnium nuper dictarum cucurbitularum unus, atque idem est, tum cornearum, tum vitrearum, singulæque eodem modo ab iis adhibentur. Visus est etiam Cornelius Celsus hæc novisse, cum lib. 2. hæc scripsit: *Cucurbitularum æneam & corneam. Ænea altera patet, altera clausa est. Cornea altera parte æque patens, altera foramen habet exiguum. In Æneam linamentum ardens conjicitur, ac sic os ejus corpori aptatur: imprimiturque donec inhæreat. Cornea per se corpori imponitur; deinde ubi ea parte, qua exiguum foramen est, ore spiritus adductus est, superque cera cavum id clausum est, æque inhærescit. Verum in Ægypto cavum facilius, atque non minus tutò pelle, five membrana saliva emollita, linguæ opera claudunt. & non cera, qua foramini ita citò aptare, atque abigere, ut opus est, non possumus. Æneæ apud illos in usu non sunt: sed illarum loco vitreis utuntur, quæ hac figura, five effigie efformantur, & cernuntur. Nullæ aliæ ab his, quas diximus, atque delineavimus, cucurbitulæ apud ipsos in usu existunt, sed jam de usu & ope illarum loquamur.*

Cap. 10.

C A P. XIV.

Qualis cucurbitularum apud Ægyptios sit usus, in quibusque morbis iis ipsi utantur.

G U I L A N D I N U S.

CUPIO modo illarum cucurbitularum usum audire, quando apud nostros medicos cucurbitularum ad plures morbos faciendos celeberrimum sit remedium: neque id immeritò, cum hoc præsidii genus tantopere à multis præclarissimis medicis, ferè ad omnes morbos laudatum sit: quandoquidem ex antiquioribus medicis, Herodotus celeberrimus iis seculis medicus hæc de iis (Oribasio referente:) scripserit: *Cucurbitula materiæ, quæ in capite est, evacuare potest, itemque dolorem solvere, inflammationem minuire, inflationes discutere, appetitum revoca-*

Lib. 7.
Cap. 17.

re: imbecillum exolutumque stomachum roborare, animi defectiones amovere: quæ in profundo sunt, ad superficiem traducere: fluxiones siccare, sanguinis eruptiones cohibere, menstruas purgationes provocare, facultates corruptionis effectrices attrahere, rigores sedare, circuitus solvere, à propensione in somnum excitare, somnum conciliare, gravitates levare, atque hæc quidem, quæque his similia sunt, præstare cucurbitularum usus potest: Quæ eadem apud Galenum in lib. de Hirudin. revuls. cucurb. & scarrif. scripta leguntur: & Cornelius Celsus usum illarum in febribus quovis tempore utilissimum, atque tutissimum prædicavit. idcirco hunc ipsarum usum apud eam gentem, ex te nunc audire cupio. ALPIN. Dixi illos cucurbitulis absque missione sanguinis rarissime uti, sed in corporum evacuationibus eas frequentare. GUILAND. Pro universaline sive totius corporis evacuatione, an pro alicujus tantum partis, ipsas adhibere consueverunt? ALPIN. Neminem illorum vidi, qui cucurbitulis aliquando pro universalis facienda vacuatione ex toto corpore usus fuerit, sed alicujus tantum partis gratiâ, præcedente tamen universalis. Hincque illarum frequentissimus est usus, prius facta universalis sanguinis vacuatione ex sectis in cubito venis, in capitis doloribus, & inflammationibus: præsertimque in phrenitide, amentis, morbo Dem el muja vocato, oculorum, auriumque doloribus, ac inflammationibus applicant unam occipiti, atque duas partibus circumpositis, vel in collo. Cuti verò pro qualibet cucurbitula tres, vel ad plus quinque scarrificationes infligunt, longas tamen atque profundas: rostrumque cucurbitulæ cavum ore excipientes, ac spiritum fortiter trahentes quantum sanguinis volunt evacuant. Frequentissimus cucurbitularum est usus, cum scarrificatione occipitis, atque partium circum ipsum post aures positarum, atque colli: emissio ex iis partibus sanguine: qui multis officit, ipsisque maxime, qui non admodum calido constant capite, quemadmodum in calidissimis capitis morbis sanguinis multa evacuatio, eo modo ab iis scarrificatis partibus ope cucurbitularum, summopere semper prodest. Nihil est præstantius ad excitandum somnum, quàm copiosa ab iis partibus scarrificatis sanguinis evacuatio. Sed hæc admodum

cau-

cautè est administranda etiam in calidissimis capitis affectionibus, quando multos acutè febrientes ob continuas vigilias ista-
 hac usos immoderata sanguinis vacuatione, in veteranos, le-
 thalesque somnos incidisse, observaverim. Hinc fortasse non
 immerito ab Hippoc. in lib. de aër. loc. & aq. proditum est,
 Scythas usos hac immoderata vacuatione, vel in somnos letha-
 les incidisse, vel inde viros impotentes factos, quippè immo-
 dice universo corpore exinde refrigerato. In capitis verò do-
 loribus, gravitatibus inflammationibus, oculorumque lippitu-
 dinibus, & aliis calidis omnium capitis partium affectibus ex
 plenitudine obortis, summo semper adjumento erit ista mode-
 rata cucurbitulis procurata vacuatio: quod Gal. lib. de Hirud.
 revuls. cucurb. his verbis planè etiam confirmatum reliquit,
 dicens: *Incipientes, aut vigentes capitis gravitates dolores à pleni-
 tudine per cucurbitulam in occipite positam, vel solam, vel cum scar-
 rificationibus juvat: verum totum corpus antea vacuatum esse oportet*: idemque in lib. de cur. per sang. miss. apud ipsum, legitur.
 Ægyptii medici in nuper dictis affectibus primo secta cubiti ve-
 na cephalica vel communi, occipiti applicant cucurbitulas,
 mox cum morbus illis vacuationibus non cesserit, vel ad fron-
 tis, vel angulorum magnorum, vel narium, vel temporum ve-
 nam secandam confugiunt: easdem etiam pro iisdem malis ad
 vacuandum sanguinem supra occiput, in aversa capitis parte ap-
 plicantes. Certumque est, ab his partibus, ita scarrificatis,
 quantam sanguinis volunt copiam vacuare. Cavent tamen hac
 uti vacuatione in iis, qui caput frigidum, humidum molle,
 rarique habitus obtinent, quod eorum ab hoc auxilio immodi-
 ce cerebrum refrigeretur. Quo ita refrigerato, necessarium
 fit, mox ægerrime suas functiones obire posse. Siquidem hoc
 membrum suapte natura frigidum, haud facile sanguinis mis-
 sione refrigeratum, recalescere potest. In occipite etiam &
 collo cum scarrificatione cucurbitulas administrant ad gutturis
 inflammationes, felici cum successu: nam præter quod à parte
 affecta evacuant, etiam naturam excitant, ut per eam viam no-
 xium humorem expellat. Quasi contentur cucurbitularum ad
 eam partem facta attractione, naturæ motum ad exteras illas

Cap. 19.

par-

Aph. 24.

Aph. 12.

partes imitari. Siquidem ad eas partes humorum decubitus sæpissime naturam critice facere, ex Hippoc. lib. 6. aphorism. colligi potest; Quum ipse dixerit: *Ei, qui ab angina corripitur, si tumor factus fuerit in collo, bonum est*; atque etiam in lib. 7. aphorism. *Ei, qui ab angina corripitur, si tumor & rubor in pectore supervenerint, bonum, extra enim vertitur ægritudo*. A dorso, lumbis, scapulis, pectore, auribus, atque cruribus nusquam in Ægypto aliquem vidi, qui sanguinem per cucurbitulas, eduxerit. GUILAND. Nonne evacuant plenitudinem totius, aliquando cucurbitulis? An non, ut nostri, præter occiput posterioreque capitis partes, scapulis etiam dorso, lumbis cruribus, atque aliis corporis partibus eas applicant, atque sanguinis per eas vacuationem procurant? nonne etiam utuntur in pestiferis febribus ad juvandam exanthematum eruptionem, iisdem scarrificatis, atque etiam sine scarrificatione, quas nostri appellant leves cucurbitulas, vel ficas? Quales verò facere illi scarrificationes consuecant, libenter ex te audirem. ALPIN. Illi rarò, vel nunquam utuntur cucurbitulis sine scarrificatione, neque præter nuper dictas capitis partes, occiput, scilicet, omnemque averfam partem, atque post aures inter occiput, & collum, alias ab his pro vacuando sanguine usquam scarrificatas, potui observare: idcirco neque dorso, lumbis, natibus, coxendicibus, cruribusque applicant cucurbitulas, pro adjuvandaque exanthematum apparitione multò minus iis utuntur: quinimò potius adversus nostros omnes, qui pro adjuvandis variolis, morbillis, vel puncticulis malignis, usum illarum in nuper dictis partibus consuecant, multa (me audiente) dixerunt, quibus earum usum in pestiferis iis febribus cum exanthematibus ab animis nostris penitus eruerent. Demum nullis cucurbitulis tollere posse plenitudinem vel universalem etiam, vel particularem affirmant, atque hinc nemo ipsorum usum cucurbitularum aggreditur, nisi postquam universum corpus probè fuerit vacuatum. Pro qualibet cucurbitula applicanda quatuor, aut ad summum quinque infligit scarrificationes ea longitudine, qua est indicis latitudo profundè adactò scalpello, non epidermidem tantum, ut pessime nostrorum medicorum multos parvas,

vas,

vas, ac tantum in superficie cuti scarrificationes infligentes, facere dicunt, sed multo profundius secundam cutem, atque adeò carnem vulnerantes, atque scindentes. GUILAND. Mihi haud mirum est, usum cucurbitularum in occipite, ejusque proximis partibus apud Ægyptios ita esse frequentissimum, & familiarissimum, quando etiam veterum clarissimorum medicorum non pauci eundem morem secuti sint, præsertimque Hippoc. atque Galenus; ab occipite enim ejusque proximis partibus ad capitis dolores, gravitates, atque longe magis ad lippitudines oculorum, sanguinis missione cucurbitulis, nuper dictis partibus applicatis usos fuisse, hæc in libr. aphorism. à Galeno memoriæ mandata explicant: *In doloribus itaque partis capitis posterioris, cum aversione evacuatio ex fronte fiet: sicut anterioris ex occipite. Sic itaque diurnæ oculorum fluxiones sæpius sanatæ sunt, ex partibus secundum occiput sanguine misso unà cum cucurbitulæ usu;* atque in lib. 13. meth. med. hæc habentur: *Præterea cucurbita in occipite defixa efficax est remedium ad oculorum fluxiones:* & in lib. de curat. per sang. miss. ipse eadem, quæ superius in ejusdem de Hirud. libro scripsisse, annotavimus, scripta reliquit, ita dicens: *Sicuti capitis gravitates & inveteratos in eo ex plenitudine dolores levare manifeste solet tusa in fronte vena. At incipientes, aut etiam vigentes per cucurbitam in cervice procurata retractio; interim quidem solam; interim cum scarrificatione. Ceterum prævacuatum esse corpus universum oportet:* & Hippoc. in lib. de passionibus, ubi agit de faucium inflammationis auxiliis, dixit: *Si vero ex his gracilis non fiat, retro raso capiti cucurbitæ duæ adhibentur, & sanguinis plurimum detrahatur, & pituitæ fluxus retrò revellatur.* & Gal. in lib. de medicamentis facile parabilibus de oculorum vitiis sermonem habens, scripsit: *Quod si vehemens fuerit capitis gravitas, auferenda erit, ac occipitio cucurbitula affigenda, concisa prius cute scalpello, copiosusque inde sanguis detrahendus.* Quare cum apud Hippocratem & Galenum medicos præclarissimos usus cucurbitularum in occipite, & circum ipsum fuerit frequentissimus, non est mirum eodem modo Ægyptios eandem retinere consuetudinem; ita neque in his solum, sed in aliis partibus Græcos illos imitantur. Hip-

Cap. 19.

Cap. 19.

pocrates enim in libro de loc. in homine (si tamen ejus est liber.) prope aurem ad alterius auris dolorem apponendam esse cucurbitulam memoriæ prodidit, non minusque etiam in coxendico dolore coxendici, ad foras trahendum humorem. Eiusdemque coxendici applicatæ usum ad procidentiam vulvæ in lib. de natura humana laudavit. & in lib. 5. aphorif. de iisdem ad mammas administrandis, & utendis ait: *Mulier, si velis menstrua cohibere, cucurbitulam quàm maximam ad mammas appone.* & Gal. idem in lib. 13. meth. med. scriptum reliquit, atque de earundem ad precordia etiam usu. *Sic namque ad mammillas cucurbitam imponimus, cum sanguis ex utero profluit, defixo maxime in ipsis communibus pectoris, & uteri vasis ejus ore: sic si ex naribus sanguis profunditur, præcordiis maximas cucurbitas affigimus.* & Gal. in 1. lib. ad Glauc. docuit: ad firmandum sanguinis fluxum ex liene prodeuntem, hypochondrio sinistro, & ex hepate dextro cucurbitam esse affigendam: idemque omnino in lib. de curandi rat. per sang. miss. affirmavit: eademque umbilico positam cum multa flamma incantamenti modo dolorem ventris à flatulento spiritu ortum sanare, in lib. 12. meth. med. scriptum reliquit. Meminitque etiam cucurbitæ usum ad lapidem renum, in lib. de ren. aff. digno & med. Cordi, thoraci que etiam ad derivandam humorum ad pulmones fluxionem, adhibendam cucurbitulam esse in lib. 11. meth. med. docuit. Ceterum non solum Hippoc. & Gal. usi fuere cucurbitulis in occipite, ejusque partibus & collo, verum, ut ex jam in medium allatis patet, quamplurimis etiam in aliis corporis partibus, non sine Ægyptiorum medicorum reprehensione, quos cucurbitulis in illis omnibus partibus, raro uti nuper dixisti. Maxime vero, ipsi videntur etiam damnandi, quòd rarissime ficcis, sive absque scarrificatione illis utantur: neque dorso, scapulis, lumbis, cruribusque affigere, in febribus pestiferis eas consuecant, in quibus sanè partibus, tum corporum evacuationis gratiâ, tum in malignis febribus, ad foras trahendam improbitatem veneni nostri ferè omnes eas apponunt. ALPIN. Nescio an nostri illis de usu cucurbitularum plus errent. Ægyptii enim planè contendunt, nunquam affigendas fore cucur-

cucurbitulas, ni prius universalis vacuatio præcefferit. Proindeque negant solis cucurbitulis plena corpora posse vacuari. Demum summopere adversus nostros damnant usum illarum in febribus, scapulis, dorso, lumbisque, maximeque in pestiferis, ad extrahendum veneno imbutum humorem. GUILAND. Quibus rationibus corporum plenitudinem non posse solis cucurbitulis vacuari, contendunt, in principiisque morborum haud facta prius universali vacuatione per venæsectionem, cucurbitulas usum non habere, atque non minus cur easdem in pestiferis febribus ad humorem extrahendum damnent, ex te nunc libenter scire cupio; nam polliceor tibi, me deinceps in medium laturum etiam meam sententiam.

C A P. XV.

An solis cucurbitulis corpora rectè, ac tutò vacuari possint, & num in principiis morborum pro vacuatione sint adhibendæ.

A L P I N U S.

IN primis de usu cucurbitularum pro sanguinis vacuatione loquimur, atque postea de earundem usu pro attractione humoris venefici ex alto, sive ex penitioribus partibus corporis ad cutim. Verissimum itaque est, Ægyptios damnare usum scarrificatarum cucurbitularum, pro tollenda corporum plenitudine, quam ajunt non cucurbitulis illis rectè ac tuto tolli posse, sed solum vel secta vena, vel scarrificatione crurum, malleolorumve præstita. Quam sane scarrificationem solam vicariam venæ sectionis, affirmant, nequaquam vero cucurbitulas, de qua re posterius nos deliberatius agemus, ubi de ea scarrificatione sermonem habebimus. Non debere igitur, neque rectè ac tutò plethorica corpora solis cucurbitulis vacuari posse affirmant, iisque rationibus ipsis hoc persuasum est, quoniam arbitrantur, sola sectione magnæ alicujus venæ, communem

corporis plenitudinem vacuari posse, vel etiam cruribus (ut jam dictum est) scarrificatis, atque ab apposis cum scarrificatione cucurbitulis scapulis, dorso, atque lumbis, solam fieri particularem evacuationem, quando secta magna vena, à qua plurimæ venæ ramificatæ, per plures partes corporis expanduntur, absque dubio in universo corpore fiat inanitio, & sectis cutaneis venis nuper dictarum dorso partium, non possint, nisi eæ partes vacuari, quæ iis venis refertæ sunt. Quare ab iis scarrificatis non posse à toto corpore fieri vacuationem asserunt.

GUILLAND. Cur magis à scarrificata cute crurium volunt universum corpus posse vacuari, minimeque scapularum dorisque cute eodem modo scarrificata? quod tamen adversari veritati judico, quoniam dorso cutis venæ sunt sanguinis fonti propinquiore, quàm crurum, qua vicinitate cui dubium, quod à cava magna vena illis proxima citius attrahent, atque in majori etiam quantitate sanguinem? ALPIN. Respondent, quod etsi venæ dorso, ac lumborum venæ cavæ propiores, quàm crurum venæ sint, nihilominus, quia ad dorso partes non ita rectè à vena cava venæ illæ accedunt, vel admodum etiam exiles existunt, ineptiores esse ad evacuandum sanguinem, quàm crurum venæ, quæ iis longe grandiores, cum maximis venis, à vena cava rectius ad crura procedentes in furas sparguntur.

Cap. 8.

Quod docuit Gal. in lib. de dissectione venarum & arteriarum, dicens: *Hinc reliqua magna vena in crus ipsum dividitur, primam juxta inguinem emittentes propaginem, quæ cum parva arteria in anteriores musculos spargitur, secundum utrimque unam, quæ ex internis partibus ad genu usque subter cutem dissipatur, ac alias non paucas ad profundiores femorum partes. Ceterum paulo altius quàm femur, cum tibia articulo jungitur, in tres partes dividitur: quarum media, quæ maxima est per ipsam deorsum ad poplitem fertur, atque inde per profundum posterioris tibiæ partis, quam suram dicunt, procedens, non modicam in musculos ejus ramorum sobolem spargit.* Sed his dictis jam redeo ad ea, quæ adversus cucurbitularum nuper dictum usum asserunt. Ajunt siquidem non solum, quia cucurbitulæ dorso partibus cum scarrificatione applicatæ particularem, & minime totius vacuationem præstare possunt,

funt, idcirco illis tantum post universalem factam sanguinis evacuationem, pro particulari capitis facienda evacuatione, in occipite, atque nuper dictis capitis partibus uti non immeritò consueverunt, sed quod etiam cucurbitulæ sanguinem tenuiorem tantum evacuant, crassumque relinquunt, qui obstructa foyet, atque exinde putredinem concitat, atque ortam adauget. Tenuiorem verò sanguinem cucurbitulas evacuare cum Avicennæ, multorumque aliorum Arabum gravissimorum medicorum auctoritate, tum non minus ratione verum esse arbitrantur. Avicenna etenim, quem præcipue in arte medica observant, hæc in lib. 4. suæ medicinæ scripta reliquit, dicens: *Ventosæ cutis partem magis mundificant, quàm phlebotomia, & plus extrahunt sanguinem subtilem, quàm grossum. Et ipsarum quidem juvamentum in corporibus grossis & crassis, habentibus grossum sanguinem, est parvum; quoniam ex istis non extrahunt sanguinem, neque extrahunt sicut oportet, immo qui ex eo vehementer est subtilis, & cum difficultate, & in membro ventosato debilitatem efficiunt.* Et hoc, ut dixi, ratione confirmare conantur, dicentes venas, quas pro cucurbitularum usu operarii scarrificant, esse tenuissimas, atque ferè capillares, per quas crassus sanguis exire non potest: proindeque ab iis scarrificatis non nisi tenuiorem sanguinem educi posse. Tertio subcutaneum etiam solum earum scarrificatione educi affirmant, quando tantum contentus in capillaribus iis venis per scarrificationem sectis evacuetur, minimeque ille, quem aliæ penitiores, grandioresque venæ continent, cum præ ipsius crassiori substantia, exiles illas cutaneas venas ingredi nequeat: quem violenta sua attractione ipsæ moventes, trahentesque & non vacuantes, multas in iis venis obstructions, sanguine crassiore in ipsis multo attracto, atque inculcato, efficiunt. Quamobrem ipsas sanguinem multum violenta sua attractione commovere, parumque vacuare, eumque solum, qui tenuior existit, quique commode cutaneas illas venas sectas transire potest, affirmant; hincque multas in corporibus concitari obstructions, maximeque in iis corporibus, quæ à nativitate venis, atque arteriis parvis effecta sunt. Demum addunt, partes scarrificatas debilitari, quod & Avi-

Fen. 4.
Cap. 21.

cen. in loco nuper audito memoriæ prodiderat. Ceterum quia bifariam solent cucurbitulæ à nostris cuti applicari, quando ipsorum alii applicent eas, scarrificatis solis venis minimis epidermidis, cuticulam enim hi quàm levissime scarrificant. Aliique profundius non epidermidem tantum, verum cutem etiam, atque carnem scidentes utuntur scarrificatis cucurbitulis. Priorres in omnia nuper recitata incommoda, ex cucurbitularum applicatione incurrunt: & isti etsi non solum cutaneum sanguinem evacuent, sed etiam ex profundo internarum magnarum venarum, & multum, tamen & ipsæ tenuiorem educunt, & obstructions pariunt, scarrificatasque partes labefactantes refrigerant, densant, atque obstruunt. **GUILAND.** Sed quo pacto has cucurbitulas profundioribus scarrificationibus cuti defixis, quæ copiosiore, quantus desideratur, sanguinem evacuant, ista omnia incommoda corporibus facere persuadebunt, cum proxime accedat sanguinis per ipsas facta vacuatio ad eam, quæ per sectam venam molimur? **ALPIN.** Obstructions in venis sæpius eas cucurbitulas facere, non eo quòd multum sanguinis solum ab ultimis venis evacuant, sed quòd id valde violenter trahunt ad ipsas, ut vacuent. **GUILAND.** Multum quoque sanguinem vena secta evacuat, non tamen obstructionem parit, licet aliquando fiat, ubi in stomacho & hypochondriis plurimæ cruditates existunt. *Gal. in lib. de sanit. tuenda ait, quod si illis qui cruditatibus in stomacho, & hypochondriis exuberant, sanguis dematur, vel frictions, ac balnea moliantur, procul dubio omnes cruditates illæ in universo corpore à venis rapiuntur, atque iis obstructions, putredines, febresque contingere.* **ALPIN.** Cucurbitulas, cum magnis profundioribusque scarrificationibus adjectas, plurimum sanguinem exhaurientes, obstructionum multarum sæpe esse causam, eorum locorum medici ex hoc demonstrant, quòd necessariò ex copiosa per ipsas facta sanguinis vacuatione, tota massa sanguinis in venis contenta per corpus ad cutaneas capillaresque venas cutis trahatur, cujus cassior pars, vel sanguis crassior transiens per angustiores venas, eas sæpe obstruit. hincque in corporibus crassiori sanguine exuberantibus, simulque

venis à natura minoribus, refertis, qualia sunt melancholicorum multorum corpora, valde suspecta istæc per cucurbitulas sanguinis vacuatio non immerito esse solet. Cur vero itidem venæ sectione facta, sanguinis copiosa evacuatio non ita, ut cucurbitulis operata facile obstruet, dictu (ajunt) non est valde difficile, quoniam vena secta, multoque sanguine inanita, non solum à radicibus venarum, in quibus pars sanguinis crudior crassiorque residet, sed multo plus à venis omnibus ab ea procedentibus, usque ad cutem, quæ multò minores ipsa existunt, quæque sanguinem continent puriorem, atque tenuiorem trahit; hincque probè à medicorum vulgo creditur, venæ sectionem trahere à circumferentia ad centrum, quoniam is sanguine in amplioribus prioribus venis contento, longè purior & tenuior existit, ut in substantia illarum nutriendarum ab ipso corporis partium quàm facile mutari possit, à quo sanè sanguine non ita facile, veluti à primis venis prodeunte, venæ illæ obstrui possunt. GUILAND. Vulgaris tamen medicorum opinio est, quod cucurbitulæ à centro venarum ad circumferentiam trahant, quod tamen si verum Ægyptii dicerent, contrarium verum esse nos fateri oporteret, scilicet non solum cucurbitulas à centro ad circumferentiam, sed contra potius à circumferentia ad centrum sanguinem trahere, quod nulli hactenus ex nostris animadverterunt: tamen verissimum etiam hoc esse judico, quando verum sit, atque planè expertum, venas sanguine inanitas, vacui ratione, ut repleantur, trahere à venis proximis, & proximas à proximis usque ad ultimas venas, quæ venarum radices, chylum à ventriculo intestinisque exuentes vocantur. Venarumque itaque centrum æque in medio radicum venarum, quæ in mesenterio ortum habent, meseraicæque dicuntur, atque capillarium, cutanearumve positum est atque meseraicæ & cutaneæ extrema, per quæ fiet circumferentia: sit enim venæ meseraicæ, vel venarum principium A, & ipsarum centrum B, atque cutanearum venarum finis sit C, Quantum igitur venæ C, cucurbitulis trahent à B, tantundem B, trahet ab A. Quamobrem verissimum erit quod cucurbitulæ multum sanguinem vacuantes, trahent sanguinem contentum

in venarum centro, & venæ centri à primordiis usque ipsarum venarum. Qua ratione apparet manifestissimum, cucurbitulas à centro trahentes puriorem sanguinem, atque tenuiorem in iis venis contentum ac cutem trahere, & evacuare, & ad centrum inanitum trahi impuriorem, crudiorumque & crassiorum, qui à primis venis chylum à stomacho exugentibus, ad magnas venas trahitur, atque aliis in alias. ALPIN. Ad unguem illorum mentem conspicuam effecisti, qua via, purum tenuemque sanguinem, venas cutis per cucurbitulas ad se ab internis, & crudum crassumque internas iecoris venas à meseraicis trahere planè cognoscitur, atque ab hac ultima venarum attractione obstructions fieri posse. Quod easdem facere cucurbitulas trahentes per venas sanguinem, violentia, & non sensim ac sensim, ac in venæ sectionis, & crurum scarrificationis vacuatione fit, etiam statuunt, quando earum violentâ attractione, crassi crudique humores indiscriminatim per venas trahantur, à quibus multa facile obstruuntur. Hisque de causis Ægyptii nunquam plenitudinem corporum cucurbitulis tollere audent, iisque tantum utuntur pro partis alterius vacuatione, post universalem vacuationem molienda. GUIL. Rectè sanè mihi videntur illi usum cucurbitularum pro evacuatione complecti, atque affectare, securiusque corpora vacuare, quàm nostri medici ferè omnes faciant, qui ferè in omnibus corporibus statim nulla effecta totius vacuatione, ad affigendas sine discrimine cucurbitulas se conferunt sæpeque non citra ægrotantium noxam, & ipsorum non parvo cum dedecore: purgatis etenim corporibus eas tantum usum habere Gal. multis in locis docuit: in libro enim de curat. per sang. miss. de his ita scripsit: *Cucurbitulæ purgatis prius corporibus, utiles quidem, sed in repletis (quæ plethorica Græci vocant.) prætermittendæ sunt: in lib. 11. meth, cap. 17. ait: Quippe foras trahere potius, quàm reprimere in eo debemus: itaque etiam cucurbitula utiliter iis, qui sic laborant, si prius sint vacuati, applicabitur: si vero abundantia succorum, quam vocant plethoram, in his sit, non magis ex pulmone in pectus aliquid excrementi transfert, quàm ex toto corpore attrahet in utrumque: & cap. 18. dixit: In phlegmonis cerebri, membranarumque initio cucurbitulis*

uti medici non debent, sed finita fluxione, & prius toto corpore vacuato: & in lib. 13. cap. 19. dixit: *Verum utendum cucurbita in ipsa parte, quæ phlegmone urgetur, inter initia non est, immo posteaquàm totum corpus vacuaveris, ac necessarium sit eorum, quæ in inflammata parte continentur, aliquod educas, atque eruas, aut etiam foras versus attrahas.* ALPIN. Multi respondent Galenum locutum ibi fuisse de cucurbitulis citra scarrificationem affixis, quas vulgus medicorum ficas appellat: quarum usum præcedere debere ajunt totius corporis universalem vacuationem, quod in scarrificatis non est necessarium, quum hæ possint abunde corpus vacuare. GUILAND. Gal. in lib. de cucurbitulis explicat, utrisque vacuationem præire debere, his profectò verbis: *Incipientes autem & vigentes capitis gravitates, ac dolores à plenitudine revulsio per cucurbitulam in occipite positam, vel sola, vel cum scarrificationibus juvat, verum totum corpus antea vacuatum esse oportet:* idemque iisdem omnino verbis in lib. de curat. per sang. miss. planè confirmavit, ibi enim jubet omnino totum corpus vacuari priusquàm cucurbitulæ applicentur, vel id fiat cum scarrificatione vel sine scarrificatione. Non desunt medici gravissimi, qui Ægyptiorum usum laudare nituntur, præsertimque in febribus pestilentibus, in quibus solent exanthemata, vel maculæ in cute apparere, quibus plerique his cucurbitulis vacuantes sanguinem, medentur, cum videant naturam per cutim excernere: atque Hippo. in apho. præceperit medicos sequi debere motus naturæ, atque per viam qua ducere natura humores tentat, ipsos vacuare humores debere: Dicebat olim quidam medicus Clarissimus; *aliqui ajunt, evacuare nolumus nisi per cutim, quia quò natura vergit, si per convenientia loca, eò ducere oportet, & cum cutis sit conveniens regio, quoniam inter membra, quæ naturaliter suscipiunt excrementa, cutis est talis, ideo per eam evacuare poteritis. Cum scarrificationibus etiam? respondebitis quod si materia erit pauca, nec multa in venis, nec multum crassa, ita quod repletio pauca sit, potest tunc natura adjuvari: Sed in febre pestilenti, ubi materia est multa, si cum illis maledictis cucurbitulis exterius trahere velletis, nihil esset deterius, quia subtile traheretis, & remaneret crassum: Calorem minuere-*

V

tis,

tis, & putredinem augetis: ideo vel cum phlebotomia, vel cum medicinis evacuantibus. Addunt Ægyptii, quod usus cucurbitularum in feb. pestilentibus pro vacuatione molienda non est utilis judicandus, tum ob ea multa, quæ ab iis eveniunt incommoda, tum præsertim, quia hæ corpora non vacuant, ut facit natura rectè operans; vel, ut docuit Gal. in lib. de diff. feb. qui dixit, febrium pestilentium curationem duobus comprehendi, atque administrari, scilicet siccatione, atque meatuum transpiratione; corpora etenim ipsa ita febrientia, ut curentur, debent exficcati à copia humorum, tum obstructa fovente, atque transpirabilia fieri: secus autem facere cucurbitulas in ipsis corporibus statuunt, cum ipsæ evacuando exsiccandòquæ, obstructions multas pariant, modo nuperrime juxta ipsorum sententiam explicato. Non desunt multi medici etiam illustrissimi contrariam sententiam veram affirmantes, qui usum cucurbitularum in vacuandis corporibus idoneum, ac utilissimum esse statuunt, præstantissimumque auxilium, venæ sectionis verè vicarium, & in corporibus virium causâ non ferentibus vacuationem sanguinis per venam sectam, adprimè tutum, ut ex Avicenna (à quo fortassè aliquis cucurbitularum usus originem duxit.) lib. i. legitur, qui dixit, cucurbitulas in multis corporis partibus sanguinis vacuationem rectè præstare, sed præsertim cruribus applicatas, proximas esse ei, quæ venæ sectione fit: ipse enim ibi scripsit de his in hunc modum: *Et ventosæ quidem, quæ cruribus superponuntur sunt minutioni propinquæ, & mundificant sanguinem, & provocant menstrua.*

Cap. 10. Hoc vero clarius à Cornelio Celso, iis utique verbis nobis etiam persuasum est: in secundo enim libro hæc scripta reliquit: *In acutis quoque quibusdam si & levare corpus debet, & ex vena sanguinem mitti, vires non patiuntur, idque auxilium, ut minus vehemens, ita magis tutum. Neque unquam periculum est, etiamsi in medio febris impetu, etiamsi in cruditate adhibetur. Ideoque ubi sanguinem mitti opus est: si incisa vena præceps periculum est, aut si in parte corporis etiam vitium est, huc potius confugiendum est.* Non minus apud Antyllum fuisse in usu scarrificatas cucurbitulas pro oppletis partibus, ex Oribasii libro septimo, ma-

nifeste constat. Nec minus pauci ex recentioribus medicis existunt, qui ipsarum usum pro corporibus vacuandis summopere commendant, neque difficile est, medicorum nostratium ferè omnibus id persuaderi, quando hic evacuandi per cucurbitulas modus sit familiarissimus, plebique admodum receptus. Patroni cucurbitularum, nuper ab Ægyptiis allatis rationibus aliis medicis, adversus cucurbitarum asseclas excogitatis, atque objectis, respondent, cucurbitulas copiosissimam sanguinis vacationem, magnis factis scarrificationibus, nec-non eas, etiam quæ superficiariis moliuntur epidermidis incisionibus in multo numero applicatas variis corporis partibus efficere posse, qua detracta per partem post partem, cui dubium, partibus multis ab ipsa vacatione inanitis à toto corpore trahentibus, fieri totius corporis vacationem? Nequeunt tamen iis sanguinem tenuiorem tantum vacuari, atque crassiorem ægerrime, non fateri, cum Avicen. hoc idem admodum aperte confirmaverit, literisque tradiderit, in corporibus crassiori sanguine constantibus per cucurbitulas sanguinis vacationem parvæ esse utilitatis, quoniam in ipsis hæ non extrahunt, ut par esset, sanguinem, & id ipsum cum difficultate. Neque recta ratione negare possunt, per tenuissimas cutis venas crassum sanguinem non facile transire posse. Sed aliqui in medicina etiam viri gravissimi non omnino abeunt sine ratione, dicentes, ut huic dubio satisfaciant, antiquos ob id medicos doctissimos monuisse, ut applicationes cucurbitularum, frictiones fotusque calidi præcedere debeant, ut sanguis sic attenuetur, pareturque ad excretionem. Quod tamen non videtur omnino credendum, quando, priusquam applicentur cucurbitulæ, cute vel fricata, vel fotu aliquo vel balneo laxata, sanguinem in universo corpore contentum posse attenuari non sit dicendum: is siquidem tantum attenuabitur, qui sub cute erit, ad quem facultas frictionum vel fotuum pervenerit. Cucurbitulæ vero juxta ipsos vacuant non à partibus subcutaneis, verum etiam ab omnibus venis corporis, ad hoc ut per ipsas facta evacuatio, totius & non alicujus partis, vel particularis, sed universalis sit dicenda. Oporteret verò, ut æquè

li 4. sen. 4.
Cap. 11.

rectè omnium corporis venarum crassus sanguis attenuaretur, universum vel corpus fricari, vel in balneo per multum spatium temporis morari, ut Avicenna in lib. 1. his verbis testatus est. *Et oportet quidem, ut à ventosis sibi quilibet caveat post balneum, nisi cujus sanguis fuerit grossus, quoniam ipse se prius balneari debet, & una hora morari, & postea ventosas apponere.* Sed quàm tutum sit in plethoricis corporibus, non præcedente vacuatione totius, præsertimque in principio febrium putridarum, balneum vel frictiones, quæ omnia sequi debent corporis probam evacuationem, administrare, illis relinquo judicandum: etenim notissimum est omnibus in Galeni doctrina versatis, nunquam febricitantes balneis uti posse ante humorum concoctionem, qua morborum principia omnino carent. Negant etiam isti cucurbitulas scarrificatas à primordiis usque venarum incoctum sanguinem trahere, multoque minus obstruere venas, quod tamen, si hæ copiosam vacuationem præstiterint, necesse est fieri debere, cum nequeat educi copiosus sanguis à cutaneis venis, nisi eadem à proximis attrahentes, & proxime à proximis usque ad ipsarum radices pervenientes repleantur. Quod non eveniet, si paucus sanguis his extrahatur, quoniam priusquam attractio ad primas venas perveniat, sanguinis in venis cutaneis inanitis repletio, sive reductio fiet. Neque etiam necessariò, etsi fiat usque à prioribus venis ad ultimas attractio, venas obstrui erit affirmandum, cum corpora ita latioribus venis prædita sint; ut sanguis etiam crassissimus, non ita difficile ipsas permeare ac transire queat: veluti tenuioribus venis referta corpora ad obstructionem ea via non erunt inepta. Paucum etiam sanguinem ducentes, vel nullum, multumque attrahentes & modicum vacuantes; cui dubium quod, quàm facile ex multo in illis venis vi attracto, & conculcato, obstruendi occasionem dabunt? Ajunt vero utroque modo applicatis, cutem, cui sunt applicatæ, debilitari, ex contentique in ipsa sanguinis vacuatione primo refrigerari, & mox ejus omnes meatus constipari, atque obstrui. Quod febricitantibus inutile & noxium erit; cum una indicationum curativarum sit corporum obstructa liberare, ipsaque corpora tran-

transpirabilia reddere. Quibus si responderent, cutis eundem calorem amissum ex vacuatione sanguinis, ex novo attracto sanguine restaurari, verum haud planè erit, cum tunc temporis nequaquam pars queat restitui in pristinum statum, ob suscepta vulnuscula, minusque solita copia sanguinis repleri, quantâ cutis per cucurbitulas fuerat privata. Negant non minus dorso appositas cucurbitulas probam sanguinis vacuationem facientes, posse ad cordis regionem, multum sanguinem trahere; & si etiam intra aliquod viscus aliqua fuerit inflammatio, eam posse magis augeri. Cum tamen Gal. contra illos apertissime sentiat, qui in lib. I I. meth. ita scripsit: *Quippe foras trahere potius, quam reprimere in eo debemus: Itaque etiam cucurbitula utiliter iis, qui sic laborant, si prius sint vacuati, applicabitur. Si vero abundantia succorum, quam vocant plethoram, in his sit, non magis ex pulmone in pectus aliquid excrementi, transferet, quam ex toto corpore attrahet in utrumque.* Sed ex me hæc obiter dicta de his sint. ALPIN. Verum cum tu, GUILANDINE doctissime, utrorumque de usu cucurbitularum pro vacuatione corporum rationes animadverteris, easque fueris contemplatus, quæso, tuam profer sententiam hac de re ita ancipiti, qua ego vere possim de illarum usu atque utilitate statuere, quando hæctenus pro isto negotio huiusmodi usum non parum pertimuerim, ac fere abhorruerim. GUILAND. Non parvam occasionem fuisse arbitror, ut medici non modo doctissimi, verum etiam gravissimi existimaverint, cucurbitulis posse corpora etiam plethorica rectè vacuari, quod ipsi tum apud Gal. tum apud alios celebres medicos legerint, crurum scarificationem posse idem præstare, quod venæ sectio, unumque atque idem putantes esse hanc scarificationem, & cucurbitulas scarificatas. Quam ob causam non est mirum, si usum cucurbitularum tantum pro vacuandis corporibus, ubi vel vires non prævalidæ, vel ætas, vel aliquod aliud non ferat missionem sanguinis per venam sectam, laudaverint: sed quanto in errore isti versentur, posterius, ubi de nuper dicta scarificatione sermonem habebimus, ex te rectè audire spero. Diversissimam vero rem esse nuper dictam scarificationem à cucurbitulis, ex

Cap. 17.

Galenī, Oribasiique testimonio planè constare videtur; ipsi enim Apollonius & Antyllus separatim de utroque auxilio scripsere. Quam veritatem medici aliqui etiam hujus temporis præclarissimi rectè noverunt. Cum itaque plerique idem auxilium cucurbitulas atque scarrificationem illam afferre pro certo haberent, mirum non est, si legentes apud Galenum in 2. lib. Aphor. eam esse proximam venæ sectioni, atque in lib. de sanit. tuend. tantundem valere, quod venæ sectio valet, & in lib. 13. meth. corpus plethoricum vacuari aut venæ sectione, aut scarrificatis malleolis, usum cucurbitularum vicarium esse statuerint. Sed an nos tuto uti possimus in plethoricis corporibus tali vacuatione, vel in febribus putridis etiam vacuationis gratiâ, nunc dicam, quid de hac re sentiam: in primisque censeo nullo pacto medicos moliri debere sanguinis vacuationem in plethoricis corporibus per cucurbitulas, ubi nihil sit, quod venæ sectionem vel crurum scarrificationem prohibuerit: nam sum hujus firmissimæ sententiæ, quod cucurbitulæ sint auxilia partis, quæ sequi debeant totius corporis vacuationem: quod ex Galeno superius cognitum est, qui dixit cucurbitulas occipiti applicandas vel cum scarrificatione, vel sine, sequi debere totius corporis vacuationem, atque in hoc non possum non nisi multum Ægyptios hoc modo illis utentes post universalem vacuationem, summopere laudare, minimeque tutum auxilium in corporibus plethoricis cucurbitulas esse existimo: multoque magis, si ea corpora crassioribus succis abundarint, in quo casu eas omnino abhorrerem, ne ab ipsarum tractione, sanguine illo multo in venas attracto multæ obstructions fierent. Hincque Galenum in lib. de curat. per sang. miss. in corporibus gracillioribus, nigrioribus, scarrificationi crurum prætulisse venæ sectionem non immerito judicavi, quia ea corpora constant sanguine crassiori, qui neutiquam per venas cutis parvas facile vacuari potest. Quare si iis ait eam non convenire scarrificationem, quæ fit, majoribus illis crurum venis profundius scarrificatis, quanto magis putandum erit cucurbitulas scarrificatas non convenire, tum ob periculum obstruendi ex crasso illo sanguine violentâ attractione per venas moto, tum ob parvas cutis

Aph. 17.
Cap. 4.
Cap. 5.

In lib. de curat. per sang. miss.

tis venas, non etiam profundius scarrificatas, quas ob crassitiem commode transire nequit? Itaque neque in iisdem corporibus putrida febre correptis per ea molienda erit evacuatio, præsertimque in quibus copiam crudorum crassorumque humorum adesse significatur, in iis enim summe exitiosus creditur usus cucurbitularum, quoniam purior, tenuiorque sanguis vacuatur, crassior & crudus remanet, atque nativus calor diminuitur. Taliū vero crassorum humorum crudorumque copiam attestantur, urinæ crassæ, vel cum crassis contentis albis pituitosis observatæ, quales ego Cayri, Genuæ, Bassani in epidemica pestiferarum febrium constitutione, fere in singulis observavi. Sudoresque frigidi, vel multi noctu apparentes non ex multo cibo orti, atque alia hujuscemodi generis multa, quæ brevitatis causa hic taceo. In interna etiam visceris alicujus inflammatione dorsi partibus applicatæ cucurbitæ summe erunt perniciosæ, quoniam in partem affectam sanguinem multum trahentes, augebunt necessario putredinem. Non convenient etiam in febribus putridis iisdem partibus appositæ, quia cutem, sanguine multo ab ipsa vacuato, refrigerant, atque constipant. Ubi vero sanguine neque multo neque crasso abundarint, pro moderata sanguinis vacuatione facienda, necessitate coactus aliquando mitti sanguinem etiam tuto posse iis affirmarim, multoque magis cruribus applicatis: sed consulo tamen omnes medicos, ut vice harum, libentius utantur surarum scarrificatione more Ægyptiorum absoluta; atque hæc est mea sententia circa usum cucurbitularum pro vacuatione corporum, cum scarrificatione applicandarum. ALPIN. Rectissimam atque verissimam esse tuam istam sententiam judico, meque ei libenter totus subscribam: quare lubet mihi nunc nonnulla exempla, huic veritati plane conducentia, narrare. Cayri enim dum morarer, duosque juvenes Gallos maligna febre correptos in æde Pauli Mariani Veneti pro Galliarum Rege Consulis clarissimi, præ manibus haberem, non tamen eodem utrumque tempore, observavi ab applicatis dorso cucurbitulis, paulo post in lethalem pulsus intermissionem devenisse. Idemque Bassani in Minerva Forcatura matrona honestissima eadem febre laborante à

me observatum est. Quo in loco binos etiam homines evacuationis gratiâ Vastaniam villam profectos, atque in æstuariis, à multis applicatis universo corpori cucurbitulis in acutas febres incidisse, quorum alter, qui Bassanum habitabat, qui meæ curæ commendatus fuit, vix servatus fuit: alter ruri degens inopia medicorum non recte curatus, obiit. Venetiis etiam filius Bartholomæi Falgherii juvenis eodem modo à cucurbitulis in æstuario in acutam febrem incidit, qua tamen liber evasit. Ex his ergo videre possumus atque plane etiam cognoscere, cucurbitulas & obstruere, & ad intimas partes corporis trahere, nam quis non fatebitur, binos illos viros Bassanenses, atque nunc Falgherium à cucurbitulis in venarum magnarum obstructionem crassis, crudisque vi cucurbitularum intus deductis primo, atque non minus in meatuum cutis constipationem, & inde accensa putredine in febrem putridam incidisse? ut & Gallos illos & Forcaturam, pariter in pulsus intermissionem, ex multo sanguine crudo in regione cordis vi ipsarum attracto, quo suffocati perire, ut ex Gal. in 3. lib. de præfag. ex pul. proditum est. Sed his auditis, melius erit, ad alterum propositorum dissolvendum pertransire.

C A P. XVI.

An errent Ægyptii medici nunquam utentes cucurbitulis pro adjuvanda exanthematum eruptione.

A L P I N U S.

ALTERUM caput reliquum erat explicandum de usu cucurbitularum propositum, quippe Ægyptios in febribus malignis ad apparitionem exanthematum, nullis uti cucurbitulis, quod multis ex nostratibus medicis auxilium selectissimum esse solet. Nam hi in istis febribus applicant ad decem usque & plures cucurbitulas universo corpori, interdum scarrificatas, atque interdum citra scarrificationem, ut ex alto à partibus nobilibus ad cutim venenum avellant. Quem usum omnino illiusce
re-

regionis medici omnes formidant, atque abhorrent, præsertimque si eæ dorso applicentur, eumque multis de causis damnare solent, præcipueque quod omnibus ferè corporibus à pestilenti febre vexatis communissima res sit, copia multa crassorum crudorumque humorum, quod arguere sudores frigidos, vel multos in ipsarum febrium principiis, viscos, vomitusque crassos, ac viscidos, & urinas crassas, vel ipsarum crassa, multa, pituitosaque contenta, atque alia hujusce generis multa, affirmant. Neque absque ratione in his febribus adesse multi in venis humores crassi, & viscosi dici posse videntur, quando in illis corporibus non desit copia caloris febrilis, humorum ichorem consummentis, qua via illi tum crassescunt, tum lentorem accipiunt. Qua humorum istorum copia in iis corporibus existente, applicare cucurbitulas valde timent, ne ex a tractis crassis iis, viscidisque per venas succis, multas concitent obstructions. Non scarrificatas, inquiunt, plurimum trahere, & parum vacuare; ex quo multo attracto facile partes hæ obstruuntur. Scarrificatas etiam si aliquid educant sanguinis, puriorem tamen, & tenuiorem vacuare, crassiolemque relinquere, & violenta attractione inæqualiter omnium humorum copiam attrahere. Præterea nullo pacto ajunt, ut supra dictum est, dorsi partibus applicatas posse iis febribus esse alicujus utilitatis, cum hæ primo in venas proximas cordi trahant noxios succos, atque vacuato etiam sanguine, cutem refrigerent, densent, atque ejus meatus obstruant, & calorem naturalem imminuant, vacuato multo iis sanguine puriori, & tenuiori. Præterea addunt, eruptiones exanthematum esse adjuvandas trahentibus ex alto ad cutem veneficos humores, sensim ac sensim sine violentia, ut natura facere sæpe solet, quæ sæpe incipit expellere punctículas ad cutem quarta die, & paulatim singulis diebus paululum expellendo, usque ad septem, & plures etiam dies quandoque expellere desinit, quoniam per tenuissimas venas non est ita facile noxios totos humores posse semel deducere, atque expellere: & ob id paulatim, & non sine magno judicio pluribus diebus expulsionem perficit, scilicet modicum coquendo, & illud modicum vacuando: nam cum succos veneficos habeat inæqualiter concoctos,

coctos, quod illorum paratum est ad expulsionem, statim expellit, mox crudum atque ineptum digerit, & parat, cujus cum modicum percoxerit, atque devicerit: statim (nequit enim ipsum ob ejus improbam, & venenosam naturam intra venas continere, ne alios corrumpat, vel ad nobile viscus deferatur.) expellit, atque ita totam expulsionem perficit, paulatim, ut dixi coquendo, & paulatim etiam expellendo. Sed cucurbitulæ statim ad partem cui affixæ sunt attrahunt multum tum concocti, tum crudi humoris intra venas existentis, neque solum expulsionem per concoctionem paratum humorem trahunt, sed incoctum etiam, qui cum nequeat per parvas illas venas egredi, proculdubio obstruit, putredinemque auget, & febrem, & malignitatem. Proinde medicus attrahens per cucurbitulas, naturæ motum non imitatur, quia natura tantum præparatum humorem expellit, at cucurbitulæ simul etiam crudum, hæcque adversus cucurbitulas in febribus pestilentibus applicandas illi objiciunt. GUILAND. Hæc eadem multi alii ex nostris medicis dixerunt, sed multi tamen sunt Clarissimi medici oppositæ Ægyptiorum sententiæ addicti, qui summum esse auxilium cucurbitulas in pestilentibus febribus persuadent, ajuntque quocumque modo à nobilibus partibus longius venenum detrudatur, siue cucurbitulis id fiat, siue alia ratione, summum semper inde sequuturum auxilium, naturæque plurimum adjumenti, quoniam ubi à membris nobilibus longe aberit venenum, natura erit fortior, agetque in reliquum humoris commodius, & robustius. Quod si humor venenosus, naturæ ex toto genere inimicus prope præcipua membra in venis magnis relinquatur, naturam necessario labefactabit, siue, ut ita loquar, coarctabit, vel in angustum rediget, quæ nihil aut parum roboris præstare poterit ad concoquendos, & expellendos noxios succos, qui facile in præcipua viscera recurrentes exitium inferent. Quare tutissimus erit usus cucurbitularum, quæ ex alto ad cutem venenum pertrahant, neque cutis partes, quibus applicitæ fuere cucurbitulæ, etsi vacuato sanguine modicum refrigerentur, & constipentur, debemus ullo pacto ab iis prohibere, corpore tamen toto prius, tum vacuato, tum purgato; quoniam

niam quam levi negotio nuper dictis partibus proprius calor restituetur, atque meatus etiam cutis aperientur, vel aliqua frictione levi, vel calida illinitione, qualis est, quæ ex Ruffi mente paratur oleo aliquo laxativo, & nitro; & si dicant, ab iis fieri obstructions, à quibus augetur putredo, ejusque gradus, alii respondent, neutiquam posse fieri obstructions, quando præcefferit illis totius exquisita vacuatio: quoniam cum iis vel nullus, vel paucissimus sanguis vacuatur, tollitur occasio trahendi à radicibus venarum sanguinem crudiores, quod illucque attractionis motus nequeat pervenire; & si obstructions aliquæ in parvis, sub cute existentibus venis accident, cum totus sanguis attractus illuc remaneat, eæ & minoris sunt momenti, atque etiam non difficili negotio tollentur, aliqua leni frictione, vel illinitione illo attenuato sanguine, atque resolutio: parum etiam naturalis caloris dissipari potest, cum vel nullus (ut jam dictum est,) vel paucissimus sanguis in iis vacuetur. Quod etiam non sit timenda attractio in cordis regionem, apparet ex Galeno, qui, ut jam superius visum est, in lib. I I. meth. in pulmonum inflammatione cucurbitulam pectori tuto esse applicandam statuit: verba ejus hæc existunt: *Ac longe quidem magis in pulmonis phlegmone abstinendum ab adstringentibus est: quando in eo ipsis quoque relaxantibus admiscendum aliquid acrium quodammodo, & evidenter calfacientium est: quippe foras trahere potius quam reprimere, in eo debemus. Itaque etiam cucurbitula utiliter iis, qui sic laborant, si prius sint vacuati, applicabitur.* Ad id vero quod de inæquali cucurbitularum attractione obijciunt, eas scilicet, inæqualiter coctum crudumque humorem absque discrimine attrahere, neque naturæ excretionem criticam imitari paulatim coquendo, & paulatim expellendo, fatentur verum esse, sed hoc nihil tamen esse detrimenti, quod utilius sit venenum à corde longius distrahi, quam crudum humorem in parvis iis venis vi attrahi, atque ipso sic attracto aliquas fieri obstructions, quas mox possumus attenuato humore rursus aperire, sed non ita facile venenum intra venas contentum, & in viscera recurrens prohibere possumus, quo in venis magnis retento, natura ita læditur, labefactaturque, ut nihil, vel parum contra, tum ipsum humorem jam vehementer pu-

Cap. II.

trefactum, tum illum, qui in via ad putredinem est, agere possit: quare satius erit ipsum cucurbitulis à magnis venis amoliri. ALPIN. Itaque ex his errare Ægyptios videris affirmare, cum à cucurbitulis illis omnino abstineant, neque immerito usus illarum laudabitur, cum foras ad trahendum venenum cucurbitula ceteris præfidiis præstet. GUIL. Neque dicam ipsos omnino errare, neque recte se gerere, cucurbitularum usum non sequentes in febribus illis, earum loco quibusdam illinitionibus, ac frictionibus idem potius præstantes. In corporibus siquidem crassis multis succis scatentibus, eas eo modo applicatas haudquaquam laudare possum, cum eæ certo certius obstructiones multas pariant, à quibus putrefactus humor majorem putredinis gradum necessario adipiscitur, neque etiam in aliis corporibus, ubi nondum apparet ad viscera noxios humores venenosos inclinare, quod facile ostendunt, ægrotos non omnino esse inquietos, recteque respirare, nulloque dolore, vel angore ipsorum cor angi, recteque dormire, beneque mente valere: veluti contraria accidentia si extent, contra arguent, proindeque urgente occasione tantum applicationem cucurbitularum laudarem, quibus venenum longe à principalibus membris avellere-tur. Quibus vero partibus tutius utiliusque sit eas affigere, ego dorso magis, quam cruribus affigendas fore censeo, nisi vacuationis gratia iis applicarentur: quo casu vacuatio multo sanguine procuratur: post universalem vero factam vacuationem, venenosos humores divertendi à visceribus gratia, non videtur idonea larga sanguinis missio, qua necessario vires collaberentur, sed ipsis cucurbitulis diversionis gratia applicatis, paucum sanguinis mittitur, qui si à cruribus iis mitteretur, vim non haberet à corde venenum attrahendi ad ignobiles partes, quoniam sanguinis illa modica vacuatio, attractionem in venas concitabit, quæ vel non perveniet ad cor, vel si pervenerit, admodum, debilis atque inefficax erit ad trahendum venenum ad partes quibus applicitæ sunt. Quod inutiles non sint cucurbitulæ in febribus pestilentibus, præsertimque in apparitione exanthematum, experientia quotidiana confirmat. In elapsa enim pestilentia sæpissime expertum est vel ad tumores, bubonesque maxime, & parotides promovendas vel ortas, quin re-

trocedant, retinendas, vel quæ evanuerint vel retrocesserint
 rursum evocandas, nihil cucurbitulis præstantius. Multis enim
 scio eo tempore cucurbitulas summe contulisse ad magnifican-
 dos tumores, atque ad intus absconditos revocandos. Exem-
 plum dignissimum habeo, quod maxime faciet ad illustrandam
 hanc veritatem. Georgius Selaccus Chirurgiam Venetiis exer-
 cens, in ea pestilentia uxore ejus peste correpta cum tumore
 in inguine, narrat, se cum vidisset tumorem illum insignem
 (quam facile sæpissime imminutum, & evanescentem) vel im-
 minui, atque intus recurrere, quod continuo mulier delira e-
 vadebat, quo statim cucurbitula sæpe inguini cum igne appo-
 sita, iterum ad solitam magnitudinem tumore illo revocato,
 atque peractò, statim sana mente reddebatur, sæpissimeque
 dum ipsa ægrotaret hoc observavit, coactusque idcirco fuit
 sæpissime cucurbitulis diminutum ac fere evanescentem tumo-
 rem foras trahere, quod sane semper succedebat. Quo facto
 semper ejus uxor ad sanam mentem redibat, atque ubi rursum
 aliquo pacto bubo minueretur, delirium ipsam rursum inva-
 debat. Testaturque mulierem, quo tempore ab apposita tu-
 mori cucurbitula affligebatur, semper mente sanam extitisse,
 qua subito excidebat, tumore intus recurrente, sanaque rur-
 sum eo cucurbitula foras attracto. Quod sane exemplum con-
 spicue satis ostendit, quantæ utilitatis sit judicanda cucurbitu-
 la ad avellendos venenosos humores à membris præcipuis, at-
 que adjuvandas omnes naturæ excretiones, vel symptomati-
 cas vel criticas illas vocemus, atque hæc arbitror sufficere no-
 bis posse in hac die, quando sermonem nostrum longius nos
 prosequi nunc nox, quæ jam nostris oculis tenebras obduce-
 re incœpit, prohibeat; proinde finem hodierno sermoni de-
 mus. ALPIN. Recte suades, nam totum quod de missione
 sanguinis apud Ægyptios usitata, nos loqui proposueramus,
 vix toto sequenti die absolvere poterimus, nam de variis pro
 sanguinis evacuatione scarrificationibus, quibus illi utuntur,
 etiam superest loquendum, quibus peractis, si aliquid temporis
 eo die supererit, nos multa alia ad partem chirurgicam perti-
 nentia, valde & ipsa scitu digna prosequemur.

FINIS LIBRI SECUNDI.

PROS-



PROSPERI ALPINI

DE MEDICINA ÆGYPTIORUM.

LIBER TERTIUS.

C A P. I.

De variarum scarrificationum frequenti apud Medicos Ægyptios usu.

GUILANDINUS, ALPINUS.



GUILANDINE, adsum nunc tibi, sed tu multo tardius quàm heri in viridiarium descendisti, Salve. GUILAND. Et tu quoque, nescio qua de causa tardius huc te contulisti. Sol enim supra horizontem ita se extulit, & aërem ita inflammavit, ut nos sub hujus latissimæ Platanus umbra consedere, nunc optimum sit.

ALPIN. Rectè suades, sed ubi hîc consedimus, prestiterit de medicina Ægyptiorum inchoatum sermonem recipere, & absolvere. GUILAND. Cur te igitur ad rem ipsam accingere cunctaris? Nihil mihi jucundius esse potest, quàm te hîc de Ægyptiorum medicina loquentem audire, ac multa ad medendi artem spectantia ex te cognoscere. Supererat, opinor, de
variis

variis scarrificationibus, quibus illi medici ad vacuandum sanguinem familiarissime utuntur, agendum. Ideo tuum nunc erit eas narrare, atque docere, teque ut id facias etiam atque etiam rogo; spero siquidem hunc sermonem mihi non minori fore utilitati, quàm cetera de variis mittendi sanguinem modis superius explicata. ALPIN. Omnibus in Ægypto versantibus variarum cutis scarificationum pro mittendo, vacuandoque sanguine vice sectarum venarum, usus est notissimus. Quis etenim certis anni temporibus, atque in primis in æstatis prima parte, innumeris infantibus aures scarrificatas ibi non vidit? eo siquidem tempore è centenis quibusque pueris quadraginta vix ibi reperias, quorum aures ob scarrificationem gossipia non gestent: nec minus frequens est crurium scarrificationis pro sanguinis vacuatione usus in omnibus Ægypti locis, præsertimque in pueris, Eunuchis, mulieribus, atque omnibus corporibus molli carne præditis. Hoc etenim vacuandi præsidium ab illis uno assensu venæ sectionis, ut paulo post dicam, vicarium creditur; proque tali auxilio, in iis, qui præ virium imbecillitate sanguinis vacuationem per venam sectam non ferunt, hoc scarrificationis genus apud eos medicos præsto esse solet. In pluribus etiam sæpe nasum, vel potius nares ab iis scarrificari, atque labia ac gingivas non minus observatur. Ex his igitur colligo, partes quas illi pro sanguinis vacuatione scarrificare solent, esse aures, nares, labia, gingivas, loquor de iis, à quibus citra applicatas cucurbitulas sanguis educitur, nam adhibitis cucurbitulis plures alias partes scarrificant. Amplius quascumque partes etiam corporis extrinsecas, aut aliqua inflammatione antiqua, admodumque difficili, vexatas, vel gangrena ob malignitatem, vel ob copiam humoris naturali illarum partium suffocato vel extincto calore, vel aliqua pustula, vel tumore, vel quacumque re præter naturam detentas, scarrificatione sanant: in hydrope, atque suppuratis hoc præsidio ad vacuandum utuntur, ut de his suis locis nos loquemur. Sed ad eas scarrificationes, quibus ad vacuandum sanguinem Ægyptii uti consueverunt redeamus, quarum duæ præcipuæ vel primariæ in puerorum vacuandis corporibus ab ipsis adhibentur

aurium quippè una, atque crurium altera. Reliquarum verò usitator, atque utilior est, quæ intra nares administratur. Præsentaneum etenim remedium apud eos habetur in omnibus acutis febribus, in capitis cum doloribus, tum inflammationibus venas intra nares scarrificari, atque ab iis tepido dulcis aquæ balneo sanguinem educi. GUILAND. Dignæ sunt hæ apud illos populos usitata scarrificationes, ob ipsarum multam utilitatem; ut locupletiori sermone, atque pleniore stilo à te rursus considerentur, præsertimque cum harum pleræque nostris medicis ignotæ sint; is enim, qui hæcenus de ipsis à te sermo est habitus me admodum delectavit, sed quæso eadem clarius mihi atque accuratius exprime: ab illis si lubet quas auribus infligunt, deducto principio.

C A P. II.

De aurium, narium, labiorum, gingivarum scarrificationibus, quas medici Egyptii pro evacuatione frequentant.

A L P I N U S.

PRIMA ejus regionis ineunte æstate, Campsinis ibi spirantibus ventis calidissimis, plerumque adversus infantes tonsillarum epidemicæ inflammationes vagantur, febresque acutæ, atque circa pudendorum partes inflammationes, & ulcera. Quibus malis, atque aliis etiam omnibus ex calore ortum ducentibus, succurrunt aurium scarrificatione intus vel extra præstita, sanguinis vacationem molientes: ut vero hanc scarrificationem operentur, in primis collo infantium lineo panniculo vincto, atque paululum ea ligatura angustiori reddito, tumidiores aures fieri student, quas eodem tempore simul itidem manibus multum contrectant, atque perfricant, aqua calenti dulci easdem sæpius irrigantes, & abluentes, vel spongiam calenti aqua plenam auribus scarrificandis applicant. Quorum

rum exinde magnitudine auda, atque ruborem insignem adepta, tribus, vel quinque incisionibus oblongis recte per latitudinem, cutem ante vel retro cultro scarrificant, à quibus scarificationibus parum sanguinis calido aquæ balneo sæpe illas abluentes, educunt, atque fere nullam infantulis tamen lamentationem ploratu aliquo edentibus, ita sine molestia hæc sanguinis vacuatio conficitur: effluxo deinceps sanguine, scarificationibus probe lineo panno deterfis, atque siccatis, gossypium adaptant, quod tribus ad summum diebus in auribus scarificatis gestant, atque mox ab ipsis recte conglutinati, illud abigunt. In omnibus vero acutis febribus, atque omnibus inflammationibus oculorum, aurium atque ceterarum capitis partium, cutim ante vel intra aures positam scarrificant, atque in iisdem malis partes infernas occupantibus, retro vel extra aures positam. **GUILAND.** Hoc remedii genus non omnino fore spernendum ac negligendum videtur, nec penitus antiquis medicis ignotum fuisse, quando apud Hippocratem in 6. epidem. hæc ad unguem legantur. *Cum adsunt cedemata, venæ in auribus posteriores scindendæ sunt.* Sed Galenum aurium istam scarificationem minime novisse hinc suspicari potest, ex quo ipse in commentario Hippocratem reprehendendo hæc dixerit: *In his quidem verbis locutio impropria, & vitiosa est, ipso scribente, venas in auribus: neque enim venas in auribus, sed circum aures dicere oportebat: siquidem venæ quædam post aures grandiores sunt, in ipsis vero auribus perexiguæ, vixque aspectabiles, & plerumque neque perspicuæ.* Non noverat Gal. usum scarificandarum aurium eo modo, quo Hippocrates senex sapientissimus cognovisse legitur. Sed tamen hunc usum aures scarificandi audio multis Saracenorum admodum familiarem extitisse. Quod & Doctissimus Franc. Valesius probe confirmare videtur, qui in comm. sexti lib. epidem. Hippoc. hæc scripsit: *Id quod didici à Saracenorum filiis, quos nuper Philippus dominus meus devicta rebellione, à Granatæ finibus in interiorem Hispaniam secedere imperavit: illi utebantur aurium scarificatione, quam possit quispiam in hunc Hippoc. locum referre.* Non est itaque difficile credere nunc Ægyptios etiam hac aurium scarificatione uti. Neque hinc

Comm. 3.
text. 21.

Hippoc. orationem impropriam, ut Gal. voluerat, esse certo cognoscitur, sed potius hanc Galeno fuisse ignotam putaverim. ALPIN. Veruntamen id aut nullius, aut parvi adjumenti (cum aurium hæ partes, quæ scarrificantur excarnes ac exangues sint, venisque vix apectabilibus refertæ) esse quis existimabit, quod ab harum sectione paucissimus sanguis educatur, qui aut nullum, aut obscurissimum auxilium iis præstare potest. Valesius ut Hippocratem à calumnia servaret, qui aurium scarrificationes ad coxendicum affectum (ut dictum est) laudavit, ait iis, quibus ex capite fluente humore ad femora, in eos affectus inciderunt, cauterio aurium partibus, vel ante vel retro positis inuistis vel disectis, posse conferre. Sed quia negare non poterat, hanc scarrificationem apud multos Saracenos in usum esse, idcirco subjunxit, etiam Saracenos hac uti scarrificatione, quia sunt timidissimi à missione sanguinis, neutrum jure videtur credendum, quando Hippoc. manifestissime non de aurium cauterizatione vel inuisione, sed de scarrificatione locutus sit. Neque Saracenos ita sanguinis vacuationem formidare, hominum relatione certo constat. Ægyptii vero atque Arabes, quibus copiosa sanguinis eductio est familiarissima, aurium (ut nuper dixi) utuntur etiam scarrificationibus ad evacuandum sanguinem. GUILAND. Puto timorem missionis sanguinis in pueris non aliunde venire, quam ex ipforum summe calido atque humido temperamento, habituque maxime aperto ac molli, facillimeque dissolubili: ex qua copiosa sanguinis vacuatione corpora illorum nimium exolverentur: quare Ægyptii pueris quam parcissimam imperant vacuationem, cum sua corpora habeant ex temperamento, atque habitu, unde evacuentur promptissima. Hincque in pueris aurium scarrificatione sanguinis vacuationem moliantur, quod ipsa paucissima, tum iis sufficere, tum minime multum vires dissolvere, queat. ALPIN. Non solum aures, sed & nares ad multa mala non in pueris modo, verum in omnium ætatum hominibus, Ægyptii scarrificare solent: venas enim intra nares maxima dexteritate scarrificant, & ut ipsis lubet sanguinem interim copiosissimum exinde evacuant. Idque naturam imitati in febribus acutis, in quibus præsertim

caput, vel doloribus vel aliqua inflammatione læsum observatur, atque in phreneticis, aliisque ex calidis succis delirantibus, præcipueque ex sanguine. Arcanum etenim quoddam apud illos copiosa sanguinis à naribus intus scarrificatis missio creditur. In omnibus doloribus, ac inflammationibus capitis partes occupantibus, non minusque in iisdem affectibus oculos infestantibus, in continuis putridis febribus, ubi ruborem in facie, vel assiduas vigilias, vel deliria ægros vexare conspexerint, statim ad hanc sanguinis vacationem confugiunt, maximeque in diebus criticis, in quibus crisis aliqua per sanguinis eruptionem speratur. In phreneticis, atque acute febrientibus, quibus in aliquo criticorum dierum stillæ ex naribus illabentes observatæ fuerint, minimeque exinde sperantes sanguinem postea large fluxurum, intus nares phlebotomo scarrificantes, eruptionem per stillas inceptam adjuvant, atque perficiunt. Nova hæc apud nostros medicos, pro molienda sanguinis missione scarrificatio erit, neque puto quempiam ipsius rationem, atque usum habuisse. Multi enim intra nares appositis hirudinibus sanguinis vacationem pertentant. Amatus Lusitanus Medicus Hebræus non spernendus, se rectum usum à naribus educendi sanguinem reperisse in tertia suarum centuriarum memoriæ prodidit, qui tamen solis hirudinibus illam vacationem moliri oportere, putabat. GUILAND. Gal. visus est his verbis hunc vacationis modum novisse ac docuisse in 2. lib. de compos. medicam. secundum loc. qui dixit: *Quod si amplius sanguis redundare videatur, etiam ex naribus aperta vena, & quantum sufficere videtur sanguinis vacuetur.* Hinc intelligi potest Galeni temporibus usum mittendi sanguinem à naribus fuisse probe cognitum, atque frequentatum. Sunt aliqui, qui existimant fieri hanc vacationem, secto nasi mediastino, quam multi laudant in faciei, nasique ruboribus, atque in aliqua inflammatione. ALPIN. Errant illi certissime id credentes, quoniam apud Ægyptios omnes, narium scarrificatio, atque mediastini, una, eademque non est, neque ad eadem mala utrisque his utuntur. Narium enim scarrificatione multum sanguinem evacuant, qua vacatione omnibus capitis inflammationibus cum internis, tum ex-

Cap. 6.

ternis, & in febribus sæpe utuntur: à Mediastino vero scarificato paucissimus sanguis exit, qui tantum faciei nasique ruboribus adjumento esse solet. **GUILAND.** Sed quomodo nares scarificant, atque nasi mediastinum? **ALPIN.** Naso in primis, postquam collum fascia devinctum est, ut venæ crassescant, tum multum perfricato, tum aqua calida multa dulci asperso, atque tumefacto cutem narium ambarum, vel unius, per longum tribus, vel ad summum quinque scarrificationibus secant, à quibus sanguinem calido aquæ dulcis balneo educunt. Mediastinus vero & ipse eodem modo unica scarrificatione secatur, guttæque tantum sanguinis ex ejus sectione promanant. Utuntur etiam illi populi labiorum, præsertimque inferioris scarrificatione pro oris, gulæ, inflammationibus, sed longe maxime ubi fissuris labia fuerint obnoxia, gingivasque scarificant, ex confluxu sanguine dolentes, vel aliqua inflammatione vexatas. Sed his omiſſis, utilius erit, nos tandem accedere ad celeberrimam erurum, malleolorumve scarrificationem: qui enim habebitur sermo de tanto præsidio, non poterit non nisi multum medicis adjumenti afferre, quando hæc scarrificatio venæ sectionis vicaria, mea quidem sententia sit, de qua nunc prolixius tecum loqui cupio; speroque hujus sermonem majori, quam ceteros nobis voluptati fore, nec minori utilitati, quem totum in hac die vix credo à nobis posse absolvi. **GUILAND.** Quæso, quæ in sermone hujus scarrificationis, quæ à nostris etiam iis partibus applicatis cucurbitulis communiter in quibusdam malis ita facile molitur, tam copiosam orationem accersunt? Vellem igitur hac de causa, ut quamprimum ad illam te converteres. **ALPIN.** Faciam ut lubet, sed vereor ne tu in communi multorum errore verſeris, qui celebrem hanc malleolorum scarrificationem, ab antiquisque medicis præclarissimis pro venæ sectionis vicario auxilio receptam, atque usitatam, in cucurbitularum cum scarrificatione applicatarum usum commutarunt. Verum si quid de illa Gal. & Oribasius in multis locis, ex quamplurium celebratorum medicorum sententia, nobis prodiderint, nunc meminisses, fortasse ita hic sermo te delectasset, ut longiorem hac de re explicationem à me peteres. **GUILAND.** Nihilominus ego
for-

fortasse, avidius quam tu sermonem, qui de hujusmodi præsidio accurate habeatur, expecto. Sed antea scire ex te volo, an eodẽ modo Ægyptii mentum scarrificare soleant, & brachia, quando horum scarrificationem apud Hispanos confici aliqui prodiderint: atque & menti scarrificationis Gal. in 6. lib. de composit. med. secundum loc. ad multa mala meminerit. ALPIN. Etsi utrumque fieri meo quidem judicio posset, tum brachiis, cruribus, quoad venarum ordinem fere omnino respondentibus; tum etiam quia menti scarrificatio, & commodè administrari posset, & multis affectionibus esset utilis. Cujus utilitatem antiquitas medicorum nos recte perdocuit. Sed tempus est, ut ad propositam scarrificationem redeamus.

C A P. III.

Malleolorum, sive crurum scarrificationem ad moliendam evacuationem auxilium esse antiquissimum, à Græcisque clarissimis medicis valde frequentatum.

A L P I N U S.

OMNIUM maxime crurum, furarum, vel malleolorum scarrificationem pro sanguinis molienda evacuatione in pueris, Eunuchis, mulieribus, atque carnosius vel pinguibus omnibus hominibus usurpant, tutissimumque apud eos creditur vacuatorium remedium: quo quisque multorum morborum occasione ingenti salutis spe utitur ad vacuandum sanguinem, præsertimque viribus vacuationem per venam sectam præ imbecillitate non ferentibus. Scarrificant enim, ut inferius propriis locis dicam, in utroque crure furam, sive partem cruris crassam, quæ malleolo contermina est, multis adactis profundis, ac longis scarrificationibus, à quibus sæpe tepida aqua dulci ablutis, quantum volunt sanguinis sine multa corporis commotione, educunt. Ad hoc auxilium illi in omnibus morbis, ab humoribus calidioribus ortum habentibus, veluti ad facram

ancoram confugiunt, neque id immeritò, cum tot, & tantas habere ad sanitatem vires sæpissime sint scarrificationem experti. Mirorque id circo, **GUILANDINE** doctissime, nostratès medicos nolle tam utile, atque a multis doctissimis Græcis medicis antiquis, ad morbos profligandos, hominesque ab his præcavendos, adeò laudatum auxilium agnoscere, atque in usum revocare. Et quamquam eos medicos non omnino laudem, qui ita promptè in quovis ferè morbo sanguinem per venam sectam mittant, rectiùs tamen eos agere putamus, quàm qui eandem vacuationem sanguinis per cucurbitulas dorsi partibus cum scarrificatione applicatas moliri consueverunt. **GUILAND.** Priores illos medicos eo auxilii genere, quippe venæ sectione posse morbos eos profligare tutius ac certius judico, quàm alios cucurbitularum usu. Quòd missio sanguinis per venæ sectionem procurata, magnum utique sit remedium, atque ob id magnis meritò occurrat morbis. Ab usu verò cucurbitularum tantum abest, ut magnos morbos à plenitudine humorum ortum ducentes, profligari posse credam, ut potius iis applicatis, eos in deterius succedere posse autumen. Quod à nobis heri diligentius disputatum, atque constitutum fuit. Sed cur ego te tandiu interpello, teque ab incepto tuo sermone his verbis amplius distraho; perge igitur reliquum hac de re sermonem absolvere. **ALPIN.** Pro tollenda corporum plenitudine Gal. nullum cucurbitularum verbum fecit, ut nostrorum multi cogitant, sed solum venæ sectionis, atque crurum scarrificationis meminit. Quod ab ipsiusmet verbis in 2. Aph. Hippocr. commentario proditis colligitur, quæ hæc existunt: *Evacuatio omnium humorum æqualiter, quæ quidem exquisitissima est, fit per venæ sectionem; proxima autem huic illa est, quæ fit per malleolorum scarrificationem.* In libro etiam de hirud. cucurb. scarrif. dixit: Cucurbitulas in plethoricis corporibus non modo esse inutiles, sed etiam noxias. Atque in lib. de curat. per sang. miss. docuit, ante cucurbitularum administrationem totum corpus evacuatum esse oportere, illisque vel cum scarrificatione vel sine ea applicatis. Ex quibus nostri medici perdocti nescio cur in magnis morbis, viribus sanguinis eductionem

Aph. 17.

Cap. 3.

nem per venæ sectionem non ferentibus, ad hanc, relictis illis cucurbitulis, saltem crurum scarrificationem non accedant vel confugiant, cum hæc tutissimum sit auxilium, vacuationeque (ut ait Gal.) venæ sectioni proximum. Hocque etiam venæ sectioni utilitate præferendum Gal. in eodem lib. de hirud. cucurb. aliis verbis meminit: *Eodem namque anno venam frequenter incidere, minime quidem rationi consentaneum arbitramur: Quandoquidem cum larga sanguinis copia, vitalis quoque spiritus emittitur, quo sanè absumpto, crebrius quidem moles universa frigescet, tum animales functiones omnes deteriores redduntur. Quamobrem ab ignobilioribus membris, ut potè à cruribus sanguis educendus est. Atque in libro de curat. per sang. missio. in quibusdam corporibus crurum præfert scarrificationem venæ sectioni, ut ipse hunc in modum prodidit, dicens: Porro quæ ex mulieribus albidiores sunt, sanguinem acervare tenuem solent. Quocirca adhibitis malleolorum scarrificationibus maxime juvantur. Et paulo post ait: Carnosis vero & candidis parvæ insunt venæ, quibus malleolos scarrificare, quam venam secare præstiterit: quippe cum hæ parvas in cruribus venas habeant. Est & Appollonius ille atque Antyllus, medici olim gravissimi, ut apud Oribasium legitur, qui hujus scarrificationis clarissima monumenta posteritati reliquerunt. Oribasius vero hæc de ipsa crurum scarificatione scripsit: Et sane dum pestilentia vehemens Asiam deprehendisset, multosque perdidisset, meque etiam morbus attigisset, secunda morbi die remissione febris facta, crus sacrificavi, duasque fere sanguinis libras detraxi, hacque de causa periculum vitavi. Plerique igitur etiam alii hoc præsidio usi superstites evaserunt: erant enim plenitudinis signa. Crurum itaque scarrificationis usum Galeno, Apollonio, Antyllo, Oribasio, pleribusque etiam aliis ex antiquis clarissimis medicis & cognitum, & valde apud eos frequentatum exinde plane constat. GUIL. Vera sane prædicas: sed quid mireris multos etiam doctissimos hoc ita ab optimis medicis laudatum auxilium minime velle agnoscere, ac in pristinum usum revocare, quando multorum insanabilem in defendendis erroribus pervicaciam tu rectè noveris? Quid mireris, inquam, cum ipsi aliquid habeant, quo culpa carere*

Cap. I. 13.

Cap. I. 14.

Lib. 7.
Cap. 20.

ali-

aliquo pacto videntur? Namquis unquam ab Ægypto huc profectus est, qui ejus scarrificationis verum modum nobis manifestarit? Certe nemo nos eam edocuit: ego magis mirandum esse puto, hæctenus multis in Italiæ urbibus, præsertimque Venetiis perinde ac Erasistratei faciebant, medicorum multos sanguinis missionem per venam sectam ita abhorruisse, ut maximum timorem id genus auxilii plerisque incuteret. Qua in re non parva gratia Alexandro Massariæ medico clarissimo est habenda, qui cum urbem illam olim ingressus ita à sanguinis missione abhorrentem, ac timentem invenerit, medicæ artis Hippocraticis principiis veritatem illis sæpe suadendo ac demonstrando, errorem in medicina summum, è mentibus doctissimorum multorum medicorum eripuit. Tamen caterva medicorum (ita morbus invaluit) superfuit, adhuc antiquis erroribus plane addicta: qui affirmant, non esse conficiendam sanguinis vacuationem per venæ sectionem, ob plurimi caloris resolutionem, sed tantum cuti dorsi aliisque partibus applicitis cum scarrificatione cucurbitulis. Hincque earum usus eo gratiæ devenit, ut nunc frequentissimus apud multos, ac familiarissimus factus sit. Hacque de causa multi audent affirmare cucurbitulas scarrificatas venæ sectionis vicarium esse auxilium. Quorum opinio quàm erronea, & à veritate aliena sit, præter ea quæ dicta sunt, patet etiam ex Galeno, qui & in 2. lib. Aphorism. & in 4. de sanit. tuenda, atque in lib. meth. med. aliisque multis in locis dixit apertissimeque, secundum locum, à sectione venæ, crurum scarrificationem obtinere: nam in 2. lib. Aphorism. ait: hanc scarrificationem venæ sectioni esse proximam: atque in lib. 4. de sanit. tuend. asserit, tantundem ac venæ sectio valere maleolorum scarrificationem; & in lib. 13. meth. med. scripsit: *Si corpus fuerit plethoricum, sanguinem mittendum esse, aut vena incisa, aut cruribus scarrificatis.* ALPIN. Recte sane dixisti, sed hæctenus excusari poterant nostri hi medici, quod nemo ipsorum hanc scarrificationem, quo pacto administraretur ab aliquo didicerit. Nunc vero quisque summe redarguendus erit, nisi voluerit hoc genus præsidii utilissimum à nobis saltem accipere, & in antiquum usum revocare. Maxi-

me-

meque cum audierit, hujus scarrificationis usum cum in tota Ægypto, tum in tota etiam Hispania apud omnes familiarissime frequentari in omnibus pueris, Eunuchis, mulieribus, pinguibusque corporibus, felici semper cum successu. GUILAND. Amatus Lusitanus medicus non spernendus hoc remedium maximi semper fecit, atque sæpissime eo pro vacuatione sanguinis usus est: ut paulò post fusius etiam narrabitur. Eademque quæ tu, Joan. Jacob. Manni posteritati tradidit. Quamobrem crurum scarrificationem multis & antiquis, & recentioribus medicis fuisse cognitam, & ab eis adhibitam manifestissimum est. Quod ut apertius omnes cognoscant, ac ne ab hoc vacuationis usu, ideo se abstinere dicant, quod ignari sint, an eodem modo hæc scarrificatio, tum in Ægypto, tum in Italia hominibus conducat; ideo si postquam tu in patriam redieris, in aliquibus ipsa fueris usus, ac quali etiam salutis successu vel felici, vel infelici, intelligere ex te nunc cupio.

C A P. IV.

Quibus in Italiae locis hominibus sanguis crurum scarrificatione fuerit detractus.

A L P I N U S.

AB Ægypto ego in patriam reversus, Bassanum oppidum loci amœnitate pulcherrimum, meorum studiorum gratiâ, me contuli, ibique medicinam publice faciendo multos scio ægros crurum scarrificatione, sanguinis sæpe evacuatione more Ægyptiorum procurata, sanitati restitutos. Scis etenim postquam in Italiam ex illis locis pervenerim, me perpetuo optima Ægyptiorum vestigia in medendo sequi voluisse, præsertimque in sanguinis vacuatione molienda, maximeque in usu crurum scarrificationis, pro qua exercenda diligenti, atque experto invento hujus operis ministro, in multis sanguinem mittere more Ægyptiorum pertentavi. Quod mihi feliciori cum successu semper evenit. Primusque, cui eo modo sanguis fuerit

Z

va-

vacuatus, puer fuit annos decem natus, quem in humanarum literarum cultu Franciscus Lanzarinus Bassanensis in ejus schola à Castro franco exercendum susceperat. Qui duplici tertiana correptus, cruribus ambobus scarrificatis, & educto sanguine convaluit. Huic enim propinato prius pharmaco, quo ejus corpus noxiis paulisper expurgaretur humoribus, iisque maxime, qui in stomacho & venis meseraicis continebantur, quarta die ambobus cruribus vel suris more Ægyptiorum scarrificatis, sanguinis fere libram commodissime eduximus, à qua præstita vacuatione febris imminuta, alia tantum accessione desit. Paucos ab hinc menses ab hujus pueri morbo mulier fere sexagenaria, Bona vocata, quæ apud Bassanos famosissimos pictores habitabat, hepatis pessima inflammatione correpta continue cum dolore, & tensione dextri hypochondrii, assiduis vigiliis atque difficillima respiratione, ingentique siti, lingua nigra admodumque squalida febricitabat. In qua urinæ tenues, coloratiores, cum contentis crudis spectabantur, diesque duodecimus ab ægritudinis principio agebatur, quando accersitus illam inveni eo modo ægrotantem, cujus morbo, causis, ac symptomatis recte perspectis ac cognitis, atque chirurgo accersito, internam dextri cubiti venam secari jussi, à qua nullo sanguine, muliere in syncopim collapsa, vacuato, ne misera ceteris neglectis remediis moreretur, ex ejus corporis habitu bene carnosio, pingui atque albo, Galeno in libro de curand. rat. per sang. miss. docente, malleolorum sive crurum scarrificationem magis quam venæ sectionem, præstare ei posse: probe cruribus scarrificatis, sanguis ad libræ pondus commode eductus est, à quo statim melius se habuit, nocteque subsecuta somnum coepit, melius respiravit, atque adeo febris minui exinde coepit; die quarta-decima fere libera fuit, at decima-septima in universo corpore critica exorta scabie, prorsus convaluit. Post hanc aliam eisdem annos natam, habitu admodum pingui, ac valde carnosio præditam, villam Angaranum habitantem, febre continua, acuta, correptam cum intensissimo capitis dolore, assiduisque vigiliis, delirio, atque multa inquietudine curandam præ manibus habui, cui die tertia præmissio clystere, ambobus

itidem profundis incisionibus cruribus scarrificatis, sanguinis libra & plus fuit educta, à qua mulier melius statim se habuit: dieque septima omnino à febre libera evasit. Puer etiam duodecim annorum Citadellensis in domo Joseph Caratelli pharmacopolæ, cum febre surdus omnino factus, ejus à scarrificatis cruribus, plurimo sanguine evacuato, statim audivit, atque paucis diebus etiam à febre covaluit. Duæ itidem eodem tempore puellæ virgines in Valle Stagna decumbentes, in pestilentem febrem collapsæ à suppressis menstruis, ea scarrificatione adjuvatæ sanitatem cito receperunt. Cito enim ambabus iis copiosi menses denuo fluxerunt septima die cum judicio. Criticeque ambæ judicatæ in eadem die fuerunt. Audisti ex me igitur, quos vacuatione sanguinis, surarum scarrificatione præstita, Deo annuente, Bassani sex fere mensium spatio sanitati restituerim. In principio dum ea uti cœperim, propter multas magnasque ac profundas scarrificationes fere omnes hoc auxilium formidabant. Deinceps vero multi fuere, tum viri, tum mulieres, quæ ab utilitate persuasi hoc genus remedii facile complexi sunt. GUILAND. Gaudeo te tantum de hujusce scarrificationis utilitate periculum fecisse, cui facile omnes acquiescere possent. Ego vero, ut idem confirmem, puto non inutile fore, si tuis experiētiis alias ab Amato Lusitano memoriæ traditas subjungam. ALPIN. Gratam rem facies, si eas mihi etiam indicaveris. GUILAND. Is in prima suarum centuriarum hæc litteris tradidit: *Paucis interpositis diebus hujus dicti frater, duos annos natus in easdem oris ulcerationes incidit, qui surarum sive tibiæ ventriū scarrificatione, & topicis adhibitis enumeratis medicamentis sanitati illico fuit restitutus. Et in scholia, postquam tum omnes medicos præter Hispanos, quod hos solum crederet, hujusce scarrificationis peritiam obtinere, reprehenderat, subjunxit alterius pueri historiam, his verbis; Dominicus Maria à Bala mercator Bononiensis cum filiolum graviter ægrotantem haberet, ut illum inviserem me rogat, ad quem accersitus jubeo protinus crura scarrificari, prius ea per spongiam fovens aqua calida, & ad poplites ligatura ac ad suras evocato sanguine, eas sæpe harundine fissa percutiendo, sed invita matre pueruli na-*

Curat. 18.

Curat. 38.

tionem Græca, patria Bizantina, quæ quum intra duos dies puerum sanum conspexerit, ad me postea, tanquam ad sacram anchoram, quum pueri sui vel amicorum ægrotarent, confluebat, ut illam illis juberem evacuationem facere, tantum videlicet huic evacuationi tribuens: nec sane immerito, quia præter multa, quæ secum adfert commoda crurum scarrificatio, materiam in corpore exundantem minuit, & caput à dolore & malis affectionibus liberat. In secunda centuriarum pueri hanc subtexit historiam dicens: *Filius Barbossi natus annos novem cum febris continua corripereetur, & inter medicos consultum esset pro ejus salute de sanguinis missione, primo à surarum scarrificatione coeptum fuit; qua vel tantum illico sanus est factus.* Hæc extant monumenta illiusce doctissimi medici de missione sanguinis per crurum scarrificationem posterorum memoriis prodita.

C A P. V.

Crurum scarrificationem non eam esse, quam nostri applicatis cucurbitulis frequentant.

G U I L A N D I N U S.

Lib. 1. sen.
De Cr. 210.

NON video hoc auxilium Arabibus medicis notum fuisse. Quamquam nunc ipsorum ferè proprium illud esse dixeris, quando nemo illorum de eo aliquid scriptum reliquerit. Avicenna enim hanc scarrificationem à cucurbitulis separatam minime cognovit, quod ex ejus his verbis facile perspicitur: *Et ventosæ quidem, quæ cruribus superponuntur sunt minutioni propinquæ, & mundificant sanguinem, & provocant menstrua.* Quod apud alios quoque Arabes medicos multos usitatum, ac creditum est. Nam neque Averroes, neque Rhasis, neque Haly Abb. neque alii multi de scarrificatione crurum, ut quid distinctum à cucurbitulis scripsere. Itaque apud hos vacuatio per crurum scarrificationem procurata nihil aliud erit, quàm communiter nostris cucurbitulis, cum scarrificatione applicatis sanguinis facta eductio. Cui opinioni id favere videtur, quòd alios;

alios multos præclarissimos medicos, ne verbum quidem de hac distincta à cucurbitulis scarrificatione fecisse videam. Nulla siquidem apud Hippocratem ipsius extat memoria, neque apud Celsum secundum, ut multi ajunt, Hippocratem, neque apud alios multos. Hincque multi etiam doctissimi medici nullam differentiam inter hanc & cucurbitulas scarrificatas fecerunt, ut Hieronymus Cardanus in lib. 2. contr. med. qui hæc Galeni verba de scarrificatione ita interpretatus est: *Sunt autem quæ æquivalent sectioni venæ retentorum hæmorrhoidum apertio, vel mensium suppressorum, vel in quibus nihil est tale, malleolorum cum cucurbitula scarrificatio.* Quæ tamen interpretatio (pace tanti medici dixerim) longè à veritate est aliena, cum Gal. per malleolorum scarrificationem distinctissime eam absque cucurbitulis intellexerit. Nam in libro de hirudinibus distinctè duo capita scripsit, alterum de scarrificatione, atque alterum de cucurbitulis. Qui si idem intellexerit scarrificationem, & scarrificatas cucurbitulas esse, proculdubio cucurbitularum usum nusquam meminisset. Nam in libro nuper citato dixit: *At incipientes aut etiam vigentes (supple capitis dolores) per cucurbitam in cervice procurata retractio interim quidem solam, interim cum scarrificatione.* Quod prorsus confirmavit in Aphor. lib. atque in lib. de curat. per sang. miss. Cur igitur ibi Gal. meminit cucurbitularum cum scarrificatione, si nomine scarrificationis semper cucurbitulam subintelligat? Certe ex Galeni sententia, utrumque esse unum & idem, falsissimum est. ALPIN. Cui dubium id est, variis utramque operationem moliendi modis perspectis, atque utriusque auxilii facultatibus? Nam modus vacuandi applicatis cucurbitulis plane est diversus ab eo, qui in usu scarrificationis adhibetur. Cucurbitulam siquidem linamento ardesciente, vel igne vel aquæ calidæ halitu, cuti primo applicant, quæ valide intra se cutim attrahit, à qua cutem in ruborem atque tumorem elatam scarrificant, eique statim rursus cucurbitulam affigentes ea sanguinem à scarrificationibus extrahunt. Secus vero in molienda scarrificatione observatur, nam qui volunt crura scarrificare pro vacuando sanguine, primo arctè crus sub proplite ligant, & mox totum

crus in primis multum perfricatum, in dulcis aquæ calidum balneum immergunt, sæpeque abluunt suram, ac arundine ipsam percutiunt, ut totum crus intumescat, multumque erubescat, atque obtorpescat, ne incissionum acutum dolorem ægroti sentire queant. Quibus omnibus peractis crus ordinatis longis, ac profundis incisionibus scarificant, à quibus quantum volunt sanguinis, aqua calida vulnera sæpe irrorantes, vel totum crus in aquam obruentes, evacuant. Quis igitur scarificationem à cucurbitulis diversum quippiam esse non fateatur, ex modorum omnino variorum, quibus administrantur, observatione? Quæ etiam inter se ex utriusque facultatum dignotione diversa utique esse, facile suadebitur. Differunt quidem hæc in ea quam præstant, evacuatione, quantitate sanguinis qui evacuatur, nec minus attrahendi modo. Etenim cruribus scarificatis libræ sanguinis facile non secus quàm per venæ sectionem educi possunt. Quod sæpissime experientia verum esse didicimus. Oribasiusque in libro de cucur. scarif. hirud. sibi cum peste ipse vexaretur, altero crure scarificato binas ferè sanguinis libras extraxisse testatus est. Addo, per crurum scarificationem tantum sanguinis vacuari, quantum per venæ sectionem evacuari potest. Quæ sanguinis copia non ita facile cucurbitulis ex hauriri poterit. GUILAND. Neque citra rationem aliquam hoc fieri arbitror, namque sanguis à scarificatis cruribus absque cucurbitulis calidæ dulcis aquæ balnea continue educitur, ex qua caliditate sanguinem attenuante, movente, atque attrahente, humiditateque incisiones venasque plurimum laxante, facile sanguis effluit. In ejus vero educatione, quæ cucurbitularum attractione fit, aliæ causæ existunt, & tales quidem, ex quibus potius sanguinis fluxio cohiberi, quàm adjuvari possit: namque non adest caliditas, quæ fluxurum sanguinem attenuet, neque adest quod relaxet cutem sed magis cutis ex vacuato sanguine frigescens, densatur, & sanguis extra venas egressus in trombos concreescens, fluxionem potius coercere possunt. Hinc mirum non est cucurbitulis non posse tantam sanguinis copiam vacuari, quanta per nuper dictam scarificationem educi potest. ALPIN. Differunt etiam sanguinis

nis vacuationes cucurbitulis facta ab iis, quas hac scarrificatione molimur, quod illæ violenta attractione, atque hæ sine ulla violentia procurantur, sed sensim ac sensim sine multa agitatione. Galen. enim in lib. 13. dixit: Cucurbitulam ad hoc esse inventam, strenuumque plane ad id esse auxilium ut foras evocentur, quæ sunt in alto, atque ut eximantur & eruantur, quæ jam in scirrhum abeunt: neque cucurbitæ attractionem violentam esse nostrum cuipiam ignotum esse cogito. Scarrificatione vero sanguinem dulcis aquæ calido balneo sensim ac sensim citra commotionem multam corporis educi, sensui patet: ut Apollonius non minus antiquus quam gravis medicus his verbis scriptum reliquit. Quæ apud Oribasium leguntur ex illiusce medici gravissimi mente de hac scarrificatione, hæc existunt: *plethoram autem commoderatam, quæ aliquid mali factura sit, ac jam eversionem in morbosum statum attingat, tibia quæ scarrificationibus vexata fuerit, innoxiamque totam quam volumus sanguinis illigationem reddiderit, citra validam totius molis commotionem solvit.* Amplius Gal. atque alii Græci medici multi dixere, scarrificationem hanc tollere plenitudinem, quod in plerisque locis legitur: præsertimque in lib. nuper citato de Hirud. revuls. cucurb. cum dixit: *Si qua exuperans materia in corpore minuenda est, atque ob potissimum exuperantia ea oriatur, quod materia ipsa, quæ emitti solet, supprimatur, scarrificatione utimur.* Cucurbitulis vero scarrificatis vel sine scarrificatione antequam corpus totum vacuatum sit, nunquam medicos uti debere, Gal. pluribus in locis, quos supra adnotavimus, memoriæ prodidit. GUILAND. Differentia evacuationis, hac scarrificatione facta, atque ejus quæ cucurbitulis celebratur, in alio consistere non videtur, quàm in attractione, quæ in his calido balneo, in illis vero cucurbitulis perficitur. Una eademque scarrificatio cutis utraque erit, sed ab una sanguis calida aqua evocatur, & ab altera cucurbitula ex alto ad cutem trahente. ALPIN. Neque hæc duo existunt vacuationis instrumenta, tametsi utraque in scarrificationem cutis fundentur, etenim in utrisque non eadem fit scarrificatio. Nam ad usum cucurbitularum cutem multis incisionibus, longis, neque pro-

Orib. lib.
de cuc. scarifi-
cap. 9.

Cap. 4.

fun-

fundis, neque ordinatis scarrificant. Quæ omnia in hac scarrificatione Ægyptii ad unguem observant. Quod etiam Oribasius ex Antyllo in lib. de cucurb. scarrif. faciendum præcepit. Quare multis differentiis crurum scarrificatio, & cucurbitulæ scarrificatæ distinguuntur, unumque & idem non præstatur ab utrisque auxilium, nec iisdem utraque viribus est referta, diversamque inter se ambo promunt operationem. GUILAND. Non possum idcirco non multum Avicennam ceterosque alios Arabes medicos præclarissimos admirari, qui de sanguinis vacuatione agentes hanc scarrificationem minime à cucurbitulis distinctam cognoverint. ALPIN. Quid igitur de his diceres? tantos medicos tantum auxilium ignorasse? multi nobis non credent. GUILAND. Hoc auxilii genus proprium fere fuit Ægyptiorum, atque Arabum: quæ loca cum neque Avicenna, neque Rasis, Averroes, Haly, atque alii habitarent, nosci ab his eam scarrificationem non potuisse putandum est. Quod an verum sit, nemo nostrum certus est: hoc unum tamen scio, quod cum hoc remedium apud Galeni scripta, Apolloniique, Antylli, Oribasii inveniat, & apud alios Græcos medicos nulla extet de eo memoria, istorum scripta male versa in Arabicam linguam habuisse certo certius judicari potest, atque hinc eos nos potuisse hoc auxilii genus probe didicisse. Quod quidem apud Avicennam manifestissime comprehenditur ita fuisse. Cum quæ Gal. loquebatur de scarrificatione citra cucurbitularum applicationem, ipse in cucurbitulas scarrificatas transcripserit. Galen. siquidem in lib. de curat. per sang. miss. de scarrificatione hac, ita scripsit: *Porro quæ ex mulieribus albidiores sunt, sanguinem tenuem acervare solent, quo circa adhibitis malleolorum scarrificationibus maxime vacuantur, atque quæ nigriores sunt, secta vena curato. Crassiores enim sanguinem, ac magis melancholicum colligunt, magis vero etiamsi magnas habere venas appareant, quod illis accidit, quæ graciliores sunt, ac nigriores. Carnosis vero ac candidis parvæ insunt venæ, quibus malleolos scarrificare, quam venam secare præstiterit, quippe cum hæ parvas in cruribus venas habeant: itaque etiamsi recte secantur, quod justum tamen sit non profluat: à quibus sane ver-*

Cap. II.

bis

bis de scarrificatione, & non de cucurbitulis à Galeno proditis, male in aliam linguam versis Avicenna eadem hæc ad unguem transcribens, de cucurbitulis scarrificatis, & non de scarrificatione intelligens, dixit: *Et ei quidem quæ ex mulieribus alba existit, ac laxa, sanguinem habens subtilem, ventosæ in cruribus positæ sunt meliores quam phlebotomia, quæ fit in saphena.* Sed hæc satis fuisse existimo, ad demonstrandam differentiam, quæ est inter scarrificationem, & cucurbitulas scarrificatas. Quibus ita explicatis non inutile foret, si quæ inter malleolorum hanc scarrificationem, & venæ sectionem sit convenientia ac similitudo, nos aperiemus. ALPIN. Jure quidem hoc dixi, neque puto facile nos hujus scarrificationis utilitates persequi posse, nisi harum similitudinem sedulo prius cognoverimus.

C A P. VI.

Inter crurum scarrificationem, atque venæ sectionem maximam esse convenientiam, ac similitudinem.

A L P I N U S.

SANGUINIS vacuationem per crurum scarrificationem factam, Sei, quæ venæ sectione fit, admodum similem esse cognoscitur. Quantitas enim sanguinis per hujusmodi scarrificationemeducta vel eadem omnino est cum ea, quæ vena aliqua secta educitur, vel saltem ei proxima: libras sanguinis ista scarrificatione vacuari à nobis nuper dictum est, non minusque Oribasium in seipsum ex seipso eam sanguinis copiam crure scarrificato eduxisse: Galenumque exinde in comm. 2. Aphorism. dixisse vacuationem per malleolorum sive crurum scarrificationem præstitam, proximam ei esse, quæ fit per venæ sectionem. Simili etiam modo & sanguinis quantitas per eam scarrificationem, non secus quam ex vena secta sensim ac sensim sanguis effluit, lente & absque ulla violentia benigne balnei ex dulci aqua

Aph. 14.

calefacta parati adjumento educitur. Quomodo naturam sæ-
 pissime critice, ut verbis utar medicorum, sanguinem externe
 re cernimus: atque hinc sanguinis vacuationem, tum quæ per
 venam sectam fit, tum quæ nuper dicta hac scarrificatione per-
 hibetur, proficuum ægrotis esse, quod prorsus à natura factam
 imitetur, existimo. Quemadmodum etiam ex purgationibus
 eas ægrotis esse valde proficuas dicimus, quæ naturæ optimas
 excretiones imitantes nulla violentia vel corporis molesta com-
 motione lædenti humoris redundantiam ejiciunt. Cujus rei
 signum esse ægrotos purgationes leviter perferre, Hippocrates
 in 1. lib. aphorif. nobis prodiderat. **GUILLAND.** Dubia hæc
 veritas haud parum multis visa est, neque immerito de ea quan-
 titate sanguinis, quæ educitur crurum scarrificatione: etenim
 quæ ratio est, quamobrem à cute crurum scarrificata plus quam
 ex aliarum partium scarrificatione sanguinis copia major educi
 ac vacuari debeat? Certe nulla, quando dorsi cutis multis ve-
 nis referta eandem copiam scarrificata exhibere queat, ut hinc
 scapularum venas scarrificatas iecorariæ venæ vicarias Arabes
 dixerint: ex quibus non videtur crurum scarrificatio quantitate
 sanguinis venæ sectioni proxima, vel saltem aliæ etiam partes
 corporis scarrificatæ eandem copiam sanguinis exhibentes venæ
 sectioni itidem proximæ erunt. **ALPIN.** Memini alias de hac
 eadem quæstione nos verba fecisse, remque plane sic absolvisse
 quia suræ ceteris aliis cutaneis partibus, tum numerosiores ve-
 narum ramos, tum grandiores obtinent: ex quibus scarrifica-
 tionibus multis venis dissectis copiosior, quam ab aliis corpo-
 ris partibus scarrificatis sanguis exit. **GUILLAND.** Verum dicis,
 neque immerito; cum Gal. crurum hanc scarrificationem sem-
 per venæ sectioni facultate vel utilitate proximam tradiderit;
 ait enim plenitudinem corporum ipsam fere, ut venæ sectio,
 tollere. Cujus loca nunc, in quibus hoc nos docuit, audire
 non erit inutile: ex quibus clare cognoscemus quanta apud Ga-
 lenum fuerit inter scarrificationem hanc & venæ sectionem si-
 militudo ac in juvando affinitas. **ALPIN.** Exopto illorum lo-
 corum auctoritate, veritatem hanc ex te confirmari. **GUI-**
LAND. In lib. 2. Aphorif. Hippoc. ut alias etiam est, hæc ad

unguem verba scripta reliquit, dicens: *Evacuatio omnium humorum æqualiter, quæ quidem exquisitissima est, fit per venæ sectionem, proxima autem huic illa est, quæ fit per malleolorum scarrificationem.* Quod non minus clare etiam in libro 4. de sanit. tuenda confirmavit iis profecto verbis ita posterorum memoriæ traditis: *Nam virium robore constante si lassitudo adhuc infestat, existimandum est, cum sanguinisne copia, an cum crudis ac minime coctis humoribus, an per se solus consistat vitiosus humor, qui lassitudinem creet: Nam si cum sanguinis copia, aut vena incidenda, aut aliquid, quod tantundem valet, agendum. Sane tantundem possunt hæc, quibus hæmorrhoides sunt retentæ si has aperueris, si mulieri menstrua consuetudo cessavit, hanc si provoces: si horum nihil est, malleolos scalpello indicas.* Et in lib. 13. meth. med. *Cogimur ergo alias sanguinem mittere, idque aut vena incisa aut menbris iis quæ læsa non sunt scarrificatis, manu enim laborante scarrificabis crura: altero crurum male habente, reliquum. Has namque evacuationes indicat ipsa copia, sicuti etiam succorum vitium redundantis succi purgationem.* Idemque etiam in lib. de Hirud. revuls. si tamen is Galeni liber existit, proditum est, atque hisce verbis. *Si qua exuperans materia in corpore minuenda est, atque ob id exuperantia illa oriatur, quod materia ipsa, quæ emitti solet, supprimatur, scarrificatione utimur.* Hæc eadem fere apud Oribasium ex Apollonio, Antyllo, & à semitipso leguntur: quæ cum alias, tum relata sint, tum quia quisque apud Oribasium ea legere poterit, repetere nolumus, exceptis iis, quæ Oribasius de seipso memoriæ prodidit, quæ ita instituto nostro quadrare videntur, ut nos ea audire fas esset. Quæ sunt hujusmodi: *Et sane dum pestilentia vehemens Asiam deprehendisset, multosque perdidisset, meque etiam morbus attigisset, secunda morbi die remissione febris facta, crus scarrificavi, duasque fere sanguinis libras detraxi, hacque de causa periculum vitavi. Plerique igitur etiam alii hoc præsidio usi superstites evasere: erant enim plenitudinis signa, illique præcipue salvabantur, qui sanguinem copiosum exhauriebant.* ALPIN. Hæc sufficiunt ex Galeno, Apollonio, Antyllo, Oribasio, pro demonstranda hujusce scarrificationis malleolorum cum venæ sectione con-

Cap. 4.

Cap. 4.

In lib. de
cucurb.
Cap. 19.

venientia, hætenus demonstrata. Ex quibus omnibus conspicuum fit, hanc scarrificationem vicariam esse venæ sectionis, quando si quod est, quod ex præfidiis vacuatoriis, ad venæ sectionem prope accedat, hoc unum scarrificatio malleolorum est, cum nullum aliud ex vacuatoriis præfidiis ad sit, quod ea proximius ad venæ sectionem accedere queat. GUILAND. Res conspicua videtur ex Galeni aliorumque Græcorum medicorum monumentis, sed difficillimum est, multis pro vicario auxilio cucurbitulas, cum scarrificatione applicatas substituentibus, istud posse suaderi: quæ res nobis non levem ansam præbuit altius eorum sententiam spectandi ac judicandi, ne tam grandis error, tam alte in multorum medullas defixus, non sine aliqua ægrotantium jactura ulterius progrediatur.

C A P. VII.

An crurum scarrificatio vicaria sit venæ sectionis.

A L P I N U S.

MALLEOLORUM scarrificatio an non venæ sectionis vicaria erit affirmanda? cum nullum evacuans præsidium & proximius ex Galeni aliorumque priscorum medicorum monumentis, esse hætenus cognitum sit: equidem non video cur in hac assertione nos jure quis reprehendat, etsi plures etiam gravissimi medici fuerint, quibus alia præsidia pro sectione venæ substituenda magis placitum est: Quorum alii scarrificatas cucurbitulas pro tali vacuanti auxilio substituere, atque alii hirudines non modo hæmorrhoidibus, verum etiam aliarum partium venis appositas, quemadmodum sæpe in pueris, quibus ex eorum sententia cum merito, ut superius à nobis dictum est, missio sanguinis alia via prohibita sit, sanguinem hirudinibus alicui venæ appositis mittere non displicet. Scarrificatas cucurbitulas pro sectione venæ substituentes: quibus rationibus, atque auctoritatibus moveantur alias à nobis proditum est. Quas etiam præsentis occasionis causa itidem repetere non gravabor,
ex

ex quibus hujus propositi ratio clarius innotescet. Ajunt siquidem cucurbitulas, mediis scarrificationibus administratas, non secus quam venæ sectio, vel saltem proxime, ad venæ sectionem accedere, ut sanguinis optatam copiam evacuent, præsertimque scapulis applicatas: quas venas ab Avicenna edocti, jecorariæ venæ vicem gerere affirmant: sanguinis multam copiam evacuari nobis dubium non est, atque ab ea etiam totum corpus inaniri, ex quo dubium cui erit, ipsas vicem gerere venarum sectionis posse? certe nemini latet omnes Arabes clarissimos medicos huic opinioni fuisse addictos, præsertimque Avicennam, qui dixit, cucurbitas cruribus appositas minutioni esse proximas; & ex Latinis Celsus magni nominis medicus manifestissime post venam sectam usum cucurbitularum celebravit; ex Græcis vero Paulus Simia Galeni appellatus, nusquam scarrificationis crurum meminit, vacuationem vero laudare videtur, quæ applicatis cucurbitulis cum scarrificatione procuratur. Quid igitur? à prædictis rationibus, atque à gravissimis illis medicis dissentiemus? GUILAND. Præterea ex Galeno etiam crurum huic scarrificationi objicientes, per eam fieri posse totius corporis perfectam evacuationem, negant: quando non quamlibet humorum redundantiam ea tollat, neque cujuslibet humoris: neque in quolibet habitu fieri debeat, & ut paucis dicam, tantummodo ubi cum vacuatione ad partes inferas trahendum sit, utilem istam crurum scarrificationem censent. Gal. enim in lib. de hirud. revul. cucurb. de ea agens, inquit: *Corporis partes scarrificandæ sunt, quæ phlegmone vel duritie urgentur, quæ vel tensæ fuerint, vel dolore aliquo affliguntur: quæque fluxionibus vexantur, ubi eæ ipsæ fluxiones desierint: aut cum acrem materiam subesse viderimus, seu vis aliqua venenosa extrinsecus illata fuerit: præterea si ab altera ad alteram partem deducere materiam volumus, sicuti scarrificatis cruribus, affecto capiti medemur: Sique exsuperans materia in corpore minuenda est, atque ob id potissimum exsuperantia illa oriatur, quod materia ipsa, quæ emitti solet, supprimatur, scarificatione utimur.* Atque in lib. de curan. rat. per sang. miss. Gal. dixit crurum scarrificationem solis albidioribus corporibus, exilioribus venis, atque tenuiori

Cap. 4.

Cap. II.

sanguine præditis conducere, minimeque nigriores latiores venas ac sanguinem crassiores præ se ferentibus. Ibidemque non omnem sanguinem scarrificationem hanc vacuare, sed solummodo tenuiorem. Hæcque ei scarrificationi isti objiciunt. ALPIN. Ab Ægyptiis igitur nos dissentire, atque abscedere hæc hortantur: Quod tamen faciendum non puto, quando ipsorum veriore sententiam putaverim. Neque ipsi carent rationibus, quibus scarrificationem hanc probe tueantur, atque ab illorum machinis variis oppugnatam defendant. Superius à nobis demonstratum est scarrificationem hanc majorem sanguinis copiam vacuare, quam cucurbitulas, neque immerito, cum illa sanguis calenti aqua dulci educatur, quæ cutem laxat, sanguinem attenuat, atque attrahit: & cucurbitulæ neque sanguinem attenuent, neque cutim ac venas relaxent, quinimo magis ex sanguine educto, in ipsiisque contento ac paulo post coagulato, cutim stipandi, sanguinisque fluxum sistendi non parva occasio datur. Fallumque etiam hoc esse experientia à quoque in utriusque remedii usu exercitato, comperitur: quando plurimæ sanguinis libræ isthac præstita scarrificatione facile, ut volumus, educantur, quod non ita certo de cucurbitulis affirmari potest. Divineque hinc Galenum docuisse in 2. lib. aphorism. pro vacuanda corporum plenitudine, crurum scarrificationem proximam esse venæ sectioni, vel melius sanguinis vacuationem illa effectam scarrificatione proximam ei esse, quæ fit per venæ sectionem, quippe copia, vel quantitate sanguinis, quæ vacuatur, sunt admodum similes, ut paulo superius dictum est. Qua causa Gal. cum Apollonio, Antyllo, Oribasio, scarrificationem hanc humorum exuperantiam tollere nobis prodidit, cucurbitulasque non nisi prius toto corpore vacuato; minimeque ante totius vacuationem medicos his uti debere: in lib. enim 13. meth. med. de illa ita scripsit: *Cogimur ergo alias sanguinem mittere, idque aut vena incisa: aut membris iis, quæ læsa non sunt, scarrificatis: manu enim laborante, scarrificabis crura: altero crurum male habente, reliquum. Has namque vacuationes indicat ipsa copia, sicuti etiam succorum vitium, redundantis succi purgationem.* Atque in 4. de sanit. tuenda, idem docuisse visus est,

est, tantundem valere scarrificationem hanc, ut venæ sectio. Atque Orib. in lib. 7. hoc identidem meminit. Cucurbitulis vero Gal. scarrificatis aliter sentit; in lib. enim de curan. rat. per sang. miss. tradidit eas non esse accersendas, nisi prius totum corpus probe vacuatum sit. Quamobrem vero istud? nisi quia hæ debitam ac exoptatam sanguinis copiam, ut ea facit scarrificatio, non evacuant? Præterea violentia etiam ipsæ sanguinem attrahunt ab universo corpore, ut superius dictum est. Quo motu non videntur sectionem venæ in molienda evacuatione recte imitari, quæ non violentia, sed paulatim, sensimque ac sensim fit. Quo sane modo eam crurum scarrificationem vacuare sanguinem dulcis aquæ calentis balnei adjumento, paulo ante à nobis proditum est. Sed ad ea, quæ huic illi objiciunt respondere consentaneum est, atque ad id, quod in primis afferunt, quippe illam non cujuscumque humoris, vel sanguinis exuperantiam tollere posse, sed tantum sanguinis tenuioris, idque ex Galeno in lib. de curan. rat. ubi dixit, in corporibus crassiori sanguine exuperantibus magis præstare venæ sectionem, quam crurum scarrificationem. At hi, qui ex hoc loco oppugnationem aggressi sunt, non recte videntur Galeni mentem assecuti, quando ipse non negarit, per hanc scarrificationem non posse in mulieribus, quibus menstruæ purgationes suppressæ sint, etiam crassum sanguinem vacuari, quod fieri utique posse non videtur à ratione remotum, quando calido balneo sanguis crassus utique attenuari queat, quod ab Avicenna etiam in lib. 1. proditum est. Sed affirmavit in hujusce sanguinis redundantia, vacationem commodius fieri per venæ sectionem posse, quam per scarrificationem, atque idcirco illam scarrificationi præstare; veluti neque negat ibidem venæ sectione posse utique tenuiorem sanguinem vacuari, sed commodius quam per venæ sectionem scarrificatione vacuari posse; dixit enim: *Porro quæ ex mulieribus albidiores sunt, sanguinem acervare tenuem solent: quocirca adhibitis malleolorum scarrificationibus maxime juvantur. At quæ nigriores sunt, secta vena curato: & paulo post: Carnosis vero & candidis parvæ insunt venæ, quibus malleolos scarrificare quam venam secare præstiterit, quippe cum hæ parvas in cruribus*

Cap. 19.

Cap. 11.

fen. 4.
Cap. 21.

ribus venas habeant: itaque etiamsi probe secantur, quod justum tamen sit, non profluat. Hic enim Gal. sibi proposuerat tollendam esse sanguinis plenitudinem, ex suppressis mensibus in mulieribus ortam, pro qua missionem sanguinis copiosam utilem supponens, atque ideo fore moliendam à venis crurum solummodo, ut simul & semel plenitudinem vacuando, mensibus naturalem etiam motum reddat: considerabat an scarrificatis à cruribus, vel à crurum perfectis venis melius esset eam moliri, ita ut ea vacuanda sanguinis copia commodius vel uno, vel altero modo educeretur; proinde in cruribus amplioribus venis refertis, atque in crassiori sanguine redundantibus etiam tuto per aliquam crurum sectam venam, facileque educi posse, & in iis, quibus venæ crurum sunt parvæ, sanguisque est tenuior, non nisi scarrificatis cruribus, quoniam & difficillime hæ cum parvæ sint, secari possunt, atque ab una etiam exsecta, minime postulata sanguinis copia vacuatur. Idcirco plurimas in cruribus scarificandas jure censuit. Qua in re interim venam sectam præfert scarrificationi, atque interim hanc venæ sectioni. Neque ex his colligi potest, scarrificationem hanc non posse sanguinem crassiolem vacuare, quoniam surarum venæ non ita parvæ existunt, ut in aliis partibus corporis cernuntur, sed ea scarrificatione profundius facta, venarum crassiores rami secantur, calidique aquæ dulcis balnei crassities sanguinis absque dubio attenuatur, ipsaque fluxilis redditur: & afferentibus scarrificationem hanc non esse idoneum instrumentum ad vacuandum crassiolem sanguinem, è contra dicemus, nos quoque eodem modo se habere venam sectam ad tenuiorem sanguinem, in exilibus venis contentum ducendum; nam ut dicebat Gal. etiam ab ea recte secta ejus justa copia non diffluet: mirumque hinc non est, si Galenus in albidioribus corporibus sectioni venæ scarrificationem præferat, atque in nigrioribus, amplioribusque venis à natura donatis venæ sectionem. Ex suppressione vero mensium exortæ plenitudini hanc scarrificationem maxime conducere certum est, ut à viro excellentissimo ex multorum sententia proditum est; atque etiam non minus id Galenum in lib. de Hirud. revuls. scarif. nos docuisse; sed quod ob id plenitudinem

tan-

tantum, à nuper dicta suppressione menstruarum purgationum ipsa tollat, minimeque aliam ab aliis causis ortam, falsum plane ex Galeni mente existit: etenim ipse non absolute in supradicto ejus libro tradidit, hac tolli plenitudinem ex suppressis purgationibus uteri ortam, sed plenitudini præcipue conducere, quod ex ejus verbis plane manifestum videtur. Neque id injuria, cum hæc scarrificatio præterquam quod evacuat, etiam revocare interceptos menses soleat: quinimo in lib. de curand. rat. per sang. miss. ad revocandos menses præsentaneam esse scarrificationem illam statuit. Verum siquidem est, hanc præter vacuationem sanguinis, quam præstat, etiam ad inferas partes sanguinem trahere: quod ex Galeni supra recitatis verbis plane constat; quæ hæc existunt: *Neque enim profecto proroganda in his vacuatio est, non tamen necesse est illis venam scindere. Quippe cum malleolorum scarrificationes superfluitati, quandoque evacuandæ satis esse queant, quæ & alioqui hoc etiam habent, quod mensium vacuationem ciere possunt, sicuti etiam in malleolis ac poplitibus incisæ venæ.* Quamobrem ex Galeni sententia potest isthæc malleolorum scarrificatio non modo nuper dictam humoris redundantiam tollere, sed quascumque alias, quas venæ sectionem abigere scimus. Quod quidem ex verbis ejusdem Galeni in 4. lib. de tuenda sanitate alias etiam recitatis cognoscitur; Nam ipse scripsit: *Nam si cum sanguinis copia, aut vena incidenda, aut aliquid, quod tantundem valet, agendum. Sane tantundem possunt hæc, quibus hæmorrhoides sunt retentæ si has aperueris, si mulieri menstrua consuetudo cessavit: hanc si provocas: si horum nihil est, malleolos scalpello incidas.* Quam scarrificationem plenitudinem quocumque modo obortam tollere posse Gal. ut nuper dictum est, multis prodidit in locis, quæ jam à nobis antea commonstrata sunt, in quibus ait, hanc ad minuendam sanguinis exuperantiam proxime accedere ad venæ sectionem; neque ut de cucurbitulis sæpe ab ipso dictum est, ipsam egere alia vacuatione, vel post totius corporis factam evacuationem esse administrandam voluit: ex quibus quanto in errore versentur cucurbitulas scarrificatas venæ sectionis vicarias facientes, satis cuique manifestum erit,

Cap. 4.

cum has semper post vacuationem totius locum habere ipse in lib. de cur. rat. per sang. miss. aperte prodiderit. **GUILAND.** Ita probe adversus scarrificationis calumniatores rationibus te existi, ut non difficile sit, me in tuam venisse sententiam. Hoc tamen verum est, perpetuo hujus scarrificationis proprium esse, simul vacuando ad crura etiam attrahere, quod certe ab ea seperari non potest; nequit enim hæc scarrificatio sanguinem vacuare, & ad inferas partes è supernis exinde evocatum etiam non attrahere: non semper vero illa attractione est opus, atque, ut paucis rem nunc colligam, malleolorum hanc appellatam scarrificationem evacuans est, revulsorium, atque etiam simplex revulsorium, ubi scilicet non multus eâ sanguis vacuatur; vacuatorium atque revulsorium simul, ubi plurimus. **ALPIN.** Verum prædicas, sed quid, quæso, mali est, scarrificatione hac evacuando, etiam à nobilioribus partibus ad ignobiliores humorem avellere, præsertimque in febribus putridis, malignis, pestilentibus, in quibus plerumque superiora membra noxiis succis infestantur, caputque potissimum, vigiliis assiduis, diuturnis somnis, deliriis, & doloribus, quibus quanti adjumenti auxilium futurum sit, quod plenitudinem vacuando simul ad crura partes ignobiles etiam attrahat veneficos succos, aliis judicandum libenter relinquo? Quinimo tantæ esse in his morbis tollendis, utilitatis judico, ut omnium ad præstandum celeberrimum sit remedium, quando ipsum cum evacuet exuperantium humorum, tum à supernis nobilibusque partibus ad infernas ignobilesque noxios humores attrahat. Hinc admirari **Oribasium** tantum medicum non debemus, qui ex seipso ea adhibita scarrificatione, ut à peste, qua vexabatur, periculum evitaret, sanguinis vacuationem pertentasse, hocque auxilio multos alios à peste vexatos liberasse, cum illo plenitudinem dempsisset atque ad crura veneficum humorem attrahendo sine corporis multa commotione, viscera ab infestatione humoris liberaret. Rectissimeque hac ratione arbitror tunc **Ægyptios** se gerere, qui ad eorum, qui peste infecti sunt curationem, à scarrificatis cruribus plurimum sanguinem mittere consueverint. Sed tempus est, ut priusquam ad alia transeamus, in hac scar-

rificatione constituenda, modum prius observemus, quo crura Ægyptii scarrificant, atque quomodo sanguinem demunt. Quod nihil aliud erit, quam modum ab iis crura scarrificandi discere. GUILAND. Probe; idque ut facias, tempus ipsum suadet.

C A P. VIII.

*Quomodo Ægyptii crurum scarrificationem exer-
ceant, atque administrent.*

A L P I N U S.

Ægyptii à curibus scarrificatis sanguinem mittere volentes, in primis furas multum perfricant, paululumque retractant, & mox in vas aqua dulci calida plenum collocant, easque multum ac sæpius calenti ea aqua irrorantes, manibus, atque arundine modice percutiunt, quas perfricatas pertractatasque, ac ita verberatas, calidaque aqua incalefactas sub poplite arcte zonula coriacea ligant, atque à ligatura etiam calida aqua sæpe eas calefacientes, manibusque ac arundinis frusto rursus sæpe ac valide totam furam verberantes, eam tandem summo rubore afficiunt, quo valde adaucto, partem non parum exinde obstupefaciunt, ne ex scarrificationibus ægroti prævalidum dolorem tunc sentiant. Alterius cruris itaque primo furam rubore multo suffusam ac affectam, non minusque cum magnitudinem adeptam, tum fere obstupefactam usque ad medietatem à malleolo incipendo summam usque eminentiam, vel crassitiem multis longis ac profundis incisionibus, æqualibus interstitiis ordinatim per musculorum longitudinem non κατὰ πληγὴν, id est, per percussiones, sed κατὰ σύρμῶν, id est, per tractum cultro factis, scarrificant, ab illisque scarrificationibus finunt sanguinem exire aquæ calentis, qua creberrime suræ irrorantur, & asperguntur, adjumento; cum vero voluerint scarrificare furam, inferne trahentes, valide distendunt, ut cutis commodius scarrificari queat, aliquando etiam difficulter ac in modica quantitate manantem sanguinem adjuvant manibus, arun-

dineque sæpe eas verberantes, sanguinisque copiam metiuntur expenduntve, observata scilicet aquæ cruentatæ copia, ut nostri etiam in sectionibus venarum pedis facere solent, vel accuratius æqualibus temporis intervallis dorso cultri egressum, atque concretum sanguinem abstergentes à fura scarrificata: itaque singulis vicibus abstergere unciam sanguinis observant. Quæ quidem ratione copiam educti sanguinis rectissime ipsi conjiciunt. Interea alii ambas furas scarrificant, atque ab iis sanguinem mittunt, & alii ex uno tantum crure, ubi partem quampiam particularem respiciunt, ubi vero simpliciter profacienda sanguinis vacuatione, absque alicujus visceris læsi, revellendi causa, respectu, semper ex utroque crure scarrificato sanguinis vacuationem comparant, ubi vero vel ex jecore, vel ex alia parte inflammata, aut quopiam dolore cruciata, vacuando simul revellere volunt, ab uno crure solum sanguinem ducere student. Numerus vero scarrificationum, atque magnitudo apud varios medicos varia etiam constituitur: siquidem alii usque quadragenas faciunt, alii viginti, alii plures, aliique pauciores. Plerique vero in viris ætatem perfectam agentibus circiter triginta infligunt, atque in pueris circiter viginti. Qui plures faciunt, eas minores, & qui paucas, majores infligere solent: sunt vero qui in peste infligunt tres, aut ad summum quinque in furis non dicam scarrificationes, sed magna vulnera, quæ saltem quatuor digitorum latitudine per furam extenduntur, eamque ab evacuata sanguinis desiderata copia, apertam, usque dum à febris immunis evaserint, adservant, illisque quotidie medicamentis attrahentibus medentes, succos veneficos exinde vacuare conantur. Auxilium in iis morbis summæ efficaciam, sed admodum barbarum exceptum est. Incipiunt vero scarrificationem ab inferiori parte, ubi tendones musculorum defierint, quippe in principio malleoli se extendentes, usque ad cruris majorem crassitiem, quæ paulo supra furarum medietatem terminat. Incisionesque, ut etiam dixi, ordinatas, æqualibus spatiis interstinctas, atque cultri tractu, furæ infligunt. Hicque est modus, quo crurum furarum scarrificationem Ægyptii moliuntur. GUI-

LAND. Habeo tibi multam gratiam, qui ita clare me modum, quo crura Ægyptii ad missionem sanguinis scarrificant, edocueris: is autem non videtur diversus ab eo, quo prisci medici olim utebantur. Quod ex Antyllo facile conjici potest (qui ita referente Oribasio, de hac scarificatione olim scribebat;) *Et sane pars, quæ scarrificari debet, prius, si fieri potest, lavanda est: sin minus aqua tepida, quousque rubesciat est perfundenda, aut spongiis fovenda, aut soli ignive exponenda, ac postea scarrificanda: & paulo post: Magnitudine porro inter sese sint æquales incisiones, & quæ inter eas sunt intervalla, inter sese æqualia sint: Scarrificationisque initium ab infernis partibus sumatur: ita enim sanguis ad superficiarias partes decurrens, eam, quæ scarificari deinceps debebit, non obscurabit. Incisionum situ per æquales inter se ordines fiat. Scarrificatio autem non κατὰ πλὴγῶν, id est, per percussiones, sed κατὰ συρμὸν, id est, per tractum est facienda: hoc enim pacto citra dolorem fiet.* Numerum, magnitudinem, scarrificationum, atque ligaturam, ut quod cuique suis temporibus fit notissimum, omiserunt: de vapulatione vero vel percussione suræ scarrificandæ, quæ apud illos populos arundine fit, quod & apud Hispanos pro hac facienda scarrificatione ad unguem observari Amatus Lusitanus in suis Centuriis tradidit, nihil meminerunt, quam cum ad trahendum sanguinem, tum ad stuporem parti scarrificandæ obducendum, inventam Ægyptios fateri audio: de magnitudine vero illarum scarificationum quod ex te relatum est verissimum judico: quippe eas esse longas, ac profundas, longas quidem digiti crassitie, & profundas usque quo etiam carnem attingant, ac feriant: parvæ enim, quæ communiter apud plerosque medicorum in epidermidem vel ad summam cutem, quam nec perforant, quidem, perveniunt, paucissimam evacuationem præstant. Quod ex Galeno confirmari videtur, in lib. 2. ad Glauc. ita scribente:

Cap. 7.

Tentavi autem sæpius plurimas, & valde tenues in superficie scarificationes: contrario autem his modo alias profundiores magnas: & tertias, quæ medium tenebant in longitudine, ac profunditate. Quæ igitur in superficie fiebant debile auxilium afferebant; quæ vero longæ erant, ac profundæ, plurimum quidem sanguinis exhauriebant,

bant, adeo, ut fere animi defectum afferrent: Rursus vero ipsæ propriam curationem veluti vulnera exigebant. Hincque mixari non debemus, si illi medici cruribus eo modo scarrificatis quantum volunt sanguinis detrahunt, cum ipsi longis, ac profundis utantur scarrificationibus. ALPIN. Longas ac profundas crurum esse scarrificationes, quas ipsis pro vacuatione infligere solent, verissimum est. Vacuato sanguine, atque recte cruribus absterfis, manuum volis oleo sesamino, vel sebo inunctis per longum, valide supra scarrificationes inferne manum trahendo comprimunt, ut vulnerum labra probe uniantur, mox gossypio undique aptato, arcte linea fascia totum scarrificatum crus ligant, indeque post tres dies ligaturam solvunt, omniaque abigunt. GUILAND. Insigni dolore dum scarrificantur homines affligi debent, cum hæc scarrificatio non nisi multis ac profundis incisionibus conficiatur. Durum atque perdifficillimum erit, hic ob doloris timorem istud auxilium in usum revocari. ALPIN. Suras, dum eæ scarrificantur, dolere dubium non est, sed prævalido dolore, ut putas, atrociter vexari nequaquam verum est. Nam dolor multus esse non potest, tum, ut dixerat Antyllus, quia scarrificatio tractu fit; tum maxime quod priusquam crura scarrificentur, & aquæ calidæ perfusionibus, & crebris factis in illam vapulationibus, ac arundine percussionibus, stupefcit, sensuque illo insigni destituitur. Testes multi mihi esse poterunt multos pueros, quibus sanguinem eo modo vacuare curavimus, dum scarrificarentur, ullos vel parvos ploratus edidisse. Hoc unum priusquam hinc abeam, monere volui, quippe crura scarrificata arctissime, ac omni sedulitate devincienda esse, ut incisiones statim rectè coalescant, & sanentur. Aliter enim ni summa diligentia simul unirentur factæ scarrificationes, periculum esset, ne ægrotus, cui per hunc modum missus fuerit sanguis, citius à morbo sanetur, quam eæ scarrificationes coalescant, atque pristinæ unioni restituantur.



C A P. IX.

*In quibus morbis usus crurum scarrificationis, apud
Ægyptios frequentetur, atque in quibus
corporibus.*

G U I L A N D I N U S.

ÆGYPTIOS ad hanc scarrificationem pro tollenda sanguinis plenitudine, veluti ad sacrum quoddam auxilium recurrere ex te audio, præsertimque in ægrotis pueris, eunuchis, atque in aliis pinguioribus hominibus. Præcipuos vero morbos, qui illa vacuatione juvantur, te mihi referre cupio, expectoque nunc ut de his loquaris. ALPIN. In omnibus febribus putridis in principiis uberiores sanguinem hac via demunt. In puerisque nullum remedium apud eos est, eo usitatus, atque magis expertum, ut paulo post dicam. Hujus itaque præsidii usus frequentissimus est, ad omnes putridas febres, quibus sanguinis per venam sectam convenisset evacuatio, quandoquidem vires prædebilitate minime patiuntur, potissimumque in continuis, acutis, malignis, atque pestiferis. Hoc enim auxilium parum vires labefactando maximam ægrotis adfert utilitatem, quoniam simul evacuando, plenitudinem à nobilibus partibus, ad ignobiles noxios humores avellit, caputque ex hac scarrificatione maxime juvatur, ita, ut non facile sit vel in vehementes, assiduosque dolores, vel diuturnas vigilias, vel deliria, vel phrenitides, vel in alia symptomata ab hujusmodi vacuatione ipsum incidere, neque eo modo vacuatis, ita facile hypochondria tenduntur ac inflammantur, neque ita sunt obnoxii inquietudinibus, cordisque angoribus, respirandi difficultatibus, aliisque viscerum læsionibus, quæ in febribus acutis, malignis, pestiferisque. Mirifice igitur in his febribus id auxilii prodest, quando liberet internas partes, noxios succos ad crura trahendo. Quid quæris? noxium humorem à nobilibus partibus, ad ignobiles protrudere, motus est similis ei, quem sæpe naturam criticè

tice facere observamus, dum à visceribus detrudit humores ad partes ignobiles; perpetuo etenim ipsa non potest humores vel consumere resolvendo per halitus, vel foras rejicere: interim fat ei est, humorem à visceribus ad quasdam ignobiles partes detrudere, veluti iis contingit, quibus post longas febres tumores in cute fiunt. In omnibus verò internis inflammationibus frequentissima ac tutissima isthæc scarrificatio est. Certis anni temporibus puerorum multitudo epidemice glandularum fauciumque inflammationibus vexatur: pro quo expellendo malo in omnibus pueris, infantibusque etiam istud auxilii genus exercent: etsi infantibus multi hujus vice aures, ut superius dictum est, scarrificent. In peste ad hanc sanguinis vacuationem tanquam ad sacrum, & divinum auxilium confugiunt: neque immerito, cum, ut nuperrime dictum est, hac scarrificatione tum plenitudo minuatur, tum ad ignobiles partes à nobilibus noxii humores attrahantur. Quare quid dicam, de frequentissimo usu hujus scarrificationis, quæ tribus vel ad summum quinque scarrificationibus, longis tamen ac profundis, speciem vulnerum præ se ferentibus in peste administratur, quæque non solum in principio copiam sanguinis tollit, sed toto morbi tempore, cum hæ apertæ reserventur, perpetuo noxios succos ad eam partem accersit, atque vacuat, quod in curanda peste nihil utilius, desiderabiliusque esse putarim? **GUILAND.** Remedium præ dolore barbarum, atque fortasse hinc abhorrendum; neque injuriâ, tamen in peste ipsum laudandum censeo, quando ipso venenum à visceribus evocetur ad ignobiles partes, atque per eas perpetuo evacuetur. Quemadmodum illi, qui in peste, pestiferisque febribus, vesicantibus uti consuecunt, ut excrementa per eas partes ulceratas effluant, ita non esset improbanda illarum scarrificationum vel melius vulnerum evacuatio. Sed perge dicere in quibus corporibus utantur hac crurum scarrificatione. **ALPIN.** Usus hujusce scarrificationis evariant corporum ætas, sexus, habitus, atque temperies. Ætas enim huic auxilio accommodata est infantia, pueritia, juvenus, atque ætas senilis. Infantes vix annum nati ad hoc auxilium ab iis admittuntur: usque adeo pueris familiaris est, crurum scarrifi-

catio, ut mulieres, pueros à ploratu firmare volentes, eos deterreant, dicentes se velle accersire scarrificatorem, quem illi Mezaim appellant. Quo audito pueri subito silent. Eo autem auxilio medici non nisi in pueris magno morbo correptis uti deberent, quia eorum præmollia, humida, ac summe calida corpora non sunt ita temere vacuanda, quando ipsa suapte natura sive ex se continuè vacuentur. Quæ noxam etsi non cito, tamen post longum tempus sentiunt. Hinc plerosque illiusce gentis crura ac pedes habere imbecillos existimo, in plerisque enim crura edematosa, ac male affecta spectantur: non immerito, cum Ægyptii ex quacumque causa, minimeque semper ex magnorum morborum occasione, in pueris per hanc consuetam scarrificationem largius sanguinem mittere consuescant. In juvenibus etiam atque senibus scarrificationem hanc exercere cernuntur: jure id quidem, cum in illis corporibus ob redundantiam sanguinis tenuioris, atque ob virium debilitatem ex Gal. hic modus evacuationis sit opportunissimus: in lib. 9. meth. med. docente, eorum corporum substantia omnium facillime digeratur, atque resolvatur, quæ est omnium humidissima. In senibus vero vires per se imbecillas esse nemo ignorat. Quamobrem in ipsis merito scarrificatione hac potius quam venæ sectione utuntur, qua corpora admodum resolvi, & debilitari Gal. in lib. de hirud. revuls. testatum reliquit. Promptam etiam habent hanc scarrificationem in variis temperamentis, in calidis scilicet, atque humidis, in frigidis & humidis. In ficcis vero eam abhorrent. Eodem modo pro ea seligunt corpora pingua, mollia, & laxa, mulieresque atque eunuchos exinde ea scarrificatione vacuare solent. GUILAND.

Recte sane, cum omnia hæc corpora sanguine tenuiori sca-

Cap. II.

Cap. 7.

teant, qui facillime, ut docebat Galen. paulo supra citato loco, hujusmodi scarrificatione vacuatur quoniam ea corpora minimas venas habent, quas etiam si quis recte fecet, Galeno docente, iusta sanguinis copia non profluit. Itaque calidi & humidi, & frigidi ac humidi recte ea via vacuantur, atque quam per venæ sectionem magis tuto, quando utraque corpora sanguine tenuiori exuperent, qui facile per scarrificationem vacuatur: iis adduntur pingues ac molles, ut eunuchi, atque mulieres multæ, quæ omnia sanguine tenuiori prædita sunt. Calida vero & humida, molliaque corpora facile ex quacunque vacuatione resolvuntur, eaque causa non tolerant per venæ sectionem præstitam evacuationem, quoniam nimium ab ea debilitantur, ob idque recte Ægyptios se gerere arbitror in his corporibus, dum usum scarrificationis venæ sectioni præponunt: frigida vero & humida, qualia sunt mulierum multarum, eunuchorum, & senum si vacuando sunt, non nisi hac via, ne immodice refrigerentur docuit Gal. in lib. de hirud. venæ sectione corpora multum refrigerari. In siccis vero vel calidis vel frigidis, quando utraque crassiori sanguine abundare solent, idcirco per scarrificationem non recte vacuabuntur, ut dicebat Gal. his verbis: *Porro quæ ex mulieribus albidiores sunt, sanguinem acervare tenuem solent, quocirca adhibitis malleolorum scarrificationibus maxime juvantur, at quæ nigriores sunt, sectæ vena curato. Crassio rem enim sanguinem ac magis melancholicum colligunt, magis vero etiam si magnas habere venas appareant, quod illis accidit, quæ graciliores sunt ac nigriores. Carnosis vero & candidis parvæ insunt venæ, quibus malleolos scarrificare, quam venam secare præstiterit.* Sed his finem nunc imponamus, cum de ipsis satis superque dictum à nobis fuerit. Verum unum habeo in hac scarrificatione apud me valde dubium, de parte scilicet ex Galeni mente scarrificanda, deque ea quam hujusce temporis medici Ægyptii pro missione sanguinis scarrificant.

ALPIN. Nescio quid in ipsa amplius dubii habere possis, cum in ea, tum juxta Ægyptiorum usum, tum Galeni sententiam literis proditam manifestissimum videatur, suras esse scarrificandas. Sed ne tibi grave sit, hoc dubium clarius proferre, ut solutionem meditari possimus, cui nobis sit acquiescendum.

CAP. X.

An crurum scarrificatio in sura, ut Ægyptii faciunt, vel potius in malleolo, ut Gal. docuit, sit facienda.

GUILANDINUS.

QUINIMO ex Galeno hæc dubii occasio ortum habere videtur, quando ipse crurum scarrificationem particulatim dicat, malleolorum, esse, sive in malleolis fieri. Et Ægyptii in sura parte cruris carnosiori, Gastrocnœmia Græcis, ut Ruffus Ephesius tradidit, appellata, eam moliantur. Ex quibus illam crurum à Galeno celebratam scarrificationem, ab ea, quam medici illi frequentant, plane diversam esse non immerito à multis videri potest. Quando sura atque malleolus pars eadem cruris non sit: sura etenim, quamquam etiam de osse dicatur, cruris, posteriore, est venter cruris sive carnosus pars, inter poplitem atque malleolum media: malleolus vero, ut Gal. habet in lib. de sect. venarum, est imus processus tibia-rum, à talo incipiens in suramque desinens. Crurisque hæ partes existunt, quarum ex situ, atque divisione facile suræ atque malleoli differentia manifesta est. Ex Galeno cruris scarrificationem in malleolo faciendam esse probe ex ipsius verbis, variis multisque in locis manifestum sit. In lib. etenim 2. Aphorism. dixit venæ sectionem præstitæ vacuationi proximam esse, quæ fit per malleolorum scarrificationem: idemque in lib. de curandi rat. per sang. miss. & in 4. de sanit. tuenda testatum reliquit. Quære hinc jure dubitari possumus crurum ab Ægyptiis frequentatam scarrificationem, non esse illam, qua antiqui præclarissimi illi medici utebantur. Neque aliquis in malam Galeni verborum versionem causam referre poterit, cum ipse partem cruris scarrificandam nomine hoc quippe σφίρα signi-caverit. Quod ex Græca lectione commentarii lib. 2. Aph. qui omnium locorum præcipuus est, patebit; ibi etenim hunc

Cap. 8.

Aph. 17.

Cap. 18.
Cap. 11.
Cap. 4.

in modum scripsit: κένωσις δ' ὁμοτίμως ἀπάντων τῶν χυμῶν ἡμῶν ἀκριβεστάτη διὰ φλεβοτομίας ἐστίν, ἐγὼ δ' αὐτῆς ἢ τε ἀπὸ σχαζομένων τῶν σφυρῶν ὥσπερ ἡμῶν εἶθισαι. Per σφύρα autem omnem intelligunt imum tibiæ processum: quam partem Latini malleolum vocavere. ALPIN. Docta sane ac diligens dubitatio videtur, non tamen quæ possit, aut debeat aliquo pacto usum scarrificationis apud Ægyptios usitatæ derimere, vel damnare. Quod sane si etiam esset, ego potius cum Galeno errare vellem quam cum Ægyptiis si alia cruris in parte à fura diversa, scarrificationem faciendam intelligerem. Ille enim in comm. 2. lib. Aphorif. ait vacuationem malleolorum scarrificatione factam proximam ei esse, quæ fit per venæ sectionem: & in 4. de sanit. tuen. hanc in vacuanda plenitudine tantundem valere, ut venæ sectio: Atque in libro de curat. per sang. miss. eandem pro venæ sectione ad minuendam plenitudinem in mulierum corporibus adbidioribus laudat. Quæ res quo pacto vera erit, si malleoli scarrificabuntur? cum ab iis sanguinis paucissima quantitas educi possit, etiam si profundius incisiones infligerentur, cum ea pars excarnis, atque exanguis sit, nervis ac tendonibus tantum referta, ex quo illiusce partis scarrificatio cum summe dolorosa erit, tum periculo scarrificata minime carebit. Quamobrem huiusce partis scarrificatio ad revellendum præstans erit remedium; ad evacuationem vero nequaquam, cum ex ea paucissimus sanguis mitti, vel educi possit. Quo pacto igitur vacuationi per venæ sectionem absolutæ, quæ copiosus sanguis promanere potest, proxima erit? Dixit evacuationum omnium eam esse exquisitissimam, quæ fit per venæ sectionem, huicque proximam esse, quæ per malleolorum operatur, scarrificationem, quomodo autem erit proxima, si illâ sanguis paucissimus promanat, & vacuatio omnis quantitatem sanguinis respicit, veluti purgatio qualitatem? Nullo profecto pacto esse poterit proxima, cum non habeat, quod in vacuatione observatur, scilicet copiam sanguinis, quæ vacuatur cum vena secta copiosissima, atque malleolo scarrificato paucissima. Certe nullo pacto verum esse potest, Galenum per malleolum intellexisse extremam cruris partem ossibus, tendo-

Aph. 17.


Cap. 4.

Cap. 11.

Cap. 19.

nibus, nervisque tantum refertam, omninoque excarnem. Namque ejus mentem fuisse arbitror, vacuationem ex cruribus faciendam, postquam meminit, ipsum velle medicos debere partem cruris ad vacuationem aptam seligere, ex qua queant desideratam copiam sanguinis educere, quæ utique neque poples, neque malleolus erit, cum hæ partes tendinosæ ac fere exangues sint, & ad scarrificandum ridiculosæ: necessario igitur erit asserere ipsum suram, sive ventrem cruris, carnosam, ac multis venis repletam, intellexisse. Quod verisimile videtur, cum plerisque in locis à cruribus scarrificatis fore moliendam sanguinis vacuationem docuerit: neque immerito, cum crus ex triplici parte constet, scilicet, poplite, sura, & malleolo, non extremis, sed potius medio significetur: nam si cuiquam crus ostendere voluerimus, non poplitem, vel malleolum, quæ sunt ejus extrema ei detegemus, sed magis suram. Crura vero fore scarrificanda pro molienda universi corporis vacuatione, ex Galeni locis plerisque constare facile hinc cognoscemus. Is siquidem in lib. 13. meth. ait: *Manu enim laborante* cap. 5. capit. de scarrificatione. *scarrificabis crura.* Et in lib. de Hirudinibus: *Quemadmodum sanguinis perfusionibus suppressis (quas hæmorrhoidas Græci vocant) crura ipsa lota quidem prius, vel sponsia calido fomento adhibito scarrificantur: & paulo post: à cruribus utpote sanguis ducendus: in pluribus etiam aliis locis licet legere apud ipsum crurum scarrificationem.* Cui sententiæ addicti quoque visi sunt, Antyllus, Oribasius, qui omnes crurum scarrificationem nominarunt. Apollonius vero rem apertius significasse videtur, cum hæc scripserit: *Plethoram autem commoderatam, quæ aliquid malefactura sit, ac jam everisionem in morbosum statum attingat, tibia, scarrificationibus vexata, innoxiamque totam quam volumus sanguinis illigationem reddiderit, citra validam totius molis commotionem, solvit.* GUILAND. Tuæ sententiæ me quoque addictum habes: sed cur aliquando Gal. partem scarrificandam particulatim edocens, dixerit, esse malleolum? ut ex Græco etiam nomine σφυγὰ plane cognitum est. ALPIN. Aliqui ex Ægyptiis respondent, Galenum scarrificandam partem vocasse malleolum, quoniam ea pars, quam nostri suram appellant, proprio

nomine usitato carebat, licet aliqui eam appellarint γαστροννημίδαν, apud omnes tamen illud nomen non erat usitatum vel cognitum; ob idque nomine malleoli, quæ est scarrificandæ parti pars proximior, partem scarrificationibus, vexandam indicavit. Suræ vero nomen ei non proprie convenire ajunt, cum proprie illo nomine os cruris posterius, & non musculus illum, ventrem etiam à quibusdam cruris nuncupatum. Alii vero melius respondere putantes, scindunt, vel dividunt crus in tres partes, scilicet in malleolum, suram, & poplitem. Malleolumque cruris partem esse ajunt à pede incipientem, quæ ad cruris partem crassiolem, carnosiolemque, elevatiolemve definit. Suramque esse crassiolem partem cruris, atque ab ipsa declinare incipiente poplitem accedere, qui ad genu usque terminatur. Ex qua divisione clarissime apparet, Ægyptios malleolum, & non suram scarrificare, non crassiolem, atque elevatiolem, sed quam eâ minus esse crassam, & carnosam superius dictum sit. Incipiunt enim scarrificationem parum supra claviculam, fere ad cruris elevatiolem crassiolemque partem eam continuantes. Quare juxta istorum sententiam vere malleolum scarrificant, minimeque suram, vel partem malleoli, & suræ. Qui vero hanc cruris divisionem minime laudant, saltem fateri debent, Galenum vocasse malleolum, quoniam vult suræ tantum medietatem malleolo contiguam scarrificari, ad differentiam illius, quæ ad poplitem pervenit; vel demum vocavit malleolum, quoniam scarrificationem deorsum incipientes, ab ipso malleolo omnes illam exordiuntur. GUILAND. Rem hanc perdocte, atque diligenter hætenus es persecutus, atque ita, ut hinc dubitare amplius de cruris parte scarrificanda non liceat. Sed tempus est, ut ad alios usus scarrificationis narrandos te transferas, ut quæ supersunt de hac materia dicenda, hac die absolvere possimus.



C A P. XI.

De scarrificatione partium, inflammatione, tumore, pustula, colore non naturali, insigni dolore, vexatarum apud Ægyptios frequentata.

G U I L A N D I N U S.

AN non illi alias partes pro aliis usibus scarrificant, quando prisci medici eam ad multa alia scarrificationem commendarint? ALPIN. Itidem & ipsi pluribus aliis affectibus cutem vexatam scarrificare solent. In vehementissimis enim doloribus potissimum vel ex copia, vel venefica qualitate sensibiles partes lædente in fluxione paululum firmata, præmissa universali, tum purgatione, tum vacuatione, partes dolore afflictas, vel proximas illis alte scarrificant, multumque sanguinis emanare sinunt. In singulis enim inflammationibus diu perseverantibus solent, partem inflammata[m] alte scarrificare, veluti in pleuritide latus dolens, atque in peripneumonia pectus, dextrumque hypochondrium jecore inflammationem patiente, atque liene sinistrum, atque sic de aliis inflammatis partibus facere solent, præsertimque in magnis erysipelatis, vel aliqua alia inflammata parte, ubi pertimeretur ne in gangrenam degeneret, vel in scirrhum abeat. In usu frequentissimo habent in podagricis doloribus ex sanguinis defluxu obortis post universalem vacuationem, tumefactos digitos dolentes scarrificare: ea enim scarrificatione modico defluxi sanguinis vacuato, mirifice eis conducit. Eodem itidem modo, tum in tumoribus, tum in ulceribus ad cicatricem non venientibus, scarrificatione utuntur. Ad omnes etiam cutis defœdationes, maculas, pustulasque, idem præstare solent. Non minusque etiam partem à scorpio[n]e fauciatam, vel ab aliqua alia fera demorsam alte scarrificant, multumque eo modo sanguinis ab ea parte detrahunt. Ad hæc igitur Ægyptios etiam partis scarrificatione uti observavi; quem usum plane à nostris laudatum etiam intelligo. Sed te
de

de ipso aliquid loqui decet, ut sciamus, an ille scarrificandi afflictas partes usus ex artis ratione laudari queat. **GUILAND.** Cur non hic usus etiam scarrificationis laudandus erit, quando respiciat partis moliendam vacuationem? Cui etenim dubium est, in omnibus vel inflammationibus, vel fluxionibus humorum ex plenitudine obortis, binas indicari vacuationes, alteram totius, universalem appellatam, atque alteram partis, in quam humor decubuit? Qua vacuationis distinctione in his affectionibus, quemadmodum in primis necessaria est totius corporis universalis vacuatio, sic postea inflammatae partis particularis: illa enim causam respicit abigendam, atque hæc affectum ipsum. Nostri vero medici multi hunc usum, partis scilicet inflammatae scarrificandi tuto frequentari posse negant, eo majorem defluxi sanguinis copiam in partem affectam ferri asserentes, ex quo non posse juvari ægrotos autumant. Quod tamen vanum esse existimo, corpore prius probe vacuato. Quinimo in iis etiam cucurbitularum usum Galenum laudasse certum est, quibus facilius ex prævalida, quam præstant, attractione, ad læsam partem humorem copiosorem deduci posse, atque exinde inflammationem, vel fluxionem peraugeri suspicandum esset. Sed de scarrificationibus satis. Ad usumque variarum partium inustionis, quam maxime eam gentem affectare audio, transeundum est. Quam te sedulo apud illos observasse, certo scio: de ipso igitur cupio modo te sermonem facere, vel ipsum usum probe, ut reliqua fecisti narrare, quem mihi non minus utilem, quam reliqua ex te audita fore spero.

Lib. 13.
meth.
Cap. 17.

C A P. XII.

*De variis partium inustionibus, quæ selectissima
secreta ad varios curandos morbos apud
Ægyptios habentur.*

G U I L A N D I N U S.

AUDIO igitur apud eos populos variarum partium inustionem, non secus quam olim apud antiquos medicos in usu fuerat, adhiberi tanquam præstantissimum auxilium ad multos morbos sanandos: quod remedii genus, veluti priscis seculis notissimum ac usitatissimum semper fuit, ita nunc apud nostros fere omnino obsolevit, atque non sine aliquo artis medicæ dedecore, ac etiam non levi ægrotantium jactura, cum hoc præsidio multis ægrotis desperata sanitas miraculo quasi restituta fuerit. De hoc igitur præsidio aliqua ex usu Ægyptiorum nunc ex te scire desidero. ALPIN. Homines ibi quasi infinitos licet spectare, quibus ex cicatricibus multas partes inustas fuisse certo conjicitur. Siquidem permultis capitis partes, præsertimque sinciput, occiput, aliasque pericrani, non minus tempora, post aures, collum, pectus, latera, hypochondria sub umbilicum, spinam dorsi, articulosque brachiorum, vel manuum, vel crurum, vel pedum inustos fuisse, ignis relictæ cicatrices facile, ac certo significant. Et, ut uno verbo dicam, omnes ejus regionis incolæ, inustionem ad multos morbos aliis remediis non cedentes pro secreto habent auxilio. GUILAND. In primis inurendi modum mihi narrato, atque an ipsi inurant ferro, vel auro, vel medicamento igneam facultatem obtinente, & ad quos morbos inustionis ille usus apud illos ita familiaris evaserit. ALPIN. Non ferro, non auro, neque alio metallo ignito ad inurendas partes illi utuntur, neque ut aliqui utebantur, buxeis lignis, sed gossypio, & lineo panno ignito inustionem moliri consueverunt. Volentesque inurere aliquam partem corporis, sumunt lineam petiam, cubiti longitudine,

latitudineque trium digitorum, atque gossypii justam quantitatem, quod totum lineâ prædictâ petia involunt, ac filo serico ligant ad formam pyramidis, ipsiusque latiore extremitem urendæ parti applicant, probeque cuti adhærere student, alterumque caput vel extremum succendunt, comburique permittunt, quousque fasciculus ille ex linea petia, atque gossypio omnino crematus sit, continue dum cutis uritur, carnem circum circa ferro tangentes, ne ex eo calore oboriatur interea aliqua inflammatio: observant etiam dum involucrum illud parant, ut in ejus medium sit foramen, vel meatus, per quem fiat aliqua respiratio, atque eventatio. Post inustionem in parte exusta utuntur ossium medulla, quoad eschara cadat. Hicque est inurendi modus apud eam gentem observatus, ac frequentatus. Estque non modo Ægyptiis familiares, sed multo magis Arabibus equitibus sub tentoriis degentibus, atque aliis omnibus loca diserta habitantibus, qui cum aliis careant loci inopia auxiliis, inustione multos morbos sanant. Paucissima etenim ipsorum corpora invenies ab igneis cicatricibus non defœdata. Usus hujus remedii ibi est frequentissimus, ob multos genuum, aliorumque articulorum atque partium aliarum dolores antiquos, ex frigidorumque humorum defluxu obortos, aut à simplici frigida intemperie, vel à flatulento spiritu aliunde elato, vel in ipsa parte genito. Doloribus igitur, iisque antiquis hac inustione occurrunt, qua partium omnem imbecillitatem corrigunt, contentos humores, vel flatus resolvunt, articulosque calfaciunt, & valide siccando roborant. Hincque mirum non est, si prospere hoc remedium in omnibus articulorum doloribus curatu difficilioribus, experiuntur, potissimumque in coxendico dolore multas ustiones non modo supra articulum, sed etiam supra femur facientes. Et non minus in podagra & chiragra, priusquam pedes vel manus tophi invaserint, vel geniti sint. Exurunt enim articulos, atque illis superpositas venas in podagra, ex qua dolor occupat nodum pollicis. exurunt supra ipsum, inquam, nodum inter pollicem, & indicem. Qua facta ipsarum partium ustione, per quas humor ad debiles articulos fluit, viæ angustio-

stiores redduntur, neque ita facile post humor ad articulos fluat; ex quo, neque ita facile in podagram incidunt. Gal. siquidem in 6. lib. Aphorism. dicebat, duplicem esse causam podagricorum dolorum, alteram humoris redundantis fluxionem ad articulum, atque alteram articuli imbecillitatem, qua articulus defluxioni succumbit. Altera vero harum deficiente non posse homines simili malo corripì, à Galeno ibi proditum est. Itaque Ægyptii inustione, articulorum laxitatem vel debilitatem corrigunt, roburque ipsis conciliant, quo ab humoribus illuc decurrentibus defendantur, minimeque ipsis succumbant. Probatissimum igitur est remedium ad quascumque partes ab humorum defluxione vexatas. Verum non tantum partes fluxione vexatas inurunt, sed illas quoque, quæ ipsis humores demandant. Atque ea ratione caput multis unctionibus afficere solent. Ad omnem etenim fluxionem vel distillationem à capite ad pectus, aut pulmones, urunt sinciput, verticem, occiput, ac quod est post utramque aurem, quod etiam faciunt in antiquis lippitudinibus, atque aliis diuturnis oculorum malis. In epilepticis non minus, paralyticis, apoplecticis, vertiginosis, amentibus, patientibusque in capite gravitatem, stuporem, stoliditatem, atque somnos immoderatos. In vehementibus doloribus ex capitis distillatione effectis, oculorum, aurium, atque dentium, tempora inurunt. Periodicos dentium dolores, commotiones atque putrefactiones gingivarum, ipsorumque dentium, perustione sanant. Quamobrem inustione partibus, tum humores mandantibus, tum iis, quæ ipsos præ imbecillitate recipiunt, obsistunt. Qua de causa utiliter inurunt suspiriosis à frigidis crassisque, ac lentis humoribus pulmones ac asperam arteriam invadentibus, vel obsidentibus, pectus: & vexatis malignis ex capite ad thoracem distillationibus, sanguinemque etiam expuentibus, ab iisdem humoribus aliqua vena erosa, caput & pectus. Phtyficis, & suppuratis, empyis vocatis, pectoris tantum partes exurunt. Dominicus à Rege quadraginta annorum Cayri multos annos ab asthmate difficillimo vexatus, à nullo ex innumeris ab ipso expertis auxiliis juvatus,

demum ad pectoris unctionem Ægyptiorum modo præstandam, ad ultimam salutis spem, quasi totus consumptus ac fere tabidus, sibi pectus triplici unctione inussit, ulceraque diu aperta servavit: quo auxilio sanatus est. Habentibus quoque stomachum frigidum humidumque, & ab humorum defluxu, à flatibusque multis vexatum, eo auxilio succurrunt. Hepar etiam ac lienem induratum, refrigeratumque multa cum utilitate inurant. Et in hydrope sub umbilico, sub hypochondrio sinistro. In doloribus dorsi, lumborum, colli, articularumque omnium hoc auxilium frequent, in spina dorsi, lumbis, collo, & aliis partibus dolore cruciatis unctionem adhibentes. In tumoribus à crudis pituitosisque humoribus obortis inunctione utuntur pro secreto. Demumque hoc auxilium, quod cito multa mala sanat, inopum proprium esse affirmant. Hoc igitur est illorum propositum auxilium, quod multis aliis utilitate in morbis antiquis præferunt, de ipsoque illi populi non parum iactantur: **GUILAND.** Gloriam hanc aliis concedant, satisque eis sit tanti remedii commodo, ac beneficio uti posse. Ubi ex te nunc modum audivi, quo id genus remedii factitant, fere præ tanta illorum doctrina obstupui. Etenim quod fortassè alii parvi faciendum fore putarint, quippe ipsos involucrum ex linea petia cum gossypio pyramidalis forma paratum, acutiore altero ejus extremo ignito, alteroque latiore parti urendæ applicato, ac aptato, finentes cutim inuri, non sine multa ratione ab iis fieri existimo. Nam eos non uti ferro ignito, vel aliquo alio metallo, sed involucro ex gossypio, & linea petia parato, accenso, quod ignis, cum sit in materia rariore, clementius agat, alteret, ac resolvat, mitiusque dolorem ac inflammationem cuti, dum uritur, inferat; ex quo hic inurendi usus non est apud ipsos ita horribilis, qualis est nostras. Ignito enim quovis metallo, intensissimus, ac intolerabilis dolor excitatur, qui ægrotos misere dilacerat, ob quem dolorem hoc genus remedii nostri non immerito abhorrent. Materiam hanc unctionis creditur novisse Polybus in lib. de affectionibus, quando in coxendico dolore, ac podagra scripserit, unctionem esse faciendam
lino

lino crudo. Censeo igitur illos rectius agere, quam nostros, qui ferro ignito utuntur, dum gossypio, atque lino ignito utentes, ut mitius in resolutione se gerant, neque ita partem urendo inflamment, præsertimque ubi nervi, tendinesque reperiuntur, periculum siquidem est ex prævalido igne ne multum lædantur. Sed majus artificium ex urendi modo detego, apertantes cuti urendæ alterum involucris extremum non ignitum vel succensum, atque alterum, quod semicubiti longitudine à cute distat, in primis succendentes igniunt: quo sane modo primo illos urendam partem, non ignire apparet, ut nostri ferro cauterizantes facere solent, pessimeque mea quidem sententia, quando subitaneas mutationes natura recte non ferat, vel etiam ab iis non modice lædatur. Atque sensim ac sensim partem à succenso involucro extremo ad calorem disponi, atque ita calefieri ut toto involucro cremato, igneque ad cutem deducto cutis prius calfacta, fereque stuporem ex eo adeptam, ignis incendium non omnino totum sentiat, neque ab eo admodum doleat, quod etiam ignis incendium rarioris involucris substantiæ ratione, neque immodicum sit. Duo igitur ex hujus præfidii operatione scitu digna animadvertuntur, quippe partem ab igne clementius inuri, atque ab ea haud immoderatum, qualis ex igniti ferri ustione sentitur, percipi dolorem, primum ab accensæ atque ignitæ raræ substantiæ, scilicet gossypii, & lini ratione fit, atque secundum, præaccepto calore ex totius involucris combustionem, quæ sensim ac sensim procedit, cute calorem stuporemque adeptam, non ita acute sentiente. Ex his hoc auxilii genus facilius ægroti admittent, neque præ intensissimo dolore, qualem ferro factæ inustiones inducere solent, ipsum abhorrebunt. ALPIN. Hac ratione ægroti facilius admittent ustionem non ferro, vel aliquo alio metallo, vel supradictis involucris, sed medicamento ignea vi prædito, clam ustionem faciente præstitam, quando hoc nullo, vel saltem levissimo dolore ustionem præstet, quo etiam remedio multi fonticulos apud nostros usitatos factitare solent. GUILAND. Nostri appellant hæc medicamenta caustica potestate, veluti inustiones actu dicuntur causticæ, quæ tamen auxilia inter se non parum

differre, medici omnes cognoscunt, quando ea minime urendo, roborent partes ob ipsorum veneficam naturam, calorem naturalem partis exolventia: & hæc ipsum vivificantia, humidumque excrementitium resolventia, multum uistas partes roborent. ALPIN. Possunt itaque Ægyptii medici merito tanti auxilii cognitione non parum gloriari, lætarique se his seculis solos auxilii hujus usum, atque utilitatem præstare posse. GUILAND. Neque hoc verum erit, quando neutiquam hujus remedii inventores fuerint, vel ipso soli usi sint. Antiquis etenim ipsum probe fuisse cognitum multorum testimoniis constat. Namque Hippoc. de capitis unctionibus in lib. 2. de morbis, in capite humoribus repleto post totius præstitam purgationem, ait: *Crustas octo capiti inurito, duas circa aures, duas in occipitio hinc atque ad cervicis nervum duas, in naso circa angulos oculorum. Venæ autem circa aures urendæ sunt, donec pulsare desinant. Ferramentis vero cuneoli forma paratis, obliquas venas perurito:* & in lib. de loc. in homine easdem capitis unctiones laudat, pro capitis dolore tollendo. Et Gal. in iis, qui morbo laterali ægrotant, de hoc auxilio in 7. comm. Aphor. ita dixit: Quos vrere consuetos esse veteres discere licet ex his, quæ dixit Plato Comicus de Cinesia, hisce verbis: *Post hæc Evagoræ filius Cinesias è morbo laterali aridus, puris expers, calamacea gerens crura, tabis nuncius, pluribus escharis corpus inustus, in concionem prodiit:* Hippoc. etiam in præcipitato libro de morb. laudat, iis, quibus pulmones sunt inflammati, ut pectus, & dorsum inurant. Ibidemque non minus in sputo sanguinis, priusquam ad puris sputum deventum sit, urendum esse pectus, atque dorsum ex utroque latere memoriæ prodidit. In suppuratis vero utilem quoque esse unctionem in 7. lib. Aph. docuit. necnon in lib. de internis affectibus idem confirmavit, quod etiam in 3. lib. de morb. apud ipsum legitur: præsertimque unctiones ad eos morbos curandos prope septum transversum fieri oportere meminit. In hepate vero indurato, vel inflammato, ita in lib. de inter. affect. scriptum reliquit, dicens: *Si vero neque sic desinat, urere oportet, quum maximum factum fuerit, & maxime eminnerit. Uruto autem per buxeos fusos in oleum fervens tinctos.* Apponito
au-

autem donec tibi bene habere, & unctionem factam esse visum fuerit, aut per fungos octo crustas inurito. Ibidemque in liene tumefacto faciendum esse docuit, his verbis: Si vero ab his non melius habeat, splenem fungis urito decem magnis crustis inustis, cum maximus fuerit splen, & maxime elevatus. Idemque in eodem libro pluries confirmat, atque docet. Ad articulos vero, qui ob multam humiditatem vel dolent, vel luxantur, unctionem summopere conducere scribit. Quod manifestissime apparet ex his, quæ apud ipsum leguntur in lib. de aëre loc. & aq. in hunc modum: Magnum autem argumentum humiditatis corporum Scytharum hoc exhibeo. Multos enim ipsorum, præcipue qui Nomades sunt, reperias exustos humeros ac brachia habentes, manuumque juncturas, pectora, coxas, & lumbos, nullam sane aliam ob causam, nisi ob humoris, & mollitie naturæ detractionem. Nam neque arcus intendere, neque telum torquere possunt, præ impotentia humiditatis humorum. Quum autem uruntur, humor ipse à juncturis exolvitur, fiuntque corpora ipsorum validiora, melius nutriuntur, & magis redduntur articulorum usu potentia. Particulatim vero in coxendico dolore in lib. 7. Aphor. ait: Quibuscumque à coxendico dolore molestatis diuturno excidit coxa, iis crus tabescit, & claudicant, si non urantur. In hisque malis utilitatem ex unctione Gal. in comm. hisce verbis comprehendit, dicens: Cum ipse suadeat aduri coxam, sicut in lib. de artic. docebat, ut & id, quod mucosum est absumatur, & laxitas cutis, ad quam articulus lubricat, magis ex adustione contracta, arctet, ac prohibeat articulum transponi. Et in lib. de internis affect. Hippoc. ait, in coxendico dolore esse crus urendum multis, atque profundis inustionibus. Atque in lib. de affect. quem Polybi Gal. esse autumat, legitur crus esse inurendum lino crudo. Hoc idem ex Græcis Paulus in lib. 3. confirmat his utique verbis: Quare cum vitium longius se prorogat, articulum tribus, quatuorve locis urere oportet, ut in chirurgia dicetur, ac complusculis diebus ulcera adaperita, sine cicatrice servare; quod clarius docet etiam in sexto libro. Gornelius Celsus ex Latinis in lib. 4. suæ medicinæ scribens de coxendico dolore ait: Ultimum est, & in veteribus quoque morbis efficacissimum, tribus aut quatuor locis super coxam cutem

Aph. 60.

Cap. 77.

Cap. 25.

tem candentibus ferramentis exulcerare, & genuum inveteratos dolores vix citra unctionem finire. In podagra vero venas paulo supra pollicis digiti articulum, vel nodum inuri oportere lino crudo Auctor lib. de affect. nobis prodidit. Quod Aetius in lib. 12. ubi scribit de articulorum morbis, plane confirmat. Quem locum hic non inutiliter referendum esse duxi, quia ad omnium articulorum dolentium curationem mirifice faciat. Ibi itaque ab ipso literis tradita, hæc existunt. Crustas igitur inurere oportet, aliquas quidem paulo altius loco fluore infestato, aliquas vero propius, atque id cauteriis facere præstat, aut si id æger ferre recusset, cum medicamentis, longe autem præstantior est cauteriorum usus, nam & citius, & siccius perurunt. In universum vero pedibus ex fluxu infestatis, loci circa utrumque talum forinsecus, & intrinsecus inurendi sunt, cauteriis juxta magnas ibidem fitas venas admotis, paulo altius supra talorum locum. Inurendus item locus inter magnum pedis digitum, & eum, qui ei proximus est, medius, ubi sane venæ magis tumefactæ conspiciuntur, præsertim ex eis maximæ. Quibusdam autem & articulos ipsos exurere expedit, quum submucidi valde conspiciuntur, priusquam durities ad modum toforum in eis generetur. Sciendum tamen, inquit Ruffus, quod in articulorum submucidorum perustione ulcera ægre curabilia oboriuntur, verum ubi cicatrices coaluerint, maximum robur ipsis articulis præbent, ut non amplius ad suscipiendum influenza excrementa sint apti. Hæcque ac multa alia multi antiqui medici de unctionum utilitate, & usu scripsere: omitto multos alios ex Arabum schola, velut Haly Abb. atque alios, quos hæc eadem cognovisse ex ipsorum scriptis constat. Non tamen modum inurendi, qualem Ægyptii frequentant, ullum antiquorum, vel juniorum medicorum cognovisse comperi. Nisi dixeris Auctorem lib. de affectio. tali experientia aliquando usum fuisse, cum ad coxendicum dolorem, & ad podagram, unctionem lino crudo faciendam tradiderit. At isti non lino crudo, sed cocto, atque gossypio id præsidii genus exercent. Audio etiam Barbaros multos urere solis petiis lineis coctis simul glomeratis, & inustis. ALPIN. Fortasse hoc auxilium non videtur omnino tutum, quando apud Hippoc. lib. 5. epidemio-

rum

rum legatur, Eupoleum coxendico morbo afflictum, ex multis magnis inustionibus supra coxam factis interiisse. GUILAND. Respondet ejus libri Auctor, & recte sane, Eupoleum mortuum fuisse, à magnitudine, & multitudine ulcerum, atque ex virium imbecillitate: quæ morbo admodum imbecillæ redditæ, tam grande remedium ferre non potuerunt. Sed his nunc finem imponamus. ALPIN. Quin huic de ustione sermoni paulisper adhuc immoremur, siquidem ea gens hoc præsidio familiarissime ad empyos, hydropicos, herniosos, atque ad omnes frigidos tumores utitur. GUILAND. Age igitur aliquid hac de re, si quid habes, afferas. ALPIN. Ustione utuntur in suppuratis, quos Empyos Græci vocant, hydropicis, herniosis, atque in frigidis omnibus tumoribus. Qui pectus, ac dorsum inurere solent, tribus vel quinque ustionibus inflictis, modo antea narrato, eo auxilio multi suppurati sanitati fuere restituti, nam per factas inustiones pus continue resudabat, quousque totum vacuatum fuerat. Hic modus non admodum periculosus est, quoniam modicum sic puris sensim, ac sensim transmittitur, & vacuatur. Recteque Hippocratem hi sequuntur in copia puris educenda qui in lib. 6. Aphor. scripsit. *Quicumque suppurati aut, aquam inter cutem patientes uruntur, aut secantur: si pus aut, aqua universim effluxerit, omnes moriuntur.* In pectoris, pulmonumque inflammationibus, atque in tumoribus frigidis, & non minus in anhelosis ex frigida temperie, frigidoque humore, ustione utuntur, quem usum in iis morbis Hippoc. in libro de morbis, & de internis affec. docuit. Urunt hydropicos aqua affectos, multis in locis, quorum alli sub umbilico in tribus locis, aperta ulcera servantes, ut per ea aqua exsudare queat, alii in stomacho, liene, hepate, atque sub umbilico inustiones infligentes, utuntur in plerisque ustione prænarrata, atque in multis etiam medicamento potestate urendi prædito, alii sub claviculis pedum, atque alii supra genu intus extraque inurentes, ulcera aliquandiu aperta servantes. Alii etiam tibias eo modo inurunt, vel vesicant, vesicisque ex istis ulcera eodem modo faciunt, per quæ paulatim aquam universam vacuant. His omnibus inustionibus hydropem ascitem sanant: itidemque

hernias aquosas, atque etiam carnosas, de aquosis mirum non est, si inustione ea, quæ cum actu est, tum potentia exsiccans, fauentur, quando aqua eo auxilio absumatur, sed carnosas etiam eo auxilio curatas in multis fuisse hernias vidi, quemadmodum & tumores omnes frigidos Oedematosos, atque scirrhosos. GUILAND. Quid de cancrofis observasti? ALPIN. Paucos eo auxilio curari, nisi in principio, ubi neque occulti, neque magni tumores sint. Scirrhos vero ex phlegmate crasso obortos eo auxilio tolli, certum est. Sed de ustionibus jam satis, etenim de iis multa locuti sumus, eaque attulimus, quæ etiam apud Hippocratem, Galenum, Avicennam, atque alios gravissimos medicos passim leguntur. Ad nonnullas alias administrationes chirurgicas jam transeamus, in primisque ne hydropicorum, empyorum, herniosorumque aliis remediis desperata salus, sectione aliquando multis instituta in oblivionem abeat, de ea sectione aliquid prodam, ac interea de nobilissimo modo, quo illi lapides è vesica sine ulla incisione educunt, deque ridiculo experimento, quo dysentericos fluxus sanare, autumant. GUILAND. Multam tibi gratiam habeo, qui hæc etiam proferre in medium velis, non inutilem fore mihi hunc tuum sermonem spero, quamobrem expecto, quid loquaris.

C A P. XIII.

De sectione, qua in hydropicis, & suppuratis Aegyptii utuntur.

A L P I N U S.

CURANT etiam non raro hydropicos, sectione aquam eductes, quorum varii varias sectiones ad id celebrant: alii siquidem sub umbilico per tres digitos versus partem, à qua hydropis ortum duxit, terna vulnera infligunt. Atque alii parvis scarrificationibus ventrem tumidum scarrificant, per quas aqua paulatim exit. Alii vero tutius supra, vel infra pedum claviculam intus extraque binas adigunt sectiones, per quas
com-



commode, sensimque ac sensim aqua educitur. Quo sane modo sectionis aliquos ab hydrope effatu digna sanatos observavi. Sed periculum tamen est, ne à longo aquæ ad eas sectiones defluxu illiusce partis, tum ulcera aperta, tum ceteræ aliæ partes mortuo fere calore in gangrenas mutantur. Mulierem etenim Venetiis vidi, iis sectionibus omnino ab hydrope sanatam, & paulo post ulcera illa in gangrenas degenerasse, à quibus gracillima mortua est. **GUILAND.** Novum illud remedium non est, quando omnibus antiquis medicis, junioribusque non minus probe notum fuisse, multorum scriptis plane constat. Hippocrati enim id notum, Aphorismus vigesimus sexti libri certe explicat, Cujus verba hæc sunt: *Quicumque suppurati, aut aquam inter cutem patientes uruntur, aut secantur, si pus, aut aqua universim affluerit, omnes moriuntur.* Et in lib. de loc. in homine hæc leguntur. *Ceterum in puero hydropem sic curare oportet. Partes tumidæ, & aqua plenæ aperiendæ sunt scalpello & frequenter, ac parum educendum est. Educendum autem est à singulis corporis partibus, & fomentis utendum, & semper locum apertum, unde eduxeris calfactorio medicamento illines.* In lib. vero de affect. ubi curationem hydropis recenset, idem confirmavit, dicens: *Si igitur à pharmacis, & alia victus ratione æger utilitatem percipiat & venter ipsius evacuetur, bene est: sin minus, sectione facta aquam emittat: secatur autem vel juxta umbilicum vel retro juxta lumbos.* Gal. etiam de hoc auxilio multis in locis meminit, sed clare satis in comm. 6. Aphorism. cum dixit: *In iis autem, qui aquam inter cutem patiuntur, illæ, quæ à Græcis paracenteses, id est, punctiones nominantur: magis quam uestiones, medicis sunt consuetæ.* In lib. vero de compos. medicam. secundum loc. 9. hæc ita etiam scripta de hydropicorum curatione, ex Archigene reliquit: *Scarrificatis item ipsorum talis, & vulnusculis impactis ipsos in ferculo, aut lectica gestato, ac circumve-*

Aph. 27.

Cap. 30.

Cap. 21.

Lib. 6.

Cap. 50.

Lib. 10.

Cap. 20.

patiuntur, omnique pure educto, vulnus exsiccantibus sanant. Qui inter secundam & tertiam costam perforant, rectius ac tutius rem transigere putant, ut totum pus, quod ad septum transversum gravitate residet, commode vacuetur. Ceterum alii ipsorum septum transversum lædi phlebotomo formidantes partem ab eo magis distantem, seligunt, quare ex ipsis omnes secant inter tertiam & quartam costam. Atque hic est usus secandi empyos, vel suppuratos, quo Ægyptii multos sanatos fuisse prædicant. GUILAND. Usus hic, ex sententia etiam priscorum, medicorum, qui summe hunc modum empyos perforandi commendarunt, non est spernendus. Hippocrates enim in lib. 2. de morbo ipsum clarissimis verbis hunc in modum docuit: *Hunc ubi decimus quintus ab eruptione dies adest, multa calida lotum in sella firma collocato, & alius quidem manus ipsius teneat: tu vero humerum concutito, ut audias in utrum latus affectio strepitum edat. Optandum autem in sinistrum. Hunc ipsum igitur locum seces, minus enim lethalis est. Si vero crassitudine, ac copia strepitum non edat, quo ipsum cognoscere possis (nam hoc aliquando contingit) utrum latus tumuerit, ac magis doluerit, hoc infimo secato retro tumorem magis, quam ante ipsum, quo puris exitus facilem fluxionem habeat. Secato autem inter costas per novaculam primum cutem, deinde scalpello acuto, quod panniculo sit obligatam, ita, ut summa ipsius pars ad unguis magni digiti mensuram expedite restet, quam intromittas, postea emissio pure quantum visum fuerit, vulnus linamento ex lino crudo alligato, foras propendente filo, concludito, & quotidie semel pus educito: postquam autem decimus affuerit dies omni pure emissio linamentum ex linteo indito. Apud multos etiam alios gravissimos medicos tale præsidium ad suppuratos, quibus nulla spes salutis reliqua erat, laudatum atque celebratum reperias. Veruntamen empyos tutius magis unctione curari posse Gal. tradidit, hisque proprius unctionem convenire, veluti hydropicis sectionem. Raro etenim in curandis suppuratis sectionis meminit, sed magis unctionis. Quod etiam ex traditis in comm. 6. Aphorif. Hippoc. facile confirmatur, ibi enim scripsit: *Uctione igitur indigent, qui plurimum habent pus, adeo, ut desperent per spuitiones posse expurgari.**

gari. Nos vero ipsos si difficultas anhelitus vehementer infestat ex loci angustia, quæ etiam nos cogit, ut eos uramus: in comm. etiam 7. Aph. veteres urere suppuratos consuevisse, prodidit. Hippocratesque in 6. epid. dixit: tabescentes statim urere oportere. Quare in iis tutiorem esse ustionis, quam sectionis usum putaverim, quamquam me non lateat apud Hippoc. præsertim, utraque auxilia pro illo affectu usitata fuisse: ut ex 6. lib. Aph. atque ex 7. apparet, atque adeo, in pluribus aliis locis. Arabibus quoque multis hoc remedii genus cognitum fane fuit. ALPIN. Ubi puris multum non est, ustio accommodatior videtur, quæ revera, ut illi affirmant, eos tuto magis quam sectio sanat. Sed puris immoderata copia thoracem obfidente, ustionem recte sanare raro observatum est, quos si curare velint, sectione uti debent, qua totum pus vacuatur. Utrumque tamen remedium pro eodem affectu apud eos familiare est, sectioneque ustio familiarior. Nam formidant & ipsorum multi sectionem, de qua satis locuti sumus, proinde ad alia orationem nostram traducamus.

C A P. XIV.

De lapidis è vesica extractione absque ulla incisione apud Ægyptios frequentata, & de dysenteria curatione empirica.

G U I L A N D I N U S.

OPTAREM priusquam de aliis sermonem haberes, ut modum; quo audio, Ægyptios lapides è vesica absque ulla incisione extrahere, nunc mihi explicares: summæ enim utilitati hujus actionis cognitionem nostratibus medicis fore existimo: avide igitur id, quonam modo se habeat, audire expecto. ALPIN. Certe hic modus extrahendi lapides è vesica valde utilis est, eo quod nulla incisione operetur. Extrahunt lapides è vesica colem in primis vento replentes, atque cum eo os etiam vesicæ dilatantes, atque laxantes, ut per os vesicæ lapis fa-

facile meare possit, colisque dilatatum & ampliatus meatus, ex quo ipsos lapides vento subreptos foras extrahunt, ipso continuo toto violenter evocato. **GUILAND.** Haud probe intellexi quid dixeris, usque adeo obscura oratione usus es. Duo tamen mihi videris dixisse, quorum alterum est, illiusce regionis medicos, lapides è vesica extrahere volentes, in primis colis vesicæque meatus vento laxare ac dilatare, per quem commode lapides exire possunt, atque eosdem lapides vento eodem foras educi, an non hæc dixisti? **ALPIN.** Plane eadem, sed quid te dubii cæpit? **GUILAND.** Quoniam vix credere possum os vesicæ, colisque meatus tantum dilatari ac ampliari posse, ut magni lapides in vesica contenti, qui magnæ nucis instar sæpe cernuntur, commode exire queant: ex quo dubia fit apud me ea lapidumeductio, quonam pacto ita possit administrari, maxime, cum tu etiam affirmaveris, eos vento subrepi, forasque educi, quod mihi haud fieri posse videtur. **ALPIN.** Utrumque verum esse cognosces, neque omnino à veritate id alienum putavis, os vesicæ, colemque eo modo dilatari posse, quando nervosa, ac pelliculosa substantia illi meatus consent. Admirandum magis existimare debemus. Uteri os in mulieribus nervosum durum, atque ita angustum, tempore partus tantum ampliari augeri, ut foetus per ipsum exeat, atque foras propellatur. Unum hoc scio, me colis meatus ita dilatatum inspexisse, ut per eum facile magna avellana transiisset. At utilius erit, ut nunc modum ostendam, quo ad extrahendum lapidem ii uti soleant. **GUILAND.** Hac eadem de causa apertis auribus tuum hunc sermonem expecto. **ALPIN.** Eo tempore, quo ego in Ægypto moram faciebam, Arabs quidam Haly vocatus ad extrahendos lapides sine incisione celeberrimus erat, quem ego sane cuidam duci Turcarum, Horam Bei vocato, multos lapides extraxisse vidi. Quo in opere absolvendo ille ligneam cannulam accipiebat, longitudine octo digitorum, & latitudine digiti pollicis. Quam colis canali admovebat, fortiterque insufflabat, atque ne flatus ad interiora perveniret, altera manu extremum pudendi perstringebat, foramen deinde cannulæ claudebat, ut virgæ canalis intumesceret, & latior fieret.

fieret, ac appareret. Quo facto minister digito in ano posito, lapidem paulatim ad canalem virgæ, atque in ejus extremum deducebat. Qui ubi præputio lapidem appropinquasse sentiebat, cannulam à virgæ canali fortiter impetue amovebat, ut magna dexteritate lapis ad nuclei olivæ magnitudinem fuerit extractus; & ego interfui huic duci Turcarum, & postea duobus item Judæis, quorum alter puer erat, cui octo lapillos extraxit, & alter adultus, cui extraxit lapidem ad magnæ olivæ magnitudinem. Hicque est extrahendi lapidem è vesica modus, quo utebatur ille medicus Arabs. Audivi tamen alios etiam ibi esse, qui alio etiam modo lapidem extrahebant, quem modum nunquam ab aliquo, quamdiu Cayrum habitaverim, potui cognoscere. Cum vero GENUÆ pro Illustriss. ac Excellentiss. Joan. Andrea Auria Melphorum Principe, atque Philippi Hispaniarum Regis, maritimæ Classis præfecto medicinam facerem, atque hæc mea scripta reviderem, Octavius Roveretus Medicus doctissimus, mecum multo amore conjunctus, qui post me in Ægypto pro natione Veneta, medicinam multa cum laude faciebat, extrahendi lapidem hunc modum à priori satis diversum mihi litteris significavit, his verbis. *Aliud etiam satis scitu dignum, tua Excell. narrare non omitam, estque modus aliquis è vesica lapidem extrahendi sine incisione, hic à quodam Arabe viro Christiano Sajetico ad quendam Christianum Cophtum vocatum, ab hinc nonnullos menses operatus. Atque is est hujusmodi. Hic habet quasdam cannulas, unam majorem altera, in modum musici instrumenti Syringæ appellati, è substantia Cartilaginea, quæ facile dilatatur. Harumque graciliorem in virgæ canalem intromittit, figitque quousque ad vesicam pervenerit, moxque ore insufflando ipsam inflat quantum plus potest, posteaque hac majorem, vel crassiorem introducit, insufflandoque inflat eodem modo, & post tertiam, vel etiam quartam omnium maximam. Et cum sic iis virgam dilataverit, ut putet viam canalis fuisse sufficienter dilatatam, per eamque lapidem exire posse, Ægroto in primis commode collocato, digitoque in ano posito, lapidem ad collum vesicæ ubi majoris cannulæ extremitas pervenit, deducit, in cannulam lapidem conducere conatur. Quo facto altero cannulæ meatu ore ex-*

cepto conatur spiritum ad se trahendo, lapidem simul trahere, qui si nimis crassus sit, sæpe rumpitur, atque in frusta attrahitur, veluti contigit supra dicto viro Cophto. Cui frustum, & reliquum lapidis admodum crassum, & durum, intus remansit, non eductum. Hic modus scitu est facilis; atque ab alio fortassis medico exercitatori, & acutiori multo plus facilitari poterit, ac in meliorem atque utiliorem usum reduci, quod multorum ab eo malo hominum infortunatorum auxilio summæ efflagitandum ac expectandum esset. Haftenus Roveretus. Ex his igitur cogito te recte audivisse binos hos modos, quibus Ægyptii ad extrahendos lapides è vesica utuntur. Addo aliam operationem, quam pro secreto in dysentericis conficiunt; quæ res cum ratione, ut arbitror, demonstrari non possit, tibi, qui omnia ex suis causis spectare soles, haud facile suadebitur: sed cum ego una cum aliis sæpe viderim ex illa operatione empirica fluxus dysentericos interdum curatos fuisse, non sinam te hinc aures ad alia retrahere, priusquam hanc quoque audieris. Illi siquidem empirici hoc pacto fluxus dysentericos sanant, illosque præsertim, qui diuturniores facti sunt, minimeque aliis remediis cesserunt. Quod ut efficiant, primo hypochondria manibus molliter fricant, atque mox sesamino oleo, vel amygdalino dulci ea inungunt, digitoque postea intra umbilicum posito, ipsum pluries circumvertunt, terque mane jejunis ea re repetita, aliquos dysentericos sanitati fuisse restitutos memini; hocque genus remedii familiarissimum apud multos existit, qui variis remediis ad dysenteriam inutiliter tentatis, ad hoc veluti ad sacrum confugiunt. Pauci tamen existunt, qui recte hanc moliri circumvolutionem umbilici sciant. GUILAND. Secretum, teque una ridendum censeo, qui ipsum non modo verum credideris, verumetiam aliis confirmes. Casu siquidem arbitror (si aliquis tamen unquam eo modo sit sanatus) accidisse, ut inde aliquis à dysenteria sanatus fuerit; veluti accidit, ut Socrate ambulante tonaret; hocque experimentum ex iis est, quæ cum nullam in se rationem habeant, nullo pacto sunt credenda. Ni dixeris, eos defendendo, frictione hypochondriorum, atque inunctione juvari hepar, vel aliquod aliud membrum sub ipso locatum, quod bilio-
sum

ſum humorem tenuiſſimum atque acrem, acrimonia, vel falſedine inteſtina abradentem, vel exedentem, fluxum gigneret, ad inteſtinaque ipſa demandaret, vel humorem illum tenuiſſimum ea frictione, & inunctione digeſtum reſolvi, vel ejus fluxionem ad inteſtina diverti, vel umbilici illa præſtita digito circumvolutione motioneve, inteſtina mota in meliorem ſitum mutari, ex quo non ſint fluxioni ita obnoxia. Sed de aliis loquamur. ALPIN. Melicerides, Stheatomata, Atheromataque vocatos tumores, atque etiam ſtrumas optime ſecant, radicem avellentes. Carnem etiam, quæ palpebris adnaſcitur, maxima elegantia abigunt, palpebras in primis ſecando, & poſtea ſectionem conſuentes, & conglutinantes. Sed poſtquam de his à nobis ſatis dictum eſt, de dulcium balneorum uſu, quo non ſecus quam priſcis ſeculis, utuntur, atque de frictionibus, & vomitibus, qui in balneis fiunt, dicendum eſt. GUILAND. De his quoque libentiſſime nunc te audiam, horumque ſermo mihi erit gratiſſimus, neque minorem nobis afferre poſſe utilitatem arbitror, quod hoc genus remedii apud nos minime nunc ſit in uſu, atque etiam quia ipſo pluribus morbis mederi ab antiquis proditum ſit: proinde ut de eo loquaris nunc à te vehementer peto.

C A P. XVI.

De uſu dulcium apud Ægyptios balneorum.

ALPINUS GUILANDINUS.

QUEMADMODUM populi frigidarum regionum multa habent, quibus ad calorem conciliandum familiariffime, uti ſolent, ita calidarum, ad refrigeranda corpora multis itidem utuntur. Ex quibus Ægyptii inter multa ad id excogitata, qualia ſunt fontes multi, domorum tubæ ſuperius recitatae, ad ipſarum refrigerationem inventæ, terrenæque habitationes, balnea quoque ex dulci aqua parata, in uſu habent frequentiffimo, tum ad refrigeranda corpora, tum ad varium illorum or-

natum. **GUILAND.** Arte illa ibi parari existimo, quando Ægyptus (ut audio) sponte natis balneis nunc plane careat. Proinde si ita est, ea mihi sedulo narrato. Atque an ex aqua simplici, qualia priscis antiquis medicis in usu fuerant, an potius medicata illa parentur. **ALPIN.** Arte sane ab illis parantur, ex dulcique aqua Nili fluminis clarescens, eaque simplici, minimeque medicamentis alterata. Sed in primis balneorum loca tibi in memoriam revocanda censeo, siquidem te olim Cayri, ac Alexandriæ, cum tu ea loca invisisses, multas, fereque innumeras ædes magnifice pro balneorum usu constructas, inspicere intellexerim. Dicam præterea quot, ac qualibus cameris sive cellis eæ constent, atque aërem in singulis quomodo illi calefaciant, qualisque calor eo in aëre sentiatur. **GUILAND.** Domus eæ balneorum, si recte memini, multis cellis inter se distinctis constructæ erant, in quibus homines sudabant, fricabantur, atque lavabantur. Permagnaque in ipsarum medio tanquam in domus centro cella extabat, in qua homines lavandi nudabantur, vestesque omnes reponebant: quam spoliarium vel Apodyterium nostri appellant. Aliæ vero cellæ omnes ea causa constructæ erant, ut in iis lavarentur: spoliariiue aër temperate calidus est, atque humidus, ipseque aliarum cellarum calidior ita, ut variæ cameræ varium aërem quoad calorem haberent. **ALPIN.** Recte meministi, innumeras permagnas ædes ibi pro balneis paratas spectari, multis variisque cameris inter se distinctis, præditas, eodemque modo, ut tu dixisti, constructas atque ordinatas, ut in qualibet camera idoneus, quoad caliditatem, aër esset pro variorum corporum usu vario paratus. Namque varia hypocausta, sive cameræ varium, quoad caliditatem, aërem habent, ut variis corporum temperamentis auxilio sint. Nam factæ sunt pavementis marmoreis, emblemate constructis; duoque labra marmorea, quilibet illorum locorum obtinet, in quæ aqua ex alto decedit. Tectum sive culmen illa habent orbiculari forma, ex vitreis laminibus perbelle laboratum, undique conclusum, ne aër aliquis ingrediatur. Hypocausta illa calfaciunt calentis aquæ vapore in singularum labra elabentis. Non enim, ut nostri, igne illorum balneorum aërem

aërem calfaciunt, sed humidis calidisque aquæ calidæ vaporibus loca illa complentibus. **GUILAND.** Cum varia corpora variis indigeant balneis, quippe ipsorum alia multum calidis, & alia moderate, aliaque tepidis, atque demum alia etiam frigidis, qualia heclicorum esse Gal. in lib. 7. meth. med. scriptum reliquit, quæso an non illa omnes has partes obtinent, quippe ut corpora variis illis modis alterare queant? **ALPIN.** Balnea illa calida, tepida, frigidaque quolibet tempore, quando quis velit ibi reperiet. Sed plerumque ea balnea sunt temperate calida, quandoquidem præcipuus usus sit, apud plerosque ad refrigeranda, humectanda, evacuanda atque mundanda corpora. **GUILAND.** Recta sane ratione calidarum regionum incolas tepida balnea ex dulci aqua parata cupere dicendum est, quando ob aëris ambientis insignem caliditatem corpora inflammentur, arescantque, quæ utique dulci aqua irrigata, ac humectata refrigerantur, & humectantur, cutisque eorundem corporum meatus relaxantur, densatque aperiuntur, exindeque naturalis calor per eos diffatur, refrigeriumque capit. Sed his obiter dictis, cupio ex te audire omnes illorum balneorum usus apud eos populos frequentatos. **ALPIN.** Balneis illis ea gens utitur ad corporis ornatum, atque ad multos morbos ex plenitudine humorum prohibendos, demumque ad multos variosque obortos etiam morbos abigendos. Hos vero omnes usus tibi ordine libenter narrabo, ab eorundem usu ornatus gratia comparato, exordiens. **GUILAND.** Atque ego libentissime hac de re te dicentem audiam.

C A P. XV.

*De usu balneorum dulcium pro ornatu corporum,
atque quid mulieres, ad pinguefacienda
corpora in ipsis moliantur.*

A L P I N U S.

APULVERIBUS, qui Ægyptiis fere toto anno, ventorum, terræque siccitatis occasione perpetuo familiares

existunt, atque ab assiduis sudoribus, quibus cœli calore omnia corpora continue abundant, illuvieque quadam immunda redduntur, atque foetentia, ex quo pleraque ipsorum, & foetere & pediculis abundare solent, Balneis omnes hi populi utuntur familiarissime, pro corporum abstersione, maximeque mulieres, quibus curæ magis est corpora ipsarum, pulchriora facere ipsorum illuviem, & foetorem corrigentes, ut cariores sint suis viris. Eæ etenim sæpissime corpora in iis lavant, & mundant ab illuvie, perlotaque variis ornant odoribus, ut recte unguentis oleant. Ac veluti Italæ mulieres, atque aliarum multarum etiam nationum ad capillorum, faciei que cultum omne adhibent studium; ita Ægyptiæ capillorum cultum negligunt, ex consuetudine omnes capillos in bursam serico panno paratam concludentes, ac ad pudendorum, abditarumque corporis partium ornatum omnem diligentiam adhibent. Pudendis igitur tota cura in balneis ab iis adhibetur. Ea siquidem in primis lavant, pilisque nudant, locaque pudendorum perpetuo glabra gestant, turpeque ibi est mulierem pilis obsitam vulvam habere. Demum lotas eas partes, glabrasque effectas variis unguentis etiam exornant, Musco, scilicet, Ambra, Aloë, Zebet, sumptum ferre potentes; aliæque aliis unguentis recte olentibus, quæ ibi viliori pretio ubique venduntur. Copia unguentorum fere incredibilis in vulvæ ornatu, ejusque corrigendo foetore, ac ad coeuntibus voluptatem conciliandam, ibi continue dissipatur. **GUILAND.** Quæque regio suos mores habet, ibique omnes nimis libere Venere utuntur. Sed quid? nonne aliud in balneis iis præter ornatum moliuntur? **ALPIN.** Multæ etiam pinguedinem in iis procurant: gracilesque præsertim, ita ibi carnis vitium hominum medullas invasit, quando mulieres, quo carnosiores, & pinguiiores sint, eo libentius à viris expeti putent. Ex quo ibi plurimas pinguiissimas reperies: quid turpius corporum obesitate ob scelestissimum carnis vitium, effrenemque libidinem desiderari potest? Quod vitium ita ibi frequentatur, ut illarum plurimæ perinde ac suæ cernantur pinguiissimæ humi recumbentes, maximeque Hebrææ, quibus istud vitii aliis familiaris observatur. Quod ut obtineant, mul-

multis diebus, dulcibus, tepidis balneis indulgent, in iisque diu morantes, comedunt, potant, clysteribusque ibi ex variis pinguedinibus ac adipibus paratis utuntur, multaue etiam medicamenta per os assumunt. **GUILAND.** Recte fane videntur pro pinguefaciendis corporibus, usum illorum balneorum, à cibo, asservare. Quod Gal. in lib. 14. meth. med. his verbis docuit. *Ceterum quibus totum corpus extenuatum; iis lavari quoque post cibum est idoneum.* Quod fane etiam nobis ratio persuadet, quando dulci illo balneo à cibo adhibito, ad cutim plurimum alimenti trahatur, atque deducatur, ut Hippoc. & Gal. in lib. de Salub. diæta prodidere. **ALPIN.** Verum istud esse sæpe experientia didici: plures etenim mulieres illorum balneorum multis diebus à cibo usu frequentato, pingues evasisse vidi. Atque in hæc balnea præcipuam ego causam confero, qua illiusce calidioris cœli corpora pleraque habitum pinguem obtineant. Cum tamen cœli ratione gracilia potius, quam pingua esse debuissent. Hincque Galen. in libro 7. de Compend. med. secundum loc. dixisse, dulcium balneorum usu corpora reddi effœminata. At dubium est, quomodo gracilia corpora eorum usu balneorum possint pinguefieri, cum potius contrarium arbitrari quispiam merito posset, quippe ab illis balneis plurimis largioribusque vacuatis sudoribus potius corpora vacuata gracilescere, quam crassescere deberent. Pingua enim à plurima aliqua vacuatione contabescere, certum est. **GUILAND.** Balnea, quibus mulieres eæ pro impinguefaciendis corporibus, utuntur, tepida existunt: quando calida in triplici sint caloris differentia, etenim illorum quædam multum, & quædam parum calida sunt, hæc tepida, atque illa calida medici appellant. Tertio sunt alia medio modo se habentia, quæ scilicet temperate calida existunt. Quorum omnium balneorum Galen. in libro 3. de sanitate tuend. facultates ac vires his profecto verbis prodidit: *Dulcium calfactarum aquarum si media temperie sint, vis calida, & humida est: Sin tepidiores sint, humida & frigida; quod si justo calidiores fiant, calida quidem, sed non perinde humida.* Ex quibus dixerim, eos, qui pinguefieri volunt, balneo dulci tepido uti oportere, quali ex te audio mulieres illas uti.

Cap. 14.

Text. com.
14.

Cap. 4.

Ce-

Cetera enim sua caliditate vim habente resolutoriam, vel vacuatoriam, potius ad gracilitatem, quam crassitiem comparandam corporibus conducunt. ALPIN. An non præcipua causa est, quam naturales proximam appellant, & materialem, ex qua corpora crassescunt ac pinguescunt, copia multa humiditatis? GUILAND. Facile cognoscitur, cum mulieres viris sine dubio humidiores, etiam ipsis corpora pinguiora obtineant, & crapulis, ocioque indulgentes aliis sint pinguiore. Qui enim multum comedunt, atque potant, quod multum pinguedinis alimentum assidue suppetat, ceteris pinguiore merito fiunt. Sed qualis sit hæc humiditas, ex qua corpora pinguescunt, atque quomodo ipsa in corpore concreseat, Gal. in 2. lib. de temp. hisce verbis prodidit, dicens: *Quicquid in sanguine pingue, leve & tenue est, id in calidioribus corporibus alimentum quodam calido fit, in frigidioribus servatur, cumque id venæ extra se transmiserint, ubi in frigidas particulas incidit, quod genus membranæ sunt, circum eas concrecit; in partibus vero natura calidioribus, cujuscumodi carnosæ sunt, à calore ipso absumitur, ac digeritur, nisi sic ubi frigiditati temperamenti etiam vita indulgentior accedens ipsis carnosis particulis aliquid adipis allinat.* Causas, quibus corpora pingua fiunt, probe Gal. attulisse, censeo: etenim ad gignendam pinguedinem, ac adipem, concurrere debent alimentum pingue, leve, & tenue, atque calor remissus, vel frigiditas partium, in quibus adeps ac pinguedo concrescunt. Hæc, inquam, duo, alimentum, atque partium frigiditas, ad impinguescenda corpora sunt necessaria. Citra pingue alimentum nulla pinguedo fieri potest, ideo ipsum ad id efficiendum necessario, ut materia concurrat. A diminuto vero calore, quod frigus vocare possumus, id alimentum in adipem ac pinguedinem concrescere docent corpora frigidiora, quæ facilius calidis impinguescere solent. Ex quo Gal. dixit, corpora latioribus majoribusque venis prædita difficilius pinguescere, quod ea valde calida sint, frigida siquidem parvis venis gaudent, atque ab eo calore, pinguedinis, adipisque alimentum absumitur. Et parvarum, angustarumque venarum corpora ob oppositum temperamentum, quippe frigidum, impinguescere quam facillime, quo-

quoniam in his multum ejusce ad est alimenti (quando parum ex eo consumatur) quod ob frigus non dissolvitur, faciliusque conscrecit. ALPIN. Cui mirum, mulierum Ægyptiarum corpora alimento crasso ac pingui referta, balneorum tepidorum usu refrigerata, in balneis ad cutim deducto, & coagulato alimento, carnem ac adipem acquirere? GUILAND. Quæso, omnia, quæ illæ in balneis, ut pinguefiant, moliuntur, mihi nunc paucis narrare non te pigeat. Ea siquidem etiam audivisse summe jucundum erit.

C A P. XVI.

Quæ Ægyptiæ mulieres in balneis faciunt, ut ipsarum corpora pinguescant.

A L P I N U S.

Mulieres Ægyptiæ multa faciunt in balneis, ut pingues evadant, quæ omnia utramque nuper dictam pinguedinis causam respiciunt, eamque præsertim, quæ pinguedinis alimentum suppetit: Multa siquidem agunt, è quibus multum humorem pinguem generent, ex quo multa fiat pinguedo, balneique calida vi ad cutim deducere ipsum student, in qua tepido balneo refrigerata concre scat. Potant itaque ob eam causam jura multa variis ex adipibus, & pinguedinibus parata. Bammia melochia, & Culcassia alterata; nam his viscosiora redduntur, ex quo facile partibus adhærent. In usu familiarissimo apud multas est jus gallinarum pinguium, Maluph ab iis appellatarum, vel nigrarum arte pinguefactarum. Ipsum etenim totum ex unica gallina confectum unaquæque mulier potat, totamque gallinam in balneo comedit. Multæ ex pauperculis fæcem olei sesamini, quam thaine vocant, vel oleum ex Indicis nucibus expressum, vel chinæ radicis decoctum, carne nuper dictarum gallinarum simul cum Indica nuce percoctam epotant, vel oleum sesaminum, in quo sit dissoluta nux Indica, vel expressum ex pisfis, fructibusque terebinthi, & amygdalis

dulcibus, nucibus avellanis, & pistachiis. Comedunt etiam adhuc multa, gallinas quippe arte pingues factas: nucemque Indicam in jure dissolutam, ac in massam redactam. Sed ex omnibus pro secreto habent singulo die, dum eunt dormitum, ad decem vulgares bulbos, pro hermodactilis à nostris pharmacopæis receptos, quos aliqui potius Colchicum esse autumant, contostos mandere, eosque pluribus diebus, quindecim scilicet & viginti ad usque, frequentant. Ex quorum usu, quod nostris mirum videbitur, nihil vel per alvum, vel vomitum evacuant, minusque aliqua molestia mulieres vexantur. **GUILLAND.** Hinc nostros falsis uti hermodactilis cognoscitur, dubiumque etiam fit, eos esse Dioscoridis Colchicum, cum per os sumpti nullam noxam inferant, minimeque strangulent. Nisi loci diversitate illi collecti aliam à nostris facultatem obtineant, minimeque venenosam. Sed hæc omittamus, atque tu reliqua dicito. **ALPIN.** Nulla alia sunt à te hac de re audienda, quam quæ à doctissima medica Ægyptia, publice per urbem Cayri mulieres olim artem pinguefaciendi profitente, audiui. Ex quibus omnibus aliqua fortasse ex artis medicæ principiis ad hoc negotium desumpta cognosces. **GUILLAND.** Gratum erit hæc ex te etiam audire. **ALPIN.** Aliquæ in balneo hoc oleum epotant. Accipiunt sarcocollæ, olei sesamini an. libram mediam, Mirabolanorum chebul. xiiii. Citrinorum xii. omniaque probe contusa cum oleo miscent, sinuntque sic permanere, quousque in ea massa niger color cernitur, moxque colant, & reliqua ficcari sinunt, oleum hoc totum in balneo unica vice calidum bibunt, reliquaque in pulverem tenuissimum redacta cum vino dum eunt dormitum, assumenda pluribus diebus exhibent. Aliud, quod eodem modo faciunt. Accipiunt pisa, amygdalarum dulcium, pulpæ nucum avellanarum, pistachiorum an. dra. 6. fructuum terebinthi, pulpæ nucis Indicæ an. dra. 3. omnia simul contundunt, ab ipsisque oleum exprimunt. Quod quatuor vicibus in balneo bibunt, & quæ remanent ab expressione, quatuor iisdem diebus euntes dormitum devorant. Aliud. Accipiunt gallinam nigram probe pinguem ac carnosam, in cujus ventrem injiciunt avellanarum contusarum,

rum, amygdal. dulc. pistachiorum pineollorum, piforum an. dra. 3. quam hoc pacto paratam in aqua concoquunt, ipsamque percoctam unica die in balneo mulier una totam comedit, ejusque jus, in quo etiam sarcocolla ebullivit, absorbet, pluribusque diebus hoc mulier pinguedine facit. Eodem fere modo aliam concoctam gallinam eandem comedunt, & ejus jus bibunt. Sed prius tritici mundi in aqua cum driasmagarb uncia una decocti libram unam comedendam, exhibent. Quod cum ipsa comederit, ab ipsis decapitatur, & coquitur, totaque in balneo comeditur, & jus totum bibitur. Idem faciunt aliæ, sed alio modo gallinam coquendam præparant, nam pisa, & triticum ad libram semis in aqua decoctum gallinæ comedendum exhibent, quod ubi totum comederit, decapitatam decoquunt, solamque comedunt, ejusque jus bibunt in illa die, quinquiesque, hoc illæ facitare solent. Aliæ iis non contentæ, addunt usum variorum clysteriorum, quibus in balneo non bis unica die, sed ter quaterque utuntur: quos aliæ sola pinguetudine ursi præparant, aliæ hoc clystere uti solent. Accipientes pinguedinis ursi dra. 3. olei siris. id est, sesamini dra. 3. furfurum triticearum man. 11. quas furfures in aqua calida per aliquod tempus infundunt, à quibus mucilago exprimitur, qua adipi oleoque permista clysterem faciunt. Ex his, quibus extra balneum utuntur, hæc à multis facitari solent. Siquidem ante prandium exhibent quasdam pilullas ita paratas. Accipe mirabol. Indorum pulverizatorum dra. 1. jujubarum ab ossibus mundatarum, dra. 3. ex quibus una commistis fiunt pilullæ. Aliæ consuecunt singulis diebus per plures dies, ubi eunt dormitum, devorare quinque mirabolanos Indos, ad usque etiam septem. Vel aliæ eorundem prius intra pulpam unius batech, per noctem *maceratorium*, unciam singulis diebus ante prandium devorant. Aliæ etiam dum eunt dormitum singula die sumunt mirabol. citrinorum pulverizatorum unciam, mistam cum sæce olei sesamini atque saccharo candido. Aliæ sumunt gummi draganthi unciam semis, quod infundunt in modico aquæ per horas duodecim, cui admiscunt sacch. candidi tantundem, atque ubi dormitum eunt, devorant, pluribusque diebus facitant. Aliquæ

armonicaco utuntur pluribus diebus, ejus drag. semis affumentes. Demum aliquæ in balneo novem diebus sumunt fellis vaccini chirat in aqua calaf dissoluti. Nonnullæ ex nobilibus utuntur in balneo, decocto radicis chinæ, nuçæ Indicæ, atque colocassix radice alterato, viginti diebus, & plus; ex quo auxilii genere plures vidi emaciatas mulieres pingues evasisse, præsertimque parato in pingui gallinarum jure. Pauperculæ multis diebus simplicem aquam, in qua per noctem infusa fuerit seminum fœnu Græci, atque zizib Cretici semuncia, cum eunt dormitum potant, prius fœnu Græcum, & zizib comedentes. Hæc ex Ægyptia medica illa muliere, quæ pinguefaciendi artem publice per urbem profitebatur olim audieram.

C A P. XVII.

De dulcium balneorum pro sanitate corporum apud Ægyptios usu.

G U I L A N D I N U S.

Habeo tibi gratiam, qui ad pinguefacienda mulierum corpora secreta mihi etiam communicare volueris, quæ neque prorsus nobis fore inutilia spero; nam multa materiam ex qua pinguedo fit, respiciunt, & dulcium balneorum tepidorum usus adjuvat attractionem illiusce alimenti pinguis ad cutim, in qua refrigerata facile toto illo pingui alimento concrefcente, pinguedo fit. At tempus est, ut tu eorundem balneorum usum non ad corporum ornatum, sed magis ad sanitatem apud eas gentes utilem etiam narres. Scio etenim illos populos plurimum illorum balneorum habere usum, tum ad ipsorum tuendam, tum ad vitiatam corrigendam, atque denuo restituendam sanitatem: proinde de usu illo te in primis loqui, quo se à morbis præservant, desidero. ALPIN. Usus illorum balneorum maximus ibi servatur ad eos, qui ex itinere inflammantur, ipsorumque cutis arefcit, ac constipantur meatus: his siquidem utentes, refrigerantur, atque humectantur. Quando talis sit illo-

illorum temperies, Galeno in tertio, de sanit. tuend. docente, ut refrigerent ac humectent, corporaque illorum diffillantur; iis etenim ita affectis mirum in modum ea balnea conducunt. Quod in multis sæpissime cernitur, qui ab itineribus calidorum locorum, arenosorumque, in quibus nihil est, quo ab urente Sole illi deffendantur, inflammati atque exusti illis tepidis balneis utuntur. At non solum ab externa causa inflammatis exustisque corporibus usus illorum balneorum magnopere conducit, sed omnibus quoque ex jecore immodice calido ita affectis. Quade causa sæpissime corpora immodice calida, ac exusta ea ingrediuntur, atque ipsis lavantur. Omnes etiam, qui ex quacumque causa in meatuum cutis obstructionem inciderunt, libere iis utuntur, calidis; qui ex frigiditate; tepidis, qui ex ustione, & siccitate id passi sunt. Multi vero iis balneis utuntur vacationis gratia, quando ipsorum corpora plurimo sanguine redundant, ita ut ab ea plenitudine morbus aliquis oriri possit. Trifariam itaque illi plenitudini ipsorum corporum providere balneorum usu assolent, siquidem alii in iis sudando, alii vomendo, aliique perfriktionibus ad universas corporis partes adhibitis plenitudinem tollere conantur, & alii etiam omnibus iis tribus modis vacuantur. Horum plerique semel in mense iis vacationibus utuntur, aliique non pauci bis saltem. Sunt qui singula hebdomada id facere studeant. GUILAND. Quam tuto illi has omnes vacationes in balneo exercere queant, non intelligo: quamquam recte noverim, quam utilis sit vomitio multis facile vomentibus, maximeque biliosis atque per æstatem, quando hac vacatione stomachus ab excrementis multis mundetur. Multos etenim novi à podagra, renumque calculis vexatos, vomituum crebro usu magnopere juvatos, eodemque modo, & exudatione atque friktione vario tempore usitatis idem multis contigisse. Sed quam, inquam, tuto eodem tempore simul halitus resolutionem, exudationemque, atque vomitum quispiam possit perferre, non recte intelligo. Etenim naturam à multiplici illi vacatione haud levem jacturam subire, stomachique præsertim calorem nativum, ejusque omnes functiones in deterius abire posse dubitarim. Stomachi naturalis calor in

ambiente calidiore multum exolvi ex Hipp. colligitur, qui dixit in Aphorismis: Hyeme ventres esse calidissimos, & æstate frigidissimos. Neque immerito, cum multus ambientis calor naturalem calorem dissipet ac resolvat. Corporaque in summe calido cœlo degentia continuis vacuationibus subjiciuntur, ex quo mirum haud est, si multis, atque magnis non egeant vacuationibus, vel potius eas non recte perferant. Hincque doctissimus senex Hippocrat. sub canem, & ante canem fugiendas à medicis vacuationes insignes prodidit, hac eademque ratione, quod puerorum corpora præ multo calore habeant unde vacuentur; magnis vacuationibus inepta esse Gal. pluribus in locis statuit. Cui igitur dubium erit, stomachum in balneo ab illis multis vacuationibus lædi oportere, atque exinde admodum imbecillum ad concoquendum evadere, ejusque calorem tum à calore balnei ipsum foras evocante, tum ab halitus resolutione, exudatione, vomitione, admodum pati? ex qua illiusce membri labefactione quamplurimos Ægyptiorum iis vacuationibus sæpe indulgentibus, ad concoquendum ventriculum ineptum habuisse, atque crebrius, familiariusque ejusce membri cruditatibus acidis vexari minime miror, etsi non hanc solam causam illiusce membri susceptæ imbecillitatis esse certo sciam, siquidem à venere immoderata, ciborumque refrigerantium atque aquæ crudæ in potu usu, etiam stomachum multis lædi ex te ipso audierim. ALPIN. Vomere nihilominus in balneo humido homines facilius posse, cum id stomachum relaxet, ad motumque accommodatiorem reddat, nemo sane contendet. Hacque vomitione homines à multis morbis defendi, vel præcave-ri posse itidem sæpius à multis comprobatum est. Illo vero crebrius frequentato homines ventriculo imbecillitatem aliquam comparare verissimum est, quando hujusmodi membrum ex validioribus crebrioribusque his motionibus, fieri non potest, ne modo aliquo laxetur debiliteturque. Posse vero aliquando eodem tempore simul hominem in balneo multiplices illas innoxie ferre vacuationes, experientiæ repugnare non videtur. Quando, & naturam id sæpe in multis ægrotis fecisse observatum sit, ex quo non videtur omnino à ratione alienum, medicum,

cum, qui omnimodo naturam semper imitari debet, quique hinc ejus imitator à Galeno in Aphorismorum Hipp. Comm. vocatus est, itidem in homine aliquando multiplici simul eodem tempore uti posse vacuatione. **GUILAND.** Verum dicis, nam & Hipp. in multis ægrotis id plane se observasse in libris epidemicis memoriæ prodidit. Etenim in primo lib. de Metone, scripsit, ipsum quarta die sanguine è naribus atque sudore decretorie vacuatum fuisse. Et mulierem trimestri fœtu ægrotam decumbentem & qui in Deulcis horto, exudatione, alvique pituitosa excretionem. Virginesque Abderæ, & Larissæ sanguinis sudorisque eruptione. Si itaque ægroti possunt innoxie multas aliquando ferre eodem tempore vacutiones, cur non multo tutius recte valentes, præcavendi à morbis causa? Quinimo hoc necessarium videtur pro molienda alicujus corporis universali vacuatione, medicis esse, quando varii purgandi humores varios vacuationis modos exposcant, tenues etenim ichorosi humores per urinam, insensibilem transpirationem, exudationemque facilius, præsertimque in universo venarum ambitu contenti, vacuabuntur, quemadmodum pituitosi ac melancholici per alvum, & per vomitum biliosi. **ALPIN.** Dico itaque non ita male Ægyptios aliquos aliquando tollenda universali plethora simul uti vomitione, sudatione, atque frictione. Non omnes vero iis omnibus simul utuntur, aliquibus sola vomitione ac exudatione contentis, & aliquibus sola exudatione, & frictione totius corporis. Plerique vero, quibus non est difficile vomere priusquam sudent, & fricentur, copiosa excitata vomitione, in primis stomachum à cruditatibus multis, atque etiam aliis humoribus vexatum exonerant. Ut vero quisque vomat, ad decem usque libras aquæ, in qua glycirizæ radix, feminaque fœniculi sint percocta, epotat, cum qua evomit multa, & quam facile. Sed illi tamen ea multum juvantur, quique, & facile vomunt, atque stomachum multis excrementis repletum habent. Difficulter vero vomentibus, quibusque stomachus minime copia excrementorum redundat, neque tutus est, neque utilis, siquidem qui difficulter vomunt, non mediocri periculum subeunt, ne vena aliqua pectoris rum-

Com. 3.

Com. 5.
text. 3.

pa-

patur, & visus oblædatur, non minusque fauces, columella, & gula inflammentur. Qui etiam duro stomacho constant, minimeque excrementis multis redundante, vomitus ipsum laxiorem facit, labefactat, aptumque facit ad recipiendam excrementorum quancumque redundantiam. Neminem siquidem latet, partes imbecilliores factas facilius sibi ipsis mandata excrementa à robustioribus partibus suscipere, neque fluxionibus obfistere possunt. Quamobrem iis neque tutum; neque utilem esse vomitum puto. GUILAND. Omnia veris medicinæ principiis plane respondere videntur, at de exudatione, & frictione, qua ipsi ita familiariter in balneis iis vacationis, atque partium roborationis causa utuntur, velim aliquantulum agas. ALPIN. De exudatione haud multa sunt dicenda, cum nullis ii medicamentis sudores provocare soleant, sed solo calido balnei aëre. Quo quisque utens, large, & facile sudat. De frictionum autem usu prolixior sermo futurus est, tum quoniam illi in iis peragendis magno studio utuntur, tum quod sunt omnibus admodum familiares; proinde de iis nunc prolixius loquar, quando de exudatione apud eos frequentata illud tantum dixisse sat erit, quod illi postquam vomuerint, exudant: tempus autem exudationis, apud varios varie observatur, etenim aliqui horæ spatio, & alii binis atque ternis etiam horis sudare solent; nunc vero de frictionibus sermonem facere incipio. GUILAND. Recte facies.

C A P. XVIII.

De frictionibus, quibus Ægyptii in balneis utuntur.

A L P I N U S.

U^Sus frictionum in balneis apud Ægyptios ita est familiaris, ut nemo ex balneo non fricatus abeat. Eas vero exercentes, hominem in primis per horam fere in calido balneo commoratum, qui vomuerit, vel saltem exudaverit, in solio sedere jubent, ac sedentis omnes partes corporis manibus variis modis

dis pertractant, atque exercent. In primisque à pedibus incipientes, eos antrorsum, retrorsum, sinistrorsumque movent, & mox crura, & coxendices undequaque ter quaterque: postea ad manus exercendas petranseunt, quas itidem eodem modo moventes, ac manibus flectentes exercent, figillatim vero singulos manuum digitos, & mox cubitos, atque ab his humeros, & scapulas, ab hisque collum primo, caput secundo, tertioque pectus atque dorsum, ut undequaque flectatur student. Qua singularum partium motione finita, qua singulis ter, & quater fieri, contendunt, hominem supinum humi decumbere, atque hic distendi supra pavementum (quod omnes camerae habent ex lapillis marmoreis perbelle paratum) jubent, corpusque universum molliter fricare deorsum versus a pedibus incipiunt, imprimis anteriorem universi corporis faciem, molliter per singulas partes perfricantes. In hac vero universali frictione tribus frictionum generibus utuntur. Prima etenim, quam molliuntur est mollis, & mediocris. Secunda mediocris ac multa. Tertia est dura, & mediocris. In perfricanda vero tota anteriori corporis facie, à pedibus, ut dictum est, exordiuntur, ipsorumque omnes musculos per rectum, sive per ipsorum longitudinem, manibus superne deorsum dimotis, ab articulo ad articulum pertractant, quod illi tanta concinnitate, & peritia perficiunt, ut non fricatum nullum articulum relinquant. In primis itaque anterioris faciei pedum omnes musculos mediocriter, ac molliter volis manuum fricant, simulque etiam omnes articulos, & postea musculos, malleolorum, tibiarum, poplitum, ac coxendicum, molliter, ac mediocriter fricant, & mox manuum, cubitorum, humerorum, & scapularum, & post hos, vultus, colli, pectoris, ventrisque interioris idem per omnes musculos præstant. Finita hac in postica corporis parte frictione, corpus in oppositum, vel contrarium mutant, ut posterior pars recte fricetur, quam non secus, quam anteriorem perfricant. Atque hæc prima est frictionum differentia, quam primo in toto corpore exercent, quæ ut dictum est, est mollis, & mediocris, quam volis manuum plerique operantur, & nonnullis inunctis oleo sesamino. Post hanc, paulo

Hh

post

post secundam factitant, quæ inter mollem, & duram media, atque multa existit, nam fit in nuper dictis omnibus corporis partibus prolixius, & durius, quam panno lineo crudo omnes exercere solent. Tertia, quæ postremo fit, aspera, præduraque est, atque mediocris, hancque panno aspero ex caprina lana parato præstant. His tribus frictionum differentiis absolutis, corpus universum à planta pedis usque ad verticem capitis communi sapone illi emplastrant, & deinde calido dulci balneo cutim lavant, atque ab ea immunditias abstergunt. A lotionequæ pudenda pilis nudant, emplastro casum illorum subitaneum præstante. Demum pedes per horam emplastrant massa quadam ex pulvere archenda, & aqua communi parata. Pulvis hic fit ex foliis ligustri Ægyptii, Alcanna, & Elhanna ab iis vocati. Hæc pasta mire humidis, & foetentibus pedibus juvat, nam valenter siccat, adstringit, ac roborat, ita ut multo adjumento sit iis, qui pedes imbecillos habent. Colore etiam aureo eos exornat. Populares etenim mulieres consuetudine sibi manuum, pedumque ungues eo colore tingunt. GUILAND. Usus harum frictionum in illis balneis optimis medicinæ conservatrici principiis recte respondere cognoscitur, quando & Gal. in 2. lib. de sanitate tuenda dixerit: *Frictio vim habet solvendi, ligandi, carnem augendi, minuendi. Nempe dura ligandi, mollis solvendi, multa minuendi, mediocris carnem augendi.* Atque ut audio pleraque Ægyptiorum corpora, multo sanguine exuperant, quibus tum balnea, tum frictiones illas posse conducere arbitror, quod iis ipsorum plenitudo tollatur, exindeque corporis oborta gravitas, lassitudinesque non minus, ipsisque interim deperdita appetentia, roburque quam facile comparetur. Etenim in balneo primo calido, & humido corpora per insensibilem transpirationem, atque sudorem tenuioribus succis vacuantur, moxque contentos in musculis, articulisque motione, & frictionibus mollibus humores resolvunt. Prima vero, quam in balneo tentant, frictio, quæ mollis est, cutem aperit, atque laxat, in qua multus sanguis ex universo corpore trahitur, ex qua frictione mediocriter usâ is parum resolvitur, caroque ab eo gignitur. Ususque ob id hujus frictionis apud mulieres,

ut.

ut impinguescant, ibi est affectatissimus, ea siquidem de causa à cibo molli frictione hæ utuntur; ut ex ea attractum alimentum non dissolvatur, sed in carnem, vel adipem vertatur. Secunda frictio, quæ mollis est mediocriter, atque multa, multum attracti sanguinis resolvit, & evacuat, cutaneosque multo plus meatus aperit, & laxat, ex qua corpore multum tum vacuato, tum laxato, tertiam frictionem, duram, mediocriter ad sistendam resolutionem ac vacuationem, atque ad cutim densandam atque firmandam. Duro etenim asperoque panno ex caprina lana contexto, cutem parum vel mediocriter omnium corporis partium fricant. Apparet itaque illarum frictionum usum non esse pro vacuandis corporibus omnino spernendum. Ceterum hinc non levis oriri difficultas videbitur, quando non æque illas frictiones omnibus corporibus, pro quolibet tollenda humorum plenitudine, conducere posse non immerito sit suspicandum: Siquidem humores calidi atque tenues, suapte natura, & quam facile per cutim vacuari queunt, frigidi vero ac crassi nequaquam: quod Gal. in lib. 3. epid. his verbis docuit, dicens: *Sæpe enim dictum jam est, ut humores corporis calidiores tenuioresque paratissimi sint ad excretionem: Crudis vero & crassis, aut per abscessum aut per sympepsim, id est, concoctionem natura medeatur.* Ex quibus frigidis humoribus atque crassis corporibus exuperantibus pessime has frictiones posse conducere arbitror, quando ob crassitiem per tenues corporis meatus illis permeatio non sit commoda, veluti iis quæ tenuioribus calidioribusque abundant multi fore adjumenti has affirmare possumus. ALPIN. Quamquam eam ob causam multi crassis, frigidisque humoribus exuperantes mirum in modum ab iis frictionibus lædantur, multosque ego hac causa in difficiles viscerum obstructions incidisse observaverim, & alios in putridas febres, nihilominus vomitibus copiosioribus, ut Ægyptii priusquam fricentur, facere consuecunt, stomacho à cruditatibus probe purgato, illos innoxie ac tuto fricari eo modo posse dicerem. GUILAND. Cum, te affirmante, pleraque illorum corpora, stomachum ex superius à nobis cognitis causis imbecillum atque infirmum obtineant, crebrioribusque, cru-

ditatibus vexentur, non minusque exinde continue ea corpora hypochondria habent aliquibus cruditatibus, ac flatibus repleta, non video, eos tuto fricari posse, etiamsi copiosius in balneo prius vomant: unica etenim die in multis multa redundantia excrementa, posse vomitu expelli non cogito, quamobrem cogito illas multarum obstructionum occasionum esse posse, ut ex Gal. lib. 4. de sanit. tuend. & 8. meth. med. proditum est. Averrhoesque acriter Galenum, in lib. de sanit. tuend. docentem febres ex cruditatibus ortas frictionibus curari debere, damnat, quod corpora illa perfricata, quin in obstructiones incidant, minime effugere possint. Cautè itaque usus ille vacuandi corpora per frictiones tractandus erit. Sed nunc tempus est, ut ad quos morbos tollendos iis utantur balneis, narres, quando jam satis superque de his frictionibus à nobis dictum sit: non desunt rationes multæ utrique parti faventes, quibus earum usus suaderi, & dissuaderi poterit, quod nostrum non est in præsentia contemplari. Sequere itaque reliqua de usu balneorum in curatione multorum morborum enarrare.

C A P. XIX.

De balneorum apud Ægyptios usu ad varios morbos persanandos.

A L P I N U S.

Balneis illis ex aqua dulci paratis, non secus quam antiqui utebantur, Ægyptii nostri temporis ad varios tollendos morbos uti solent: nam iis interim humorum minuents eo modo, quo dictum est, plenitudinem, corpora à multis morbis ex plenitudine ortis sublevant: interim, cutis meatus adstrictos, atque ex calore, vel frigore, vel siccitate conniventes aperientes, multas febres exinde genitas sanant. Multis etiam morbis ex sola sicca & calida temperie, vel ex sanguine, vel bili acutiori, vel ab exusto humore abortis, opem præstant. Multasque

tasque tum internas, tum externas inflammationes persolvunt. Etenim balnea illa, ubi volunt, vacuant humorum extiperantiam, cutis meatus laxant, aperiuntque, & inflammatas partes aliquando refrigerant, ac siccitas humectant, carnemque non minus à cibo utentes generant, atque ob id gracilioribus utiles existunt. GUILAND. Pro quibus autem particularibus morbis, iis Ægyptii uti soleant, scire cupio. ALPIN. Usum illorum exercent ad febres ephemerarum omnes ex caliditate, frigoreque, nec minus ex siccitate obortas, atque etiam ad putridas quæ ex copia sanguinis, bilis amaræ, atque exustæ oriuntur, ad hæcticas quoque, & ad omnes inflammationes, melancholicas, variasque cutis defœdationes, & ad luem veneream, ad supprassasque menstruas purgationes, atque etiam ad earundem immoderatos fluxus, ad ophthalmias, hemorrhoidum dolores, & urinæ suppressionem. GUILAND. Mirum non est, si balneorum ille usus, vel illorum morborum causis, vel ipsis morbis, dum recte omnia comparentur, eos prodere possit effectus; in febribus fere omnibus balnea ex dulci aqua parata usum usque in antiquis temporibus apud omnes præcipuos medicos, habere, neque immerito, cum ea tali sint temperie ac facultate prædita, qua calfaciunt, humectant, refrigerant, siccant, evacuantes per poros cutis, Gal. enim in 3. lib. de sanit. tuend. de iis dixit: *Dulcium calfactarum aquarum, si media temperie sint, vis calida, & humida est: sin tepidiores sint, humida & frigida: quod si justo calidiores fiant, calida quidem, sed non perinde humida.* Ex quibus dignoscitur illorum balneorum usum febribus, atque inflammationibus etiam esse utilissimum. Siquidem omnes febres in hoc conveniunt, quod in calore & siccitate consistunt, sive ipsarum essentia ignea existit, quam corrigere ac delere possunt tepida dulcia balnea, quippe quæ refrigerant atque humectant, ex quo omnibus febribus causis conjunctis carentibus ipsa valde conducere videntur, atque etiam aliis simul causas habentibus quales putridæ existunt, quæ pro causis, exuperantiam variorum humorum putridorum, atque vasorum obstructions habent. In iis etenim etsi febrium ratione balnea conveniant, non tamen in principiis ipsarum,

quando prius febrium causæ sint auferendæ, quæ fere contrariis medicamentis auferuntur. In Ephemeris vero febribus causis carentibus statim in principiis homines in balnea tepida ducunt, veluti eos quibus una cum febre quæpiam etiam causa adest, qualis obstructio cutis meatuum existit, vel meatus iidem ex siccitate constipati, in eadem balnea moderate calida in primis ducunt, & mox in tepida, illis etenim conveniunt calida, quia aperiunt obstructions, quibus sublatis, mox tepida conveniunt, & iis quibus cutis ex siccitate constipata remansit tepida maxime conveniunt, quæ refrigerando atque humectando tum causam, tum morbum respiciant. Quod Gal. in lib. 8. meth. cap. 3. docuit, iis verbis: Quippe in prima accessione inclinante ducendi in balneo omnes sunt: tum pinguius simul ac molliter fricandi, ii quidem qui ex aliquo, quod cutim adstrinxit, laborant, sicut dictum est. Qui vero ex siccitate, fricandi quidem & ipsi, sed parcius, lavandi autem uberius. Qualia vero illa sint, quæ ad hæcticas febres atque ad putridas, ex te nunc scire cupio. ALPIN. Usus eorum balneorum apud eos non unus observatur, sed multiplex, quando alii balneo utantur tepido, & alii frigido; eo profecto modo, quo Gal. hæcticos lavandos docere in lib. 10. meth. med. videtur, attamen illis non valde frigidis utuntur. Tepidum balneum, quo utuntur, alterant lactuca, violis, loto Ægyptio scilicet nenuphare, endivia, funco, hordeo, coriandro, solatro, malva, foliis vitium, papavere, aliisque refrigerandi, & humectandi facultate præditis. Hi vero observantes ex his febrilem calorem hæcticorum nihil diminui, ad frigidum balneum accedunt, sensim ac sensim ad frigiditatem per tepiditatis gradus ascendentes; à tepido siquidem ad minus tepidum, & ab eo ad frigidum, & postea ad magis frigidum ascendentes, corporaque tandem tota subito in aquam frigidam injiciunt, ut æque simul omnes partes corporis alterentur. In putridis etiam febribus, apud illos usus balneorum est frequentissimus; eo etenim in omnibus tum continuis, exceptis pestilentibus, tum intermittentibus familiarissime utuntur, non tamen in principiis, sed quando febres statum adeptæ sunt, vel declinare cœperint.

In his etenim calidis balneis singulis diebus ante cibum ægrotos immergunt, eosque ibi per horam morari jubent. GUILAND. Corpora cruditatibus scatentia balneis uti non debere, Gal. pluribus in locis docuit, præsertimque in lib. 10. meth. med. quando ex balneo cruditates funduntur, ac liquantur, atque facile in viscera fluere possunt, præsertimque si aliqua sint imbecilla. Gal. etenim in balneis tria fore observanda præcepit, nempe ne qui balneantur aliquo pacto horreant, secundo, ne ullum viscus imbecillum habeant; demumque, ne multitudo crudorum humorum in primis venis adsit: Quæ ab ipso in lib. 2. meth. med. hisce verbis docentur: *Tribus enim his in balneo, quod in quacunque febre adhibebis, intentus sis oportet: uni quod citra horrorem sit administratum: Secundo, quod nullum primæ notæ viscus sit imbecillum: Tertio, quod multitudo crudorum humorum in primis venis non contineatur.* Horror namque (ut prius dictum est) non solum intendere eam præsentem febrem potest, sed cum non fuit, eam interim excitare: Partes vero imbecillæ, liquatos jam humores magis recipiunt, quam antequam liquarentur: Crudorum vero humorum copia in totum corpus digeritur. Horum si nihil obstet, ex balneis duo hæc ægro compendia accedant, & quod redundantie humorum aliquid vacuabitur, & quod multum febrilis calor transpirabit. Quamobrem ex his colligitur, quomodo febricantes balneis uti debeant, ut ipsis utilitatem afferant; ex quibus non video, quamobrem Ægyptiis corporibus, tantopere balneo conducere queant, quando alias ex te audierim illorum corpora fere continuo in primis venis multas cruditates habere. ALPIN. Verum est, at quis est putrida febre correptus, cujus nunquam ad vigorem vel decrementum etiam febris, venæ mesenterii cruditatibus minime repletæ sint? idcirco illo tempore balnea neutiquam tuta esse, assero: sed ubi illæ cruditates consumptæ sunt; qua ratione neque in principio accessionis, neque in incremento, quando neque cutis meatus pervii facti sunt, neque excrementa digesta, Gal. ægrotantes balneis uti debere memit in lib. 2. meth. ita dicens: *Quo rationabilius nec in febrilis significationis principio, nec incremento quisquam ægrotantem lavit: quippe densata est hoc tempore, coarctata-*
que

que & cutis ipsa, & quæ sub hac habetur, carnea substantia. At in febris inclinatione incipiente, aut jam progressa, & nos sæpe, & alii medici nonnulli multos sæpenumero ægrotos lavantes, non parum his contulimus. Quare cum Ægyptiis quoque ægrotantibus in primis duobus morbi temporibus, quippe in principio, & augmento, primarum venarum cruditates, quibus & ipsi exuperant, plane digerantur, meatusque cutis, & carnis substantiæ aperiantur, balnea importuna, & noxia esse videntur; in aliis vero temporibus ipsa utilissima existunt, præsertimque corporibus calidioribus, calidioribusque febribus correptis, quibus usus illorum balneorum familiarior, ac magis peculiaris ibi observatur. Etenim quamquam his balneis omnes indiscriminatim febricitantes utantur, tamen corpora biliosa, atque adusta, quæ acrioribus excrementis abundant, igneis febribus correpta magis infamiliari usu illa habent. Neque id injuriâ, cum si ea temperata adhibeantur, non modo fuliginosorum excrementorum acrimoniam, verum etiam totius massæ sanguinis, hepatisque præsertim fervorem ac acutiem compescant, evacuent, & humectent, cutimque laxant. Quare in biliosis febribus, atque adustis illorum balneorum ibi jure merito est frequentissimus usus. Corporaque illa in primis in aërem temperate calidum paululum versari sinunt, in quo exudant, atque cutanei meatus laxantur, mox oleo violaceo vel nenupharino ab eis inunguntur: & tertio in aquam tepesfactam merguntur sinuntque ibi tantisper morari, quousque aqua balnei omnem calorem amiserit, frigidamque redditam ægri amplius innoxie ferre non possunt: qui e balneo educti linteis abstergantur, atque exsiccantur, in lectuloque positi aliquantisper dormiunt, mox cibo reficiuntur: in intermittentibus febribus, diebus tantum, quibus ægri febre non tentantur, in balneum ducuntur, speciatimque in febribus amphimerinis, duplicibusque spuriiis tertianis; quartanis; in iis etenim tempore accessionum à balneis abstinent, in tertianis vero exquisitis, vel multum ad ipsarum naturam accedentibus, quotidie balneo utuntur, atque aliquando bis & ter, in corporibus graciliori ac squalidiori habitu, temperamentoque exusto præditis, quotidie fre-

frequentant: neque mirum, cum Gal. de his in primo libro ad Glauc. tertianarum febrium curationem docens, dixerit: *Balnea vero calida ex aqua potabili profunt, tum quia aliquid bilis educunt, tum etiam, quia sua qualitate plurimum juvant: nam hujusmodi omnia balnea humectant, ac potentia refrigerant: atque hæc obiter de usu balneorum in putridis febribus diximus, quibus illi nil minus familiariter utuntur ad plures alios morbos, nempe ad oculorum inflammationes: nec ad oculos modo ipsos, sed ad universum corpus, ut corpora exsiccent, atque contemperent. Sunt aliqui, qui pluribus diebus in balneis illis exudantes, atque hepatis flammeam qualitatem iis contemperantes, à Gallica lue sanari arbitrantur, qui quanto in errore sint, postea cognoscunt, qui intermissa victus sobrietate, & usu balneorum, quibus ipsorum corpora inaniebantur, ac siccabantur, rursus eodem morbo ægrotant, iisdemque symptomatis Gallicis conflictantur. Sed quid dicemus de melancholicis, qui his tepidis balneis tum in universum corpus, tum præcipue supra capitis futuram coronalem stillantibus perfecte sanantur? de his satis. Ac si placet hoc tandem sermone diem claudamus. Crastina die polliceor me tibi viro doctissimo omnia tum simplicia, tum composita medicamenta, quæ apud eos in frequenti usu existunt, narraturum. Quorum historiam non minus, quam cetera hucusque à nobis tradita, utilitati, & voluptati fore judico: finem igitur hodierno sermoni imponamus. GUILANDINUS. Satis loquendo ambo defessi sumus, ut nunc consultius sit, paululum quiescere. Libentissime te cras mane expectabo, ut medicamenta, ab ea gente usitata ex te etiam audire queam. Vale.*

FINIS LIBRI TERTII.



PROSPERI ALPINI

DE MEDICINA ÆGYPTIORUM.

LIBER QUARTUS.

C A P. I.

*De medicamentis alterantibus, quorum est apud
Ægyptios usus.*

GUILANDINUS.



ORTO Sole, quando jam in locum nostris sermonibus constitutum oportune venimus, ne tempus frustra conteramus, cum multa hodie de medicamentis ab Ægyptiis usitatis nobis dicenda supersint, jam de his ipsis sermonem aggrediare. In primis vero illa medicamenta, quæ pro alterandis corporibus, & mox purgandis ea gens sequitur, mihi prius narrato: spero enim illos medicos aliqua ex illis in usum habere, quorum notitiam, & novitate rei, & eximia utilitate, mirum in modum nobis profuturam, voluptatique futuram arbitror. Expecto itaque de his nunc, ut loquaris. ALPIN. Quamquam nihil fere habeam, ex his, quod tuis auribus dignum esse judicem, nihilo-
minus,

minus, ne laborem subterfugere videar, quæ per hos annos ibi medendo observavi, tibi dicere non recusabo: Quæ qualiave sint, tu quoque facilius conjectura assequi potes. Situs enim locorum, hominumque loca habitantium perspectæ ac cognitæ naturæ, usum familiarium medicamentorum communi quadam ratione medicis significare videntur. Siquidem cœli frigidiores plagas habitantes, quod corpora exinde habeant frigidiora, calida medicamenta frequentare observamus. Contra, qui sub calidiori cœlo degunt, quia calidioribus corporibus præditi sunt, frigida appetunt, ac pro tuenda ipsorum valetudine refrigerantium medicamentorum usus apud illos est frequentissimus. GUILAND. Vera loqueris: Hincque Germani, Boemi, Poloni, Angli, Flandri, atque alii frigidarum regionum populi, usque adeo aromatum usu delectantur, ut maxima piperis, zinziberis, Gariophyllorum, nucum, aliorumque omnium aromatum apud illas nationes copia absumatur, itidem arbitror, ut hi calefacientia medicamenta sequuntur, ita calidarum regionum incolas frigidis oblectari ac gaudere, atque exinde usum refrigerantium medicamentorum ipsis esse familiarissimum, præsertim vero Ægyptios, ut ex te alias audiavi, ea de causa plus æquo refrigerantibus indulgere. Ex quo etiam malos ibi cum vivendi, tum medendi usus, vel potius abusus originem duxisse recte arbitrari possumus. Quandoquidem incolæ frigidorum locorum ab usu refrigerantium plusquam opus esset, timentes, usque adeo à refrigerantibus tum cibis, tum medicamentis cavere, & abstinere solent, usque adeoque usum calidorum amplecti, ut refrigerantia plane negligant, non tantumque inutilia, verum etiam sibi valde noxia esse autument: exindeque refrigerantia omnia medicamenta abhorreant, ac fugiant, adeoque vulgo ob eam causam calefacientium usus receptus est, ut illum immodice sequentes, in causa sit, ut plurimi populares morbi, per ea loca fere assidue grassentur. Plures enim Germani, Poloni, atque alii frigidarum regionum populi ob eam causam à frigidis caventes, vinis generosis, aromatibusque nimium indulgentes, hepar immodice calefaciunt, atque exurunt, ex qua temperie qualia oriri soleant mala, no-

bis obscurum non est; & cum ab his tamen abstinere nolint, eos breviorē vitam vivere, mirum non est. Eodem quoque modo alias me dixisse memini, ex frigidorum frequenti, & continuo usu, Ægyptios in multos morbos incurrere: atque hanc esse ex præcipuis causis unam existimo, qua terra Ægypti calidiori cœlo utens, corpora pleraque sanguinea, ac pituitosa gignat, & quod magis admirandum nobis videatur, ea loca populares morbos frigidos plerosque pati, ab hisque plusquam à calidis incolas vexari. Sed cur mihi cupienti ex te cibos, atque medicamenta, quibus illi utuntur, audire, egomet impedimento sum? ALPIN. Ne ab incepto sermone discedamus, dico in primis Ægyptios ob multum ambientes calorem, victum, medicamentaque vi refrigerandi atque humectandi prædita præcipue consuetari. Plerique enim pro victu omnia eduliorum genera, quæ ex lacte parantur, usurpant, maximeque lac acetosum, quo omnes ibi libentissime, atque familiarissime vescuntur. Plebsque paupercula lac comedit, cucurbitæ, cucumeri, lactucæ, endiviæ, portulacæ, vel aliis oleribus refrigerandi vi præditis minutissime incis, mistum. Oleraque, quibus eos vesci consuetudo est, sunt Melochia, bamiæ, fructus, lactuca, endivia, fœniculus, coriandrum, portulaca, culcassæque radices, quas quisque ibi familiarissime variis modis paratas comedit. Atque ex fructibus, cucurbitæ, cucumeres, mala insana, Melones, anguriæ, Musæ fructus, ficus nostrates, & ficomori, qui sunt nostris latiores, breviores, atque longe insipidiores, Limonia, atque aurantia, dactili, fabæ, ciceres, atque pisa viridia. Ex radicibus, ut nuper dictum est, culcassæ est frequentissimus usus. Arundinum quoque viridium, ex quibus saccharum ibi exprimitur, in cibo apud eos usus est familiarissimus. Pro potu plerique fluminis Nili aqua perpetuo utuntur; siquidem illis vinum lege interdictum est. De medicamentis itidem dicendum est: illa etenim sequuntur, quæ refrigerandi, atque humectandi facultate sunt prædita, qualia existunt Nymphaea, papavera, ipsorum succus, ab ipsis affion, à Græcis meconium, & à latinis opium vocatus. Psyllium, coriandrum viride, quod etiam in ferculis

lis in frequentissimo est usu. Endivia, soncus, cichoreum, lactuca, plantago, Melochia, malva, rosa, sandala, limonia, cytria, atque acacia. Interim etiam ex calidis utuntur, meliloto, fœnu-græco, amaraco, menta, camomelo, anetho, liquiritia, fœniculo, aniso, atque aliis multis. Berberis fructus in medicinæ usu valde frequentant, quos putant cor multum roborare, viresque reficere, ac perfrigerare, sitimque extinguere, in febribusque ardentibus, atque pestilentibus iis paratis uti solent. Horum siquidem libram in vase magno aqua pleno, vel duodecim etiam aquæ libras continente, mittunt cum nonnullis seminibus fœniculi, vel frusto panis, atque per noctem, vel diem sic manere volunt, deincepsque de frigida hac expressione, per colum transfusa, cum saccharo multo rosaceo, vel simplici, vel syrupo ex acido citri large ægrotis propinant, qua potione calorem febrilem sitimque extinguunt, viresque reficiunt, atque etiam putredini prævalide obfistunt. Præstantissimum auxilium ad alvi fluxiones apud eam gentem sua adstrictione, habetur, eoque potu ego olim ibi pestifera febre correptus, cum immoderata diarrhæa biliosa, libentissime felici cum successu, Ægyptiorum medicorum consilio sum usus. Cum autem volunt, hos fructus non modo roborare, sed etiam alvum solvere, tamarindos ipsis miscent, aut mannam, aut terengibil. Chinæ radices ex proximis Indiis delatæ usus apud eos est familiarissimus, non tantum ad Gallicam luem, sed ad multos alios innumeros morbos curandos, præsertimque pro emaciatis, atque gracilioribus corporibus. Hujusce radicis recentis ex jure gallinarum nigrarum pinguium decoctum per multos dies propinantes, corpora carne replent, pinguiæque reddunt. Id etenim, præterquam, quod corpora pingua reddit, cutem etiam faciei sic pulchram efficit, ut si illiusce vires nostræ mulieres recte aliquando experientia didicissent, hujusmodi chinæ radix apud nos cariori pretio, sine dubio venderetur. Raro ligno Indo, vel salsaperilla ii utuntur, ejus regionis merito calorem timentes. Mulieres pauperculæ sumptum pro aliis ferre nequeunt, vulgares hermodactilos, quibus communiter nostri pharmacopolæ utuntur, modice contostos,

æque atque nos castaneas edimus; multos unica vice, ad impinguendum, devorant, ex quibus neque alvus aliquo pacto turbatur, neque aliud quippiam mali accidit. Hinc nostri pharmacopolæ scire possunt, quantum illis, pro vero hermodactilo utentes, hætenus erraverint. Egoque hos non parum admiratus sum, quando Ægyptiæ mulieres earum radicum (quas sine dubio, si modo Dioscoridi credendum sit, Cholchici esse quisque herbarum materiæ peritus fatebitur) per multos dies ad decem, & plures etiam euntes dormitum sumpsisse, instarque castanearum comedisse, sine ulla noxa ibi sæpius compererim. Est etiam illis in usu frequentissimo semen illud bon ab ipsis appellatum, ex quo illud decoctum parant, de quo posterius loquemur. Huic omnes non secus quam nostri in publicis tabernis, vinorum potationibus, operam dant. De eoque singulis diebus sæpe admodum calenti interdium, sed maxime mane jejuno stomacho large bibere consueverunt. Siquidem ipso ventriculum calefieri, roborarique apud eos compertum sit, non minusque etiam viscerum obstructions tolli, quotidie experiantur: Mulieribus ad evocandos menses præsentaneum est remedium, apud easque in usu est frequentissimo, quibus diminute fluentibus, ejus decocti probe calentis multum epotant, paulatim modicum sorbitantes. Sic enim in usu est apud omnes, ut paulatim ipsum deglutiant. In usu etiam satis frequentissimi sunt semina lactucæ, Althææ, malvæ, cucumeris, melonis, abdellavi vocati, papaverisque utriusque. Albi quidem semina sanitatis tempore libentissime, largissimeque comedunt. Utuntur etiam fruticis cujuscumque floribus, salicem æmulantis, quem alii ban, alii calaf appellant, ad multos morbos, præsertimque ubi cor patitur; nam ajunt, cor iis maxime roborari expertum esse, satisque valenter excellentiori putredini obsistere, febresque delere. Hincque eis ad pestiferas febres utuntur frequentissime. Flores etiam alterius fruticis elhane dicti, qui est Alcanna Avicennæ, maxime frequentant, ad dolores, caput ex frigida causa infestantes. Et quos præterea ex cassiæ arbore colligunt, pro omnibus leniendis doloribus, maximeque in podagra habent itidem in usu. Utuntur frequentissime & seminibus

psyl-

psyllii, maximeque in febribus ardentibus, quorum infusum, seu mucilaginem, in his febribus tutissime propinant ægrotis. Ex quo prospicitur errare cum Dioscoride omnes, qui psyllium venenum esse scribunt; quando ibi tutissime nemine ab eo unquam læso, psyllium assumatur. Opobalsami quoque, quod illuc ex felici Arabia legitimum, ac sincerum deferitur, ad multa mala usus apud eos est familiarissimus, præcipuusque ad mulieres ex uteri frigidity, atque humiditate steriles, per clysterem intra uterum injecti. Expertum est sæpissime, ipsum ad id magnum auxilium esse, quibus imbecillus, laxus quippe, ac frigidus est ventriculus, id per os sumptum maximi esse adjuvanti. Ejus siquidem calorem valde fovet, auget, ac roborat: ex quo ad juvandam concoctionem ceteris omnibus sine dubio præstat. Opii, quod ii affion nuncupant, utuntur hi frequentissime, cui longo tempore sic illi assuescunt, ut mox, vel trium etiam drachmarum pondus aliqui tuto per os assumere audeant, eo homines duarum horarum intervallo hilares fieri arbitrantur, promptioresque in obeundis ipsorum muneribus, maximeque ad bellum, atque venerem. Ibique vulgus fabulatur, milites in bello, qui eum succum sumpserunt, omnes belli timorem deponere, sicque ferociores ad subeundam pugnam fieri, ut quælibet belli incommoda fortissime ac strenuissime deinde ferant. Non pauci etiam sunt, qui eum assumentes, opinantur, se per somnum varia pulcherrima, amœnissimaque viridaria, atque amatas puellas visuros, seque cum iis oblectaturos. GUILAND. Nescio unde affirmes, eam gentem opio, Græcis meconio, atque ab ipsis affion dicto, tuto vel innoxie uti, quando tu ipse in libris de prævidendis morbis, à te olim conscriptis, plurima sævissimaque symptomata ex usu hujus succi concitari scriptum reliqueris: atque ab omnibus tum Græcis, tum Arabibus medicis meconium, seu opium, seu affion in numero frigidorum medicamentorum recenseatur. ALPIN. Haud esse absurdum, ut homines aliquorum venenorum usui assuescant, tibi plane notum est, præsertim, si quispiam eo uti à minima quantitate incipiens, paulatim ac gradatim ad majorem quotidie ascendat. *Quod Anus Atheniensis, Galeno his*

verbis in lib. 3. de alimen. facul. docente, cujus percelebris memoria est; fecisse dicitur, etenim ea à minima cicutæ portione auspicata, nullo detrimento ad permagnam progressa est copiam: principio enim paucum exiguitate ipsa devictum est, at consuetudo naturale addidit. Multi Ægyptiorum in ista erronea opinione adeo permanent, ut ab assumpto opio multa se per somnium spectare imaginentur, atque pro certo habeant omnes opium per os sumentes multa optata viridaria, puellas, & alia id genus esse spectaturos. Quot deliramenta læsa imaginatio aliquando in homine pariat, neminem medicorum latere arbitror. Mirumque idcirco haud erit, illos ea imaginatione, quod omnes usu opii multa videant, deductos, eo devorato, somno graviori captos, quippiam rerum desideratarum ipsorum imaginationi objectarum, somniare. An vero vere quicquam eis opii usus conducere possit, non est, quod tibi persuadeam, quando te non lateat, ipsum prævalidum venenum esse, ac nullo pacto juvare, & omnino homini nocere. Negandum tamen non est, quamplures Ægyptios opium quotidie sumentes, nullam noxam sentire, eo longa scilicet consuetudine à natura superato, & in alimentum quoquo modo verso. Hincque fieri puto, eos qui ipsum quotidie devorare consueverint, aliqua die intermittentes, hora, in qua assumebant, in gravissima symptomata incurrere. Animi siquidem deliquio fastidiosissimo ipsi tentantur, nulloque auxilio sic tuto liberantur, quam rursus opium devorantes. Multos ab hac servitute liberatos vidi, si in hora, qua soliti sunt ipsum capere, largius ex vino cretico, pipere, atque aliis aromatibus alterato potent. Verum etsi ii affirmant eo usu recte se valere, minimeque lædi, tamen eorum corpora valde frigida redduntur, functionesque deteriores fiunt, ebriique, atque torpidi fere perpetuo apparent. Singula, quæ sunt à me visa, ex opii usu symptomata, in libris de prævidendis morbis in Ægypto memoriæ proditis, extant, ad quos, qui hac de re plura scire volunt, nos remittimus. Sed ad rem modo redeo, reliquaue medicamenta ab illis usitata persequor. Habent siquidem alia multa composita medicamenta, quibus animi gratia utuntur, veluti de opio nunc dictum est. A quibus

bus per os sumptis inquiunt se multa per somnium videre, de quibus, nisi nunc multa decocta, quæ medicinæ causa usurpant, expositurus essem, longiorem sane sermonem tibi fecissem, cui tamen finis jam est imponendus. GUILAND. Haud inutile, neque injucundum fore existimo, si antequam ad illorum decus te conferas, illa eadem medicamenta, quæ animi gratia ab ea gente assumuntur, edifferas. In memoria sane habeo, dum per Ægypti loca olim diversarer, multos ejusmodi medicamentis veluti ebrios, ac amentes factos, multa capite, oculisque præsertim deliramenta facientes inspexisse, de quibus aliqui ex Turcis, qui mihi tum ad securitatem astabant interrogati, responderunt, illos esse, qui herbam animi gratia comedere assolent, quique etiam confirmabant illos tunc in somniis multa lætissima viridaria, amatasque puellas videre. Multaque alia de iis dixere, quæ mihi risu valde digna videbantur. Itaque de his etiam aliquid aliud te loqui, desidero.

C A P. II.

De medicamentis ab Ægyptiis animi gratia usitatis, quibus sperant his devoratis, varia exoptata in somniis se visuros.

A L P I N U S.

Priusquam tibi ea medicamenta recenseam, quibus devoratis multi Ægyptiorum sopore capti, varia optata objecta se videre opinantur, atque iis admodum delectantur: præstiterit, an istud verum esse queat, nunc ex te in primis addiscere, quando ipsorum alii affirmant, si per os affion vel affis, vel bosa, vel bernavi, vel denique bers acceperint, se plurima pulcherrima viridaria, atque formosissimas lascivientesque puellas, quasi somniantes videre: Atque alii se illa tantum somniare ac videre, quæ ipsos valde delectant ita, ut viridariorum visione gaudentes, eadem in somniis videant, & amantes, desideratas puellas, & milites bella. Hæcque opinio sic ipsos invasit, at-

que ibi tandiu invaluit, ut nunc quamplurimos semper ibi spectare possis illis medicamentis indulgentes. Nec tantum hic usus in plebe, verum etiam in primatibus, nobilibusque Ægyptiis retinetur, ibique antiqua consuetudine fit, ut aliquis ad rem aliquam vocatus, volens ejus laborem subterfugere, neget se id posse, quod ea die, atque hora herbam comedere consueverit. **GUILAND.** Cur tu de his loquens, qui ad movendas illas visiones iis medicamentis utuntur, dixti herbam eos comedere, proverbio dici, quando ex te quædam electuaria potius, quam herbam illos devorare, nuper audierim? **ALPIN.** Non me latet Ægyptios ad illas concitandas visiones, pluribus medicamentis compositis uti, ut est electuarium bernavi vocatum ex proximis Indiis delatum, Bers, Bosa: sed ad id simplex herba cannabis ceteris apud illos est familiarior, quam ea gens assis appellat; quo nomine nihil aliud quam herba significatur, quasi cannabem hinc herbam per excellentiam vocent. Quia vero (ut audiui) prima experientia eas movendi visiones ex hujus herbæ usu prodita est, atque originem traxit, vel quod ipsa promovendis his visionibus ceteris aliis medicamentis præstet, adagium illud herbam sumendi venit. Sed hæc missa faciamus, quando ex te nunc audire cupiam, an id verum esse queat, Ægyptios quippe iis devoratis medicamentis posse in insomniis eas visiones cernere; an potius hæc ipsis falsa, læsaque ferat imaginatio. Quamobrem tuum nunc erit, quæsitā diluere. **GUILAND.** Quid? an non hanc esse satis jucundam speculationem, ipsamque etiam uberiores sermonem desiderare quam præsens hoc tempus nobis concedat? verumtamen non finam te omni responsione carentem abire, qui mihi tantopere confidens, facillime posse me hanc veritatem cognoscere, arbitraris; sed quicquid est, quod ego in hac re sentiam, nunc paucis ex me audies. Quod igitur ibi famosissimum sit, omnes qui ea medicamenta assumunt, multa, ac varia, quibus delectantur, objecta sopore captos videre, certissimamque dictorum visionem quisque speret, facile erit, ut sibiipsis omnia se visuros suadeant, quæ famose illo modo ab omnibus spectari affirmantur. Neque immerito, cum à devoratis medicamentis

vapores multi concitati, & in caput delati, ipsum variis modis feriant, ejusque sensus valde perturbent, ex quibus, iis præsertim, qui visui audituique deserviunt, sic turbatis, varia, ac multa objecta ex consuetis rebus, communi sensui, cujus munus est sibi oblata objecta contemplari, distinguere, ac judicare, offeruntur. Quæ non modo dormientibus, sed etiam vigilantibus apparere possunt. Hominibus itaque ab hujusmodi usu medicamentorum variis modis capite læso, atque ejus sensibus exinde turbatis, illis certo multa objecta offerri videntur, quæ vulgus illorum medicamentorum usu per insomnia se videre arbitratur, qui tametsi nihil vere videant, tamen ea cerne-re imaginantur. Vel dicendum erit (quod facilius fortasse nobis suadebitur) usu illorum medicamentorum vitiata esse ipsorum imaginationem, non secus quam accidit in melancholicis. Homines siquidem eo morbi genere correptos, melancholico humore, vel halitu cerebrum invadente læsa imaginatione, varia deliramenta opinari medicis notissimum est. Duo in melancholicis observantur, quippe primo humor, vel halitus, qui cerebri partem, in qua residet imaginatio, obsidet, atque lædit, qua parte læsa, functiones imaginatricis facultatis continuo vitiantur, atque exinde homines haud recte imaginantur. Secundo est illiusce, vel humoris, vel vaporis ater color, quo, ut Gal. docet (quanquam Averrhoes aliter sentiat) singula illa deliramenta cum timore, & mœrore omnia fiunt. Quæ duo melancholicæ amentię, Hippocrate affirmante, verum characterem explicant, quo ab aliis amentis vere distinguitur. Hinc igitur à ratione non erit alienum, vapores, vel halitus ex devoratis illis medicamentis in caput delatos, cerebri membranas ferientes ac lædentes, varia per id temporis objecta, ac phantasmata ad imaginationem deferre posse, ex qua vitiata imaginatione homines plura variaque deliramenta, veluti melancholici faciunt, videre opinantur. In dormientibus istud haud obscure licebit observari: etenim quis ille erit medicus, qui plura variaque somnia seu visiones fere singulis noctibus à variis esitatis cibis, in quam pluribus hominibus fieri, non audiverit? Bras-sicam percoctam in cibo sumptam, pastinacam, præsertim ca-

rote, vocatam, porra, erucam, phaseolos, multaque alia fere infinita, varia turbulentaque somnia facere nostrum latet neminem. Dioscoridesque de hortensi smilaci hæc secundo libro memoriæ prodidit, dicens: *Siliqua cocta cum semine in oleribus asparagi modo estur, urinam ciet, & tumultuosa somnia facit.* Unum vero superest intelligendum, scilicet quod Ægyptii fabulantur, an fieri possit, ut ab iis devoratis medicamentis ea utique dormientes, quæ ipsis valde accepta existunt, quæque valde amant, & desiderant, videre queant; quando omnia vel folia, vel semina, vel radices, somnia moventia, illa tumultuosa ac melancholica plerumque faciant, quod singula hæc succum halitumque gignant melancholicum. Quomodo itaque prædictorum usus amata, atque desiderata objecta illis offerre poterit? ALPIN. Hinc proficisci putaverim, quia halituum commotione, vel agitatione in cerebrum facta, ea frequentius objecta facultati imaginatrici repræsentantur, quæ aptiora sunt, ut ad ipsam facilius moveantur, ac ferantur, qualia sunt hominibus plus accepta, & cara, quæque ab ipsis plus coluntur atque desiderantur. Hæc siquidem frequentius memoriam ac imaginationem occupant, ex quo amantes frequenti somno amatas, ac desideratas puellas videre, bellaque milites videntur somniare, atque nautæ naves, maria ac ventos; amata siquidem & multum desiderata objecta fere continuo à memoria ad imaginationem moventur, atque ab hac, ad illam, & rationem. Ad imaginationem ea citius moventur ex motu, quem amor, desiderium, delectatio, ac appetitus hos sequens concitant, hæcque ceteris aliis objectis citius, frequentius, & facilius internos sensus movent ac exercent, ex quo aliis objectis familiarius ac frequentius non tantum dormientium verum quoque vigilantibus ipsa imaginationi offeruntur; hinc à quibusvis sumptis medicamentis somnia excitandi vim habentibus amata plusque desiderata objecta ceteris aliis facilius ad imaginationem moventur. Quam ob causam ii illis devoratis medicamentis plus amata ac desiderata objecta frequentius in somniis, atque etiam levissimo, perinde ac ipsi vigilarent, sopore capti videre certo affirmant. GUILAND. Satis nos rationem illarum visionum, iis medicamentis movendo ea medica-

men-

mentis movendarum, nunc consideravimus, videmurque de ignotis loqui quando ea medicamenta haud hæcenus agnovimus; proinde præstat, ut nunc de his loquaris. ALPIN. Diximus tamen illa his nominibus apud eam gentem appellari, scilicet affion, affis, bosa, bernavi ac bers. De affion, quod est Græcorum meconium, atque nostrorum opium, seu succus è nigri papaveris capitibus expressus, referunt homines, eo devorato, paulo post hilares admodum evadere, multaque ac varia loqui, fortioresque ad quæque obeunda munera sibi videri, præterea subdormientes, hortos etiam & viridaria multa arboribus, herbis, ac floribus variis perbelle ornata spectare. Horum visiones omnibus Mahometis affeclis sunt acceptissimæ. Fiunt nihilominus, opium fumentes comatosi, veterinosi, fereque stupidi, atque apud omnes inconstantes habentur; modo etenim ajunt, modo negant, cum ipsisque tractare omnes cavent. Joann. Jacob. Manne medicus fane in Ægypto multum versatus, quique ante me medicinam pro Illustr. Veneta Natione, magna cum laude ibi fecerat, tres casus de iis, qui opio uti consuevere, mihi narravit; dixitque cuidam viro, opii usui assueto, per Nilum flumen Alexandriam versus naviganti, cum opium deesset, ille statim egressus navi, adeo celerem cursum Cayrum versus tenuisse, ut nunquam quisquam nostrum ipsum consequi potuisset, idque ne in hora solita sumendi opium præterita, in fastidiosa symptomata laberetur. Secundus fuit Nauta, qui dum sua navi multos Alexandriam veheret, in medio itineris, opio carens in sævissima incidit symptomota, præsertim in syncopim molestissimam, quibus à viatoribus opio oblato illico sanatus est. Iterque illud incoluminis profecutus est. Demum alius fuit, qui eodem modo opio deficiente, in exitiosissima symptomata lapsus, fere mortuus est, vixque revixit, atque non nisi longissimo tempore sanus evasit. Hunc succum, quo omnes utuntur, ex locis Sajeth, ubi olim Thebarum urbs erat præclarissima, deferunt; ibi etenim nigra papavera copiosissime proveniunt, ceterisque omnibus facultate præstant, ex quorum capitibus succum exprimunt, quem sole ficcant, atque ad usum servant. Affis nihil quidem aliud est, ut superius quoque

dictum est, quam pulvis ex cannabis foliis paratus, quem cum aqua dulci mistum in massam redigunt, cujus bolos quinque castaneæ magnitudinis, vel plures devorant, à quibus per horam post homines, qui eos sumpserunt, quasi ebrii facti, suas amentias produnt, atque in ecstasi diu manentes, suis desideratis visionibus oblectantur: hocque medicanti genus plebs frequentat, quia violiori pretio ibi venditur. Tibi mirum haud erit, ex cannabis usu hoc fieri, quando is caput vaporibus replere, atque ferire multum valeat, Galeno in primo libro de alim. facult. docente. Qua mira ejus facultate ista herba apud ipsos nomen, ut jam dictum est, assis affecuta est; quod per excellentiam herbam dicit. Bosæ idem, & plus quam assis præstare, dicunt, quam ex farina loliacea, & seminibus cannabis, & aqua componunt, nihilque aliud quam massa ex his confecta existit. Alii ex his cremorem parant, ut in potu absorbeant. Bernavi electuarium in proximæ Indiæ locis paratur, in Ægyptumque copiosa defertur, cujus Ægyptii compositionem plane ignorant; ejus tamen operationes videntur admirabiles, tuisque auribus non indignæ; siquidem ab assumpta uncia hujus electuarii, homines primo hilares fieri incipiunt, multaque loquuntur, & canunt amatoria, multumque rident, aliaque deliramenta læta produnt, quæ amentia fere per horæ spatium, in his perdurat; à qua statim iracundi fiunt, in iramque præcipitantur, effrenesque redduntur, in qua parum persistunt; demum iidem sic tristari incipiunt, tantoque mœrore atque tristitia, & timore angi, ut continue plorent, & lamententur, quæ paulo post, ab his deliramentis multum fessi somno correpti, digerunt, ac finiunt redeunt ad pristinam sanitatem. Hæc in conviviiis ab Histrionibus, ut convivantibus solatio sint, sæpissime fieri consueverunt. At mihi hæc narranti, mulier quædam Ægyptia in memoriam venit, quæ à potu largiori vini cretici ebria, omnia fere prænarrata varia deliramenta faciebat. Primo enim immodice hilaris fiebat, atque sic tunc amore lasciviebat, ut quemcumque virum sibi obvium continuo complecteretur, ac oscularetur, mox è risu cantuque ad iram, & furias sic transiliebat, ut cum omnibus rixam habere vellet; sicque lites, & contentiones sequebatur, ut omnes

nes qui in eadem cum ipsa domo erant, ab ipsa non parum timentes præcaverent. Demum ab his tota in mæstitiam ferebatur, multumque lamentabatur, ac omnes suos defunctos cantu illo mœstissimo, ut consuetudo est, assidue deplorabat, quousque somno caperetur, quo ebrietatem plane digerebat. **GUILAND.** Neque immerito illa symptomata in illa muliere ex largiore vini generosi potione fiebant. Sanguine siquidem primo ex vino calfacto, & multum humectato, qui fortasse biliosus, vel exustus esse debebat, nec non adaucto vividiorque reddito, hilaris summopere mulier ostendebatur, ex quo etiam ubi vini caliditas eximia immodice in illiusce sanguinem egit, multumque ipsum calfaciens, biliosum, atque acutum, fecit, vapores illico acuti mordentes membranas cerebri biliosos illos effectus concitabant, rixas scilicet, contentiones, atque furias. Sanguine vero eodem à vini calore fere exusto, admodumque exficcato non ab re in mœstitiam mulier, facta exinde melancholica labebatur. Quam hepar valde calidum ac exustum habuisse cogito, cujus quidem sanguis exustus, quamprimum à vino copioso humidior fieret, statim ea perinde ac sanguinea evasisset, hilaris reddebatur, quo postea à vini calore potente calidiori reddito, ut biliosa, bilis accidentia sentiebat, & denique intensiori in sanguinem facta adustione, melancholica fiebat. Sed cur hæc amplius repeto, teque moror, quominus reliqua jam absolvas? **ALPIN.** Bers quoque est electuarium, quo Ægyptii ad illa deliramenta utuntur, cujus composito hæc est. Accipiunt piperis albi, feminum hyosciami albi, an. dra. xx. opii, dra. x. spicæ Indæ euphorbii, piretri, an. mitchal. croci. scr. xv. Contundunt omnia in mortario marmoreo, & mox cum mellis partibus tribus miscent, quo utuntur tantum post sex menses. Bers vero nomenclatura sanitatem una hora tantum durantem sonat. Utuntur illi etiam aliis compositionibus, veluti est diamusculus, philosopha, Theriaca Andromachi Senioris, & aliis. Nunc vero iis auditis utilius erit, ut ego ad decocta accedam, quæ parantur, tum ad corporum tuendam, tum perditam recuperandam sanitatem, ab illis populis usitata, à quibus deinceps de syrupis sermo à nobis etiam erit.

erit habendus, ut demum de ipsorum Theriaca quoque loqui possimus aliqua; quam illi ita egregie se componere arbitrantur, ut ipsorum compositionem aliis omnibus præferendam putent. **GUILAND.** Recte dicis, & spero etiam Solem non occisurum priusquam omnia, quæ supersunt dicenda, plane absolveris; proinde ne frustra tempus conteramus, nunc perge de propositis decoctis sermonem habere.

C A P. III.

De decoctis, quibus Ægyptii tum in sanis, tum ægrotis corporibus utuntur.

A L P I N U S.

Pauca sunt decocta, quæ frequentare illos medicos novi; at tamen qualiacunque ea sint tibi etiam exponere minime gravabor. In frequentissimo usu ibi est decoctum, chaova appellatum, quod ex quibusdam feminibus nigris, fabas imitantibus parare consueverunt. Duobusque modis ab ipsis parari solet; eorum enim alii decoctum faciunt ex seminum nuper dictorum tunicis, seu folliculis, & alii ex eorundem seminum substantia, quod ex folliculis paratur, efficacius quam ex seminum substantia elaboratum prædicant. Semen hoc bon vocant, arboremque ipsum ferentem vidi in quodam Turcæ Bei viridario ex Arabia delatum, quæ evonomo maxime similis erat. Illiusce decocti facultas est frigida & sicca, quoad primas qualitates temperata, cui etiam mista est caliditas, quando illa semina ex duplici substantia constent, altera crassa, & terrea, qua cogunt, & roborant; altera calida in tenui substantia fundata, frigidaque modice prævalenti, qua calfaciunt, abstergunt, obstructaque aperiunt. Horum decoctum cichorei decocto gustu proximum est, quod tamen ipso valentius obstructa liberat. Cum ego animadvertissem mulieres, quibus cœperint fluere menses, ad eos adjuvandos de eo calidiori semper paulatim multum sorbillare, apud illasque omnes adjuvandam eam vacuationem in usu esse frequentissimo, cœpi, illa

illa perdoctus experientia, in omnibus, illo uti, quibus aliquam ob causam eorum purgatio menstrua destitisset; quod quidem felicissime multis evenisse vidi, exindeque didici hoc genus remedii pro evocandis menstruis ab uteri obstructis venis, esse præstantissimum: Post universalem tamen corporis vacuationem, mane jejuno stomacho istud decoctum assumptum efficacissime menses provocat, temporeque quo multis cum vehementibus doloribus minutæ difficulter exeunt, eis præsentaneo est auxilio. Parant autem illi hoc decoctum, fumentes nucleorum illorum seminum, à folliculis mundatorum libram unam & mediam, eaque parum igne torrefaciunt, contostaque bulliunt in aquæ lib. viginti; aliis sumentibus nucleos prædictos torrefactos, ac minutim confractos per diem infusos in aquam manere; atque alii nulla præcedente infusione eos bulliunt ad consumptionem medietatis; percolatumque decoctum ad usum servant in fictilibus vasis undique clausis. Eodem itidem modo parant decoctum ex seminum folliculis, in minori tamen quantitate sumptis: Pro quo parando accipiunt alii prædictorum folliculorum sex uncias, atque alii novem, in librisque viginti aquæ fontis ad consumptionem medietatis ipsum coquentes. Hoc decoctum stomacho summopere conducit; id ii valde calidum, & effervesces, jejuno stomacho paulatim sorbentes, potant ad ciathi mensuram, & eo amplius. Ut autem vino in œnopolyis sive tabernis nostrorum multi ebrietatibus dediti indulgere observantur, sic illi chaova decocto delectantur, eique indulgent. Aliud decoctum apud illos usitatum observatur, maglub, appellatum. Multæ ibi medicæ officinæ existunt, quæ in ea urbe nihil quidem aliud, quam ipsum vendunt, ejus quotidie mane jejuno stomacho semilibram propinant, quod stomachum maxime juvare ajunt, ipsum calefaciendo, concoctionem adjuvando, flatus dissipando, atque obstructa aperiendo. Ipsum parare volentes, accipiunt seminum fœniculorum, radicum glycyrrhizæ contusarum, an. unc. ij. s. cucumerum. s. Althææ, an. dra. i. jujubas nu. quatuor, aquæ fontis lib. 3. bulliuntque omnia simul ad consumptionem medietatis, & colatum cum saccharo exhibent. Habent quoque

ii nonnullas sorbitiones, quæ refrigerant, nutriunt, obstru-
ctiones tollunt, ac roborant. Harumque omnium hæc est illis
familiarissima, quam mastahaleb vocant, quæ quidem in feбри-
bus omnibus præstantissimum est remedium, maxime vero ad
fitim extinguendam, caloremque febrilem minuendum, atque
non minus ad urinam provocandam. Hanc potionem in late-
ris inflammatoriis doloribus maxime frequentant, quam sic pa-
rant, fumentes seminum melonis, abdellavi vocati, unc. 4.
hæc etenim ceteris omnibus plus refrigerare creduntur, semin.
anguriarum, cucurbitarum, cathe cucumeris, an. unc. i. li-
quiritiæ mundatæ radicis, sacchari candidi, an. unc. i. f. semin.
fœniculorum, vel anisorum, dra. 3. contundunt in mortario
minutissime omnia, quæ petia linea ligant, ex qua aqua rosa-
cea irrorata lac exprimunt, quod ægrotis propinant. Hoc
genus potionis sic communiter omnes parant, cujus facultatem
variant, variis additis medicamentis, prout variorum morbo-
rum, & causarum usus poscere videtur. Siquidem in ardenti-
bus febribus, in quibus major refrigeratio desideratur, prædi-
ctis addunt semina endiviæ, lactucæ, psyllii, portulacæ, al-
borumque papaverum; atque ubi etiam simul flatus dissolvere
cupiunt, addunt, coriandri, dauci, fœniculi, & anisi semi-
na, atque alia etiam, quibus flatus dissolvere datum est. Iti-
demque dolores mitigare volentes, mastahaleb cum seminibus
etiam althææ, malvarum meliloti, fœnu-græci, lini, sesami,
melochiæ, bammix, parant. Ad eosdem quoque dolores mi-
tigandos decocto ex camomeli, meliloti, ban, cassiæ fistulæ,
atque aliorum floribus parato utuntur. Mastahaleb etiam fa-
ciunt sæpissime, priori addentes micam panis, vel lac amygdal-
arum dulcium ex Gaza advectarum, quia eas quam aliorum
locorum amygdalas minus calfacere opinantur, vocantque ipsa
laux Gazavi; quam potionem in acutis morbis pro cibo multi
frequentant. Aliam parant, quæ nutrit, ac refrigerat, fumen-
tes fursuris tritici pug. 3. quam ter aqua abluunt, eamque abji-
cunt, rursus in nova aqua ipsa eodem modo lota, aquam cum
modico sacchari candidi, ac aqua rosacea parum bulliunt,
quam sic paratam calidam febricitantibus bis in die pro prandio,
&

& cœna exhibent : alii addunt lac variorum seminum refrigerantium, prout usus expostulat. Alii eam in aurora modo serapiorum sumunt ; hæc alit, refrigerat, abstergit, aperit, sitimque extinguit. Est alia Taluina ab iis vocata, quam parant capientes fermenti optimi ex farina triticea semunciam, atque aquæ rosaceæ libram, quam addito saccharo candido, aut lacte amygdal. vel seminum frigidorum, parum ebullientes, parant. Est etiam savich. apud omnes familiarissima potio pro alendis febricitantibus ; quam etiam hoc modo parant, accipientes modicam farinam hordei torrefacti, quam cum aqua rosacea dissolutam multum bulliunt, cui postea saccharum candidum permiscent. Non pauci in victu utuntur farina, amygdalarum dulcium cum aqua rosacea bullita. Superius quoque dictum est illos in febribus sequi berberorum decoctum, vel infusum, cui interim addunt pulpam tamarindorum, aliaque semina, prout varius in iis medendi usus expostulare videtur. Non minus etiam in ardentibus febribus seminum psyllii, atque citoniorum mucilagine uti solent. Pro potu vero non in ægrotis modo, verum multo magis in sanis corporibus hanc positionem frequentant, quæ sitientibus est jucundissima, quam sarbet quasi potum per excellentiam vocant : illud etenim nomen, potum, simpliciter explicat : ipsam parant, in aqua multa saccharum dissolventes, eique admiscentes tantum limonum succi recentis, quantum modice aquam acidam reddere queat. Hanc aquam in æstivis caloribus omnes libentissime potant, tum ad sitim extinguendam, tum ad refrigerandum. Nobiles Ægyptii ; & Turcæ addunt modicum moschi, vel ambræ. Pro ægrotis febricitantibus, in aqua interim rosacea, ubi febres non carent malignitate, interimque in aqua endiviæ febribus ardentibus observatis hunc potum parant. Antiqua consuetudine ibi nobiles Ægyptii, ac Turcæ suis in domibus advenas honorare volentes, perinde ac nostri Lombardi vina optima, sic ipsi jam dictum potum propinant. Ibi etiam in usu frequentissimo sunt anguriæ vel navi, vel batech elmuja vocatæ, quæ nihil præter aquam, & semina continent. Domini, vel primates magnam, ac optimam anguriam accipiunt, in ip-

faque foramen faciunt, per quod muschum, ambram, cum modico rosaceæ aquæ dissolutam intus injiciunt, aquæque anguriæ permiscent. Hæc aqua miræ voluptatis est omnibus fientibus, febricitantibusque incundissima, atque utilissima, quia refrigerat, humectat, aperit, urinamque valenter movet. Hac in renum, jecinorisque caloribus omnes utuntur. Hoc tamen mali iis, qui eam frequentant, facere observatur, quippe aquosas maximas hernias parit. Decoctum quo ex chinæ radicibus paratum Ægyptios sequi dictum est, tum ad luem gallicam, cujus non minus quàm Itali ac alii, Ægyptii divites sunt, pellendam, tum ad hepatis sanguinique calores corrigendos, tum maxime in longis tertianis, atque in corrigenda corporum gracilitate. Est etiam in usu non minus ad firmandos quoscumque fluxus ex utero; alterata tamen acacia, licio, dactilis immaturis. Atque hæc fuere decocta à me ibi apud eam gentem observata. Transeo jam ad syruporum usum, atque ad medicamenta quibus purgandi gratia utuntur.

C A P. IV.

De syrupis apud Ægyptios usitatis.

A L P I N U S.

SYRUPIS non fecus quam nostri, Ægyptii sani, atque ægroti utuntur; divites omnes varios syrupos domi paratos habent, quos aqua dissolutos in æstivis caloribus devorant. Usitatioribus vero apud eos sunt violatus, acetosus, oxymel, rosatus ex simplici infusione, vel ex decocto paratus, nenupharinus, de pomis, de citro, de limonibus, de omach, quod est medium inter citrum, & limonem, de moris acidis, de mirtho, de sandalo, de ligno aloe, atque de dactilis immaturis. Quos omnes tum in solida forma, tum liquida parare ii solent. **GUILLAND.** Memini alias ex te intellexisse, illos medicos syrupos ægrotis exhibere, non ut nostri faciunt in aurora, sed ad ægrotantium, assidentiumque libitum, omnibus, si libeat, hoc

horis, parum syrupi mistum aquæ exhibentes. Qui quidem usus quantum sit laudandus, vel non, alias aperuimus. Omnes fere hos syrupos scio nostros etiam medicos sequi, præter syrupum, de sandalis, de ligno aloe, atque de dactylis, quibus nos plane caremus, proinde hos mihi tantum narrato. ALPIN. Parant syrupum ex sandalis hoc modo, capientes sandalorum alborum modice flavorum drach. 10. contundunt crasso modo, & duobus diebus, in unc. vj. aquæ rosaceæ infundunt, posteaque colant, & colatam aquam servant. Deinceps idipsum sandalum in tantundem aquæ rosaceæ bulliunt ad medietatis consumptionem, mistaque simul aqua infusionis cum aqua decoctionis in ipsa dissolvunt sacchari optimi libram, atque coquunt, dum consistentiam syrupi adipiscantur. Parant vero ex ligno aloe, accipientes illiusce ligni optimi, seminum balsami à folliculis mundatorum, an. dra. 2. spicæ Indæ, gariophyllorum, nucis muschatæ, mastiches, an. dra. 1. omnia crassiori modo contundunt, in tenuissimoque lineo panno albo obvolvunt, ligant, atque infundunt in libram aquæ rosaceæ, mox decoquunt usque ad tertiæ partis consumptionem, atque in colatura dissolvunt sacchari optimi libram, rursumque quod satis est coquentes, syrupum conficiunt, cui postea addunt muschi orientalis chirat. Hic syrupus facit ad omnia membra, præsertimque stomachum, & cerebrum, eaque, & cor valde roborat; stomachus ad concoquendum eo robustior fit: ex quo etiam haud immerito experiuntur, laxiori facto summopere conducere, atque non minus cordis palpitationi, resolutis, convulsis, asthmaticis, atque aliis morbis itidem maxime subvenit. Ex dactylis vero faciunt sumentes succi dactylorum immaturorum lib. ij. s. succi granatorum acidorum lib. 1. sacchari optimi, lib. quinque, ex quibus secundum artem faciunt syrupum, quo frequentius utuntur ad ventriculi intestinorumque relaxationem, atque ad sanguinis fluxum, maximeque ad cruentas expuitiones. Hæcque de Ægyptiorum syrupis erant dicenda, tempusque est, ut de purgantibus medicamentis, quibus ii uti consueverunt, nunc etiam loquamur.

C A P. V.

*De purgantibus medicamentis à medicis Ægyptiis
usitatis.*

G U I L A N D I N U S.

Libentissime purgantium medicamentorum, quibus ibi ii medici utuntur, usum ex te audiam. Etenim illos plura ex his familiaria habere, nobis fortasse incognita, ac nova, quæ nostris quoque medicis valde accepta erunt, tuque, atque alii multi in Occidentalibus Indiis noverunt plura medicamenta, ex Ægypto quoque quodpiam novum purgans medicamentum ex te cognitum nobis asportatum erit. ALPIN. Neque multa ibi purgantia medicamenta novi, quæ ob aliquam singularem facultatem, atque præstantiam digna tuis auribus putem. Ægyptii siquidem medici, ut alias etiam à nobis dictum est, medicinæ haud perfecte incumbunt, quod ea apud illam gentem in viliori pretio est, proinde in iis locis plerique medici empirici existunt, qui si quid boni in medendo habent, hereditate potius à priscis medicis ipsis relictum, quam scientia acquisitum possident; ex quo non miraberis in iis locis medicamenta plura nova non fuisse inventa. Dicam tamen, quæ ibi hisce annis eam gentem pro moliendis corporum purgationibus exercere ac affectare cognoverim. Medici vero ii, quoad purgantium usum, Cayri duplici secta interstincti sunt, siquidem plerique illorum, quique medicinam in nobiles exercent, sic in purgando se gerunt, ut ab omnibus solventibus fortibus abstineant, timentes in regione summe calida, corpora à valide solventibus nimis cal fieri, vacuari, resolvi, atque labefactari: quare abstinent ab usu scamonii, turbith, ellebori utriusque, cataputiæ, mezerei, esulæ, cucumeris asinini, brioniæ, cyclaminis, colocynthidis, atque aliorum hujusmodi. GUILAND. Horum usu certe ea corpora valde incalescerent, purgarentur, & resolverentur, præsertimque quod ex te audivi, ibi pleraque

cor-

corpora esse temperata, habitusque moderate carnosum, pinguis, & mollis, quæ quam facile, & multum resolvi Gal. in lib. 10. atque etiam 11. meth. med. memoriæ prodidit, quod facile humidum per latiores poros cutis diffuat, ac resolvatur. Ad-
do plerosque illorum stomacho languidiori constare, tum ab usu frigidorum ciborum, tum à potu aquæ, venerisque ab usu immoderato. Itaque recte faciunt medici illi abstinentes ab usu valide solventium, quia omnia valide solventia calidissima sunt, multumque caloris nativi solventia, ut Gal. in lib. de purg. med. facul. testatum reliquit. Sed quid clarius Hippocrate? qui scripsit: *Sub cane, & ante canem molesta sunt purgantia medicamenta.* Æstatis vero ambientis caliditatem idem atque calidæ regionis calidam temperiem pollere, nemo ignorat. ALPIN. Non confirmaverim tamen utique id verum esse, cum magis crediderim illos haud parum errare, in nobiles omnes usum lenientium potius quam purgantium medicamentorum exercentes. GUILAND. Quid, inquires, illos in regione summe calida abstinentes in purgandis corporibus à valide solventibus medicamentis errare? vide ne tu quoque hac de re sis accusandus, atque in majorem errorem labaris. ALPIN. Si potes parumper pati, ut quod sentio loquar, id forsitan haud ita certe affirmabis, atque nos ejusdem sententiæ esse cognosces. Itaque dico non in hoc stare medicorum Ægyptiorum errorem, quod ibi abstineant ab his fortibus solventibus; hoc enim nunquam ausus essem affirmare, sed quod ii non modo à fortibus abstineant, sed ab omnibus solventibus. GUILAND. Quid rursus affirmabis, an nonne solent illi ibi corpora aliquando purgare? qui si id faciunt an non medicamentis solventibus id præstant? ALPIN. Purgantur quidem in Ægypto pleraque corpora medicamentis sic debilibus tum qualitate, tum quantitate, ut humores noxii à stomacho, vel primis venis debiliter moveri queant, quæ profecto lenientia magis quam purgantia vocanda sunt. Ea vero hujusmodi esse solent, quippe cassia Ægyptia, quæ ibi copiosa provenit, manna, Tamarindi, syrupus ex granatis dulcibus solvens; de manna, hæc sunt iis in purgando maxime familiaria, atque in usu frequentissimo. Rarissime solventibus
utun-

utuntur, atque in modica, si iis utantur, quantitate, qualia sunt rhabarbarum, mirabolani, fenna Mechina, Agaricus, & alia. His aliquando utuntur, sed in exigua adeo quantitate, ut potius humores movere, quam educere queant. Nemo, quidem rhabarbari drachmam unam cum dimidia transcendit, vel drachm. agarici, quibus tamen rarissime utuntur, quia tormina concitant, interim, quod rarissime contingit prædictorum, aut fennæ, aut mirabolanorum drachmam cum uncia mannæ, miscent; vel cum tantundem syrupi ex manna parati, vel syrupi ex granatis dulcibus solutivi. His medicamentis loco valide purgantium utuntur, putantque sic se purgare posse humoris exuperantis copiam, quod tamen non assequuntur, quia plerique utuntur nuper dictis lenientibus absque ullo solvente, rarissimique sunt, qui utrisque commistis, uti velint. Quibus quidem exuperantes humores plurimum movent, parumque vacuant; qui non vacuati tum in venas exiles in motione inculcati, ipsas obstruere possunt, tum, quod pejus est, ad nobilia viscera decurrere possunt. Sed hic quoque plures medicos Ægyptios reperiri certo scio, qui hoc modo purgantes humores interim prævalido pharmaco purgandos, lenitorio moventes, modicumque ex his ducentes sæpius in causa fuere, ut multi putridis febribus correpti obstructionibus ex humore vi medicamento per venas attracto, & non vacuato, adauctis, aut aliis è novo exinde concitatis, perierint. Ægyptii itaque, ut ad rem nostram nunc redeamus, quamquam corpus ipsis sit purgandum, quod vel articulorum doloribus vexetur, vel asthma- te, vel vertigine, vel alio morbo, validiori purgatione indigente, unciam mannæ, vel cassiæ cum saccharo, vel syrupi è manna, aut ex granatis dulcibus, binas vel tres uncias exhibent, qui tamen pluribus vicibus purgant, quotidie, alii, & alii alternis saltem diebus, alii vero horum vice, quod tamen rarissime faciunt, & multo cum timore, vel rhabarbari, vel agarici, vel fennæ, vel mirabol. drachm. offerunt. Multos ego ibi novi febricitantes in eodem morbo pluribus vicibus mannæ, aut cassiæ, vel libras sumpsisse, minime tamen sanatos, qui mox semel tantum prævalide purganti medicamento plurimum pur-

purgati statim sani evaserere. Sed his omiffis, tempus est, ut figillatim de prædictis medicamentis, quibus ad purgandum eomodo illi utuntur, sermonem habeamus, eaque primum narremus; quia multa ab his supersunt disputanda de illorum purgandi usu. **GUILLAND.** Recte putas, atque à Cassiæ Ægyptiæ narratione exordire. **ALPIN.** Cassia fructus est omnibus notissimus, de quo copiosius in alio libro dicemus: ipsius duæ observantur differentiæ, quarum altera ex loco, in quo nascitur, colligitur, quando cassiæ aliæ Cayri, aliæ Damiatæ, & aliæ Alexandriae proveniant, ex quibus locis variis aliquam etiam bonitatis differentiam præ se ferunt. Quæ Cayri proveniunt atque Alexandriae, omnium sunt optimæ, duplicique differentia observantur, siquidem aliæ colore nigro rubescente, qualis in Abissinis visitur, atque aliæ nigra cernuntur: illæ his meliores existunt, abissinaeque ex colore gentis, vocantur. Utræque sunt in frequenti usu, corticeque constant tenuiore. Quæ vero Pelusii, nunc Damiatæ, colliguntur, omnium minime utiles creduntur, quia sunt corticis crassioris, modicumque pulpæ habent, atque etiam minus ad solvendum efficaces reperiuntur. Quare ex cassiis Abissina ceteris omnibus merito magnitudine, tenuiori cortice, multaque substantia, atque efficaciori solvendi vi præfertur; hac nigra Cayrina inferior est bonitate, & omnium minime Damiatina, quæ parva, crassiori cortice, nigriorique colore cernitur. E siliquis extracta pulpa ibi omnes libentissime utuntur in omnibus morbis, ac symptomatis à flava, atque exusta bile obortis. Etenim ipsam per os sumptam sanguinem, calidosque, ac exustos humores educendo atque obtundendo, refrigerare, purioremque sanguinem facere opinantur; stomachum etiam à quibusvis excrementis ipsa exonerari multiplici experientia apud eos compertum est. In calidis distillationibus ad pulmones, vel thoracem prolabentibus summa cum utilitate eam frequentant, interim solam, interim mannæ, ac saccharo candido, vel oleo amygdalarum dulcium mistam, quam sic paratam, atque simplicem renes, & vesicam summopere juvare experiuntur. Mannæ vero, qua illi utuntur, quatuor ibi observantur differentiæ,

Mm.

qua-

quarum prima est similis grano mastiches, quam nostri mastichinam appellant: Secunda est adulterata ex amido, saccharo, & modico mannæ mastichinæ, eaque existit, quam nostri vocant bambacinam. Has duas mannæ species Ægyptii, atque Arabes Siracost nuncupant. Tertia (terreniabin ab iis dicta) est rubra, granellosa ex Armenia asportata. Quarta est quidam liquor, ut mel, qui interdum condensatur, colligiturque supra arbores montis Synai in Arabia deserta à Reverendis monachis Calojeribus, cum montem habitantibus eamque consulibus, Cayri degentibus illi offerunt, quid magnum ipsis donare opinantes. Hanc vocant terengibil. Usus cujusvis dictarum specierum non differt à nostrorum medicorum usu. Apud illos maxime commendatur mastichina, quæ ad purgandos omnes humores in usu frequentiori habetur, præsertimque in affectibus pectoris à calida causa concitatis, & in siticulosis. Namque ipsam inflammationes mitigare, febriumque calorem, atque sitim extinguere, atque alvum mediocriter subducere testantur: Ejus vero quantitatem idoneam sic metiuntur, ut pro singulo anno drachmam exhibeant, ascendunt vero in totum usque ad binas, vel ad plus ad tres uncias in adultis. Tamarindi non minus apud ipsos in usu existunt, quam sit cassia, & manna. Quorum duplex genus ibi observatur, alterum, quod ex regione Sahit defertur, atque alterum ex India; hoc alteri bonitate præfertur. Indosque tamarindos bazzi appellant. His Ægyptii utuntur frequentissime in morbis calidis, siccisque à flava bile ortum ducentibus. Siquidem hunc humorem commode ac jucunde vacuant, sitimque omnium maxime extinguunt. Ipsos vero utuntur infusis; infundunt enim ipsos in aqua simplici fluminis Nili, vel stillatia cichorei, vel endiviæ, vel fonci, vel alterius hujusmodi qualitatis per septem horarum spatium, aquamque percolatam cum saccharo, febricitantibus siticulosis propinant. Non desunt, qui subito infusis tamarindis exemptis, aquam cum saccharo epotant. Paucissimi sunt, qui eos bulliunt, verum non nisi binis, vel tribus ebullitionibus: ibi quoque tamarindi non secus quam nuces muschatæ, aliaque aromata, condiuntur, saccharo conditos assumere consueverunt,

runt, qui sunt etiam gustui jucundissimi, commodeque biliosos humores purgant. Sic conditos plures secum in longis itineribus deferre solent, præsertimque per desertæ Arabiæ loca iter facturi, quando iter facientium corpora ex longo itinere, solis calore inflammata, usu tamerindorum juventur, quoniam ipsis non modo susceptum calorem contemperant, verum etiam, quod non sic facile est iter facientes per ea loca arenosa, ac à Sole inflammata homines à siti non cruriari, sitim extinguunt. Sæpe etiam tamarindis fructus berberis addunt, ubi præsertim roborare, ac adstringere volunt, quæ duo se junctim in aqua infundunt, moxque utriusque simul mistum infusum propinant, ei sæpe addentes mannam mastichinam, vel terrengibil, in petia ligatam, hæcque potio jucunde alvum subducit, à biliosisque humoribus exonerat. Frequentant non minus syrupum solutivum ex granatis dulcibus paratum, quorum succum ibi habent dulcissimum. Parant vero syrupum istum, capientes ejus succi dulcissimi libram unam ac mediam, quem bulliunt ad consumptionem tertiæ partis, cui alii mannam, alii amidum, alii penidia, alique julep addentes, syrupum conficiunt. Ut plurimum vero parant, accipientes succi illiusce ebulliti libram, mannæ mastichinæ libram semissem, julep violati, unc. 4. Quæ miscentes syrupum conficiunt. Hunc dicunt alvum lenire, biliosos humores vacuare, atque sanguinem refrigerare. Utuntur etiam syrupo solvente ex manna parato, quem parant ex mannæ drachmis centum, aquæ drachmis quinquaginta, mellis despumati drachmis decem, parumque simul bullientes, syrupum conficiunt. Prædictorum syruporum exhibent adultis usque ad tres uncias. Hæc igitur sunt medicamenta, quæ ad purganda nobilium corpora in usu frequentissimo apud eos, qui se primates medici profitentur, atque vera purgandi methodo uti opinantur, existunt. Dicunt enim iis se corpora blandissime purgare, adprimeque hunc purgandi modum iis corporibus conducere, nihilque noxæ inferre. Ubi volunt insignem aliquam moliri purgationem, unciaë mannæ addunt binos scrupulos, vel ad plus drachmam rhabarbari, vel agarici, vel fennæ, vel mirabolanorum. Interim vero prædictorum pur-

gantium medicamentorum drachmam cum saccharo rosaceo mistam exhibent. Hos medicos iis blandioribus medicamentis corpora nobilium purgantes, veram medendi artem callere cives omnes, ac nobiles existimant, hosque prædicant, atque usque ad sydera ipsorum præstantiam tollunt. **GUILLAND.** In memoria habeo, jejuno, ut ita loquar, purgandi modo, præcos illos, doctissimosque medicos cœpisse uti, non ut illum ex arte optimum crederent, sed ut multas contumelias vitarent, quibus recte medentes sæpe, ut usus requirebat, illorum corpora purgantes validioribus medicamentis, ab illa barbara gente afficiebantur. Nam insignes purgationes illi damnabant, quæ si aliquando quibusdam torminibus iis medicamentis operantur, veh. miseris illis medicis, quorum aliqui verbera etiam in merdem accipiebant. Hincque blandis illis uti medicamentis ipsi cœperunt. Hocque non ex te tantum, sed ex pluribus aliis, dum Cayri olim moram facerem, audieram. **ALPIN.** Hic jejunos purgandi corpora usus, apud primates medicos, ut jam dictum etiam est, qui nobilibus tantum medentur, in usu est frequentissimo, quem ii omnes libenter sequuntur. Alii vero, & non pauci in urbe Cayri existunt, qui opposito modo corpora purgant: hi etenim corpora non nisi prævalidissimis purgantibus vacuant, qualia sunt scammonium, colocynthis, multaque semina validissime purgantia, quæ apud eos in maximo sunt usu. Quæ medicamenta in magna etiam dosi audacissime plebeis, rusticisque concedunt. In usu apud aliquos similes empiricos, & audaces medicos quædam semina existunt, quæ immodice per vomitum, & per secessum purgant, suntque his omnibus usitatoria, quædam minutissima caulium seminibus proxima; ex his enim unciam, quæ est communis adultorum dosis, crasso modo contundunt, ex quibus cum aqua mistis massam conficiunt, quam ægrotis devorandam offerunt hoc enim inopum remedium est, quod non secus quam antimonium valide purgat. Cuidam mulieri Turcæ publice per eam urbem pro mulieribus hystericeis medicinam facienti, hæc sunt familiarissima, quibus dicitur multas divitias sibi ipsam paravisse, apud omnesque creditur doctissima. Fateturque se morbos mulie-

lierum omnes recte sanare posse, virosque minus illorum morborum cognitionem habere posse, quod non liceat ipsos oculatim pudendorum partes omnes mulierum sedulo observare, ex quo ignorant sæpissime multorum uterinorum affectuum causas. Hanc mulierem, medicam ipse novi, mihiq̃ue fuit valde familiaris, pulchraque atque perliberalis visa est, nostrisque satis perbenigna ac faceta. Aliqui semine utuntur abdelmeluch vocato, quod præstantius quam catapotia purgat, & aliqui feminibus abdeleherua appellatis, quæ sunt ricini Arabici semina, alii scammonium exhibent usque ad drachmam, alii utroque helleboro præsertimque nigro, colocynthide, turbith, & aliis hujusmodi generis, quæ validissime purgant. Sed jam hoc empiricorum usu, prævalide purgantium, sermonem claudamus. Ex quo animus cupidus effectus est, dignoscendi ex te, an in curandis morbis longis, contumacibusque laudabilior sit usus leniter ac benigne purgantium, quam eorum, quæ prævalide purgant. Quando sapientiores medici leniter purgantium, quæ medicamenta benedicta appellant, usum libentius sequantur, quam valide purgantium, dicantque corpora nunc non sic, ut olim esse robusta, quæ valida medicamenta ferre queant: atque è contra antiquiores ac eruditiores, ut Hippoc. Gal. Avicenna, atque alii validorum medicamentorum usum semper secutos fuisse, ipsorum monumentis plane constet, non minusque hoc tempore sæpe ignara muliercula, quem nunquam plures doctissimi medici medicamentis benedictis sanare quiverunt, unico nuper dictorum prævalidorum medicamentorum medicamento, curarit. Qua in re valde ancipiti tuæ opinioni acquiescere volo, quam nunc audire, & cognoscere ex te summopere expecto.

CAP. VI.

*Uter nobilium, vel plebejorum Ægyptiorum purgandi
usus sit laudatior, sive an purgando medicamenta
leniter vacuantia præ validioribus præstent.*

GUILANDINUS.

Utrumque purgandi usum Ægyptiorum inutilem judican-
dum censeo, quando neque lenientibus, benedictisque ap-
pellatis illis medicamentis corpora omnia recte purgari possint,
neque minus imbecillium, mollium, pinguium, rarique habi-
tus corpora valide purgantibus tuto vacuentur; facile siquidem
ipsa ab his nimium resolvuntur. Exindeque neuter illorum pur-
gandi usus mihi laudandus plane videtur. ALPIN. Hinc nobis
data occasione, libenter ex te intelligerem, cum tu apud anti-
quos celeberrimos medicos medicamenta in usu fuisse ad mor-
bos curandos validissime purgantia, cognoveris, qualis fuit u-
terque helleborus, scamonium, colocynthis, peplium, atque
alia hujusmodi, nunc vero non modo in Ægypto, sed in toto
terrarum orbe plerique medici usum leniter purgantium libenter
frequentant, utrum valide purgantium medicamentorum usus,
leniter purgantium usui in morborum curatione præstet. GUI-
LAND. Mirabar ni mihi tam arduam inter medicos litem resol-
vendam nunc indicasses, quasi meos humeros, quidvis ponderis
gestare posse arbitreris. Nolo tamen hunc laborem subterfu-
gere, quo te tantopere meo iudicio delectari nunc sciam. Ita-
que mea hac de re hæc erit sententia, quam non audies, nisi
prius aliqua clarioris cognitionis gratia tibi prædixero. ALPIN.
Recte sane, nam sine aliqua distinctione non posse resolvi quæ-
situm puto. GUILAND. Id ipsum arbitror prænosendum: ete-
nim jam novimus prævalida medicamenta robustis corporibus
convenire, minimeque imbecillioribus, quanquam eos ipsa mor-
bi quoque magnitudo postularit, eodem itidem modo leniter
purgantia robusta corpora parum juvare affirmandum erit: vidi
enim multos ab assumptis leniter purgantibus, nihil aut parum pur-

purgatos fuisse, & aliquos etiam ex purganti pharmaco non invalido parum deieciſſe. Quamobrem non omnibus corporibus eadem purgantia convenient, ſed variis utique varia, ut Gal. in 4. de rat. vict. in morb. acut. teſtatum reliquit, quandoquidem corporum habitus, temperamentum, ſexuſ, ætas, victuſ, cœlum, anni, tempuſ, varia purgantia admittunt. Cui etenim dubium, corpora habitu pingui, ac carnoſo, difficiliuſ purgari, quam gracilia: & frigidi temperamenti exiſtentia, quam calidi, & denſi habituſ, quam rari, & duri quam molliſ, & rarioriſ mollioriſque qualia ſunt puerorum, valde à medicamentis reſolvi, & quæ frigido conſtant temperamento, quam calido faciliuſ ferre ea medicamenta? proinde validiora pharmaca requirere, & calida corpora præterquam, quod citiuſ reſolvuntur, magiſ etiam ab hiſ reſolvuntur. Zarotus medicuſ doctiſſimuſ, mihi olim affirmavit, cum in Tranſylvaniæ lociſ aliquot annis diverſaretur, quampluriſ non niſi à prævalidiſſimiſ medicamentis vacuatoſ obſervaviſſe, ex quo ipſe non niſi prævalida purgantia ibi in omnibuſ eorum locorum accoliſ medendo exercuiſſe dixit. Eodem quoque modo muliereſ molleſ, ac rari habituſ, pluſquam viri à purgantibuſ medicamentis labefactantur. Atque ex ætatibuſ pueritia, & ſenectuſ difficultuſ purgationeſ ferunt. Itidemque crapuliſ indulgenteſ, difficultuſ purgantur. In cœlo itidem calidiori omnibuſ corpotiſ purgationeſ difficiliſſimæ exiſtunt. Hippocrateſque hinc dixit, ſub cane, & ante canem moleſtaſ eſſe purgationeſ. Hiſ itaque præauditiſ, rem propoſitam faciliuſ reſolvemus. Omnibuſ igitur corporibuſ, ex quacunque cauſa facile reſolubilibuſ, præſertim in calido cœlo degentibuſ, medicamenta leniter, & non valide purgantia conducent, ex quo, illoſ Ægyptioſ, qui purgando nuper dictorum ſeminuſ, & alioruſ validoruſ purgantiuſ uſuſ frequentant, errare cognoſcimuſ.

ALPIN. Igitur uſuſ purgandi olim priſciſ medicis familiaris (utebantur enim ii ad purgandum ſcammonio, colocynthide, helleboro, peplio, atque aliis validiſſimiſ purgantibuſ) illo, quem noſtri nunc medicamentiſ benediſtiſ appellatiſ exercent, minus utiliſ cenſenduſ erit; GUILAND. Apud Hippocratem helleboruſ

Text. 27.
Aph. 13. 14.
15. 16.
Text. 2.
comm. 3.
Text. 29.

Cap. 8.

Cap. 14.

rum album fuisse purgans familiarissimum cuilibet nostrum notum est, quod in 2. lib. de fracturis, & quarto Aphorism. manifestissime legitur. In lib. etiam 2. de rat. vict. in morb. acut. in pleuritide, ubi dolor aliquando ad hypochondria descendit, usum nigri hellebori, ac peplii commendavit; & Gal. in quartana febre album helleborum in lib. 1. ad Glauc. utilem esse docuit, etsi ipse in 6. lib. epidem. affirmaverit, ipsum esse violentissimum purgans. Familiaria Galeni medicamenta purgantia, utpote quæ apud ipsum in usu fuerant, sunt catapocia ex aloë, colocynthide, scammonio, ab ipso olim parata, quæ devoranda dedit homini habenti linguam prætumidam, ut in lib. 14. meth. med. legitur: atque etiam confecta ex aloë, colocynthide, scammonio, agarico, bedellio, & gummi Arabico. Quorum usum in tussientibus à falsuginosi humoris distillatione ex capite ad pulmones, lib. 5. meth. summopere commendavit. Quæ quidem Catapocia, in libro de remediis facile parabilibus, ad psydracia, atque alopeciam laudavit: hæcque composuit, ut in 3. lib. de remed. facile parabil. colligitur, ex aloës unciis sex, mastiches, unciis duabus, totidemque absynthii succi: colocynthidis unciis quatuor, hocque medicamentum appellat catapocia ex aloë, & paratum ex aloë, colocynthide, scammonio, agarico, atque aliis; vocat hyeram διὰ κολοκυνθίδως. Hæc enim medicamenta validissime purgantia in usu fuerant apud Hippocratem, & Galenum medicorum omnium facile principes. Hinc à nobis sciri potest, apud ipsos non medicamenta leniter purgantia, sed valide purgantia ad vacuanda corpora in usu fuisse. ALPIN: Vera loqueris, sed ii benedictis appellatis medicamentis à nobis cognitis carentes, cogeantur illis uti, quæ validissime purgant. GUILAND. Hoc verum nunc concedatur, nihilominus in temperatis corporibus, quæ non ex multa copia, neque admodum ex tenacibus ac crassis humoribus ægrotant, validissime purgantia, simul cum humoribus carnem liquantia, bonæ humiditatis non parum educunt, veluti in Cachochymis, malorumve succorum, ubi multi impacti, infarctique sint, tenaces ac crassi succi in viscerum meatibus, leniter purgantia nunquam poterunt radicitus universam purga-

re humorum copiam. Frustraque volentes multos in visceribus infarctos succos tenaces ac crassos educere, tentant illos leniter purgantibus vacuare, vel aliis à nostris medicis usitatis, quibus raro, vel nunquam morbum à multis, & tenacibus illis succis ortum, perfecte sanant: Quod videre possumus in multis diuturnis febribus, quotidianis, tertianis, & quartanis. In istis sæpius observavi humores noxios ab assumpto leniter purganti, potius moveri, quam vacuari, pluresque sic ægrotantes his leniter purgantibus sæpe in eodem morbo devoratis, potius fastidiosos, quam curatos vidi, quos sæpe quæpiam indocta muliercula unico pharmaco validissimo, non sine doctissimorum medicorum dedecore, perfecte sanavit. ALPIN. Non omitam hoc loco historiam plane tua dicta confirmantem. Cayri erat Helena Christiana Cophta, annos nata triginta, cui à suppressis menstruis purgationibus caput sævissimis doloribus lædebatur, eoque ipsa molestissime cruciabatur, vigiliisque assiduiscum assidua tussi, atque orthopnæa misera etiam detenta, quæ vix recta cervice respirare poterat, perdoctaque ab amica muliercula, ac plane suasa, antimonii præparati grana quinque devoravit, à quo medicamento in primis vomitu multa cruda, pituitosa, crassa, ac viscida excrementa rejecit, & mox biliosa, viridia, & tandem æruginosa, atque atra multa, eadem per alvum dejecit, ex qua vacuatione statim sic bene se habuit, ut nocte tota infecuta dormierit, atque quieverit, à tussi, orthopnæa, capitisque dolore plane sanata. Pluresque alios vidi ibi hujusmodi valentibus purgationibus à morbis fere incurabilibus fuisse sanatos. GUILAND. Atque his malis nos non sic ex arte medemur, ut antiqui faciebant, utentes prævalidissimis purgantibus: volentes potius noxiorum humorum copiam vacuare, etsi non sine ægrotorum molestia, insignes hæ vacuationes operarentur, quam ab ea naturam devinci, & non tentata valida purgatione, sinere exitium sequi. Multi ex medicis reperiuntur, qui ægrota corpora præ manibus habentes, à crassis, tenacibusque multis succis in viscerum meatus, cavitateve infarctis, curanda, dubitantes posse omnes illos humores vacuari, naturamque ægrotantium, vel vires non recte prævalidum

Aphor. 13.

lidum purgans perferre, prius finunt naturam copia humorum vinci, quam purgationem tentare, vel experiri velint, quod tamen postea sæpe viribus morbo imparibus factis, non sine maximo ægrotantium detrimento facere coguntur. ALPIN. Fortasse hinc non semper abhorrendas prævalidas purgationes, colligitur; quinimo magis illas quandoque ægrotis multum conferre; Quod Hippoc. in primo lib. Aphorism. docuisse visus est, cum dixerit: *Dejectiones non multitudine sunt existimandæ, sed si talia dejiciuntur, qualia conveniunt, & ægri facile tolerant, atque ubi usque ad animi defectionem expedit ducere, faciendum, si æger possit tolerare, & multo magis;* cum ejusdem omnino sententiæ Gal. in Commento fuerit, cum dixerit; *in maximis etiam inflammationibus, & vehementissimis doloribus nullum majus novi remedium, quam usque ad animi defectionem evacuare, adhibita distinctione an mittere sanguinem, an purgare oporteat usque ad animi defectionem.* GUILAND. Multos juvasse insignes, ac etiam immoderatas validissimis purgantibus præstitas vacuationes, non raro multis observatum est. Plures inveniuntur, qui vel stibium præparatum, vel æris infusum sumpsere, ut ab antiquis hepatis, lienisque obstructionibus sanarentur, quibus per vomitum, & alvum copiosiori facta vacuatione, pristina sanitas restituta fuit, qui nunquam potuere aliis usi medicamentis leviter purgantibus sanari. Ex quo forsitan suspicandum est, apud Hippocratem, aliosque ejus temporis medicos doctissimos, veratrum album fuisse in usu familiarissimo, quod morbos brevi tempore, ac perfecte humorum noxiorum multitudinem, visceribus, atque aliis internis partibus tenaciter adhærentium, prævalida vi abstergendo, evellendo, atque purgando sanaret. At tu Hippocratis Galenique præceptum in primo lib. Aphorism. memoriæ proditum in medium quoque attulisti, qui ambo docuerunt, corpora aliqua interdum etiam ad animi usque defectionem purgari posse. Quorum sententia sic omnes fere nostros medicos distorsit, ac turbavit, ut plerique ipsorum nunc contendunt, illiusce Aphorismi præceptum Hippocrate dignum non esse, quoniam in ea non sunt sententia, ut innoxie possint corpora unquam ad animi defectionem purgari, neque id

Aphor. 13.

id ex arte medicos facere ullo pacto debere affirmant, neque si fiat, tutum esse: Qui tamen, ut tantorum medicorum sententiam fervarent, plurima commenti sunt, alii siquidem dicentes, communi quadam ratione, & non proprie ab his dictum fuisse, vacuationem aliquando ad animi usque defectionem moliri posse, & alii verborum seriem pervertentes, negant hæc verba, ad animi defectionem, in antiquis Codicibus reperiri, atque alii Hippocratis Aphorismum corruptum fuisse affirmant. Quem sic quoque Galenum interpretatum fuisse, cujus mos est, sic ut jacent, Hippoc. textus ac verba commentari. Nonnulli etiam opinantur licere aliquando corpora purgari ad animi defectionem, at per defectionem, non exquisitam syncopim, quæ resolutis spiritibus fit, sed levem quidem animi defectionem, quæ sæpissime assumptorum purgantium qualitate, vel ab humore acri, ore stomachi læso, vel etiam in intestinis, dum mucosi acresque humores ab ipsis evelluntur, atque transeunt, torminibus quibusdam concitatis, vel etiam à quapiam levi resolutione vacuationem insignem secuta, excitatur; qualem quisque nostrum in praxi in multis purgationibus aliquantulum majoribus, quam par foret, vel à medicamento, vel ab humorum qualitate infesta, in stomacho, vel intestinis angorem, vel tormina concitante, sæpissime observavit. Plures siquidem ab his causis etiam à non prævalido purgante in syncopim sæpe labuntur. Hincque fit, quod omne prævalidum purgans aliquam defectionem pariat, aliqua spirituum resolutione facta, aut ab ejus infesta qualitate; uti in helleboro, scammonio, stibio præparato, aliisque similibus medicamentis observatur. Usus prævalidi purgantis, ubi ajunt, ad animi usque defectionem purgandum esse, Hippocratem atque Galenum intellexisse, quale veratrum erat Hippocratis tempore, quo omnes semper cum vacuarentur, lipothymia aliqua corripiebantur. Omnesque medici stibium, æris infusum, sambucum, camelæam, scammonium, aut aliquod ejusmodi validissimum purgans exhibentes, præmonent ægrotos purgandos, fore à medicamento vi prævalida, atque ab ejus infesta qualitate stomachi angoribus, torminibus, atque aliquando animi defectionibus medicamento coo-

perante, tentandos. Itaque per purgationem ad animi defectio-
nem faciendam insignem, ac copiosam, quæ fit prævalidissimo
purganti, Hippoc. Galenumque intellexisse multis hinc persua-
sum est. Quæ dum fit, multi levi lipothimia corripuntur. Ne-
que alienum à ratione, & experientia esse puto, quosdam co-
piosis ac insignioribus his purgationibus juvari posse, præsertim
robustos, eas tolerantes, maximeque à vehementissimis inflam-
mationibus, vel doloribus ex copia humorum exortis cruciatis,
quippe copia molestantis humoris prorsus vacuata, dolores tol-
luntur, atque inflammationes sanantur. Et quamquam non æ-
que facile, perinde ac sanguinis missio, purgatio sisti firmarive
possit, nihilominus, non est ex his, quæ fieri nequeunt, etsi
quandoque valde difficile, fluentem alvum firmare, ac sistere.
Quapropter, ut tandem quæsitum dubium resolvam, in omni-
bus antiquis morbis, qui à tenacibus multis succis, obstructio-
nibusque viscerum pertinacibus, oriuntur, in tumoribus, su-
spiriosis, asthmaticis, in antiquis doloribus, præsertimque ar-
ticulorum, in chronicisque febribus, atque in aliis similibus
morbis contumacibus, dummodo robur corporum admittat,
prævalidorum purgantium usus, leniter purgantium usui præ-
ferendus videtur. In debilioribus vero corporibus prævalidas
vacuationes ferre nequeuntibus res ex opposito creditur: siqui-
dem his leniter purgantia magis conferent, etiamsi morbi cau-
sæ validum purgans exposcerent; non secus quam in mittendo
sanguine nos sæpe observamus, in iis, quibus morbi ratione
plurimum sanguinis esset vacuandum, viribus, vel ætate, vel
alio renuente, sanguinem mittimus in pauciori tamen quantita-
te, qui tantum commodi illis affert, quantum nuper dictis de-
bilibus corporibus leniter purgantia; si enim maximam ferre po-
tuissemus vacuationem, majus quoque eis commodum accederet,
proinde juvant, quæ non inopportuna quantitate fiunt vacua-
tiones, quantum juvare possunt. ALPIN. Verum dicis, nam-
que, ut alias tu quoque narraisti; ego etiam multos vidi à diu-
turnis ex capite in pulmones distillationibus languidos, ac pene
tabidos effectos, ac redditos, ut vix eorum salus amplius spe-
rari potuerit, nihil per longum tempus à benedictis illis vocatis pur-

pur-

purgantibus juvatos, semel à devorato scammonio, vel stibio, vel colocynthide largissime purgatos, continuo sanos evasisse. Ceterum hæc medicamenta requirunt medicum non minus doctum, quam prudentem, ut quid opus sit, scite, ac prudenter videat: sed nunc satis de his locuti sumus, tempusque est, ut ad alia transeamus: sed quid de aquæ potu post devoratum purgans, à quibusdam recepto, judicabis? GUILAND. De eo nunc etiam quæpiam à nobis dicenda erunt, sed clarius antea hunc mihi usum manifestes, ut rem apertius tractemus.

C A P. VII.

Apud nonnullos Ægyptios in usu esse ab assumpto purganti medicamento, frigidam multam propinari.

A L P I N U S.

Ridiculus fane hic usus ac valde barbarus tibi videbitur: quippe medicos illos non paucos ab assumpto statim purganti medicamento, ægrotis multam frigidam aquam bibendam propinare. Ego unum hoc ex ea sæpius observavi, levissimo medicamento, insignem per alvum vacationem fieri. Multi illorum consueſcunt ex omnibus medicamentis purgantibus, cassiam, mannam, terrengibil, syrupum de granatis solutivum, atque ex manna paratum cum aqua exhibere: in primis quidem cassiam, vel mannam, vel aliud nuper dictorum medicamentorum ægrotis offerunt, paulo post aquam propinantes frigidam, alii ejus binas, vel tres libras, atque alii quantum ægroti bibere queunt, concedentes: ex qua sæpe ego, etsi ab ea alvus turbata multa dejecerit, tamen multos pene mortuos, toto corpore ea causa immodice tumefacto, vehementissimisque doloribus lacerato, conspexi. Multis quoque rursus post assumptam mannam ad binas libras perhauſta, alvum absque multa molestia subductam dejecisse, atque contulisse vidi. Quod fortasse accidebat, quia aqua Nili subdulcis, & tenuissima, perinde ac serum lactis, alvi dejectionem

adjuvabat. **GUILAND.** Barbarus, ac summe periculosus usus mihi videtur, à nulloque imitandus, quinimo ab omnibus abhorrendus, neque etsi aliquos commode, ac utiliter eo purgatos fuisse dixeris, aliquid boni habere putaverim, quod casu eos sic purgatos fuisse certus sim, aqua siquidem omnis quamquam optima sit, omnique culpa vacet, ut Gal. in 3. de vict. rat. in morb. acut. docebat, tarde meat, difficile concoquitur atque ægre descendit: quonam itaque modo aqua poterit vim purgantem medicamenti fovere, atque augere? atque si ex ipsa aliquando commode quospiam purgatos compertum sit, in causa fuisse, vel ab ea cruditas concitata, vel natura ex multitudine aquæ excitata intempestive ad expellendum. **ALPIN.** Nihilominus ego sum hujus sententiæ, quod ipsa, quæ est omnium aquarum, ut alias demonstratum est, & tenuissima, & maxime concocta, modice sumpta possit cominodam alvi dejectionem adjuvare, multoque magis, quod omnes aquæ Ægypti aliquid nitri sapiant: tota etenim Ægypti terra nitrosa, ac saluginosa est, proinde aqua quoque illiusce fluminis supra terram, nitrosam transiens, aliquantulum in se nitri naturæ retinere potuit, quamobrem aqua illa subducendi, vel abstergendi quapiam facultate prædita sit, cujus rei fortasse non spernendum hoc erit argumentum, quod omnes advenæ, cum primum Cayrum accesserint, eaque aqua in potu usi sint, per multos dies diarrhæam copiosam patiuntur; hincque etiam ipsam fortasse, præterquam quod probe in tam longo itinere à Solis calore concocta est, etiam aliquantulum nitri habens, ventriculi calorem non sic labefactet, neque sit ita ipsi stomacho molesta, ut alibi, percipitur. **Averrhoes** etiam in lib. 7. collig. dixit: *Et quantitas quam dare debes ex rheubarbaro, est à duabus drachmis usque ad tres, miscendo ei syrupum juleb, & squinzibim an. uncia una, cum quinque partibus aquæ frigida.* Atque hoc fortasse idem invenietur apud **Avicennam**, **Haly**, atque **Rhasim**, & alios, qui interim aquam post purgans medicamentum frigidam dare præcipiunt. **GUILAND.** Posset quidem aquæ Nili fluminis inesse talis vis, sed tu hac non contentus, usum aquæ etiam assumptis pharmacis ex **Averrhois** & alio-

aliorum Arabum præclarissimorum medicorum testimonio probare videris: quod si ita est, animadvertas velim, Averrhoem, atque alios Arabes medicos, aquam frigidam dandam illis tantum consuevisse, quibus præ caliditate stomachi periculum est, ne vel vomant medicamentum, vel in syncopim ferantur, ut manifestissime cuique sedulo prædictorum scripta animadvertenti, & ipsorum mentem percipienti, notum erit, sed de hoc usu hæc dixisse nobis sufficiat, atque ad varia composita medicamenta, quibus ea gens utitur, accedamus.

C A P. VIII.

De theriaca, atque aliis compositis, medicamentis, quæ in usu sunt apud Ægyptios.

G U I L A N D I N U S.

Nonne etiam Ægyptii medici compositis aliquibus medicamentis utuntur? quæso, quæ sunt, ea mihi narres. ALPIN. Paucissima composita illos in medendo exercere observavi, nullaque ad purgandum, neque catapotia, neque electuaria scitu digna. GUILAND. Ea tamen qualia sint narrare quoque non te pigeat. ALPIN. Quæ ex medicamentis compositis apud eos in usu fuisse tunc temporis ab iis didiceram, hæc plane existunt, quippe theriaca, bernavi, bers, phenonie, philosopha, atque Diamesch. Hæc enim scitu digna eos in medendo frequentare animadverti, sed omnium maxime theriacam Andromachi Senioris, quam jussu Turcarum Regis ipsi summa cum diligentia componunt; in aliis vero, quæ dixi, medicamentis non eandem adhibent illi diligentiam, cum pro arbitrio omnes domi componere possint: quisque enim medicinæ etiam plane ignarus, ut lubet, ea pro usu sibi parat, ac componit. De theriaca vero res aliter se habet, siquidem non licet alicui ipsam privatim componere, sed publice coram omnibus medicis, in publico loco, quod pro ipsorum rege componatur, cujus jussu omnis cura ac diligentia ab illis adhibetur, ut perfectissima ac
ab-

absolutissima perficiatur. Atque hinc Ægyptii, apud quos nunc optima medicina obsolevit, theriacam ceteris aliis medicamentis accuratius componunt, ejusque compositioni maxime incumbunt, qui sciant hac ratione se suo regi obsequi, cui tale medicamentum gratissimum esse intelligant. Accedit etiam, quod id medicamentum apud omnes Ægyptios in frequentissimo est usu, quando fere ad omnes morbos ea gens theriaca utatur. Locus, in quo eam componunt, est templum, urbis Cayri præclarissimum, Morestan vocatum. In eo omnes medici jussu præfecti, cum archiatro medicorum, five principe, quem Achim-Bassi appellant, simul conveniunt, mense Majo fere semper, ut de hac præclarissima compositione paranda consilium apud ipsos habeatur: ibi tum is qui compositioni faciendæ designatur, qui est pharmacopola exercitissimus in ea compositione, solamque theriacam componit; coram omnibus pastillos omnes conficit, cum quibus postea totam compositionem accuratissime absolvit. Is, autem qui eo tempore, quo Cayri ego medicinam faciebam, compositionem hanc moliebatur, fuit Mahemet ebne Haly, vir quidem quamvis Mahemetis affecla, morum tamen integritate non spernendus, quique advenas plurimi facere præ se fert; fingit tamen ingenti spe lucri, ex multa theriaca, quam advenis continue vendit. Nunquam tamen ego, etsi mihi admodum domesticus, ac familiaris esset, theriacæ compositionem, quam illi servant, ex eo discere potui, nunquam voluit me ipso etiam præsentem legere. Timent enim, si nos ipsorum compositionem, quam ceteris absolutiorem ac præstantiorem esse opinantur, ab ipsis didicissemus, multi lucri, quod cum advenis plurimis Italis, Germanis, Polonis, Anglis, Gallis, Flandris, aliarumque multarum nationum hominibus sæpissime in Ægyptum navigantibus continue faciunt, se non parum jacturam ac damnum passuros. Vel etiam quia illis lege interdictum est, Christianos homines eam compositionem posse docere. Hincque nemo advena potest ullo pretio ab illis eam compositionem intelligere. GUILAND. Hoc jam diu sciveram, sed tu quam arte usus fuisti, ut eam ab illis intelligeres? auro fortasse phar-

ma-

macopolæ illius timorem, atque legis interdictum te expugnasse puto. ALPIN. Nullo meo consilio id accidit, sed casu atque ab alio Mahomete mihi valde familiari, rei herbariæ longe omnium Ægyptiorum doctissimo, cui quotidie ex Arabiæ, atque Æthiopiæ, Indiæque locis aliqua nova medicamenta ab amicis mittebantur, theriacæ, quam Ægyptii componunt, integram ac veram habui descriptionem: paucis enim diebus antequam ab Ægypto discederem, Deo volente, mihi contigit, ne citra sic desideratam illorum theriacæ compositionis cognitionem, exinde malo animo abirem, idque nec aurum, nec aliud munus, nisi multa ejus viri erga me humanitas confecit. Apud ipsum enim cum discederem, vidi librum permagnum, & mirabilem, qui à doctissimo Ægyptio, olim Sultani cujuspiam Ægypto Imperantis mandato, qui omnes Ægypti, Arabiæ, Æthiopiæque locorum plantas diligentissime observaverat, de omnium illorum locorum plantis conscriptus fuerat. Quem si recte latinitate donatum nostri haberent, de multis medicamentis peregrinis lites omnes absolverentur. Forte fortuna igitur, ut ad rem nunc redeam, diebus pauculis, antequam illinc discederem, cum quorundam simplicium medicamentorum occasione, dictum Mahemetem herbariæ professorem convenissem in ejus apotheca feligentem, parantemque simplicia pro theriaca Ægyptiorum, ab omnibus medicis illo tempore indicta, ut illa in Morestan mitteret Mahemeti theriacæ compositor. Nam Mahemet ille, qui jam multos annos theriacam componebat, solitus erat omnia medicamenta, quibus theriaca paratur, ab eo accipere: is rogatus à me, quid tunc negotii haberet? cum respondisset herbas, succos, gummata, radices, semina, atque alia medicamenta simplicia pro componenda theriaca feligere, quæ in Morestan ad Mahemetem compositorem missurus erat, schedulam, in qua theriacæ compositio Archiatri medici Ægyptii litteris descripta legebatur, ejusdem medici, quoque sigillo submunitam, rogatus, mihi se præsentem legendam paululum concessit, atque postea etiam permisit, ut totam eam diem illam commodius perlegere possem, ac contemplari. Cujus scripturæ principium cum Ægyptio medico

Hebræo Italicam æque ac Arabicam linguam callente, cum legissem, theriacæ esse compositionem, quam per eum annum medici Ægyptii componere pro Turcarum Rege constituerant, quamprimum agnovi. In qua, ut jam dictum est, aderat Achim bassi subscriptio. Illam continuo domi cum dicto Hebræo medico, præsentem etiam Octavio Rovereto Tridentino medico excellenti, qui cum Franc. Delphino, ibi pro Serenis. Dominio Veneto Consule Clarissimo, in Ægyptum, medicinam exercendi causa venerat, ex Arabico idiomate in latinam linguam verti, quam quidem ne amplius tuum desiderium remorer, hoc modo scriptis traditam nunc ex me audies. Verum nomina medicamentorum scribere primo Arabice, & mox Latine clarioris cognitionis gratia volui.

C A P. IX.

Theriacæ compositio, quam singulis annis Ægyptii pro Turcarum Rege componunt, quam Tharachfaruc appellant.

A L P I N U S.

UT Theriacam igitur componant, accipiunt.
 Acras haufel, id est, pastillorum Scyllinorum, dra. 864.
 Acras Affa, id est, pastillorum ex serpentum Thayr vocatorum carnibus paratorum, dra. 432.
 Acras Alindaracoron, id est, pastil. Hedicroorum, dra. 432.
 Darfelfel, id est, piperis longi, dra. 432.
 Affium Rumi, id est, opii Thebaïci, dra. 432.
 Zaraverd, id est, florum rosarum, dra. 216.
 Hasselesuffan, id est, radicis iridis, dra. 216.
 Scordium, id est, scordii, dra. 216.
 Garicum, id est, agarici, dra. 216.
 Dehenbalassan, id est, opobalsami, dra. 116.
 Darfini, id est, cinnamomi, dra. 216.
 Rohobsus, id est, succi Glycirizæ, dra. 216.

- Bezer Saglian, id est, feminum bunii, dra. 216.
Mur amar, id est, Myrrhæ coloratæ, dra. 108.
Zaffaran, id est, croci, dra. 108.
Chest mur, id est, costi amari, dra. 108.
Archer, id est, floris squinanthi, dra. 108.
Selica feuda, id est, cassiæ nigræ, dra. 108.
Sombulendi, id est, nardi Indici, dra. 108.
Condor Abiat, id est, Thuris albi, dra. 108.
Felfel abiat, id est, piperis albi, dra. 108.
Felfel assuet, id est, piperis nigri, dra. 108.
Zenzibil, id est, zimziberis, dra. 108.
Stecadus, id est, sticados, dra. 108.
Elchelimbāt, id est, therebenti, dra. 108.
Faudeneg, id est, calamenti montani, dra. 108.
Rhavend feni, id est, rhabarbari, dra. 108.
Maschatramassie, id est, Dictami, dra. 108.
Frassium, id est, prassii, dra. 108.
Pentaphilum, id est, pentaphyli, dra. 108.
Petroselium, id est, petroselini, dra. 108.
Chamefitos, id est, chamepytheos, dra. 72.
Giahade, id est, polii, dra. 72.
Phu, id est, Valerianæ, dra. 72.
Amama, id est, amomi, dra. 72.
Tinmaetum, id est, terræ figillatæ, dra. 72.
Sombul Rumi, id est, spicæ Græcæ, dra. 72.
Colochtar, id est, vitrioli, dra. 72.
Mea seile, id est, styracis liquidæ, dra. 72.
Ab balassan, id est, carpobalsami, dra. 72.
Henud, id est, acori, dra. 72.
Rasianeg samar, id est, feminum fœniculorum, dra. 72.
Gentiana, id est, gentiana, dra. 72.
Sang Arabi, id est, gummi Arabici, dra. 72.
Gardemani, id est, cardamomi, dra. 72.
Rohob Chachia, id est, succi Acatiae, dra. 72.
Nanachue Endi, id est, ameos Indi, dra. 72.
Bezer carafs, id est, feminum apii, dra. 72.

Anisum helb, id est, anisorum dulcium, dra. 72.

Chemadrios, id est, chamedrios, dra. 72.

Seselios, id est, seselios, dra. 72.

Mu, id est, mei, dra. 72.

Horf, id est, nasturtii, dra. 72.

Hafart leget, teteis, id est, succi hypocistidis, dra. 72.

Secbines, id est, serapini, dra. 72.

Hyufaricum, id est, Hyperici, dra. 72.

Gindubalestar, id est, castorei, dra. 72.

Zaravend tavi, id est, Aristolochiæ longæ, dra. 72.

Daucum, id est, Dauci, dra. 72.

Vini granatorum, aut vini antiqui quantum sufficit. Mellis optimi partes tres. **GUILAND.** Theriacæ huic descriptioni addenda quoque à te est pastillorum in primis, qui ex scylla conficiuntur, mox etiam aliorum, compositio. **ALPIN.** Pastillos Scyllinos parantes, accipiunt scyllam albam mediocris magnitudinis, quam triticea pasta contectam, ac conclusam in ignem ponunt, urique finunt, quousque pasta circa Scyllam posita, perfecte assata videatur, ac crustam contostam contraxerit, quam continuo eximunt, atque extrahunt, quodque intus cœpæ scyllæ est molle accipientes, ei farina orobi permista, in ea portione, ut respondeat duabus scyllæ partibus una farinae, & plus etiam farinae admiscent, si scylla multam habuerit acridinem: sicque in miscenda farina scyllæ se gerunt, ut ex multo, vel paucio scyllæ acri sapore farinae quantitatem expendant: scyllis acriori sapore præditi farinae plus, & minus his, qui obscuriorem habent acrimoniam permiscentes. Utrumque quippe percoctam scyllam, atque orobi farinam manibus conterunt, atque postea simul mista in mortario contundentes, massam efficiunt, ex qua orbiculos parvos faciunt, digitis prius oleo rosaceo inunctis: hosque permittunt per multos dies sub umbra ficcari. Viperinos vero eodem certe modo, ut Gal. in lib. primo, de antidotis docet, ipsi parant; uno hoc excepto, quod ex viperarum carne, ex quibus nostri suos faciunt pastillos, eos non parant, sed ex quibusdam serpentibus, viperis tamen omnino corporis colore, magnitudine, figura, atque habitu pro-

ximis, capite excepto, quod in viperis nostris depressius est, cornibusque caret; siquidem serpentum illorum capita, uno, vel duobus cornibus prædita sunt, duo fœminæ, unum mares habent, quæ cornua sunt veluti acutissimæ acus, quibus mulieres ad suendum utuntur, atque in hoc nostræ viperæ ab Ægyptiis differre cernuntur. Sed de his posterius copiosius loquemur. Pastillos vero alindaracorum, quos nostri hedicroos vocant, parant, accipientes.

Darsifchan, id est, corticis rad. aspalathi, dra. 108.

Cassabelderira, id est, calami aromatici, dra. 108.

Idam balassan, id est, xilobalsami, dra. 108.

Chest mur, id est, costi amari, dra. 108.

Affarum, id est, asari, dra. 108.

Mu, vel Meu, id est, mei, dra. 108.

Achaovan, id est, mari, dra. 108.

Mastiche, id est, mastiches, dra. 108.

Fecahatcher, id est, floris squinanthi, dra. 360.

Ravends, id est, rhabarbari, dra. 360.

Selica, id est, cassiæ, dra. 360.

Darsini, id est, Cinamomi, dra. 360.

Sambul endi, id est, spicæ Indæ, dra. 288.

Sadegendi, id est, folii Indi, dra. 288.

Mur, id est, myrrhæ, dra. 432.

Zaffaran, id est, croci, dra. 216.

Omnia hæc terunt tenuissime, atque cum vino granatorum miscentes, digitis opobalsamo inunctis ex ea massa orbes faciunt, quos in umbra ficcant.

CAP. X.

In quo Ægyptiorum theriacæ descriptio differat ab ea, quæ ab Andromacho Seniore olim memoria fuit prodita.

GUILANDINUS.

Hanc theriacæ descriptionem, quam Ægyptii sequuntur, longe ab ea, quam Andromachus Senior docuit, differre patet: Primum quidem numero ingredientium medicamentorum ab ea differens est, quando in hac ingredientia medicamenta sint novem, & quinquaginta, in Andromachi vero unum, & sexaginta: Deest Ægyptiæ asphaltus, sive bitumen Judaicum, Centaurea, galbana, malabatrū, opponax, neque in ea perfectus ingredientium simplicium numerus observatur. Andromachi etenim theriacam simplicia omnia ingredientia sex numeris comprehenduntur, quorum primus est quadraginta octo, secundus viginti quatuor, tertius duodecim, quartus sex, quintus, quatuor, atque ultimus duorum. Ægyptiorum theriacæ descriptioni deest sextus numerus, quæ tamen ceteris aliis numeris similis est, suosque habet Andromachi descriptionis numeris plane respondentes, quanquam in majori quantitate illi ipsam una vice componant. Primum enim ingredientium ordinem faciunt octingentorum cum sexaginta quatuor, qui sane magnus numerus ingredientium, descriptionis Andromachi primum numerum decies, & octo plus comprehendit, cum Ægyptii decies, & octo plus theriacæ una vice componant, quam sit Andromachi descriptio. Primus igitur ordo ingredientium simplicium, & secundus, & tertius, & quartus, primo, & secundo, & tertio, & quarto Andromachi ordinibus recte convenit. In quinto vero partim convenit, & partim differt; convenit, quod ex quatuor cum viginti simplicibus medicamentis, omnia, exceptis duobus, habet, quando solum malabatrū, atque thlaspi ei deest. Differt etiam, quia alia habet, quæ in Andromachi descriptione non

non leguntur, qualia sunt, acorus, apium, & nasturtium, habetque reliqua, quibus ab Andromacho sextus ordo datur, qualia sunt, castoreum, aristolochia longa, atque daucus. Alia defunt, non enim Ægyptii in sua compositione ponunt, asphaltum, opopanacem, & centaureum: ex his itaque nobis persuasum est, illorum descriptionem scaterere multis erroribus. Sed cupio, ut de omnibus rursus ingredientibus commodius loquamur, eaque altius speculemur, à pastillorum præparatione facto principio. ALPIN. An non omnium pastillorum intheriacam ingredientium compositionem ex dictis didicimus? GUILAND. Quæpiam de ingredientibus in pastillorum compositionem, fore à nobis clarius cognoscenda existimo; atque in primis quia tu dixisti, pastillos ex viperarum carnibus parandos, ibi ex serpentibus thayr vocatis parari, velim, ut serpentem illum, ex quorum carnibus pastillos, vel trochiscos illos conficiunt, mihi sedulo describeres, ut clarius ipsum cognoscere possim. ALPIN. Tahyr serpens est longitudine duorum ad summum cubitorum, corporis magnitudine, colore, figura, ut nuper etiam dictum est, viperis à nostris vocatis, proximis, hoc excepto, quod caput habent magis latum ac depressum, atque in eo cornua alba gestant, mas unum, & foemina duo, in sincipite, non secus quam acus acutissimas; ex quibus aliqui judicarunt, illum serpentem veram esse cerastem: quod si Arabum cerastis descriptione acquiescendum esset, sine dubio cerastis ille serpens non erit putandus, quando in hac fera sive serpente, non reperiantur cartilagines spinarum loco, sed eadem spina, quibus viperarum corpora prædita sunt, neque, ut ajunt, plura quam duò cornua gestant, quæ recta, minimeque obliqua cernuntur; Neque dignoscitur in his feris, quod Aetius in lib. 13. scriptum reliquit, his profecto verbis dicens: *Cerastes magnitudine cubitalis est, longissimus cubitorum est duorum, corpore vero arenosus est, & juxta caudam desquamatus: eminentias habet in capite duas, cornuum similitudine.* Audivi in commorsis ab his serpentibus thayr vocatis eadem plane symptomata observari, quæ à viperarum nostrarum morsibus prodeunt, hocque unum certo scio, non esse illorum mor-

morsum usque adeo exitiosum, ut de cerastis morsu à multis proditum est. Testis erit Antonius Palmerius presbyter admodum reverendus, qui multos annos Cayri, multis Venetis Consulibus sacra ministravit, fuitque Cancellarius; is mecum unam vidit, Mahemetum theriacæ compositorem, duos thayr vocatos serpentes, dum ut nobis aliquando ostendere vellet, manibus contrectaret, ab altero ipsorum commorsum, sola theriaca foris intusque adhibita sanatum fuisse, in quo cum omnia symptomata viperarum apparuerint, sine dubio affirmare poterimus, thayr viperam cornutam esse, cum solis cornibus à vipera nostrorum differat. Ex horum carnibus pastillos illi, ut jam etiam dictum est, non dissimili, quo nostri parant modo. Hedicroos vero, quos alindaracorum appellant diversissime ab iis, qui tum à magno, quos Galeno in lib. de theriaca ad Piso. docuit, tum ex Andromacho ab eodem Galeno, in lib. primo de antid. litteris proditi fuere, componunt. Quod tibi ex ipsorum narrata descriptione manifestissimum esse puto. **GUILAND.** Admodum certe dissimilis est hedicroorum hæc pastillorum descriptio, ab ea, qua in illis componendis, usus fuit Galenus ex Andromachi mente; attamen illos veris, ac legitimis plerisque ingredientibus uti existimo, quod in his locis non sit difficile multa medicamenta simplicia haberi, cum Ægypto Arabia, Æthiopia, India, Græcia, sint conterminæ, in quibus præclara multa simplicia, quæ à nobis desiderantur, sponte nascantur, atque facillime illuc convehantur. **ALPIN.** De his omnibus, dicam libere, quid ab his didicerim, atque quid sentiam. Et ut à Darfisahan, qui est aspalathus Dioscoridis, principium faciamus, dico, illos in hanc hedicroorum compositionem veram radicem aspalathi conjicere, quam ex Creta, vel Rhodo ipsi se habere ajunt, quæ est valde crassa, longa, dura, coloreque flavo rubescente, admodum odorata. Eam Dominicus à Rege, qui pharmacopolam Cayri agebat pro Georgio Hemo Consulatam tunc gerente, in Cretæ loco prope portum Fraschia dictum meo jussu plures radices excerpfit, & Cayrum pro usu secum tulit. Arbustus est aspalathus ramulis densis, spinis albis, durisque horridus, foliis rutæ proximis,

mis, atque floribus aureis, raris, sparthii florum æmulis, summe odoratis; ego eam plantam jucunditate eximia odoris, ex ejus floribus, ubi Cretæ loca aliquando diverfarer, ad nares elata cognovi. Alii sunt, qui eo carentes, quandam herbam substituunt, quam falso aliqui darfisahan vocant: hanc ego hyperici speciem ex ejus figura, & seminibus nigris subrubescenscentibus, in parvis folliculis, qui picis redolent odorem, judico. De Cassab, elderica rectius, quam nostri, cum vero ac legitimo mea sententia utantur calamo aromatico, & non acori radicibus, quæ nunc apud multos herbarum materiæ ignaros medicos, pro calamo aromatico in usu familiarissimo existunt, qui quam bene hoc intelligant, tu melius in herbarum materia exercitator explicabis. GUILAND. Quid? non omnibus manifestissimum est, calamum aromaticum esse non radicem, sed cannam, vel calamum? quod ex Dioscoridis verbis plane verum esse constat, dixit enim: *Calamus odoratus in India nascitur, melior est fulvus dense geniculatus, & qui assulose frangitur, plena araneorum fistula, albicans, lentus in mandendo, & adstringens, ac cum aliquanta acrimonia amarus.* Et Plinius quoque cannam esse calamum aromaticum affirmare videtur; cum dixit: *Inest fistulæ araneum, quod vocant florem.* Ac Serapio, *& Canna ejus est plena cujusdam rei similis texturæ aranæ, cujus color est albus, & est viscosa.* Ex quo aperte cognoscitur, falsam esse eorum sententiam, qui acori radices verum calamum aromaticum esse affirmant, quando neque calamus acori radices existant, neque concavitatem habeant plenam ejus medullari substantia, quam florem ipsi appellant, neque assulose frangantur. Atque tu illum sæpe mihi ostendisti verum, ac legitimum, quem ex Ægypto tecum asporasti, qui quidem certissimus calamus aromaticus antiquorum est, calamus enim in primis est, coloreque sub fulvo spectatur, est fistulosus, concavus, odoratus, amarus cum aliqua acrimonia, assuloseque frangitur, id est, in frustula multa inæqualia, inque fistularem meatum araneum florem vocatum habet. Hoc si Ægyptii in componenda non modo theriaca, sed in omnibus aliis medicamentis, utantur, rectius certe quam nostri agunt. Cassab el-

derira Arabum verus proculdubio est calamus aromaticus. Hinc rogatos vellem omnes tum medicos, tum pharmacopæos, ut illum aspernari nolint tanta cum componendorum medicamentorum jactura. Cujus copia, modo ipsum in usu recipere voluerint, ex Ægypto, atque Syria eis non deerit. ALPIN. Gratulor te hanc veritatem cognovisse. Sed nunc age de xilobalsamo; de quo non minus etiam multi ex nostris hæsitant, quanquam nonnullos ramulos, tenues, rectos, subrubescentes, odorem ac saporem non obscure veri opobalsami redolentes, in suis officinis habeant, quos eo nomine etiam appellant, qui certissime veri ramuli plantæ balsami existunt, id quod ego sensibus verum esse cognovi: nam non modo Cayri asportatas ex Arabia recentes virgas vidi, verum etiam Venetiis in Arbusculo veri balsami, quem domi meæ viventem plures viderunt, atque quod magis mirum multis videbitur, etiam ex illius parvuli balsami arbussti stipite, ubi alia quæpiam foliorum ab eo abscindebantur, verum opobalsamum stillasse multi spectarunt, quod e gustu, atque odoratu omnes qui alias asportatum ex Ægypto verum opobalsamum viderunt, verum esse fassi sunt. Hoc vidit Jacobus Contarenus, Senator Clarissimus, plantarumque materiæ doctissimus, atque studiosissimus, Nobilissimusque Joannes Vuthus Anglus, simul cum nobilissimo Fererio Gallo, quampluresque alii tum Angli, tum Germani, atque Marcus Phenarius Venetus pharmacopola præclarus simpliciumque medicamentorum cognitionis non ignarus, ac alii multi, quos, ne te virum doctissimum majori tædio, quam liceat afficiam, omitto. Hanc vero balsami, carpobalsami, & xilobalsami veritatem in dialogo de balsamo olim Cayri conscripto fusius manifestavi, de qua etiam inferius non pauca erunt suis locis rursus memoriæ mandanda. Multas recentes virgas balsami ex Arabia Cayrum valde cito convectas inspexi, quæ eximium odorem opobalsami spirabant, qui tamen adeo cito exolvebatur, ut paucos post dies obscurissime sentiretur. GUILAND. Atque hinc est, quod hæ virgæ, huc asportatæ, in tam longo itinere odore multum resolutæ, obscurissimum tum saporem, tum odorem referunt. Quamobrem laudarem
ego,

ego, ut pro illis interim carpobalsamum odoratum substituerent. Sed per Achaovam, quid intelligunt? ALPIN. Per Achaovam herbam aliqui accipiunt camomello valde similem, quam achaoen, vel uchoven, vel alachuan etiam appellant. Crescit hæc herba copiosissima in Ægypto, præsertimque Cayri, in loco Sbechie vocato, altitudine paulo minore ipsius camomelli, floribusque ei maxime proxima, ac foliis matricariæ sive parthenio, similis; ipsamque ego sæpissime virentem decerpsi, quæ obscurissimum tum saporem, tum odorem, atque etiam ingratum edebat. Aliqui vero sequentes fortasse Avicennam, dicentem achaoavam esse acuti saporis, atque odoris, aliam herbam albam odoratam, atque cum acri sapore origani fere æmulam intelligunt: ex quo non adeo errasse Avicennam constat, qui dixit, achaoavam habere flores odore atque sapore maro proximos, jam dictam herbam acuti odoris, saporisque intelligens, an vero ipsa verum marum sit, adhuc ignoro. Per darfini optimam cannellam intelligunt, sive cinnamomum, quod nulla in re à cannella differt, quam gracilitate, odorisque, ac saporis præstantia; Fasces multos conspexi veri, ut arbitror, cinnamomi, qui cortices erant cannellæ colore, contorti, vel obvoluti, cannellis multo tenuiores, graciliores, & breviores, crassitiem veri calami odorati, habentes: quo etiam tenuiores existunt, qui vetustate omni fere, tum sapore, tum odore carebant. Et si aliquibus odor aliquis, vel sapor aderat, satis obscurus, atque non nisi cannellæ proximus sentiebatur. Quam speciem cannellæ tenuem, brevem, obtortam, darfini Arabes appellant. Quæ maxime cum difficultate in Ægypto invenitur. Quam nostri cannellam communiter dicunt, Arabes cherse nuncupant, & cassiam ligneam felica. In qua multi etiam Cayri decipiuntur, non tamen in theriacæ compositione ipsam ponunt, quando veram cassiam illi semper in ipsa adposuerint, opinantes felica non esse cassiam ligneam, sed corticem ex Barbariæ locis asportatum, crassum, ac subrubrum, qui cortex, me iudice, est verus ac legitimus macer Dioscoridis: hunc corticem felica seuda vocant. Ibi vero multæ felicæ circumferuntur, quarum in una aureus est cortex, amarus, cum

quadam adstrictione, cuius decoctum, & infusum in aqua simplici frequentant instar fomenti, ad oculorum lippitudines, quibus mirifice prodest, quem corticem vocant felica umra. Alter est cortex subflavus, vel subruber, vel subniger, sapore subdulci, stipticoque, ac omnis odoris expers, quem aliqui veræ cassiæ ignari, cassiam esse opinantur; hincque aliqui ipsum appellant, quod cassia nigra sit, felica seuda, quod idem est, ac si dixerint, corticem nigrum. Hunc corticem verum esse Dioscoridis macerem ego sine dubio ex notis à Dioscoride proditis, affirmarim. Est & tertius cortex, quem felica per excellentiam appellant, quasi dixeris, cortex, omnium præstantissimus, qui sane cassia est vera, quam nostri ad differentiam fistulæ solutivæ, quam etiam cassiam vocant, ligneam cassiam dicunt. Per rhavend sevi, rhabarbarum accipiunt, & per sadeg endi cinnamomi folia, lauri foliis proxima, sed multo majora, quibus nostri pro vero folio utuntur. Per chest, utuntur quadam radice alba odorata, sapore modice amaro, cum multa acrimonia linguam feriente, quam ex Syria convenerunt; quæ radix si acutissimum odorem, quo caput feriretur, haberet, sine dubio verus costus Arabicus esset. Neque opinor multum falli illos, qui pro vero Arabico costo ea utuntur. **GUILAND.** Id ego quoque verum esse costum Arabicum puto, recteque idcirco facere Ægyptios medicos eo utentes. Neque obstat, quod caput odore acutiori non feriat, cum Dioscorides dixerit, Syriacum tantum caput odore ferire, non tamen Arabicum, quem potius suavioris, ac jucundi esse odoris scriptum reliquit; unum est in eo præcipuum, scilicet sapor valde mordens, cum paucio amarore. Sed, quæso, quid per amomum ipsi intelligunt, de quo inter nostros hætenus maxima lis fuit: quoque pro eo in medicinæ usu illi utantur, audire cupio, atque num semina, an ligum ab iis credatur. **ALPIN.** Ipsi non seminibus, sed ligno quodam odorato pro amomo utuntur, quod amama appellant. Est itaque ipsorum amama ramulus brevis, gracilis, multis obliquitatibus, atque parvis densis obtortis ramis præditus, vereque racemo uvarum figura similis. Est tamen lignosus, durus, frangibilis, colore

corticis quidem nigro, subrubefcente, ligni vero, vel albo, vel flavo, præditus, valde jucundum atque aromaticum odorem respirans: nullius tamen est saporis: hocque ligno pro amomo merito utuntur, cum, mea quidem sententia, Dioscorides, qui verius de eo scripsit, potius de ligno intellexerit, quam de seminibus, non ab reque dixeris amomum racemosum, quasi lignum uvarum racemis figura similem. GUILAND. Multi ajunt lignum hoc, pro quo amomo Ægypti utuntur, esse plantæ rosæ Hierici vocatæ, quod tamen falsum esse comprehenditur, ex hoc præsertim, quod hujus stirpis caules, vel ramuli lignosi non existunt, neque frangibiles, neque odorati, quales sunt, quibus pro amomo ii utuntur, qui duram lignosam substantiam habent, facillimeque digitis franguntur, odoremque suavissimum respirant, & quia flores parvos albos violarum floribus primos proximos habent, fortasse non immerito eos pro vero amomo habent: Nam & ipse Dioscorides dixit: *Amomum est arbustum, quod e ligno racemi modo in seipsum convolvitur, florem habens parvum, album, violis proximum, atque folia brioniae. Melius ex Armenia portatur, aureo colore, cujus lignum subrubrum, atque odoratum existit.* Ex quibus Ægyptios magis, quam nostros probarem, qui ligno utantur pro amomo, & non seminibus, ut nostri faciunt, prorsus sapore atque odore carentibus. Res tamen est perdifficilis, quippe ut hæc veritas antiquorum monumentis demonstretur, cum apud varios scriptores, amomi historia plane varia inveniat, ex qua nihil, vel parum certi elici potest. Sed de myrrha etiam loquamur, quam illi vocant Mur. ALPIN. Per mur myrrham omnes intelligunt, sed tamen optima Trogloditica carent, cujus loco illa utuntur, quam Dioscorides ergasimam appellat, quæ & Venetos pharmacopæos uti quoque scio. Hæc enim colore, atque aspectu gummi est proxima, odore gravi, gustu modice amaro. Alia simplicia medicamenta, quibus utuntur ad dictorum pastillorum compositionem, eadem existunt, quæ apud nostros quoque in usu existunt. Hæcque de hujusce compositionis ratione à nobis dicta sint. Nunc per opportunum erit, ut ex medicamentis in theriacæ compositionem ingredien-

tibus, quæ cum apud nostros usitatis conveniant, & quæ differant, loquamur. GUILAND. Ut lubet; sed non de omnibus, sed tantum de necessariis brevitatis causa sermo habeatur, ac tantum de his, quorum usus non omnibus adeo patet, & in quibus multi dubitare videntur.

C A P. IX.

De aliquibus simplicibus medicamentis in theriacæ compositionem ingredientibus, consideratio.

G U I L A N D I N U S.

QUID itaque intelligunt per denbelassam, velim in primis mihi narres: atque mox de singulis aliis, quorum usus nostris haud omnino clarus est, erit dicendum. ALPIN. Per denbalassam succum balsami arboris, per idanbalassam, lignum, & abbalassan fructus, illi intelligunt, quæ omnia vera habent, atque recentissima, quibus ad componendam theriacam atque alia medicamenta, utuntur. Nostri hæc ex Græcis appellaverunt, opobalsamum, xilobalsamum, atque carpobalsamum. Omnia hæc apud me vera ex Ægypto comportata vidisti, falsusque tunc fuisti sine dubio legitima ac vera esse. Quoniam autem de his posterius, ubi de balsami planta loquemur, copiosius agemus, propterea alia de his in præsentia dicenda non sunt. De cinnamomoque & cassia nihil aliud, quam quod de ipsis jam dictum est nos dicere oportet. GUILAND. Quoniam autem ubi de cinnamomo, & cassia sermonem habuisti, non recte percepisti, ideo rursus exploratius à te eadem audierim, tu enim dixisti, Ægyptios pro cinnamomo, & cassia, iis tribus nominibus uti, quippe darfini, cherfe, & selica, quibus sane nominibus intelligunt cinnamomum, cannellam, atque cassiam, scilicet per darfini corticem cannellæ similem, sed eo tenuiorem, longe breviorum ac graciliorem, in seipsum inversum, convolutum. Per cherfe nostram usitatam cannellam, & per Selica, Cassiam, quam ligneam nostri appellant. ALPIN. Cayri vidi non-

nonnullos fascēs veri cinnamomi, præ antiquitate toto fere odore ac sapore resoluto, idque apud Joannem de Leonardis, Venetum, mercatorem integerrimum. Erat enim illud cinnamomum; cortices tenuissimi in seipsos cannellæ modo involuti, crassitie tamen communium arcuum cordas non excedebant, vel calamis aromaticis proximi, longeque erant cannellæ breviores, quæ palmi longitudinem non excedebant. Ipsorumque odor, ac sapor, quamquam obscurissime ex vetustate sentiretur, nihil differebat, ab eo, quem communis cannella spirat, atque sapit. Cannella igitur, quam, ut jam dictum est, cherse appellant, neque odore, neque sapore, neque colore à vero cinnamomo differens est, & solum corticis crassitie, & longitudine interstinguitur. Verum cinnamomum, ut ex multis audiui, cannellæ sapore atque odore præfertur, quia cinnamomi odor suavior, atque validior, saporque dulcior, atque mordacior sentitur. Hincque puto Theophrastum scripsisse, cortices tenuiores è furculis, vel sarmentis tenuioribus eximi, cinnamomumque, quod ex tenuibus fit præstantius, atque cassiam ex crassioribus, minus efficacem; ex quo dicendum est, cinnamomum nihil aliud esse, quam furculorum, vel ramulorum tenuissimorum cortices, & cannella, majorum, atque crassiorum; atque adhuc crassiorum juxta Theophrastum, cassia. Qui an verum attigerit, valde dubius sum, quem tu, qui isthæc omnia accuratius cognoris, facile illustrare poteris, atque hujus veritatem mihi aperire. GUILAND. Quid? cassiam à cinnamomo, & cannella differt crassitie, ac odoris, saporisque præstantia? hoc plane falsum esse scio, siquidem has observari differentias in variis cannellis, atque cinnamomis puto, ex quo differunt cinnamoma atque cannellæ inter se corticum magnitudine, ac odoris saporisque præstantia. Namque cinnamomorum alia sunt tenuioris corticis, odorisque ac saporis validioris, & alia crassioris, & odoris, saporisque obscurioris, veluti etiam ex cannellis aliquæ sunt crassiores, majores præstantioresque, quoad odorem saporemque atque aliæ minores, atque odoris saporisque humilioris. Ex his colligo cinnamomum, quod dasirni Arabes vocant, nihil aliud esse, quam corticem tenuis-

simo-

simorum furculorum, qui sunt odoratiores, ac validioris saporis, & cannellam, quam cherse appellant, esse corticem crassiflorem, omniumque crassissimum, qui à crassioribus ramis ac truncis aufertur, eamque cannellam quoque esse, minimeque cassiam, ut voluit Theophrastus, cum eundem odorem spiret, atque eundem plane servet saporem, qui in cannellis observatur, etsi longe obscuriorem. Cassiam vero, quam felica Ægyptii dicunt, alterius esse arboris corticem censeo, cum diversissima tum odore, tum sapore à cannella clarissime cognoscatur: odores siquidem sapesque cannellæ, ab odore, saporeque cassiæ specie sane differunt; sapor cannellæ est subdulcis, cum multa mordacitate; at cassiæ aliquantulum amarus. Igitur cum cassia differentissimum à cinnamomo, cannellaque, qui sunt unius ejusdemque arboris cortices, odorem saporemque edat, quid diversum à cinnamomo, & cannella necessario erit judicandum; ex cassiæ etenim corticis gracilitatis, tenuitatisque, & crassitie differentia, variæ ejusdem profecto cassiæ præstantioris, & minus præstantis differentię exurgunt. Cayri plurimos cortices cassiæ crassissimos vidi, usui prorsus fere inutiles, cum vix aliquid odoris, atque saporis haberent. Non immerito igitur Ægyptios ego laudaverim, qui illis tribus nominibus cinnamomum, cannellam, atque cassiam comprehendunt. Quod autem cinnamomum nunc reperiatur, apud plures medicos eruditos dubium non est, nihilque à cannella differre, nisi, quod ipsa præstantius sit: si enim cannellæ cortices tenuissimi, & gracillimi, ex furculis extracti recentes haberentur, veluti paulo crassiores, quos cannellas, & cinnamoma confusim nostri appellant, habentur, sine dubio essent ad usum præstantiores, veraque cinnamoma dicerentur. Verum quia odor, saporque corticum tenuissimorum furculorum in humido facile resolubili fundantur, facile priusquam in Ægyptum, vel Syriam convehantur, in tam longo itinere odor, saporque evanescit, ac minuitur, ea ratione fit, ut mercatores, quod sic cito cinnamoma sua præstantia deficient, atque inutiliora reddantur, non convehant ea, tum quia difficilius à furculis eximi possunt, tum quia odore saporeque in tam longo itinere

itinere destituta, viliori pretio & difficilius à mercatoribus venduntur. Cannellam vero, quod certe crassior est, non sic facile à quacumque causa patitur, odore saporeque, namque non deficit: ob id ex Arabia mercatores convehunt, quia diutius odorem, atque saporem conservat, facileque ab omnibus coëmitur. Sed hæc de his dicta sufficiant. Per Elchenlimbat, ut nuper etiam dictum est, in usum habent resinam terebinthinam, ficcā, durā, lucidā, foris albam, & intus flavā, odoratā, quæ linguam aspero subdulci sapore ferit, dentibusque commansa in ore, ac cera mollescit, sicque in ore, substantia, mollitie, saporeque ceræ videtur proxima. Per tinmaçtum vero bolum orientalem ex terra, in Chia insula certa quadam die mandato Turcæ maris præfecti singulo anno effossa, paratum. Jussu enim hujusce præfecti Bassa vocati, cui Turcarum Rex eam terram dono dedit, singulo anno certa ac statuta die ista terra effossa Byzantium sub sigillo mittitur, ibique recte purgata in varios orbes formatur, quæ his coloribus spectatur, quippe cineritio, vel subrubro, vel subflavo, saporeque subdulci, adstringenti, lenta, viscosave, atque pingui substantia observatur. Hanc terram pro compositione theriacæ habent præstantissimā, è Byzantio sub sigillo Cayrum conductā. Per sang Arabi gummam in compositione recipiunt, quam nostri Arabicam appellant, ex arboribus acatiæ in Arabia petrea nascentibus collectā. Magnam quidem hujus gummi copiam eas arbores in Ægypto gignere te scire certo scio: ex quo illos plane errare cognoscitur, qui communem gummam ex Ægypto adveçtā veram esse Arabicam negant, sed illam tantum Arabicam fatentur, falso à Dioscoride perdoçti, quæ vermicularis cernitur atque alba; Quod sane falsissimum est, quando omnia gummata, non tantum alba, lucida, vermicularia, sed etiam gummis nostratibus colore, & figura proxima, exinde asportata, vere Arabica sint, atque ex spinæ Ægyptiæ, vel acatiæ arboribus colligantur. Nullæ siquidem in Ægypto, vel Arabia deserta arbores, excepta acatia inveniuntur, vel ibi vivunt, quæ gummata gignant: omnia quæcumque illinc asportantur in arboribus prædictis, & non in aliis colliguntur; ea enim lo-

ca omnia, cerasis, prunis, pomis, pyris, atque aliis arboribus gummatum feracibus carent: sola acatia ibi est, quæ gummata gignat: sed de his etiam, ubi de Acatia arbore loquemur. Per Rhob. cachix, succum ab immaturis filiquis illiusce arboris expressum intelligunt, eoque in hac compositione utuntur. Miror quidem aliquos excellentissimos medicos, lacrymam ex Acatia arbore collectam, & non ejus succum fore ad componendam theriacam in usum recipiendum, quando in Ægypto nemo viderit ab hac arbore stillantem lacrymam, colligi, vel illiusce aliquem unquam fuisse usum, cum nulla ab ea stillet lacryma. Neque mirari nos debemus Galenum, atque post ipsum Aetium dixisse, liquidum succum, qui talis semper est, ubi non multum coquitur, ex quo etiam perassatur, nam remanet liquidus modo ab his (ut nunc omnes nescio qua negligentia faciunt) à nimio calore non perassetur, atque ficcetur. Ibi enim liquidus, mollis, acatix succus, reperitur, atque ficcus, & durus; ficci vero major est usus apud Coriarios, pro tingendis coriis, ficcus optimus est recens, nigro colore subrubescens, atque sapore subdulci atque adstringenti observatus. Ameo, quem Nanachue endi vocant, utuntur optimo, ac sincerissimo ex India delato. Pro Gardemani utuntur iisdem seminibus aromaticis, à nostris pro cardamomo receptis. Daucum ex Creta perquirunt optimum, quo utuntur: pro Hehud, id est, acoro vero utuntur, scilicet illis radicibus, quibus nostri pro calamo aromatico utuntur, quæ vere radices acori existunt. In usu aliorum ingredientium à nostris Ægyptii non differunt, iisdem ac nostri simplicibus medicamentis recipientes in usum ad componendam theriacam. GUILAND. Video etiam Ægyptios multos errores committere in componenda theriaca, proinde merito suspicandum à nobis videtur, tot laudes, ei à multis datas fortasse non convenire, vel neque iis morbis, atque venenis, quibus sic præstantissime succurrere dictum est, ita præsentaneum, atque tutum esse auxilium; eos ego tibi errores distinctius explicabo, tu vero quid sentias expectabo.

C A P. XII.

Errores, quos Ægyptii committunt in componenda theriaca, atque de ipsorum theriacæ præstantia.

G U I L A N D I N U S.

Nulli dubium, quin Ægyptii in componenda theriaca multos errores committant: in primis ipsorum compositio ab ea, quam Andromachus docuit, multum differt numero ingredientium: cum ex Andromachi Senioris descriptione constet, ingredientia theriacam esse numero unum ac sexaginta, & Ægyptiorum descriptio sit tantum quinquaginta novem, eique etiam deerit asphaltum, sive bitumen, centaurea, Galbana, malabratum, opopanax, & thlaspi, quæ omnia habet Andromachi descriptio. Ægyptia vero quædam habet, quibus illa caret, acorum, apium, atque nasturtium. Præterea Andromachi descriptio ingredientia medicamenta sex numerorum ordines complexa est, quorum primus constat, quadraginta-octo, secundus, viginti-quatuor, tertius duodecim, quartus sex, quintus, quatuor, sextusque & ultimus duobus. In Ægyptiorum vero descriptione, quinque tantum ingredientium numerorum ordines leguntur. Mellisque etiam in compositione triplam addunt proportionem, cujus Andromachus nullam præscripsit quantitatem: præterea trochischorum, vel pastillorum alindaracorum descriptio apud ipsos diversa plane ab ea, quam Gal. laudavit. Pastillos quoque ex carnibus cornutorum serpentium parant, quos omnes nostri medici damnant, multo magis, quod in arenosis locis illi capiuntur, quos Gal. summopere in lib. de theriaca, ad Pison. damnavit. Quid itaque dicemus de præstantia theriacæ Ægyptiæ tot summis laudibus à multis celebratæ? ALPIN. Diversam fane esse compositionem ab ea, quam Andromachus scriptam reliquit, eaque causa etiam non nihil à sua antiqua præstantia ipsam defecisse, credendum profecto est. Quod peccatum commune etiam est nostris theriacis, quæ à nostris pharmacopolis ita parantur, ut multa desiderentur in-

gredientia, multaque male substituantur, non sine artis dedecore, veluti est acorus verus, calamus aromaticus, amomum, terra lemnia, opobalsamum, xilobalsamum, & carpobalsamum, atque alia, quibus nostra theriaca caret, quamquam illa simplicia levissimo negotio haberi possent, si modo illi ipsa agnoscere vellent. Ægyptiorum vero theriaca hæc omnia cum habeat, etsi aliis erroribus in compositione commissis, theriaca Andromachi Senioris non sit dicenda, est tamen affirmandum, antidotum esse insignem, multis viribus præditum. Aliquos ab aspidibus, cornutisque Ægyptiis viperis, atque à scorpionibus, qui ibi sunt perniciosissimi, quales Dioscorides descripsit, demorosos, vel fauciatos, illiusce tantum theriacæ usu probe, ac fere continuo sanatos vidi: omnes affirmant theriacam illam vim efficacissimam habere adversus omnia venena, atque ferarum virus, plurimos vero morbos hoc antidotum juvare posse, non est longa oratione persuadendum, cum ex ingredientium simplicium viribus facile pateat, ego mulierem viduam, multis annis ab uteri gravioribus doloribus vexatam, nec non ab assidua cruditate, ventriculum languidius adeptam, eam crudorum humorum gignere copiam, ut quotidie ingentem aquosæ pituitæ molem vomere cogeretur; hæc, inquam, mulier usu theriacæ Ægyptiæ probe sanata fuit: fileo brevitatis causa, alia commoda in paralyticis, vertiginosis, suspiriosis, ac consumptis, atque in aliis fere innumeris malis ex theriacæ usu observata. Neque id injuria, cum ea valde perficiatur vero calamo, acoro, amomo, opobalsamo, carpobalsamo, xilobalsamo, & multis aliis præclarissimis medicamentis, quæ humani generis salutis magnopere conducunt, quæ quidem in nostra theriaca desiderantur. Sunt qui affirmant, illius theriacæ præstantiam, ex cornutorum serpentium carne augeri, siquidem ajunt, carnes tyrorum, quas aliqui cerastes dixere, esse nostrarum viperarum carnibus calidiores, venenosioresque. Quod non parum efficaciam ipsorum theriacæ addere colligunt; quando antidotum promptius ad cor deducatur ex serpentis facultate, cujus venenosam qualitatem cum homine inimicitiae causa, subito ad cor præcipuum hominis propugnaculum suapte natu-

ra duci ac invadere omnes sciant. Ex quo, ut dicunt, caro illorum serpentium longe multo nostrarum viperarum carne est venenosior. Igitur antidotum reddet promptius, ut cor subeat, illique opem ferat. Præterea, ob animalis speciem, & ob calidum sub quo nascitur, & alitur cœlum, & quod in locis asperis arenosis vivat, ratio suadet, ex ipsorum carne confectos pastillos esse calidioris facultatis, idque antidoti motum ac operationem sine dubio juvare. Quamobrem has non indignas laudes de Ægyptiorum theriaca prædicere videntur. **GUILLAND.** Hoc antidotum, etsi Andromachi theriaca non dici queat, cum adeo diverso modo componatur, tamen quod ex multis nobilissimis venenis atque medicamentis sit compositum, quæ multis aliis morbis valide occurrere possunt, non indignum ac inutile antidotum dicetur; affirmoque & ego, ipsum posse multis malis præsentaneum esse auxilium; verum illius summa facultas, ab illius forma resultans, & tum experientia ab Andromacho, ut puto inventa, tum ab ingredientium medicamentorum natura, & ab ipsorum sic ordinato pondere probata vitiatum postea ingredientium pondere, atque multis desideratis ingredientibus, aliisque pessime admissis, interiit. Sed ne plus temporis in hoc antidoto conteramus, cum aliqua præterea fuerint à te de illius usu dicta, finem faciemus. **ALPIN.** Usus theriacæ apud Ægyptios est frequentissimus, præsertim in venenatis, atque ab omnibus serpentibus demorsis, à scorpionibusque ictis, qui ibi, ut dixi, exitiosissimi, quales Dioscorides prodidit, habentur; nostris etenim scorpionibus longe majores existunt, colore viridi, claro, nullique nigri ibi existunt. Multi igitur thericam diu frequentant ita, ut aliqui per totum annum, & aliqui per plures ea utantur, putantes illum naturalem calorem fovere atque augere, juventutemque diu conservare, & vitam longiorem reddere. Ejus vero utilitatem in iis, qui stomachi languores patiuntur, & à diminuto calore conquoquere nequeunt, nemo est, qui ibi ignoret, ita familiaris est pro stomachi calore augendo, vel conservando; neque immerito, cum plerique debilem stomachum, ac languidum obtineant, quod omnes vescantur cibis refrigerantibus.

aquamque ebibant, & dulcibus balneis immoderate ac inordinate, utantur: venerique maxime indulgeant. Quisque etenim ibi uxores multas ducere potest, atque non minus mancipia, quot alere suis sumptibus potest, pro veneris delectatione, nec tamen his ipsorum turpissima libido vincitur; ex his itaque causis multi ventriculi debilitate laborantes, usum theriacæ felicissime frequentant. Multos vidi fere tabe consumptos non concoquente ventriculo, usu illiusce antidoti vitam redemisse. In antiquis opthalmiis, surditatibus, vertiginosis, resolutis, epilepticis, convulsis, atque aliis omnibus tum morbis, tum symptomatis à frigiditate nascentibus, omnes theriaca utuntur, non minusque in omnibus pestiferis febribus, & in peste nihil habent, in quo magis confidant, quam theriaca. In puerulis etiam ejus usum exercentes, quid verbis longius rem produco, ipsi fere ad omnes morbos, ac symptomata theriaca utuntur: atque hæc de ipsa dicta sufficiant. **GUILAND.** Composita alia, quibus illos uti nuper narraſti, te quoque subjungeræ æquum est, proinde expecto ea quoque ex te audire.

C A P. XIII.

De quibusdam aliis compositis medicamentis, quibus etiam Ægyptii utuntur.

ALPINUS.

Habent illi aliam theriacam ad scorpionum ictus, qua frequentissime utantur, quam tarach elacrap appellant, quam componunt accipientes, piperis nigri, dra. x. piperis longi, dra. v. cyperi, dra. ij. aristolochiæ longæ, radicum pastinacæ, quam cariotam nostri appellant, ex quibus pulverizatis, & melli dulcium filiquarum commistis electuarium parant. Hujus semunciam exhibent ictis à scorpionibus, quibus validissime etiam adversari censent, pulveris aristolochiæ rotundæ, & corticum radicum capparorum semidrachmam cum vino aromatico datam. Aliud antidotum, quod el philosopha appellant, in usu

usu apud ipsos est etiam frequentissimo, ad firmandum catar-
 rhum, quod spiritus corporis roborat, appetentiam concitat,
 concoctionem juvat, memoriam, bonosque mores augere quo-
 que ajunt, à frigore defendit, stillicidio urinæ confert, & do-
 loribus vesicæ ex flatu concitatis, semen genitale auget, dolo-
 rem itidem à dorso levat, membraque principalia roborat,
 dentes in gingivis firmat; hæque dotes atque aliæ leguntur in
 libro ebnag el ducan vocato, in quo omnia composita, quib-
 us illi utuntur, scripta sunt. Parant vero hoc electuarium,
 accipientes, piperis nigri, piperis longi, zinziberis, cinnamo-
 mi, mirabolanorum emblicorum, fumi terræ, aristolochiæ
 rotundæ, florum calaminthæ, granorum pinearum, nucis In-
 dæ, curcumæ, & alii etiam addunt, nasturtii, testium lupi,
 an. uciæ, passularum à feminibus mundatarum, id est; pul-
 pæ drachmas triginta, mellis partes tres: omniaque simul mis-
 cent, pulverizatisque pulverizandis electuarium faciunt. Alii
 hoc sic componunt, fumentes piperis nigri, piperis longi,
 zinziberis recentissimi, cinnamomi, mirabol. emblicorum,
 bellericorum, fumi terræ, aristoloch. rotundæ, cucurmæ,
 florum calaminthæ, granorum pinearum magnarum, nucis
 Indæ partem unam, mellis despumati partes tres, singula sepa-
 ratim pulverizant, per cribrumque densum deducunt, miscent,
 & faciunt electuarium secundum artem. Aliud etiam parant,
 estque philonium persicum Avicennæ quo utuntur; componunt
 vero ipsum accipientes piperis albi, feminum hyosciami albi,
 an. dra. xx. opii, terræ sigillatæ, an dra. x. croci, dra v. eu-
 phorbii, spicæ nardi, peretri, an. dra. ij. castorii, campho-
 ræ, an. sc. xv. contendantur omnia, quoad pulverizentur,
 per setaceumque trajiciantur, quæ simul misce, & rursus fac,
 ut per setaceum exeant, ex quibus cum mellis despumati ido-
 nea quantitate mistis, fiat electuarium, quod per mensem in
 clauso vitreato vase ad usum servetur. Cujus apud illos usus est
 familiarissimus ad immoderatum sanguinis, vel alterius humo-
 ris fluxum, præsertimque ad menstrua profluvia firmanda, at-
 que ad gonorrhæam. Aliud etiam quod bers nominant, penes
 omnes est usitatissimum, ipsumque parant ex piperis albi femi-
 num

num hyosciami albi, an. dra. xx. opii, dra. x. croci, dra. v. (Alii crocum ad quinque tantum chirat in hac compositione ponunt) spicæ Indæ, euphorbii, piretri, an. dra. j. Omniaque in tenuissimum pulverem redigunt, ex quo cum melle despumato electuarium conficiunt. Videturque hæc compositio parum dissimilis, vel differens à Philonio Romano, ex Avicenna litteris prodito: iisdem enim viribus esse Ægyptii experiuntur. Demum ii non minus Dirmusch, electuarium, quod Diamesch vocant, in usu habent frequentissimo, ad hilaritatem animi conciliandam, & ad augendam venerem, cujus gratia dictum est, medicamentorum, phenoniæ, bers, atque Diamusch usum eos maxime exercere. Hæcque illa existunt medicamenta, quæ penes illas gentes tum componi, tum frequentari observavi. Supereft modo, ut nonnullos clysteres etiam narremus, quibus ad varios morbos atque symptomata ii quoque familiarissime utuntur. GUILAND. Neque id nobis inutile erit. Quo auxilii genere eos populos maxime delectari olim intellexi. Itaque ne te hos quoque mihi narrare pigeat.

C A P. XIV.

De nonnullis clysteribus apud Ægyptios usitatis.

A L P I N U S.

In febribus, inflammationibusque internis, & in aliis omnibus morbis à calida causa concitatis, clysteres ii frequentare solent paratos ex decocto feminum endiviæ, lactucæ, malvæ, altheæ, bammix, melochiæ, sonci, oxylapathi, abdellavi, melonis, chate cucumeris, cucurbitæ, ac oleo sesamino (dehensiris apud ipsos appellato) melleque carnubus ex siliquis quippe dulcibus expresso, quo ii familiarissime in clysteribus ad subducendam alvum, utuntur. Sunt aliqui, qui ad supra dictum conficiendum decoctum pro clystere parando, addunt etiam pruna damascena, sebestena, atque fructus paliuri, quos
nabca

nabca nuncupant, cassiam solutivam, vel tamarindos. In iis vero, quibus ex calore febrili atque siccitate, vel à calidis, mordentibusque halitibus vigiliæ, deliriaque contingunt, clysteres conficiunt, decocto ex feminibus psyllii, papaveris albi, interdum etiam nigri, hyosciami albi, aliquando etiam rubri, nenupharis, portulacæ, malvarum, betæ, parato; atque oleo nenupharino; in quibus ubi etiam ab iisdem causis sitim concitatum lenire volunt, addunt substantiam tamarindorum, & acidorum ceraforum, necnon berberis fructus, quando etiam adstrictione aliqua alvus opus habet. Et in siccitatibus ventris, cum ipsum laxare solummodo student, clystere utuntur, ex feminibus malvarum, melochiæ, bammix, betæ, psyllii, hordei, fœnugræci, meliloti, lini, althææ, cytoniorum, papaverum alborum, passulis à feminibus mundatis, prunis damascenis, sebestinis, dactilis maturis, ficibus sycomori, musfarum fructibus, atque jujubis parato, cum melleque carnub, vel cassia solutiva, & oleo sesamino, quibus ubi etiam purgare alvum desiderant, addunt aliquando scammonium usque ad binos scrupulos, vel agarici binas drachmas, vel tantundem pulpæ colocynthidis, vel seminum minimorum, validissime purgantium, contusorum (quæ daocci el maratun vocant) drachmam, aut alterius medicamenti purgantis, ac nitri, vel salis modicum. Sic paratis his clysteribus illi utuntur ad dolores dorsi, renum, uteri, coxarum, intestinorum, atque capitis, ad vertiginem, apoplexiam, paralysem, surditatem à frigida causa concitatam. Prædicta vero decocta, quibus hos clysteres parari diximus, parant etiam cum feminibus fœniculorum, anisorum, ammeos, visnagæ, fœnugræci, meliloti, daocci, ac aliis, facultate ventres calfaciendi, ac flatus resolvendi præditis. Ad firmandos ventres immodice dejicientes, præcipue à causa calida, hunc clysterem parare solent, accipientes, seminum coriandri, sumachi, berberis, an. dra. v. succi acatiæ, lycii, hypocistidos, an. dra. iij. aquæ chalibeatæ libras tres; bulliunt omnia ad consumptionem tertiæ partis, ex quo decocto cum oleo myrthino clysterem conficiunt. Plerique ad diarrhæam, ac dysenteriam corpore prius probe purgato

Rr

cly-

clysteres adhibent, ex decocto filiquarum immaturarum foliorum atque florum acatiæ, in quo aliqui quoque duos vel tres, ovorum affatorum vitellos dissolvunt, vel eosdem in oleo rosaceo, vel myrthino dissolutos, cum decocto prædicto miscent. Verum quomodocumque clyster ex acatiæ filiquis recentibus immaturis, vel foliis, vel floribus paretur, semper quascunque sanguinis, vel aliorum humorum non naturales fluxiones cito ac valenter sistit. In uteri profluviiis firmandis nihil ibi mulieres habent præstantius, quo utantur. Joannes Mancinus nobilis Florentinus Cayri olim mercaturam feliciter exercens, à febre continua, putrida cum diarrhæa biliosa, assidua, contabescere inceperat, ex qua, cum clystere ex acatiæ decocto parato bis tantum usus esset, sanatus est. Cum quidem alvi dejectio longo tempore copiosa, ac crebra perseverasset, eumque fere ad exitium duxisset, febre minime (quamquam satis mitis esset) neglecta, probe illius corpore purgato, haud levata alvi diarrhæa, multis frustra tentatis remediis, consului, ut clystere ex decocto immaturarum acatiæ filiquarum, foliorum, ac florum recentium parato, uteretur; ex quo bis adhibito, sic illius alvus cohibita, atque adstricta fuit, ut nedum flatus posthac per anum exire potuerint. Qui quidem nocte sequenti intus retenti, in dextroque hypochondrio collecti, septum transversum valide comprimentes, hominem fere suffocarunt. Quo symptomate nonnullis admotis cum igne cucurbitulis, statim levatus est. Quamplures etiam clysteres habent hystericae mulieres, ex decocto feminum sceniculorum, anisorum, coriandrorum, ammeos, cumini, lauri, balsamique, & nucis myricæ fructuum, absinthii, camomelli, anethi, rutæ, atque aliorum multorum vim resolutoriam ac excalfactoriam habentium, cum modico, vel agarici, vel turbit, vel colocynthidis, atque oleis calidis paratos, quibus familiarissime ad eos affectus uti solent. In quibus medicamentis purgantis loco libenter melle utuntur ex dulcibus filiquis expresso, carnub appellato, vel Cassiam Ægyptiam, aut hyeræ ex melle paratum electuarium, quod & ipsi etiam componunt. Ad easdem uteri frigidas affectiones clysteriorum quoque auxilio utuntur, ex ammoniaco, serapino,

no, opopanaco, in urina pueri dissolutis, decoctoque ex seminibus apii, feniculi, anisi, ac aliorum dictorum medicamentorum, vim calfactoriam, ac resolutoriam habentium. Sed de his nunc satis. GUILAND. Verum dicis, sed olim ex multis audivi, quam plura apud eas gentes selecta, vel secreta frequentari. Ea igitur si quæ habes, tuis sermonibus digna, ad ea quæ hic consequi dicta sunt, addas velim. ALPIN. Quibus illi ad curandas febres frequentius utantur, tibi jam potero explanare, quando pleraque alia, quæ plurima existunt, mihi ex memoria maxime exciderint, vixque ea jam recordari amplius possem.

C A P. XV.

De secretis auxiliis, quibus Ægyptii ad febrium curationem uti solent.

A L P I N U S.

Aliqui pro secreto habent, synochas, & ardentes febres, multam aquam anguriæ el navi vocatæ ægrotis propinantes, sanare, si modo febricitantes ea multis diebus in cibo, ac potu sola utantur. Alii aquam stillatitiam ex anguria, chateque cucumere, atque melone abdellavi, tempore vehementioris æstus largius, frigidamque potandam concedunt, qua epota ægrotos multis pannis contegentes sudorem procurant, quo non paucos audio ibi sanatos fuisse. Alii pro secreto habent, multam itidem aquam ægrotis potandam offerre, in qua tamarindi, berberis prunique damasceni fructus per diem cum paucis seminibus fœniculi infusi manserint. Quam tunc recte percolatam cum mannæ mastichinæ unciis duabus exhibent. Multi etiam curant has febres, singulis diebus, vel saltem alternis diebus unciam solutivæ cassiæ cum saccharo candido, vel cum aqua stillatitia melonis abdellavi, vel anguriæ el navi dissolutam exhibentes, & alii libentius manna, vel syrupo de granatis solutivo in iis utuntur. Quæ solventia medicamenta nonnullis tan-

tum diebus decretoriis ægrotis danda censent; quocirca singulis
iis diebus illi talium medicamentorum usum exercent, quippe
die tertio, quarto, quinto, septimo, nono, undecimo, deci-
mo-quarto, & aliis singulis, morbo minime curato. In qui-
bus febricitantibus epithematis ex aquis multis stillatis refri-
gerantibus cum aceto supra thoracem, atque præcordia, pleri-
que pro tutissimo auxilio utuntur. Vigiliis vero correptis, ac
ipsis admodum vexatis, succurrunt, emulsione albi papave-
ris, ac psyllii in multa aqua lactucæ dissoluta, vel hac haud
plane satisfaciente, cum syrupo de papavere febricitantibus sæ-
pe propinata, vel sanguinis vacuatione in pueris, mulieribusque
à scarrificatis cruribus præstita, aut appositis cum incisione cu-
curbitulis in partibus post aures, prope nucham positis, aut in
adultis secta vena frontis, vel temporum, arteriarum altera,
vel quæ post aures pulsat. Utuntur etiam non ad has modo,
sed ad quascunque ex calidorum humorum putridine ortas, cly-
steribus paratis, ut nuper etiam dictum à nobis fuit, ex deco-
ctis seminum malvarum, althææ, hordei, lactucæ, endiviæ,
sonci, cucumeris, melonis, ac aliorum hujuscemodi refrige-
randi, & humectandi facultate præditorum, cum oleis refri-
gerantibus, qualia sunt quæ ex floribus nenupharis, violisque
parantur, atque melle carnub mirum in modum interna vis-
cera hos clysteres refrigerare putant, tenuesque, ac calidos hu-
mores evacuare. Plures curant febres intermittentes à bilio-
sis, ac pituitosis permixtis succis concitatas, in potu dantes
singulis diebus succum betæ calidum cum saccharo candido,
ad uncias octo in aurora; atque nonnulli drachmam agarici,
cum calido decocto chamedrios; & alii absinthii decoctum,
aliique chamedrios in tenuissimum pulverem redacti drachmam
in potu per horam ante accessionem cum aqua calaf: multis
vero magis probatur infusio tamarindorum pulpæ cum saccha-
ro, in aqua buglosæ, vel binas uncias terengibil in aqua multa
endiviæ, scilicet in duabus ac etiam tribus libris dissoluti aliqui
exhibendas laudant. In puerisque (quorum terengibil proprium
solvens medicamentum esse ii omnes existimant) uni tantum li-
bræ aquæ dissolutum propinant. Et quibusdam magis probatur
his

his febricitantibus drachmam rhabarbari singulis diebus ante accessionem exhiberi. Alii ante accessionem per horam præbent devorandum bolum infra scripti electuarii, quod parant, accipientes rosarum communium, dra. 5. radice glyzirrizæ, cinnamomi, spicæ Indæ, rhabarbari, mastiches chiæ, sandalorum alborum, flavorum, fructuum berberis, croci, an scr. 15. sacchari candidi, dra. 10. singula conterunt, ex quibus cum syrupo violato permistis electuarium formant. Pro singulari valde secreto apud quosdam celebratur potio quædam ante accessionem per binas horas ægrotis oblata. Quam parant, ex mannæ terrengebil vocatæ, pulpæ cassiæ solutivæ, tamarindorum, an. dra. 4. quæ in endiviæ stillatitiæ, vel communis aqua libra usque ad consumptionem duarum partium ebulliunt, colaturæque miscent olei sesamini binas uncias; nonnulli eodem tempore dant illis potionem ex aquæ betonicæ, & endiviæ, dra. 2. sacchari candidi semuncia paratam, & aliqui tribus diebus exhibent in aurora decoctum pentaphylli, agrimonii, ac althææ, cum syrupo violato, aut sex uncias decocti pulegii cum saccharo per horam ante accessionem. Non pauci etiam eodem modo potionem sequuntur, quam parant decoquentes in tribus libris aquæ, seminum melochiæ, funci, apii, endiviæ, melonis abdellavi, cucumeris chate, fænugræci, meliloti, an. dra. 3. ad consumptionem duarum partium. In cujus decocti unciis quatuor, veri opobalsami drachmam dissolvunt. Cujus opobalsami usus est apud multos ad has febres frequentissimus; fumunt enim drachmam, & plus etiam veri opobalsami in decocto chinæ radice, & spicæ Indæ, vel in jure pulli, cum radice petroselini vulgaris ebullito: quo assumpto statim pannis multis cooperti plurimum exudare conantur, terque hoc remedio ii uti solent. Multi curant has febres epithematis lineis pannis exceptis, hypochondriis, atque universo thoraci admotis, siquidem ajunt nixios humores febres foventes vi epithematis resolvi. Non minus vero quam alia epithemata hoc ipsi exercent, quod parant fumentes, rosarum communium, florum camomillæ, calaf, el hanne sive ligustri Ægyptii, cassiæ solutivæ, violarum, boraginis, an. m. 1. seminum funci, endi-

viæ, malvarum, melochiæ, bammix, meliloti, fæniculorum, fœnugræci, fefami, altheæ, hordei, psyllii, papaveris albi, abdellavi, chate, an. dra. 4. Quæ omnia modice contusa bulliunt in tribus libris aquæ ad consumptionem medietatis, atque colaturæ addunt ligni aloës, rosarum communium, sandal. rub. pulverizatorum, an. dra. i. croci, gr. 5. aceti albi, unc. i. s. simulque miscent. Utuntur hoc epithemate tepefacto, à cujus usu se cavent priusquam universum corpus aliquo medicamento, vel sanguine multo per venam sectam, aut per crurum scarificationem, vacuatum sit. Aliqui hæc epithemata solummodo ex aqua hordei, calaf, endiviæ, aceto, & croco parant. Quamplures more antiquorum pro secreto utuntur ad omnes corporis partes, quibusdam linitionibus cum levibus perfriktionibus administratis: quas aliqui præstant cum oleo rutæ, aut amygdal. amararum, aut camomelino, aut juniperino, & nitro rubeo. Qua frictione cum linitione hac in multis ad sudorem aptis largum sudorem concitant, atque sic morbum finiunt. Hoc auxilium in pestilentibus febribus, in quibus exanthemata apparere incipiunt, vel exituras sperant, plurima cum utilitate exercent semel ad minus in die probe calidam molientes linitionem, à qua statim febricitantes multis pannis cooperientes sudorem promoverè, venenosumque humorem à visceribus ad cutim trahere student. In pueris vero, atque infantibus variolis suspectis, vel malignis exanthematibus, nullum præstantius, neque ipsis familiarius habent auxilium. Sunt qui inungunt per horam ante accessionem totam spinam dorsi à nucha ad lumbos usque oleo antiquo, sampsuco, ruta, artemisia, absinthio, spica Inda, mastiche, ac thure ebullito, ipsoque calido inungentes, præmissa parva ac levi frictione. Nonnullis ex multis linitionibus hæc magis probatur, qua ad eandem spinam libentius utuntur: quam parant ex olei antiqui, succi rutæ, vini aromatici albi, an. dra. vj. theriacæ Androm. Senioris, dra. iiij. bullientes in phiala vitrea ad consumpt. medietatis. Sunt etiam alii multi, qui ad has febres tertianas varia medicamenta pulsibus brachiorum, ac crurum admota frequentant, ex quibus unum præstant, multis ex araneis, una cum suis telis contusis ad

modum linimenti cum oleo rosaceo mistis, vel araneas ipsas in oleo prædicto incoquant, quo calido carpum ambarum manuum inungunt. Alii urticam cum sale, vel nitro tritam eodem modo admovent per horam ante accessionem. Hæc atque plura alia in curatione febrium tertianarum curatu difficilium illi prosequuntur. Ad eas vero, quæ ad pituitosarum magis naturam accedunt, quas nostri spurias ac notas tertianas nuncupant, longeque magis ad quotidianas, vel amphimerinas, multi pro secreto habent ante accessionem, chamedrios pulverizati drachmam in jure pulli exhibere, vel ex ea herba paratum decoctum cum saccharo multis diebus. Alii ad easdem calidum decoctum eodem modo propinant, quod parant, in aqua bullientes florum violarum, buglossi, boraginis, cassiæ calaf, rosarum communium, an. dra. ij. feminum malvæ, fœnu-græci, fœniculi, mei, endiviæ, abdellavi, chate, an. dra. iiij. liquiritiæ rasæ, passullarum, pulpæ tamarindorum, an. dra. j. zinziberis, spicæ, carpobalsami, cannellæ, chamedrios, turbit, mirabol. chebul. an. dra. ij. foliorum fennæ, drach. xv. agarici optimi, dra. iiij. rhabbarbari electi, dra. ij. hæc omnia minutim incisa infundunt in aquæ endiviæ libra, quam postea parum bulliunt, valideque exprimunt, & expressioni addunt oxymellis simp. dra. iiij. dividunt vero hanc potionem in tres partes, quam tribus diebus in aurora summe calidam exhibent. Sunt aliqui, qui prædicta omnia infundunt in tres aquæ libras, & postea percoquant ad duarum partium consumptionem; cujus singulo mane exhibent uncias quatuor cum saccharo. Quibus vero per hoc medicamentum febris non tollitur, ii exhibent etiam singula die ante accessionem semidrachmam theriacæ Androm. Sen. cum modico sacchari rosati. GUILAND. Videntur hæc ex te narrata medicamenta ex eorum esse numero, quæ rationi non omnino adversantur, propterea ipsorum usum minime spernendum à nostris medicis, existimo. Sed perge, quod superest ipsorum narrationi, dicere. ALPIN. Ex secretis experimentis, quæ ad quartanas febres Ægyptiis familiaria existunt, hæc quoque in memoriam servo; quamplures enim ad id morbi genus pro selectissimo remedio habent, ægrotis decoctum ex menta-

paratum ad semi-libram calidum, cum spolii serpentis pulverizati binis drachmis, ante accessionem per horam propinare: Aliique majorem efficaciam tribuunt, vomitioni à decocto asari per os sumpto tempore accessionis concitatae. Nonnullis etiam probatur drachma catapociorum ante accessionem, exhibita; quæ parant ex agarici, gentianæ, castorei, myrrhæ, rutæ, an. dra. ij. piperis longi, calami aromatici, croci, an. scr. iiij. theriacæ antiquæ, dra. iiij. cum syrupo de granatis dulcibus, & aliqui aliud genus catapociorum parant, quo eodem quoque modo utuntur, ex diagridii, salis gemmæ, an. dra. s. aloes epatici, dra. iiij. cum melle: Aliis usitatus est, quartana correptis exhibere drachmam agarici, cum myrrhæ scrupulo dissolutam in decocto pulegii. Non paucos etiam sanatos audiivi clystere ex decocto amaraci, oleo laurino, cum duobus ovorum vitellis parato, sæpius adhibito. Nonnulli ad hanc febrem extolunt pulverem quendam ex mastiches, dra. iiij. spicæ nardi, dra. i. s. euphorbii, dra. ii paratum; cuius drachmam in jure calido per horam ante accessionem assumunt. Sed quæ febribus pestilentibus præsentanea esse auxilia ii putant, nunc etiam subjungam, priusquam è memoria mihi excidant. Qui tuto magis has curare opinantur, præmissio clystere leniente eadem die, modo ægroti jejuni sint, sanguinem surarum scarrificatione copiose vacuant: secunda die alii tamarindorum acidam pulpam, alii syrupi de succo granatorum dulcium solutivi, ac alii terengibil uncias tres in aqua calaf, vel sonci dissolutas in aurora concedunt. Hos ægrotos à principio ad finem usque perpetuo hunc potum sequi præcipientes, qui paratur exempli gratia, ex aquæ endiviæ, rosarum, buglossi, calaf, ex acido citri, vel limonis, stillatæ, an. libra media, in qua per noctem, vel diem infundunt fructus Paliuri Athenæi, nabca vocatos, berberorum, pulpæ tamarindorum, an. unc. ij. sem. citri 3. i. factaque diligenti expressione addunt vini granatorum acidorum, succi citri, vel limonum, lactis seminum abdellavi aqua rosacea extracti, an. unc. ij. lactis sem. citri, unc. i. miscentque omnia simul pro potu. Pauperes, qui multum sumptum ferre nequeunt, tamarindorum pulpam atque berberorum fructus,

Ætus, cum feminibus fœniculorum, vel citri in plurima aqua communi eodem modo infundunt, quam ægrotis pro potu toto morbi tempore concedunt: plurimumque in hujus potus usu sperant; neque immerito, cum tum tamarindos, tum berberos illarum febrium putredini maxime obfistere penes illos pluries expertum, ac cognitum sit. Primis harum febrium ita peractis diebus ad inunctionem totius corporis accedunt, cute quippe leniter perfricata, atque postea calida inunctione inuncta, naturæ ad cutim expulsionem eo auxilio maxime adjuvantes, inunctionem vero ex oleo amygdalarum amararum cum nitro rubro, quod natron appellant, parant. In pueris, ut etiam nuper dictum est, variolis, vel puncticulis infectis hac linitione nullum remedium securius, vel præstantius habent. Aliqui hujus loco sudorem provocare student, calidis medicamentis in potu sumptis. Quorum hoc ipsis familiariter observatur, quod parant ex theriacæ Androm. Senioris, scr. ii. pulverisque infra dicendi drachma in aqua calaf, vel citri. Pulverem vero conficiunt ex scordii, chamedrios, seminum citri, an. dra. i. aristolochiæ longæ, Zedoariæ, dictami cretensis, cornu cervi usti, boli armeni, terræ sigillatæ, rosarum, calaf, spicæ, Margaritarum præparatarum, an. scr. ii. camphoræ, scr. i. s. corallorum amborum, scr. i. sacchari candidi, dra. ii. omniaque tenuissimum in pulverem redigunt. Quam potionem mane ante cibum, & à cibo spatio ad minus sex horarum calidam bibunt, à qua statim ægroti in lectulo pannis multis cooperiuntur, ut sudent, & postea toto corpore lineis calfactis pannis molliter fricantur, & à frictione rursus continuo pannis conteguntur, atque sudorem omni conatu procurant, repetuntque hoc ter ad minus in die. Aliis ad idem magis probatur potus ex aquæ rosatæ, calaf, florum citri, succi limonum, an. dra. i. theriacæ supradiætæ, scr. ii. croci, scr. s. paratus. Nonnulli usque adeo audaces existunt, ut quatuor cantaridarum capita, & alas in pulverem redactas cum tribus unciis aquæ endiviæ ægrotis propinare audeant, quo medicamento, vel per sudorem copiosissimum, vel per urinam pestiferum venenum vacuari, affirmant. Multi singulo mane libram decocti calidi

assumunt, ex chinæ radice, feminibus citri vel limonis, abdel-
lavi in aqua boraginis, vel calaf, vel etiam rosacea, atque mo-
dico succi citri, parati: alii hunc potum parant, chinam, tan-
tum radicem, atque modicum pulpæ tamarindorum in aquam
ex limonibus distillatam, bullientes ad consumptionem medieta-
tis, cujus decocti calidi libram bibunt, & statim sudare pluri-
mum student. Alii alium pulverem eodem hoc modo utendum
cum aqua rosacea, vel calaf, pro secreto ad has febres habent,
quem parant, accipientes dictami Cretenfis, albi, rutæ, ma-
ri Cretenfis, an. dra. ii. bacarum juniperi, lauri, feminum peo-
niæ, an. dra. i. s. calami aromatici, carpobalsami, cinnamo-
mi, aristolochiæ rotundæ, zedoariæ, gentianæ, an. scr. j. flo-
rum calaf, rosarum rub., citri, an. scr. i. gariophyllorum, cam-
phoræ, boli armeni, terræ figillatæ, lapidis bezaar, Marga-
ritarum, an. scr. s. In peste quoque habent in usu nonnulla
electuaria frequentissimo ad præcavenda corpora, ne infician-
tur. Quorum unum, cui omnes maxime confidunt, compo-
nunt, fumentes terræ figillatæ, dra. ii, sem. citri, acetosæ,
an. dra. i. s. boli armeni, aristolochiæ rotundæ, scordii, ze-
doariæ, dictami albi Cretenfis, an. dra. i. theriacæ antiquæ,
cornu cervi usti, dra. i. s. Margaritarum, smaragdi, Hyacin-
thi, camphoræ, croci, an. scr. ii. sandalorum omnium, co-
rallorum rubeorum, alborum, ferici combusti, an. scr. i. s.
Quæ omnia in pulverem redacta, cum syrupo de acido citri
miscent. Cujus dosis est à semuncia ad unciam. Ad idem hoc
aliud sic componunt, fumentes zedoariæ, galangæ, scordii,
chamedrios, calaf, florum, corticum, atque feminum citri,
acetosæ, terræ figillatæ, boli armeni, calami aromatici, cinna-
momi, carpobalsami, xilobalsami, coraliorum rub. an. dra. i. di-
ctami Cretenfis, sandal. rub. an. scr. i. cornu cervi usti, campho-
ræ, an. scr. ii. croci, piperis nigri, ligni aloes, moschi, fragmen-
torum smaragdi, an. scr. i. s. Margaritarum, drach. i. s. aloes
succotrinæ, myrrhæ, an. dr. iii. theriacæ antiquæ, dra. ii.
misce pulverizata cum syrupo de acido citri, & fiat electuarium,
dosis est semuncia. Aliud ad idem, quod parant ex feminum
citri, abdellavi, chate, acetosæ, ocymi Ægyptii, quem ri-
han.

han appellant, carpobalsami, an. dra. iii. dictami, bedeguar, scordii, zedoariæ, an. dra. ii. cornu cervi usti, terræ figillatæ, coriandriorum præparatorum, lapidis bezaar, an. dra. i. margaritarum, hyacinthi, smaragdi, topacii, an. dra. i. s. sandalorum omnium, camphoræ, an. scr. ii. boli armeni, dra. i. sacchari rosati antiqui, dra. viii. theriacæ antiquæ, dra. iiii. mitridatii, dra. ii. cum succo de acido citri pulverizatis pulverizandis miscent, & faciunt electuarium: cujus dosis est à drachma una ad duas. Apud omnes Turcas atque alios nobiles Ægyptios, opobalsami usus est frequentissimus; neque immerito, cum ille succus tantopere adversus omnem humorum putredinem præstet: eo enim inuncta cadaverum corpora diu imputria servari multorum testimonio constat. Temperamento hominis naturalem calorem valde fovet, & auget, plurimumque nobilia membra roborat, atque citissime corporis partes permeat. Multos illius usu à pluribus pestilentiis superstitisse incolæ testantur. Omnes fere, ut seipsos à pestis contagio deffendant, hujus liquoris usui plus fidunt, quam ceteris aliis auxiliis; id in aqua ex acido citri, stillatitia, vel ex flor. citri, vel in vino albo, aut jure pulli liquatum bibunt, aut (quod sane valde celebre secretum ad pestem habetur) cum binis ipsius succi unciiis, miscentes myrrhæ, carpobalsami, ligni aloes, terræ figillatæ, boli armeni, margaritarum, lapidis bezaar, croci, an. scr. i. sumuntque hujus compositi singulo mane drachmam. Aliqui peste infectis sic medentur, continuo cruribus, brachiis, & inguinibus ea medicamenta, quæ nostri vesicantia vocant, applicant, ex quibus ulcera multa in iis partibus, per quæ humores summe putridi à natura extramittuntur, expurgentur. Cruribusque non unum, vel duo, at decem, & plura etiam ulcera infligunt, atque non minus brachiis: atque hoc auxilium penes omnes Arabes, qui cum per desertà loca continue equitantes, secum multa medicamenta habere nequeant, quibus utantur, hoc remedio utuntur, raroque ejus opera frustrantur. Repeto aliud, cujus quidem superius quoque meminimus, ad curandos sane peste infectos non minus apud Arabes celebre, & usitatum, quam nuper dictum sit. Quod illi mo-

liuntur, tres scarrificationes longas, & profundas, quæ non scarrificationes, sed permagna vulnera apparent, utrique cruris furæ per longum infligentes, quæ non sanant, priusquam ægroti perfecte à peste sani evaserint. **GUILAND.** Hoc genus auxilii, quamvis barbarum præ multo dolore videatur, tamen adprime utile peste infectis judicandum puto, quod corpora non solum evacuentur, sed noxii humores non minus à nobilibus partibus ad ignobiles revellantur, continuaque putridorum humorum in toto morbi tempore per illa ulcera fiat evacuatio, ex qua ægrotos maxime juvari non est hæsitandum. Hunc ego hac perdoctus experientia in omnibus pestiferis febribus in remotis partibus corporis, ulcera omnia, profunda, & lata, vel à natura protrudente venenosos humores, vel igne, vel exulcerante quopiam medicamento facta, plane laudanda censeo; præcipueque læso jecore in inguine, corde in brachiis, atque cerebro in occipite, vel in collo. His quidem ulceribus illa viscera facile utuntur ad extramittendos sive vacuandos veneficos succos à quibus ipsa in pestilentibus iis febribus, læduntur. Sed jamjam cesso adloqui, ne amplius tuum coeptum sermonem aliquo modo interturbem: sequere itaque reliqua. **ALPIN.** Quid amplius dicam? nulla videntur mihi superfuisse dicenda, nisi de hæcticarum febrium curatione hæc quoque pauca tibi subjungam. Curant enim ii hæcticas febres, nullis putridis conjunctas, quæ exquisitæ hæcticæ vocantur, victu præcipue frigido atque humido ex cucurbita, hordeo, lactuca, endivia, beta, ac aliis hujusmodi in jure coctis: aliis magis probatur in victu usus anguriæ el navi, nam maxime refrigerat, & humectat. Aliisque juscula cum iisdem alterata. Omnibus vero sorbitiones maglub atque mastahaleb vocatæ sunt familiarissimæ, quæ ex variorum seminum vim refrigeratorem, & humectatorem habentium, parantur, quale à plerisque sic paratur, ex seminum lactucæ, endiviæ, sonci, malvarum, psyllii, papaveris albi, melonis abdellavi, chate, cucurbitæ, anguriæ, hordei, pistachiorum, amygdalarum dulcium ex Gaza adveniarum (quas minus aliis calfacere ii putant) singulorum æqualibus partibus, quibus aliqui miscent semina fœniculorum, aut citri

citri correctionis causa, quæ omnia in marmoreo vase contundunt, ac postea lac cum aqua endiviæ, vel hordei exprimunt atque colligunt, cui addentes modicum aquæ rosacæ, & sacchari candidi violati, sorbitionem parant, quam hæcticis aliorum ciborum loco offerunt. Sunt qui hoc tantum victu pluribus diebus uso à febre illa evaserint. Alii hæcticos curant lacte camelino, vel asinino, vel humano, maximeque consumptos. Utuntur etiam balneis ex lacte tepido paratis, corpora etiam illorum præter quod lacte irrorant, oleis quoque nenupharino, violaceo frigidis, vel tepidis inungunt. Non minusque illis in usu familiarissimo dulcia balnea tepida, atque frigida existunt. Multi enim post balneum calidum frigidam in aquam, quæ tamen non multum sit frigida; se immergunt plerique libentius tepida, quam frigida ad hæcticos curandos utuntur. Divites, ut jam dixi, familiaria habent balnea, ex lacte camelino, vel asinino, vel caprino parata. Hæcque obiter memini, me, partim apud Ægyptios medicos ad usum febrium curandarum praxim cum ipsis exercendo, observavisse, partimque à quodam medico Ægyptio doctissimo accepisse, quæ qualiacunque sint, tibi libentissime nunc communicare volui. GUILAND. Perpulchra sane videntur, minimeque inutilia, quæ dixisti modo, pro quibus non parvas gratias tibi habeo. Sed tempus nunc nobis suadet, ut paululum quietis nunc capiamus, reliqua in altera die dicenda remittentes, quando parum diei nunc supererit; nam video, Solem pene ad occasum jam accessisse, ex quo etiam in hac die illa absolvi à nobis non potuissent.

F I N I S.

I N D E X

EORUM OMNIUM, QUÆ IN MEDICINA ÆGYPTIORUM CONTINENTUR.

A.

Fol.

ABBALASSAN, Carpobalsamum. 302
 Abderæ virgo multiplici vacuatione
 judicata. 239
 Acatiae vires ad sistendam quamcunque
 sanguinis vacuationem. 314
 — succus duplex, quippe liquidus, &
 ficcus. 306
 — succi ficci usum in Ægypto esse ad
 coriarios pro tingendis coriis. 306
 Acatiam arborem, cujus Ægyptus est fe-
 rax, non edere lachrymas, sive ab ipsa
 arbore non distillare lachrymas, qua-
 rum sit usus. 306
 Acori radices non esse calamum aroma-
 ticum. 298
 Acoro vero Ægyptii utuntur, quem He-
 hud vocant. 306
 Achovan quid. 299
 Achaoen, Vehoven, & Alachuan idem. 299
 Achaovam herba crescit in Ægypto. 299
 — descriptio. 299
 — an sit marum. 299
 Achimbassi medicus omnium primus. 4
 — medicus medicis mederi volentibus
 auctoritatem soluto pretio concedit. 4
 — officium quale sit. 4
 — à Bessa Cayri procreari soluto pre-
 tio. 4
 — Bessa non excellentiorem in medicina
 virum, sed eum, qui multos aureos sol-
 verit, procreare. 6
 — omnes, qui pretium solverint, etsi

medicinæ artis prorsus ignari sint, me-
 deri per urbem finit. 5
 Ad bubones, tumores, & parotides pesti-
 lentes cucurbitulæ utiles. 164
 — febres synochas secretum auxilium. 315
 — febres pestilentes potus singulares. 321
 — Hydropem Ægyptios uti unctione. 212
 — scorpionis morsum scarrificatio partis
 affectæ. 207
 Advenæ omnes, cum Cayrum statim ve-
 nerint ex potu aquæ Nili diarrhæam
 pati solent. 46
 Adulteræ mulieres cur maritis filios simi-
 les pariant. 88
 Ad uteri frigidas affectiones clysteres. 314
 Ædes balneorum gratia constructæ. 228
 — balneorum in Ægypto quomodo fa-
 ctæ sint. 228
 Ædium pro balneis constructarum descri-
 ptio. 228
 Ægrotos filios gignere ægrotos. 88
 Ægrotis, quibus ante sanguinis missio-
 nem aliquid cibi sit concedendum. 123
 — antequam ipsis sanguis mittatur, ali-
 quem frigidum potum cum aliquo sy-
 rupo os ventriculi roborante esse exhi-
 bendum. 123
 — quibus sit mittendus sanguis, tutius
 potum, quam cibum dari posse. 123
 Ægypti regionis descriptio. 18
 — situs. 18
 Ægyptus est inter Æthiopiam, Arabiam,
 & Marmaricam. 18
 Ægypti aërem summe calidum esse, quæ
 ostendant 18
 — in-

I N D E X.

- Ægypti incolarum triplex genus esse. 31
 Ægypto venundari. 92
 Ægyptum nunc veris Ægyptiis hominibus carere. 92
 Ægyptus habet ab ortu Arabiam, ab occasu Marmaricam, à Septentrione mare Mediteraneum & à Meridie Æthiopiam. 18
 Ægyptum carere balneis naturalibus. 228
 — habere homines pingues, ac crassos. 32
 Ægypti incolæ omnes Vigiles existunt. 37
 Ægyptum viris olim tum in medicina, tum in aliis scientiis illustribus floruit. 2
 Ægyptus priscis sæculis pluribus doctissimis medicis floruit. 4
 Ægyptum totam peste infestam accedente tropico cancri, ab omni peste, pestisque contagio sanari. 70
 Ægypto regiones conterminæ. 296
 Ægyptus à quibus ventis libere ventilatur. 25
 — Septentrionalibus ventis magis quam aliis est expositus. 25
 Ægyptum magis expositum Septentrionalibus ventis, quam aliis, voluit Deus, ut refrigeraretur. 25
 Ægyptus miraculo fœcunda videtur, cum solum totum arenosum habeat. 26
 — totam fœcunditatem à Nilo flumine accipit. 26
 Ægyptum hominibus abundare, sic pinguibus, qui mammas longe maximis fœminarum mammis, majores habent. 32
 Ægyptii cur multo sanguine abundant. 32
 Ægypti habent stomachum frigidum multa pituita scatente. 32
 Ægyptii à quibus stomachum frigidum contrahant. 32
 Ægyptiorum corporum habitus. 32
 Ægyptii victu tenui ac admodum sobrio utuntur. 33
 — pluries in die quam nostri comedunt, sed parum. 33
 — morbi sparsim qui per urbem Cayri semper observantur. 56
 — medici medendo utuntur illa universalis propositione, quippe contrariis contraria curari. 16
 Ægyptus non recte intelligere propositionem, quæ est contraria contrariis curari. 16
 Ægyptii errant in cognoscendis morbo contrariis remediis. 16
 — medici in quibus morbis recte utantur medentes propositione, contrariis contraria curari. 16
 — in curandis morbis semper morbo contrariis utuntur. 16
 — omnes cur ad usum refrigerantium maxime præcipitentur. 16
 — quot modis mittant sanguinem. 4
 — mittunt sanguinem ab auribus scarificatis. 4
 — mittunt sanguinem à cruribus scarificatis. 4
 Ægyptios nunquam cucurbitulis uti promolienda totius corporis vacuatione. 126
 Ægyptii cucurbitulis occipiti, atque ejus proximis partibus utuntur. 126
 — cucurbitulas, neque igne, neque aqua, sed spiritus attractione admovent. 126
 — medici cui medicinæ sectæ adhæreant. 6
 Ægyptios medicos sectam methodicam, atque empiricam sequi. 6
 — ad morborum curationem, neque partium læsarum, neque causarum, neque naturæ, neque ætatis, habere rationem. 6
 Ægyptii putant omnia morborum genera fieri, vel à caliditate, vel à frigiditate. 6
 — ob cælum Ægypti summe calidum, putant à calore omnes morbos fieri. 6
 — refrigerantium medicamentorum usum cur frequentent. 6
 — qui-

- quibus dent operam. 2
- publicas scholas habent, in quibus
- Ævaria scientiarum genera docentur. 3
- gyptios plurima secreta auxilia præstan-
tissima hæreditarie à priscis doctissimis
medicis accepisse. 4
- Ægyptii, quæ ad medendum in usu ha-
beant. 4
- quomodo ab oculorum lippitudini-
bus præserventur. 53
- Ægyptios ob parcum victum longiorem
vitam ducere. 39
- ab usu aquæ Nili fluminis longævus
fieri. 39
- non ab aëre, sed à victu longævus
fieri. 40
- Ægyptii quomodo præsciant futurum flu-
minis incrementum. 29
- quid faciant, ut præsciant futurum
fluminis incrementum. 30
- Ægyptios mittere sanguinem à sectis ar-
teriis, atque à multis venis, nostris me-
dicis non usitatis. 4
- Ægyptii hirudinum usum ignorant. 4
- in carnum esu sunt parcissimi. 33
- humido cibo delectantur, eumque
sequuntur. 33
- arietum castratorum carnibus vescun-
tur. 33
- ab Hippopotamo sanguinis missio-
nem acceptam referunt. 2
- quot modis mittant sanguinem. 4
- Ægyptios pro vacuando sanguine venas
secare, nostris inusitatas. 4
- Ægyptii mittunt sanguinem ab arteriis se-
ctis. 4
- æstate loca terrena habitant, prope
fontes dormientes. 19
- fistulas intra omnes domos faciunt,
ad refrigerandum aërem. 19
- omnes veneri admodum indulgent. 37
- Ægyptiis conceditur plures uxores posse
ducere. 37
- Ægyptii otiosam vitam ducunt, Exceptis
Arabibus, & rusticis. 37
- cur sic frequenter missioni sanguinis
indulgeant. 83
- Ægyptios errare, qui largius ac sæpius
quam opus esset mittere sanguinem so-
leant. 83
- Ægyptii ægroti nimium sanguinis missio-
ni fident. 83
- Ægyptios tribus modis sanguinem mitte-
re. 125
- per venarum, arteriarumque sectio-
nem, atque per variarum partium scar-
rificationem mittere sanguinem. 125
- Ægyptii, ne dum uruntur, partes inflam-
mentur quid præstent. 210
- Ægyptios ferro frigido sæpe partes iis
quæ inuruntur, proximas tangere, ne
adoriatur inflammatio. 210
- Ægyptii quid post inuisionem præstent. 210
- quas partes corporis inurant. 209
- ustione articulorum laxitatem ac de-
bilitatem corrigunt. 121
- inuisione articulis robur conciliant,
ut ab humorum fluxionibus defendan-
tur. 210
- Ægyptios quam plures exustis temporibus
spectari. 137
- ad urendas partes rectius quam no-
stros se gerere. 212
- Ægyptii ad ustionem moliendam cur nul-
lo metallo utantur. 213
- ad inuisionem, cur gossypio ignito
utantur. 213
- quem modum servant in scarrifi-
candis cruribus. 195
- Ægyptios recte se gerere pro crurum scar-
rificatione sanguinem mittentes in pue-
ris, Eunuchis, atque aliis corporibus la-
xis, pinguibus, albis. 112
- sanguinem mittere cutis scarrifica-
tionibus. 4
- sanguinis missione gaudere. 82
- Ægyp-

I N D E X.

- Ægyptii mittunt sanguinem in omnibus
ætatibus, anni temporibus, & ad omnes
fere morbos. 82
- libentius sanguinis missione, quam
medicamentis utuntur. 82
- Ægyptios mirabili dexteritate multas par-
tes corporis pro mittendo sanguine scar-
rificare. 4
- mirabili dexteritate arterias, atque
venas secare. 4
- Ægyptii in quibus corporibus consuescant
scarificatis cruribus mittere sanguinem.
III
- Ægyptiorum modus aures scarificandi.
169
- Ægyptii ciborum multiplicitate non gau-
dent. 33
- simplici cibo sunt contenti. 33
- ciborum varietatem abhorrent. 33
- carniū esu non admodum dele-
ctantur. 33
- Mahometis affectuæ vino non utun-
tur lege eis interdicto. 33
- Ægyptiorum multi vino non secus quam
Germani indulgent. 33
- Ægyptios medicos per sectas arterias mit-
tere sanguinem non secus quam à ve-
nis. 133
- Ægyptii mittunt multum sanguinem. II
- medici an errent non utentes cucur-
bitulis pro adjuvanda exanthematum
eruptione. 160
- medici in nobilibus uti blandissimis
medicamentis purgantibus. II
- inurunt partes gossypio atque panno
lineo ignito. 210
- quo pacto partes corporis inurere
soleant. 210
- Ægyptios coxendicum dolorem inustione
sanare. 210
- in peste infectis multa ulcera cruri-
bus infligere. 324
- Ægyptii curant febres exanthematum pe-
stiferas linitione ex oleo amygdalarum
amararum & nitro, parata cum frictione
ad universas corporis partes. 321
- in febribus pestilentibus sudorem
provocant. 321
- Ægyptios dividi in urbanos, Arabes, &
Russicos. 31
- Ægypti incolarum temperamenta. 31
- Ægyptiorum urbem habitantium corpo-
rum habitus & temperies. 92
- Ægyptii fato quodam Tyrannis semper
fuere subiecti. 12
- usum inurendi habent familiarem.
210
- Ægyptiorum plerique hepar calidum, &
humidum habent, ex quo multo san-
guine exuberant. 32
- multos majores mulierum maximis
mammis, mammas hebere. 31
- temperies à quibus mutata. 93
- Ægyptii quamobrem omnes fere stoma-
chum frigidum obtineant. 309
- omne genus morbi ex capitis distil-
latione obortum, patiuntur. 20
- Ægyptios medicamentis refrigerantibus
indulgere. 251
- Ægyptiis pulveres esse familiares exuren-
tes, atque terræ siccitate. 229
- Ægyptii cur timeant usum cucurbitularum
in febribus pestilentibus. 161
- herbam comedentes. 258
- an à commansa herba, atque aliis
medicamentis vere optata videre queant.
259
- Ægyptiis lactis acetosi usum sequuntur.
252
- Ægyptii plurima habent in medicina pri-
scorum doctissimorum medicorum an-
tiquitatem redolentia. 14
- cur morbis frigidis potius quam ca-
lidis infestentur. 252
- Ægyptiis victus atque medicamenta fa-
miliaria. 252
- Ægyptios multos annos plus centum vi-
vere. 38

I N D E X.

- Ægyptii à quibus causis fiant longævi. 42
 Ægyptiæ mulieres, quid in balneis facti-
 tent. 230
 Ægyptias in balneis pinguedinem procu-
 rare. 231
 — uti balneis ad pinguescendum. 231
 — ad coitus conciliandam voluptatem
 variis unguentis recte olentibus uti. 230
 Ægyptios errare molientes purgationes
 quibusdam feminibus validissime pur-
 gantibus. 279
 Ægyptiorum aliquos post assumptum pur-
 gans medicamentum ægrotis multum
 aquæ frigida potandæ propinare. 285
 Ægyptios divites multos syropos, quos
 cum aqua per æstatem potant, domi
 parare. 268
 — lapides è vesica extrahendi sine in-
 cisione modum callere. 223
 — componunt Theriacam pro Turca-
 rum Rege. 288
 — jussu Turcarum Regis Theriacam
 componere. 288
 — theriaca cum advenis multum lucri
 facere. 288
 — errare in componenda theriaca. 307
 — tribus nominibus his, quippe Darfi-
 ni, Cherse & Selica, intelligere cina-
 momum, canellam, & cassiam. 304
 Aër Ægypti qualis sit. 20
 Aëris Ægypti temperies. 20
 Aër Ægypti est calidus & siccus, inæqua-
 lis, tenuissimus. 20
 — — cur hyeme aliquando insigni-
 ter frigidus sentiatur. 20
 — — caput maxime offendit. 20
 — — quando est temperatissimus æ-
 qualissimus, morbisque careat. 24
 — locorum Ægypti mari adjacentium
 qualis. 91
 — — — à mari elongatorum qua-
 lis. 91
 — nocturnus & diurnus per hyemem
 in Ægypto qualis. 20
 Aëris Ægypti diurna & nocturna altera-
 tio. 20
 Aërem summe calidum continue marce-
 scere, ac fieri pessimum. 68
 Aër in Ægypto non uniformis. 91
 — locorum Ægypti mari adjacentium
 est frigidior atque humidior. 24
 — secundæ æstatis, æqualis, continuus,
 calidus. 72
 Aëris mutationem ab æstuante calore, in-
 æquali, in minus calidum, æqualem
 continuum pestem dirimere. 72
 Aërem Januario & Februario mensibus ef-
 se quo ad primas qualitates temperatas.
 21
 Aër in Ægypto Junio mense ex morbo-
 so statu, in salubrem mutatur. 76
 Aër secundæ æstatis in Ægypto mutatio-
 nes non confertim, sed sensim recipit.
 76
 Aëris refrigerandi causa multis Ægyptii
 utuntur. 19
 Aër Ægypti multum à Septentrionalibus,
 ac Meridionalibus ventis alteratur, &
 parum ab orientalibus, atque occiden-
 talibus. 19
 — ab Ægyptiis, frigida aquæ multis
 fontibus refrigeratur. 19
 Aërem Ægyptii refrigerant quibusdam va-
 stissimis fistulis in singulis domibus ea
 causa constructis. 19
 Aër Ægypti adveniente æstivo solstitio quo-
 modo omne contagium pestilens consu-
 mat. 77
 — ante æstivum solstitium tribus mensibus
 in Ægypto, est interrupte calidissimus
 ac fere animalia suffocans. 71
 Aëris camerarum balnei temperies. 228
 Aërem quoad calorem varium in balneo-
 rum ædibus esse. 229
 Aëris infusum sanare hepatis lienisque ob-
 structiones difficiles. 282
 Æstatis tempus penes Ægyptios. 21

Æstas

I N D E X.

- Æstas in Ægypto quando incipiat, & desinat,* 21
Æstatem in Ægypto duplicem esse. 21
Æstas prima in Ægypto est inæqualissima, inconstantissima, & summe calida. 21
— prima plurimum corpora lædit. 21
— secunda est æqualior, minusque æstiosa, & minus corporibus noxia. 21
— prima est mensibus Martio, Aprile, Majo. 21
— secunda, incipit Junio mense & usque ad finem Augusti protenditur. 21
Æstatis primæ aëris constitutio. 71
— prima pars unde inconstantissima, æstuosissima, atque inæqualissima sit. 22
Æstatis secundæ temperies. 24
Æstatem secundam morbis carere. 24
Æstatis primæ calidissimæ & inæqualissimæ causæ. 22
— calor facile à quoque fertur. 19
— aërem summe calidum temperari à Nili fluminis incremento, atque à Septentrionalibus ventis. 19
— aër nisi à Nili incremento, & à Septentrionalibus ventis refrigeraretur, homines ibi vivere non possent. 19
Æstatem Etesiis carentem admodum morbosam. 75
Ætius secandi modum in hydrope docuit. 220
— ulsionem in articulorum, atque aliis morbis laudat, 216
Ætates purgationes non recte quæ ferant. 279
Agatarchidis de Nili augmento opinio. 28
Agarici utilitas ad quartanas febres. 320
Agens proximum in generatione magis potest quam remotum. 88
Agricolæ Ægypti secunda æstate vitam otiosam ducunt. 24
Agricolæ quando semina terræ committant. 24
Alcanna, sive elhane, quod est ligustrum Ægyptium, florum usus. 254
Alexandrini hyeme oculorum lippitudinibus vexantur. 52
Alexandriæ atque aliis locis mari adiacentibus largissime pluit. 24
Alexandria singulis annis autumnis multis pestilentibus febribus vexatur. 51
— civitas tota super columnas marmoreas numero ferme infinitas posita ac fundata est. 52
Alexandriæ omnia loca subterranea inania, ac pervia existunt. 52
Alexandria civitas cur viis ac inanibus subterraneis locis constructa sit. 52
Alexandriæ loca subterranea per via ac inania facta fuisse ne urbs terræmotibus obnoxia foret. 53
— loca subterranea pervia facta fuisse, ut in iis sufficiens aquæ Nili copia ad usum incolarum per annum servaretur. aliqui Ægyptiorum existimarunt. 53
Alexander Trallianus sentit in dysenteria mittendum esse sanguinem. 117
Alindaracoron throciscorum compositio, Ægyptio, diversa est ab ea, qua usus fuit Gal. 307
Alimentum immodicum refrigerare. 41
Alvi profluvii causæ. 117
Amatus Lusitanus in dysenteria mittebat sanguinem, multosque hoc auxilio curavit. 117
Amatus Lusitanus quomodo à naribus sanguinem mittebat. 171
Amatum medicum Lusitanum multos puerulos sanguinis missione curavisse. 106
Amentes in unctione sanant Ægyptii. 211
Ammeum Ægyptii Indicum habent, omnium optimum, quem Nanacuendi appellant. 306
Amomum amama vocant Ægyptii. 300
— verum habere Ægyptios. 300
— lignum & non semina vel fructus esse Ægyptii affirmant. 300

I N D E X.

Amomi descriptio.	301	rimo sanguine à venis retro aures somno longissimo correptum fuisse, non tamen sterilem evasisse.	132
Amomum quo Ægyptii utuntur, non esse Rosam Hierici, ut falso aliqui crediderunt.	301	Apoplecticos inustione curari.	211
Amomi historia apud multos antiquos scriptores varia.	301	Apodyterium seu spoliarium quid.	228
Amygdalas ex Gaza advectas minus aliis calfacere.	266	Aqua optima neque concoctionem, neque concocti distributionem, neque sanguinis generationem, neque nutritionem, neque urinarum, sudorumque excretionem, neque corporum distensionem, juvat.	44
Anaxagoræ de Nili fluminis augmento opinio.	28	Aquam non juvare concoctionem.	44
An crurum scarrificatio in sura, ut Ægyptii faciunt, vel potius in malleolo, ut Gal. docuit, sit facienda.	203	— hypochondriis non esse utilem.	43
— — — vicaria sit venæ sectionis.	188	Aquas optimas reperiri; quæ neque insigniter frigida, neque crassa, sed dulces existunt, ac tenuissima.	46
Animalia in Ægypto reperiri, quibus ars curandi morbos insita à natura existimetur.	2	— coelestes esse levissimas, dulcissimas, atque tenuissimas.	46
Anguriæ, quæ intus nullam pulpam, sed hujus loco aquam dulcissimam continent.	56	Aqua, quæ ex Galeno optima sit.	35
Anguriarum aquam hernias concitare.	56	Aqua optima est quæ clara, sincera, sine odore.	35
Anguriæ aquæ facultas.	57	Aquæ optimæ notæ.	35
Antimonium difficiles ac antiquos morbos sanare.	281	— crudæ & malæ notæ.	35
Antimonio multos ab incurabilibus fere morbis sanatos.	282	— usum ad vitam producendam, magis quam vini, conducere.	43
Antiqui ad quos morbos sectione usi sint.	220	— usum Ægyptiis magis quam vini, conducere.	43
Antiqui medici cur prævalidis purgantibus usi fuerint.	281	— potus, quæ nostris corporibus afferrat incommoda.	43
Antonius Palmerius Presbyter Cayri sacra multos annos ministravit.	296	Aquam stomacho, hypochondriis, hepaticæ vel lieni obstructis, vel in tumorem elatis plurimum nocere.	43
Antyllum, cucurbitularum usum scarrificatione præstitum cognovisse.	145	— ab Ægyptiis ad sanitatem conservandam, vino præponi.	43
Antyllus scarrificandi docuit modum.	197	Aqua dulcis tepida cutem laxat, sanguinem attenuat, atque attrahit.	190
Annus ab Ægyptiis in quot partes dividatur.	21	Aquæ potu summe calida corpora juvari.	45
Annum penes Ægyptios in quatuor tempora, sed tamen secus quam à nostris fiat, dividi.	21	Aquam pueris, atque calidis & humidis corporibus conferre.	45
Anum Atheniensem cicutæ esui assuetam.	255	Aqua Nili fluminis clarescens omnium est limpidissima, purissima, levissima, cuiusvis odoris expers, atque subdulcis.	35
Asim Christianum Cophtum vacuato plu-		— Nili quibus omnium hominibus utili-	lissi-

I N D E X.

- liffima, ac optima fit judicanda. 35
- Aquam Nili fluminis corpora ex calore gracillima refrigerare, increffare, atque impinguefacere. 8
- Nili fluminis hepar calidum refrigerare. 8
- Nili totam in fanguinem verti, ex quo Mofes Dei præcepto aquas in fanguinem mutavit, Ægyptiis perfuafum est. 82
- Aquæ Nili facultas. 36
- Aquam Nili Joan. Jacob. Manne medicus, pro Turca qui renum calida intemperie laboravit, plurimum commendavit. 37
- Nili fluminis clarefactam, tenuem, levem, fubdulcem effe. 46
- Nili epotam aliquibus fudorem, aliquibus urinam, atque multis ventrem movere. 46
- Nili fluminis copiofe epotam hepatis calorem optime contemperare. 8
- Aqua Nili à longiffimo itineris tractu fere à Sole coquitur. 35
- Aquam Nili omnium effe minime frigidam. 36
- Nili fluminis Avicenna multis laudibus celebravit. 36
- Nili, quæ eft turbida, Galeni temporibus Alexandriæ per fiftilia vafa Ægyptii percolabant. 36
- Nili cœnofam ac turbidam quomodo cito clarefaciant. 36
- turbidam amygdalis dulcibus contufis, Ægyptii clarefaciunt. 36
- turbidam ex Nilo afportatam dulcibus amygdalis trium tantum horarum fpatio clarefaciunt. 36
- Aqua Nili clarefacta epota fudorem movet, aliquibus urinam, & quamplurimis ventrem. 36
- Aquam Nili diu, noctuque epotam corpora non lædere. 36
- Aqua Nili calida corpora plurimum juvantur. 37
- Nili epota viscerum incendium contemperat. 37
- Aquam Nili vicem gerere feri lactis. 37
- Nili Ægyptii mutari in fanguinem putarunt. 37
- Aqua Nili unde habuerit, quod intra corpora fufcepta, in fanguinem mutetur. 37
- Aquæ Nili Deum dediffe, ut in fanguinem converteretur, Ægyptii exiftimant. 37
- Aqua Nili fluminis pro potu eft jucundiffima. 35
- Nili ceteris bonitate videtur præferenda. 35
- Aquam Nili fluminis in potu Ægyptios feftari. 252
- Aqua Nili à dolore renum à calculis concitatum fanare. 47
- Nili quo pacto poffit concoctionem juvare. 47
- Aquam Nili clarefactam hypocondriis, jecori, lienique inflammatis auxilio effe. 47
- Aqua Nili an corpora nutriat. 47
- Aquam Nili, ex Ægyptiorum fententia nutrire. 48
- Aqua Nili quando eft pauciffima, & fere ftagnans. 27
- Nili fluminis quomodo in Urbem Alexandriam veniat. 52
- Alexandriæ autumnno evadit cœnofa, paluftris, corrupta atque peffima. 52
- corrupta quomodo fit caufa peffilentium febrium, quæ autumnno Alexandriæ vagantur. 53
- Aquam Nili fluminis per medium Cayri civitatis tranfeuntis putrefactam varios in pueris morbos concitare. 55
- plurimam gelidam iis propinari, quibus eft fanguis mittendus, officere. 124
- ante miffionem fanguinis multam epotam, hydropem facere. 124

I N D E X.

- Aquam Nili fluminis modice sumptam posse purgantis assumpti vim fovere, & augere.** 286
- **Nili callere facultate aliqua subducendi alvum.** 286
- **cum purganti medicamento frigidam dandam Averrhoes voluit.** 286
- **post purgans medicamentum, Haly & Rhafim concessisse.** 286
- **frigidam multam ab assumpto purganti, aliquos Ægyptiorum bibere, à qua alvum sæpe multum turbari.** 285
- Aquæ potu ab assumpto purganti cur aliqui commodè sint purgati.** 285
- Aquam nullo pacto purganti assumpto auxilio esse posse.** 286
- **Anguriæ elnavi sanare febrem synocham.** 315
- Aqua stillatitia, qua synocha febris, atque ardens curatur.** 315
- Arabum corporum habitus, atque temperamenta.** 92
- Arabes multos morbos inustione sanare.** 210
- **cur utantur inustione.** 210
- **quomodo lapides è vesica sine incisione extrahant.** 224
- **priscos medicos non cognovisse scarrificationem crurum, vel ea non fuisse usos.** 180
- Archenda quid, & ejus facultas.** 242
- **est pulvis ligustri Ægyptii foliorum.** 242
- Archigenes sectionem ad hydropem meminuit.** 242
- Ardentes febres quibusdam secretis auxiliis ab Ægyptiis curari.** 315
- Arterias pro mittendo sanguine Ægyptios secare** 4
- Arteriarum sectarum ad mittendum sanguinem usum, non secus quam venarum in Ægypto frequentari.** 125
- Arteriæ pro quibus morbis ab Ægyptiis secantur.** 125
- Arteriarum sectionem pro mittendo sanguine hoc tempore propriam esse Ægyptiorum.** 125
- Arterias solos Arabes & Ægyptios pro mittendo sanguine audere secare.** 125
- Arteriæ sectio pro mittendo sanguine Ægyptiis est familiarissima.** 133
- **sectione ad quæ mala Ægyptii utantur.** 133
- **sectionem pro divino secreto in Ægypto ad diuturnas oculorum opthalmias, inveteratas, atque ad capitis viscerumque antiquos diuturnosque dolores haberi.** 133
- Arteriarum sectione multos interiisse.** 133
- Arterias sectas ex quorundam sententia coalescere non posse.** 134
- **sectas magna cum difficultate coalescere.** 125
- **sectas posse coalescere, maxime in pueris, corporibusque mollioribus.** 134
- Arteriam per somnium monitum Gal secuisse, & bene successisse.** 134
- Arteria cubiti secta quendam Magistrum à lateris dolore sine ullo aneurismate sanatum Gal. memoriæ prodidit.** 135
- Arterias quo pacto Ægyptii coalescere faciant,** 138
- Arteriarum sectio, ut coalescat, quæ præstent.** 138
- **prævalido motui, postquam eas secuerunt, atque sanguinem eduxerunt obstitunt, frusto æris sectioni arteriæ superposito.** 135
- Arterias tuto secari ab Ægyptiis.** 4
- Arteriarum sectione aliquos quasi miraculo sanatos fuisse.** 4
- Arteriam inter pollicem & indicem sectam, hepatis dolorem juvare.** 137
- Arterias in summis artubus, atque in capite fore secandas in omnibus doloribus, à calida, spirituosaque substantia, obortis. Gal. docuit.** 135

Ar-

I N D E X.

Arteriam frontis ad quæ mala Ægyptii sectent. 136
 Arteriæ frontis sectio quibus malis conveniat. 136
 Arterias sectas misso sanguine Ægyptios, neque extrahere, neque inurere. 137
 Arteriarum retro aures sectio quibus morbis conveniat. 137
 Arterias temporum ad prohibendos catarhales fluxus in oculos Ægyptii inurunt. 137
 — retro aures Hippocrates in quibus inurendas voluerit. 214
 Arthritides vagari in Ægypto. 50
 Articulos à quibus causis plerique Ægyptiorum imbecillos habeant. 57
 — inurunt Ægyptii ad podagram. 211
 — inurentes Ægyptiis sanant articulorum dolores. 211
 Arundinibus, saccharinis Ægyptios vesci. 252
 Asari decocti vis ad curandas quartanas. 320
 Ascanius Caracciolus à dysenteria sanguinis missione curatus. 117
 Asclepiades Æthiopes trigesimo ætatis anno senescere, & Britannorum quamplures ad centesimum, usque & vigesimum annum pervenire memoriæ prodidit. 40
 Aspalathus ubi reperitur. 296
 Aspalathi arbusci descriptio. 296
 Aspalathum flores edere suavissimi odoris. 297
 Assis quid sit. 261
 Asthma pectoris inustione sanari. 212
 Astronomi à quibus corporum naturas cognoscant, ac speculentur. 86
 — ad indagandam corporis naturam, quæ considerent. 86
 — hominis naturam ex signi natura, atque stellarum in prima cæli domo inventarum, vel eam respicientium. 86
 Avenzoarem medicum filium suum puerum

sanguinis missione ab acuto morbo sanavisse. 105
 Averrhoes damnat frictiones in corporibus cruditatibus repletis. 243
 — cur aquam frigidam post assumptum purgans concefferit. 286
 Avicenna de Achaouan. 299
 Avicennam sensisse medicos posse in pueris binos annos tantum agentibus mittere sanguinem. 105
 Avicenna non cognovit scarrificationis usum. Imo confundit scarrificationes cum cucurbitulis. 105
 Avicennam ante sanguinis missionem ægrotis aliquibus aliquid cibi esse offerendum præcepisse. 120
 — aquam post purgans conceffisse. 286
 Aures pro mittendo sanguine Ægyptiis scarrificant. 128
 — infantibus scarrificantur ab Ægyptiis. 167
 Aurium scarrificationem puerorum esse propriam. 128
 Aures quo modo, ac ordine scarrificantur. 169
 — Nec talem scarrificationem cognovisse Gal. 169
 Austri temperies. 65
 Auster cum imbribus conjunctus quid faciat. 65
 Austrini flatus caput gravant, sensusque hebetant. 154
 Austrum facere putridinẽm. 65
 Auster corpora dissolvit, humores fundit, putrefacitque, ubi conjunctus sit cum largioribus imbribus. 65
 Autumnus constat duobus mensibus, quippe Septembri, Octobri. 21

B.

B Alneorum usus qualis sit apud Ægyptios. 229
 Balneis naturalibus Ægyptum carere. 228
 — te-

I N D E X.

- ~~— tepidis cur~~ Ægyptii utantur. 229
 Balneorum usum penes Ægyptios pro
 corporum absterfione esse frequentem. 230
 — usu quæ accedat corporibus utilitas. 242
 Balnea ex dulci aqua parata apud Ægy-
 ptios esse in usu frequentissimo. 228
 Balneorum dulcium apud Ægyptios quis
 sit usus. 228
 — dulcium facultas. 8
 — dulcium usu corpora refrigerari &
 impinguescere. 8, 37
 Balnea apud Ægyptios qualia frequenten-
 tur. 228
 Balneorum gratia ædes in Ægypto con-
 structæ. 228
 Balnea dulcia in Ægypto omnes ornatus
 gratia frequentant. 37
 Balneis dulcibus utuntur Ægyptii, tum
 corporum ab itineribus inflammatorum
 refrigerandorum gratia, tum pro de-
 menda sanguinis plenitudine. 32
 Balneorum loca quomodo Ægyptii calfa-
 ciunt. 228
 Balnea hæticorum qualia esse debeant. 229
 Balneorum dulcium usum esse in Ægypto
 ad corpora ex itinere inflammata. 236
 Balnea tepida refrigerare, & humectare. 237
 — dulcia quibus conducant. 237
 — dulcia calida cutis stipationem de-
 lere. 237
 Balneis utuntur nonnulli vacationis gra-
 tia. 237
 Balnea pro pinguefaciendis corporibus
 qualia. 230
 — calida in triplici esse differentia. 231
 Balneorum calidorum vires. 231
 Balneo tepido uti volentes pinguescere. 231
 Balnea dulcia quos morbos sanent. 243
 Balneis uti Ægyptios ad ephemerass febres. 246
 Balneorum usus ad febres, ephemerass, pu-
 tridas, hæticas, & inflammationes. 246
 Balneis ad quos morbos Ægyptii utantur. 245
 — dulcibus usus fuisse antiquos in feбри-
 bus. 245
 Balneorum dulcium differentia, ac vires. 245
 Balnea dulcia, quibus febribus, & inflam-
 mationibus conveniant. 246
 — dulcia quo tempore febricitantibus
 conducunt. 246
 Balneis dulcibus quæ febres ex ephemeris
 juventur. 246
 Balneorum usus pro hæticis non unus, at
 multiplex. 246
 Balnea corporibus cruditatibus scatentibus
 non convenire. 247
 — cur neque in febrium principio, ne-
 que in augmento conveniant. 247
 — dulcia corporibus calidioribus, &
 exustis maxime convenire. 247
 Balneorum dulcium usus varius quo ad va-
 rias febres. 248
 Balnea in principiis morborum inutilia &
 noxia. 156
 — à cibo pinguefacere. 231
 — à cibo quamobrem impinguefaciant. 231
 Balneaturi, neque horrere in balneo, neque
 imbecillum viscus habere neque crudi-
 tatibus abundare debent. 247
 Balneis calidis gallica lue correptos posse
 sanari, nonnullis suassum. 249
 Balnea, quibus Ægyptii ad hæticos uti
 solent. 325
 Balneorum ex lacte paratorum usum di-
 vites Ægyptios sequi. 325
 Balsami, authorem plantam viventem Ve-
 netiis habuisse, ex qua opobalsamum ve-
 rum distillasse multi observarunt. 298
 — fructus Ægyptios habere recentissi-
 mos, quibus ad componendam theria-
 cam utuntur. 302
 Ban

I N D E X.

Ban quid, atque ejus usus.	254
Barbaricorum corporum temperies habitusque qualis.	66
Barbarorum corpora quamobrem excellentissimis putrefactionibus sint obnoxia.	68
Barbaros urere lineis petiis accensis.	216
Bassanum.	177
Berberorum usus pro alvi subductione.	253
Berberis fructibus ad medicamenta Ægyptios uti frequentissime.	253
— fructuum usus ad quæ.	253
— fructuum usum in febribus & pestilentibus Ægyptios sectari.	253
Berberorum vis adversus putredinem.	323
Bernavi electuarium.	262
— operationes.	262
— assumentes, quæ deliramenta prodant.	262
Bers electuarii compositio, & vires.	263
— electuarii usus.	263
— electuarium.	311
Bessa vocari prefectum.	5
— Achimbassim creare, non medicum excellentiorem, sed etiam medicinæ ignarum, si modo plures aureos numos ei persolverit.	5
Betæ succus, ad curandas febres intermittentes.	316
Bon seminis usus apud Ægyptios.	254
— arbor.	264
Boream putredini obsistere.	65
Borea spirante omnia quam diutissime imputria durare.	65
Bosa quid, & ipsius compositio & facultas.	262

C.

Cadi esse Mahometis legis doctores.	3
— suos judices præfectus creat.	3
— non tantum religionis legibus præesse, sed lites in jure civili, ac pontificio judicare.	3

Calaf quid, atque ejus usus.	254
Calamo aromatico vero Ægyptii utuntur.	297
Calamum aromaticum non esse radicem, sed cannam, vel calamum.	297
Calami aromatici notæ ex Dioscoride.	297
— aromatici multam copiam ab Ægyptiis haberi posse.	298
Calculis Ægyptiorum multi cur vexantur.	58
Calidissimas regiones habitantibus difficilimas esse purgationes.	279
Caliditatem vel per se solam esse Ægyptiorum morborum causam, vel saltem cum aliis causis ipsam concurrere, Ægypti medici autumant.	6
Calida corpora ab usu ciborum refrigerantium, dulcium balneorum atque ab immodica venere frigida evadere.	8
Calor vehementissimus aëris ambientis remediis quibus contemperetur omnino vacat.	91
Calorem stomachi ab ambientis caliditate resolvi.	238
Campsim vocatos ventos facere cerebri inflammationes exitiosissimas.	55
Campsinis ventis spirantibus advenæ ac plures incolarum ad subterranea loca confugiunt, in quibus morantur, quousque ille ventorum ardor cessaverit.	23
Campsi venti si diu perseverarent, nemo ibi vivere posset.	23
Campsim cur ventos Euros, Austrosque Ægyptii vocaverint.	23
— vocatos fuisse Euros, Austrosque ventos. a Campsi vocato Alexandri Magni, multarum copiarum duce ab his ventis cum omnibus copiis suffocato.	24
Canella in quo à Cinnamomo differat.	303
Canellæ sapor dulcis & acris.	304
Canella in longo itinere odore, & sapore non deficit.	305

I N D E X.

Cannabis foliorum usum esse apud Ægyptios.	261	— florum usus.	254
— per excellentiam herba ab Ægyptiis cur vocata.	261	Cassiam esse alterius arboris corticem, minimeque canellæ.	304
Cantaridum usus in potu apud quosdam Ægyptios, ut venenum vel per sudorem, vel urinam evacuent.	324	Cassiam plane à cinnamomo & canella differre.	303
Capitis dolori intra nares scarrificatio convenit.	168	Cassiae sapor amarus.	304
— partes Ægyptios urere.	211	Catapocia quibus ad psydracia, & alopeciam Gal. utebatur.	280
— quas partes Ægyptii urant.	211	— ex aloë appellata apud Gal. quæ.	280
— partes ad quos morbos uri debeant.	211	— Ἀλὴ κολοκυνθίδος.	280
Cardamomum.	306	— ad quartanas febres.	320
Carnes, aceto, atque sale jam diu impures servari.	66	Catapociis ex aloë, scamonio, colocynthide paratis utebatur Gal.	280
— quibus Ægyptii vescuntur.	33	— ex aloe, colocynthide, scammonio, agarico, bedellio, gummi Arabico paratis ad distillationem ex capite in pulmones falsuginosam Gal. utebatur.	280
Carnium usus apud Ægyptios est temperatissimus.	33	Causæ, quæ aërem in æstate refrigerant.	25
Carnes arietum castratorum Ægyptiis esse multum familiares.	33	— pinguedinis.	232
Carnibus multis, qui in victu utuntur, brevius vivunt.	39	Cauticorum medicamentorum facultas.	213
Carnis atque vini immoderatum usum hominibus brevioris vitæ esse causam.	39	Cauticum quid.	214
Carnium optimarum usum augere calorem naturalem.	39	Cayrus Ægypti metropolis.	18
Carpobalsamum habent Ægyptii ex Arabia recentissimum.	302	— olim Babylon, vel Babulis.	18
Caseus Gibnehalon.	56	Cayri civitas quantum distet ab Æquinoctio.	18
Cassabel derira quid.	297	— diei major longitudo.	18
— derira Ægyptiorum est verus calamus aromaticus.	298	— diei brevitās.	18
Cassiae Ægyptiæ usus.	321	— situs.	18
— fructuum cognitio & utilitas.	273	— civitas ventis Septentrionalibus exposita.	18
— differentia.	273	— civitatis aër à Septentrionalibus, atque Meridionalibus ventis maxime alteratur, ab Orientalibus, Occidentalibusque parum.	18
Cassiam Damiatinam omnium minime utilem.	273	— civitas est prope tropicum Canceri.	18
Cassia Abissina ceteris præfertur.	273	— civitas altissimis est fabricata ædibus.	19
Cassiae Abissinae usus.	273	— locus in quo Ægyptii theriacam componunt.	288
— Abissinae usum ad acres distillationes ex capite in pulmones esse apud Ægyptios frequentissimum.	273	— multos tum viros, tum mulieres re-	pe-

I N D E X.

- periri, qui medecinam profitentur. 5
- Cayri nullos reperiri qui medicinam ratione faciant. 2
- Cayrini toto anno oculorum lippitudinibus molestantur, sed præsertim in prima æstate. 52
- Cayri habitatores esse plurimarum nationum. 31
- Cedemata curari scarrificatis venis quæ intra aures sunt. 127
- Celsus in hydrope supra talum incidi docuit. 219
- Ceraſtis quid. 295
- Ceraſtis serpentis ex Aëtio descriptio. 295
- Cerebri inflammationes lethalissimas in prima æſtatis parte fieri. 55
- Chaova decoctum. 264
- decoctum quomodo paratur. 264
- decocti ex semine Bon parati usus apud Ægyptios. 254
- decoctum ad evocandos menses multum mulieribus conducere. 254
- Chaovæ decocti usus ad menses ciendos. 254
- decocti facultas. 264
- Chaova suppressos menses revocari. 264
- Chamedrios vis ad curandas febres. 316
- Cherſe cannellam communem Ægyptii intelligunt. 299
- Chest, est costus Arabicus quo nostri etiam utuntur. 299
- Chia mulier a dysenteria sanguinis missione sanata. 117
- Chinæ radicis usus in Ægypto. 253
- radicibus ad quos morbos Ægyptii utuntur. 253
- decocto emaciata corpora pingue fieri. 253
- decoctum faciem pulchram reddit. 253
- decoctum pro pinguefaciendo quomodo ab Ægyptiis mulieribus paretur. 253
- radicis decocti usus in febribus per-
- silentibus apud Ægyptios. 322
- radicis usus ad pinguefaciendum. 236
- radicis decocto multas emaciatas mulieres pingues evaſiſſe. 236
- Chirurgos Ægyptios partes venis minimis refertas, scarrificare. 127
- Chirurgi Ægyptii in ſcindendis venis longe nostris exteriores observantur. 127
- Cibi optimi supra modum assumpti morbos frigidos generant. 41
- Cibus immoderatus & potus calorem naturalem sæpe suffocat. 40
- Cibum non esse omnibus concedendum priusquam sanguis mittatur. 120
- Cibi Ægyptiis familiares. 33
- Cibus pauperibus Ægyptiis familiaris. 34
- Cicatrices in multis partibus corporis, Ægyptiorum frequentis inuſtionis usus esse indicium. 209
- Cineſiam Evagoræ filium corpore inuſto in concionem prodiſſe. 214
- Cinnamomum quid. 303
- esse furculorum vel ramulorum tenuissimorum arboris cannellæ cortices, & cannellam craſſiorum. 303
- in quo à cannella differat. 299
- esse ramulos tenuiores, qui citotum sapore, tum odore exolvuntur. 299
- Cinnamoma cur à mercatoribus in Ægyptum vel Syriam non convehantur. 304
- Clyſteriorum usum ab Ibi volunt prodiſſe. 2
- usum Ægyptiis esse familiarissimum. 11
- aliquorum penes Ægyptios usus. 312
- Clyſteres ad Vigiliis qui ab Ægyptiis parentur. 313
- laxativi apud Ægyptios. 313
- Ægyptiis mulieribus ad pinguefaciendum familiares. 234
- Hyſtericarum mulierum. 314
- ad uteri frigidas affectiones. 314

I N D E X.

- Clystères ad cohibendam alvum. 314
 — ad fluxum sanguinis. 314
 — ex Acatiae siliquis immaturis parati
 facultas. 314
 Clystères ad febres putridas ab Ægyptiis
 usitati. 316
 — qui refrigerent & tenues succos sub-
 ducant. 316
 Colis meatus quantum dilatari queat. 224
 Collum, ac mentum, ad quæ scarrificent.
 129
 Contagium à vehementi aëris caliditate
 consumi. 77
 Contenta urinarum crassa quid significant.
 159
 Comam inustione tolli. 211
 Composita medicamenta, quæ ab Ægy-
 ptiis parantur. 287
 Compositum ex opobalsamo & aliis ad
 pestem utile. 323
 Coriandrum viride, id est, folia Ægyptios
 innoxie comedere: esse ejus usum apud
 ipsos in ferculis quam familiarissimum.
 252
 Cornelium Celsum usum Ægyptiarum cu-
 curbitularum novisse. 144
 Cornelius Celsus ait ad mittendum san-
 guinem non ætatem, sed vires confi-
 derandas fore. 106
 — Celsus usum cucurbitularum in fe-
 bribus quovis tempore utilissimum cen-
 suit. 142
 Cornelium Celsum ustionem in coxendi-
 co dolore laudasse. 215
 Cor atque hepar calidum & humidum uni-
 versum corpus tale efficere. 84
 Cordis atque hepatis à totius inspectione
 temperiem cognosci. 57
 Corpora unico tantum temperamento
 prædita nusquam reperiuntur. 84
 — ubique multa reperiri variis conflata
 temperamentis. 84
 — statim enixa ab aëris temperamento
 multum alterari. 90
 Corpus temperatam naturam obtinebit,
 quoties cor & hepar æque apposita tem-
 peramenta habebunt. 86
 Corpora à quibus necessario alterantur, &
 à quibus non necessario. 38
 — quo humidiora, eo crassiora esse.
 232
 — crapulis pinguesceri. 232
 — facile pinguescentia, & quæ diffici-
 lius. 232
 — latioribus venis prædita difficiliter
 pinguesceri. 232
 — frigido temperamento, facilius pin-
 guesceri. 232
 — omnia à variis diversorum anni tem-
 porum aëris constitutionibus alterari ac
 mutari. 90
 Corpus authoris ex immodico hepatis ca-
 lore gracillimum effectum, largiori po-
 tu aquæ Nili fluminis, carnosum & pin-
 gue evasisse. 8
 Corpora in aëre valde calido, continuo,
 æquali, diffantur, aperiuntur, evacuan-
 tur, atque siccantur. 72
 — sanguinea, quod aliis temperatiora
 sint, facilius putrescant. 61
 — extenuata dulcibus balneis à cibo ju-
 vari. 231
 — balneis quæ apta, & quæ ab his sint
 arcenda. 247
 Corporum Ægyptiorum habitus & tem-
 peramentum. 32
 Corpora venerem immoderatam refrige-
 rare. 8
 — cur in Ægypto valde crassa & pin-
 guia reperiuntur. 8
 — pleraque Ægyptiorum frigidiorum
 ventriculum habere. 8
 — gracillima ex calore effecta in Ægy-
 pto crassescere, ac impinguescere. 8
 — gracilia ex calore effecta usu largio-
 ris aquæ fluminis Nili pinguesceri. 8
 — Ægyptiorum non esse cachochyma,
 sive mali succi. 82

I N D E X.

- Corporum Ægyptiorum temperiem terminatam cognosci non posse. 31
- Ægyptiorum temperamenta. 8
- Corpora cur habeant Ægyptiorum multipituitosa. 8
- Ægyptiorum cruditatibus sæpe moleſtari. 8
- Arabum urbanis ſunt graciliora, & calidiora. 32
- ruſticorum eſſe omnium gracillima, hiriſuta, ſqualida, ac fere combuſta à Sole. 32
- Ægyptiorum pleraque illuvie, ac pediculis abundant. 230
- Ægyptiorum ſudoribus abundare. 230
- Ægyptii putant omnia ab uſu aquæ Nili fluminis, verti in ſanguinem, ſive ſanguinem generare quiſque putat, plurimo ſanguine ſemper abundare. 82
- quomodo in prima æſtate ſe habeant. 23
- in prima æſtate eſſe languidiſſima, & abhorrere cibum. 23
- ab aëre ſecundæ æſtatis ſumme calido æquali cum Eteſiis, ſiccari, tum per ſenſibilem tranſpirationem, tum aſſiduis ſudoribus, atque diſſili. 77
- Ægyptiorum pleraque multo ſanguine abundare verum eſſe. 82
- Ægyptiorum pleraque, aut ſanguineo, aut pituitoſo temperamento ſpectari. 32
- Ægyptiorum pleraque pingua cur ibi fiant. 230
- in Ægypto uſu dulcium balneorum maxime refrigerari. 32
- Ægyptiorum quo ad varias partes inuſta in Ægypto multa ſpectantur. 209
- frigida, & humida, qualia ſunt mulierum multarum, eunuchorum, & ſenum, multam evacuationem non admittunt. 202
- non ab omni ſanguinis miſſione debilitari. 118
- Corporum largam ſanguinis vacationem ferentium notæ. 110
- Corpori laxo, molli, pingui, albo, gracilibus venis non eſſe aut mittendum ſanguinem, aut parum. 110
- Corpora cucurbitulis vacuanda prius per horam in balneo morari debere. 156
- habitu pingui ac carnoſo difficilius quam gracilia purgari. 239
- frigidi temperamenti, habitus denſi, duri, difficilius purgari. 279
- puerorum cur evacuationi inepta ſint. 238
- puerorum habent ex ſeipſis unde vacuentur. 99
- mollia, humida, & calida ex quacunque evacuatione reſolvuntur. 202
- ſub calido cœlo degentia continuis vacationibus eſſe ſubjecta. 238
- imbecilla, rara, mollia, pingua valide purgantia non recte ferunt. 278
- ex quacunque cauſa reſolubilia, ſi purgari debeant, uti debent leniter purgantibus, atque à prævalide purgantibus abſtinere. 279
- Corporibus omnibus non eadem purgantia convenire. 279
- Corpora robuſta valida expoſcere medicamenta purgantia. 279
- imbecilla, leniter purgantibus eſſe tractanda. 279
- temperata valide purgantibus non purganda. 280
- cacochema quibus purgantibus purganda. 280
- aliquando etiam ad animi deliquium purganda. 282
- non debere purgari ad animi uſque defectum. 283
- Coſtum Syriacum tantum odore caput ferire. 300
- Coſtus verus qui. 300
- Coxendicum dolorem Ægyptii curant mul-

- multis inuisionibus. 210
- Coxendicus dolor quo pacto inuisione ab Ægyptiis curetur. 210
- Crapulas & ebrietates esse causas ex quibus homines, vel pauco tempore vivant, vel miserrimam à quamplurimis morbis afflicti, vitam ducant. 42
- Crapulis indulgentes difficulter purgantur. 279
- Criticas omnes vacuationes bonas esse. 102
- Cruris quænam partes. 204
- Crus dividitur in tres partes, & exemplum pictum. 206
- Crurum scarrificationes, quomodo Ægyptii exercent. 195
- Crurum scarrificandi ordo. 182. & discrimen inter eam, ac cucurbitulas. 182
- scarrificationem non eam esse, quam nostri applicatis cucurbitulis frequentant. 181
- Cruribus scarrificatis sanguis copiosus, non secus quam à venæ sectione egreditur. 182
- Crurum scarrificatio quibus conducatur, & quo pacto. 172
- scarrificationis usus in quibus morbis apud Ægyptios frequentatur, & in quibus corporibus. 199, 201
- scarrificatione pro secreto curant Ægyptii febres pestilentes. 320
- venas, quæ scarrificantur, dorsi venis grandiores esse. 148
- Cucurbitularum utilitas. 142
- Cucurbitulas, dolores solvere, & inflammationes minuere, atque flatus discutere. 142
- Cucurbitularum utilitates omnes ex Oribasio. 142
- Cucurbitulis præstitam sanguinis vacuationem minorem quam per venam sectam, facere spirituum resolutionem. 110
- Cucurbitulæ sunt auxilia partis, inminuere totius. 158
- Cucurbitularum usus damnatur a Gal. ante totius evacuationem. 174
- operatio ex variis scarrificationibus. 150
- Cucurbitulæ non sunt utendæ, nisi prius totum corpus vacuatum fuerit. 144
- impetu foras humorem in alto latentem evocant. 181
- sanguinem subtiliorem, puriorem, & tenuiorem evacuant, minime crassum. 159
- Cucurbitulis non evacuatur magna sanguinis copia. 182
- Cucurbitulas non esse vicarias venæ sectionis. 193
- Cucurbitulæ nec sanguinem attenuant, nec cutim relaxant. 190
- Cucurbitulas etiam crassum sanguinem educere posse præcedentibus frictionibus, & calidis fomentis sanguinem attenuantibus. 155
- non posse educere sanguinem crassum, et si frictionibus, vel balneis sanguis attenuetur. 156
- Cucurbitulis sanguinem tenuiorem vacuari, minimeque crassum. 149
- Cucurbitulas plus sanguinis tenuioris, quam crassi vacuare, Avicenna docuit. 149
- corporibus crassiori sanguine præditis non convenire. 149
- cutaneum tantum sanguinem educere. 149
- obstructions concitare. 149
- Cucurbitulæ in quibus obstructions concitare possint. 156
- Cucurbitulas, sanguinem tenuiorem educere, obstructions concitare, scarrificatam cutem labefactare, refrigerare, densare, atque obstruere. 150
- Cucurbitulæ sanguinem vacuantes quo pacto obstruent. 150
- sanguine multo non abundanti, neque crasso, pro moderata sanguinis vacuatione interdum sunt applicandæ, sed præsertim cruribus. 159
- Cu-

I N D E X.

- Cucurbitularum usum sæpe lethalem in febricitantibus pulsus intermissione consecutam. 159
- Cucurbitulæ obstruunt ad internas corporis partes etiam trahentes. 158
- Cucurbitulas à centro ad circumferentiam trahere, atque à circumferentia ad centrum. 151
- Cucurbitulæ quo pacto trahant à circumferentia ad centrum. 151
- Cucurbitulas purgatis prius corporibus utiles. 152
- Cucurbitulas in plethoricis corporibus non esse exercendas Gal. prodidit. 152
- Cucurbitulæ quo tempore in parte inflammata sint utendæ. 153
- Cucurbitularum usum in febribus pestilentibus à Joan. Baptista Montano daminari. 153
- incommoda in febribus pestilentibus. 153
- Cucurbitulas cruribus cum scarrificatione applicatas esse proximas venæ sectioni statuit Avicenna. 154
- Cucurbitula maximæ est utilitatis ad avelendos venenosos humores à membris præcipuis, & ad adjuvandas omnes naturæ excretiones, sive symptomaticas, sive criticas. 165
- Cucurbitulas atque crurum scarrificationem idem esse, multi arbitrantur. 158
- Cucurbitulæ an sint utendæ in plethoricis corporibus. 158
- Cucurbitulis non tolli plenitudinem, sed venæ sectione, aut malleolorum scarrificatione. 158
- Cucurbitulæ sive cum scarrificatione, sive sine, non sunt admovendæ, nisi evacuato toto corpore. 158
- statim ad partem cui affixæ, attrahunt & crudum & coctum humorem. 162
- Cucurbitulas aliquando esse auxilio febribus pestilentibus. 162
- Ægyptii quibus partibus admoveant & quibus non. 144
- sine scarrificatione Ægyptios non uti. 142
- pro partis evacuatione, Ægyptios uti. 142
- Ægyptios totius corporis vacuationem non præstare. 142
- non utuntur Ægyptii, nisi prius totum corpus vacuarint. 142
- cum scarrificatione nunquam Ægyptios uti pro universali molienda corporis evacuatione. 126
- cum scarrificatione Ægyptios uti pro alicujus partis vacuatione. 126
- Cucurbitulas quibus partibus Ægyptii admoveant. 126
- Cucurbitulis sæpe occipiti affixis Ægyptii utuntur, atque collo. 126
- Cucurbitulæ Ægyptiorum à nostris plane differentes existunt. 126
- Cucurbitularum usum diverso modo, quo Itali faciant, Ægyptios exercere. 126
- Cucurbitulas Ægyptii non igne, vel aqua calida admovent, sed spiritus attractione cuti affigunt. 126
- Cucurbitulis cur tolli non posse plenitudinem Ægyptii putent. 147
- fieri particularem evacuationem. 148
- non uti Ægyptios in principiis morborum, nisi totum corpus in primis fuerit vacuatum. 147
- Cucurbitularum usum pro sanguinis vacuatione faciendæ Ægyptios non cognoscere. 112
- Cucurbitulas, neque in dorso, neque in lumbis, neque in natibus, neque in cruribus, neque in aliis partibus (occipite, collo, & averfa capitis parte exceptis, quibus tantum utuntur cucurbitulis) Ægyptios exercere. 144
- Cucurbitulis non uti Ægyptios ad juvenanda exanthemata. 144
- Cucurbitulas, Ægyptiis in febribus pestilentibus

I N D E X.

- lentibus cum puncticulis, neque in variolis, neque in morbillis, utendas non placet. 144
- Cucurbitulis, nisi probe vacuato corpore, Ægyptii uti non solent. 147
- Ægyptios quantum volunt sanguinis vacuare. 142
- Cucurbitularum duo genera Ægyptios in usum habere. 139
- Cucurbitulis corneis, atque vitreis uti Ægyptios. 139
- Cucurbitulas spiritus attractione Ægyptios admove, atque sanguinem extrahere. 139
- Cucurbitulis igne vel aqua admotis non utuntur Ægyptii. 139
- Cucurbitulas corneas quomodo Ægyptii parent. 139
- Cucurbitularum cornearum descriptio. 139
- Cucurbitulas corneas quomodo Ægyptii cuti admoveant. 140
- Cucurbitulis corneis cur Ægyptii utantur. 140
- Cucurbitulas quomodo Ægyptii exercent. 142
- Cucurbitularum in occipite usus frequentissimus apud Ægyptios. 142
- Cucurbitulas quibus partibus admove Ægyptii consuecant. 143
- Cucurbitulæ dorsi partibus admotæ in venas proximas cordi trahunt noxios succos, & evacuato sanguine, cutem refrigerant, densant, ac ejus meatus obstruunt. 161
- Cucurbitulæ in febribus pestilentibus, quo loco affigendæ evacuationis gratia. 164
- Cucurbitula foras ad trahendum venenum ceteris auxiliis præstat. 164
- Cucurbitulas in plethoricis corporibus dorso appositas ex toto corpore in viscera trahere. 157
- Cucurbitulam appositam occipiti lippientes juvare. 146
- Cucurbitulæ prope aurem appositæ meminit Hippocrates. 143
- in coxendice usus. 146
- in mammis apponendæ utilitas. 146
- usus ad firmandum sanguinis profluvium. 146
- ad dolorem ventris. 146
- Cucurbitula ad lapides renum. 146
- Cucurbitularum siccarum usum Ægyptii ignorant. 146
- Cucurbitulis solis plena corpora vacuari posse Ægyptii negant. 146
- Cucurbitularum occipiti affixarum usum antiquis fuisse cognitum. 145
- Cucurbitulas cum scarrificatione collo ac mento affixas, gutturis maximas inflammationes plurimum juvare. 129
- occipiti affixas juvare capitis gravitates, dolores, inflammationes, ophthalmias atque alios omnes ex plenitudine in capite obortos morbos. 143
- Cucurbitulæ in interna alicujus visceris inflammatione dorsi partibus applicatæ summe sunt perniciosæ, nec febribus conveniunt. 159
- Cucurbitulas partibus inflammatione tentatis Gal. admovendas probat. 208
- Ægyptios nunquam dorso, lumbis, vel cruribus admove. 112
- cum scarrificatione collo, & occipiti appositas gutturis inflammationes juvare. 143
- Cucurbitula in pulmonis inflammatione pectori admovenda. 163
- Culcassæ radicum usum in cibo Ægyptiis esse familiarissimum. 252
- Curatio febrium pestilentium quomodo à quibusdam moliatur. 320
- febrium intermittentium, quibusdam secretis auxiliis. 316
- Cur litterarum ac scientiarum cultores in Ægypto defecerint. 13
- Cute scarrificata Ægyptios familiarissime, in pueris, mulieribus, eunuchis, mittere

I N D E X.

re sanguinem. 126
Cutis scarrificata quo pacto à cucurbitu-
lis refrigeretur, & stipetur. 156

D.

Darfini est optima cannella, five cin-
namomum. 299
Darsifachan est aspalathus, & ejus substi-
tutum. 297
Daucum ex Creta Ægyptii habent. 306
Decoctum, quo ad vomendum Ægyptii
utuntur. 239
Decoctum ad febres pituitosas ab Ægy-
ptiis usitatum. 319
Dei summa providentia fit, ut loca cali-
dissima aliquid habeant, quo refrige-
rentur, & frigidissima, quo calfiant. 19
Dejectiones bonæ quomodo cognoscen-
dæ. 282
Dembalassam, opobalsamum. 302
Dentes corruptos Ægyptii inurunt. 211
Democriti Abderitæ opinio de Nili flu-
minis augmento. 28
De scarrificatione diversarum partium,
quæ inflammatione, tumore, pustula,
colore præternaturali, vel insigni do-
lore torquentur, apud Ægyptios cele-
brata. 207
De scarrificationibus aurium, narium, la-
biorum, gingivarum, quas Ægyptii pro
" evacuatione frequentant. 168
Diamusch electuarium. 263
Diamesch electuarii compositio, & facul-
tas. 312
Diodori Siculi de Nili fluminis augmen-
to, opinio. 28
Doctores Mahometis legum, Cadi voca-
ri. 3
Dolores articulorum morbum esse Ægy-
ptiis familiarem. 8
— articulares cur multos Ægyptiorum
continue invadant. 8
— capitis, atque inflammationes quo-

modo sanguinis vacuatione Ægyptii
curent. 142
— capitis incipientes curat cucurbita
occipiti apposita vel cum scarrificatio-
ne, vel sine. 129
— capitis inveteratos ex plenitudine &
gravitate, tolli vena frontis tusa. 129
Dolorem sanguinis vacuatione mitigari.
114
Dolores capitis curari secta vena frontis.
129
— graves, & immanes scarrificatio le-
nit, & mitigat. 207
— antiquos inustione tolli. 210
Dolorem articulorum ustione tolli. 210
Dominicum à Rege in insulæ Cretæ loco
phraschia appellato multas veri aspal-
athi radices excerpisse. 296
Dominicus à Rege asthmaticus, quomo-
do pectoris ustionem, ut sanaretur,
præstiterit. 211
Donatus Antonius ab Altomare de mit-
tendo sanguine in dysenteria. 117
Dysenteria quid sit. 115
Dysentericos curantes, si neglecto jecino-
re, ulceribus tantum medeantur, ægro-
tos præcipitare. 119
Dysenteria quæ sanguinis vacuationem ex-
poscat & quæ non. 114
Dysenteriam à cacochymia sanguinis mis-
sione non indigere. 114
— optimos medicos sanguinis missione
curare. 114
— cum qua magna fuerit humorum
copia, aut sanguinis impetus valde ur-
geat, vel maxima inflammatio, aut
dolor vehemens observetur, vel iecur
male affectum fuerit, sanguinis missio-
ne esse curandum. 115
— curantes medicos recte se gerere, si
incipiant à sanguinis missione, tanquam
à causarum ablatione. 115
Dysentericæ empirica curatio apud Ægyp-
tios usitata. 226

Dysentericos fluxus quomodo aliqui curen-
rent. 226

E.

Ebria cujusdam Ægyptiæ deliramentorum observatio. 262

Effectus communes à communibus causis fiunt. 38

Elchelimbat quid. 305

Electuarii Tarachel acrap compositio. 310

— elphilosophia vocati alia compositio. 310

Electuarium phylonium Persicum ab Avicenna vocatum, atque ejus compositio. 311

Electuarii diamesch apud Ægyptios compositio. 312

— Bers dicti, compositio, & vires. 311

Electuarium, quo febres intermittentes sanantur. 317

— ad pestem probatum. 322

— aliud, quo utuntur Ægyptii, ne à peste inficiantur. 322

— aliud ad idem. 322

Elephantiasis Arabum quid. 56

— causæ. 56

Elephantes quamplures homines Cayri semper existunt. 56

Elleborum album olim apud Hippocratem in usu fuisse. 280

Elleboro nigro ad purgandum Hippocratem usum fuisse, & peplio. 280

Elleborum album esse purgans prævalidissimum. 280

— nigrum ad quartanam febrem esse utile. 280

Empii, qui ex pleuritide, ac peripneumonia evadant. 221

Empiis pus sensim, ac sensim educendum. 217

Empii, inustione sanantur. 217

Empios tutius inustione, quam sectione curari. 222

Ephori opinio de Nili fluminis incremento. 27

Epithemata, quibus Ægyptii febres ardentes & synochas curent. 316

Epithemata ad febres intermittentes. 317

Epilepticos quomodo Ægyptii inustione curant. 211

Etesia quando spirare incipiant. 74

Etesias in æstate spirantes multa mala prohibere. 75

Etesia quando in Ægypto spirent. 72

Etesias in Ægypto esse ventos Septentrionales, Junio mense spirare incipientes. 74

— non fieri à liquatis nivibus in montibus Septentrionalibus à calore Solis, à Cancris solstitio revertentis. 74

Etesiarum generationis in Ægypto celeriori tempore præstitæ, vera ratio. 75

Etesias constanter toto Junio mense, Julio, Augustoque placidissime spirare. 75

Etesia in quo differant à prodromis vocatis ventis. 75

Pestis Junio mense à qua causa perpetuo finiatur. 75

Etesias quotidie in secunda æstate plurimas nubes nigras in altissimos Lybiæ, atque Æthiopiæ montes propellere. 28

Eupoleum coxendico morbo vexatum ex multis inustionibus interiisse. 217

Euripidis de Nili fluminis augmento opinio. 27

Eurorum, atque Australium Ventorum statum aëris esse morbosum. 75

Europæi propter crapulas, & vinorum ebrietates brevem vitam ducunt. 39

Exanthemata humoris conjuncti sunt notæ. 161

Exanthematum eruptiones sunt vitandæ, & quæ rationes id suadeant. 161

Excretiones bonæ. 103

Exempla aliquorum, qui ab usis cucurbitulis in pulsum intermittentem atque

I N D E X.

in febrem continuam inciderunt. 160
Extenuata corpora à cibo dulcibus bal-
neis juvari. 231

F.

Fasciculo ex gossypio & linea petia pa-
rato Ægyptii ad inurendum utun-
tur. 210

Febres à putredine biliosorum, exusto-
rumque humorum sævissima habere
symptomata. 69

Febribus putridis scarrificatio præsentan-
cium auxilium, Capitis passiones, &
offensas arcet, & curat. 199

Febricitantes quomodo balneis dulcibus
uti debeant. 248

Febribus intermittentibus correpti quomo-
do balneis utantur. 248

— putridis non conducunt cucurbitulæ
scarrificata cute. 158

— malignis scarrificationes crurum e-
vacuant, & venenum ad ignobiles par-
tes artrahunt. 194

— omnibus acutis nares scarificatæ o-
pem ferunt. 168

Febrium, quæ pituitosarum ad naturam
magis accedunt, curatio. 319

— pestilentium curatio peculiaris. 320

Febribus pestilentibus cucurbitulæ opem
ferunt. 162

Febrium intermittentium curatio quibus-
dam secretis auxiliis. 318

Febri quartanæ helleborum album con-
ducere. 280

Febres pestilentes, quæ Alexandriae va-
gantur, quibus signis manifestantur. 51

Febrium pestilentium, quæ fiunt Alexan-
driæ, symptomata. 51

— pestilentium Alexandriae vagantium
causæ. 51

— pestilentium causas Alexandrini pu-
tant, esse ventos à lacu Mareoti spi-
rantes. 52

— pestilentium causas nonnulli Alexan-
drinorum putant, esse putridos halitus
à subterraneis locis civitates exeuntes. 52

— pestilentium, Alexandriae incolarum
non pauci, aquam tunc temporis ex
defectu aquæ Nili, palustrem, ac cor-
ruptam, quam bibunt, causam esse pu-
tant. 52

Febres multas pestilentes lethalissimas A-
lexandriæ autumno grassari. 52

— rarissimas Cayri à calidis tenuibus-
que humoribus ortas observari. 8

— putridas plerumque ab humoribus
crassis frigidis oriri. 8

Febrium synocharum atque ardentium
quibusdam secretis auxiliis curatio apud
Ægyptios usitata. 315

Febres curari ab Ægyptiis quibusdam li-
nitionibus more antiquorum. 318

— quartanas quibus remediis curent
Ægyptii. 319

Febrium hecticarum curatio apud Ægy-
ptios frequentata. 320

Fellis vaccini ad pinguefaciendum usus.
134

Fernelius sanguinis missionem in pueris
non abhorruit. 107

Ficus Sicomori quales. 252

Figuræ, quanto facilius in humida mate-
ria recipiuntur, tanto minus durant. 69

— quanto in materia sicciore, diffici-
lius imprimuntur, tanto difficiliter de-
lentur, atque corrumpuntur. 69

Filios multos parentibus dissimiles specta-
ri. 87

Fistulæ, quas faciunt Ægyptii pro refrige-
rando aëre. 19

Fistularum, per quas ædium aër refrige-
ratur, descriptio. 19

Fistulæ Ægyptiarum ædium ventum Se-
ptentrionalem excipiunt, atque ad ter-
rena ædium loca demittunt. 19

Flammam parvam multo oleo suffocari.
41

I N D E X.

Fluxus quæ valenter firment.	314
Fœcunditas terræ Ægypti miraculo accessisse videtur.	26
Fœcunditatem Ægypti à Nilo flumine fieri.	26
Franciscus Valesius de aurium scarrificatione.	169
— Fererius Gallus.	298
Franciscum Rigonum per sectam magni anguli oculi venam plurimo sanguine vacuato à difficili ac magna oculorum lippitudine sanatum.	131
Frictiones Ægyptios frequentare.	240
Frictionum usum in balneis omnibus Ægyptiis esse familiarissimum.	241
Frictiones quomodo exerceant.	242
Fricandi apud Ægyptios usitatus modus.	241
— exercitatio, quam Ægyptii præstant.	241
Frictionum differentiæ.	242
Fricandi prima differentia.	242
— secunda differentia.	242
— tertia differentia.	242
Frictionis primæ differentiæ utilitas.	243
Frictio conferens emaciatis corporibus, ut carnem accipiant.	244
Frictionum omnium differentiarum utilitas.	242, 243
Frictiones tenuibus humoribus, & calidis convenire, nequaquam vero frigidis, & crassis exuperantibus.	243
— quibus concitari obstructions & febres possint.	243
Frictionibus plures Ægyptiorum cur lædi possint.	243
Frigiditas aëris multis remediis non eget, quibus emendetur.	91
Frigiditate obstructions foveri, humoresque incrudescere.	7
Fructus Ægyptiis familiares.	33
— quamobrem Ægyptus gignat insipidos.	34
— terebynthi pinguefacere.	233

G.

Galenus ait se nullum vidisse ex febre acuta laborantem mortuum, in quo recte sanguis è naribus eruperit.	104
Gal. voluit, non annorum numerum, sed habitum corporis ad mittendum sanguinem esse spectandum.	109
Gal. dixisse, non esse mittendum sanguinem in puero admodum parvo.	109
Galeno fuisse familiaria prævalide purgantia.	280
Gal. cuidam habenti linguam prætumidam catapocia ex aloë, scammonio, colocynthide parata dedit devoranda.	280
Galenum in quartana febre album helleborum commendare.	280
— reprehendere Hippocratem qui dixit, scarrificatis venis in aures, &c.	130
Gallinas Maluph ceteris pinguiore in Ægypto esse.	233
Gallinis aliquibus Ægyptias uti, ut pinguescant.	233
Gallinas arte factas comedunt Ægyptiæ ad pinguefaciendum.	233
Geniti hominis similitudo quæ sequatur.	89
Generantis similitudo in generato, quomodo sit intelligenda.	89
Generatum generanti esse simile.	87
Genuenses cur sic usui refrigerantium medicamentorum indulgeant.	17
Georgius Selaccus de usu cucurbitularum.	165
— Hemus Consul in Ægypto.	296
Gion flumen.	26
Gingivas atque dentes ad quos morbos Ægyptii inurant.	211
Glacies in Ægypto nunquam vel rarissime fit.	24
Gossypium accensum levem dolorem concitare.	213

Gol-

Gossypio ignito Ægyptii ad inurendas partes utuntur. 210
 Gossypium ad inurendas partes quomodo paretur. 210
 Grando nunquam in Ægypto fit. 24
 Gumma Arabica quid sit, & an gumma communis ex Alexandria convecta sit Arabica. 306
 Gummata Acatiae arboris multa, ac inter se varia, minimeque, ut dicebat Dioscorides, alba & vermicularis. 306
 Gutam rosaceam sanari sectis venis nati. 128

H.

Habitus corporum Ægyptiorum qualis. 32
 Habitum Cayri habitatorum esse moderate carnosum, pinguem, aut valde pinguem. 32
 Haly Abbas, non negat pueris quandoque acuto aliquo morbo vexatis venae sectionem conducere posse. 105
 — Abbas cognovisse inustionis usum, 216
 Hebraeae Ægyptiae, quae in balneis factitent, ut impinguescant. 230
 Hebraeas Ægyptias praeter ceteras studium, ut impinguescant adhibere. 230
 Hecticorum curatio apud Ægyptios. 324
 Hecticis sorbitiones Maglub, & Mastahaleb vocatae commodae. 324
 Hedicroos pastillos quomodo Ægyptii parent. 296
 — diverso modo, quo Magnus, & Andromachus docuerunt. 296
 Helenae Ægyptiae antimonio curatae historia. 281
 Herbam, quam Assis Ægyptii vocant, assumendi adagium unde venerit. 258
 — comedentes Ægyptios multa somnare. 258
 — comedere apud Ægyptios proverbio dici. 258

Herba canabis uti Ægyptios animi gratia optata ad visendum. 258
 Heremitas multos in Ægypti solitudinibus reperiri, Christo servientes, vitamque asperissimam ducentes. 58
 Heremitarum corpora qualia spectentur, & mores. 58
 Hero docuit cucurbitulis posse homines uti spiritus attractione. 139
 Herodotus de cucurbitulis. 141
 Hermodactylos Ægyptios, ut pinguescant, non secus quam castaneas, multos comedere, idque innoxie, & sine ventris dejectione. 254
 — Ægyptios comedere, ut impinguescant. 234
 — vulgares non solvere, neque movere alvum. 234
 Hermodactylis falsis nostros uti pharmacopolas. 234
 Hermodactylos vulgares, non esse colchicum Dioscoridis. 234
 Hernias carnosas multas victum ciborum crassum, lentum, pituitosumque sanguinem generantium, quo utuntur Ægyptii, facere. 56
 Herniae omnes species Cayri in multis observantur. 57
 Hernias aquosas tuto sectione curari. 220
 — inustione curari. 218
 Hepar plerique Ægyptiis esse calidum, & humidum temperatum, ex quo ii multo sanguine abundant. 32
 — induratum, atque refrigeratum Ægyptii inurunt. 212
 Hieronymus Cardanus male interpretatur, & declarat Galeni mentem de crurum scarrificatione. 181
 Hieronymi Fracastorii opinio de Nili augmento. 28
 Hippocr. cur dixerit, sub cane & ante canem molestas esse purgationes. 279
 Hippocrates meminit capitis unctiones. 214
 Hippocratem usum semper fuisse praevali.

I N D E X.

- lidis purgantibus. 280
 — ad purgandum familiaria habuisse hel-
 leborum album & nigrum, & peplium. 280
 Hippopotamus equus marinus. 2
 Hippopotamum sibi aliquando secare ve-
 nam pro sanguinis vacuatione. 2
 Hippopotamus, quo medicamento, curet
 venam sectam. 2
 Hippopotamum sanguinis missionem per
 venas sectas docuisse aliquibus suum
 est. 2
 Hirudinum usum ad mittendum sangui-
 nem, Ægyptii ignorant. 126
 Hirudinibus multi sanguinem mittunt, &
 præsertim in pueris. 188
 Histrones, quæ in conviviis apud Ægy-
 ptios facere soleant. 262
 Homo si ex uno constaret elemento, non
 doleret Hippocr. 82
 Hominis agens proximum; atque remo-
 tum. 87
 Homines frigidarum regionum cur paucis
 annis vivant. 42
 — calidarum regionum citius, quam
 frigidarum incolas mori. 40
 — in Ægypto ita pingues esse, qui mam-
 mas, longe maximis foeminarum mam-
 mis, majores habeant. 32
 — aliquod viscus debile habentes à bal-
 neis arcendi sunt. 247
 — cruditatibus exuperantes à balneo ar-
 cendi sunt. 247
 Hominem simul eodem tempore multi-
 plicem vacuationem ferre posse, & ab
 ea juvari. 239
 Horam Bei Turcæ Sangiaco lapides è ve-
 fica sine incisione extractos fuisse. 224
 Horror quid balneantibus efficiat. 248
 Humiditatem in sanguine pinguem, le-
 vem, tenuem existentem pinguedinem
 corporibus conciliare. 232
 Humida tantum putrescere. 65
 Humores proprio calore destituti ab alie-
 no facile putrescere. 67
 Humores proprio calore destituti nequeunt
 imputres manere. 64
 Humororum acrimonia à quibus causis fiat. 115
 Humores calidos, & tenues per cutim fa-
 cile vacuari. 243
 — biliosos, ac atram bilem, putrescen-
 tes, symptomata vehementissima conci-
 tare. 69
 Humororum crassorum abundantiam urinæ
 significantes. 159
 Humores sive crassitie, sive copia obstruen-
 tes aliquo tempore necessario putre-
 scunt. 65
 — frigidos crassosque per cutim non e-
 vacuari, sed per sympepsim, id est, con-
 coctionem. 243
 Hydropi, & suppuratis præcipuum auxi-
 lium est scarrificatio. 167
 Hydropicos sectione sanari. 218
 Hydropem sanari ustione. 212
 Hydropis qua inustione curetur. 217
 Hydropicos tutius sectione quam ustione
 uti. 222
 Hydropicis aqua sensim est educenda. 217
 Hyems habet Novembrem, Decembrem. 21
 Hypochondrio flatibus distento fere ægro-
 tum suffocatum, ad motum cum igne mul-
 tis cucurbitulis, continuo fuisse, sana-
 tum. 314
 Hispanos in pueris sanguinem mittere. 107
 — in pueris mittere sanguinem scarri-
 ficatis cruribus. 106
 Hystericarum mulierum clysteres. 314

I.

Jacob. Contarenus Senator Venetus
 Clarissimus opobalsamum verum ex
 planta vivente Venetiis distillasse ob-
 servavit. 298
 Ibim

I N D E X.

- Ibim volucrem, usum clysteriorum ostendisse. 2
- Ibis quo pacto alvum sibi exoneret. 2
- Idan balassan xilobalsamum. 302
- Iecori inflammato dexterum hypochondrium scarrificandum. 207
- In Ægypto olim medicinam primas habuisse radices. 2
- In Ægypto bruta animalia medicinam exercere. 2
- In balneis multi sæpe sudare, vomere vel fricari consuescunt. 237
- In balneis quæ ex Galeno sint observanda. 246
- Imbres in montibus Æthiopiæ largissimos singulis annis in prima æstate fieri multorum mercatorum relatione constat. 28
- Incolæ frigidarum regionum qualia medicamenta sequantur. 251
- Incolis calidorum locorum frigida medicamenta esse familiaria. 251
- Incolæ frigidarum regionum, quantum aromatum usui indulgeant. 251
- In puerorum evacuandis corporibus scarrificationes aurium, aut crurum. 167
- In componenda theriaca Ægyptios omnem adhibere diligentiam, quando eam pro Turcarum Rege, atque ejus jussu componunt. 288
- In coxendico dolore ac podagra ustionem lino crudo moliendam voluit, Polybius. 212
- Indicatio præcipua curandarum febrium. 165
- In eruptione exanthematum adjuvanda non sunt utendæ cucurbitulæ. 161
- Infantibus scarrificatis vel cruribus, vel auribus Ægyptios mittere sanguinem. 111
- In febribus pestilentibus, præsertim in apparitione exanthematum, an conveniant cucurbitulæ. 164
- In febribus pestilentibus sudores frigidi multi, vomitus crassi & visceri, urinæ crassæ, ac multæ apparent, ob maximam colluviem crudorum crassorumque humorum. 161
- Inflammatio gutturis tollitur, misso sanguine primo & secunda vena cubiti, & postea venis sub lingua positis ambabus. 129
- Inflammationibus internis succurrit scarrificatio. 200
- Infusum ad febres pestilentes. 320
- Infuso Tamarindorum, berberorum atque prunorum synochas febres multi Ægyptiorum curant. 315
- In maximis inflammationibus & doloribus purgandum usque ad animi defectum aliquando. 282
- Inustio quibus populis sit familiaris. 210
- Inustio quid præstet. 210
- Inustiones antiquis cognitæ fuisse. 214
- Inustio ad quos morbos utilis. 210
- Inustionis usus apud Ægyptios. 209
- Inurendi modus apud Ægyptios frequentatus. 213
- Inustionem apud Ægyptios non ferro neque alio metallo fieri. 209
- Inustiones quo instrumento fiant. 210
- Inustionem fieri apud Ægyptios gossypio, atque panno lineo ignito. 210
- Inustionem modo Ægyptiorum præstitam ægroti, quod levem dolorem concitet, non abhorrebant. 213
- Inustio medicamentis causticis præstita, an ustioni Ægyptiorum sit præferenda. 213
- Inustio Ægyptiorum fit involucri ex gossypio & linea petia parato ignito, parti inurendæ appposito. 212
- gossypio accenso præstita non est horribilis. 212
- Inurendi Ægyptiorum modum neminem vel ex antiquis, vel recentioribus probe novisse. 216
- modus apud Ægyptios frequentatus laudatur. 212
- Inu-

I N D E X.

- Inurendi modus , quo utuntur Ægyptii ,
rationalis est. 213
- Inustio in quibus corporis partibus ab Ægyptiis exerceatur. 209
- pro inflammatis pulmonibus ex Hippocrate. 214
- ad sputum sanguinis ex Hippocrate. 214
- ad suppuratos ex Hippocrate. 215
- ad hepar induratum. 215
- per buxeos fusos. 215
- per fungos operanda. 215
- ad lienem tumefactum & inflammatum. 215
- articulos , luxatos , dolentes , juvat. 215
- Inustionis articulorum utilitas. 215
- utilitas ad coxendicum dolorem. 215
- Inustione Ægyptii utuntur ad Empyos , hydro-
picos , herniosos. 217
- Inustio pro capitis dolore ex Hippocrate. 214
- Inustionis usus pro morbo laterali ex Galeno. 214
- Inustio sanat articulorum dolores antiquos ,
atque aliorum partium. 210
- Inustionem articulos roborare , humores
in iis contentos resolvere , calfacere &
ficcare. 210
- ex capitis in pulmones frigidorum ,
crassorumque humorum distillatione ef-
fectis suspiriosis , conducere. 211
- Inustio sanat tumores frigidos. 211
- Inustionem inopum esse remedium. 212
- Inustarum pectoris partium ad asthma sa-
nandum ulcera diu aperta sunt servan-
da. 212
- Inuruntur articuli , venæque superpositæ
in podagra. 210
- Inurendi varii modi ad hydropicos , &
suppuratos. 217
- Inustione sanari hydropicos. 217
- Inustio quos capitis morbos juvet. 211
- juvat dolores dorsi , lumborum ,
colli , articulorum. 212
- ad podagras quomodo facienda. 216
- Inopes à frigido ambiente alterari ac pati ,
divitesque à calido. 91
- plures morbos sola inustione sanant. 212
- In omnibus inflammationibus , vel fluxio-
nibus duplex oritur succurrendi indica-
tio. 208
- In partes inustas non facile humorum fieri
decubitum. 211
- In phthyicis , atque empyis pectoris ustio-
nem apud Ægyptios frequentari. 211
- In pulmonis inflammatione cucurbitula
pectori admovenda. 163
- In purgandis corporibus Ægyptios non
simul omnes convenire. 270
- In purgandis nobilibus Ægyptiis medici
quomodo se gerant. 270
- In quibus valide , & leniter purgantia
conferant. 280
- In quibus lenientia purgantia non conve-
niant. 280
- In sanguinis missione quæ sint observanda. 95
- Infanientes , varices , & hæmorrhoides
supervenientes sanare. 104
- Instrumentum ad inurendas partes. 209
- Inter crurum scarrificationem , & venæ
sectionem maximam esse convenien-
tiam , ac similitudinem. 185
- Joan. Jacob. Manne narrat tres casus , qui
iis , qui consueverant opio uti , evenere. 261
- ——— Manne Medicus pro sananda
calida renum intemperie aquam Nili
clarefactam bonitate lactis fero prætulit. 37
- Joannem de Lunardis Cayri mercatorem
olim nonnullos fascēs cinnamomi ha-
buissē , odore tum , præ antiquitate at-
que sapore fere omnino destitutos. 303
- Joan. Ferdinandi Rochi filius dysentericus ,
sanguinis missione curatus. 117
- Joan.

I N D E X.

Joannes Mancinus diarrhæa correptus, a-
catiae decocto sanatus. 314
—— VVtus Nobilis Anglus. 298
Italas Mulieres ad faciei, totiusque capi-
tis ornatum omnem curam adhibere. 230
Jura quibus Ægyptiæ, ut pinguefiant utun-
tur. 233

L.

Lacte acetoso uti omnes Ægyptios. 252
Lac est familiarissimus cibus Ægyptiis. 34
Lacticiniorum omnia genera Ægyptii in
victu sequuntur. 33
Lactis usus ad hæcticas apud Ægyptios qua-
lis. 325
Lacte camelino, ac asinino Ægyptios hæ-
cticos curare. 325
Lapides quomodo Ægyptii è vesica sine
incisione extrahant. 223
—— è vesica vento extrahi ab Ægyptiis. 224
Lapidis extractio sine incisione quomodo
operetur. 224
Lapidem sine incisione extrahendi modus
alius. 225
Larissa virgo multiplici vacuatione sana-
ta. 239
Librum de omnibus Ægyptiis, Arabicis,
& Æthiopicis plantis Arabice conscrip-
tum apud Mahemetem pharmacopolam
extare. 289
Liber ebnagelducam vocatus. 311
Lepræ, atque elephantiasis causæ. 56
Lienem induratum & refrigeratum ustio-
ne sanari. 212
Ligno Indo Ægyptii raro utuntur. 254
Linitiones ad febres curandas ex quibus
parent Ægyptii. 318
Linitionum usum ad febres pestilentes in
Ægypto esse frequentissimum. 318
Linitionibus uti Ægyptios ad adjuvandas

exanthematum eruptiones. 318
Linitionum inoliendi modus Ægyptiis fa-
miliaris. 318
Linitionibus Ægyptios sanare pueros va-
riolis, atque morbillis infectos. 318
Linitiones spinæ dorsii ad febres putridas
ab Ægyptiis usitatæ. 318
Linitio alia ad easdem febres. 318
Lippitudines seu ophtalmiæ oculorum
multæ hyeme Alexandrinos invadunt. 52

Lippitudinum Ægyptios invadentium cau-
sæ. 53
Lippitudines oculorum Cayri in prima æ-
state plurimas epidemicas vagari, & spar-
sim toto anno. 53
—— oculorum tolli iniustis partibus post
aures positis. 211
Lippientem alvi profluvio corripere bonum. 103
Locorum naturas quodammodo usum fa-
miliarium medicamentorum detegere. 251
Lygures longævi sunt ob parcum victum,
quo utuntur. 39
Lyguriæ Genuensium multos centum
annos vivere. 39

M.

Macer vere Dioscoridis qui. 299
Maglub ad hæcticos, quomodo pa-
rent Ægyptii. 266
Maglub decoctum, quomodo paretur, &
ejus usus. 265
Mahemet Theriacæ compositor. 288
Mahemetem theriacæ compositorem à
thayr commorsum sola theriaca intus
sumpta, exteriusque vulnere adhibita,
sanatum. 296
Mahemetis pharmacopola. 288
—— legum doctores in Ægypto summo
esse pretio. 3
Malleolus quid. 204, 205

Y y

Mal-

- Malleolorum scarrificationes mulieribus,
carnosis & albis prodesse. 175
- Malleolorum, sive crurum scarrificatio-
nem ad moliendam evacuationem au-
xilium esse antiquissimum, ac à Græ-
cis sæpe, ac sæpe usitatum. 173
- Mancipiæ mulieres multæ in Ægypto ex
Abissia, atque Æthiopia. 92
- Manna, tamarindi, cassia, syrupus de
granatis dulcibus solutivus pro purgan-
dis Ægyptiis, apud ipsos in usu existunt.
10
- Mannæ differentiæ, atque usus apud Æ-
gyptios. 274
- Manna mastichina. 274
- bombacina ex saccharo, & manna
adulterata. 274
- Siracost. 274
- terengibil. 274
- Marcus Phenarius Venetus pharmacopo-
la. 298
- Mastahaleb sorbitio quid. 266
- Masthaleb in febribus usus. 266
- variis modis paratur ab Ægyptiis.
266
- Medendi modus à priscis doctissimis me-
dicis inventus, ut suorum dominorum
tyrannidem effugerent. 12
- malus modus penes Ægyptios à quo
principium habuerit. 13
- Medicinam in Ægypto primas habuisse ra-
dices. 2
- Medicinæ scientiæ paucos operam dare. 3
- Medicinam apud Ægyptios esse in viliori
pretio. 3
- à medicis consulum in Ægyptum
conductis apud illos populos honorabi-
lius exerceri. 3
- penes Ægyptios usitatam mendosam
esse & Empiricam. 9
- Medicina Ægyptiorum cur mendosa eva-
serit. 10
- Medicinam curatricem in tres dividi par-
tes. 81
- Medicinæ curatricis partes. 81
- Medicum esse naturæ imitatore. 102
- Medici unde sanguinis vacationem, at-
que purgationem exercere cœperint.
102
- Medicos consulum Cayri in multa esse
existimatione. 3
- Ægyptios parum lucri facere. 3
- Medicus Achimbassi qui sit. 5
- Medici Achimbassi officium. 5
- Medicus Achimbassi est omnium primus,
sine cujus licentia nemo in Ægypto me-
deri potest. 5
- Medicos priscos doctissimos à barbara Æ-
gypto imperantium tyrannide male me-
deri cœpisse. 11
- Medici recte olim barbaris hominibus me-
dentes, non raro ab ipsis male tracta-
bantur. 11
- Medicos Ægyptios adulatores esse. 10
- Medici Ægyptii ægrotorum deliciis infer-
viunt. 10
- Ægyptii febricitantibus concedunt
angurias, cucumeres, melones & alios
fructus refrigerantes. 10
- Ægyptii febricitantibus quantumli-
bet aquæ crudæ concedunt. 10
- Medicorum Ægyptiorum finem non esse
morborum curationem, sed ægrotorum
obsequium. 10
- Medici adulatores ex Galeno qui sint. 10
- Ægyptii obtemperant ægrotorum
voluptatibus. 10
- Ægyptii affirmant nihil à natura ex-
petitum posse lædere ægrotos. 10
- Medicos adulatores multa etiam Italiæ lo-
ca præter Ægyptum habere. 11
- ad mittendum sanguinem non de-
bere annorum numerum considerare,
sed cutem corporis atque necessitatem,
Rasis prodidit. 106
- Ægyptios in exercenda sanguinis
missione plurimum errare. 97

I N D E X.

- Medici Arabes volunt tenues humores
esse crassificandos. 9
- Medicorum Ægyptiorum quoad usum
purgantium, sectæ. 270
- quorundam purgandi malus usus. 282
- Medici Ægyptii quibus ad rusticos pur-
gandos, utantur medicamentis. 11
- Medicis antiquis medicamenta valide pur-
gantia fuisse familiaria. 277
- Medicorum aliquos prius devicta natura,
à multis crassis, viscidis succis in ali-
quo viscere suffarctis, mori sinere quam
validum purgans experiri velint. 282
- Medici Ægyptii pesti mederi non timent.
59
- Ægyptii peste infectos visitare, at-
que curare non timent. 59
- Medicamenta Ægyptiis familiaria. 252
- refrigerantia cur Ægyptiis familiaria.
6
- Medicamentis refrigerantibus cur in pu-
tridis febribus Ægyptii utantur. 7
- Medicamenta refrigerantia cur apud Ægy-
ptios sint in frequenti usu. 7
- Medicamentorum valde refrigerantium
usum in febribus putridis esse apud Æ-
gyptios frequentissimum. 6
- valde refrigerantium usu humores
crudos incrudescere, & crassiores fieri.
7
- Medicamenta putridis febribus conveni-
re, quæ deobstruendi vim habent, sed
tamen sine multo calore, ut oxymel. 7
- Medicamentorum refrigerantium usum
putridis Ægyptiorum febribus, neque
utilem, neque noxium esse. 9
- refrigerantium usus veluti ad causas
februm inutilis est, sic febres juvare
potest. 9
- refrigerantium usum vehementibus
febribus, atque hæcticis maxime con-
venire. 324
- refrigerantium usum omnibus febli-
bus non conducere, neque esse in iis
tutum. 7
- refrigerantium usum venarum ob-
structiones fovere. 7
- Medicamenta, quibus Ægyptiæ ad pin-
guetificandum, utuntur. 234
- quorum usus apud Ægyptios est ad
spectanda multa per somnium animi
gratia. 257
- quorum usus apud Ægyptios est ad
provocandum sudorem in febribus pe-
stilentibus. 321
- lenientia, quæ in usu ad purgan-
dum, penes Ægyptios existunt. 271
- purgantia prævalida in purgandis
corporibus, aliquos Ægyptios merito
timere. 272
- leniter purgantia benedicta à nostris
dici. 277
- Medicamentorum, leniter, & valide pur-
gantium uter usus præstet. 278
- Medicamentis leniter purgantibus plerof-
que medicorum ubique nunc sequi. 278
- Medicamenta purgantia prævalida non
nisi corporibus robustioribus conveni-
re, veluti imbecillioribus leniter quæ
purgent. 278
- leniter purgantia robustioribus cor-
poribus non convenire. 278
- Medicamentis leniter purgantibus nihil
aut parum multos fuisse purgatos. 278
- valide purgantibus aliquos parum
fuisse purgatos. 279
- Medicamenta purgantia, qualia olim apud
antiquos medicos fuerunt in usu. 277
- quibus purgationis causa antiqui uti
solebant. 277
- purgantia, quæ apud Ægyptios in
usu existunt. 10
- purgantia singulis, aut alternis die-
bus Ægyptii exhibent, sed in modica
quantitate. 10
- ex purgantibus, apud Ægyptios usu-
tata. 10
- scammoncata Ægyptii effugiunt.
10

I N D E X.

- Melancholiam fieri læsa imaginatione. 259
 — atrum colorem cerebrum obsiden-
 tem facere voluit Gal. 259
 — fieri ab atro nigroque colore, negat
 Averrhoes. 259
 Melancholicæ dementiæ signa. 259
 Melancholicis multis, qui ab Ægyptiis san-
 cti existimantur, Ægyptum abundare. 58
 Mel carnub usus, fit expressis siliquis dul-
 cibus. 314
 Meliceribus stheatomata, atheromataque
 vocata Ægyptii quomodo curent. 227
 Menses provocare scarrificationes crurum.
 191, 192
 Meto multiplici vacuatione judicatus. 239
 Modus pinguefaciendi, quo utitur quæ-
 dam medica Ægyptia. 234
 — extrahendi lapidem è vesica sine in-
 cisione. 224
 Morestan est locus in quo theriacam com-
 ponunt. 288
 Morbi Ægyptiorum patrii qui sint. 50
 — qui Alexandriæ autumno grassantur.
 51
 — plurimi ab inæqualitate aëris in Æ-
 gypto fiunt. 20
 Morborum omnium causæ secundum Æ-
 gyptios. 6
 Morbos omnes in Ægypto calorem pro
 causa habere Ægyptii putant. 6
 — omnes à caliditate in Ægypto oriri,
 falsum esse. 82
 — plures in Ægypto singulis annis in
 prima parte æstatis vagari epidemicos,
 atque lethales. 23
 Morbus dem el muia acutissimus Cayri in
 prima æstate vagatur. 53
 Morbi dem el muia vocati signa. 54
 — dem el muia causæ. 54
 Morsum thayr serpentis non esse sic exitio-
 sum, ut qui à cerasse infligitur. 295
 Morsum thayr serpentis eadem concitare
 symptomata, quæ à viperarum moribus
 concitari solent. 295
 Mucilaginis psylli, atque cytonis usus. 267
 Mulieres quam viri medicamentis purgan-
 tibus magis accommodatæ. 279
 Mulieribus albidioribus, tenuiori sangui-
 ne exuperantibus malleolorum scarrifi-
 catione sanguinis vacuationem magis
 quam venæ sectione præstare. 111
 — nigrioribus, gracilioribus, ac venis
 magnis magis præstare venæ sectionem.
 112
 Mulier hydrope laborans, sectione sana-
 ta. 219
 — vidua ab imbecillitate ventriculi
 theriaca sanata. 308
 — trimestri foetu gravida multiplici va-
 cuatione judicata. 239
 Mulierem nigrum foetum, ex crebra ima-
 ginatione nigri hominis pæti edidisse.
 87
 Mulieres Italas ad faciei totiusque capitis
 cultum curam adhibere. 230
 — Ægyptias omnem curam adhibere
 ad cultum abditarum partium maxime-
 que pudendorum. 230
 — Ægyptias pudendis maximam cu-
 ram adhibere in balneis, ipsaque variis
 unguentis odoratis exornare. 230
 — Ægyptiæ cur balneis indulgeant. 230
 — Ægyptiæ quid in balneis faciant.
 230
 — Ægyptiæ in balneis quæ faciant,
 ut pinguefiant. 232
 Mulier Ægyptia publice artem pinguefa-
 ciendi Cayri profitens. 234
 — Turca Medica quibus medicamen-
 tis histericas mulieres sanat. 276
 Mulieres pinguissimas Ægyptus cur habeat
 multas. 230
 Multiplex evacuatio in quibus ægrotis cri-
 tice apparuerit. 239
 Multos ab antiquis lienis, hepatisque ob-
 structionibus stibio, vel æris infuso vel
 alio

I N D E X.

- alio prævalidissimo purganti sanatos. 282
 Multos à plurimo aquæ potu post assum-
 ptum purgans ventre plurimum tume-
 facto, & vehementissimis doloribus con-
 flicto, quasi mortuos. 285
 Mur, Myrrha: sed & Ægyptii Troglodi-
 tica carent. 301
 Musæ fructus. 252
 Myrrha, qua utuntur Ægyptii. 301
 Myrrha Ergasima quæ. 301
- N.
- N**arium scarrificatio multos, ac varios
 morbos sanat. 170. & hoc in die-
 bus criticis. 170. & modus, quo scar-
 rificantur. 171
 — scarificandi modus, & ordo. 171
 Naturam subitaneas mutationes non fer-
 re. 213
 Natura humores tantum præparatos ex-
 pellit. 161
 — simul multas vacuationes in corpo-
 re utiliter prodere. 238
 Naturam Medicus imitari debet. 239
 Natura interdum propulsat humores mor-
 bosos è nobilioribus partibus ad ignobi-
 liores. 199
 — quomodo exanthemata expellat, si-
 ve quomodo excernat. 161
 — prius concoquit & mox expellit. 161
 Natron quid. 321
 Nitri usus ad pestiferas febres. 321
 Nautam opii defectu in fastidiosissimam
 syncopim lapsum, opio sibi oblato su-
 bito ab ea levatum fuisse. 261
 Nigrum flumen. 26
 — flumen rivum esse Nili fluminis. 29
 Nigrum flumen, ut Nilus eodem modo,
 atque tempore crescere. 29
 Nilus ubi nascatur. 35
 — transit totam Zonam torridam. 35
- longo itinere fere suam aquam con-
 coquit. 35
 — flumen omnium longissimum. 26
 — in Africa à Deo cur factus. 26
 — in Ægypto arenosa loca irrigando
 foecundat. 26
 — ubi nascitur. 26
 Nili cursus. 26
 Nilus terram limo obtegit. 26
 Nilum flumen Deus Ægyptiis concessit
 ad arcendum sitis incendium, ex cam-
 psinis ventis concitatum. 24
 Nili fluminis aqua omnibus est præjucun-
 diffima. 24
 Nilus singulis annis una die atque hora
 perpetuo augeri incipit. 27
 Nili incrementi principium nunquam à
 consueta hora & die deflexisse. 27
 Nilus quantum singulis diebus augeatur. 27
 Nili quantum fiat augmentum. 27
 Nilus sex & viginti cubitorum altitudine
 auctus aliquando observatus est. 27
 — intra ripas usque ad mensem Maium
 decrescit. 26
 Nili aqua quando paucissima. 27
 — augmenti principii rationem ab oc-
 culta causa pendere. 73
 — fluminis augmenti principii veram
 causam non posse principiiis naturalibus
 indagari. 73
 — fluminis incrementum à qua causa
 fiat. 73
 Nilus flumen constantissime perpetuo tem-
 pore singulis annis mense Junio die de-
 cima septima incipere augeri. 29
 — cur semper singulis annis eadem die
 augeri incipiat ab Ægyptiis ignoratur. 29
 — octodecim cubitorum altitudine au-
 ctus sat est ad agrorum inundationem
 faciendam. 27
 Nili augmentum incipit mense Junio, &
 plerumque usque ad medium Septem-
 brem

I N D E X.

brems terminatur.	27
Nilum crescere à pluviis Æthiopix.	28
— non à nivibus crescere.	28
Nilus fundum habet cœnosum, & aquam turbidam, neque admodum ad motum celerem.	34
Nili incrementum non esse in causa, ut pestis Ægypti finiatur.	73
Nives intra tropicos non fieri.	28
Nomades olim inustionem familiarem habebant.	215
— quas partes urere consueverint.	215
Nubes multas crassas cum Ægyptii ab Etesis ad meridiem pelli observant, Nilum flumen plurimum auctum iri sperant.	28
— multas crassas tota secunda æstate ab Etesis in montes Lybiæ, atque Æthiopix singulis diebus advectas concrefcere, atque in pluviam mutari.	28
Nucem Indicam pinguefacere.	232
Nutrimētum, quod in stomacho à calore vincitur, calefacit, & quod vincitur, refrigerat.	41
Nutrimētum immodicum refrigerare, caloremque suffocare.	41
Nix in Ægypto nunquam fit.	24

O.

O bfuscatem Ægyptias libidinis causa procurare in balneis.	230
Observatio Ægyptiorum, qui ad unguem ad quotos cubitus Nilus sit perventurus, vere prænoscunt.	29
Obstructiones venarum in febribus, vel à multis succis, vel crassis, vel lentis fieri.	7
— commodius auferre oxymel docuit Galenus.	7
— venarum ab usu medicamentorum valde refrigerantium augentur.	7
— cucurbitulis concitari posse.	158
Obstructionem cucurbitulæ non concitant	

evacuato toto corpore.	162
Occiput cur urant Ægyptii.	211
Octavius Roveretus.	225
Octavius Roveretus alium extrahendi lapidem modum ab Ægyptiis didicisse.	225
Octavius Roveretus medicus Nationis Venetæ in Ægypto.	225
Oculorum inflammationes antiquatas sanari sanguinis vacuatione, sectis venis magnorum angulorum oculorum.	128
Olera, quorum usum in cibo Ægyptii sectantur.	252
— Ægyptia omnia esse nostris humidiora, & magis insipida.	34
— in Ægypto cur insipida, neque gustui grata existant.	34
Oleum pinguefaciens corpora.	234
Olea, quibus utuntur Ægyptiæ ad pinguefaciendum.	233
Omnem putrefactionem pro causa in qua fit, habere humiditatem.	78
Omne nutrimentum quatenus nutrimentum animalis calorem augere.	411
Ossa fracta non cohærent per unionem, sed per callum, porum, à Græcis vocatum.	134
Opium, affion ab Ægyptiis nuncupatum.	253
— ubi paretur, quidque sit.	261
— Ægyptii unde advehant.	261
— meconium Græcorum, fumentes quid faciant.	261
— fumentes esse inconstantes.	261
Opium, affion vocati, usus apud Ægyptios.	255
Opium innoxie aliquos Ægyptiorum ad trium usque drachmarum pondus sumere.	255
Opium symptomata, in his, qui id edere consuecunt.	255
Opio cur Ægyptii utantur.	255
Opium sumere soliti nisi solita hora ejus usitatam copiam sumant, in fastidiosissima	

I N D E X.

suma symptomata labuntur.	261
Opium fumentes an optata multa somnare possint.	257
— solita hora Ægyptios non fumentes in gravissima symptomata incidere.	261
— assumere quotidie soliti, quomodo liberentur ab ejus usu.	257
Opobalsamum ab arbusto Venetiis vivente, verum distillasse.	298
Opobalsami usus ad febres curandas.	317
— usus qualis apud Ægyptios ad febres,	317
Opobalsamum sincerum ac verum in Ægypto reperiri.	255
Opobalsami usus.	254
Opobalsamo steriles mulieres foecundas reddi.	255
Opobalsami usum ad pestem apud Turcas nobiles, atque Ægyptios esse frequentissimum.	323
Opobalsamum vim adversus putredinem habere præexcellentem.	323
— defendere cadavera à putredine.	323
Opobalsami facultas.	323
Opobalsamum calorem naturalem fovere, & augere.	323
Opobalsamo quomodo ad pestem Ægyptii utantur.	323
Ophthalmias fieri à pulveribus, & arenis ventis illuc asportatis.	22
Ophthalmiæ quo anni tempore epidemicae vagantur.	23
Oribasius altero crure scarrificato binas fere sanguinis libras extraxisse testatus est.	182
Oryza est cibus omnibus Ægyptiis familiarissimus.	33

P.

P anis Ægyptiorum qualis.	34
Panem Ægyptii omnes ex solo tritico paratum mandunt, neque alium cognoscunt.	34

Paracenteses magis quam unctiones ad hydropes consuetæ.	219
Paralyticos in unctione sanari.	211
Paris christianus morbo dem el muia vocato mortuus.	53
Pasta ex archenda humidos pedes & laxos juvans.	242
Pastillorum scyllinorum compositio apud Ægyptios usitata.	293
Partes scarrificatæ quæ multum sanguinem edant, & quæ paucum.	128
— imbecillas unctione roborari.	211
— unctione robustiores redduntur, quæ non facile fluxionibus vexentur.	211
— dolore vexatas unctione sanari.	210
— humores gignentes, atque mandantes, Ægyptios inurere.	211
— post aures ad quos morbos uruntur.	211
— quæ Ægyptiorum more uruntur, cur neque dolorem, neque calorem sentiant.	212
— modo Ægyptiorum quæ uruntur, neque vehementem calorem, neque vehementem dolorem sentire.	213
Partem inurendam in primis obstupefacere.	213
Paulum Æginetam in unctione ad veteres affectus usum fuisse.	215
Pauperes correpti pestiferis febribus quo potu in Ægypto utuntur.	320
Pauperculæ Ægyptiæ quæ facitent, ut pinguescant.	233
Pectus ad suspiriosos ab Ægyptiis uri.	211
— à capitis distillatione conflictatum Ægyptii urunt.	211
— in phtysicis ac suppuratis urendum.	211
Pediculis cur Ægyptii abundant.	230
Pelles prætiosissimæ cur sub cælo frigidissimo reperiantur.	20
Peplio ad purgandum utebatur Hippocr.	279
Per	

- Per animi defectionem in iis, qui aliquo medicamento purgantur, quid sit intelligendum. 283
- Peripneumoniacis pectus scarrificandum. 207
- Per purgationem usque ad animi defectum faciendam, quid sit intelligendum. 284
- Pestilentes febres quo tempore Cayri vagentur epidemicæ. 53
- Pestilentium febrium Cayri vagantium causæ. 53
- Pestis, sive pestilentia quid sit. 64
- Pestem duplicem habere causam. 64
- Pestis causa efficiens. 64
- Pestem Turcæ non timent, neque ab ea fugiunt. 59
- Peste Ægypti loca sæpe devastari. 59
- Pestis, quæ in Ægypto concitatur, cur latius, sæviusque quam alibi serpat. 59
- Pestem Turcæ omnes non timent, neque ab ea sibi præcavent. 59
- Turcarum credulitate cito excrescere. 42
- Pestis cur penes Ægyptios in immensum crescat. 59
- quæ anno 1580. Cayrum devastavit, quot interemerit. 59
- Pestem plerumque Cayrum & contagium accedere. 60
- in Ægypto rarissime ab aëre fieri. 59
- Pestis Ægyptum invadentis causæ. 61
- Pestem insigni aëris caliditate absumi. 61
- singulo septennio in Ægypto nasci, falsum esse. 61
- Pestis in Ægyptum vel ex Græcia, vel Syria, vel Barbaria venit. 61
- omnium sævissima, quæ ex locis Barbariæ in Ægyptum proficiscitur. 61
- quæ ex Barbaria in Ægyptum asportatur, cur omnium sit sævissima. 62
- contagium à Barbaricis locis advectum vehementius Ægypti incolas pervadere, ipsosque atrocius depascere, diutiusque vigere. 62
- quæ Cayrum vel ex Græciæ, vel Syriæ locis venit, minus quam è Barbariæ locis profecta, serpit, atque devastat, 62
- Pestilens contagium ex Barbaria profectum, cur ex aliis omnibus locis advecto sævius exitiosius, diuturniusque sit. 62
- Pestis quo tempore Ægyptum invadere soleat. 70
- in Ægypto, quæ sit omnium sævissima. 70
- in Ægypto minus sæva. 70
- quo tempore in Ægypto desinat. 70
- qualiscumque sit magna, ac vehemens, perpetuo Sole primam partem Cancri Junio mense ingrediente, omnino tollitur. 70
- Pestem nunquam Junio, Julio, & Augusto mensibus in Ægyptum asportatam, vidisse Ægyptii affirmant. 71
- Pestis, quæ Cayrum inficit, an ex Nili fluminis augmento tollatur. 73
- Ægyptiæ extinctio coincidit cum Nili augmenti principio. 73
- Pestem in Ægypto ex aëris mutatione, quæ fit mense Junio, finiri. 76
- Pestis extinctio in Ægypto Junio mense observata, an in Etesiarum spirationem referri possit. 73
- extinctionem in Ægypto causam habere ab aëre illiusce temporis summe calido, æquali, corpora diffiante, siccante, atque ab Etesis eodem tempore spirantibus, quibus vitales spiritus restaurantur, ac foventur. 78
- extinctionem fieri ab Etesis seu Septentrionalibus tunc spirantibus ventis, multi Ægyptiorum affirmant. 75
- Pestilenti morbo optimum præsidium scarrificatio crurum. 175
- Peste vexatis scarrificatio tanquam divinum auxilium. 200

I N D E X.

- Philosophia electuaria. 263
- Phlebotomi Ægyptiorum longe nostris sunt acutiores. 138
- Phlegmones oculorum tolli, primo sectis venis magnorum angulorum oculorum. 128
- Phrenitides exitiosissimæ, quæ aliquando in Ægypto vagantur. 50
- quæ tribus quatuorve horis homines interimunt. 50
- Philonium Persicum Avicennæ. 311
- Pinguedo in corporibus quomodo generetur. 237
- Pinguedinis quæ sit causa præcipua. 232
- causa materialis quæ sit. 232
- Pinguedinem à diminuto calore, atque à multo pingui alimento fieri. 232
- Pinguedinis causa est frigiditas. 232
- causæ. 232
- Pisces, quos comedunt Ægyptii. 33
- saliti sunt apud Ægyptios in usu frequentiori. 34
- in Nilo flumine capti etsi gustui admodum sint suaves, tamen pessimi ad sanitatem existunt. 34
- Nili fluminis cur insalubres. 34
- Plenitudinem corporum non tolli scarrificatis cucurbitulis. 147
- Plenitudinem corporum tollunt Ægyptii vel vena secta, vel scarrificatis cruribus. 147
- Plenitudo auferenda aut venæ sectione, aut cruribus scarrificatis. 176
- Pleuriticis latus dolens scarrificatum juvat. 207
- dolore ad hypochondria declinante nigrum helleborum & peplium convenire. 280
- Plinii opinio de Nili fluminis augmento. 28
- Pluit rarissime in Ægypto, maximeque in locis à mari remotis. 24
- Pluvias largiores fieri oportere in prima Ægypti æstate in locis prope Nili principium positis, quod Lybiæ montibus sint frigidiores, ratio, suadet. 28
- largissimas in Æthiopia singulis annis fieri. 28
- copiosiores, & largiores fieri in montibus, à quorum radicibus Nilum nasci multorum est opinio, multorum relatione constat. 28
- Podagræ duplex causa. 211
- fit ab imbecillitate articularum, atque ab humorum fluxu. 211
- Podagram non fieri nisi ambæ causæ concurrant. 211
- Podagra quomodo unctione sanetur. 215
- Podagram curantes quas venas inurant. 216
- Podagricos dolores evacuato toto corpore scarrificatio loci læsi sedat. 207
- Polybus cognovit materiam unctionis quæ Ægyptii utuntur. 212
- Populares mulieres sibiipsis ungues manuum ac pedum archenda tingere. 242
- Populi Turcarum, Imperio subiecti, quibus delectantur. 2
- Populos Ægyptios multa optima remedia empirice exercere. 4
- Populo Turcarum Imperio subiecto scientiis nunc non delectari. 2
- Populi frigidarum regionum cur refrigerantia medicamenta, sic uti timeant, calfacentiumque usum complectantur. 251
- frigidorum locorum, quibus malis ex victu sint obnoxii. 251
- frigidarum regionum cur brevius vivant. 251
- Populos frigidarum regionum, ut recte purgentur, egere prævalidissimis purgantibus. 279
- Potus Turcis & Ægyptiis familiaris. 267
- Potuum varia genera, quæ agrotis ante sanguinis missionem conceduntur. 123
- Potum frigidum iis, quibus sanguis est mittendus; summe conducere. 123

I N D E X.

- Potu frigidæ aquæ ægrotos à syncope defendi. 123
- Potus quem ante missionem sanguinis Ægyptii ægrotis exhibent. 123
- Potio singularis ad febres amphimerinas. 319
- singularis ab Ægyptiis ad febres intermittentes celebrata. 318
- alia ad idem. 318
- Potus singularis virtutis ad eos, qui febribus pestilentibus, ægrotant. 320
- ad sudorem movendum, qui ab Ægyptiis parentur. 322
- ex berberis fructibus paratus quomodo ab Ægyptiis ad febrium ardentium, pestiferarumque usum paretur. 253
- ex berberis fructibus parati vires. 253
- Præfectus Bessa, appellatus Cadi, suos iudices creat. 3
- Præcipuum agens in nostra corpora quod sit. 88
- Profluvio alvi cum febre existente, non esse aliam moliendam evacuationem. 114
- alvi in febribus existente, qui aut sanguinem mittere, aut ventrem movere tentarunt, ægrotos in graviora pericula duxisse ipse Galenus docuit. 114
- Prosperi Alpini natura ex cœli schemate. 86
- Pudendis in balneis Ægyptias mulieres studium adhibere. 230
- Pudenda, ut ornent, in balneo, quid Ægyptiæ moliantur. 230
- Ægyptiæ unguentis odoratis exornant. 231
- nobilium Turcarum in balneis musco, ambra ac zebet exornari. 231
- Puellam annos septem natam sanguinis missione sceta vena dextri cubiti à febre curatam. 106
- Puerulum octo annorum per scetam venam vacuato sanguine sanatum. 106
- Puerum annos quinque natum pleuritico sanguinis missione sanatum. 106
- Puellam à febre maligna sanguinis missione fuisse liberatam. 106
- post missum sanguinem à sceta vena è naribus sanguinis fluxum, atque ventris dejectionem supervenisse, & statim pristinam sanitatem concessam. 106
- Pueri habent plurimum innati caloris. 107
- Pueros multo sanguine abundare. 107
- non recte ferre purgantia. 279
- Pueris etiam sanguinis vacationem conducere posse. 104
- Pueros multos naturam sanguinis vacatione sanavisse. 104
- multos critica sanguinis è naribus eruptione fuisse integre judicatos. 105
- Pueri quamquam vitali facultate valeant, tamen neque hi sanguinis sustinent missionem. 100
- Puero vel etiam synocho correpto ante annum decimum quartum venam non esse secandam. 100
- Pueris Ægyptios secare venam pro sanguinis evacuatione. 101
- scarrificationes commodæ, facile hi resolvuntur. 201
- sæpissime sine ulla noxia multum sanguinem sponte vacuari. 107
- Pueritiæ profluvium sanguinis per nares est familiarissimum. 108
- Pueros vel etiam lactantes interdum interdum multis diebus sine noxa perferre. 108
- Pueris ex modica sanguinis missione non fieri tantam virium jacturam, ut aliqui putarunt. 108
- Pueros interim copiosos alvi fluxus, atque sudores perferre sine noxa. 108
- Puerorum corpora non multum extenuantur in morbis. 108
- Pulmonum ulcera sanari non posse ob continuam ipsorum motionem. 135
- Pul-

I N D E X.

- Pulveribus Ægyptum esse obnoxiam, à quibus incolarum oculi infestantur. 230
- Pulvere lentium nigrarum uti Ægyptios ad sanandum arteriæ vulnus. 138
- Pulvis ad quartanam febrem. 320
- quo pro secreto utuntur Ægyptii ad febres pestilentes. 322
- singularis virtutis ad provocandum sudorem cum aqua dissolutus in feb. pestilentibus. 321
- Pulsus tangendi à medicis in via consuetudo. 55
- Pulsuum sola observatione putant Ægyptii medicos posse, vel pollicem etiam digiti articulum dolentem cognoscere. 55
- Pulsus intermittentem aliquando ab admotis cucurbitulis apparuisse. 160
- Purgationes illæ optimæ dicuntur, quæ naturæ optimas excretiones imitantes, nulla violentia humoris noxii copiam extrudunt. 186
- Purgantia prævalida olim apud Hippocratem atque Galenum in usu fuisse. 279
- Galeno olim familiaria quæ. 288
- Purgari posse corpora interdum usque ad animi defectionem. 282
- Purgantem alvum non esse impossibile fitti. 284
- Purgantium prævalidorum usus in quibus usui leniter purgantium sit præferendus. 284
- Purgantibus violentissimis multos fere deploratos sanatos. 281
- Purgantia valida quibus conveniant. 279
- leniter quibus conveniant. 279
- leniter quando conveniant, & quando non. 280
- Purgationibus prævalidissimis multos juvenatos fuisse. 282
- Purgantia prævalida, non nisi robustioribus corporibus conveniunt. 279
- Purgantibus lenientibus qui purgandi. 279
- Purgantia eadem non omnibus convenire. 279
- Purgantia medicamenta in corporibus exercenda, quæ evariant. 279
- prævalida fuisse in usu apud antiquos. 277
- prævalida Ægyptiis non convenire. 271
- medicamenta prævalidissima, quibus ad rusticos & plebem Ægyptii, utuntur. 278
- Putredo fit à quocumque calore immodico naturalem dissipante, atque corrumpente. 64
- Putrescunt humores, atque partes corporis calore naturali ab extraneo corrupto, & dissipato. 64
- Putredinis causæ materiales. 64
- Putrefactio quotuplex. 64
- Putrescere tantum humida, & non sicca. 65
- Putredines fieri ab aliena caliditate sentit Aristoteles. 64
- Putrefactia naturam corporum potestate calida esse. 64
- Putredo omnis ex materia gignitur humida, ex causa efficiente extranea & præter naturam calore. 65
- Putredines fieri humidis ac pluviosis temporibus. 63
- Putrescere promptissime quæcunque sunt calida & humida. 65
- Putredinem in sicca corpora accensam esse præexcellentem. 66
- Psyllii seminum usus. 255
- Psyllium venenum non esse. 255
- Psyllium & coriandrum viridia in ferculis esse apud Ægyptios in usu frequentissimo. 252

Q.

Qualia sint Ægyptiorum corporum temperamenta, atque habitus. 84

Z z 2 Quas

I N D E X.

Quas partes corporis Ægyptii inurant. 210
 Quæ pinguefaciant. 233
 — evariant medicamenta purgantia. 279
 Quibus morbis scarrificatio conveniant. 199, 200
 Quomodo intelligenda sit sententia Hippoc. atque Gal. dicentium, corpora ad animi usque defectum purgare licere. 283
 Quot nationes Cayrum accesserint. 93

R.

Rasim in pueris sanguinis vacuationem interdum moliendam laudare. 105
 — ægrotis antequam sanguis mittatur, cibum dandum concessisse. 121
 Rationes ex Galeno ad reprobendam sanguinis missionem desumptas non concludere. 119
 Regionum frigidarum incolas minus favam, quam calidarum, pati pestilentiam. 68
 Remedium nullum majus invenit Gal. in maximis doloribus missione sanguinis, & purgatione. 115
 Renes Ægyptiorum non paucorum debiles. 58
 Rhabarum. 300
 Rhavend Seni, est Rhabarbarum. 300
 Rhob Cathiæ, succus est acatiæ, & quomodo ab Ægyptiis paretur. 306
 Rusticorum corporum Ægyptiorum temperies, atque habitus. 92

S.

Sanguis in venis cutaneis contentus, purior, ac tenuior existit. 151
 Sanguinis missionem ab Hippopotamo hominibus monstratam fuisse. 2
 Sanguinem quot modis mittant Ægyptii. 4

— à multis venis nostris medicis inusitatis Ægyptios mittere. 4
 — Ægyptios à sectis arteriis mittere. 4
 — Ægyptios mittere multis scarrificationibus. 4
 Sanguinis missionem apud Ægyptios esse usitatissimam. 83
 Sanguinem mittunt Ægyptii in omnibus ætatibus, anni temporibus, & ad omnes fere morbos. 82
 Sanguinis vacuatione libentius quam medicamenti Ægyptii utuntur. 82
 — missionem cur Ægyptii sic frequentent. 82
 — crebram missionem vitalem spiritum consumere atque actiones animales lædere. 98
 — vacuationi corpora apta. 99
 Sanguinem Ægyptios vel etiam in infantibus mittere. 99
 Sanguinis missionem in pueris Ægyptios, Æthiopes, Abissinos exercere. 100
 — missionem in pueris faciendam plures Arabum voluerunt. 105
 Sanguinem facilius Ægyptii in pueris mittunt scarrificatis cruribus. 109
 Sanguinis missionem non convenire corporibus mollibus, albis atque valde humidis. 110
 — vacuationem copiosam, qui recte ferant. 110
 Sanguinem detrahunt, à scarrificatis auribus, collo, labiis, gingivis, cruribus, & naribus. 127
 Sanguinis vacuatio per scarrificationem malleolorum cur albis, mollibusque magis commoda atque utilis sit. 111
 — missionem cur Ægyptii fere in omnibus morbis moliantur. 94
 Sanguinem in quibus speciatim morbis Ægyptii mittant. 95
 — mittere Ægyptios in omnibus fere morbis. 94
 San-

I N D E X.

- Sanguinis missionem cur Ægyptii putent omnibus conducere. 82
- Sanguis quot modis ab Ægyptiis mittatur. 125
- crassus cucurbitulis non potest vacuari. 159
- Sanguinis missionem per hirudinum usum Ægyptii prorsus ignorant. 126
- Sanguinem mittentes in dysenteria quid mali efficiant. 114
- Sanguinis missionem Ægyptios exercere etiam in dysenteria, diarrhæa biliosa, in exanthematibus erumpentibus, puncticulis vocatis, inque pestiferis tumoribus. 113
- vacuatio ab intestinis fluentem humorem revellit. 115
- vacuatio prohibet, ad partem exulceratam humores ne amplius confluant. 116
- Sanguine non vacuato in dysenteriae principio sanguinis profluvio non firmato plurimus sanguis per intestina evacuitur, qui vires maxime diminuet. 116
- Sanguinis vacuatione dysenteriam curandam multi priscorum, atque recentiorum etiam medicorum senserunt. 116
- missionem esse exercendam in dysenteria. 116
- missionem ad dysenteriam maximum esse auxilium, sine quo difficillime curatur. 118
- missionem in dysenteria quamplures medicos damnare. 113
- Sanguinem fluente alvo non esse mittendum. 113
- Ægyptios mittere in principio omnium pestiferorum exanthematum, atque tumorum. 119
- à cibo Ægyptiorum vulgus mittere. 119
- in Ægypto jejuno stomacho mittentes à vulgo medicorum damnantur. 119
- Sanguinem quibus de causis plures Ægyptiorum à cibo minimeque stomacho jejuno mittendum censeant. 120
- à cibo mittendum Græci abhorruere. 120
- non esse mittendum existente in stomacho cruditate, neque priusquam excrementa descenderint. 121
- Sanguinis missio cibo crudo existente in stomacho, quid mali faciat. 121
- missionem prohibere os ventriculi nimium sensibile, aut imbecillum, vel amara bile redundans. 122
- Ægyptiorum à cibo mittendi usum esse pessimum. 121
- à cibo mittendi usum Arabes laudasse. 121
- cur facta copiosa vacuatio è venis retro aures sectis somnum profundissimum & longissimum inducat. 131
- larga profusione ex venis post aures sectis somnum profundum excitari, neque sterilitatem induci. 131
- vacuationem affectæ partis, à proximis venis faciendam. 127
- vacuationem partibus post aures scarificatis somnum conciliare. 142
- missionis ab occipite, atque à partibus retro aures præstitæ utilitas. 142
- quantum volunt, cucurbitulis occipiti, atque circum ipsum positis particulis admotis cum scarificatione, evacuant. 143
- missio in capitis aversa parte scarificatione præstita, quibus noxia. 143
- missio à naribus procurata pro arcano à multis Ægyptiis celebratur. 171
- è naribus missionem solvere ægritudinem. 104
- missionem dolorem vehementem tollere. 114
- Sanguinem expuentibus caput, & pectus Ægyptios inurere. 211
- Sanguinis fluxum sistere decoctum ex fi-

I N D E X.

- liquarum floribus, ac foliis acatiæ pa-
 ratum. 314
 Sanguinis Ægyptii mutatio à quibus. 92
 Sang Arabi gumma Arabica, quam ex
 arboribus acatiæ colligunt. 305
 Sabet potus. 123
 — potus pro omnibus febricitantibus.
 267
 Sadegendi est folium. 300
 Sapor cassiæ est amarus. 304
 — canellæ. 304
 Salsa parilla raro Ægyptii utuntur. 353
 Saraceni cur utuntur aurium scarrificatio-
 ne. 169
 Savich. 267
 Scarrificationum varii apud Ægyptios usus.
 167
 Scarrificandi modus, figura, sive exem-
 plar. 198
 Scarrificatio malleolorum sive crurum vi-
 caria est venæ sectionis. 147
 — malleolorum sectioni venæ proxi-
 ma, & vicaria. 176
 — vires non destruit, sive labefactat.
 199
 Scarrificationes sensim, ac lente sangui-
 nem educunt. 183
 Scarrificatio malleolorum plenitudinem
 tollit. 174
 — corpore non evacuato molienda.
 190
 Scarrificationis usum variant corpora, æ-
 tas, sexus, habitus, & temperies. 200
 Scarrificationes non tantum vitalis facul-
 tatis evacuant, quantum venæ sectio.
 175
 Scarrificationem crurum Arabibus medi-
 cis antiquis haud cognitam fuisse. 180
 Scarrificatio non vehementes infert par-
 tibus dolores. 198
 — à Gal. quot in locis celebrata. 187
 — crurum ab Amato Lusitano mirum
 in modum celebratur. 179
 — crurum, & cucurbitulæ admotæ in-
 cisa cute maxime differunt. 184
 Scarrificatione crurum, quibus in Italiæ
 locis sit eductus sanguis, 178. & cum
 felici successu, 178. & quo ægrotanti-
 bus morbo, & pueris. 178
 Scarrificationem crurum interdum esse
 præferendam venæ sectioni. 158
 Scarrificationes, quas Ægyptii pro usu cu-
 curbitularum, moliuntur. 142
 Scarrificatas partes debilitari. 150
 Scarrificationes pro moliendis cucurbitu-
 lis, quotæ, & quales ab Ægyptiis fiant.
 144
 Scarrificant Ægyptii non epidermidem
 modo, sed secundam cutim, non mi-
 nusque carnem. 145
 Scarrificationes quales ab Ægyptiis cucur-
 bitularum usu, & quotæ infligantur. 142
 Scarrificationum numerus est varius, nec
 non plagarum magnitudo, 196. & va-
 rii effectus. 197
 Scarificationes longas, & profundas esse,
 consonum est rationi cum evacuare
 tentamus. 198
 Scarrificatione rami venarum crassiores
 secantur. 192
 — non omnis sanguis evacuatur, sed
 subtilis, imprimis autem crassus. 190
 — sanguis crassus evacuatur, & quo-
 modo intelligendæ variæ Galeni sen-
 tentiæ. 191
 Scarrificare debemus non malleolorum,
 sed cruris ventrem. 205
 Scarrificatio malleolorum quibus conve-
 niat, 173. modus qui recitatur. 173
 — in siccis vituperatur. 201
 Scarificatione cutis sæpissime Ægyptii mit-
 tunt sanguinem. 126
 Scarrificatio narium in omnibus febribus
 acutis est præsentaneum auxilium. 168
 — Eunuchis, mulieribus, & omnibus
 molli carne præditis, creditur vicaria
 esse venæ sectionis, & quibus corporis
 partibus. 167
 Scar-

I N D E X.

- Scarrificatione crurum Ægyptios curare
febres pestilentes. 320
- Scarrificare solent Ægyptii aures nares,
labia, gingivas, ac quascunque partes
corporis extrinsecas. 167
- Scarrificatio inflammata partem, vel
vexatam cancrena, vel tumore, vel
pustula sanat. 167
- aurium apud Ægyptios in puerulis
lactantibus exercetur. 128
- narium ad quæ sit utilis. 171
- malleoli ad hydropicos tutior. 220
- Scarificatis talis hydropicos sanari Archi-
genes voluit. 220
- Scarrificatione malleolorum Ægyptios mit-
tere sanguinem. 4
- Scarrificatis auribus Ægyptios moliri va-
cuationem sanguinis. 4
- Scarrificatio crurum apud quosdam Ægy-
ptios in peste infectis usitata. 324
- Scarrificationis crurum in peste infectis
laus. 324
- Scientiæ cur fere omnes ab Ægypto in
alia loca commigraverint. 12
- Scientiam Mahometis apud Ægyptios in
summo pretio esse. 3
- Scirrhus inustione sanari. 218
- Scythæ ustione utebantur. 215
- Scythas à sanguine plurimo à venis retro
aures vacuato in profundum somnum
labi, atque steriles evasisse. 143
- Scopus præcipuus ad præservenda corpora
à peste. 78
- Scopos duos ad præservanda corpora à
pestilentia Gal. docuit, quippe corpo-
ra siccari, atque diffuari. 77
- Scorpiones Ægyptios esse lethalissimos,
quales Dioscorid. descripsit. 309
- Scorpionum Ægyptiorum descriptio. 309
- Sectionem ad hydropicos, antiquis me-
dicis cognitam fuisse. 219
- Sectione hydropicos sanari. 219
- Sectio hydropicis quo tempore conveniat.
220
- non est in hydropicis viribus lan-
guidioribus administranda. 220
- Sectiones hydropicorum calfactorio me-
dicamento esse fovendas. 221
- Secandi hydropicos varii modi. 219
- Sectionem pro Empyis inter secundam ac
tertiam costam plerique Ægyptiorum
faciunt. 221
- Sectio in suppuratis quomodo administre-
tur. 222
- Sectionem ad suppuratos inter tertiam &
quartam costam fieri debere quibusdam
videtur. 222
- Sectionis usus ad suppuratos ex Hippocra-
te. 222
- Selica est vera cassia lignea. 299
- Selicas multas habent Ægyptii & quæ. 299
- Selica ambra. 299
- seuda, & est macer Dioscoridis. 299
- per excellentiam cassia vocatur. 299
- Secreta ad febres quartanas ab Ægyptiis
quibusdam usitata. 320
- Secretum ad febres synochas. 315
- Senectutem purgationes non recte ferre.
279
- Senes difficiles ad purgantia esse. 279
- Semina, quæ apud Ægyptios sunt in usu.
254
- Septentrionales venti, & Nili fluminis in-
crementum aërem Ægypti refrigerant.
26
- Septentrionalium ventorum salubrem esse
aëris constitutionem. 75
- Septentrionales ventos pestilentibus con-
stitutionibus adversari. 75
- venti in Ægypto plus aliis perflant.
25
- Septentrionalibus ventis Ægyptum expo-
sitam esse voluit Deus. 25
- Serapio de calamo aromatico. 297
- Sicca non putrescere. 65
- quæ putrescant. 65
- dum putrescunt, quam humida ex-
cellentiore fuscipere putredinem. 68
- Si-

I N D E X.

Sicomori quales fructus.	252	Sudores criticos in omnibus acutis esse bonos.	103
Solem atque hominem, hominem generare.	87	Sudant plurimum Ægyptiorum corpora.	230
Sol semper agit calfaciendo.	88	Sudorem in febribus pestilentibus, quo medicamento Ægyptii movere soleant.	321
Somnios immoderatos inustione Ægyptii curant.	211	Sudores nonnullos Ægyptios in feb. pestilentibus, cantaridibus etiam vel in potu sumptis, movere.	322
Somnia turbulenta, quæ esitata faciant.	276	Supellectilia omnia Cayri pestifero qualicumque contagio infecta, mensè Junio, omne contagium, amittere, ut omnes iis tuto uti queant.	70
Sorbitiones quæ ad hecticos ab Ægyptiis parentur.	325	Suppurati, qui ex pleuritide fiant.	221
Smilacem hortensem editam tumultuosa somnia facere.	260	Suppuratorum notæ.	221
Spectacula & ludi in Ægypto augescente flumine Nilo celebrantur.	24	Suppuratos qua sectione curent.	221
Stomachum habent Ægyptii frigidum, pituitosum.	32	— inustione sanari.	217
Stomachus durus, quid mali à vomitu recipiat.	240	Suppuratis quomodo inustio facienda sit.	217
Stomachum Ægyptiis cruditatibus vexari familiarissimum esse.	57	Suppurati quando magis ustione, & quando sectione curari debeant.	223
Stomachus Ægypti incolarum à quibus causis frigidior fiat.	57	Sura quid, & quo differat à malleolo.	204, 205
Stomachum balnea efficere frigidior, ac languidior.	238	Syncopis exquisita quid.	283
— languidior Ægyptii à quibus obtineant.	238	Synciput cur inurant Ægyptii.	211
Stomachus ad quos morbos sit inurendus.	212	Syrorum atque Græcorum corporum habitus ac temperies.	66
— frigidus, humidus, à distillatione vexatus, flatulentus ustione juvatur.	212	Syrupi Ægyptiis usitatiores qui.	268
Stomachum opobalsamo juvari.	255	— ex sandalis præparatio.	269
Stibium præparatum curare antiquas viscerum obstructions.	281	— ex ligno præparatio.	269
Stoliditatem inustione tollunt.	211	— ex ligno aloë, vires.	269
Strumas quomodo Ægyptii curent.	227	— ex dactylis quomodo ab Ægyptiis paretur.	269
Strumæ curantur sectione.	227	Syrupus solutivus qui ex granatis dulcibus paratur.	275
Studium Gemel-hazar Cayri.	3	— ex manna solvens.	275
Stuporem inustione tolli.	211		
Succus Acatix.	306		
— acatix duplex, liquidus, & fccus.	306		
Sudores quomodo Ægyptii tuendæ sanitatis gratia, sequantur.	240		
Sudandi usum Ægyptios sequi.	240		

T.

T abescentes statim uri oportere.	220
Talvina.	267
Tamarindorum differentix, atque usus.	274
Ta.	

I N D E X.

- Tamarindi Bazzi, quid. 274
 Tamarindorum infusionis per potum ad febricitantes usus. 274
 Tamarindi recentes in India saccharo condiuntur, ad usum illorum qui deserta Arabiae loca peragant. 275
 Tamarindorum vis adversus putredinem. 321
 Tarachelacrap, id est, theriacæ ad scorpionum ictus compositio. 310
 Tectum balneorum Ægyptiorum quale. 228
 Temperamentum variorum corporum nascentium ratio. 87
 — totius à cordis hepatisque temperie prodire. 84
 — nativum Ægyptii à victu permutant. 93
 Temperamenta atque habitus purgationibus apta. 179
 Tempora, pro quibus morbis Ægyptii inurant. 211
 — inurunt Ægyptii ad oculorum & capitis distillationem, aurium, atque dentium. 211
 Terrengibil provenit in montibus Synai. 274
 — puerorum medicamentum proprium. 316
 — usus ad curandas febres. 316
 Terra Ægypti quando sit apta cultui. 24
 Terræ sigillatæ descriptio. 305
 Tercenta millia aureorum pro studio Gemel-hazar quolibet anno dissipari. 3
 Tertianas febres balneis dulcibus juvari. 248
 Tertianis febribus correptos calida balnea quomodo juvent. 249
 Thajme quid. 232
 Thaletis opinio de Nili fluminis augmento. 27
 Thayr serpentis descriptio. 295. ex quorum carnibus parantur ab Ægyptiis pastilli. 295
 — serpentem esse viperam cornutam. 295
 — serpentem non esse cerassem. 295
 Thebarum loca papavera nigra multa genere. 261
 Theologicæ scientiæ, quæ pseudopphetæ Mahometis leges tractat, multos Ægyptiorum operam dare. 3
 Theophrastum deceptum fuisse in cassiæ cognitione. 304
 — recte sensisse de cinnamomo. 303
 Terebenthina qua ad componendam theriacam Ægyptii utuntur, quid. 305
 Theriacæ compositio apud Ægyptios. 264
 Theriacam pro Turcarum Rege ab Ægyptiis annis singulis componi. 288
 Theriacæ apud Ægyptios usitatæ descriptio, in quo ab ea, quam Andromachus Senior tradidit, differat. 294
 — Ægyptiorum descriptioni deest asphaltus, centaureum, Galbana, thlaspi, malabattrum, opponax. 294
 Theriacam non sine errore componi ab Ægyptiis. 294
 Theriacæ compositionem ingredientium secundum Ægyptios numerus. 294
 Theriacam numerum ingredientium, numero ab Andromacho perdocto non convenire. 294
 Theriacæ Ægyptiorum descriptio quæ medicamenta habeat, in Andromachi descriptione non inventa. 294
 — quam Ægyptii fuerant anno 1574. composituri, compositionis descriptio. 290
 Theriacam ubi Ægyptii componunt. 288
 Theriaca quo anni tempore ab Ægyptiis paretur. 288
 Theriacam apud Ægyptios esse in frequentissimo usu. 288
 Theriacæ compositionem ingredientium ex Andromacho numerus. 307
 Theriacam à nostris parari sine multis ingredientibus, quæ levissimo labore ab ipsis haberi possent. 308
 Theriacæ usus apud Ægyptios. 309
 — Ægyptiæ vires à carnibus cornutarum,

I N D E X.

- | | |
|--|---|
| <p>rum, earum ferarum augeri. 308</p> <p>Theriaca quibus morbis conveniat. 309</p> <p>Theriacæ usus ad pestem, apud Ægyptios est præcipuus. 310</p> <p>Theriacam pueris quoque exhiberi. 310</p> <p>— calorem naturalem fovere, augere, & eos, qui ipsam frequentant longævus facere. 310</p> <p>— Ægyptiorum esse antidotum insigne multis viribus præditum. 308</p> <p>Theriacæ Ægyptiæ vires. 208</p> <p>Theriacam Ægyptiam cruditatibus ventriculi succurrere. 308</p> <p>Theriacæ usus ad febres. 319</p> <p>Theriaca ad scorpionum ictus quam componunt Ægyptii. 310</p> <p>Tinmaetum esse terram Chiam, quam sigillatam vocant. 305</p> <p>Tiphomania quid sit. 54</p> <p>Tria principia concurre ad corporum generationem. 87</p> <p>Triticum quando in Ægypto feritur, & maturescit. 24</p> <p>Tumorem in angina, in collo conspectum, esse bonum. 144</p> <p>Tumores omnes, & inflammationes arceat, & minuit scarrificatio loco læso inflicta. 207</p> <p>— ædematosos, & scirrhosos inustione curatos. 218</p> <p>— à pituitosis humoribus ustione sanari. 212</p> <p>Turca mulier, quæ histericas mulieres quibusdam feminibus minutissimis purgat. 276</p> <p>Turcarum Imperio populo subiecto, scientiis non delectari. 2</p> <p>Turcæ à peste fugam non arripiunt. 59</p> <p>Turcas sibi quali morte sint moriendi, esse prædestinatum putant. 60</p> <p>— milites vini potationibus indulgere. 49</p> | <p>Vacuaciones multas in balneo eodem tempore ferre aliquem posse. 238</p> <p>Variolæ pestilentes singulis annis in Ægypto vagari. 50</p> <p>Variolarum annis singulis Cayrum invadentium causæ. 55</p> <p>Venæ sectio cur universalem vacuationem præstet. 148</p> <p>— dorsi ac lumborum in cute scarrificatæ cur totum corpus non sic evacuent, ut facit crurum scarrificatio. 148</p> <p>— sectione præstita sanguinis vacuatio cur non concitet obstructions. 149</p> <p>— quæ apud Ægyptios in usu sunt, ad mittendum sanguinem. 127</p> <p>— quas secant pro sanguinis molienda vacuatione ad oculorum lippitudines. 127</p> <p>Venam frontis scindere Ægyptios ad oculorum lippitudines. 127</p> <p>Venas in quibus morbis secant. 125</p> <p>Venæ a nostris non usitatæ, quæ apud Ægyptios sunt in usu. 125</p> <p>— frontis sectio, quos morbos juvet. 128</p> <p>Venam frontis maximos capitis dolores, ac inflammationes juvare. 128</p> <p>Venæ temporum, atque magnorum angularum oculorum sectæ quos morbos juvent. 128</p> <p>Venarum intra ac post aures sectarum utilitas. 128</p> <p>Venas nasi, nariumque in quibus morbis Ægyptii secant. 128</p> <p>Venarum nasi, frontisque sectione dolorem capitis juvari. 128</p> <p>Venas labiorum, gingivarumque in quibus secant malis. 129</p> <p>Venarum sub lingua positarum sectione Ægyptios uti. 129</p> <p>Venæ pro mittendo sanguine usitatæ apud Ægyptios. 4</p> <p>Venas jugulares ab Ægyptiis secari. 4</p> <p>— poplitis ab Ægyptiis secari. 4</p> <p>— narium ab Ægyptiis secari. 4</p> |
|--|---|

V.

Vacuaciones sub canem & ante canem esse fugiendas. 238

Ve-

I N D E X.

- Venas frontis Ægyptios secare. 4
 — capitis, ut commode secent, quomodo Ægyptii recte apparere faciant. 132
 Venam jugularium quomodo Ægyptii secant. 132
 — poplitis quomodo Ægyptii secant. 132
 Venarum jugularium sectionis vel etiam usum Ægyptios sequi. 130
 Venis jugularibus sectis, qui morbi tollantur. 130
 Vena altera jugularium secta, atque plurimo ex ipsa vacuato sanguine multos fere plane suffocatos ad vitam rediisse. 130
 Venarum jugularium sectio, quos morbos curet. 130
 Venas magnorum angulorum oculorum difficulter secari, & cum periculo futurae fistulae, à quibus etiam paucus sanguis exit. 130
 — magnorum angulorum sectas non efficere fistulam. 131
 — post aures sectas sterilitatem inducere Hippocratem præcepisse. 131
 — magnorum angulorum oculorum sectas plurimum sanguinem concedere. 131
 Venam magni anguli oculi sectam in Francisco Rigono plurimum sanguinem profusisse. 131
 Veneri Ægyptios nimium libere indulgere. 230
 Venena calore præstantiora, ac auctiora fieri. 68
 Venenum petere cor quænam signa explicent. 162
 Venenorum esui homines assuefieri posse. 255
 Ventriculum opobalsamo maxime juvari. 255
 Ventres hyme cur sint calidissimi, & æstate frigidissimi. 32
 Vertiginosos inustione sanari. 211
 Venti, quibus Ægyptus eventatur. 25
 Ventis Septentrionalibus Ægyptum plusquam aliis esse expositam. 25
 Venti Septentrionales quo tempore in Ægypto spirent. 25
 — Septentrionales cur aërem Ægypti refrigerent. 25
 Ventos Septentrionales Etesias vocatos tota secunda æstate ab ortu solis usque ad occasum in Ægypto perflare. 29
 — campsim ab Ægyptiis vocatos facere primam æstatem. 22
 — Euros, Austrosque facere primam æstatem in Ægypto. 22
 Venti Euri, Austrique plurimas inflammatas arenas in Ægyptum asportant. 22
 Ventorum campsim vocatorum variae opinioniones. 23
 Ventos Euros, Austrosque interrupte in Ægypto spirare. 23
 — Euros, atque Austros multas opthalmias gignere. 23
 Venti Charonii in Ægypto qui. 23
 Ventis Euris, Austrinisque in prima æstate flantibus fieri plures pestiferas febres, atque inflammationes. 23
 Ventorum austrinorum proprium esse humores ad caput subvehere. 54
 Ver apud Ægyptios quot mensibus constet. 21
 Vesicae os sic dilatari, ut per ipsum lapides satis magni exire queant. 224
 Vesicantium usus in peste infectis. 323
 — usus ad brachiorum, & crurum pulsus pro febribus intermittentibus ab Ægyptiis frequentatus. 318
 Victus, quo Ægyptii utuntur. 33
 — Ægyptiorum qualis. 19
 Victum frigidum frequentant Ægyptii. 19
 Vigiliis, ac deliriis scarrificatio intra nares commoda. 171
 — quibus medicamentis Ægyptii occurrant. 315
 Vigiliis quibus auxiliis Ægyptii curent. 316

I N D E X.

- Vinum quibus sit utilissimum. 45
 — modice sumptum nativum calorem auget, & immodice, refrigerat. 42
 — immodice sumptum morbos frigidus facere. 42
 — aqua præstat ad corporum sanitatem. 42
 Vini facultates. 42
 Vinum in pueris Gal. damnat. 45
 Vinum in calidis & humidis damnandum. 45
 Virgas balsami odorem ac saporem diu non retinere. 298
 Vires in dysenteria plurimum ex crebra dejectione, dolore, vigilia resolvi. 114
 Virium robur plurimam habere partem ad indicandam sanguinis missionem. 109
 Viridariorum atque hortorum terram quotidie aqua nedum irrigari, sed multum inundari. 34
 Vitam hominis quæ conservent & corrumpant. 38
 — longiorem ex quibus Ægyptii habeant. 38
 Ulcerum ad peste infectos usus. 324
 Ulcera intestinorum non sanari nisi tollantur ipsorum causæ sanguinis missionem. 116
 — quancumque partem corporis obfidentia effatu digna non curari nisi præcedant vacuatio, atque purgatio. 116
 Ulceribus ad cicatricem non devenientibus scarrificatio utilis. 207
 Ulcera orta ex ustione articulorum submucidorum esse sanabilia. 216
 Umbilici circumvolutio, qua ad dysentericos Ægyptii utuntur, quomodo possit fluxui dysenterico esse auxilio. 226
 Unguentis recte olentibus Ægyptii abundant. 230
 Unguentorum recte olentium copiam incredibilem mulieres Ægyptias ad vulvæ ornatum. i. e. ad corrigendum fœtorem dissipare. 241
 Vomere quos juvet, & quibus officiat. 240
 Vomitiuum aliquando usitatorum utilitas. 237
 — usu multos à podagra & aliis morbis se tueri. 249
 Vomitationes, quo medicamento provocant Ægyptii. 239
 Vomere in balneo facilius homines posse. 239
 Urinæ, quæ crassos humores abundare significant. 159
 — crassæ cum crassis contentis, quid. 159
 Usus dulcium balneorum cur apud Ægyptios sit frequentissimus. 229
 — balneorum præcipuus qualis. 229
 Usus refrigerantium medicamentorum cur Ægyptii frequentent. 7
 — leniter purgantium ubique plerique sequuntur. 278
 Usus prævalidissimorum purgantium in quibusdam morbis laudatur. 281
 Usus inurendi partes corporis antiquis fuisse familiarem. 210
 — inurendi partes cur Arabes frequentent. 210
 Usus inurendi partes ad quos morbos utilis. 210
 — vel leniter purgantium, vel valide purgantium in purgandis corporibus uter sit melior. 278
 Uterum opobalsamo juvari, 255

X.

- Xilobalsamum verum Ægyptios habere. 298
 Xilobalsami loco carpobalsamum esse utendum. 298

Z.

- Zarotus Medicus. 279

F I N I S.

PROSPERI ALPINI
DE
BALSAMO
DIALOGUS.

In quo verissima Balsami Plantæ, Opobalsami, Car-
pobalsami, & Xylobalsami cognitio, plerisque
antiquorum atque juniorum Medicorum
occulta, nunc elucescit.



LUGDUNI BATAVORUM,
Apud Vid. & Fil. CORN. BOUTESTEYN
MDCCXVIII.

PROSPER ALPINVS

A D

LECTOREM.

Multos ab hinc annos in Ægypto Medicinæ causæ moratus, nonnullos libros de illiusce gentis tùm usitata medicina, tùm plantis conscripseram; præsertimque de Balsamo Dialogum, ex quo arboris, succi, fructuum virgarumque veritas hætenus plebisque Medicis, & Pharmacopolis obscura, cognosceretur, claraque elucesceret. Quos omnes sanè libros simul in lucem prodere cogitabam. At hortatu quorundam amicorum, qui me aliorum librorum editionem non ita brevi tempore publicaturum putarent, sententiam mutavi, maximeque nonnullis doctissimis Pharmacopolis obnixè suadentibus, qui Theriacam, Mithridatiumque nunc paraturi, ab Excellentissimo hujus inclytæ urbis Medicorum Collegio veri Opobalsami, Carpobalsami, & Xylobalsami veritatem, & historiam agnosci exoptant, ut his ad prædicta paranda medicamenta, atque ad alia liberè uti possent. Non immeritò Theriacam Mithridatiumque his ablati ad antiqua sua excellen-

tia,

PROSPER ALP. AD LECTOREM.

*tia, non parum deficere dubitantes. Ne itaque
istorum desiderio me obsequi nolle videar, libel-
lum hunc prius emitte non sum veritus. Hanc-
que hujus celeris editionis causam Candide lector
veram esse putato. Interim libros alios de Me-
dicina Ægyptiorum vocatos (si modo hunc meum
libellum Medicinæ studiosis aliquo pacto arrisisse
intellexero) propediem in lucem venturos expe-
ctabis. Tuque etiam quo animo ego Balsami
disputationem hanc, veritatis tantum agnoscen-
dæ studio, atque juvandi desiderio sum prose-
cutus, eodem legendam accipies. Vale.*

PROSPE-

PROSPERI ALPINI

DE BALSAMO DIALOGVS.

CAP. I.

*De Balsami Planta, Succo, Fructibus, & Virgis
esse loquendum.*

ABDELLA Medicus Ægyptius, ABDACHIM
Hebræus, & ALPINVS Italus.



VEM ego nunc hominem conspicio per hoc
viridarium ex Mattharia gressus moventem? is
certè meis oculis Abdachim Medicus videtur,
vir honestissimis moribus (quamvis Hebræus)
præditus, mihiq̃ue multum familiaris: eum igitur
conveniam, & salutabo. Salve Abdachim,

Quàm diluculò hoc viridarium es ingressus; Quid tibi verò
negotii est, ut tam summo mane huc te recipias. ABDACH.

Te nunc huc convenisse, valdè lætor, quando jam diu te ex-
optaverim videre, ac tecum colloqui, Tibi optata hæc sit
dies, Ego ut viridarii hujus amœnitate, suavissimoque flo-
rum cassiarum odore, auraque matutina frigidiuscula me ali-
quantulum recrearem, huc accesseram. ABDEL. Cur verò
viridarii istius plantas undique observas, neque te humi stra-
tum sub ficus hujus Ægyptiæ latissimis ramis conspicio, ut
quietiùs ita tùm animum, tùm etiam corpus recreares. AB-
DACH. Oculos hic inde, dimovebam, si aliquam Balsami
plantam viventem potuissém inspicere, cujus odore eximio
olfactu animales spiritus delectassem, quas custodum negli-
gentia exaruisse comperi, quod satis ægrè patior, plurimum-
que me tædet hoc viridarium illis nunc carere plantis, mul-

tumque ornamenti hac de causa hic deesse videtur. ABDEL. Ne te ob id exerceas, quandoquidem sæpè aliàs aliundè asportatæ, atque hic insertæ plantæ perierint, quæ nunc fortasse, aliis adhuc jussu præfecti advectis, citò renovabuntur, ut sæpè aliàs factum est. Sed quem video ad nos venientem? An Alpinus Veneti Consulis Medicus? ABDACH. Ipse est, cui nos obviam ire honestum est, quòd humanus hic sanè vir est, atque affabilis. ABDEL. Quid istud est Alpine, quod nos te hic nunc offendimus? tuus adventus pluribus de causis est nobis jucundissimus. ALPIN. Viridarium hoc spectandi gratia huc me contuli, vobisque pro vestra erga me humanitate, plurimum debeo, neque parum gaudeo, quod ambos vos hic offenderim, jam diu enim vos videre desiderabam, nec immeritò, cum vos pluribus nominibus tantopere observem, Neque est quod vestram ego nunc in arte medica doctrinam coram extollam, neque quantum à vobis in ea profecerim, vel didicerim. ABDEL. Bonus es cum hæc existimas, utcumque res se habeat, à te amari nos summoperè expetimus. ALPIN. Gratias habeo, sed timeo ne importuno meo adventu jam cæptos vestros sermones inter turbem: eorum tamen, & vestræ jucundissimæ consuetudinis si fieri particeps mihi liceret, mirum in modum meus hic adventus mihi voluptati foret. ABDEL. Gratissimum nobis erit, nunc tecum vir doctissimè colloqui, à quo pro tua doctrina plurimum nostros sermones claritatis recepturos sperabimus. ALPIN. Vobis gratiam habeo. Quid istud autem est, de quo sermonem institueratis. ABDACH. De Balsami planta, quam in hoc viridario aruisse comperi, inter nos commentabamur, Cujus jacturam mihi ægrè ferenti Abdella noster in plantarum materia exercitatissimus, animum restituit, multas è Mecha olim etiam pluries delatas huc, insitasque fuisse, & planè revixisse narrans, atque etiam hoc modo sæpè Balsami plantas renovatas fuisse, ut sperandum sit, nunc etiam præfecti Ægypti jussu, ubi ad illius aures harum jactura aliquandò pervenerit, denuò instaurari posse. ALPIN. Quid audio? illas plantas huc aliunde fuisse asportatas, eoque modo perpetuò instauratas? quasi Ægyptus illis proprium solum non fuerit.

rit. non in sermonem inanem spero me nunc incidisse, de Balsamo incæptum: de quo non pauca vobiscum loqui jam diù desideravi, quæ si vobis nunc grata fore putares, libenter proponerem. ABDEL. Gratam nobis rem facies si hac de re disputationem aliquam promoveris: ex qua plurimum æmolumenti pro tua doctrina, atque humanitate nos esse consecuturos speramus, proinde quicquid est, quod à nobis scire, velis, nunc in medium profer. ALP. Multum vobis pro hac re debeo, veterumque Ægyptiorum sapientiam & humanitatem agnosco. Verum ne longiùs verbis rem producam, de Balsami planta, succo, fructibus, lignis nunc vobiscum disputare desidero, quando ego hætenus Scriptorum varietate anceps, ac dubius fuerim. ABDACH. Neminem Ægyptiorum, vel Arabum esse nunc arbitror nostro Abdel-la in re plantaria magis versatum: pluribus iisdem plantis ab eo cum hic, tum alibi inspectis, ac omni studio observatis, sed ut de hac re clariùs differamus, in capita redigere te oportet, de quibus sit figillatim differendum. Quare istæc omnia nunc in medium profer. ALPIN. Dicendum à vobis primò censeo, an Balsami planta hoc tempore alicubi vivat, quando in hoc viridario, in quò hætenus à priscis illis temporibus usque adhuc vixit, planè exaruerit; atque non minus, an ab ea collectus succus, fructus, lignaque ad nos perferantur, vel potiùs unà cum arbore cuncta perierint. Hæc in primis à vobis enarrari mihi cupio, quibus cognitis, figillatim de singulis agemus.

C A P. II.

An Balsami planta, ejusque succus, fructus ac virgæ nunc reperiantur, & in quibus locis proveniant.

A B D E L L A.

QVamplures Balsami arbores in multis Arabia locis nunc vivere, quarum succus, fructus, ac virgæ huc ad nos

à multis asportantur, certissimum est. Neque id Ægyptios, Syros, Turcas, & aliarum nationum homines multos, Arabiæ loca peragrantes latet, quinimmò omnes annis singulis Mechem, & Medinam primarias Arabiæ fœlicis urbes, peregrinationis gratia adeuntes, quantus in illis locis sit ex arbore Balsami proventus, planè fateri possunt. Nam Mechem hinc euntibus, & ad villam quandam Bedrunia ab his vocatam, quæ distat ab urbe Cayri spacio dierum quindecim, accedentibus, mons pergrandis, arenosus propè eam villam positus continuò conspicitur, Balsami innumeris arbusculis refertus, quas ibi Mahometis miraculo ortas nostrorum multis suafum est; Sed utcumque ibi natæ fuerint, nobis id sufficiet, omnes ea loca quotannis peragrantes, innumeras ibi vivere comperisse; idque à quamplurimis hujusce urbis incolis, qui olim, & proximo etiam elapso anno ea loca peragrarunt, audire, atque verum esse scire poteris. Multis quoque rationibus hæc veritas tibi à me persuaderi posset, sed si hujus viridarii Balsamis olim multis refertissimi terram aliquandò olfeceris, Balsami etiam nunc suavissimum odorem redolere senties, bisque, vel ter tantum, Sol suum peragravit orbem, postquam hæ plantæ custodum negligentia periire. At quid taces Abdachim, quem millies hic te illas inspexisse certo scio? vel cur me Italo Medico incredulo veritatem hanc suadentem minimè adjuvas? ABDACH. Quid? An hunc nostrum sodalem medicum, multos annos hic moratum, plantarumque omnium studiosum, hanc veritatem ignorasse dubitas? Ego certè Balsami plantas innumeras diversis temporibus ex Arabia advectas, hicque infinitas vixisse, certo scio, quas multi etiam alii Cayri incolæ inspexerunt. ALPIN. Nefas esse, ac inurbanum putarim, tantorum medicorum testimonio non moveri, qui præter herbarum peritiam, in qua illustres apud plerosque Ægyptios habiti sunt, una cum Balsamo in eadem terra nati, vixerunt. Sed ut ingenuè fatear, quamquam ego cum viris in medicina clarissimis planè sentiam, hujusque rei veritatem omninò cognoscam, tamen hæc veritas non adeò usquequaque mihi satisfacit, ut possim aliis permultis Italiæ, aliorumque Europæ locorum medicis, atque Pharmacopolis incre-

incredulis hoc, ut cuperem, persuadere, qui absolute affirmant, Balsami plantam nullibi hoc tempore reperiri, eamque plane periisse, ex quo succum, fructus, & virgas hinc in Italiam asportatas falsas etiam esse statuunt. Atque priscis sæculis, cum Balsamum tantum in Ægypto & Judæa vixisse, Dioscorides ac alii prodiderint, quibus in locis nunc eam plantam cum amplius vivere nemo referat, plane omnibus in locis periisse colligunt. Quam sententiam ipsi pervicacissime defendunt, neque omnino carere videntur argumentis, quibus proprium errorem tueantur. ABDEL. Quomodo quæso istud esse potest? tantosne medicos, doctissimosque herbarum professores ita obcæcatos esse, qui non viderint, neque cognoverint, Balsami plantas neutiquam in suo nativo solo periisse? Quod autem Ægyptium, ac Judaicum falso Dioscorides, atque alii crediderint, ex me paulo post cognosces. Neque optimi illi sunt Philosophi, qui ita facile vegetabilium species, quæ juxta Philosophorum placita perpetuæ existunt, tolli omnino posse, putent: Coelo etenim nullis causis ad generationem facientibus nunc destituto, terraque ac cæteris aliis elementis eodem modo nunc, ut olim, se habentibus, cur terram easdem nunc ferre plantas, ut olim faciebat, non posse dicemus? Grave tibi non sit, quæso, illos, qui Balsamum periisse affirmant, mihi referre, & quibus etiam rationibus in tam falsam opinionem venerint, explicare. ALPIN. Parum interesse arbitror, te hosce homines nominatim cognoscere, sed ipsorum potius rationes audire, quibus negant hoc tempore Balsami arbores, atque ipsarum succum, fructus, & virgas apud nos inveniri; id verò incæptæ disputationi sat erit. Horum siquidem non pauci existunt, qui non modo ad nos in Italiam prædicta vera comportari negent, sed arbores quoque, è quibus illa colliguntur, prorsus periisse prædicent. Quam sententiam valde auxere Amatus Lusitanus Medicus in aliis non spernendus, & Nicolaus Monardus Hispanus, qui Syriacum atque Ægyptiacum Balsamum periisse affirmantes, aliud genus Balsami in Occidentalibus Indiis nasci, prodiderunt: Balsamumque à Dioscoride, Theophrasto, Plinio, ac a multis aliis herbarum antiquis scriptoribus celebra-

bratum, ac descriptum, eò affirmant periisse, quod prædictorum antiquorum Scriptorum testimonio constet, olim duobus tantum Judææ viridariis concessum fuisse, ut inter cæteros Plin. & Theoph. testantur, postea verò quàm Judæa à Ptolomæo primo Rege Ægypti, ac à Vespasiano devastata est, Balsamum in vallem Hiericum appellatam transplantatum fuisse, ibique vixisse Justino, Strabone, Solinoque, Polysthore id affirmantibus, statuunt. Et ab Artaxerse Persarum rege primo, ac mox à Romanis Adriano Cæsare rursum tota ea regione bello everfa, prorsus Balsami plantam periisse. Tandemque in Ægypto paucas hoc in viridario adfervatas vixisse. Quo in loco non tantum præscis sæculis Balsamum vixit, sed multo etiã postea, quasi ad hæc usque tempora plantam hanc hic conservatam fuisse asserunt. Nunc verò, à multis, qui hoc tempore Ægyptum peragrarunt, hic quoque demùm eam aruisse, confirmatur. Qua hic extincta, cum Dioscorides, alique in Judæa tantum, & Ægypto Balsamum vixisse prodiderint, cui dubium erit, nusquam gentium eam amplius inveniri posse? Ex quo succum, fructus, virgas, pro vero Opobalsamo, Carpobalsamo, & Xylobalsamo, ab Ægypto, vel Syria in Italiam asportata, vera esse quo pacto affirmabimus. Meritò igitur hæc omnia falsa nos affirmasse videmur. Hincque tanta incredulitas, ac pertinacia invasit eorum animos, ut potius in erroribus perseverare, veraque sibi ipsis oblata rejicere, quàm opinionem mutare velint. ABDEL. Vix me continere potui, quin susceptum tuum sermonem interromperem, usque adeò animum adversus illos concitasti meum, nullis rationibus, sed meris nugis Balsami omnes plantas periisse, Opobalsamumque etiam, Carpobalsamum, & Xylobalsamum apud nos inventum falsum esse asserentes, ut tanta illorum impudentia excitus, quasi quid loquar nesciam ac ne differam illis respondere, dico, ac edico tibi, Balsami frutices neque etiam in Ægypto planè periisse, dici posse, quando sæpè jussu præfecti Cayri, quem Bassa appellant, plantæ multæ ex felici Arabia delatæ in isto viridario inferantur. Et nunc vix tertius agitur annus, cum Messinoris per id temporis Ægypti præfecti jussu,

qua-

quadraginta è Mecha advectæ, hic insertæ fuerunt, quæ tamen cum per annum vixerint, rursus custodum negligentia perire; quæ facillè etiam denuò renovari possunt. In Arabiæ verò multis locis innumeræ propemodum magno cum illiusce gentis lucro, aluntur: neque satis diù est, quod apud Arabes utilitas, & lucrum hoc cognoscitur; etenim Opobalsami quantitas multa in Orientis loca comportatur, quibus in locis cum succum in summo pretio esse, multi ex Arabibus, nunc Cayrum habitantibus, narrant. Cujus succi lucro ab iis cognito omnes certatim multos Balsami frutices ex arenosis, montuosisque locis in morbida viridaria transferre conantur. Quamobrem ibi innumera pulcherrima balsameta cernuntur. Lege tamen iis populis interdictum est, ne præter fiscum quis eam plantam ferere queat; neque succum, vel flores, vel ramulos, vel fructus sine publico mandato quis capiat. Idemque ibi de Balsami arboribus, atque hic de cassiis solutivis accidit. Solet etenim hic alicui cassiarum negotium locari, & ideò non licet quemquam cassiam ex arbore capere, vendere, emere, aut emptam aliquo deferre. Quod itidem de Balsamo in Arabiæ locis observari, ex Arabum relatione planè constat. At quid illi Ægyptiarum ac Arabicarum plantarum ignari herbarii dicent, duobus ne tantum locis, quippè Ægypto ac Syriæ Balsamum olim (Dioscoride, Theophrasto, Plinio, Justinoque id docentibus) concessum fuisse? quasi aliorum antiquorum scriptorum testimonio non constet, in pluribus aliis etiam locis olim hujusmodi plantam vixisse: nonne Diodorus Siculus 2. historiarum libro, in quadam Valle Arabiæ Balsamum nasci, & non alibi memoriæ prodidit? Constantinus verò in lib. de gradib. ait, nasci in India; & Joseph. etiam in lib. 8. de antiq. Judaicis, Sabam Reginam Balsami plantam ex Arabia in Judæam tulisse, Salomonique eam dono dedisse, ex qua ibi aliæ postea plantæ propagatæ fuere: & Strabo in lib. suæ Geograph. 16. hæc scripsit: His proxima est felicissima Sabeorum terra, quæ maxima natio est. Apud hos Thus, & Myrrha, & Cinnamonum nascitur, in ora etiam Balsamum, & alia quædam herbula valde odorata: Necnon & Pausanias idem in

lib. 9. his verbis confirmavit, dicens: De viperis vero iis, quæ in Arabia inter Balsami arbores versantur, diversum quidem accepi. Id hujusmodi est. Sunt Balsami arbores eæ, quæ mirthi stirpis magnitudine. Folia illis, qualia herbæ amaraco. Theophrastus verò in Asia etiam nasci prodidit. Incolæ quoque Basiliani montis Libani, olim Alexi Græcis imperante, in quodam loco illius montis Solis ortui exposito Balsami plantas non paucas, è quibus tantum Opobalsami suscipiebatur, quantum in Ægypto hic colligi consuetum fuerat, diù vixisse narrant. Ex quibus certe sciri potest, olim non solum Ægyptum ac Judæam, sed etiam felicem Arabiam, & alia loca Balsamum aluisse atque habuisse. Quæ veritas etiam ex ipsomet Dioscoride confirmari videtur, scribente, Carpo-balsamum, id est Balsami fructus suo tempore adulterari seminibus hyperici similibus, ex Petra oppido delatis. ex quo certo colligitur Balsami plantam alibi quàm in Ægypto vivere, atque semina producere. Præterea verum quoque hoc esse ex me audies, non in Ægyptum ex Judæa, ut aliqui somniarunt, ipsum venisse, sed ex Felici Arabia semper fuisse delatum: Ægyptiumque solum veluti neque Judaicum, nunquam proprium, ac nativum ei fuisse, in his locis Balsamum perpetuò peregrinam plantam extitisse haud leve inditium est, eam ubique viridaria tantum aluisse, in ipsisque tantum vixisse, ut Theophrastus, Plinius, Strabo, ac Solinus meminerunt. Plinius enim hoc hisce verbis significavit, dicens: Sed omnibus odoribus præfertur Balsamum uni terræ Judææ concessum quondam duobus tantum in hortis, utroque regio, altero jugerum viginti non amplius, altero pauciorum. Theophrastus verò hæc dixit: Balsamum in Valle Syriæ provenit. Ejus arbusta duo tantum affirmant, alterum viginti jugerum, alterum multo minus: & Strabo de Balsamo vallis Hierici, hæc etiam memoriæ tradidit: Ubi & regia est, & Balsami viridarium, quæ arbor aromatica est, & fruticosa, Cytiso & Terebintho persimilis. Quid? nonne omnes observant plantas peregrinas in viridariis tantum ali, ac custodiri, quædam verò ex patriis tametsi etiam in viridariis aliquando servantur, nihilominus multa alia loca inculta,

Sylvestriaque iisdem spontè natis non carere observantur? At peregrinæ in viridariis tantum magno studio, ac diligentia aluntur & conservantur; quod in incultis, sylvestribusque locis sponte nasci, neutiquam conspici solent. Hic verò Balsami plantam perpetuò advenam, vel peregrinam fuisse, & perpetuò ex Felicis Arabiæ locis advectam, plures unà nobiscum Cayrum nunc habitantes certa fide confirmare poterunt, qui omnes, plantas Balsami, quas hætenus hoc habuit viridarium, exinde comportatas fuisse variis temporibus observarunt. Multoque labore, ac custodum diligentia vixisse, facileque ex levissima etiam causa aruisse, quibus arefactis aliàs rursus ab illis locis extractas, hic insertas renovatasque; & hoc modo alternatis vicibus Balsamum in hoc viridario hætenus conservatum fuisse. Nemo plantas tanto labore ac diligentia in viridariis adservatas patrias dicet, quando patriæ ubique spontè nascantur, crescant, ac nullo labore in propriis locis vivant. Ex quibus nos planè certi esse debemus, Balsamum nunquam Ægyptiis ac Syris patrium fuisse, cum in viridariis ibi multa diligentia, ac cura semper fuerit custoditum: quod tamen de Arabia Felici, cum Balsamum ibi perpetuò vivat, minimè videtur dicendum, nullibi etenim nunc; quòd sciam, hujusmodi planta, nisi Felici tantum Arabiæ concessa, reperitur. Quam regionem Diodori Siculi, Strabonis, Pausaniæque testimonio, ut nuper dictum est, constat Balsami olim feracem fuisse, quæ eodem modo etiam nunc innumeras ejus plantas spontè natas alit. Quam Balsami fertilitatem omnes Ægyptii, atque aliarum nationum homines annis singulis Mecham Felicis Arabiæ urbem adeuntes, veram planè esse confirmant. Copiamque ibi Opobalsami insignem annis singulis colligi, fructuumque non minus, & virgarum (cum Balsami frutices sæpe quotannis putent) quæ ad varias orbis partes vendenda ab his demandatur. AB-DACH. At istæc vera esse concedentes, dicent, quam pro Balsamo tu, atque nostri Felicem Arabiam nunc alere inquirunt, non esse Balsamum, sed aliam plantam. ALPIN. Notæ hujus plantæ ab antiquis Scriptoribus descriptæ ac memoriæ traditæ, istud recte docere poterunt. Nam omnes

convenisse videntur, (ut ex te spero me magis distinctè cogniturum) Balsami plantam fruticem esse, non admodum magnum, foliis rutæ proximis, perpetuò virentibus, atque ex stipitis cortice scarificato liquorem in primis album oleo similem, eximio, acutoque odore præditum, manare. ABDACH. Millies tecum Abdella fruticem hunc ex Alpino descriptum me inspexisse in hoc viridario scio. Verum qui hujusce plantæ notas quærit, quibus nam hominibus magis credere debet, Italis ne, an nobis Ægyptiis, qui unà cum Balsamo in hac civitate hæctenus viximus, eamque arborem sæpius in hoc viridario inspeximus? Nemo certe ita fauus erit, qui hac de re vobis, quàm nobis libentius credere, ac fidere maluerit. Hanc verò plantam pro vera arbore, quæ ab antiquis Balsamus appellata est, & in posterum memoriæ prodita, nostri omnes Arabes hucusque constantissimè habuerunt, Aliamque pro Balsamo ab aliis monstratam nemo nostrum uspiam offendit, vel vidit, vel aliquem vidisse unquam audivit. His addo nomen hujusce plantæ, quod est Balesian à nostris ei fuisse impositum, à quo & Græci β littera carentes, in u, mutata, βαλσαμόν dixere, atque ab ipsis Latini Balsamum. Cur igitur Italis magis quàm nostratibus de hac planta credendum erit quando à nostris & Itali, & Græci, vel nomen ipsius plantæ acceptum, didicerint. Quapropter Balsami cognitionem à Dioscoride, Theophrasto, atque ab aliis antiquis scriptoribus minimè petendam judico, sed ab Ægyptiis & Arabibus, qui loca, in quibus Balsami plantæ omnium consensu olim vixerunt, habitarunt. Si Ægyptii Arabes, Syri, atque alii omnes Arabica lingua utentes medici citra ullam difficultatem talem fruticem nunc in Felicis Arabiæ locis cultis, atque incultis, domesticis, atque sylvestribus nascentem, tanquam verum Balsamum recipiunt, eodemque tùm succo, tùm fructibus, tùm virgis, pro vero Opobalsamo, Carpobalsamo, & Xylobalsamo, nemine ipsorum hæsitante, ad componenda medicamenta, utuntur: Cur Itali etiam, atque alii aliarum nationum medici ab illis, qui magis quàm nostri sunt in ea cognitione, eoque usu, exercitati, ac docti, idem facere recusant? Certè indignum facinus est, vos hanc veritatem

tem non fateri, sed potius, quo minus à multis ea dignoscatur, operam dare. ALPIN. Hæc doctissimè à vobis prodita fuisse arbitror, veruntamen quoniam cum medicis, Pharmacopolisque incredulis disputatio agitur, quæso si quid aliud apud vos utique sit, quod hanc veritatem ad huc etiam illustrare possit, ne vos me istud quoque docere pigeat, ut postea quam ego in patriam, Deo concedente, rediero, facilius id incredulis illis hominibus possim suadere. ABDEL. Cum anno à Beatissimæ Virginis partu M. D. LXXV. Petro Michaele viro Clarissimo, pro Serenissima Veneta Republica consulatum hic agente, Eunuchus Messir dictus, Ægypti Præfectus, Cayri civitatis hujus quæpiam loca inviseret, huncque præsertim locum el Mattharia nuncupatum devotionis gratia (quando hanc in proximam domunculam olim Beatissimam Virginem cum puero filio Herodis iram fugiendo se recepisse, multosque annos in ea mansisse omnes Ægyptii opinentur, atque ob id hunc locum in summa habeant veneratione) singulis hebdomadis die Veneris, sacrum, venerandumque hunc locum visitans, viridarium hoc proximè positum aliquando animi gratia ingressus, vidit omnes Balsami plantas custodum negligentia aruisse; qua re commotus, ut è Mecha quadraginta plantæ afferrentur curavit, eamque operam cuidam militum, ac peregrinorum duci, Mecham singulis annis devotionis gratia proficiscentium, Haly Bei nomine locavit; qui mihi admodum domesticus; atque familiaris fuerat, eumque sæpè ex renum calculo pessimè ægrotantem inviseram, ac curaveram; plantasque illas quadraginta præcis ramis detulit, quæ in consueto hujus viridarii loco insertæ fuerunt, dumque sererentur, ego unà cum Paulo Mariano eo tempore pro Gallorum Rege Consule medicinæ quoque causa mihi familiari, atque cum multis etiam Cayrinis medicis in re plantaria valdè exercitatis interfui. Ex ipso autem Haly Bei Cayrum reverso veri Opobalsami binas uncias dono habui, atque ab alio, qui post hunc illud iter confecerat uncias tres. Horrem Bei alius Caravanæ peregrinorum dux meus amicissimus, cujus in domo sæpè tum ipsius, tum aliorum causa medicinam feceram, peregre anno M. D. LXXX.

Mecham profectus, atque sic à me rogatus, attulit multa femina, & ramulos eximium odorem spirantes, atque multum Opobalsami à Seriph Mechæ partim acceptum, cujus modicam portionem dono dedit Francisco Priolo, tunc temporis Cayro pro Veneta Natione Consule Clarissimo, & partim ab iis, quibus Balsami negotium locatum est, emptum. Postmodum Scander quidam & ipse dux militum, Medinam Felicis Arabiæ urbem pro prætore à Bassa missus, mihi non minus quàm alii, medicinæ causa familiaris, atque etiam quia ex Insula Zacintho à Segurorum familia ortum duxerat, Balsami recentes ramos, fructus, ac succum misit, ac per literas sua manu scriptas, significavit propriis manibus ibi ea collegisse, quæ omnia apud me adhuc asservantur. Omnes prædicti nobiles Turcæ uno ore affirmant, propè Mecham & Medinam, in montibus, planis, cultis, atque incultis locis innumeras Balsami plantas sponte natas spectari, plurimasque etiam in arenosis, sterilibusque locis, quæ tamen vel nihil, vel minimum succi producebant. Multa tamen semina ferunt, quorum multa copia ad nos quoque vendenda mittitur. Quales sunt in monte arenoso apud Bedruniam Villam posito. Nihil hæc, atque aliæ in arenosis, sterilibusque locis viventes Opobalsami ferunt, ideo incolæ eas excerpunt, atque pingui in solo inferunt, foecundissimasque reddere student. Addunt, apud omnes Arabes veterum memoriis constare, passim in pluribus Felicis Arabiæ locis innumeras sponte nascentes, atque crescentes Balsami plantas perpetuò vixisse, nunquamque illa loca iis caruisse. Non multum temporis tamen esse, ex quo plurimi eas colere lucri causa cæperunt, cum scilicet Opobalsami facultas ac vires ad quam plurimas Orientis regiones concesserint. Narrant adhuc iidem omnes Arabes, uti Balsami succo, fructibus, ac virgis ad componenda ipsorum omnia medicamenta, atque ad alios medicinæ usus, quæ eadem planè existunt, quibus Ægyptii Syri ad usum nunc recipiunt, quæque à vobis varia in Europæ loca hinc advecta, negliguntur, atque rejiciuntur, falsaque eorum multi (te auctore) pertinaciter, ac inutiliter esse disputant. ALPIN. Ex his, quæ te vera dixisse arbitror, me non pa-

rum

rum pudet, quod cum illis tot annos in tanto errore perman-
ferim. quem ex te nunc probè cognovisse fateor. Cupio igitur
plantam hanc suis notis à te quoque describi, in quam
attollatur magnitudinem, qualibusque floribus, & fructibus
observata à vobis sit, quo pactoque etiam ab ea planta Opo-
balsamum distillet, sponte ne, an, ut multi dixere, arte po-
tius elicatum. ABDACH. Hic nullas, quas ego viderim
erescere, flores, vel semina tulisse unquam spectare potui,
etsi succus interim paucus à cortice stipitis scarrificato aliquan-
do destillaverit. Verum hac de re Abdellam audiamus, qui
hæc exploratiùs, & reliqua docebit. Interimque dum loqui-
mur, mandes velim mancipio tuo, ut nobis hic è domo hu-
jusce plantæ iconem, quæ apud te est, deferat, ut Alpinus
noster veram Balsami Iconem videat. ABDELL. Recte
mones, libenterque faciam. ALPIN. Ego vero utrique ve-
strum multas hac de causa gratias referam. Mihique istuc
acceptissimum semper erit.

C A P. III.

*Plantà, quæ ab antiquis Arabiæ medicis Balesan,
à Græcis βαλσαμον, & à Latinis Balsamum
vocabatur, fructuum, succi-
que descriptio.*

A B D E L L A.

Balsamum arbusculum est, quod crescit ad altitudinem
Hanne; vel ligustri, vel cytisi, folia paucissima gerens
rutæ proxima, non tamen iis candidiora, ut Dioscorides do-
cuerat, sed potiùs colore viridi subalbido, perpetuòque vi-
rentia. Ejus lignum gummosum leneque apparet, colore ex-
terius subrubro, cujus ramuli eodem colore conspicui sunt
longi, recti, graciles, paucis foliis inordinatim referti, folia-
que simul terna, aut quina, aut septena alæ adnata, aliquo
pacto

pacto etiam lenthisci foliorum æmula. sunt ramuli odorati
 gummosi, digitisque contrectati eis tenaciter adhærentes. Flo-
 res fert parvos, albos, Acaciæ, proximos, ternos singulis alis
 appensos, quasi in umbellæ forma, summè odoratos, à qui-
 bus semina promanant, flava, folliculis nigris subrubescenti-
 bus contenta, valdè odorata, intusque humorem flavum mel-
 li per similem habentia, sapore subamaro, parumque acri lin-
 guam ferientia, Opobalsamumque redolentia, Terebinthi fru-
 ctuum figuræ, & magnitudinis æmula, extrema aculeata, &
 medium crassum obtinentia. Cui descriptioni maximè qua-
 drare videtur illa, quæ fuit à Constantino Africano tradita,
 quæ his verbis apud ipsum in libro de grad. legitur. „Bal-
 „samus est arbor in India crescens, saliens super terram men-
 „sura unius brachii, vel parum plus. Cujus rami rubeo vi-
 „ridique colore perfusi quasi rami thitymali tenues sunt, &
 „colorem viridem habentes faciuntque in capite quasi gem-
 „mas, parvaque grana in modum piperis producentis. Ex
 fissuris ramorum hujus arboris, egreditur quidam liquor in
 canicularibus diebus, sicut lac ex Titymalo. Opobalsamum
 mensibus, Junio, Julio, Augusto, partim spontè, & partim
 stipite ferro scarrificato, destillat, in vitreaque vascula recipi-
 tur; quod statim eductum, ut audio, colore est albo, qui
 paulò post in viridem, tertio in aureum, & demùm in mel-
 leum mutatur. Ejus succi etiam substantia in primis, turbi-
 da crassaque, ut oleum statim ab olivis expressum cernitur,
 postea tenuissima atque clarissima, demùm terebinthi modo
 crassescit, odore eximio in primis atque acutissimo terebin-
 thum redolens, cum suaviori odoris fragrantia observatur, sa-
 poreque amaro, acri, & adstringenti. Levissimum est in
 primis diebus, atque usque adeò validi, & acuti odoris, ut
 aliquibus inter odorandum, sanguis è naribus eruperit, & præ
 multa ejus levitate in aquam stillatam non desidet, sed ex al-
 to in ea projectum parumper in ipsa mergitur, fereque conti-
 nuò assurgens, supra totam aquæ superficiem totum expandi-
 tur, eique miscetur, & citissime ita in ea dissolvitur, ut ab
 aqua maxima cum difficultate separatum secernatur. in qua
 paulò post concrevit, atque coagulatur, coagulatumque stilo

totum ab aqua eximitur, quod tunc colore lactescit, sive album quale lac visitur. Quanto hic succus annosior, eò fit inodoriator, atque ad motum segnior. In primis itaque statim albo colore conspicitur, qui color paucissimis diebus in viridem, ut nuper etiam dixi, mutatur, oleique crassitie cernitur, qui postea longo temporis intervallo depuratur, nonnullisque annis tenuissimus evadit, atque clarissimus, ex viridique colore in aureum splendidissimum transit. Senior vero confectus, crassius qualis terebinthina fit, qui si in aqua, vel lacte stilletur, statim confidet, multaque cum difficultate, & non nisi longo tempore denuò supra aquam fertur, tardissimeque in ea dissolvitur. Quare non secus quam in animalibus omnibus quatuor constituuntur ætates, quæ in ipsis maximam differentiam faciunt, & Balsami succo, quod Opobalsamum dicitur, proculdubio à nostris quatuor tempora tribuuntur. Quandoquidem ille succus ab arboris stipite continuo elicitus usque ac quintum circiter annum acutissimi, validissimique odoris percipitur, levissimusque usque adeò observatur, ut in aquam stillatus, nihil, vel parum confidat, facillimeque diluatur, quod ejus calor in annis infantiae plurimus existens, ei acutiem atque vehementiam præstet. Crassiori quoque substantia tunc cernitur, & turbida, quod cum multus in eo exuberet crudus humor, eo ob calorem in ipso agentem valdè agitato, instar urinæ turbidæ, quæ in pestilentibus febribus fieri solent apparet, & quemadmodum puerorum corpora multa humiditate, atque multo calore prædita crassa, ac ferè tumentia videntur, ita Opobalsamum in pueritiae annis constitutum à multa humiditate excrementitia, cum validissimo calore in ipsa agente, crassum, ac turbidum apparet, quod in grandiori ætate ab ea purgatur, tenuissimumque fit, & aureo colore clarissimo spectatur; in quo statu, consistentiæ ipsius ætate continuante, conservatur, posteaque calore ejus nativo aliquatenus resolutò, ac imminuto, senescens crassum instar terebinthinæ evadit, solitoque tum odore eximio tum levitate deficit. Proinde neque supra aquam enatat, neque multum, & suaviter olet. Hæcque de Balsami planta, fructibus, lignis, succo tibi dicta sufficiant. ALPIN.

Quæso ne te pigeat, ad nonnulla adhuc, quæ à nostris, Balsami descriptioni repugnantia proferuntur, respondere, ac satisfacere, quando ea non parum hujusce plantæ cognitam veritatem obscurare, ancipitesque nos reddere videantur. Antiqui etenim omnes Balsami scriptores inter se in illiusce plantæ, succi, fructuum, virgarumque descriptione discrepare videntur, ex quibus non videtur, tutum satis esse illorum cognitionem perquiri debere. Qui fuere in causa, ut nostri ipsorum traditionibus imbuti, verum sibi oblatum Opobalsamum, fructus, virgas, veras esse non crediderint. ABDEL. Summum semper errorem esse putavi, homines plantæ hujus, succi, fructuum, virgarumque cognitionem à Dioscoride, Theophrasto, vel aliis antiquis scriptoribus velle exposcere, quando ista inter eos in scribendo fructice, succo, fructibus, & virgis, diversitas certissimum ignorantix argumentum nobis fuerit. Ego sum hujus sententiæ, neminem illorum fortassè accurate arborem hanc vidisse, ex audituque omnia de eis ab ipsis litteris prodita fuisse. Olim enim non erat ita facile hominibus loca, in quibus Balsamum nascebatur, ex longioribus difficilioribusque navigationibus, quibus eo tempore antiqui utebantur, adire, proinde multa Dioscorides, Theophrastus, atque alii multi ex hominum potius relatione, quam ex inspectione de Balsamo scripsere. Hincque mirum non est, si in pluribus nostri ipsorum sententiæ inhærentes decepti sint, quando & ipsos à falsis aliorum relationibus deceptos fuisse putandum est. An non Dioscoridem, Theophrastum, atque alios affirmantes Balsami plantæ Ægyptum, vel Judæam patriam fuisse, cum dixerint eam solum in Ægypto & valle Judæa vivere, maxime errasse superius demonstratum est, cum illam plantam ex Ægyptiorum relatione perpetuò ex Arabia felici in Ægyptum venisse certissimè constet? Ex quibus mirum quoque non esset, in aliis eosdem deceptos fuisse, præsertimque in succi, fructuumque cognitione. Hincque his herbarum scriptoribus omnes medicos Pharmacopolasque planè fidentes, errasse mirari non debemus, quando non ab illis, ut etiam dixi, sed ab Ægyptiis, & Arabibus, qui tum primi Balsamum

mum cognoverunt, atque observarunt, tùm etiam cùm hujusmodi planta in eodem solo nati sint, atque eadem loca, in quibus vivit, & vixit Balsamum, habitarunt, istorum cognitio esset petenda. Sed quæ ea existunt, quæ nobis repugnent, fac ut ex te jam audiamus. ALPIN. Quæ de Balsami arbore à multis olim litteris tradita fuere, nunc in medium afferam; Reliqua verò de succo, fructibus, virgis, ad usum medicinæ memoriæ proditis, posterius à me recensenda arbitror. Multa igitur, variaque de hujusce stirpis magnitudine, figura, situ, foliisque à multis prodita sunt, quæ non parum veritatem obscurant, hominesque ancipites, ac rem hanc totam incertam efficiunt. Aliqui siquidem plantæ istius magnitudinem Lycii, Pyracanthæ, vel Cytisi, vel terebinthi magnitudini compararunt, ut Dioscorides, Straboque dixere. Theophrastus vero dixit ea magnitudine Balsamum spectari, qua magna mali punici arbor observatur. Justinus similem piceis arboribus affirmavit, & Pausanias myrtho; Plinius, Solinus, atque Africæ descriptionis auctor, viti, hanc plantam compararunt. De ejus foliis non minor est apud illos diversitas, deque arboris figura. Quando Dioscorides, Theophrastus, Plinius, Avicennas, Simeon Sethus Balsami folia rutæ, proxima esse statuerint, & Pausanias amaraco, Justinus piceis, Solinusque & auctor Africæ vitium foliis. De forma etiam vel figura arboris, alii arbustum, alii fruticem faciunt. Plinius enim de eo dixit: In totum alia est natura, quam nostri, externique prodiderunt, quippè viti similior est, quam myrtho, quod etiam Solinum dixisse ab illiusce verbis constat, quæ hæc existunt: Similes vitibus stirpes habent: ac Justinus; Siquidem palmeto & Opobalsamo distinguitur, arborem Opobalsami formam similem piceis arboribus habent: & Strabo: Quæ arbor est fruticosa Cytiso & Terebintho persimilis. Nonnulli etiam affirmant, plantam hanc ali aqua, illaque tantum, quæ in proxima fonte illiusce proximæ domunculæ scaturire cernitur, ajuntque miraculo id fieri; quando ipsa sit pluribus virtutibus prædita, quòd Virgo Beatissima olim ibi multos annos morata, ea aqua, tùm ad potum, tùm ad cibum, tùm ad mundandos

panniculos Jesu Christi pueruli usa fuerit: ex quo tanta in-
 veneratione omnes viri mulieresque Ægyptiæ, Arabes etiam
 Mahometis affeclæ eam habuerunt, ut ipsa ad multorum
 etiam morborum curationem confidenter utantur. Multique
 ex longinquis, remotissimisque locis huc veniunt, ut ex hu-
 jusmodi aqua accipiant: quare nonnulli Balsamum hujus aquæ
 beneficio hæcenus hic vixisse ajunt. Hæcque sunt, quæ de
 arbore isti dicunt. ABDEL. De Balsami fruticis altitudine,
 figura, ac foliis, ea quæ ex te nunc proposita sunt nihil ve-
 ritatem hanc obscurare possunt. Namque Dioscorides, at-
 que alii, qui hanc plantam magnitudine similem esse lycio,
 Cytiso, Terebintho, & Pyracanthæ, affirmarunt, minimè
 errarunt, cum hæc omnia arbuta magnitudine non multum
 inter se differant, eisque planta Balsami major non sit, sed
 hic nullæ cernuntur arbores Balsami, quæ ita magnæ spe-
 ctentur, siquidem grandiores, quas hic aliàs viderim, non
 assurgunt ad majorem trium cubitorum altitudinem. Audio
 tamen in Arabiæ solo eas plantas ad prædictorum arbusculo-
 rum altitudinem, & majorem etiam excrescere. In Ægypto,
 & Arabia mali punici arbores parvæ existunt, ita, ut inter
 arbusculorum fruticumque numero ibi connumerentur, ne-
 que ad tantam assurgunt altitudinem, quales in Italiæ locis
 observantur, Quare neque Theophrastus reprehendendus
 erit, quòd scripserit, esse magnæ punicæ arbori Balsamum
 simile, quando hæ nostræ Italicis longè sint humiliores. Ju-
 stinum verò, quod piceæ arbori plantam Balsami similem as-
 serat, deceptum omninò fuisse, credendum est. Ex ipsius-
 que verbis error apparet conspicuus; nam piceis arboribus
 Balsamum similem esse dicens, subdit, & in vinearum more
 excoluntur: quis tamen uspiam vidit piceam arborem viti
 similem, & in vinearum more excoli? Inter quas quanta sit
 differentia, non est, quod nunc demonstretur. Fuisse verò
 Balsami plantam ramulis fruticosis, ac sarmentosis viti simi-
 lem dubium quidem non est, ut neque etiam, quemadmo-
 dum vites, annis singulis putari, quod sit admodum frutico-
 sa, & sarmentosa. Non tamen quod ad folia attinet, viti ea
 planta est similis, cum foliis referta sit rutæ aliquatenus pro-
 ximis,

ximis, præsertim verò extrema tria foliola, quæ in singulis virgæ Balsami alis cernuntur, quando ipsa simillima sint tribus iis foliolis in extremo virgæ alæ rutæ positis; colore excepto: Neque absurdum est, Pausaniam dixisse Balsamum folia habere amaraci æmula, quoniam suspicor ego ipsum plantam Balsami non adultam, sed tantum recenter ex ejus feminibus natam inspexisse, quæ folio magnitudine, ac figura amaraci foliis omninò sunt similia, excepta earum crassitie, ac colore, quibus ea folia invicem differunt, nam in amaraco sunt graciliora, & albidiora. Balsamum, quod ex feminibus nascitur, bina folia in primis habet, bifoliis nascentis vitis maximà similia, & quæ post hæc, quæ sunt tria, quatuor, vel quinque, produntur, amaraci foliis sunt proxima; Quæ verò tertio nascuntur singula trina existunt, rutæque proxima cernuntur. Repeto, prima nascentia folia bina sunt, secundo nata, his multum diversa produntur, inordinatimque in virga. Tertio producta trina cuilibet alæ appensa, cernuntur, quæ rutæ sunt proxima, tribus inquam foliolis in extremo alæ virgæ rutæ conspicuis. Quarto, quæ nascuntur in virga Balsami, sunt quina, & postea septena. Hæcque sunt Balsami folia, aliter quam Scriptores antiqui descripserint in hoc viridario in fruticibus Balsami sæpissimæ visa, ex quibus atque aliis fortasse Dioscoridem, atque alios multos antiquos Scriptores viventem Balsami plantam non inspexisse, jure suspicamur. Hanc etiam arborem in hoc viridario vixisse certum est, aqua ex hoc proximo fonte, in quo Beatissimam Virginem panniculos Salvatoris nostri pueri olim perpetuo lavisse nostri omnes autumant, irrigatam; tamen in arenosis, squadilisque locis non paucæ reperiuntur, quæ tamen quo ad Opobalsamum steriles existunt. Atque hæc obiter de Balsami planta dicta à nobis sint. Nunc ad Opobalsamum deveniendum. Sed Balsami plantæ ramos, quos mihi domo mancipium detulit, absoluto de ipso sermone spectabimus.

CAP. IV.

Veri Opobalsami cognitio undè sumatur, & qui ex antiquis verè hunc succum litteris prodiderint.

A B D E L L A.

QUid inquires Alpine de Balsami planta? nonne à nobis probè, ut veritas exigebat descripta est, deque ejus foliis, floribus, fructibus, ac virgis, quæ dicta a me sunt, vera tibi esse videntur? ALPIN. Omnia sanè rectissimè, ac verissime es profecutus, sed supersunt tamen quæpiam de succo quoque, fructibus, ac virgis dicenda, cum antiqui Scriptores, qui de Balsamo scripsere, simul in horum descriptione inter se nihil ferè convenisse visi sint: quorum diversitas, ut de arbore etiam nuper dictum est, fuit causa, ut multi negarint, quæ pro Opobalsamo, Carpobalsamo, & Xylobalsamo monstrantur, vera utique esse, nullumque ob id ipsos credere, syncerum ac legitimum Opobalsamum ad nos asportari: de quo primo sermonem à nobis haberi cupio, mox de ceteris. De Opobalsamo igitur multi hujus sunt opinionis, ut arbitrentur, syncerum ad nos non advehi, neque injuria, quando ex te descriptum Opobalsamum, à nobisque sæpiùs inspectum, diversum sanè videatur ab eo, quod omnes prisce rei herbariæ Scriptores memoriæ mandarunt. „ In primis enim album, multi ipsorum, esse prodidere, Strabo siquidem dicebat: ejus corticem scindentes „ succum in vasis suscipiunt tenaci lacti persimilem: & Plinius, „ succus è plaga manat, quem Opobalsamum vocant „ eximiae suavitatis, sed tenui gutta ploratu lanis parva colligitur in cornu, ex his novo fictili conditur, crassiori similis oleo, & in musto candida. Et Simeon Sethus vir in „ Balsami historia aliis non postponendus, dixit: Succusque „ inde manabat omni oleo visu similis, quod ideo Balsami „ oleum

„oleum nominatur, succus hic aggregatus vasculis excipie-
batur, & id quidem, quod supernatabat, album ac tenue
erat, & ideo preciosius: Alii sunt rursus asserentes, hunc
succum non esse tenue, sed crassum, veluti qui dixerunt in
conchis susceptum coagulari: Cum verò Opobalsamum,
quod tu descripsisti, & nos sæpè inspeximus, vel viride, vel
aureum, vel mellis colore observetur, interdumque turbidum,
interdum clarum, ac tenue, aliquandoque ut terebinthina
crassum cernatur, (nemo enim nostrum est, qui cum
succum tot prædictis differentiis evariatum non viderit scilicet
oleosum, viride, aureum, ac melleum, clarum, turbidum,
tenue, crassum,) de ipso varios, & dubios esse mirum
non erit. ABDACH. Facile has ambiguitates noster
Abdella ex animis nostris abiget. Præsertim cum harum
explicatio ex iis pendeat, quæ dudum ipse attulit. Dixit enim
Opobalsamum juxta ejus ætates varias, variari & ipsum, quo
ad colorem, substantiam, perspicuitatem, odorem, & levitatem;
continuoque à stipite instillatum ac exceptum, albo colore
conspici, præsertimque quod supra enatat, veluti minus
quod subsidet, qui color paululo momento in subviridem
oleosum mutatur qui post quinquennium, ut superius
etiam dictum meminimus, aureus fit, ac demum senio
confectus crassescens, mellis colorem, obscuriorem tamen
accipit. Tot etiam mutationes in perspicuitate, substantia,
odore, levitate, ejus varias ætates facere aliàs dictum est,
quando Opobalsamum recenter eductum per quinquennium
turbidum maneat, à quo tempore clarescere incipit, per
decenniumque ferè ipsum clarissimum, ac ut aurum
splendescere observatur, postea fenescens turbidum
rursum evadit. A stipite etiam statim exceptum
tenuissimum est, pauloque post parum crassescit,
atque hinc Strabo dixit, susceptum in conchis
coagulari, peractoque quinquennio, quod tempus
pueritiæ datur, purgatur, sæcemque in fundum
vasis deponit, tenuissimumque fit, & totidem
geminatis peractis annis fenescens crassum,
crassiusque est, quo annosius. Odor non
minus & sapor, in recentissimo validissimus
est, in medio tempore odor fit suavior, thus
ac terebinthum redolens cum
sua-

suaviori tamen odoris fragrantia, sapor est amarus, sub acris,
 atque adstringens. Demum senio omnia hac maxime remissa
 percipiuntur. Hincque Plinium deceptum fuisse arbitror,
 qui putaverit, optimi hujus succi lachrymam fricando perci-
 pi odoratam. Si quidem Opobalsamum senio solummodo
 confectum inodorum fit, ut tunc solum frictione dignosci
 queat. In principio etiam hic succus levissimus est, qui
 quam maxima difficultate in aqua, vel alio liquore instillatus
 confidat, sed continuò in aquæ superficiem feratur, citoque
 cum aqua dissolvitur: annis verò consistentiæ medio se ha-
 bet modo, senescensque, colore ejus imminuto, crassescit,
 quo fit ut subito in aquam projectus confidat, tardissime-
 que sursum in aquæ superficie feratur, difficillimeque ac tar-
 diffime cum ea dissolvatur. Hæcque etsi non ita concinna
 oratione, tamen ad tuarum difficultatum explicationem ac-
 commodata satis esse Abdella noster judicabit. ABDELL.
 Ego verò sic ea vera judico, ut omnes, qui de Opobalsamo
 scribentes, aut loquentes ab his dissenserint, rem prorsus
 ignorent, ex quibus Plinium ex variis coloribus, ac substan-
 tiis in Opobalsamo inspectis, varia ejusce succi differentias
 vel species facientem errasse clarissime patet; dixerit enim il-
 le: „Lachrymæ probatio, ut sit pinguis, tenuis, ac modi-
 „ce ruffa, & in fricando odorata, secundus candidus color
 „pejor viridis, crassusque pessimus niger. Nemo Ægyptio-
 rum, vel Arabum album Opobalsamum nisi ex arbore re-
 centissime stillatum vidit, qui tamen color quam paucissimis
 diebus evanescit, atque, ut dictum est, in olei colorem ver-
 titur, atque ab eo colore in aureum, & denique in melleum
 obscuriorem. Nigrum verò nunquam ab aliquo nostrorum,
 vel Arabum visum est, neque auditum. Nisi fortasse pro-
 duceretur novissime ab Occidentalibus Indiis delatum, à qui-
 busdam pro legitimo Opobalsamo, ut superius quoque memi-
 nimus, receptum. Quod tamen falsum esse planè constat,
 cum ii, qui ejus historiam scripsere, affirmant illum succum
 improprie Opobalsamum vocatum, in Occidentalibus Indiis
 ex procera, ac magna arbore nasci, quæ quidem magnitu-
 dine, figura, ramis, foliis, fructibus à vera Balsami arbore
 lon-

longissime differt. Quod iis qui utramque norunt arborem, non erit difficile suadere. ALPIN. Simeon Sethus confirmare & ipse videtur, optimum Opobalsamum recentissime à stipite destillatum album colorem habere, nec non, & Strabo, qui Opobalsamum lacti similem esse scribit. Sed quamquam hujusce succi albus color pauculis diebus a stillatione evanescit, atque in alium colorem mutetur, nihilominus, quod non paucis valde admirandum videbitur, Opobalsamum oleoso colore inspectum, in aqua vel lacte stillatum, album rursus videri: & idem etiam facere aureum, & mel-leum, perpetuoque verum Opobalsamum cujuscumque coloris sit, in aqua, vel lacte stillatum, ac liquatum album spectabitur. Hincque Dioscorides doctissime dixit: „Quin
„etiam syncerus in aqua, aut lacte celerrime liquatur, co-
„loreque lactescit. Nunquam quisquam Opobalsamum visui non album, album esse judicavit, quod tamen verum esse experientia docebit, si, inquam, quis finet stillatum in aqua, liquari, ac coagulari, ipsum etenim liquatum supra aquam ita album redditur, ut vix ab aqua distinguatur, sed paululo momento in ea coagulatur, eique instar telæ albæ incumbere, & in ea supernatare cernitur, manifestiorque ejus albus color fiet, si coagulatum stilo quopiam ab aqua eximatur, aut extrahatur. Sed hæc illius succi experientia per æstatis tempus est facienda, vel si hyeme, prope ignem, Opobalsamo probe prius calore attenuato. At cur ex albo tam citò in alium colorem mutatur? ABDEL. An quod lactei illiusce coloris substantia mollis, ac tenuissima, quam citò resolvitur ac dissipatur? vel quia nondum ejus calor prævalidus in eum succum agendo ipsum turbavit? Idem in Zebet observatur, etenim statim è testibus extractus lacteo colore inficitur, pauloque ebullire incipiens, virescit, & tandem subnigrescit. ALPIN. Rectè sunt à te hæcenus explicata, & enarrata omnia. Nunc igitur ego idem a te fieri cupio, pro indagandis, ac docendis notis vel signis, quibus verum à non vero, syncerum ab adulterato rectè distinguatur.

C A P. V.

*De notis, quibus verum Opobalsamum à non vero,
syncerum ab adulterato tutò cegnoscitur,
ac discernitur.*

A B D E L L A.

His notis quisque probè ac exactissime verum hunc succum, à non verò, & legitimum ab adulterato dignoscet, neque ab aliquo ita facile decipi poterit, etenim succus is, qui nondum ad senium, inclinare cæperit, colore albo conspicitur (quod rarissimè, & non nisi dum ipsum è stipite stillat, vel recentissimè eductum videre contingit) vel viridis est, oleosus subturbidus, oleoque substantia & colore valdè similis, vel aureus fulgentissimus, tenuissimus, atque clarissimus. Qui sanè omnes has notas habebit, vehementis erit odoris, & quo magis etiam recens est, acutioris, terebinthum cum alio suaviori odore redolentis, gratissimusque olfactui erit. Gustu etiam subamarus, adstringens, & modice mordens percipietur, lævis, diluique facilis, quæ nota, eo instillato in aqua vel lacte dignoscetur, lævis enim exstabit, & vel nihil sub aqua morabitur, vel parum, & quasi continuò supra eam sursum assurgit. In qua citò diluitur, vel liquatur, nil unctuosi retinens, vel oleosi, tenax, sive lentore aliquo præditus est. hisque omnibus notis verum, syncerumque Opobalsamum semper omnibus apparebit. **ALPIN.** Possit ne quis aliquod factitium oleum ita simile Opobalsamo parare, ut eo multos decipiat? **ABDEL.** Sine dubio, cum Gal. suo tempore etiam ipsum usque adeo adulterari dixerit, ut vix adulteratum cognosceretur. Veruntamen quod adulteratur, necesse est, ut aliquo liquore, vel oleo, vel unguento vitietur. Dioscorides dixit, Opobalsamum vitari posse admisto teribinthi, cypri, lentisci, balanique unguento, & susino, metopio, melle, cypriaque cera liquida. Sera-

Serapio his addidit oleum rosaceum, myrtinum, & de alcan-
na, quod cyprum appellant. Plinius ex seminibus veri Bal-
sami, quæ vocant Carpobalsamum, extrahi simile oleum af-
ferit, qua via multi ex ipsis oleum exprimunt, vero Opobal-
samo admodum simile; quod tamen ab eo discernitur ama-
riore sapore, odoreque Opobalsami longè obscuriore. Pro-
dit etiam ipsum adulterari posse oleo rosaceo, cyperino, len-
thiscino, balanino, terebinthino, myrtino, resina, galbano,
& cera cypria, quæ sanè eadem existunt, quorum nuperri-
mè Dioscoridem sub nomine unguentorum meminisse, dictum
est. Sed forsitan melius ipse dixisset, oleis, quàm unguen-
tis adulterari posse, quod ille succus tenuis perinde ac oleum
sit, minimeque crassus, nisi senio fuerit confectus. His igi-
tur Opobalsamum vitari potest, cujus maleficio facile de-
prehenditur, oleoque adulteratum trifariam detegitur, atque
in primis, quod digitis contrectatum, nullo lentore, vel vis-
cositate adhæreat, quando verus Balsami succus lentore, ac
viscositate quapiam non carere à nobis aliàs dictum sit, à
multisque ex antiquis scriptoribus confirmatum, oleo siqui-
dem resinarum omnium tenacitatem abigi omnibus manife-
stum est. In aqua præterea instillatum supra ejus superficiem
orbiculorum formis expandi nemo nostrum ignorat. Quod
syncerum Opobalsamum non facere posterius docebitur. De-
mum in panno oleo infecto macula relinquitur, quæ & dif-
ficile aufertur, & quotidie etiam magis majorem in circulum
expanditur, quod non fit in sincero Opobalsamo. His igi-
tur notis Opobalsamum oleo vitiatum cuique patere poterit.
His etiam comperietur vitium, si unguenta iisdem oleis com-
posita misceantur, sed hoc amplius iis aderit, quod in Opo-
balsamo parvi temporis spatium in fundo vasis unguenta siede-
re necesse est. Cera vero mistum comprehendetur turbido
colore, nunquam clarescente. Melle etiam infectum dulcis
sapor detegit, atque ad ipsum, ut Plinius quoque testatur,
muscas alliciet. Resina adulteratum in carbonem instillatum,
nigriorem flammam edit, substantiaque crassiore quàm in syn-
cero sit, spectabitur. Syncerum vero his notis innotescet,
namque præter ea signa, quæ illum juxta varias ætates præ-

se ferre diximus, hæc etiam addidimus, scilicet præterquam quod sit validi odoris, in aqua etiam stillatam, tametsi parva satis sit gutta, supra totam aquæ superficiem expandi, eamque liquatum totam supernatare, ac obtegere, atque in ipsa etiam citò coagulari, lactisque colorem adipisci; ac non minus ex ipsa coagulatum totum stylo quopiam excipi, ac auferri, quodque fustum in laneam vestem, eam, ut oleum non inficit, quamquam ei adhæreat. Lacque coagulat, etsi non ita, ut coagulum facit, quia lac non perfecte coagulat, quinimo cum ipso coagulatur. ALPIN. Multo plura, quam tu de synceri Opobalsami, ac vitii notis complexus es, apud multos leguntur. „Dioscorides siquidem hæc utique „nobis prodiderat. Succus probatio est, ut si recens, validi „odoris, Syncerus, non ad acorem vergens, dilui facilis, „lævis adstringens, ac modice mordens gustu. Et ubi ea, „à quibus Opobalsamum potest adulterari meminerat, hæc „subjunxit. Namque merus in laneam vestem fustus neque „maculam facit, neque si eluatur notam relinquit. Vitiatum „autem inhæret, & lac instillatus coagulat, quod adultera- „tus non efficit. Quin etiam syncerus in aqua, aut lacte „celerrime liquatur, coloreque lactescit, vitiatum verò olei „modo innatat, se convolvens, aut in stellæ modum diffun- „dens, syncerus senescens crassescit, deteriorque redditur. Hallucinantur, qui aqua concretum pessum ire & ad ima si- dere, arbitrantur, postea dissipatum supernatare. Et Plinius ait, syncerum inhærescere, & in tepida aqua ejus guttam coagulari, & ad ima fidere, lac coagulare, & in vestem maculam non facere. Et Avicennas: lac coagulare, aquæque ipsum misceri, & in ipsa densari, densatumque conservari, atque à gossypio receptum ablui posse. Serapio eadem à Dioscoride jam recitata, de ipso nobis prodidit. Simeon verò Sethus hæc & ipse scripsit: „At verò nonnulli hac ratio- „ne probant, quod ferrum eo inunctum ignique ad motum „incandescat, id quod & oleo caphuræ, aliisque dictis oleis „accidit. Alii quod in aquam datum minimè supernatet, „sed statim fundum petat. vere hoc quidem, sed enim quan- „do hæc dum concurrunt, videlicet ferrum candeat, & in „aqua

„aqua facile subsistat, de eo statim arripe. Est enim legitimum, & non factitium. Scire autem præterea oportet, quod dum recens est, & in proprio vigore super aquam enatat actum ita probatur. Linteo in eo irrigato, ac postea sublato à linteo totum recedit, non colorem, sed odoris duntaxat suavitatem illi relinquens. Hæc omnia, ac inter se admodum diversa cum apud hos gravissimos plantarum Scriptores legerim, atque Opobalsamum, quod tu vere syncerum affirmas, apud me sit, non omnia quæ ab his Scriptoribus de eo perdocta, repræsentet, quinimo aliqua sint, quibus ipsum planè non respondere videatur; quamquam enim ipsum recens sit, minimeque ad ullum acorem vergens; validique odoris, oleosi coloris, turbidum in primis ejus annis observatum, mox clarum, aureum subamarum, adstringens, & modicè mordens gustum, tenax, leve, dilui facile, lacque coagulet, & linteam non inficiat, atque ut ait Avicennas, aquæ etiam stillatum, misceatur, in ipsaque coaguletur, supraque aquam coagulatum enatet, atque eo etiam ferrum, ut Sethus ipsum hac experientia cognoscendum voluit: inunctum probè in ignem positum candeat. Tamen, quod apud omnes prædictos antiquos Scriptores affirmatur, quippe ipsum lanæ vesti instillatum aqua ablutum, omnino ab ea abigi posse, nihilque ei adhærere, nunquam potui observare. Nullum enim reperitur Opobalsamum quod instillatum in pannum, ei aliquatenus non adhæreat: ex quo ego etiam puto, nullum verum Opobalsamum eam experientiam facere posse, quando ipsum; ut in aliis omnibus resinis observatur (cum succus resinofus sit, inter resinasque possit sine errore recenseri) viscositatis ac lentoris non sit expers. Ex quibus valdè de hujus succi signo, ab antiquis ferè omnibus animadverso dubius, ac anceps sum. Cupioque tuam hac in re sententiam audire, ut in ea tandem acquiescam. ABDEL.

Dignus es cum isto tuo scrupulo non parva reprehensione, qui uno signo magis quàm pluribus, quibus tuum Opobalsamum omnibus probè respondere scis fidere volueris, quod neque verum signum hujus succi dicendum esse puto, siquidem quo pacto hic succus lentoris, ac viscositatis non expers,

(cum ipse nihil quidem aliud quàm resina quæpiam sit) lineo, vel laneo panno, vel gossopio instillatum aliquantulum non adhærebit? Etenim non modò succus iste tenax est, sed ramuli quoque virides, si digitis contrectentur, eis proculdubio adhærent, quod non nos modo, sed etiam aliquos antiquorum novissè certum est, nonne Strabo dixit: Ejus corticem scindentes succum in vasis suscipiunt tenaci lacti per similem. Quid? nonne Plinius notas synceri Opobalsami docens dixit? Succum Balsami syncerum debere inhærescere? At ne amplius remorer desiderium tuum, paucis de nota hac à Dioscoride proposita dicam, quid sentiam. Puto enim syncerum Opobalsamum non aliam ob causam, Dioscoridem, atque una cum eo alios dixissè, vestibus vel panno non adhærere, nisi ut nos docerent mistum aliquo oleo, vel quopiam unguento hinc deprehendi, quoniam, ut ego nuper etiam vos docui (quod à plerisque oleo eo tempore vitiaretur) oleo vitiatum in pannum instillatum, laneumque præfertim, quod faciliùs sit ad emaculandum, instar olei inficit, eique perpetuò non modo adhæret, sed quotidie magis in eo recepta macula augetur, ac dilatatur. At syncerum, quamquam paululum panno etiam instillatum inhæreat, tamen ipsum ut oleum non inficit, neque maculam relinquit, quinimo secus atque oleum panno adhærescens quotidie decrescit, usquequo tandem omnino aliquo tempore sponte dissolvatur, atque evanescat. Quamobrem syncerum Opobalsamum panno quidem, at non olei modo adhæret, neque aliquam maculam relinquit. Quod sæpè vobis meum Opobalsamum in meam vestem instillatum ostendit. Verum non debet hoc experiri in pannis iis, quos vos in Italia paratis, nostris longe crassioribus, in quibus fortassè cum olim vestri hi crassi panni lana parati ex Italia huc non asportarentur, neque nostri his, ut nunc faciunt, uterentur Dioscorides in his periculum faciendum, non sentit, sed in nostris iis longe gracilioribus. Clarius verò hoc signum Plinius docuissè est visus, cum dixit, & in veste maculas non faciat, non autem, ut in Dioscoride habetur, vesti non adhæreat. Verius fortassè Sethus Opobalsami cognitionem ex hoc signo habendam

dam tradidit, quod his verbis apud ipsum legitur: Linteo in eo irrigato, ac postea sublato à linteo totum recedit, non colorem, sed odoris duntaxat suavitatem relinquens: quod planè in nostro sic ad unguem observari licebit. Ceterum ex his, quæ ita diverse de notis verum Opobalsamum à falso distinguuntibus, apud diversos antiquos Scriptores leguntur; dubitandum non immeritò à nobis existimo, hosce authores nunquam fortasse, neque viventem plantam uspiam offendisse, atque multo minus syncerum ejus succum inspexisse, cunctaque potius aliorum relatione, quàm vero observatione de eo ab his prodita fuisse. Qua de causa non ab antiquis Scriptoribus, inter se de Balsami historia discordantibus veritas, hæc petenda esset, sed ab his populis, præsertimque Medicis, qui loca in quibus Balsamum, omnium Scriptorum consensu, vixit, perpetuò habitarunt, & sæpissime observarunt. His etenim jure meritò de ipso firmior fides habenda erit. Hi sunt Ægyptii, atque Arabes, qui omnes uno consensu asserunt, hoc excepto Opobalsamo, quos vos verum esse non creditis, nullum aliud usquam vel in toto Ægypto, vel in tota Arabia, vel Syria, fuisse cognitum, aut usitatum. Cujus veritatis clarissimum ac certissimum signum erit, aliud Opobalsami genus ab hoc diversum, apud Turcarum Regem iis locis imperantem, atque apud plures Turcas; qui variis temporibus his omnibus prædictis locis, præsertimque Ægypto præfuerunt, nunquam fuisse repertum, quinimo apud hos inventum idem planè esse cum nostro, atque nihil ab isto communiter recepto, differre. Rex enim Turcarum singulis annis à Seriph Mechæ, atque Medinæ domino binas, & plures etiam Opobalsami libras dono missas accipit, perpetuoque, postquam Ægypto imperavit, ab ipso Opobalsamum recepit. Quod sanè idem planè est cum eo, quo omnes Ægyptii, Arabes, Syri, atque alii utuntur. ALPIN. Verum dicis; Nam ego certo scio idem esse Opobalsamum vulgo receptum cum eo, quod apud multos dominos Turcas Consulesque Venetos habetur, quibus à præfecto Ægypti: ac aliis nobilibus Turcis dono datum fuit, idemque cum eo, quod apud Serenissimum Franciscum Medicem

dicem Ducem Florentiæ à Turcarum Rege olim ei dono datum, hodie conspicitur quod cum meo etiam Opobalsamo ex Ægypto, ad prædictum Serenissimum Ducem anno superiori missò, rectè ab ipso comparatum, idem planè esse, certum est. Quamobrem omnes qui negant vulgo receptum verum esse, si ipsum cum Opobalsamo comparent, quod apud multos exstat, Venetos, olim hujus loci Consules Clarissimos, atque apud alios plures, qui olim hæc loca peragrarunt, & Opobalsamum à nonnullis Dominis Turcis acceptum illuc comportarunt, probè, an ipsum verum sit, cognoscent. ABDEL. Multum tamen Avicennam admiror, qui dixerit, à gossypio, hunc succum aqua ablui posse, cum tamen superius dixerit, ipsum in aquam instillatum coagulari ac densari: quod cum verum sit, quomodo in gossypio receptum, ac imbibitum, aqua ab ipso ablui poterit? hoc enim fieri non posse cuique patebit. Est demùm alterum Opobalsamum ex seminibus Balsami expressum, cujus etiam inter adulterata nuper recensuimus, quod pro vero succo Opobalsami aliquando venditur, quod tamen facile, ut dictum est, ex obscuriore ejus odore, amarioreque sapore à vero diversum ab his esse comprehenditur. Ac de Opobalsamo hæc à nobis dicta sufficiant. Restat modò, ut de Balsami fructibus, & virgis loquamur, quando multi quoque non desint, qui contendunt verum neque Carpobalsamum, neque Xylobalsamum esse.

CAP. VI.

Veri Carpobalsami, & Xylobalsami cognitio, & consideratio.

A L P I N V S.

HActenus Balsami plantæ, atque ab ea educti succi ambiguitates omnes vir doctissimè dissolvisti, veritatemque ita claram effecisti, ut de arbore, ac succo nostri amplius contendere non debeant, sed ipsum potius agnoscere, atque in usum medicinæ restituere, quod quidem facientes summa laude digni erunt, tantum auxilium in usum revocantes, atque recipientes. Cum nemo nostrum dubitet amplius verum Opobalsamum ex Ægypto, & Syria in Italiam comportari, quod facilè à nuper adductis notis ibi an syncerum sit, cognoscetur. Restat modo, ut de ejusdem plantæ fructibus, & virgis, quod apud nostros dubii supersit ab illorum animis evellas. Quando vulgaria semina, pro vulgari falso Carpobalsamo à multis recepta, quorum ad nos singulis annis multa copia advehitur, verum esse antiquorum Carpobalsamum me iudice etiam affirmandum sit. Animadvertendum tamen est, duplex genus Carpobalsami circumferri & utrumque pro Balsami seminibus apud nonnullos recipi quorum unum semen est terebinthi magnitudine, atque ferè etiam forma, rotundumque & oblongum, ovo simile, in extremis acutum, flavum, folliculo nigro rubescente undique contextum; Hocque verum est antiquorum Carpobalsamum. Alterum verò Pseudo Carpobalsamum huic admodum magnitudine, colore, figuraque est simile; differt tamen à vero, quia ipso est oblongius, ex medietate tantum folliculo contextum est, nam illud extremum, quod suo pediculo appensum est, folliculo caret, minimeque eo totum contegitur, sed tantum ad ejus usque medietatem. De hoc vero, quod falsò pro Balsami semine me iudice recipitur,

E


tur, non loquimur; quamquam odoratum sit, atque aromaticum. Illudque fortasse esset, quod olim Dioscoridis tempore ex Petra oppido Arabiae pro Carpobalsamo asportabatur, & quo verum Carpobalsamum adulterabatur, si piperis saporem prae se ferret. De altero verò ab hoc praedictis notis discrepante, quod praesertim à falso differt, quia totum folliculo suo contextum est, quando falsi, ut jam dictum est, tantum medietas folliculo contexta appareat, a nobis sermo habendus est. Audio nunc Venetiis omnes Pharmacopolas consilio excellentissimi collegii Medicorum in componenda Theriaca, atque Mitridatio, pro veris Balsami fructibus Juniperi fructus substituere. quod quanta dignum reprehensione sit, ac in quanto illi versentur errore, vobis doctissimis viris nunquam latuit. Et utinam nunc perspectis rationibus iidem non permittant sine his tanto artis cum dedecore (quando haec omnia non sit difficile apud eos reperiri) Theriacam atque alia medicamenta amplius parari; sed vereor, ne magis in antiquis erroribus persistere, quam rei veritatem amplecti velint. ABDEL. Quid? etiam ne fructus Balsami, quorum in Italiam; aliaque loca hinc copia multa advecta, illis non deest, negant veros esse, atque pro eis in componenda Theriaca aliisque medicamentis baccas Juniperi substituunt? quid de te audio? pudet me tantorum Medicorum, qui hos haecenus veros fructus neglexerint, mimi-meque his utantur. Sed quibus rationibus adducti, negant ista semina meritò ex te pro vero antiquorum Carpobalsamo recepta, veros esse fructus Balsami. An non ipsorum magnitudo, color & forma ad eos recognoscendos satis illis erunt? Theophrastus dixit: illos esse similes therebinthi fructibus magnitudine, figura ac colore. Et clariùs Serapio ex Dioscoridis mente hunc in modum eos descripsit: „Et granum quidem ipsius, quod nominatur Carpobalsamum, est „granum rotundum ad longitudinem aliquantulum tendens „ad acuitatem in ambobus capitibus, in medio vero grossius. Cujus color tendit ad rubicunditatem, & est plenum, grave, mordens linguam mordicatione aliqua non multa, & quando frangitur interius habet humiditatem similem melli, & ejus odor

odor est bonus. At Dioscorides addidit hoc semen redolere Opobalsamum. Certè, ut verum fatear, fructus Balsami ab Italis tuis Medicis, atque Pharmacopæis neglecti, tùm Serapionis descriptioni omnino respondere cognoscuntur, tùm etiam notis à Theophrasto allatis, quando hi colore, figura, atque magnitudine verè fructibus terebinthi proximis spectentur. Serapio verò eos multo diligentius ac exquisitiùs declaravit, qui ipsos grana esse rotunda statuit, oblonga, extremis acutis, & medio crassiore, ad coloremque subrubrum tendentia, gravia plenaque esse, ac modicè gustum mordentia, quæ intus substantiam melli similem habent. Ex quibus notis vulgare Carpobalsamum verum omnino esse certissimè ostenditur, sed quamobrem isti negant hos, veros Balsami esse fructus, scilicet Carpobalsamum antiquorum? ALPIN. Omnes uno ore prædicant prædicta semina non una, at omnibus carere prædictis notis, quibus ea prædita esse Dioscorides omnium antiquorum in plantarum descriptione facile primus, memoriæ olim prodiderat, hisque speciatim verbis. „Quare eligatur, flavum, plenum, grande, „ponderosum, mordens gustum, fervens in ore modice, „Opobalsamum olens. Dicunt itaque istæc semina à vobis pro Carpobalsamo monstrata, non flava, ut Dioscorides docuit, sed nigra, subrubescencia spectari, vacuaque non plena esse, levia & non gravia, parva & non magna, neque gustum aliquo pacto mordere, neque Opobalsamum olere. Hisque rationibus negant illa semina verum Carpobalsamum antiquorum esse, sed potius ea, quæ olim ex Petra oppido Arabiæ advecta, verum Carpobalsamum adulterari Dioscorides animadvertit, quod ipse hisce verbis docuit, dicens: „Adulteratur semine hyperico simili, quod à Petra oppido „defertur, sed coarguitur magnitudine, inanitate, virium „ignavia, sapore piperis. Idemque ferè Plinius testatum reliquit. Atque hæc sunt adversus Balsami vulgares fructus à quampluribus Italiæ, aliarumque nationum Medicis, & Pharmacopæis disputata. ABDACH. Ex his duobus alterum verum esse arbitror, vel illos scilicet viros, à te recitatas Carpobalsami notas, nunquam probè cognovisse, aut

nunquam hos fructus, vel semina, quæ præ oculis omnes hi Pharmacopolæ quotidie habent, inspexisse, quod si illi hæc aliquando inspexissent, ac rectè observassent, proculdubio fieri non potuisset, ut ex omnibus notis ipsos non agnovissent, veros esse Balsami fructus, quando non solum falsum sit ipsos omnibus notis à Dioscoride traditis carere, sed ne unam quidem illis deesse. Nam istæc semina sunt humiditate melli simili plena, quorum si multa facta intus ii inspexissent, nisi cæci omninò fuissent, fieri nullo modo poterat ut non id animadvertissent. Cernuntur etiam longe hyperici seminibus majora, sunt gravia, cum aliqua mordicatione, atque Opobalsami odoris fragrantia, quorum saporem, atque odorem unusquisque gustu, ac olfactu minime destituito, poterit cognoscere. Nemo mea quidem sententia erit, qui prius Opobalsamum olfecerit, ac gustaverit, mox ista fracta semina olfaciendo & gustando, in ipsis eundem saporem, atque odorem Opobalsami apertissimè non cognoscat. ABDEL. Verissima prædicas, neque indigna, ut ab illis Medicis audirentur, ac animadverterentur. Nam hæc semina vulgaria à nobis pro Carpobalsamo recepta, eadem esse, quæ in multis Arabiæ Felicis locis supra Balsami frutices colliguntur, omnes, qui illa loca peragrarunt, vere testantur: neque ullis unquam aliis Ægyptii Pharmacopæi pro Balsami fructibus ad componenda medicamenta usi fuere. Neque aliorum Ægyptiorum memoria constat, unquam ex Petra oppido, quod nunc Mecha dicitur, alios, quàm hos fructus pro Carpobalsamo ad nos delatos fuisse. Neque Galenus existimat homines in eorum seminum cognitione hallucinari, ac decipi posse, quando in libro de Antid. dixerit, Carpobalsamum non posse adulterari, idque meritò, cum minimè fieri posse videatur, ut aliquis, qui vera Balsami semina semel tantum viderit, posset ab aliis decipi; sed concedatur posse adulterari, tamen cognosceretur id saltem, ut Dioscorides docuerat, inanitate, parvitate, & sapore piperris. Verum non possum non vehementer illos Medicos admirari, dicentes, notas à Dioscoride nobis Carpobalsami traditas fuisse, ut ista semina ab aliis distinguerentur, quando

dō ipse illas notas non ob id tradiderit, sed potius, ut iis homines perdocti feligerent ex seminibus Balsami, ea, quæ flava existunt, plena, majora, gravia, sapore, atque odore Opobalsami prædita, quoniam hæc ceteris meliora existunt. Quis ignorat, agricolas etiam ipsos aliqua semina ementes, sive triticum sit, sive hordeum, feligere plena, magna, ponderosa, optimi saporis, atque odoris, abjicereque inania, parva, levia? Quamobrem istud? quia hæc inutilia, illa optima existunt. ALPIN. Dicunt, flavum colorem, quo vera semina Balsami spectari Dioscorides tradidit, in istis seminibus non conspici, cum ipsa subrubra potius, & nigrescentia cernantur. ABDEL. Rectè dicunt, sed hinc conjicitur, ipsos minimè esse in horum feminum observatione exercitatos, seduloque nunquam ea inspexisse, quoniam si sæpè multa sedulò, variisque modis observassent, proculdubio duplici colore referta esse cognovissent, quippè nigro rubescente, suis folliculis vestita, hisque spoliata, ac nudata, flavo. Ex qua observatione, nec Dioscoridem, docentem illud semen flavum esse, nec Theophrastum cum Serapione subrubrum nigrescens, falsum prodidisse, patet. Quando hi semen vestitum suo folliculo, quod nigrum subrubescens cernitur: & Dioscorides, folliculo spoliatum, quod flavum est, intellexerint. Hæcque à nobis de Carpobalsamo dicta sufficiant. De Xylobalsamo verò non puto à nobis multa esse dicenda, quando non ita omnibus, ut Carpobalsamum, ignotum videatur. esse illas virgas communiter ab omnibus Pharmacopæis pro Carpobalsamo receptas, & iis tamen non utantur, argumentum erit certissimum, ipsas redolere odorem Opobalsami, & Carpobalsami, eundemque gustui saporem etiam præ se ferre. Optimæ autem existunt, sarmentosæ, tenues, fulvæ, & recenter excisæ, odorem Opobalsami manifestissimum spirantes. Quem odorem eximium spirare à Theophrasto ac Serapione proditum est. His verò recentibus Pharmacopæi uti debent, cum parvo etiam tempore omni odore ac sapore destituantur; tanta est enim illius humidæ substantiæ, in qua odor, saporque fundantur, tenuitas, ut cito exsolvatur, simulque cum ea sapor, atque odor

evanescat. ALPIN. Fascem recentissimarum virgarum Dominicus à Rege, noster Pharmacopola ab amico suo Turca, apud oppidum Sues, illuc Mecha advectum habuit, qui multum Opobalsami odorem spirabat, qui tamen paucis mensibus ferè omninò exolutus est. Multas virgas recentes habui, quæ apud me adhuc asservantur; quas comparatas cum iis, quæ apud Venetos Pharmacopolas sunt, easdem utique esse sine dubio cognoscitur, quæ si recentes conservarentur, veritas hæc omnibus esset manifestissima, ita validus, ac manifestus in iis odor Opobalsami perciperetur, ex quo omne dubium ex ipsorum animis spontè excidisset. ABDEL. Tibi sufficiat, hæc de Balsami planta, succo, fructibus, virgis, ex nobis audivisse, atque didicisse, veramque hanc hujus plantæ iconem, nunc Alpine spectare poteris, atque ex dictis ipsam recognoscere. Sed absoluto de iis sermone, cum jam Sol supra Horizontem multum ascenderit, æremque inflammare cæperit, satius erit nos hinc abire, & in urbem redire, priusquam augeatur caloris æstus. ALPIN. Rectè suades, abeamus, vobisque, quod tantum hæctenus suscepitis laborem, multas gratias refero, meque ut pro vestra humanitate ametis, quemadmodum facitis, etiam, atque etiam iogo. valete. ABDEL. Atque tu interim vale. mementoque nos tui esse studiosissimos, teque multum, atque multum observare.



CAP. VII.

*Cur Petri Bellonii observationes in Ægypto circa
Balsami Plantam factæ hic ad-
notatæ sint.*

CVM hisce diebus librum olim in Ægypto à me de Bal-
samo conscriptum in publicum emissurus essem, Ecce
in manus meas perveniunt doctissimæ itinerariæ observatio-
nes à Petro Bellonio Cenomano, viro tum in aliis, tum in
plantarum materia doctissimo, ante annos ab hinc quadragin-
ta litteris traditæ, atque hoc tantum anno in lucem editæ.
In quibus cum Balsami nonnullarum plantarum olim in Æ-
gypto viventium diligentissimam observationem ab eo rectif-
simè exaratam, ac descriptam legerim, optimum fore puta-
vi, si eam sub fine hujus libelli adjicerem, Siquidem speravi
ex tanti viri in plantarum materia exercitatissimi lectione,
ea, quæ dicta sunt à nobis, ac litteris de Balsami historia
mandata, posse haud parùm animos legentium confirmare,
quod is omnia ferè complexus sit, quæ in meo libello le-
guntur. Hæcque, priusquàm Balsami observationem Bello-
nii hic adjecissem, præfari libuit; ne ex abrupto hic ea in-
serta candido lectori viderentur.

CAP. VIII.

*Ægyptii Balsami observatio ex Petro Bellonio in
libro II. itinerariarum observationum,
capite XXXIX. collectæ.*

IN quodam pago spectatum ivimus hortum Balsami fruti-
cibus confitum, qui à Cayro longius haud abest, quàm
Lendit à Lutetia. Quoniam porro Balsami planta admo-
dum

dum celebris, preciosa, raraque est; hic scribere libuit quid-
quid ad ejus historiam pertinere arbitrati sumus. Quosdam
esse scimus, qui Matareæ Balsamum ex Judæa delatum esse
putent: rem autem haud ita se habere, postea demonstrabi-
mus. In magno quodam horto sunt, sed angusto loco mu-
ris conclusæ, quos extractos fuisse ajunt, postquam Turca
Ægyptum Sultano ademit: Bacha autem à Turcarum Impe-
ratore huic regioni præfectum, ea arbuſta digna existimasse,
quæ peculiari loco concluderentur. Cum istic essemus, no-
vem, aut decem duntaxat frutices ejus aderant, qui nullum
liquorem præbebant. Inter notas à veteribus proditas, qui-
bus balsamum dignosci possit. una est, ut perpetuo vireat:
illud tamen in Matarea, apud Cayrum, pauca admodum fo-
lia Septembri mense habebat: quod nobis insolens visum
est. Nam reliquæ arbores, quæ hyeme virere solent, fo-
lia solum novo vere abjiciunt, cum videlicet nova germina
produxerunt: solentque autumnno magis virere, quàm novo
vere. At reliquæ, quæ folia abjiciunt, id sub hyemem fa-
cere solent, ut æstare nova adquirant. Ideoque nobis præ-
ter naturam videbatur, Balsamum folia abjicere, ut hyeme
nova germina produceret: nobis enim id observantibus, quæ-
cumque habuit folia, recens nata erant. Ejus justam ma-
gnitudinem tradere nequimus; nam quotquot ejus frutices in
horto aderant, stipitem solum habebant pedis longitudine,
& pollicari crassitie, tenuibus ramulis præditum, raris fo-
liis obsitis. Ubicumque autem tandem nascantur, duorum
aut trium cubitorum altitudinem non superant; & pedali al-
titudine cum sint, in multos graciles ramulos anserinæ pen-
næ caule haud crassiores finduntur. Balsami frutices Mata-
reæ jam recens putati fuerant, sic ut soli stipites superessent,
qui ramulorum rudimenta producebant. Ejusdem etenim
est Balsamum cum vite naturæ, quam singulis annis putare
necesse est, alioqui degenerat. Nova illa Balsami germina
sub rubente cortice erant tecta, foliaque viridia habebant,
lentiscinorum foliorum modo formata, hoc utrinque in ner-
vo nata, ut in rosarum, vel fraxini, vel juglandis foliis vi-
dere est, ciceris tamen foliorum magnitudinem non excede-
bant,

bant, sicque constructa erat eorum series, ut postremum foliolum extimam alam occupans, imparem numerum efficeret: nam totius alæ foliolis numeratis, terna, quina, aut septena inveniuntur, septenarium certe numerum superare vix animadvertimus: extremum autem foliolum reliquis majus est, facto etenim ab illo progressu, reliqua sensim minora fiunt, ut in rutæ foliis. Plinius in ejus historia Theophrastum per omnia sequutus est, quemadmodum etiam Dioscorides, ejusque vestigiis insistentes, Balsami folia rutæ foliis compararunt: quod veritati consonum esse deprehendimus. Quoniam autem primum in Matarea illud exacte non observaveramus, denuo illud spectatum ivimus, ejusque ramulum nacti, ipsum, atque illius folia degustavimus, quæ facultatis non nihil adstrictoriæ esse comperimus, pinguisque aliquantulum saporis, atque aromatici, ramulorum autem cortex his odoratior est. Gemino cortice præditi sunt ramuli, extimo foris subrubente, qui ut membrana intimum viridem operit. Is gustatus inter Thus & Terebinthi folium sapit, satureiæ sylvestri sapore simili admodum grato, atque digitis tritus cardamomum olet: ipsum lignum candidat, odorisque & saporis expers est, non secus atque aliud inutile lignum. Ipsius virgæ rectè sunt & graciles, rarisque foliorum alis sparsim & confuso ordine nascentibus obseptæ, quæ (ut diximus) ternis, quinis, aut septenis foliolis constant. Variæ sunt auctorum, qui de Balsamo scripserunt opiniones: & nisi nos ipsi plantam conspexissemus, nihil post illos de eo scribere ausi fuissemus: atque in eam ferè opinionem inclinarem, illud Hierico planis nunquam cultum fuisse. Quia autem ipsum fruticem vidimus, diligenterque observavimus, de eo, tanquam de re quæ diligenti observatione digna, differere libuit. Experientia autem didicimus lignum illud vulgo Xylobalsamum nuncupatum, quod ex Felici Arabia delatum à mercatoribus venditur, cum Ægyptio quod in Matarea colitur, convenire: nam desiccatum nostrum Balsami ramum cum eo, quod in officinis venale reperitur contulimus, atque omnibus notis respondere, deprehendimus: estque ex duobus alterum necessarium, aut

Xylo-

Xylobalsamum & Carpobalsamum, quale in officinis venditur, adulterinum esse, aut illud Ægyptium, quod colitur in Matareæ horto, legitimum Balsamum esse censetur. Nam cum in omnibus conveniant, certique simus idem esse, asserimus, & concludimus id, quod hoc nomine venale reperitur, simile ei esse, quod ab omni antiquitate in usu fuit. Balsamum nunc temporis in sola Ægypto colitur apud Cayrum. Et licet Theophrastus in ea opinione sit, id sylvestre & sponte nascens non inveniri: asserere tamen audemus, ab omni ævo in felici Arabia fuisse, atque etiam nunc nasci, cujus lignum, & fructus etiam olim ad nos perlata fuerint cum aliis Arabiæ mercibus. Atque demonstrare volumus ea non minus cognita fuisse mercatoribus, quam reliqua aromata, ut ex medicamentorum, quibus perpetuò injici solita sunt, compositionibus apparet. An non Mitridates in suum Medicamentum intulit? An non in officinis venalia reperiebantur? Id ex sola Dioscoridis auctoritate probari potest, qui in sua ætate Carpobalsamum adulterari conqueritur. Carpobalsamum (inquit) adulteratur semine hyperico simili, quod à Petra oppido defertur: per Petram oppidum Mecham intelligimus, atque de Xylobalsamo: è ligni genere, quod Xylobalsamum vocant, probatur recens, sarmento tenui, fulvum odoratum, quadantenus Opobalsamum spirans. Ex his liquidò apparet vulgaris usus inter reliqua aromata fuisse. Sed & ex Diodori Siculi vetustissimi Scriptoris Arabiæ felicis opes enumerantis, verbis, manifesto liquet. Maritima enim loca Balsamum producere, ait. Cultum igitur id esse non intelligit, sed spontè nascens. Pausanias etiam tradit Balsamum Arabiæ fruticem esse. Plerique tamen auctores de Balsamo agentes, inter se non conveniunt. Nam Strabo prodit in Syria nasci apud lacum Genezareth, inter montem Libanum & Antilibanum. Reliqui volunt solam Judæam regionem id producere, ejusque ramos osseo cultro, aut vitro duntaxat vulnerandos esse ad liquorem eliciendum, alioqui si ferro cædantur, statim emori, Cornelius Tacitus scribit, ferro juxta adposito, metu exhorrescere, idcirco aliis quàm ferreis instrumentis vulnerandum; si liquorem elicere

quis cupiat. Percontantes à mercatoribus Cayri de Balsamo, cum nostrum ramulum conferremus, nobis affirmarunt, quidquid Xylobalsami, vel Carpobalsami unquam vendidissent, id omne ex Mecha cum aliis aromatibus accepisse; atque meminisse suo tempore Balsami frutices, qui nunc in Matarea coluntur, ex Arabia felici delatos esse, magnis sumptibus Sultani. Quoniam verò id nobis tam multi affirmarunt, existimavimus sine ullo scrupulo aut dissimulatione nobis licere id scribere.

LAUS DEO OPT. MAX.

E I N I S.



PROSPERI ALPINI DE BALSAMO INDEX.

- A** Egyptii locus, qui olim Balsamum aluit. 3
- Ægyptum nunquam Balsamo patrium ac nativum fuisse. 10
- Albedinem Opobalsamo in aquam stillata propriam esse. 25
- Amatum Lusitanum & Nicolaum Magnardum affirmare Balsami plantam planè periisse. 7
- Antiquos Scriptores de Balsamo fuisse omnes inter se opinione differentes. 18
- Antiquis Scriptoribus de Balsamo planè non esse fidendum. *ibid.*
- Antiquos Scriptores fuisse in causa, ut nostri non credant, Opobalsamo, Carpobalsamo, ex Arabia delatis. *ibid.*
- Antiquorum de Balsamo diversitatem signum esse eorum ignorantie. *ibid.*
- Antiquos de Balsamo multa ex auditu litteris tradidisse. 19
- Antiquos fortassis non vidisse Opobalsamum. 31
- Antiquos deceptos, dum crederent, Balsamum olim tantum Ægypto atque Indiæ fuisse concessum. 19
- Aqua fontis, quâ olim usa fuit Beatiss. Virgo, Balsamum ali seu irrigari, atque ejus miræ facultates. *ibid.*
- Aquæ fontis Mattharæ quæ virtutes ab Ægyptiis tributa sint. 20
- Arabes lucri causâ coeperunt Balsami arbores colere, & quando. 9
- Arabiam felicem innumeras Balsami plantas nunc alere. *ibid.*
- Arabiam felicem perpetuò Balsamum habuisse. 43
- Arabes omnes ad componenda medicamenta, Opobalsamo, Carpobalsamo, Xylobalsamoque vulgari ac venali uti. 14
- Arbores Balsami quæ in Ægypto aluntur ad quam magnitudinem crescant. 18
- Arbores Balsami in Arabia viventes quâ magnitudine spectentur, seu crescant. 19
- Arbores Balsami multas in Arabia vivere. 4
- Arborem Balsami fruticosam, & samentosam. 12
- Arboris Balsami Ægyptii, & Indi differentie. 24
- Auctor cur de Balsamo librum ante alios libros imprimi curaverit. in Præfati.
- B.**
- Balsami plantas felicem Arabiam perpetuò aluisse. 14
- Balsami plures plantas Bedrunia Arabiæ locus nunc alit. 6
- Balsami innumeras plantas Bedrunia locum Arabiæ arenosum miraculo Mahometis alere Ægyptii, illisque affecte putant. *ibid.*
- Balsami innumeras plantas spontè natas in Arabiæ locis vivere, multorum testimonio. *ibid.*
- Balsami plantæ quando Cayri exaruerint. *ibid.*
- Balsamum qui negant hoc tempore reperiri. 7
- Balsami plantam omnibus in locis periisse multi affirmant. *ibid.*
- Balsami plantis quibus rationibus omnia loca nunc carere suadeatur. 9
- Balsami plantæ multæ ex Arabia quando in Ægyptum fuerint illatæ. 8
- Balsami ex Constantino Africano descriptio. 16
- Balsameta innumera in Arabia spectari. 9
- Balsami arbores in Arabia à Geripso alicui locari, ut Cayri Cassias. *ibid.*
- Balsami plantæ icon. 39
- G** Balsa-

- Balsami plantæ in Judæa quomodo propagata fuerint.* 9
- Ballaſan nomē ab Arabibus Balsami plantæ primò impositum fuiſſe.* 12
- Balsamum ex Indiis Occidentalibus delatum.* 7
- Balsami quibus in locis tantum olim vixerint.* *ibid.*
- Balsami plantæ quomodo diu in Ægypto conservata fuerint.* 11
- Balsamum nunc in Arabia felici tantum vivere.* 10
- Balsami plantas in Ægyptum aliunde advehi.* 4
- Balsami plantæ quo pacto in Ægypto longo tempore sint propagata.* *ibid.*
- Balsami plantas è Meccha omnes in Ægyptum venisse.* *ibid.*
- Balsami plantas Ægyptium solum proprium numquam fuisse.* *ibid.*
- Balsamum Judææ atque Ægypti plantam fuisse peregrinam quæ suadeant.* 10
- Balsamum semper tum in Ægypto, tum in Judæa in viridariis vixisse, & non alibi.* *ibid.*
- Balsamum non in Ægyptum ex Judæa, sed ex Arabia felici venisse.* *ibid.*
- Balsami plantas nasci in Arabia, qui ex Scriptoribus prodiderint.* 9
- Balsami plantas Arabes ex silvestribus locis in morbida viridaria transferre.* *ibid.*
- Balsami plantam quibus plantis varii Scriptores compararint.* 19
- Balsami diversitas à magnitudine.* *ibid.*
- Balsami diversitas à figura.* *ibid.*
- Balsami diversitas à locis.* *ibid.*
- Balsami plantam fruticem esse.* 12
- Balsami plantæ descriptio.* 12, 16
- Balsami plantam in Ægypto olim viventem pro legitimo Balsamo Arabes atque Ægyptios omnes perpetuò habuisse.* 12
- Balsami cognitio à quibus petenda.* *ibid.*
- Balsami arbusci folia non esse alba, ut Dioscorides voluit.* 15
- Balsami quot frutices Cayri Bellonius olim inspexerit.* 41
- Balsamum perpetuò vivere.* 41
- Balsami Fruticum Cayri inspectorum descriptio.* *ibid.*
- Balsamum singulis annis putatur.* *ibid.*
- Balsami plantæ virgæ.* 37
- Balsami fructus Terebinthi fructibus similes.* 16
- Bedrunia locus Arabiæ felici, qui balsami multas plantas alit.* 6
- Bessà Menissinor plantas balsami in Ægypto renovavit.* 8
- C.
- C**arpobalsamum verum. 33
- Carpobalsami duplex genus circumferri.* *ibid.*
- Carpobalsami veri descriptio.* *ibid.*
- Carpobalsami copiam in Italia ex Ægypto convehi.* *ibid.*
- Carpobalsami notæ.* 35
- Carpobalsamum venale verum esse.* 34
- Carpobalsami descriptio ex Sernpione.* *ib.*
- Carpobalsami veri notæ è Dioscoride.* *ib.*
- Carpobalsamum venale, quibus rationibus aliqui demonstrent verum non esse.* 35
- Carpobalsamum venale omnes notas habere, quas legitimo Dioscorides tribuit.* *ibid.*
- Carpobalsamum ex Galeno non posse adulterari.* 36
- Carpobalsami loco quid substituant Veneti pharmacopole.* 34
- Consules Venetos multos vero Opobalsamo non carere.* 32
- Constantinus dixit balsamum nasci in India.* 9
- Cur nostri in cognitione balsami decepti sint, & à quibus.* 18
- D.
- D**ioscorides cur de balsamo dixerit ipsum panno adherere. 30
- Dioscorides etiam Balsamum alibi quam in Ægypto, & Judæa vivere affirmare videtur.* 9
- F.
- F**lores Balsami. 16
- Folia Balsami qualia spectentur.* *ib.*
- Fo-

Foliorum Balsami descriptio. 21
Franciscus Priolus Consul Ægypti. 14
Fructus Balsami qui. 33
Fructuum Balsami copiam multam ex Ægypto in Italiam asportari. ibid.

H.

Haly Bei quadraginta Balsami plantas è Meccha Cayrum jussu Præfecti tulit. 13
Hiericum Balsamum olim habuisse. 8
Horrem Bei dux Caravanæ peregrinorum. 14
Horrem Bei è Mecha multum Opobalsami, Xylobalsami, Carpobalsami Cayrum detulisse. 14
Hortus Balsami fruticibus consitus ubi. 40

Hortus Balsami in Ægypto descriptio. *ibid.*

I.

Incolæ Basiliiani montis Libani olim Balsamum ibi vixisse affirmant. 9
Iosephus scribit, Sabam Arabiæ Reginam Salomoni in Judæa balsami plantam dono tulisse. *ibid.*
Iustinum de balsamo arbore deceptum. 20
Iuniperi fructus pro Carpobalsamo Venetos pharmacopolas substituere. 34

L.

Lignum Balsami quale. 37
Locus Ægypti, ubi Virgo Beatissima multos annos vixit, ac menses. 13

M.

Matthariæ locus in quo Beatissima Virgo annos cum puero ejus Filio mansit. *ibid.*
Mattharia est locus Cayri Civitatis, in quo erat Balsami planta. 3
Matthariæ locum in quo alebatur Balsamum, nunc eo carere. *ibid.*
Mecham Opobalsamo abundare. 11
Medina Arabiæ felicis civitas. 14
Marcatores Cayri Carpobalsami, & Xylobalsami totum quod habent ex Arabia convehere. 44

N.

Notæ sinceri Opobalsami ex Dioscoride atque aliis tradite. 28

O.

Observatio Petri Bellonii de Balsamo. 40

Opobalsami copiam multam in Arabia felici colligi. 11
Opobalsami copiam Arabes in multa Orientis loca comportare lucricausâ. 9
Opobalsamum ex seminibus Balsami elici. 32
Opobalsami notæ. 16, 17
Opobalsamum verum nusquam inveniri multi affirmant. 22. quamobrem id fiat. *ibid.*
Opobalsamum quomodo album multi prodiderint spectari. *ibid.*
Opobalsamo quas notas multi tribuant. 23

Opobalsami mutationes ex variis ejus ætatibus. *ibid.*
Opobalsamum quando tenuissimum, & clarissimum. *ibid.*
Opobalsamum Serenissimi Ducis Florentiæ verum esse. 31
Opobalsamum quomodo ex arbore eliciant, & quando, & quale sit. 17
Opobalsamum statim eductum quale. *ib.*
Opobalsami descriptio. *ibid.*
Opobalsami varietates ex ætate & aliis. *ibid.*

Opobalsamo quatuor ætates ut animalibus convenire. *ibid.*
Opobalsamum etiam Galeni temporibus adulteratum. 27
Opobalsamum quibus adulteretur. *ibid.*
Opobalsami adulterati cognitio. *ibid.*
Opobalsami oleo vitiate cognitio. *ibid.*
Opobalsami sinceri cognitio. 29
Opobalsamum omne in aqua stillatum, & coagulatum album videri. 25

P.

Paulus Marianus Venetus pro Gallorum Rege Consul. 13
Pausanias Balsamum in Arabia nasci prodidit. 9
Petrus Bellonius. 40
Petrus Michael Consul Ægyptii. 13
Plantas Balsami in Ægyptum aliunde

<i>advehi.</i>	4	<i>subrubescentia.</i>	37
<i>Planta quadraginta balsami è Mecha delata atque Cayri in loco quando infertæ.</i>	14	<i>Serapio de Carpobalsamo.</i>	34
<i>Plantas Balsami plenè non periiſſe.</i>	7	<i>Sirios Mecchæ & Medina plurimum veri Opobalsami Regi Turcarum ſingulis annis dono mittere.</i>	31
<i>Planta Balsami in locis ſterilibus vivent quoad Opobalsamum ſteriles.</i>	14, 21	<i>Species vegetabilium eſſe perpetuas.</i>	7
<i>Planta peregrinæ ſervatæ in viridariis.</i>	11	T <i>Héophraſtus de Balsamo.</i>	10
<i>Plantas patrias non in viridariis, ſed ubique vivere.</i>	ibid.	<i>Theophraſtus rectè Carpobalsamum deſcripſit.</i>	34
<i>Plinius de Balsamo.</i>	ibid.	<i>Turcas & Arabes omnes affirmare, innumeras Balsami plantas omnia Arabiæ culta & inculta loca alere.</i>	14
<i>Plinius in quo de Opobalsamo deceptus.</i>	35	<i>Turcarum Rex unde plurimum Opobalsami babeat.</i>	31
<i>Pſeudo carpobalsamum & ejus deſcriptio.</i>	ibid.	V.	
S.		<i>Virgarum Balsami deſcriptio.</i>	37
S <i>Cander Bei Medina civitatis Prætor ex Zacyntho Inſula e Segurorum familia ortus Balsami recentes fructus, ac Succum Cayrum demiſſe.</i>	14	X.	
<i>Semina Balsami copioſiſſimè ex felici Arabia in Ægyptum deſerri.</i>	ibid.	X <i>Ylobalsami cognitio.</i>	ibid.
<i>Semina Balsami qualia.</i>	33	<i>Xylobalsamum citò odorem & ſaporem omnem relinquere, & quamobrem.</i>	ibid.
<i>Semina pro Carpobalsamo vulgo recepta eſſe verum Carpobalsamum.</i>	ibid.	<i>Xylobalsamum ex Ballonio venale idem eſſe cum Ægyptio.</i>	43
<i>Semina Balsami cum ſolliculo eſſe nigra</i>		Z.	
		Z <i>Ebet album naſci, & mox turbari.</i>	25



JACOBI BONTII
IN INDIIS ARCHIATRI,
DE
MEDICINA INDORUM,
LIBRI IV.

1. Notæ in Garciam ab Orta.
2. De Diæta Sanorum.
3. Meth. Medendi Indica.
4. Observationes è Cadaveribus.



LUGDUNI BATAVORUM,
Apud Vid. & Fil. CORNELII BOUTESTEYN,
MDCCXVIII.



FRATRI SUO CARISSIMO
WILHELMO BONTIO

Civitatis Leydensis Prætori Urbano,

J. BONTIUS.

S. P. D.

QUAMPRIMUM in Indias hæc
 Orientales venissem, cæpi animum in-
 tendere, ut non solum herbarum hic in
 Java nascentium notitiam nanciscerer:
 Sed ut & aromatum, quorum feracissi-
 ma nostra est Java, plenior cognitio-
 nem haberem. Cui rei magno mihi usui fore credidi
 Scriptores aromaterios Garciam præcipue ab Orta Pro-
 regis quondam Goensis Medicum, ac Christophorum à
 Costa: cæpi igitur eos diligentius paulo rimari: ast in-
 veni ipsos plurima ex aliorum relatu hausisse, quæ ego
 ab αὐτῶν edoctus longe aliter se habere reperi. Sed
 certe confiteri libet hos viros, præsertim Garciam ab
 Orta, in iis quæ usu ac visu comperta habuere, bona
 fide egisse: ego itaque non ut corrigam eos scriptores,
 has Animadversiones illis adjeci: Seu, quod maligni-
 tatem saperet, ut ipsis, me doctioribus, detrectarem:
 sed ut ostendam oculatum testem unum plus valere,
 A 2 quam

quam auritos decem, & quod fama sit tam ficti, prae-
 vique tenax, quam nuncia veri. Nicolaus Monardes
 multa quidem sic satis accurate scripsit, aliqua oscitan-
 ter quoque transiliit. Diligentissimus rei herbariae in-
 dagator Carolus Clusius, conatus etiam suos laudandos
 huc attulit: sed pace doctissimi viri, in multis operam
 perdidit, quod in progressu patebit. Ego itaque ne mi-
 hi soli vivere videar, quæ oculis percepi, ac usu quo-
 tidiano comprobavi in his locis, contrerraneis meis sin-
 cere ob oculos ponam; tum etiam ut ostendam materiæ
 tam nobilis stylum, quamvis tenuem, deesse non debe-
 re. Itaque hæc qualiacunque tibi, frater Carissime,
 ex merito offero, quod sciam, te horum auctorum dili-
 gentem semper lectorem fuisse, tum quod meæ fortunæ
 quasi fabricatorem te agnoscam: ut qui mihi auctor in-
 ter ceteros fuisti, ut, relicto patrio solo, ac sterili
 propter medicastrorum ibi frequentiam, proventu, uber-
 rimos Javæ campos peterem, ubi, absit verbo invidia,
 virtutis paulo major ratio habetur. Accipe igitur has
 Animadversiones in fraterni erga te animi Symbolum,
 ac expecta anno sequenti, si fors mihi vita supersit,
 amplam descriptionem Plantarum, stirpium, fruticum,
 ac Arborum adjecta uniuscujusque ad vivum delineatio-
 ne. Quæ Exotica, ac patriis auribus incognita, for-
 te æquus rerum æstimator, non parvi faciet. Tandem
 si hæc prælo digna videbuntur, cum ceteris meis Indi-
 cis tractatibus, Methodo scilicet medendi in hisce lo-
 cis, ac diæta (quæ hic cum summa cura observanda
 venit) mea Indica, quam hic subjeci, exeant in lu-
 cem: sin minus limata censentur, domi apud te, boni
 erga te ac fraterni mei affectus indicium serva.

Tuus tui observantissimus frater,

JACOBUS BONTIUS.

ANI-

ANIMADVERSIONES,

IN CAPUT III.

Garcia ab Orta quod inscribitur de Altiht, seu Assa foetida. Javanis ac Malaiis Hin' dicta.



UONIAM præcedentia duo Capita abunde & sufficienter de ambaro ac aloë egerunt, ego, quod in ea commentarer non habui: sed quia auctor hoc cap. negat non solum se vidisse hanc herbam, sed nil certi de ejus forma adfert; ego quæ de assa foetida planius comperita habeo, hic vobis adfero.

Itaque planta è cujus radice assa exprimitur, magna quantitate crescit in imperio Persico inter Laram ac Gamaron civitates, quarum prima non longe distat à mari, ac nostris mercatoribus ac Anglis etiam frequentatur. Estque hæc planta duorum generum: prima sarmentosa est, ferme ut Salix aquatica, ex cujus foliis ac stolonibus incisis assa foetida per torcular exprimitur, quæ, ut reliqui succi, Sole indurata in consistentiam evadit, qualis est aloës.

Secunda porro assæ species longe foecundior est, estque succus expressus ex radicibus hujus plantæ, quæ crassissimos raphanos referunt, folia autem Tithymali folia referunt. Hujus generis ego aliquot radices domi habui, à mercatore Armeno mihi amico donatas, qui illas huc è Persia detulerat, ac etiam si jam essent exsuccæ, tamen tam fortis erant odoris, ut totas ædes foetore replerent; qui insuetis vix tolerandus esset. Quo Javani, ac Malaji, ac ceteri Indiarum incolæ negabunt, se quicquam odoratius naribus unquam percepisse: apud hos Hin' hic succus nominatur estque in tam frequenti usu in cibis con-diendis, quam author hoc cap. refert, ut propter hanc causam

una sit cum opio ex præcipuis mercibus quæ per Indiam distrahuntur: ac semper societas Indica magnam quantitatem hujus succi in armariis habet, quam incolis Javæ, permutatione aliarum mercium aut pecunia impertiantur.

IN C A P. IV.

De opio. Fol. 21.

S*ecundo parographo*, hujus Capitis auctor mentionem facit opii Meseri dicti, quod putat opium Thebaicum fuisse: nam in Ægypto Thebæ istæ Centi-portæ extitere: ac Meseri ac contracte Misti Ægyptus hisce incolis ac reliquis Indis est.

Parographo. 3. inquit eos, qui opio utuntur dormitabundos videri: tamen nil minus quam stultæ sunt hæ nationes in mercaturis exercendis; armis ac arte belli ab Europæis forte superantur. Certe laudes hujus succi è papavere expressi si vellem referre, viderer Chymicis velle suum honorem præripere, hoc saltem dico, si nobis hic de Opio; ac opiatis non esset prospectum, frustra in calidissimis his regionibus medicinam faceremus, dysenteria, Cholera, febribus ardentibus, ac reliquis biliosis affectibus orgasmo turgentibus: & ne vobis fucum videar obtrudere, quid in nostris regionibus confectiones opiatæ tantopere celebratæ, Theriacam, dico, ac Mithrydatium? quid denique Philonium? quæ nisi opio tanquam basi suffultæ essent frustra ab iis effectus tam manifeste juvantes quis expectet. Et profecto insignis est oscitantia ista, quæ in abusum medicamenti, ac minus bene præparati dicuntur, in usum nobilissimi inter omnia pharmaci velle referre; sine fundamento sæpe, ac in Scholis sine Experientia.

Pauperes porro Indi, ex foliis, ac stolonibus Papaveris opii speciem viliores excoquunt, quam Soli porro indurandam exponunt: hoc medicamentum Poust vocant, quique eo utuntur contumelia ergo Pousti à ditioribus vocantur, tanquam summoenianos, ac proletarios dicas. Pauperiores porro in divites convivium regerunt eos affionii vocantes, tanquam si luxuriam,

ac

ac delitias vellent exprobare. Affion enim, ac quibusdam Amphion, Arabibus ac Indis opium Græcorum est: indeque magis adducor ut credam Græculos, à vetustissimo populo vocabulum opii derivasse, cum ab omni memoria illi eo usi sint. Græci vero tantum noxas hujus medicamenti videntur novisse, usum verum, ac virtutes ejus plane divinas non satis exploratas habuisse. Porro ego hic Extractum utilissimum ex opio, & Croco Indico, i. curcuma ad quod in Extremis tanquam ad sacram anchoram confugere soleo: in jam ferme desperatis Cholera, dysenteria, phrenitide, ac spasmo hic admodum frequentibus: sed hoc melius è *method. med.* Indica nostra videbitur.

IN C A P. V.

De Gummi Benjoin. Fol. 26.

P*Aragrapho* 18. author ait benjoiferam arborem valde esse proceram ac vastam, &c.

Ego vero benjoiferam arborem hic in Java, ubi optimum Benjoin colligitur longe alia facie vidi, quam qua hic describitur; immo vero videtur planta (seu si arborem appellare malis) ex pluribus sarmentis coalita, qualis est Smilax aspera, seu salfa parilla, nisi quod sarmenta hic brachii crassitudinem æquent, vel etiam superent, ita ut in medio sæpe truncus arboris continuus satis crassus appareat: subtus vero, ac supra Coelum per sarmenta à se invicem diffita liceat contemplari. Sæpe quoque alia virgulta, à benjoifera arbore specie plane diversa, hac coalitione includuntur: itaque si quis ignarus diversitatem foliorum in hujus arboris farragine videat miretur sane: sed hoc etiam fieri in trunco aloes seu calamba postea docebimus. Et porro ex hujus seu stirpis, seu arboris cortice inciso sæpissime odoratissimi benjoini gummi frustra aliquoties collegi.

Paragrapho hujus Cap. 20. quia auctor ait gummi hoc propter Tygridum frequentiam minus multum colligi, quamvis parergoos ac extra ordinem, ego tamen de Tygridis natura hoc adjiciam. Ferocissima igitur hæc bestia, proh dolor! nimis

mis frequens est in Javæ sylvis, quod è tristibus discerptorum cadaverum exemplis sæpe discere cogimur: nam tam ingenuos, quam feros venatum seu lignatum in sylvas abeuntes, ex insidiis, nec opinantes hæc fera impetit, ac exsucto prius sanguine, cujus avidissima est, devorat. Quod insidiis hominem impetere dixi, eo hoc evenit, ut ostendam *Plinii* errorem, sagacissimi alioquin naturæ indagatoris, l. 8. c. 18. qui illic ait Tygridem esse animal tremendæ velocitatis: ac nescio quas fabellas de venatione catulorum ejus affert. Quin hæc fera tardigrada est, ac hominem (multo minus aliam feram) vix cursu assequeretur: hinc est quod apri, tauri sylvestres, cervi sagacius hoc animal odorantes ejus ungues cursu facile eludant: ideoque in cataractis, ac inter virgulta latens circa flumina, quo prædictæ feræ ad potum veniunt, saltu obliquo in aliquam earum fertur, non secus ac feles in mures ac glires impetum faciunt: sic etiam ex insidiis hominem aggreditur, ac si (quod sæpe fit) nimia cupidine prædæ aberraverit in saltando, lente ac rugiens recedit: si quoque ab homine detectam se sentiat, abibit; ita natura huic truculentissimæ bestię aliquem adhuc nostri metum inculcavit: nam alias, neque in oppidis, neque in civitatibus nobis, tantillarum virium creaturis, hic tuto vivere liceret.

Dum in his describendis occupatus sum, sub initium mensis Mai anni 1630. Tygris capta fuit, prope fossas ipsas civitatis Bataviæ, præsentē generoso Domino nostro Generali Jacob Specx, quum aliquot dies, ac noctes non sine ingenti metu circumhabitantium, horrendum rugiisset. Cetera de robore hujus feræ reservamus in alium locum.

IN CAP. VIII.

De Lacca. Fol. 29.

Author hic formicarum istarum, quæ laccam elaborant, mentionem facit: unicum hoc addo, quod formicæ istæ alatæ sunt ac coloris punicei, ac super flores, frutices, arbores

res ac herbas circumvolitant, ex quibus, non secus ac apes, laccæ conficiendæ materiam colligunt ac in communes operas conferunt; non alatæ autem formicæ eam non elaborant.

IN C A P. XIII.

De Tutia. Fol. 48.

Fallitur vehementer hic noster Garcias ab Orta, quod Tutiam è cineribus cujusdam arboris oriri dicat: sed confitetur hoc se auditu percepisse, itaque deceptus fallit alios.

Nam fit ex terra quadam argillæ instar glutinosa, quam colligentes Indi, ollis in eam rem ex argilla, longe fortiori quam in nostra patria, confectis indunt, ac aquam addentes eam curiose baculis circumagitant, dein fornacibus in hunc usum effectis imponunt, ac per ignem exsiccata omni aqua, dein terra hac calcinata lateribus prædictarum ollarum, demptis sordibus quæ in fundo hærent, Tutiam lateribus affixam abrasunt, quam arcis inclusam venalem ferunt per totam Indiam: ejus enim usus est in depilatoriis apud hæc gentes, præsertim feminis, dum se in balneis, vel fluviis lavant.

In Persiæ autem Provincia Kirmon dicta hujus terræ argillaceæ ex qua Tutia coquitur, à Persis ac Armeniis mercatoribus qui negotiandi causa huc advehuntur, magnam copiam reperiri non semel audiui, qui etiam ut lucrum ex Tutia, quam Persica lingua Tutyath vocant uberius faciant, eam distribuunt in lapidem Tutyah ac in pulverem ejus magis vilem, quam seorsim volentibus tum divendunt.

IN C A P. XIV.

De Ebores ubi quædam scitu non injucunda de Rhinocerote. Fol. 49.

P*Aragrapho* 10. Auctor fatetur se Rhinocerotem nunquam vidisse; ast ego eum non tantum centies caveæ inclusum

E

vi-

vidi; sed & in sylvis vagantem. Cute è nigra est cinericea; instar Elephantinæ, rugosa admodum cum profundis plicaturis circa latera ac in dorso: crassam admodum habet pellem, ut quæ ictui Japonicæ, machæræ facile resistat. Neque enim hæc bestia (ut apud nos pingitur) scutis munita est; sed hæ plicaturæ hos clypeos mentiuntur, neque una pars durior est altera. Rostro est porcino; sed ante acutiore neque tam obtuso, in cuius extremitate cornu istud extat; unde nomen sortitia est bellua, aliud altero majus pro ætate Rhinocerotis. Colore etiam cornu variat, modo nigrum, modo cinericeum, modo album est. Magnitudine autem corporis mediocris staturæ, Elephantem proxime accedit mediocrem, nisi quod pedibus sit longe humilioribus; & propterea tam conspicuum etiam non est animal. Ceterum innoxium est, nisi laceffitum neque crudivorum est ut Tygris; sed herbis vescitur ac virgultis, iisque perquam spinosis, nam linguam (ut infra dicetur) habet asperrimam: sed si irritetur hominem simul, ac equum tanquam pulicem prosternit, quem dein lambendo necat, dum asperitate linguæ cute ac carne usque ad ossa hominem denudat. Carnibus ejus Mauri vescuntur: sed nervosa plane est, ac ferratos *Plauti* dentes postulat. Ut porro ferocitatis hujus exemplum habeatis, attendite. Vir mihi notissimus ac familiaris retulit, se duobus aliis comitatum in sylvas exspatiantem equitem ivisse, ac reperisse Rhinocerotem femellam cum catulo suo in luto se voluntatem; nam hoc animal æque, ac suæ & apri, cœno mirifice gaudet: bellua ipsis visis assurgit ac lento passu recedens pullum suum præ se rostro trudens agebat. Unde unus ex tribus temerarie fatis feram insequitur, ac exerta quam ferebat machæra Japonica belluæ nates ac tergum ferit, nullo sequente sanguinis fluxu, veruntamen dissecta aliqua ex parte cute, striæ latæ ac albæ apparebant, quod patienter bestia ferebat, donec sylvæ appropinquans, catulum suum inter vepres & salicæta occulisset; tum vero retro conversa ac horrendum grunniens, equitem nostrum invadit: sed bonis avibus equus perterritus retro saliit, sed Rhinoceros tamen femoralia equitis mordicus apprehendit, & quia è serico materia levissima confecta erant, dis-

discerpsit, ac noster se in fugam, quantum potest, dat insequente eum acriter Rhinocerote: ipso perveniente ad derelictos socios, qui impetum belluæ declinantes, post duas ingentes arbores vix duos pedes latos à se invicem distantes, se stiterant: sed bestia furore correpta, priore equite relicto duos pedites impetit, nam equos ligatis pedibus pastum dimiserant: sed seu ingenito ipsi stupore, seu furore impedita viam inter duas istas arbores omni vi quærebat, quas quidem horribiliter tremere faciebat: sed vim ejus crassities ipsarum insignis impendebat tantisper, donec ipsis daretur tempus sclopeta sua expediendi ac sese colligendi è metu, tum belluam iteratis ictibus in fronte feriunt per cerebrum, quam collapsam mox Mauri servi, qui lignatum in sylvas abierant ac ab equite periculi admoniti erant, securibus ac dolonibus & lanceis interfecere, sociis non parum maledictis in equitem se invehentibus, non sine reliquiis ingentis terroris, ac sic fortissimæ belluæ ferociam evasere, nam hoc animal si sclopeto læsum, aliquando per sylvas fugit, quicquid obvium est cum summo fragore, ac horrore audientium, prosternit etiam satis crassas arbores: sed hæc de Rhinocerote sufficiant. Quicquid porro de Elephantis docilitate dicitur verum est: ac desino, si prius *Plinii*, ac *Æliani* errores detexero, qui inflexibiles pedes, & crura sine flexuris Elephantos habere scribunt, quod adeo falsum est: nam præterquam quod hominibus tantum circa crura, ac femora articulationes sunt, Elephantibus præterea, flexuræ in medio tibiæ sunt. Proboscide porro (ut bene *Plautus*) tanquam manu utitur in cibo capiendi, ac ea tanquam manu in os ingerit.

IN C A P. XVI.

De Agallocho seu ligno Aloës, Calambac Indis dicto. Fol. 64.

Lignum aloës præterquam quod in Insula Sumatra, directo in conspectu Javæ sita, nascatur: etiam frequens oritur, ac optimum in Champac vicina Chinæ regno regione, & in

Cochinchina. Ac quod cortice nudatum hinc in patriam feratur, non ideo evenit, quod sine cortice crescat: sed quod sæpe quasi uno trunco etiam diversæ species virgultorum ac stirpium temporis diuturnitate coalescant, haud secus quam in benjoifera arbore fieri diximus: nam hoc mirum nobis videri non bebet, cum sciamus per artificium etiam diversæ speciei arbores alienæ speciei inferi. Ceterum hoc modo incolæ lignum aloës, ab aliis virgultis ac ligno separant. Truncos aloës cæsos deponunt in ripis fluviorum in cœno ac luto, ut diversi generis lignum carie consumptum se à ligno calamba seu aloës separet: unde cortice calamba consumpto, qui tam oleosus non est, quam ipsum lignum, quod præterea minus teredinibus ac putredini obnoxium est, tale quale in officinis in patria, ad nos quoque defertur. Lignum hoc porro Aloës gustu plane aromaticum est ac subamarum, unde forsan aloës nomen mutuatum est. Pulvis ejus ad scrup. i. pondus sumptus cholerae medetur, quam mordexi incolæ vocant, ac omnibus intestinorum affectibus frigidis ac ventriculi medetur egregie. Tum tineas, ac ascarides puerorum efficaciter necat. Chinenfibus porro ac omnibus Mauris ethnicis, *in sacrificiis pro suffumigio est.*

IN C A P. XVII.

De Santalo. Fol. 68.

Paragrapho tertio, auctor noster refert, pallidum ac flavum Santalum plurimum in Tymor insula nasci, de quo hoc porro memorabile hic certo accepi, è mercatoribus nostris advehendi santalini ligni gratia eo commeantibus. In hac insula nasci febris continuæ ac ardentis quandam speciem, quæ sit è synochi putridæ genere, cum delirio ac mentis alienatione mira; durante namque exacerbatione, quæ plerumque quatuor est horarum (nam hoc obiter sciendum est, quamvis ad apuræxiam hæc febris non perveniat: tamen exasperationes suas habere, non secus ac tertianas continuas) ridiculas admodum actiones ægri edunt, id opificii, vel muneris imitantes, quo
fani

fani functi sunt (ut latius in *Method. medendi* mea Indica) ac astantibus risum excutiunt. Tenentur quoque bulymo, ac fame canina insatiabili, ut quicquid iis obtuleris etiam foedum (ut mos est nauticis nostris fociis eo genere scurrilitatis delectari) avidissime devorent, extra exasperationem eam, cetera sani ac mentis integræ. Hunc porro affectum ortum suum trahere ex recens cæsarum arborum fantali cortice viridi, incolæ certo certius affirmant: nam cortex tum virosi nescio quid expirat, ac cerebro inimici, tum cito in corporibus cacochymis, ac peioris diætæ, ut sunt nauticorum nostrorum, tales effectus edit. Sed latius in præd. *meâ meth.*

Antequam cædantur arbores fantali, cortice inciso exploratur ab expertis odor, num maturæ sint ac tempestivæ ad secandum. *Auctor* porro fantalini fructus ait esse cerasi magnitudine: baccas lauri non male referunt, nam exsiccatas habui, ac masticati purpureo ac morino colore inficiunt. Fructus hi avide comeduntur à turdorum quadam specie, ut baccæ orni in patria, quos denuo per alvum excernentes, arva ac montes novis arboribus conferunt, ita ut quamvis tanto tempore tot milia arborum cæsa sint à Lusitanis ac nostris, tamen Sylvæ nunquam deficient.

Porro cum *Auctor* mentionem hic faciat unguenti ex fantali pulvere: ego hujus compositionis usum, in gratiam tyronum Medicinæ hic subjiciam, ac primum hoc modo paratur. ℞. fantal. tenuissime moliti florum Champac. florum mogori an. m. i. his parum contus. adde rad. curcum unc. ij. camphor. q. s. ad gratum odorem: hæc omnia in plano marmoreo lapide pistillo subigunt, addendo sub finem olei nucis Indicæ recentis q. s. ung. formant in pultis consist. Hoc inungunt tam viri, quam mulieres Malaicæ totum corpus, & quamvis propter flavum colorem, quem è curcuma contraxit, primo aspectu foedum sit; tamen suavissimo ac saluberrimo odore nares ferit. Prodest vexatis à Solis, vel etiam à febrili æstu, rigorem quoque in febribus tollit, ac nimias vigiliis arcet; impositum quoque regioni ventriculi choleram sistit & corroborat. Quæ latius in præd. *Meth.*

IN C A P. XVIII.

De Betele pynang, Sirii Poa, &c. Fol. 71.

P*Aragrapho tertio*, priorem succum exspuant) quod priorem succum exspuant prudenter me iudice faciunt, nam alias calx admixta, gingivas ac palatum excoriare. Hoc quoque obiter notandum est. Quod si betele, ac arecca sine calce masti-
cetur, succus inde masticatione elicitus viridis est, addito vero calcis modico succum eundem magis rubicundum, quam sanguinem conspicias. Quod me in principio vehementer fefellit, quod crederem eos excreatores sputo sanguinis laborare. Quid porro de usu hujuscemodi herbarum credam, paucis ac plane aperiam: ego masticatorium hoc longe antefero fumigio tabaci, veruntamen ipsius longus, ac continuus usus (ut hominibus hic mos est) non solum dentes, ob admixtam calcem erodit: sed etiam excidere facit: immo non semel vidi aliquos, qui nondum juventutis terminos egressi omnibus dentibus carebant ob usum Syrii pynang. seu betele ac arecca cum calce, quam Malaji caput vocant. Hinc etiam videas Javanos, ac ceteros Indos rariores ostendere dentium ordines, in quorum vacuos loculos ditiores aureos reponunt dentes. Præterea ubi nux fausel seu fructus pynang nondum maturuit, quod Javani Pynang Mouda vocant, quasi juvenem dicas, repentina vertiginem capiti inducit, quæ quamvis comesto pauco sale, vel haustu aquæ gelidæ cito evanescat; tamen hinc conjicere licet, id medicamentum quod tam repente arcem divinam mentis afficit, non admodum cerebro, ac nervis amicum esse. Ergo ut concludam moderatum ejus usum pro dentifricio, ac ad commendationem halitus oris laudo, ceterum abusum, non minus ac Tabaci vitupero: nam mea quidem sententia dementia summa est, ea pro alimento velle habere, quæ medicamenti tantum vim obtinent.

IN C A P. XX.

De Maci. Fol. 79.

Feruntur è Banda Moluccarum insula grandia vasa fictilia, huc perque reliquos aliquando (cum permissione superiorum) insularum circumjacentium tractus, plena Nucibus myristicis, aceto ac muria condita: nam sine permissu nullo modo efferre licet, quod insulæ Bandenses nostris armis subactæ provincia Batavorum factæ sint. Nuces has maceratas per diem, unum, aut alterum, dein leviter excoctas saccharo condimus hic.

Ceterum de Cortice nucis hujus condito hoc dictum sit, ac de nuce quoque ipsa, iis parcius in his locis esse utendum, quoniam oleosi, ac pingues vapores ex esu ejus in cerebrum elati, obstructionem ventriculis cerebri afferunt, ac inde somnolentiam, immo stuporem quendam universis subjectis membris inferunt. Et quod majus est, ex nimio hujus Nucis usu aliquot periclitari vidi, qui amplius quam per diem naturalem sine sensu, ac motu jacuere, tanquam caro correpti, certissimo indicio cerebrum, ac universum nervorum genus non leviter correptum fuisse. Præterea incolæ in Banda, ac jam etiam nostrates, ex viridi cortice nucis myristicæ pultem excoquunt non insuavem quæ ferme sapore refert istud ferculum, quod in patria conficitur ex pomis acidis coctis: sed qui ea pulte usi sunt ex fide mihi retulere, stuporis ac somnificos jam dictos effectus edere.

IN C A P. XXII.

De Pipere. Fol. 86.

Non tantum Piper provenit in Malabar ut *Auctor* 10. *paragrapho*, ait: sed maxima etiam quantitate nascitur in Regno Java, præsertim in Bantamensi provincia: Præterea crescit abunde in Jambienfi Sumatræ tractu, qui peculiarem regem obtinet non subjectum imperio regis Achinensis, qui po-
ten-

tentissimus hujus insulæ Tyrannus. Ex hac provincia ab amico rege, nostræ naves quotannis bis terve petunt:

Quod porro *Auctor parag.* 11. fol. 89. inquit, aceto ac muria condiri piperis racemos virides, verum est. Ac quia aliquoties repetendum erit, id condituræ genus Indi generali vocabulo Achar vocant. Ac tali modo condiuntur etiam Zinzi-ber viride, radices galangæ, caryophyllorum racemi. Hoc modo etiam saliunt cucumeres juvenculos quos agurcas Lusitani vocant; præterea mangas, addito cæpe, allio, ac porro. Et certe in his locis, ad orexin excitandam ac ciborum concoctionem, nihil sanius reperiri potest. Cum propter aëris in hoc clymate calorem simul ac humiditatem subjectæ capiti partes, ut sunt Pulmones præcipue, ac ventriculus assiduis Cathar-
ris infestentur: ad hunc usum genista quoque hic crescens ac cap-
pares è Persia, ac furatæ adferuntur huc.

Auctor porro hujus Capitis *paragrap.* 12. refert ridiculam Indorum de piperis qualitate opinionem. Quam etiam hic Javani confirmant, nimirum quod frigidum sit piper, credo forte ea ratione qua quondam quidam perversi Sophistæ, argumentabantur ignem frigidum, ac Nivem seu glaciem calidam esse, vel ut Hyperbolice *Poëta*, ait, *Penetrabile frigus adurit*: Contra quos tamen bene monet *Aristoteles* non esse disputandum, nisi sola experientia; nisi forte vellent nimio usu, calorem nativum dissipari, ac debilem inde reddi: ast illi (credo) tam alte non philosophantur.

IN C A P. XXIV.

De Cardamomo. Fol. 94.

Insigniter hoc Capite *paragr.* 6. hallucinatur *Garcias ab Orta*, quod dicat pisorum instar feri, ac simili modo siliquas dependere è sarmentis, quippe ego qui millies crescere cardamomum vidi magna copia instar arundinetorum; nam & Caulem habet arundinis omnino similem, internodiis quoque distinctum, sed intus spongiosum, non concavum; folia quoque arundinis
fo-

foliis perquam similia sunt, nisi quod non tam fastigiata, neque in pyramidis acumen definunt, verum Coni instar, tertia magis sunt: Siliquæ autem hoc modo crescunt, exit circa radicem spica primum viridis, qualis est spica Nardi, quæ sese aperiens emittit in fastigio flosculos instar anagallidos, nisi quod albi sint luteo colore distincti, odoris aromatici plane ac suavissimi; maturescens porro spica cerealem tritici colorem induit, & hac continentur siliquæ istæ, quæ semen continent, quod virescens colore est albo, purpureis maculis pulchre intermixto; arescens porro, ac ubi sicca evadit, puniceum istum colorem induit, quem apud nos in officinis ostendit: sed alibi *in Exoticis meis Indiæ plantis* historiam cum pictura ad vivum expressa, vobis ostendam, quod nullum ante me fecisse est quod gloriar.

Cardamoni porro semen palatum grato calore afficit, ac blando: Ac ego arbitror nullum inter aromata esse, quod sanius pectori, ac ventriculo sit, nam nullum Empyreuma (ut reliqua omnia aromata) in ore, nec visceribus relinquit.

IN C A P. XXVI.

De Nuce Indica, Coquo, Lusitanis dicta. Fol. 120.

Carolus Clusius in annotationibus ad hoc Cap. fol. 119. refert, solere Indos foliis hujus palmæ inscribere literas suas; immo, quod vero proprius, literas hisce foliis oblongis insculpunt stylo ferreo, atque id adeo artificiose faciunt, ut vel elegantissimum scriptorem è nostris longo intervallo post se relinquant, & tam emendate characteres suos Indi (Arabice autem utuntur) hisce foliis imprimunt, ut subirasce mihi aliquoties contingat nostris Europæis & præsertim nostræ nationi; quæ ferme nil nisi sua admirantur, ac has nationes barbaras vocitant, cum multo significantius paucis characteribus, more Laconum animi sui sensum exprimere queant, quam nostri longis periodis, ac verborum farragine inutili. Præterea quamvis regnum in Java videatur Tyrannicum imperium: tamen id

ita pro conditione gentis suæ politice gerunt, ut aliquis, cui non cornea fibra est, neque de genere est Arcadici pecoris, hic satis cito addiscere queat, compendiosam hic politices viam esse regibus bene imperare, ac subditis melius obedire.

IN C A P. XXVII.

De Myrobalanis. Fol. 111.

Myrobalanos Emblicos ac Bellericos officinis Europæis vocatos, sæpe hic nasci in Java vidi: ac præter solitas myrobalanorum species hic nasci vidi hætenus nostris incognitas, figura plane rotunda, ac quæ sine striis, ac incisuris sint, leves plane ac æquales: ceterum trunco, foliis, ac sapore reliquis myrobalanis similes sunt, nisi quod de purgativa ceterorum myrobalanorum virtute non participant, ac inde constat non temere palato astringentem magis reliquis gustum addere. Hi myrobalani conditi nobis in quotidiano usu sunt pro decumbentibus in nosocomio è dysenteria, Cholera: ac biliosis febrium caliditatibus, & quod caput rei, putredini egregie resistunt.

IN C A P. XXVIII.

De Thamarindis. Fol. 115.

Quod paragrapho 4. hic Garcias ab Orta dicat folia Thamarindorum esse minutim incisa, verum est, ac vere referunt formam, ac virorem ciceris aërietini: ut & quod eodem parag. dicit folia Thamarindorum ad erysipelata valere, cum sint adstringentia, ac summe siccantia, tum frigida. Saporem quoque plane referunt acetosæ, seu oxalidis, hinc ad dysenteriam, ac Choleram summe utilia sunt. Ut porro potus nobis quotidianus ex infusione Thamarindorum, ac sacchari conficiatur, admixtis malis citreis, dixi alias in *method. mea medendi* Indica, Thamarindorum porro arboris figuram in Exoticis meis videre licebit.

IN C A P. XXIX.

De Cassia Solutiva. Fol. 117.

Quod huic Capiti addam vix quicquam habeo, nisi quod *Auctor parag. 4.* ubi facit mentionem locorum in quibus Cassia crescit, Javam præteriit, in cujus tamen sylvis copiose provenit, hujus pulpæ usus frequens est apud Malayos in renum, ac vesicæ morbis, ac omnibus nephriticis morbis; in gonorrhæa quoque ex impura Venere contracta, si misceatur ei pulvis therebinthinæ coctus. Non ausim tamen in dysenteria vera hic frequentissima, ac Cholera nisi cum cautione exhibere, quia ut & manna facile in bilem convertitur, ac morbum hoc modo per se periculosum longe magis lethalem faceret.

Porro hoc Cap. *par. 9. fol. 119.* ridicula refertur quorundam opinio, nempe boves hic assiduo alvi fluxu laborare ex pastu foliorum arboris Cassiæ, &c. Causa autem vera hujus fluoris mea quidem opinione est, quod regiones sub vel circa æquatorem sitæ, aërem fortiantur calidum, ac humidum, ut alias latius explicavimus, qui visceribus, jecori, ventriculo, lieni, ac intestinis putredinem inurit, ac fluxus intestinorum, ac Hepatitis inducit.

IN C A P. XXXII.

De Calamo Aromatico. Fol. 125.

Præter usus excellentes, quos præstat in medicina Calamus aromaticus hoc Cap. descriptus, etiam Malaïcis mulieribus in culina inservit, in condiendis piscibus, ac carnibus elixis, cum radicibus Zinziberis recentis, radice Crucumæ, ac Galangæ ac reliquis aromatis, ac sic cibis odorem, ac saporem suavem conciliat, ac concoctioni ventriculum, ac intestina apta efficit. Ceterum ut hoc parergoos dicam, hæ nationes, quantumvis nostris barbaræ vocatæ, Polonos, ac Germanos in con-

diendis piscibus superant, qui tamen hic palmam sibi vindicare non erubescunt.

Ceterum *Auctor* ait Calamum aromaticum, nec Galangam, nec Acorum esse; bene quidem cum Acorus, ac Galanga, quantum ad folia potius ad Gladioli species debeant referri; ac Calamus aromaticus sit Gladioli species.

IN C A P. XXXIII.

De Nardo. Fol. 128.

Nardus Indica in Java magna quantitate crescit, ejusdem in culina apud Javanos usus est, qui Calami aromatici, ac Junci odorati; nimirum in condiendis jusculis piscium, ac carniū elixarum. Plantam Nardi viridem hactenus non vidi, quod in montibus circiter 14. leucas ab urbe Batavia crescat, & nos eo propter prædones Javanos, & tygrides excurrere non audemus. Nos hic, non secus ac Calendulæ flores exsiccatos in patria, Nardum infundimus in aceto, ac dein Syrupum quoque inde conficimus adversus frigidos viscerum affectus, hepatis, nimirum, lienis, ac mensenterii obstructiones, quæ postremæ hic adeo frequentes sunt, ut hinc misere multi extabescant ac marasmo moriantur, sine dolore tamen, ac paucio sensu, de quo latius in *method. med. mea.* Acetum porro, ac syrupum hunc nardinum (certo mihi constat) ad morsus venenatorum, ut serpentium, Scolopendrarum, Scorpionum, & similium valere imposita, vel intus sumpta: quod experimento comperi præcipue in uno, qui morsus erat à serpente quodam, quem Lusitani hic Cobra de Capello vocant: atque hujus morsus hic adeo venenatus, ut certe Lusitani hunc regulum seu Basiliscum esse putent: sed de eo aliquid inferius dicimus.

Sequentibus de *Junico odorato* nihil addo, quam quod auctor fallatur, qui dicat Junci odorati nullum alium esse usum apud Indos, quam substernendis equorum cubilibus, cum etiam eo in culina ad condiendos cibos ut Calamo aromatico Indi utantur:

tur: quapropter etiam, quamvis in sylvis copiose crescat, studiose à mulieribus Malaïcis in hortis colitur, tum quoque ad lavacra, fomenta, infusiones, utilissimus est; ut & ad omnes muliebres affectus; & cum sit graminis species, ac simplicis, vulgaris graminis usus, in multis tantopere commendetur, quis neget gramen hoc plane aromaticum vires longe excellentiores possidere?

IN C A P. XXXV.

De Costo. Fol. 137.

Auētor hoc capite tantum unicum genus Costi esse asserit, quod & ego affirmo: nam vetustiores Medici, sua tria Costi genera distinxere magis à carie, & vetustate corrupta Costo. Costi porro radices huc è Cambodia plenis faccis adferuntur, cum plurimus ejus usus sit in medicamentis apud omnes Indos, ac Chineses præcipue. Ceterum Costus vulgato vocabulo inter mercatores Indos Pucho, Chinesibus Potstock vocatur. Notas omnes hæc costus habet, cum ea, quæ hoc Cap. describitur. Cum ego primum radicem Costi viderem, putavi esse Hellebori albi radicem, & nisi me odor monuisset, in ea opinione adhuc hæsissem, quia Costi radice per medium secta, tot initia fibrarum, quot in Hellebori radice, reperies: Adulterari porro radicem hanc, ut *Auētor* ait, non credo: nam vidi ego integrum Picol, quod pondus centum ac viginti lib. in auctione decem realibus distribui.

Auētor sequenti cap. xxviii. de Radice Chinæ, multas, ac veras laudes refert. Quibus ego hoc tantum addo: quod hæc radix non tantum ad affectus Venereos utilis sit: sed & ad omnes Chronicos morbos, qui communiter grassantur, ut sunt Cachexia, Leucoplegmata, Hydrops, denique paralyseos ea species quam beriberii in meth. mea Indica medendi vocari dixi, ad quam curiosum remitto, quod in me ipso dum molestissimo hoc malo per quatuor menses decumberem expertus sum, cum ante ejus usum neque pedes, neque brachia commode movere possem, quod & in plurimis aliis experientia didici.

IN C A P. XXIX.

De Croco Indico, seu Curcuma. Fol. 153.

Crocus Indicus, quem author hic describit, nil aliud est, quam radix Curcumæ officinis patriis dictæ, hic in sylvis tam copiose crescit, ut inde vel integras naves onerare possis: verum feritur etiam in hortis. Folia habet oblonga longe latiora, quam folia Cardamomi, quibus alias non sunt absimilia, caule variat, qui in Cardamomo est internodiis tanquam arundo, distinctus: at in Curcuma levis, ac æqualis. Miror ego *Garciam ab Orta*, hanc nobilissimam plantam tam leviter transiisse, cum apud omnes Indos, nulla planta sit in frequentiori usu, quam Curcuma. Nomen Croci sortita est, non quod ullam habeat similitudinem cum Croco Anglico, qui optimus jam est in toto terrarum orbe: sed quod radix ejus, non secus ac Crocus verus colore flavo tingat.

Unde etiam Lusitanis saffran da tierra vocatur, quasi Crocum subterrestrem dicas; Malaii communissimo vocabulo borbory indigitant, cujus usum infra docebimus. Unde & tota nobilissimi paulo supra descripti unguenti compositio nomen suum sortitur. Flore est pulchere purpureo, qui in summitate plantæ emergit, similitudine referens flores gladioli cujusdam, qui in Hollandia mense Junio aut circiter, egregie purpureos flores profert. Quod noster *auctor. dicat, parag. 5.* sub finem hujus capituli, se existimare sine noxia hanc radicem posse sumi, audacter quamvis meo periculo dicito, neque ullum frequentius condimentum apud nostros Indos est, in coctis piscibus, ac carnibus elixis. Præterea nobilissimus ejus est usus in medicamentis, tam topicis, quam intro exhibendis in omnibus obstructionibus viscerum, ac mesenterii hic frequentissimis: tum in mulierum morbis nullum æque celebrant Malaicæ mulieres, quam hoc borbory, tam divinis laudibus efferunt in facilitando partu, ac urinæ difficultatibus, ac Renum affectibus. Tum in utero remedium est specificum. Ac certe ut
verum

verum fatear, nihil in his affectibus præstantius in quotidiano usu reperi, quam præstantissimum hoc inter omnia medicamentum: sed de hac radice latius, *in meth. medendi.*

IN C A P. XL.

De Galanga. Fol. 153.

Cum author hoc capite de Galanga satis superque dixerit, nil habeo quod huic addam, nisi in acetariis eundem hujus radicis usum esse, qui virentis Zinziberis radicis, ac loco caparum ad orexin excitandam ea Indos cum assis piscibus ac carnibus uti, hanc condituram, cum muria, ac aceto jam aliquoties achar incolis vocari diximus.

IN C A P. XLIV.

De ligno colubrino. Fol. 145.

Ait hoc capite author lignum colubrinum valere adversus circuitus febrium intermittentium; hoc verum esse non semel experientia didici, præcipue in Tymorensibus febribus cum delirio, ac sæpe phrenitide conjunctis, de quibus & de earum cura alibi. Lignum colubrinum hoc vehementer densum est, ac si quando Indi velint eo uti, fricant fortiter cum aqua in marmoreo lapide, & friabile cum sit teritur facile, ac sic cum aqua aut alio liquore ægro exhibent, gustu est longe amariore, quam lignum aloës: valet quoque ad tineas, lumbricos ac ascarides, ac potenter ictibus venenatorum animalium resistit.

Paragrapho porro tertio, mentio fit Serpentis cujusdam quem Lusitani Cobra de capello vocant: hi serpentes cum irritati sunt, duas bullas in cervice erigunt flavo colore, quales ranæ istæ palustres coaxantes in temporibus attollunt, ac hæ bullæ forsan coronæ speciem authori fecere. Ceterum serpens hic, non multo crassior est digito minimo auriculari humano, in tergo colore est nigro, in ventre fœde flavo.

Quod *seq. paragr.* dicitur de pugna viverræ cum hoc serpente,

te, non adeo dissonum est, cum ego sæpius à felibus occisos viderim, sed nunquam de carnibus eorum gustant, cum reliquos serpentes, præsertim aquaticos avide devorent. Signo inter cetera evidenti quam virosum sit hoc insectum. Vidi enim Maurum quoddam arundineti genus cædens, quod rotang Indi vocant, ac eo omnia ligant, ut apud nos hoc funibus fit, quorum vicem hic supplet, & dum imprudens unum ex serpentibus his lædit, ab eo morsu in musculo pollicis est petitus, vestigio vix exstante, & cum, ne venenum altius ferperet, brachium ipsi arctissime ligaretur, ac ille præ dolore vinculum laxari obnixe oraret, quo factò statim miser expiravit, corpore fœdum in modum intumesciente, tanta erat vis veneni ad cor momento penetrantis.

IN C A P. XLV.

De Lapide Bezahar. Fol. 165.

Perfis Pa-zahar.

Paragr. secundo hujus cap. author ait lapides Bezahar paleam vel quid tale intus habere, quod nunquam fallit nisi in adulterinis, & si superficiali tunica abrafa, non succedat alter orbis cæparum modo, donec ad paleam istam deventum sit, fictitius est lapis proculdubio: sed sequenti modo ejus adulterium melius percipitur. Si lapidem frices pauca calce, & si in loco fricato puniceus color appareat, constat verum esse, ac genuinum: secundo si ponderatum accurate lapidem conjicias in pelvim aqua repletam, & post duas aut tres horas eundem eximas ac rursus ponderes, ac si nihil de priori pondere aut perdiderit, aut eo gravior factus fuerit, verus est lapis Bezahar: verum si calce fricatus rimam ducat, aut si aqua exemptus, de pondere amiserit, vel eo auctus fuerit, falsum ac adulterinum esse audacter dicito.

Paragr. 6. Garcias inquit lapidem hunc non solum generari in Persia, sed etiam in aliis commemoratis locis: sed quoniam nullus quod sciam ante me verum etymon hujus lapidis edidit,
nec

nec quomodo, aut ex quo generetur, paucis auscultate rem. Persæ igitur hunc lapidem vocant Pa-zahar composito vocabulo ex Pa, & Zahar, quorum prius significat contra, ac secundum venenum nominatur, ac si græco vocabulo antidoton dixeris: hic perspicitur quam fallax sit ista etymologia, qui a Pazar vel Bazar lapidem hunc dictum volunt, cum nullus unquam hunc lapidem venalem in foro viderit. Nascitur hoc porro modo lapis Bezar in Persia, ut ab Armenis, ac Persis mercatoribus fide dignis certo accepi. Est locus in Persia Stabanon dictus, trium dierum itinere supra Laram civitatem celebre in Persia Emporium, in cujus campis nascitur herba quædam croco, ac hermodactylis admodum similis, in cujus campis caprorum copia pascitur, in quorum ventriculis ex esu hujus herbulae hi lapides in ventriculis caprarum concreescunt, qui apud Reges Persiæ in tanto pretio sunt supra reliquos, qui in aliis locis gignuntur ut magnus Xa Abas Imperatorum Persarum ultimus mortuus anno 1628. inibi vigiles locaverit, ut omnes istos lapides Bazahar qui certum pondus excederent, sibi vendicarent: Itaque quod causa materialis hujus lapidis sit causa supra dicta, non solum Armeni, ac Persæ mercatores mihi retulere: sed idem ferme affirmat *P. Texeira* Lusitanus in tractatu suo elegantissimo, quem Hispanica lingua conscripsit de rebus gestis Regum Persiæ, qui, inquit, Insulam quandam esse inter Ceylon insulam, ac terram continentem Chormandel, quæ à Lusitanis *Isla de vacas* vocata (quod insulam vaccarum sonat) nostris nauticis etiam optime nota, in qua etiam nascitur copia prædictorum lapidum, quam ob causam etiam ibi multæ capræ pascuntur. Atque idem author ait quod anno 1585. hanc insulam maxima ac horribilis inundatio invasisset ac etiam totam continentem terram Chormandel, ita ut hæc insula tota submersa fuerit, quæque servari inde capræ poterant alio translatae desierunt gignere istos lapides, quod prædicta herba ibi non cresceret: sed elapsis paucis annis, cum insula falsugine maris liberata rursus hanc herbam produceret, capræ ejusmodi iterum eo translatae lapides hos ut ante produxere. Hæc mihi vobis communicare visum est, quoniam & mercatores nostri,

ac Angli idem certo confirmant. Ceterum quantum ad hyperbolicas hujus lapidis virtutes, ac facultates portentosas, non tantas in eo mille experiētiis edoctus inveni, alioqui etiam natura non pronus superstitiosas medicamentorum facultates facile admittere, nisi experientia id verum invenerim. Quoque, id magis credatis, lapides hi miseris hircis, ac capris tam molesti sunt, quam hominibus lapides vesicæ, ac renum. Captæ istæ non absimiles valde sunt capris Europæis, nisi quod habeant erecta, ac longiora cornua, ac quædam ex iis versicolore sunt pelle ut tygrides pulchro aspectu, quales duas hic in arce Batavia nostra quotidie videmus, itaque hæ capræ prout magnum lapidem, aut parvum gerunt, unumque, aut plures, eo molestius, vel citius incedunt, quod astutissimis Armenis, ac Persis perbene notum est. Porro vidi & lapides Pa-zahar natos in ventriculis simiorum, qui Teretes sunt, ac longitudinem digiti aliquando excedunt, qui hic præstantissimi omnium censentur.

IN C A P. XLVI

De Lapide Porcino. Fol. 168.

Lapis iste Malacensis cujus author hic transitorie meminit, in memoriam mihi revocat alterum lapidem quendam genitum in felle porcorum, aut etiam ventriculis histricum oblongis pinnis præditorum, quem Lusitani propterea Piedra de Puerco vocant: mollis, ac pinguis est attactu, ac si saponem Hispanicum tractes: ego duos domi habeo, unum parvulum ex histrice, alterum ex apro excisum. Infunditur hic lapis in vino adversus choleram, quam mordexi hic insulani vocant, ac hic tantopere timetur, quam pestis in Hollandia, utpote quæ hominem aliquando solēat occidere paucissimis horis: Prægnantibus tamen hic lapis non bene datur: nam abortum provocare adeo certum est, ut foeminæ Malaicæ mihi retulerint, ut si quando menstrua earum purgatio non bene procedat, si saltem hunc lapidem manu gestent, juvamentum se inde sentire. Sed profecto mihi consideranti iudicium humanum de omnibus hisce

hisce concretis lapidibus in ventribus, ac cavitatibus animalium rationis expertum, ridiculum mihi videtur lapidem concretum in vesica humana, ac sæpe è renibus elapsum, ac per penem redditum in nullo pretio haberi, cum homo non tantum sit animal longe nobilissimum, ac qui delicatissimis cibis vescatur: ac certe quod dixi, de circulis istis instar cæparum in lapide Pa-zahar repertis, similes circuitus ac orbes in lapide humano videre est. Et ut propius ad externam superficiem pervenias, ut lapis Bazahar, friabilior, ac mollior est, donec ad parvum nucleum circulis his inclusum pervenias, qui rubro suo colore non obscure lapidis originem è renibus esse ostendit. Nil porro de his lapidibus addo, ne videar lapides bazaarticos elevare, & lithotomos monere, ut vel cum periculo plures mortales fecent. Hoc certe compertum habeo lapidem in vesica hominis repertum urinam ac sudores probe ciere, quod tempore ingentis illius pestis, quæ anno 1624. & 25. Leydam patriam meam ac reliquas Hollandiæ civitates miserandum in modum vastabat, in penuria lapidis bazaartici nos exhibuisse memini, & sudorificum (ansim dicere) melius, ac excellentius invenisse, cum admixta theriaca, aut mithridatio, cum olei succini, aut Juniperi guttis aliquot.

IN LIBRO II.

*Garcie ab Orta, de Plantis quibusdam Indicis
Jacobi Bontii Animadversiones.*

IN CAP. I.

De Arbore tristi dicta Pariz.

QUOD hæc arbuscula noctu flores expandat, inde eam Lufitani, Arvore da Notte vocant, copiose in Java flosculos suos albos profert, quos servi venales in urbem ferunt,

faciendis corollis, ac intertexendis capillis mulierum Malaicarum.

Paragr. 6. Auctor mentionem facit florum fula Mogori dictorum: hi flores in arbuftis crescunt non inepti texendis sepiibus, humanam altitudinem vix hoc arbuftum excedit, flores quoque albos fert odore gratissimo, ac aspectu longe pulcherri-
mo. Stillatitius porro liquor ex floribus arboris tristis, ac hac arbuscula igne elicitur, qui cordialis admodum est, quo circa ad lypothymias, quæ in febribus continuis, Cholera, ac dysenteria crebro accidere solent, summum adjumentum præstant.

Paragr. 7. Author mentionem facit hic florum sibi Champe dictorum, Javani autem cum arbore eos Champacca vocant. Arbor est mali Persici folio, sed crassiori paulo; flores porro colore inter sese variant: nam alii sunt è colore viridi dilutiori, ut potius primo aspectu ab arbore avulsi, fasciculum foliorum mentiantur: sed pediculi intus in calice, quales ferme in rosis, flores esse declarant. Sunt & hujus arboris flores alii colore aureo subflavo (quem colorem nostri *Oranje* vocant) uterque flos æque est odoratus admodum, verum caput gravat, non secus ac camphoræ odor insuetis gravis est. Indos quoque author ait bonis odoribus esse deditos. Ut & reliqui qui Mahumetis sectam sequuntur omnes, ita ut nunquam ferme mulierem Indicam in publicum prodire videas, quam cum hisce floribus, capiti vel capillo (ut dixi) impositis ut gratiores maritis, vel sæpe amatoribus suis occurrant.

IN C A P. III. l. 2.

De Negundo & Lagondi, seu Ligustro Indico.

Hanc arbusculam melius describit *Prosper Alpinus* lib. de plantis Ægypti, cap. 13. sub nomine ligustri Ægyptii, & Alcannæ, & certe ligustro omnino similis est quantum ad folia: sed ramos latius effert, non secus ac salix aquatica apud nos, tum baccæ, quæ floribus succedunt, rariores quidem sunt,

sunt, quam baccæ ligustri seu vaccinia: sed nigro quoque ubi maturuerint sunt colore, sed floribus variant: cum ligustrum hoc Indicum habeat flores coloris expallido cyanei, cum ligustrum patrium gerat flores nive candidiores, unde *Virgilius*; *Alba ligustra cadunt: Vaccinia nigra leguntur.* Vaccinia enim sunt baccæ Ligustri. Odoratio quoque est hæc arbuscula, quam ligustrum, unde merito inter aromaticos frutices venit numeranda. Quod *Prosper Alpinus* ligustrum hoc confundat cum alcanna, potest id quidem fieri, quod alcanna, atque hic frutex in Ægypto indiscretim habeantur, nam ligustro alcannæ frutex omnino similis est quoad folia: sed ea sunt paulo minutiora, præterea alcannæ folia pulchre rubro colore tingunt, si super marmoream tabulam, cum pauca calce terantur, ac per noctem in aqua macerentur. Hoc pigmento Javani utriusque sexus tingunt ungues, ac labia; tum Persæ, ac Turcæ caudas equorum suorum hoc rubro colore eleganter inficiunt. Crescit uterque frutex in Java, ac studiose in hortis colitur, & tanto sunt apud has gentes in honore ut in omnibus ferme morbis hinc balnea, fots, cataplasmata quoque concinnent, immo divinam hanc herbam ferme putant, & certe nobis hic egregie defectum supplet meliloti, ac chamomæli. Præterea nihil ad discutiendum melius reperiri posse confido, quam hæc folia, præterea in omnibus doloribus, etiam inveteratis summum anodynum est. Mulieribus in fotu menstrua ciet, partum faciliat, affectibus omnibus denique vulvæ medetur, intus sumptum hoc medicamentum, urinas movet, renum ac vesicæ malis succurrit, colicos porro dolores compescit, & ut verbo finiam, veterum Panacea nihil ad nostram hanc. Negundo, & Niergundo hunc fruticem nominat auctor, Javani porro paulo aliter inflexo vocabulo Lagondi indigitant.

IN C A P. IV. l. 2.

De Jaaca Fructu.

Præter bene descriptam hic Jaacæ speciem crescit & altera hic in Java in magna, præalta ac vasta arbore, folia lata Platani folia plane referunt: sed multo viridiora sunt, nec lanuginosa, fert fructus longe minores hac Jaaca nec ejusdem, sed delicatioris aliquantum saporis: quique non è trunco, sed ex ramis dependet, nauseabundus est hic fructus, & ut author ait, insalubris.

IN C A P. V.

De Jangomas, l. 2.

Jangomas sunt prunorum sylvestrium species, quales apud nos sunt, quas Belgice *Sleen* vocamus; ubi maturuerint colore sunt flavo, cum nostrates sint è nigro purpurascentis coloris. Jangomas sunt porro sapore admodum astringenti, arbor in Cerasi altitudinem assurgit. Spinosa est plane: unde etiam *Prosper Alpinus* eam Paliurum indigetavit: ut *Virgil. Carduus & Spinis surgit paliurus acutis.*

Ceterum qualitate hi fructus sunt frigida & sicca, ideo cholericis morbis medentur, cholerae scilicet, dysenteriae, febribus ardentibus, cujus calorem temperant ac bilis orgasmum sistunt: unde hinc etiam Syrupum hic conficimus non minus utilem quam succus est acaciae, tantopere veteribus dacantatus.

IN C A P. XV.

De Carambola. l. 2.

Miror Garciam ab Orta hujus arboris descriptionem tam levi pede transfiliisse, cum inter saluberrimos Indiae fructus merito censeretur debeat. Folia hujus arboris, pruni folia non male

male referunt, ac subtus, ut populea folia albescunt: flores admodum grato colore è pallido puniceo fert, eosque fasciculatim magnitudine anagallidis floribus respondentes. Quibus decidentibus succedunt filiquæ oblongæ quadrangulares, ac sæpe pentagonæ interstitio intercedente singula membra, non secus ac in filiquis coronæ imperialis *Clusii* fermen continentibus. Saporis sunt subacidi ac astringentis. Immaturi quoque muria ac aceto condiuntur, ut de aliis fructibus diximus. Præterea Syrupus ejus, non secus ac Syrupus è billinbing dictis fructibus, conducit cholerae, disenteriae, febribus ardentibus, ac saccharo in eundem usum à Chinenfibus conditur: maturus fructus flavescit, & tum è dulci vinosi est saporis.





JACOBI BONTII

In Indiis Orientalibus in Insula Java civitatis
Bataviæ novæ , ac arcis Medici ordinarii ,
de conservanda valetudine , seu de diæta
sanorum in Indiis hisce observanda.

DIALOGI.

DIALOGUS PRIMUS.

*De aëris qualitatibus , anni temporibus , dierum in-
tervallis , ac ventis in Indiis hisce familiariter
spirantibus.*

JACOBUS BONTIUS.

ANDREAS DURÆUS.



I Bonti , quoniam matutinis ægrorum visita-
tionibus jam tempestive admodum defuncti
sumus , si libet eamus extra pomœria civita-
tis aliquanto longius deambulatum , ut dum
nondum sol calore suo aërem prorsus excal-
fecerit inter nos conferamus , quali diæta in
hisce locis præcipue sit utendum. BONTIUS.
Bene mones , mi Dureæ , præsertim cum quotidie videamus ,
in

in Nosocomio nostro hoc Batavico , non solum plerosque ægros, jam à morbis convalescentes redicivas pati, propter malam diætam ac inopportunam, se ipsos in mortem certissimam præcipitare: verum etiam bene sanos ob eandem causam periculosos morbos incurrere: Hinc enim obstructions hic frequentes viscerum, hydrops, ac denique marasmi insanabiles; sed cum diætâ consistat apud *Veteres* in VI. rebus non naturalibus dictis, eorum vestigiis nos quoque insistentes, ne hæretici in Medicina videamur, Colloquium nostrum finiemus. DURÆUS Quas tu vocas res naturales? BONTIUS. Quæ corporis humani fabricam non constituunt, neque intus in nobis sunt: sed quæ externe accersenda sunt, ut usui humano inserviant. Tales sunt aër, cibus ac potus, somnus ac vigiliæ, motus ac quies, excernenda ac retinenda. Affectus denique animi; de iis igitur singulatim nobis hic agendum est. Ac primum ut ordine cuncta percurramus, *de aëris constitutione* hic dicendum erit, quum eo vel invitis mortalibus sit utendum, dum respiratione ac insensibili transpiratione, carere non possumus. DUR. Optime, sed quoniam aëris calor hic vehemens toto anni tractu, clyma hoc quoque siccum valde existimarim. BONT. Mimine vero, immo aër hic ac in circumjacentibus insulis, ac in continentibus regionibus, hic humidus valde est. Cujus rei, quum plurima argumenta possim adferre satis valida, vulgaribus omissis hoc unum dicam, quod vel siccissima in his locis anni tempestate, ferrum, chalybs, æs, argentum denique hic citius rubiginem ac æruginem contrahunt, quam in Europa pluvioso, ac autumnali anni tempore. DUR. Verum dicis, cum & vestimenta arcis bene inclusa situm brevissimo momento contrahant, & nisi ventis interdium spirantibus ac soli exponantur, facillime putredine corripiantur. Sed si placet explica, qualem hic circa Bataviam aërem experiamur. BONTIUS. Aër in circumvicina regione hic non admodum salubris existit, tum quod calor ac humiditas putredinis effectrices ac genitrices Physicis dicantur, tum propter stagna ac loca paludosa hic frequentia, dum igitur venti è montibus spirantes, foetidos ac crassos, ne dicam propter multitudinem insectorum, venenatos vapores supra urbem nostram adigunt ac ita aërem inficiunt. Itaque ventus hic

è continenti oriundus ferio nobis cavendus est, atque is præcipue, qui post gallicinium è montibus spirat ob primarum vigiliarum tepidum calorem, ac aperta inde in homine sudaria, seu corporis poros, vehementius propter subtilem ac penetrantem qualitatem corpus afficiunt, quam vel frigidissimus Boreas media hyeme in patria: Hinc gravedines hic longiores ac Catharri difficiliores oriuntur, quam in patria. Penetrabilis præterea hujus aëris natura, miserabilem illam paralyseos speciem producit, quæ berebirii in method. mea med. Indica nominatur, quo lectorem remitto. DUR. Montanorum quidem ventorum nobis naturam explicasti: velim ut sententiam feras, de auris è mari spirantibus. BONT. Eas ego autumo longe salubriores terrestribus esse: Causa in promptu est, quod illæ fœtidos illos ac paludosos vapores longe à nobis rejiciant ac aërem vertant ac expurgent, inde Spiritus alacriores, ac vegetiores ad functiones peragendas reddunt, humoresque qui in nobis sunt à putredine conservant. DUR. Hæc quæ dicis in memoriam mihi revocant, quæ de ventis in Gallia Narbonensi, ac vicinis Hispaniæ locis, ac in Italia in Romæ ac Neapolis territorio, è montibus spirantibus, incolis Serenæ vocantur, qui blandiente frigore homines incautos, advenas præsertim pervadunt potius, quam invadunt, inde crebræ in iis locis Hæmoptoses, Phtises, ac Astmata, ceteraque Pulmonum vitia, sæpe incurabilia. BONT. Ita est ut dicis: hinc non inconcinne *Horatium* cecinisse memini.

Matutina parum cautos jam frigora mordent. DUR. Quum porro in omnibus terræ locis, quotannis insignes in aëre mutationes in Elementorum primis qualitatibus sentiantur, ac pro iis anni tempora Physicis distinguantur, velim ut mihi etiam vicissitudines illas tempestatum in Java nostra demonstrares. BONT. Lubens fecero, itaque cum per totum anni decursum, hic tantum in siccitate, ac humiditate, mutationes insigniores oriuntur in hisce locis, tantum duo anni Tempora hic novimus. Nam quoad mutationem caloris ac frigoris: calor plerumque hic semper est æqualis, cum Sol hic à linea æquinoctiali non longe recedat: itaque anni tempora in siccum ac pluviosum dividemus, quæ nobis hic æstatis, ac hyemis vicem supplent. DUR.

DUR. Quando hic igitur æstatem incipere existimas? BONT. ubi perpetuæ pluviæ cadere incipiunt: nam tum Sol propior Æquatori è directo nos feriens, ac è mari, paludibus ac stagnis nubes in altum cogit, ac incipit hæc Tempestas, à Novembr. initio, ac usque ad initium Maii exurrit, cœlo tum temporis tam irriguo, ac tam pluvioso, tum cadentibus continuis pluviis, ut insolitis merito secundum Deucalionis diluvium metuatur. E contra à Maii initio, usque ad Octobris exitum, ficcus plane ac serenus est aër, vix pluvia tota sex mensium intervallo decedente, contrario plane modo, quam in Patria nostra, ubi recedente sole pluviosus fit aër, appropinquante vero sole ficior evadit. Sed terra tamen his non obstantibus hic longe feracissima est, tum ob roris noctu cadentis copiam, tum propter temperatam hic matutini ac vespertini temporis naturam, quæ veris hic qualitates æmulatur: sed de eo infra. DUR. utrum tempus anni existimas salubrius esse? BONT. ex dictis prudenti constare debet, Tempus pluviosum seu æstivum maxime insalubre hic censeretur, quod nimirum aëris calor ac humiditas naturalibus Philosophis putredinis effectrices merito putantur esse: Nam nisi tum temporis venti successivi matutini, ac vespertini, tum aëris crassities ac nebulosa constitutio æstum arcerent, terra hic propter calorem non ferendum inhabitabilis esset: sed de his docte ac ampliter philosophatur *Josephus à Costa* ex proposito l. Naturalis Indiarum Histor. quem lector curiosus adeat. Tempestate porro anni sicca ac sereno aëre, ut convenit corpora hic sunt bene sana, ac tum venti etiam aliquanto frigidius spirantes aërem melius ventilant ac expurgant. DUR. Ut ex dictis intelligo, dum æstatem ac hyemem vicinitate, ac absentia solis metiris, hic in Indiarum hoc tractu patimur hyemem, cum in Hollandia ver ac æstas florent, & è contra hic æstas est, cum in patria hyems ac boreas sæviunt. BONT. Ita sane est. DUR. sed quid de dierum intervallis, ac eorum temperamenti sentis? BONT. Diei tempora hic commode diviserim in Matutinum, Antemeridianum, Postmeridianum, ac Vespertinum, sub quo quoque noctem comprehendemus. Quoad qualitates singulorum, Matutinum ac Vespertinum diei tempus

salubrius reliquis, ac actionibus accomodatius peragendis est. Quod tum temporis, venti, è mari ac montibus spirantes aërem ventilant ac refrigerant: Ut autem à mututino tempore incipiamus; Ego illud definio, quod ab hora quinta usque nonam se extendit, hic tum auræ molles blande aërem temperant, ac si in Hollandia Maiales ventos sentires. Antemeridianum à nona porro ad duodecimam se extendit, quo tempore sole altum scendente, maximus æstus sævit, qui temperari paulatim post duodecimam usque ad quartam pomeridianam incipit ob auras è mari surgentes. Vesperam autem terminabimus à quarta pomeridiana ad sextam, aut paulo ultra vespertinam, qua Sol se condit. Itaque si quid negotii gerendum sit interdiu, id fiat vesperi ac mane; antemeridianis jam commemoratis horis progressus in publicum plane vitandus, ob fervoris violentiam, quod tam manifeste quisque sentiat, se tum temporis magis quadrantis horæ spatio defatigari, quam spatio duarum horarum alio tempore. A duodecima porro ad quartam pomeridianam, etiam suadeam à negotiis publicis abstineri, sed tamen hæ horæ tam insalubres non sunt, quam antemeridianæ nominatæ.

D I A L O G U S II.

De cibo ac potu: ubi de Carnibus, Piscibus, Fructibus, Herbis, Oleribus, Potu, Pane, ac Oryszæ qualitatibus.

EXpositis aëris Indici in his oris qualitatibus, tum anni temporibus, horis diei ac ventorum temperamentis, vellem ut mihi tuam sententiam diceres de cibum sumendi tempore.

BONTIUS. Lubens faxo, itaque hoc in genere accipe jentandum hic largiter, prandendum mediocriter, cœnandum parum: non quod meæ opinioni alios ita stricte alligare velim, sed ego mei judicii rationem reddere conabor. **DUR.** Rationem itaque velim mihi dari. **BONT.** Ea in promptu est quod tempore matutino, ob nocturnum frigus ventriculi hic melius ad digestionem

nem sunt dispositi. Prandendum porro hic mediocriter suadeo, ne dum meridiamur hic plerumque ob summum calorem aliquantulum stomachus à nimietate cibi gravatus, cruditates, ac inde morbos hic solitos oriri gignat: nam plurimi morbi hic à frigida causa gignuntur. DUR. Hoc adeo durum mihi videtur, in calidis regionibus frigidos morbos prædominari. BONT. Ast ubi causam inspexeris fortassis minus mirabere, quod nempe propter assiduas spirituum per sudores ac cutis spiracula evaporationes membra naturalia concoctioni ciborum inservientia calore destituantur; inde frigidiores ventriculi ac intestina ob concoctricis facultatis labefactionem, cibos omnino mutare non valentes crudos ac incoctos humores, ad mesenterium, dein ad Hepar, tandem per venas ac arterias in universum corporis habitum transmittunt. Hinc quoque non mirum est populos ad septentrionem sitos vivaciores longe esse hisce meridianis gentibus, nam ambiens frigus, per antiperistasin calorem ad interna cogit, hinc est quod *Hippocrates*, etiam dicat, *ventres Hyeme esse calidiores*, ac alibi, *propterea hyeme largius esse cibandum* affirmat. DUR. Satisfecisti huic scrupulo, veniamus si placet ad genera ciborum hic utilia vel respuenda. BONT. Age ut hoc fiat, imaginarium tibi opponam prandium, quia nemo quod sciam nos hodie vocavit. DUR. Dummodo ne Chamæleontes è nobis facias, qui vento vivere dicuntur, sed falso. BONT. Bona verba quæso, ast ejus loco aures tuas lepidis sermonibus opplebo. Itaque cibos primum per classes distribuamus; ac primo loco carnes in considerationem veniant, earum itaque saluberrimæ sunt gallinarum, quibus hæc Insula abundat. Aves montanæ ac sylvestres, quales sunt turtures, columbæ, coturnices & minutiores, ut sunt, passeræ, fringuillæ, tum ficedulæ seu sclopaces, turdi, quas omnes volatiliū species nobis abunde campi ac sylvæ suppeditant. Dein Anates & anseres, & ceteræ aves aquatiles hic carniū bonitate præstant. DUR. Miror te hæc aquatilia inter salubres reponere cibos, cum in Patria inter insalubria alimenta numerentur, quod nimirum in stagnis ac paludibus versantia, limo ac alga se ingurgitent. BONT. fateor & recte: sed hic longe est

alia ratio, tales enim aves non hic in stagnis, nec paludibus versantur: sed in profluentibus fluviis, unde carnes ipsis longe meliores: præterea licet domi ipsas alere oryza ac panis frustulis, ac tum carnis tam delicatæ evadunt, ut cum gallinarum ac caponum carnibus contendere possint. Sunt præterea hic grues, ac ardeæ, quas quoque contemnere non licet: DUR. quas carnes porro in secundo bonitatis gradu locas? BONT. Caprillas: nam ab ovibus, propter penuriam hic abstinendum est. Dein vitulinas ac bovinas, & illis quidem præstantiores habemus hic feras, sylvestres. Bubalinæ carnes non sunt omnino contemnendæ: sed has juvenculas intellige: nam vetustæ propter insignem nervositatem fortissimi animalis vix ferratos *Plautini* parafiti dentes admitterent: DUR. Sed quid de ferinis carnibus sentis? BONT. Haud male mones, inter has itaque præstantissimas esse puto aprinas, cum & porci domestici hic optimi sint, ac facilis concoctionis, secus quam in patria: nam & ægris hic suilla caro bene præscribitur. Cervos denique (ut scis) hic quam plurimos habemus, & has omnes ferinas carnes milites, & cives sclopetis à se occisas huc in urbem quotidie venales adferunt. DUR. ita est: sed omissis carnibus transeamus ad pisces. BONT. ut hoc commodius fiat, distribuemus pisces in marinos, ac fluviatiles. Inter marinos (meo quidem judicio præstat iste piscis quem Incolæ cacap vocant, qui è cyprinorum faxatiliū est genere, quem nostri *Hollandi steen-braassens* vocant (quique tam grandis aliquando capitur, ut & asellum calarium æquet.) DUR. Habemusne hic asellos majores istos, quos *Cabeljan* Belgæ indigitant? BONT. Capitur hic quidem species aliqua eorum, quam nautici focii nostri *Jacob Evertsen* vocant, ob nigros in flava cute sparsos nævos ac maculas, quales habuisse, quendam ejus nominis nautam dicunt. Est præterea hic magna quantitas petroforum cyprinorum, figura varia, lata, rotunda, oblonga; inter quos excellunt ii, qui rubri sunt coloris. Scaros quoque delicatissimos habemus, quos *Belonius* in observationibus suis l. 2. describit, qui nobis hic percarum loco sunt. Capitur præterea salmonis quoddam genus, quod *Jean-Banda Malai* vocant, quod *Bandensem* piscem

cem significat, quod in litoribus ejus insulæ frequentius capiatur. Certe præter colorem à salmone non differt qui in hoc pisce albus est, in salmone caro rubra est: sed nostri siccioris sunt carnis, ac proinde salubriores si *Plinio* credamus, qui omnem piscium pinguedinem profitetur malam esse, præter Anguillarum, quæ sit pessima. DUR. quid de Auratis, Corcavadis, Bonitis, & id genus piscibus sentis? BONTR. Omnes hos pisces esse è thynnorum ac delphinorum specie, tum propter natationis summam velocitatem, qua expansis velis navigantem navem tranatant, ac etiam è mari exiliunt ad tres quatuorve cubitos in altum, ut venentur hirudines aquaticos, seu pisces volaticos dictos, qui etiam sunt boni saporis, ac demtis alis, Halecem non male referunt & forma, & sapore. Ceterum inter delphinos istos palmam fert Aurata ab aureo colore Dorado Lusitanis dicta, ceteri sunt carnis durioris ac proin concoctu difficilioris. Sanis tamen ventriculis bene conveniunt, quum sanis, ut, inquit, *Latinus Hippocrates Cornelius Celsus*, non opus sit exquisita diæta. DUR. quid de planis piscibus marinis? an illos omnino oblivioni trademus? BONTR. immo vero ego in hoc eram ut ipsos hoc ultimo loco reservarem: nam extra controversiam è saluberrimorum piscium sunt genere. Tales inter præcipuos sunt, Rhomboides, Lingulacæ ac Rhombi, quorum Rhomboides optimi inter pisces sunt nutrimenti; dein lingulaca, ac ultimo Rhombi, qui adeo consuevere in delitiis apud Romanos esse, ut inde materiam cœperit ingeniosus *Juvenalis* Satyr. falsissima in crudelia & nugacia Domitiani tempora ei aculandi. Rayas habemus præterea clavatas ac læves, quæ quo juniores, eo meliores concoctu; à vetustioribus enim jubeo abstinendum, ut de lamiis, ac laris piscibus *Hayen*, qui acutissimis suis dentibus rastratim stipatis tam multis sociis navalibus temere natantibus exitium intulere. Pastinaca marina ipsis Chinesibus piscatoribus confitentibus venenosum è transversa cauda enascens telum gerit, quo abscisso edulis est, sed carnis insalubris, ac fastidiosa, ideo ego Chinesibus ac Mauris, qui iis avide vescuntur suas delicias reliquerim, contentus supra commemoratis Neptuni pecoribus, ut eos *Plantus* vocat. DUR. Marinis piscibus videor

deor jam affatim satiatus: velim mihi fluviatiles etiam apponas. BONT. in me non est mora. Igitur primo loco mihi occurrit carpio, seu cyprinus rotundus, quem ego carne, ac gustu meliorem esse judico patriis, utpote qui hic in fluviis, non in stagnis ac paludibus ut apud nos plerumque capitur, & ut quod diximus anates hic præstantiores sunt, sic & hi pisces ob prædictam causam laudabiliore hic capiuntur, nec enim tam limosum sapiunt. Hi porro tam insigni mole aliquando capiuntur, cute candida, ac carne delicata, ut iis nil ulterius addi posse confidam. Sunt præter hos lupi pisces in alveis fluviorum, quos propterea num inter marinos, aut fluviatiles numerare debeam dubius hæreo: sed certe magis in mari capiuntur magna mole, pelle alba, gustu sive assi, sive elixi suavissimo. Mugiles porro *harders*, ac ea piscium species, quam ob eminentiam nasi nasutos appellant accolæ Mosæ in Hollandia, ac vernaculo vocabulo *Houtinck* indigitant hic affatim capiuntur, ita ut pauperioribus etiam in cibum cedant. Hæ duæ piscium species statutis temporibus, ab Octobre nimirum mense, ad Aprilem usque propter pluvias quæ salsam aquam edulcorant (nam hi pisces etiam in alveis fluminum capiuntur) pingues ac suavissimi sunt. Sicciori vero tempestate carne sunt durioris ac spinosæ. Alburni *voornen* præterea hic nostratibus similes hic in fluviis capiuntur boni sane saporis, ac nutrimenti. Congri *Congerael* quoque insignes aliquando in fluviorum ore, sæpius in mari capiuntur, unde eos potius inter pisces marinos locaverim. Infalubriores jam porro pisces enumerare libet, quales sunt anguillæ, quæ cute sunt superne nigerrima, subtus foede flava, tum etiam cum hydris coire certissimum est, & quamvis plurimi eis suaviter utantur, eas ego tamen ob prædictas causas ac propter nauseabundam illorum pinguedinem facile contempserim. Est præterea piscis quidam durissimis squammis obsitus quem Ican Cabosch Malai vocant, ego à figura, & capitis, ac reliqui corporis Mugilem fluviatilem dixerim, qui in limoso hæret fundo, ac originem suam non obscure sapit: Habemus hic porro Tencarum *Seelt* quoddam genus sine squammis pelle lævi, teretes cum duabus pinnis ut anguillæ, ac capiuntur hic in magna

gna copia isti pisces (quos nostrates à capite bufonis *Puytael* vocant) sed ego, ut murænas fluviatiles omne id genus cupientibus non invideam; Possem ego jam alias piscium species enumerare quæ plurimæ restant, sed quia non historiam, sed tractatum de diæta Indica scribere gestio, ideo his cancris tantum ac astacos, ostrea quoque, squillas ingentes tibi jam apponam, quæ omnia præter reliqua ostracoderma, hic delicatissima sunt. Tum testudines amphibias addo, cum ovis suis ac carne suavissima, ut ajunt ii qui de iis millies se gustasse gloriantur: sed credo ego ipsos famem secum, optimum condimentum attulisse, ego testudinum carnes inter medicamenta ista collocaverim, seu mavis alimenta medicamentosa, quæ phtificis, Empyematicisque conveniunt; quia glutinosæ cum sint, pulmonibus consolidandis conveniunt.

DIALOGUS. III.

De oryza, ac Pane in Indiis. De potu, Vino, Arac.

De potu ex aqua, saccharo, Thamarindis concinnato, de naturalibus liquoribus potulentis ex arboribus depromptis.

DURÆUS. Quoniam in his locis oryza cocta plerumque pro pane utimur, velim ut mihi narres, quid de hoc nutrimento sentias, præsertim cum cibus sit solidior, & quæ tanquam basis sustinere debet reliqua alimenta, ne in fundo ventriculi fluctuent? BONT. Certe si id, quod res est fatear. Si tritici (ut solet) copia nobis è Japonia & Zuratte advehatur, oryza libenter carere velim, cum è farina tritici panes hic confecti patriis bonitate non cedant, & melioris (meo quidem judicio) quam oryza sint nutrimenti: sed si tritici adsit inopia, tum oryza ista eligenda est, quæ colore sit candidissima: & quæ manu contenta bene ponderet, & colore quasi perspicua cernatur: sed cum excocta est, antequam ea utare expectes oportet, donec refrikerit: nam experientia constat calidam

F

ory-

oryzam non solum noxiam esse ventriculo, verum cerebro, ac universo nervorum generi: hinc quoque fit à vaporibus crassis & siccis ex hoc cibo in cerebrum elevatis nervos opticos sæpe in tantum obstrui, ut cæcitas inde oriatur, de qua, & de ejus cura latius in *methodo mea medendi* Indica ex professo egimus: hinc etiam non facile videas Javanos, ac Malayos edere calidam oryzam, quia Indi (si quæ gens alia) sanitatis conservandæ suæ sunt apprime curiosi, inde sobrii existentes summe exactam diætam observant. DUR. sed heus tu! nimium siccum in pictura convivium apponis, & interea. *Nos miseri aremus, nec quod potemus habemus*: velim potum nobis præbeas. BONT. haud male mones, nam & mihi loquendo fauces solito sicciores sunt, verum de fluente licet nobis accipere, quoniam alterius liquoris hic nobis non est copia, ac primum de aqua purissima, ac simplicissima secundum elementum suum nativum agamus, namque hæc potio etiam nobis cum reliquis animalibus est communis. DUR. Quid igitur de fluvio hoc Bataviam nostram interfluente censes? BONT. aquam eam qualitate quidem non esse malam, si altius è flumine petatur: nam in ore fluvii propter affluxum maris falsedine imbuitur: & hæc est illa causa, quod cum anno 1628. à Javanis Matarannensibus arcte obsessi essemus, & propterea ex fluvio altius aquam petere non auderemus, multi è potu falso in dysenteriam inciderent, addito etiam insuper hoc, quod cadavera Javanorum à nobis quotidie excursionibus occisorum in summo natarent ac aquam non solum tabo descendente flumine; sed & aërem, putrido halitu inficerent: DUR. Sed licet nobis hic potum factitium bibere, quid tu de eo sentis? BONT. Quoniam cervisia nobis deest, non quod coqui hic non possit: sed quod propter calorem aëris, citissime acesceret, alioqui non minus bona, quam in patria parari posset: nam (ut dixi) triticum, è Suratte nobis abunde subvehitur, tum quoque ex oryza, non decorticata istud frumenti genus commode confici potest, quod *Mout* in patria vocamus. Cujus rei exemplum vidimus apud Mareschallum mercatorem bene cognitum, qui in hac urbe ex prædicta materia cervisiam coquebat, nulla ratione Hollandicæ cedentem, quæ non secus ac patria

tria quoque cerebrum tentabat, ac gustu non deterior erat: sed durabilis non erat propter summum in his locis calorem, ac cito acescebat: sed hunc potum salubrem minime hic esse certum est: sed salubris iste est potus, qui modo sequenti paratur. Summe vasculum ferreis vinculis bene cinctum, triginta, aut amplius (pro familiæ magnitudine) amphorarum, quod imple aqua fluviali pura, cui sacchari Javaniei nigri infunde lib. 11. Thamarindorum unc. 1v. Citreorum malorum dissectorum N°. 111. bene obturata hæc reponantur loco frigidiorè à solis radiis libero, hæc fermententur simul per 24. horas, & quod miror, hæc sine subiecto igne ebulliunt, ut eminus astantibus exaudiri possit sonus, non secus quam valido igne coquitur cervisia nostra patria, tum fæces in altum ejicit, quas aperto operculo abjicimus. Hic potus noster est quotidianus gustui jucundissimus, ac visceribus minime ut præcedens gravis. Et certe illi qui noviter huc è patria pervenere à me ridendi gratia decepti discessere putantes, me iis Anglicam vel Martiam cervisiam propinasse, cujus saporem magis æmulabitur, si manipulum cariophyllorum in vas conjicias. DUR. Sed quid de potu isto existimas, qui hic ex aquæ partibus sex, & vini duabus eodem modo fermentando in cantaris Hollandicis lapideis angustioribus conficitur? BONT. limpidus fateor ac frigidus hic est potus: ideoque etiam tempore cibi sumendi utiliore esse puto: sed altero utendum censerem interdium, quod hic pectori paulo sit infestior nescio quid acidi penetrantis sapiens. DUR. sed utrum vinum hic salubrius esse existimas, Gallicumne an Hispanicum? BONT. sunt qui Gallicum præstare putent: sed meo quidem judicio hallucinantur, sanius enim credo in his locis vinum Hispanicum esse vel Creticum: DURÆUS. attamen hoc rationi plane contrarium videtur, quod sub clymate calidissimo, calida vina, ac polygophora exhiberi velis. BONTIUS. ubi rationem audieris mirari defines: nam cum calor hic interdium, præsertim à decima matutina usque ad pomeridianam tertiam horam, admodum sit vehemens, necesse est homines multo sudore, diffluere, unde quoque calor nobis ingenitus debilitatur, proin partes naturales coctioni ciborum inservientes,

ac chyli debito frigidiores remanent, secus quam in partibus septentrionalibus accidit, ubi ex Hippocratis decreto ventres hyeme sunt calidiores, ratio est quod per antiperistasin externus aër internum calorem augeat. Huic quoque argumento fidem addit experientia mercatorum per deserta Arabiae in Persiam, aut Turciam iter facientium, qui in summis caloribus sitim optime sedant hausto spiritu vini, vel fortissimi vini Persici, vel Hispanici: nam si ob inexplebilem sitim assiduo aquam ingererent, in cachexiam proculdubio, ac in ventris insignem tumorem, ac ipsum denique hydropem inciderent. Adde quod vinum Gallicum, quod huc è patria adfertur, œnopolæ apud Hollandos liberalius isto suffumigio imbuunt, quod *lucht* vocant, quod cum arsenico sulphure, & colophonia constet, vino perniciosam ac causticam qualitatem inurit, quamvis efficiat ut sapor diutius illi incorruptus conservetur. Unde ego hic aliquos vidi ex solo Gallici vini potu largiore in lethalem dysenteriam incidisse. DUR. Ex prædictis apparet te etiam à vino adusto, nec Arac Chinesense abhorrere; BONT. usum commendo, abusum abominor: si quis igitur mane, aut vesperi ventriculi roborandi gratia unc. ij. aut unc. iij. istius liquoris sumat, haud male, me iudice, fecerit: sed si id vinum distillatum haberi potest, quod è Gallia venit, non est quod Arac hic confectum desideremus: sed si ejus copia hic non detur, quod hic conficitur è liquore nuce Indica contento, ac ex ipsa arbore distillato cum oryza eligendum est: at cane pejus & angue vitandum est, quod Chineses avarissimi simul, ac astutissimi bipedum mixtis holothuriis in mari fluctuantibus parant, quæ excrementa maris Belgæ *quallem* vocant, eaque tam exurentis sunt caloris ut solo attactu vesicas in cute excitent, atque hinc exulcerationes pulmonum, sanguinis sputa, tabes ac mors ipsa adveniant, atque hoc est quod ut *Plautus* ait, homines hic tam brevem vitam colunt, cum instar strigilum intestina abrasant, ac exedant.

DIALOGUS IV.

*De Potionibus naturalibus ex arboribus depromptis
in India Toruvāt, ac Saguēr dictis, tum de li-
quore nuce indica contento.*

DUR. In omnibus his mihi abunde satisfacisti, jam sententiam tuam explices velim de liquoribus istis potulentis, qui vel ex fructibus arborum vel ex ipsis arboribus depromuntur. BONT. Sciendum itaque est, tres hujus potus esse species; primam, quæ continetur in nucis Indicæ cavitate; secundam, quæ è floribus ejusdem arboris elicitur, tertia, frequens est in Banda ac reliquis insulis Moluccis, quæ distillat ex arbore non absimili palmæ Indicæ, isque potus indigenis Suaguēr vocatur, hæ tres potus naturalis species per totam Indiam admodum familiares sunt. Ac hoc in genere de iis dictum sit, ipsos frigida qualitate excellere, ac proinde nervis esse infestos, si quis nimia quantitate iis abutatur, præsertim corpore per exercitium aut solis ardorem excalescente: non secus ac vidimus sæpe in patria nostra, si quis æstate, vel oriente canicula, cursu defatigatus ac sudore perfluens, intempestive nimis avide frigidum, vel lactis pressivum hauriat, ipsum in momentaneam mortem incidisse, vel summum vitæ periculum. Itaque potu ex his arboribus parcius est utendum: nam constat frequenti illorum usu præsertim liquoris Saguēr dicti, non solum diarrhæas diuturnas ortas: sed & paralyfin beriberii dictam hinc natam esse. Hinc est, quod in Banda, ceterisque Moluccis insulis, præsertim quæ nostro subsunt imperio, plerique homines cachectici sint, ac foedo colore ad luteum vergente, & vix unus, aut alter è nostris Batavis paralyfin prædictam effugit, quod & norunt Lusitani, qui non solum in hoc potu: sed in reliqua omni diæta temperatiores sunt, quam nostrates.

DIALOGUS V.

De Aromatis, ac de usu illorum, ubi quædam à Garcia ab Orta, ac ceteris aromatariis scriptoribus non satis liquido tractata explicantur.

DURÆUS. Cibum jam ac potum nobis affatim in pictura apposuisti: sed simplicem, ac nullis condimentis imbutum, cum tamen nullibi copiosius aromata proveniant quam in Java. BONT. quam tu delicatus es! an nescis naturam simplici victu esse contentam: veruntatem ne videamur earum rerum per negligentiam curam non gerere, in hoc te non deseram. Ac de aromatis dicam non quod auditu percepi, sed quod sensu proprio ac visu verum esse didici. Ac piper primum attingamus, cujus qualitates cum per totum orbem notissimæ sint, non est quod pluribus de eo hic agamus. Certe convolvuli est species si modum crescendi respiciamus, nam arbores ac bacillos eodem modo, quo convolvulus scandit, condiuntur hujus viridis racemi (nam ut uvæ Corinthiæ, crescit) muria ac aceto ad orexin excitandam, ac cum carnibus assis aut elixis hic apponuntur: eodem modo hic incolæ condiunt radices recentes Zinziberis, Galangæ, cum fructibus manga, carambola, bil-lingbing, curcuma, tum cucumeribus primum adolescentibus, melonibus insuper ac peponibus, quæ nobis hic capparum vicem suppleant ac olearum, quanquam & hæ delitiæ nobis non deficient, cum quotannis eas desiderantibus satis copiose huc è Persia, & Suratte advehantur: ridiculum porro est quod *Garcias ab Orta* peculiari cap. de pipere refert, de opinione Javanorum ac Indorum de piperis qualitate, ipsum nimirum esse frigidum. Credo ea ratione, qua quidam sophistæ olim ignem frigidum, ac glaciem, ac nivem calidam esse affirmare ausi sunt: quibus ego cum Aristotele responsum velim, sola experientia contra hos ineptos assertores esse disputandum: nisi forte velint calorem nativum, nimio ejus usu foras pelli, ac intus debilitari, ac hoc modo corporis temperiem versus frigidam mu-

mutari. Sed Indi credo tam alte non philosophantur. Idem quoque Indi de Cariophyllis eodem modo conditis sentiunt. DUR. quid de maci & nuce myristica condita sentis? BONT. iis ego dico parcius in his regionibus esse utendum: nam ventriculum sua oleositate ac pinguedine gravant, tum vaporibus ad cerebrum elatis somnolentiam ac stupiditatem inducunt, immo ego vidi ex nucis myristicæ nimio usu, aliquot non parum periclitatos esse, qui per diem unum atque alterum, non secus ac caro correpti immobiles, ac muti jacuere, certissimo indicio, cerebrum ac nervos non parum male affectos esse. Porro è corticibus viridibus nucis myristicæ in Banda insula coquunt pultem, ac saccharo condiunt, ac tum saporem referunt acidorum pomorum sic coctorum in patria. Sed & nos hic in Java ex corticibus salitis ejusdem nucis, primum aqua maceratis, non insuaviter simile condimentum conficimus: sed experientia quoque constat somnum accersere, ideoque cautius eo utendum censeo. DUR. itaque ut audio nimium in cibis aromatum usum non laudas. BONT. ita est. Cardamomo excepto, quod blando suo calore, ac naturæ nostræ familiari, masticatum nullum empyreuma visceribus inurit. Crescit copiose hæc planta in Java, ac mulieribus Malaicis frequenti in usu est, condiendis piscibus, ac carnibus elixis. DURÆUS. calamum aromaticum qui hic tam familiariter crescit, nonne in usu hic in culina esse autumas? BONTIUS. & quidem commodissime, quamvis *Garcias ab Orta* illius ut & junci odorati, nullum eorum in India usum agnoscit, quam substernendis equorum cubilibus, verum si tam diligens fuisset in rimandis aromatum qualitatibus, quam perspinax fuit in legendis Medicis Arabicis, non debuisset commoditates earum plantarum ignorasse, nam per totam Indiam vix pisces coquuntur, aut carnes, quin fasciculus calami aromatici, aut junci odorati iis injiciatur, ad gratum saporem, ac ventriculi non levem corroborationem: idem de nardo, quæ hic in montibus crescit esto judicium. Hæc quoque aceto infusa per aliquot dies, ut flores calendulæ exsiccatae apud nos, putredini ac corruptioni humorum egregie resistit: ego viridem nardum hætenus non vidi: quia montes hic in-

inaccessi nobis sunt propter Tygridum inibi frequentiam, ac prædones Javanos. DUR. dixeras antea etiam curcumæ radicem incoqui cibis. BONT. & recte quidem & hanc radicem *Garcias ab Orta* vocat crocum Indicum, non quod Croci Britannici filamentis similis sit: sed quod flavo colore tingat. Easdem radices quoque crescentes quia *Garcias* non vidit, putare se ait sine noxa intra corpus sumi posse, ejus rei audacter sponso rem me ei do, nam ego qui plantam millies vidi, & alibi largius descripsi, non solum cibis utiliter incoqui affirmo, sed egregios etiam ejus usus in medicina alio volumine ostendi: atque hæc de aromatis dicta hic sufficiant. DUR. persæpe ego miratus sum Malayos, ac Javanos, tum Chinen ses quoque Mandragoræ istius fructu, quam Lusitani Pomo d'oro vocant, tam avidè vesci, cum in summo gradu sunt frigida? BONT. Bona verba quaeso, an nescis eos addere fructum ricini Americani, quod lada Chili Malaii vocant, quasi dicas Piper è Chile Brasiliæ conterminæ regione, ita alterius summam frigiditatem, alterius excessivo calore temperant, ac aceto, ac oleo superinfuso non male cum carnibus, aut piscibus assis comedunt: sunt qui masticationi istius ricini ita assueverunt, non secus ac fumigatores isti nicotianæ: quantum ad me eo tamen ego libenter caream, nam dum animi gratia idem tentare aggressus essem, totum mihi palatum ac linguam excoriavi, à caustica istius Ricini vi: hinc videre est quantum faciat consuetudo.

DIALOGUS VI.

De Fructibus, ac omnigenis oleribus, ac acetariis herbis in Java.

DURÆUS. Quoniam convivium nostrum jam ad finem tendere videtur, sine bellariis credo hoc non dimittes? BONT. Nullo modo, itaque à fructibus incipiamus, quorum non parvus est habendus hic delectus, optimi enim inter eos sunt, qui gustu sunt astringentis, pejores, qui saporem dulcedine fallunt: sed ut de singulis aliquem sermonem gustemus. Primi nobis

occurrunt Manga dicti fructus, qui in altissimis ac expansis arboribus crescunt, quæ forma quercum nostratam non male æmulantur, qui dum immaturi sunt, acidissimi sunt saporis, unde nobis hic demptis corticibus & nucleis ex medio puls coquitur sapore acido poma acida, aut uvas crispas coctas referens, ut quis vel exquisitissimi gustus, saporis differentiam vix agnoscere se fateretur, atqui fructus Manga hoc modo præparati ventriculo ac intestinis corroborandis conveniunt, maturi non tam sunt salubres, sed tamen si quis iis parcius utatur, nullam noxam inferent. DUR. de Durionibus, Jaacis, ac ceteris echinatis fructibus quid sentis? BONT. Duriones ob foetorem allium referentes, primum gustantibus fateor fastidiosi sunt ac nauseabundi, tamen inter fructus saluberrimos Indicos eos merito repono; nam diuretici sunt, ac sudores eliciunt, tum flatus discutunt, tamen si nimia quantitate eos quis sumpserit propter calidam ac siccam, qua præditi sunt qualitatem inflammant sanguinem ac hepar, ac pustulas in facie excitant, itaque eos reponamus inter medicamenta alimentosa de quibus in *method.* Indica mea *medendi.* DUR. haud difficulter mihi persuades: sed quo gradu locas Ananas fructus sapidissimos ac odoratissimos? BONT. Si qualitates ceteræ supra dictis à te responderent, nobiliorem fructum in toto orbe terrarum non nasci contenderem: sed tam erodentis porro sunt qualitatis ut succus eorum chalybem, ac ferrum erodat, unde nisi vino, aut aqua per aliquot tempus macerentur, palatum, ac linguam excoriant, ac horribilem choleram, ac lethalem sæpe dysenteriam creant. DUR. Jaacas puto sapor dulcis commendabit? BONT. immo ego illas maxime insalubres esse puto, cum carnis sint tenacis ac duræ, & quæ incoctæ ac crudæ, ut ore assumuntur fere per alvum dejiciantur: unde etiam cruditates in ventriculo, ac intestinis gignunt, quæ molestas ac diuturnas diarrhæas creant, dein tenesimum, cui sæpe succedit mortifera dysenteria. DUR. qui fructus sunt ergo quos mox ob astrictiorem saporem commendabas? BONT. ii sunt primum Jambos fructus vocati pulcherrimo ex albo ad purpureum vergentes colore, sapore sunt ferme, ut capreæ vitis, ut bene monet *Christoph. à Casta*, a-

stringunt vehementer, ac proinde dysenteriis ac cholericis accommodatum est remedium, de quo alias. Adfertur ad nos præterea fructus quidam Lances vocatus, qui racematim ut uvæ crescit, rotunda plane figura, magnitudine pruni, intus nucleum habet, qui vestitur carne alba, ac saporis vinosi, qualis fere est in uvis urfinis in patria. Huic consimilis gustu est fructus Javanis Boa Rampout vocatus, quod crinem significat, quod cortex externe fructum ambiens multis capillamentis sit præditus, nucleus plane similis est prædicto Lancium, ac qualitate frigida conveniunt; cortex Lancium tamen succum lacteum emittit qui amarus valde ac corrosivus est. Est hic præterea fructus Billinbing indigenis dictus, forma adolescentis primum parvi cucumeris, adeo acido sapore ut acorem ipsum dicas, in quo illud miri observatur, quod si ab aliis acidis fructibus cuiquam obstupescant dentes, isto fructu comeso statim acor abscefferit, credo ea ratione, qua in affectibus præter naturam major dolor minorem obscurat. DUR. Quid tibi de ficibus nostris Indicis videtur? BONT. hos fructus *Prosper Alpinus* Musam vocavit, Malaii Banana indigitant, Javani Pysang. sapore quidem grato sunt ac pyro nostro æmulantes, quæ ob dulcorem Batavi *Suycker peren* vocant, hi fructus si crudi comedantur flatuosi admodum sunt, & nauseabundi, unde insolitis stomachum subvertunt: sed melius comeduntur cum pane ac oryza cocta, juncto caseo, alias quis facile in dysenteriam, ac ipsi congenerem choleram inciderit. Non secus ac si in Gallia, aut Hispania quis, qui recens istuc advenerit, uvis sine pane se affatim ingurgitet, næ ille certo certius in fluxum dysentericum incidet. Hi fructus cum ovis fricti in sartagine multo salubriores sunt, & tum phtificis, asthmaticis ac ceteris malis pectoris admodum utiles sunt, tum extus impositi inflammatorios tumores quoscunque ad maturitatem perducunt. DUR. Ast ubi relinquis Mangostan, Jambos, ac Cydonia bengalensia? BONT.: Ego ea pro bellaris reservabam, ut simul cum Chinenfium potu The vocato, & Tchia Japonibus dicta convivium finiremus, & quod hic moris est ut Syrii pynang vobis apponeremus. Jambo igitur primum arbor est magnitudine

dine pruni, & nisi quod paulo acutioribus sit foliis, ipsi plane responderet, flore est rubro, fructu pulcherrimo & candido purpurascens coloris, gustu sunt astringenti, ac sapore ferme vitium capreolas referunt, sapore itaque minus præstant, quam colore promittunt, frigida sunt naturæ, ideo æstuantibus utiles sive ab exercitio, sive à calore febrili, Cydonia Bengalenfis describit *Garcias ab Orta*, lib. 2. cap. 14. Itaque de iis hoc tantum addemus, quod his pyris seu malis cotoneis eximant nucleos, ac totos saccharo, vel muria, & aceto condiant, quæ ad nos ex interceptis Lusitanorum navibus quæ Malaccam versus navigant, à Suratte, ac ora Chormandel. Nam nulla gens in mundo ita assuevit condituris ejusmodi, quam Lusitani, ita ut per totam Indiam in proverbio sit; Indos odoribus, Lusitanos condituris rem disperdere. Sapore æmulantur pyra ista, autumnalia grandia nostratia, quæ vulgus *winter peren* vocat, fructus porro Mangostan dicti tam excellentis sunt saporis, ut mea quidem sententia omnes ceteros in his regionibus fructus anteeant, cortex plane mali granati cortici similis est, nisi quod in superiori parte coronam habeat ut papaver, cujus quot sunt radii tot nucleos intus habebis, vestitos carne nive candidiori, sapore ex dulci vinoso, superante fragra, ac Ananas in India. **DUR.:** memineras de Chinenfium Thee vocato Potu, quid tu de eo sentis? **BONT.:** herbula unde hoc The conficitur bellidis seu consolidæ minoris folia refert, cum parvis in ambitu incisuris, hujus foliorum exsiccatorem manipulum in ferventem lebetem ad hoc paratum conjiciunt ac ad sufficiens tempus ebullire sinunt, ac hunc liquorem qui sapore subamarus est, calidum sorbent. Hunc porro potum tanquam sacrum Chinæ observant, & hoc venientes, hoc abeuntes hospites excipiunt, & non creduntur jus hospitalitatis implevisse nisi tibi hunc potum propinaverint, non secus ac Mahometani suum Caveah existimant. Exsiccantis est qualitatis, ac somnum prohibet, dum vapores è ventriculo in cerebrum ascendentes absument, præterea asthmaticis, ac suspiriosis prodest. Quid jam postremo tibi memorem mala aurea, citrea, granata, & ceteros similes fructus, quorum hic summa est copia, cum ista in nostra Eu-

ropa notissima sint, & nos hinc Syrupos conficiamus, quique sitientibus aqua mixti julapii locum in sanis, ac ægris obtinent? Vites taceo, quæ si diligentem putatorem, ac cultorem nanciscantur, quater in anno maturos suos fructus proferunt, itaque si diurnus calor hic non adsit, propter perpetuum virorem semper hic ver, ac veri hesperidum horti.

DIALOGUS VII.

De oleribus, ac leguminibus in Indiis ac radicibus quibusdam edulibus.

DURÆUS. Finito jam imaginario tuo convivio, domum remeantes saltem aliquid olerum in vespertinam cœnam colligamus. **BONT.** Dic modo quid primum expediri velis. **DUR.** Radices eas narres mihi velim, quas Batatas hic vocamus. **BONT.** Pleni quidem eas nutrimenti esse, attamen succum melancholicum producere, non secus ac castaneæ in Europa, quarum saporem hæ radices sub cineribus tostæ, vel etiam elixæ cum carnibus plane referunt, nisi quod sint humidiores, ac molliores paululum: sed si sale, oleo, pipere, ac aceto perfundantur, betæ rubræ coctæ nobis loco sunt in acetaris. **DUR.** Raphanos hic plurimos sativos habemus, quid tu de iis sentis? **BONT.** Horum ut scis habemus hic duo genera, primum breve, ac rotundum, vel cylindri saltem formam referens: hi cocti loco raparum nobis in familiari sunt cibo; secundum est oblongum, ac teres ut Hollandicus raphanus, quod cum pane, butyro, ac sale crudum more patrio comeditur. Ceterum longe præstant hic raphani patriis, quod non sint tam lignosi, nec à teredine ita perforentur, sed hic esculentiores, ac sapidiores sint. **DUR.** Quid Indi de oleribus sentiunt. **BONT.** Illi ista, & omnes herbas edules in magno pretio habent; nam qui à Suratte, ac ora Chormandel huc adveniunt plerique ferme solis vegetativis vescuntur, sequuti *Pythagoram*.

Cunctis animalibus abstinuit, qui

Tanquam homini, ac ventri indulgit non omne legumen.

[*Juvenalis, Satyr. 16.*]

Ita

Ita hi homines etiamnum abstinent fabis rubris, ac quicquid inter herbas rubrum colorem obtinet. Hinc etiam fit quod homines in ceteris rebus idiotæ tam exactam herbarum, ac stirpium nanciscantur scientiam, ut si vel doctissimus *Pauwius* nostri ævi Botanicorum princeps è mortuis resurgens huc veniret, miraretur se ab his hominibus barbaris doceri posse. Ceterum olera omnia, ac mansiles herbas Malaii generali vocabulo *Seir* vocant, contra herbas medicamentosas, ac venena quoque *Oubat* indigetant. Ut rem in pauca contraham, & ne tractatus modum excedam, enumerabo reliquia olera hic in nutrimentum hominum nascentium; habemus hic utramque betam rubram ac albam; petroselinum quoque hic luxuriat. Lactucarum omnes species. Anethum quoque habemus, ac fœniculum, tum asparagos quoque non infeliciter hic ferere incepimus. Tum fructus terrestres quoque hic proveniunt, ut sunt melones aquatici, pepones, cucumeres, citrulli; sed cum hæc omnia in patria abundant, de iis ad fastidium nolo dicere, ac semina horum fructuum eundem usum hic in medicina præstant, quem apud Batavos antiquos. Legumina hic non solum in sarmentis, sed in præaltis arboribus ut alibi diximus nascuntur; sapore bono & nutrimenti ejusdem ut apud nos flatulenti, &c. Habemus præterea fructum quendam, quem focqui Malaii indigitant cubitali sæpe magnitudine, brachium humanum crassitie sæpe æquans ac teres. Hic eodem modo quo cynara coctus cum vino ac pipere & butyro ei sapore non cedit: figuram in *Exoticis* meis Indicis videre est ac descriptionem, quæ proximo anno faxo habeatis. Sed hæc de oleribus sufficiant, transeamus ad exercitia, ac animi pathemata, ut tandem optatum portum attingamus.

DIALOGUS VIII.

De Exercitiis, somno, ac vigilia, sanguinis missione, purgatione, ac de animi affectibus.

DUR. Quid de reliqua diætæ parte censes, quæ in exercitiis seu motu ac quiete consistit? BONT. Ut hæc obiter percurramus, Exercitia hic extra controversiam moderata esse debent: nam propter humidam ac calidam aëris temperiem corpora hic fluxa esse extra controversiam est. Et hæc quidem matutino vel vespertino tempore institui debent, cum sol non ita fervidus est, itaque commoda deambulatio, iis temporibus sanitati conducit, tum equitatio modesta, ut hic ditioribus mos est, vectatio per fluvium cum navicula, ut amœnissimas sylvas, ac fluminum oras transvehamur, quæ floribus ac herbis confitæ perpetuo virent. DUR. Quid de somno, ac eum capiendi tempore autumas? BONT. De somno nil habeo, quod addam, nisi istud antiquum ut moderatus sit. Sed vereor ne hic Apocryphus sim, si somnum meridianum hic sanitati conducere dicam: sed ut res casura est, ego ab ista opinione non recedam, nisi melius edoctus: & certe si in memoriam revocare velis, quæ ante dicta sunt, quod mane propterea quod post nocturnum frigus concoctioni ventriculi hic magis apti sint, quapropter etiam largius jentandum præcepi. Meridianus somnus hic non solum utilis, sed & necessarius ferme censebitur. Præsertim cum hoc tempore tantus calor aërem occupet, ut vel levissimus motus te defatiget, ac sudore diffuere faciat, quid obstat quominus lectione jucunda, seu levi somno curas diluas? Nam & illi qui Hispanias, Italiam, ac Gallias frequentavere, hoc in iis locis solitum esse affirmabunt, cum tamen nullo modo calor ibi tantus sit ut in his locis. Secus habet in locis Septentrionem versus sitis, ubi semper largius prandemus, & digestionem ciborum motus levior, vel deambulatio conducit, sed hic parce prandendum cum sit, somnus concoctioni ciborum nullo modo officit: sed eam magis promovet. DUR. Quid cen-

censes de retentione ac vacuatione humorum? BONT. Non est quod hoc à me expectes, purgationem, aut venæ sectionem eam quæ in morbis adhiberi solet; sed eam, quæ servandæ valetudinis gratia contra affectus non naturales instituitur. Ergo si alvus solito astrictior fuerit, eam commode solvemus præstantissimis hic nascentibus laxativis, thamarindis nimirum, ac medulla Cassiæ fistulæ: vel si paulo validius medicamentum desideres, addatur his Rhabarbari extractum vel Syrupus ejus. Si porro sanguis mittendus, ratio hic etiam talis est habenda, qualis in patria, plenitudinis nimirum vocatæ ad vasa, ac ad vires, prior si adsit plethora, secundum *Hippocratem* libro primo Aphorif. large aliquando sanguis mittendus, altera ad vires, si adsit ventilandis visceribus præsertim hepati ac cordi, secundum judicium sanguis mittendus vel semel, vel iterato. Si porro alvus sit solutior, ac inde dysenteria & diarrhæa metuantur, Syrupus sumatur è succo granatorum, vel decoct. è corticibus eorum. Sed quia hæc magis ad morborum curam attingunt, illa in aliud commodius tempus rejiciamus. DUR. Restat parvus scrupulus de animi affectibus ac perturbationibus intempestivis. BONT. De iis Medici multa ac varia scripsere, quomodo domari vel temperari debeant. Verum cum motus animi vix sint in potestate nostra: Ego illis illud *Horatii* obijcio: quod animus, *qui nisi servit*

Imperat; hunc frænis, hunc tu compesce catenis.

Quod uni facile, alteri difficile factu esse pro diverso temperamento quis non fatebitur? ideoque de affectibus ac pathematis animi certam regulam velle ferre, nugatoris magis puto esse quam Philosophi naturalis: ac etiam hoc cogitandum nobis, ut jejunium nostrum solvamus, ne nobis Plautinum istud eveniat, dum de frænandis animi passionibus disputamus, fames & mora bilem in nasum conciat: itaque suadeam, dum sol nondum radios in verticem nostrum dimittat jentatum eamus. DUR. Opportune mones, nam & gula me monet ventrem famelicum carere auribus. Ergo, si placet, in urbem nos recipiamus. BONT. me lubente fiet.

Dedit Deus his quoque finem, 1631. Januarii 18. Patav. Jacatr.

F I N I S.

JA-



JACOBI BONTII

Medici Methodus Medendi qua in Indiis Orientalibus oportet uti, in cura morborum illic vulgo ac populariter grassantium. Ad-
ditæ quoque ad finem sunt Observationes aliquot nobiles, præcipue ex *αυτοψία* ac cadaveribus dissectis.

Amplissimis, Magnificis, ac Prudentissimis Viris,
NEGOTIORUM IN INDIIS ORIENTALIBUS
PRÆFECTIS MAJORIBUS;

Dominis meis mihi summa observantia colendis.

S. P. D.



ANNI jam fere tres elapsi sunt (*Viri Amplissimi*) quod operam in re medica meam, *V. A.* addixi: quam, cum primum in Indias vestras veni, non sterilem jacere passus sum: sed strenue in actum traducere cæpi. Ut eo ostenderem, me non velle, ut sumptus à vobis in me collati, fru-

frustranei essent: Itaque, quod interdum in praxi medica notatu dignum menti reponebam, nocte à curis aliquantum vacuus chartæ concredidī, quod jam in lucem protrudere libet. Ut saltem ex parte debitæ meæ, erga V. A. observantiæ satisfacerem: nam in solidum solvendo imparem me esse reperio. Ex iis igitur quæ præcipue observari debere putavi Methodum Medendi hanc concinnavi. Eosque morbos descripsi, quos Endemios esse, ac populariter hic grassari animadverti. Neque in cura quicquam addidi, quod non solida prius experientia comprobatum esse vobis affirmare ausim. Scribant alii, quibus ista mens est, miracula ex auditu: Ego, quod hisce oculis, & qualicumque meo iudicio percepi, vobis spectandum propono. Quod cum nemo ex nostris Batavis (ut credo) assequutus sit: immo, ne tentaverit quidem ante me; ideoque cum ego, qui primus in hanc arenam descendo, non sine causa, malevolorum tela metuam, patrocinium mihi V. A. quærendum erat, quo adversus eorum ictus, velut clypeo hæc contegerentur. Quos autem æquiores patronos me invenire posse considerem, quam vos (Viri Amplissimi) qui me hætenus favore vestro prosequuti estis, quem si sensero erga me continuari, animum mihi, ac vigorem addetis, hisce majora, & auribus vestris digniora tentandi? Et si vitæ spatium mihi supersit, ostendam me non indignum, cui hæc sacra medica concredita sint. Interea (Viri Amplissimi) chartaceum hoc munusculum, quo solus valeo, eo animo accipere dignemini, quo ego V. A. inscripsi, & quo adhuc me ipsum, & quicquid in me est sincere vobis offero. Quod V. A. notius reddam, ubi quæ de stirpibus, arboribus, ac herbis, in Java crescentibus, commenta-

ri cæpi absolvero, & demonstravero alios, quorum nomen tamen celebre inter doctos est, hoc negotium nimis levi pede transcurrisse. Valete, Viri Amplissimi: ego interim D. O. M. supplex veneror, ut, ad crescentis vestræ Bataviæ, & rerum porro Indicarum augmentum, vos nobis diu incolumes conservet. Datum Colonia Bataviæ Novæ, in regno Jacatrensi Anno 1629. Novembris 19.

V. A. addictissimus Cliens,
JACOBUS BONTIUS M. D.

AURELIUS CORNELIUS CELSUS

De Re medica: l. 5. Cap. 26. Consilium Practicum: hoc nobile medicis reliquit.



ST prudentis hominis; Primum, eum, qui servari non potest, non attingere; nec subire suspitionem ejus, ut occisi, quem fors sua peremit. Dein ubi gravis metus, sine certa tamen desperatione, indicare necessariis periclitantis in difficili rem esse, ne, si victa ars malo fuerit, vel ignorasse, vel fefellisse videatur: Sed, ut hæc prudenti viro conveniunt, sic rursus histrionis est: parvam rem attollere, quo plus præstitisse videatur: obligarique æquius est, confessione promptæ rei, quo curiosius etiam circumspiciat, ne, quod per se exiguum est, malum majus curantis negligentia fiat.

*Invide quid tentas abrodere mordicus ungues,
Vel mea ne carpas scripta, vel ede Tua.*

De

CAPUT. I.

De Paralyseos quadam specie, quam Indigenæ Beriberii vocant.

AFFECTUS quidam admodum molestus, hic homines infestat, qui ab incolis Beriberii (quod ovem sonat) vocatur. Credo quia quos malum istud invasit niſtando genibus, ac elevando crura, tanquam oves ingrediantur. Estque species Paralyseos, seu potius Tremoris: Nam motum, sensumque manuum, ac pedum, immo vero aliquando totius corporis depravat, ac tremere facit. Causa hujus morbi præcipua est crassus, ac lentus humor pituitosus, qui nocturnis temporibus, præsertim pluvio cœlo (pluviæ autem assiduæ cadunt ab initio Novembris usque ad Maii initium) nervos corripit, dum nimirum homines diurnis caloribus defatigati, noctu omne tegmen ac lodices à se rejiciunt, unde facillime, jam in cerebro præcipue genitus, nervos iste humor plegmaticus invadit. Nam noctes, in his locis, comparatione caloris diurni, frigidæ appellari possunt. In hoc casu artus prolongantur, non contrahuntur, insinuante se inter juncturas phlegmate, ita ut nervi ac ligamenta inde laxentur. Quamvis autem hoc malum plerumque per gradus, ac pedetentim homines invadat, tamen aliquando valde subitum est, dum nimirum homines æstu defatigati, potum ex Palma Indica copiose ac confestim ingerunt; non secus ac in patria, diebus canicularibus aliquando vidimus fieri, cum quis cursu, aut aliquo alio vehementi motu calefactus, potum cervisiæ, aut lactis pressi, nimis avide haurit, ita ut inde sæpe summum vitæ discrimen, immo ipsam mortem incurrat. Porro signa hujus mali aspectu obvia sunt. Adest enim spontanea universi corporis lassitudo; motus ac sensus, præcipue manuum ac pedum depravatur, ac hebescit; ac in iis sentitur plerumque titillatio talis quædam, qualis in patria frigida, ac

hyemali tempestate manuum, ac pedum digitos corripit, nisi, quod hic tantus dolor non adfit. Tum etiam vox aliquando ita impeditur, ut æger vix articulate loqui possit: quod mihi ipsi accidit, dum hoc morbo laboranti vocis sonus, per integrum mensem tam exilis esset, ut me vel proxime affidentes vix intelligerent. Adsunt, præter hæc, aliquando multo plura signa, ac Symptomata, quæ tamen omnia tenacem, ac frigidum humorem sapiunt: sed præcipua enarrasse sufficiat. Accingamur ad curationem itaque, quæ plerumque hic in longum trahitur; dum nempe humor iste lentus, ac frigidus ægre discutitur: per se tamen (ut plurimum) lethalis non est: nisi musculos pectoris, ac thoracis invaserit, & hoc modo, spiritus, ac vocis viam intercludat. Sed hoc imprimis curandum est, ne (si ullo modo fieri possit) te lecto affigas decumbendo: Sed vel ambulando, vel equitando, vel simili aliquo motu validiore omni conatu te exerceas: currere quidem impossibile est. Frictiones quoque fortes, ac dolorificæ hic summe necessariae sunt, quas commode hic servi Bengaleses, ac mulieres Malaycæ adhibent. Nam nostra gens tali exercitio non assuevit, ut nec balneis, quæ hic frequentia sunt. Fomenta, ac Inseffiones hic conficiunt ex herba nobili Lagondi dicta, quæ folio quidem Persicariam refert, estque odoris suavis, ac aromatici. Certe nobis non tantum usum Chamomeli, ac Meliloti præbet, sed discutiendi, ac resolvendi viribus iis, meo quidem iudicio, præstat; pedes, ac manus præterea inungendi sunt oleis Cariophyllorum, ac Macis: sed mixtis ol. rosaceo, nam sola adhibita nimis caustica sunt, & cutem facillime eroderent. Habemus præter hæc nobilem Naphtæ speciem, allatam ex Sumatra, Javæ regno è regione in conspectu sita. Quam Minjac Tannah Indi vocant, quod oleum terræ significat, quod, non secus, ac nobis cognita Naphta, quod oleum petræ vocamus, è terra erumpat; vel ex rupibus, in subjecta flumina præcipitetur. Hoc oleum à Barbaris in tanto pretio habetur, ut rex Achinensis qui potentissimus istius insulæ est Tyrannus, sub capitali pœna istud evehi inde prohibeat: ita ut incolæ, nocte intempesta, si quæ nostra, aut Anglorum

navis eorum littoribus adpellat, ad nos istud furtim deferant. Hoc oleum, partibus affectis illitum, miraculi instar ægros consolatur. Odore est porro gravi: sed tamen non fastidioso.

Sed cum hic morbus sit chronicus, ac longi temporis, nihil æque prodest, quam decocta ex radicibus Chinæ, Salsæ parillæ, ac Ligno Guajaco; quæ blando, ac amico nostro corpori calore, frigidos istos, ac crassos humores per sudores, ac urinas egregie discutunt, ac evacuant. Interpositis tamen subinde commodis per alvum evacuationibus, inter quas principem locum obtinet Extractum, quod hic conficimus ex aloë, & gutta Cambodja dicta vulgo (corrupte apud nos gutta gambæ) cujus descriptionem inferius videbitis.

Sanguinem hic mittere nefas: non enim plethora, sed caco-chymia in vitio est: & quis sanguinem fontem caloris, ac thesaurum vitæ non esse intelligit?

Hujus affectus reliquæ porro commode discutuntur Theriaca, Mithridatio, &c. sudorem, ac urinam moventibus, ac nervos roborantibus medicamentis. Reliquas hujus mali molestias opportuna exercitatio, ac valida Naturæ vis sanabunt.

C A P. II.

De Spasmo.

Qui apud nos in Hollandia rarus est spasmus, hic in Indiis tam familiaris est affectus, ut merito inter Endemios, ac populares morbos numeretur.

Tam repentinus, ac subitus est aliquando ejus impetus, ut, dicto citius, homines rigidi non secus ac statux permanant; dum vel in anteriorem, vel posteriorem corporis partem, musculi, involuntario motu, versus principium suum trahuntur: Crudele (me Hercules) malum, quod sanis partibus vitalibus, ac naturalibus cum summo cruciatu miseros mortales, intra brevissimum temporis spatium, è vivis ad mortem rapit: dum nihil, nec esculenti, nec poculenti per œsophagum in ventriculum deducere queunt. Sunt & alii particulares, crurum, ac

surarum spasmi: Sed de his quia leviores sunt, & per se transeunt, hic non agimus.

Porro hoc malo affecti truculente admodum astantes intuentur, præsertim (quod sæpe fit) interveniente spasmo Cynico, seu convulsione canina cum utraque maxilla aures versus trahitur. Ruber ac viridis color ex oculis, & facie oritur; dentibus strident, ac murmur inconditum, vice vocis humanæ, edunt, tanquam ii, qui à cella subterranea loquuntur: ita ut imperitis verè dæmoniaci appareant.

Cura in hoc affectu è copiosa sanguinis missione inchoanda est. Tum frictiones, ac ligaturæ validæ adhibendæ. Inunctiones quoque fiant oleis Macis Cariophyllorum, permixtis oleo Anethi, aut Rosarum. Tum ol. Therebinthinæ ac Spicæ Indicæ, quam Java copiose fert. Cucurbitæ quoque vitreæ, ac amplæ, cum multa flamma, sine scarrificatione affigendæ cervici, lumbis, humeris, ac mammillis; ita enim, serosus iste, ac biliosus humor, commode à nervis, & musculis revelletur.

Si remediis istis paroxismus paulo mitior evaserit, ac æger aliquo modo jam deglutire incipiat, Antidota adversus hanc pestem, in forma liquida, exhibenda sunt, quæ venenosam hanc, ut plurimum, materiam, impugnando, per sudores, ac urinas celeriter ejicient. Talia sunt Lapis Bezoar, rasura cornu Rhinocerotis, cum Theriaca, ac Mithridatio mixta, &c. quæ in progressu videbitis. Tum vomitoria ex Infusione guttæ Cambodia, ac Hepate Antimonii seu Croco Metallorum, deglutienda sunt: In hoc porro affectu nil procrastinandum; cum sit morbus acutissimus, qui, si quis alius vehementer, cito, & cum periculo movetur. Si autem malum invaluerit, & æger deglutire non valeat per acerrimos clustes alvus eluenda est. Quorum hoc sit exemplar.

℞. Herbæ Lagondi dictæ, Abutali Avicennæ, Bismalvæ, quæ omnia hic crescunt an. m. j. sem Anis. Fœnicul. Cuminum Anethi an. dra. ij. Coq. in. S. Q. aq. Fluvii Colatur. lib. j. add. pulver. Colocynthid. hic crescentis, drach. sem. Salis Armoniaci; vel Salis Nitri dra. j. Electuarii fratris mei R. BONTII, cujus descriptionem mox dabo unc. i. sem. ol. Anethi unc. iij. M. F. Enema. Dein

Dein æger à capite ad calcem inungatur oleis supradictis, ac Naphta Sumatrensi seu Minjac Tannah. Balnea quoque ac fottus fiant ex Herba Lagondi, & foliis fruticis cujusdam Davul-lontas incolis dicti, qui frutex in humanam altitudinem affur-git, folio ad marginem diffecto, Balsaminæ cujus odorem etiam proxime refert. Specifica quadam vi hæc folia crudeliffimum hoc malum impugnant, & funt anodyna doloremque fedant, qui in hoc malo, ex contractione nervorum, violentiffimus eft. Lapis, ac fal prunellæ per os fumptum peculiare hic eft reme-dium, ac materiam biliofam per urinas copiofe excernit, &, fi febris adfit, cor ac arterias refrigerat benigne. Imprimis vero habenda eft ratio, fæviffimi fymptomatis doloris nimirum, cui omiffa tantisper caufa principali, fæpe cogimur occurrere. Quod commode fiet Laudano Quercetani, Philonio five Eu-phorbio, fed præcipue Extracto Croci, quod infra describe-mus. Fortaffis fciolus quifpiam, negabit his remediis, pro-pter vim ftupefactivam, ac narcoticam, nervisque inimicam, effe utendum: Speciofa hæc quidem prima fronte videntur, fed tamen vana funt: nam præterquam, quod calidiffima hujus clymatis temperies hoc requirit, certiffimum eft, in tali neces-fitate, fine his ægrum evadere non poffe. Adde quod nos tam rite Opium hic præparamus, ut vel infanti innoxie detur: & fane (ut verbo abfolvam) fi opiata hic nobis deeffent, in mor-bis calidis, hic graffantibus, fruftra remedia adhiberemus, quod, etfi imperitis durum, ex progreflu tamen me nihil temere di-xiffe patebit. Circa victus rationem hic non admodum curiofi fumus; quia vehementia, celeritasque mali, ac atrocitas, no-bis hic longiorem deliberationem eripiunt; inclinante tamen morbo gallinis, ac hædina, & vitulina carne utendum, cujus jufculis incoctum fit Cardamomum, ac Thamarindi, quæ duo fimplicia Java copiofe fert, ut medicamenti fimul ac alimenti vicem fuppleant.

CAP. III.

De Alvi profluvii ac primum de Dysenteria Vera.

Quoniam profluviorum alvi, hic (ut & apud nos) variæ sunt species, de singulis hic agemus, partesque affectas demonstrabimus, tum causas investigabimus, & symptomata denique observando, curam his annectemus. Et primum de Dysenteria vera loquemur, horribili isto, ac consuetissimo his regionibus malo, quod plures hic homines necat, quam affectus quispiam alius præter naturam. Dysenteria igitur vera est Exulceratio intestinorum cum assidua dejectione, mucosa primum, cruenta dein, ac ultimo purulenta cum ramentis, ac ipsorum intestinorum substantia, cum dolore intolerabili, ac torminibus ventris: Hoc vitium partim contrahitur ex aëre calido, ac humido: Falluntur enim (ut hoc obiter quoque dicam) qui, propter lineæ æquinoctialis proximitatem, aëris temperiem hic siccam, ac calidam esse putant. Cujus rei invictissimum, inter alia, argumentum est, quod chalybs, ac ferrum, tum æs quoque, ac ex his confecta instrumenta, rubiginem citius, ac æruginem contrahant, etiam siccissima anni tempestate, cum nullæ pluviae hic cadunt, quam, in patria autumnali tempore pluviosissimo. Præterea fructus hic nascentes maximum huic malo fomentum præbent, quibus, si quis cum summa cautione non vescatur, & cum oryza, vel pane & poco salis, vix unquam hoc malum effugiet, non secus quam in Gallia, ac Hispania, qui uvas avidius sine pane vorant, statim diarrhæam, vel Dysenteriam incurrunt. Tales hic sunt fructus Indici: Ficus nempe Indicæ; quas Bananas, ac Pisang incolæ vocant; *Garcias ab Orta*, & *Prosper Alpinus* Musam appellant. Duriones deinde, Jacas, Ananas, Adde his Cucumeres & Melones aquaticos, &c. Quorum descriptionem apud eundem *Garciam*, & *Joannem à Linschoten* videte. Hi fructus præterquam quod horarii sint, etiam humiditate sua, ac calore, temperamento nostro infesti sunt. Melones, ac Cucume-

res excipio, qui præter frigus, de humiditate non parum participant. Præcipua vero hujus mali causa est, potus vini adusti, quod Arac vocatur, & quod Chinenſes ex Oryza, admixtis holothuriis, in mari fluctuantibus, conficiunt, quæ nos Belgice *quabben* & *quallem* solemus vocare. Hæc holothuria tam acris sunt caloris, ut attactu cutem exulcerent, ac vesicas inducant, & utinam nostri navales focii hoc potus genus non tam avide biberent, non tot funeribus extuberaret hic humus: Quantum ad curam, commune remedium est infusio Rhabarbari in decocto Thamarindorum, ad minuendum (ut ajunt) ac temperandum acrem hunc succum: Sed bene notandum hic est, hoc remedium sæpe non prodesse: sed aliquando ægros in certam perniciem conjicere, dum nimirum bilis accerrima turget, ac orgasmo fertur: ac metus est, ne ex levissimo laxativo, irritetur, ac majore cum impetu, ad partem affectam feratur, cum incredibili ægri cruciatu, & certa sæpe pernicie. Adde summam plerumque in hoc casu virium imbecillitatem, quæ restaurativi potius aliquid, quam purgativi requirat. Itaque caute medico circumspiciendum hic est, quid agat. Ego, quod experientia longa verum esse didici, ad ægrorum salutem libere in medium profero. Potus quotidianus itaque sit decoctum Oryzæ, quod Caudgie Indi vocant; cum Endivia, ac Cichoreo, quod ex semine allato ex patria, hic in hortis luxuriat. His addatur Lingua cervina, seu Phyllitis, quæ hic circa fluentia copiose crescit, ac astrictoria sua vi, Hepar, ac Intestina roborat, tum acrimoniam istius furentis humoris infringit.

Si vero propter sævitiam symptomatum, doloris præsertim acerbissimi, temporis angustia, tam longam in cura moram non patiatur, statim ad Extractum Croci deveniendum est, quo remedio (ausim dicere) nullum humana cura exquisitius excogitare potuit; putoque verissimum hujus morbi, sæpe etiam venenati, Antidoton esse. Speciatim porro hic omnia remedia ad hunc affectum referre mei instituti non est, & ego tantum ea requiro, quæ non primis modo qualitatibus, sed proprietate etiam substantiæ, huic morbo sævissimo adversen-

tur. Et in hoc solo, maxime nascuntur. Fructus etiam illi, quos Mangas vocamus, qui conditi, propter astringentiam, ac aciditatem, hic summe utiles sunt. Immaturi quoque coquuntur cum ovis, ut apud nos uvæ crispæ: neque facile quis, etiam si exquisitissimi gustus, saporis differentiam cognoscet. Conficitur etiam ex iisdem fructibus conditum seu miva, non secus ac caro cotoniata in patria ex cydoniis malis, cujus vicem hic supplet; nescio an & superet. Ad ulteriorem porro viscerum corroborationem egregie confert syrupus è Granatorum succo, recens ex arbore decerptorum; tum flores ipsorum conditi excellens in hoc malo remedium sunt.

C A P. IV.

De Fluxu Alvi Hepatico.

Fluxus alvi hepaticus, etiam si non minus quam Dysenteria periculosus, non tamen tam sævis symptomatis concomitatus est. Adest enim multo minor ac sæpe nulla intestinorum excoariatio: nam in hoc casu plerumque purus sanguis dejicitur, vel propter debilitatam jecoris vim retentricem, vel propter acrimoniam sanguinis oscula venarum referantis per anastomosis, vel denique cruor propter copiam regurgitat in venas meseraicas, & inde in intestina, & sic per alvum rejicitur, & hic quidem omnium fluxuum hepaticorum minus periculosus est, & sæpe plus terroris, quam damni infert. Si itaque acrimonia sanguinis in causa est, frigidioribus decoctis utendum est, è seminibus Cucumerum, Cucurbitarum, Citrulli, Peponum, ac Melonum aquaticorum, quorum omnium hic summa est quantitas. Ex iisdem conficiuntur quoque emulsiones, eclegmata & pulveres ad idem malum perutiles. Tum ad peccantis humoris revulsionem, cucurbitæ cum scarrificatione lumbis, & natibus admovendæ, tum diureticis supra nominatis cum saccharo cibi condiendi. Sin autem quantitate nimia sanguis luxuriet, sine mora vena media pertundenda est, habita semper recta ratione virium. quia in his regionibus propter aëris am-
bien-

bientis calorem, & evaporationem spirituum assiduam, homines præsertim ægri fiunt debilissimi. Hinc (ut obiter hoc dicam) non facile nisi in summa necessitate ad venæ sectionem descendo, quod corpora nostra mollia, ac à calore supradicto effeminata, istam evacuationem non facile tolerant: Secus est in compactis corporibus Javanorum ac Lusitanorum, quæ calori assueta, venæ sectionem largam admittunt. Expertus, credite, loquor. Sed semper, in angustis, ceu ad sacram anchoram confugiendum ad nobile istud Extractum Croci jam aliquoties commemoratum. Cujus descriptionem hic subjicio.

℞. Opii electissimi (quod Misti vocant, & antiquorum est Thebaicum, nam Misti est Ægyptus) Sanguinis draconis, gummi Benjuini, Croci Orientalis, ex Persia partes æquales, Ambræ Japonicæ, seu nigræ partem tertiam; conjice in vas vitreum oblongi, & angusti colli; adde aceti fotrissimi ex vino, ut materiam seu massam in fundo superemineat, tres, aut quatuor digitos. Vitrum bene clausum exponatur radiis solaribus, qui nobis hic, propter fervorem, sunt instar ignis chymici; colata hæc omnia & expressa fortiter, eodem sole inspissentur in consistentiam extracti.

Hujus dosi est à granis sex, ad novem; in formam catapottii coactum, vel in cochleari, vino, vel convenienti aliquo alio liquore dissolutum. Detur præcipue circa noctem, quo tempore observavi omnia intestinorum mala hic exasperari. De lienteria, seu lævitate intestinorum, quæ plerumque dysenteriam diuturniorem sequitur, & etiam de diarrhæa volens taceo, quia notissima hæc sunt in patria, & quorum cura sæpe superioribus annexa est, & tantum sæpe, in corroboratione ventriculi, & intestinorum, consistit. Sed de reliquis alvi fluoribus dicamus.

CAP. V.

De Tenesmo.

Tenesmus, propter summam molestiam, quam secum conjunctam habet, hic magis metuitur, quam Dysenteria ipsa, & certe si eam præcedit, ut plurimum lethalis esse solet, quia omnes morbi, qui successione augescunt, primogeniis sunt magis calamitosi: Sin autem dysenteriam sequatur, faciliior ejus est curatio, quia tantum reliquæ ipsius sunt, ab acri humore partem affectam exulcerante. Est autem Tenesmus exulceratio intestini recti, cum crudeli & assiduo dejiciendi conatu, ubi pauca, & mucosa permixta sanguinis aliquot guttis, extremum pus excernitur: unde nostrates perapposito vocabulo hunc affectum *den druyploop* vocant, quod stillatim, ac guttatim humor peccans dejiciatur: Mulieres gravidæ hoc affectu correptæ (ut fere semper) abortiunt, vel ante tempus foetum excludunt. Uterus enim inter anum, & vesicam situs, ex assiduo, & forti isto conatu embryonem ante tempus ejicere cogitur. Ex eadem etiam causa, procidentiam ani infert, ac hæmorrhoidas, & si diutius perseveret (quod sæpe vidi) Hydropem; & hinc Extrabescentia, & post sæva tormenta Mors. Quoniam autem hic affectus tantum occupat intestinum rectum, ac anum, cura ejus præcipue consistit in clysteribus, fomentis, ac infussionibus, quæ parantur ex herbis partim emollientibus, partim detergentibus. Talia sunt fol. suprad. Dauullontas ac Lagon-di, Bismalvæ, ac Abutali Add. sem. Cumini, Anisi, Fœniculi, &c.

Cum his, & similibus ulcus jam ex parte mundatum fuerit, ac dolor sedatior, astringentibus decoctis pro fotu utemur, & hoc eo magis si ani procidentia simul adsit. Ejusmodi sunt Lingua Cervina, seu Phyllitis, folia Thamarindorum, tum fructus quoque, & folia Bilinbing suprad. Qui magnitudinem & formam referunt primo adolescentium Cucumerum, quos Agureas Lusitani, ac Itali vocant, quibus fructibus puto naturam
nihil

nihil acidius è terra produxisse: Nam si cui dentes aliis cibis acefcunt, his comefis omnis aciditas evanefcit. Ferme ea ratione, qua major dolor minorem obfcurat. Has herbas hic præcipue in fcenam produxi, ut fciant curiofi Medicinæ indagatores, ubi fupra commemorati morbi, & mala ita frequentia fint, ibi D. O. M. per naturam contraria his remedia larga manu, ex terra, produxisse. Ceterum remedia, in patria cognita, hic leviufcule volens tranfeo, quia potiffimum iis Medicinæ amatoribus prodeffe ftudeo, qui mecum, aut poft me in longinquis hifce regionibus praxim medicam exercituri funt. Et utinam hætenus per morbum, quo circiter quatuor menses decubui, tum per undique nos cingentes Javanos, nobis, ut in principio mei in has terras adventus, licuiffet in amœniffimas Javæ fylvas exfpatiari: & herbas hic, nobiliffimas, ac plurimas, exactius noffe: Dabo tamen alio volumine, nomina multa arborum, fruticum, ac herbarum hic paffim nascentium. Tum avium, ac pifcium, quorum femper curiofus fui, quique in his regionibus capiuntur naturam, ac indolem vobis explicabo, & quid exotici, ac alieni in iis, & in quibus cum noftratibus conveniant, vos docebo. Interim hoc caput finiendum eft aurea C. Celfi fententia, quæ talis eft lib. iv. c. xvi. Cum in omni fluore ventris, tum in hoc præcipue (de Tenefmo loquitur) neceffarium eft, non quoties libet defidere, fed quoties neceffe eft, ut hæc ipfa mora in confuetudinem ferendi oneris intestina deducat.

C A P. VI.

De Cholera.

Præter jam dicta alvi profluvia, etiam Cholera hic familiariter ægros infeftat; cujus caufam, figna, ac fymptomata, curam denique hoc capite abfolvere effi animus. Fit itaque Cholera, cum materia biliofa, ac prætorrida ventriculum, ac intestina infeftans, per gulam fimul, ac per anum continuo ferme, ac cum magna copia rejicitur: Morbus eft acutiffimus,

ideoque præfenti eget remedio. Causa præcipua hujus mali, præter aëris calidam ac humidam temperaturam, est nimia fructus hic edendi licentia; qui quod plerumque sint horarii, ac putredini obnoxii, tum humiditate sua superflua ventriculo infesti sunt ac infueti etiam, ac bilem æruginosam hanc gignunt. Hæc excretio, & non sine causa, alicui videretur salubris, quod talia purgentur, qualia oportet: tamen quia cum tanta quantitate simul effunduntur spiritus vitales, ac naturales, debilitato quoque per foedos halitus corde, caloris omnis, ac vitæ fonte, ut plurimum commoriuntur ægri, idque celerrime, utpote qui intra viginti quatuor horas vel etiam pauciores expirent, ut accidit inter plurimos, *Cornelio van Royen*, ægrorum in Nosocomio Oecono, qui, hora sexta vespertina, adhuc valens, subito Cholera corripitur, & ante duodecimam noctis horam vomendo simul, ac per alvum dejiciendo, cum diris cruciatibus, ac convulsionibus, miserrime expiravit; vincente morbi violentia, ac celeritate omne remediorum genus: Si tamen, ultra prædictum spatium, pernicies ista protrahatur, magna curæ spes est: Pulsus hic admodum debilis est, respiratio molesta, membra externe frigent. Calor vehemens, ac sitis interne urgent, vigiliæ adsunt perpetuæ. Jactatio corporis inquietissima, quæ si comitetur frigidus ac foetidus sudor, mortem in propinquo esse certissimum est. Danda in hoc affectu primum opera, ut acerrimus iste humor, qui tanto furore, ac orgasmo fertur, mitigetur. Quod fieri poterit maxime per astringentia medicamenta, ac ventriculum, & intestina corroborantia, & simul modico frigore furorem materiæ morbificæ refrænantia. In his præstantissimus est syrupus ex Billinbing. suprad. Tum fructus ejus saccharo conditi, adjecto Croco: syrupus præterea è succo Limonum recentium, in Java nascitur præterea ad hunc affectum Pseudomyrobalanus, qui forma Bellericos refert. Et magna copia à Nigris in urbem venalis adfertur. Et sola astrictoria vi præstat, cum ceteræ Myrobalanorum species etiam laxativi aliquid habeant; hinc conditus hic fructus, utilissimus, ad Choleram non solum, sed ad ceteros omnes alvi fluores nimios. Cum cornu Cervi usto, lapide Bezoar,

zoar, rasura cornu Rhinocerotis, vel Margaritis præparatis.

Sed his non adferentibus juvamen, confestim ad extractum Croci deveniendum est, tum, ut vigiliæ arceantur, ac somnus concilietur; qui propter summam virium dejectionem hic necessarius est, tum ut, tantisper mitigato atroci isto humore, natura fortior denuo ad vincendum hostem insurgat: Cholerici (ut fere semper) convulsi moriuntur.

C A P. VII.

De Affectibus Hepatis Visceris nobilis: ac primum de ejus Obstructione, ac Inflammatione.

Nullum viscus, præter intestina, frequentius in his regionibus infestatur, quam jecur; quod, prætermissa jam toties dicta, victus ratione mala, à potu istius maledicti Arac non tantum in temperamento immutatur, sed etiam in substantia sua corrumpitur: Dum enim ejus haustu ebriosi isti excalescenti, ingentem aquæ copiam in ventriculum ingerunt, ut conceptum æstum restinguant, dein humi, tanquam pecudes, procumbunt, & in navibus, se rori, qui post secundam, aut tertiam noctis horam copiose hic cadit, exponunt: unde venenatos vapores è terra erumpentes, intra corpus recipiunt, & sic obstructionem hepatis facillime incurrunt, cui adest tensiva, in hypochondrio dextro, gravitas, dolorque obtusus, ac quasi pondere premens. Difficilis quoque adest spiratio, propter gravitatem visceris, diaphragma deorsum trahentis, cui, mediante ligamento suspensorio, annectitur: hæc infarctio si perseveret, humor hepar obstruens, dum non ventilatur, facillime putrescit. Unde febris etiam oritur, ac ipsius hepatis inflammatio, cum dolore acuto, ac pungente, febrisque augescens, in ardentem transit, cum siti intolerabili, faciei rubedine, ac difficili, ob prædictas in obstructione causas, respiratione: Hi duo affectus cum, quasi invicem, concatenati sint, & unus, ex altero ferme nascatur, curam amborum hoc capite conjungam,

gam, incipiendo (ut par est) ab obstructione: itaque in hac primum observandum est, ne nimium calidis medicamentis in principio utamur, ne minutæ istæ hepatis venæ, & capillares, ab exsiccante calore magis obstruantur, & ne hoc modo (quod in proverbio est) oleum camino addamus. Ergo temperate calidis, & per consequens leniter deobstruentibus, ac materiam peccantem incidentibus opus est, quæ familiaritatem quandam cum nostra natura habeant. Talia sunt, quæ à practicis Anodyna vocantur: nimirum semina Anisi, Fœniculi, Cumini, quæ nobis hic suppetunt. Tum radices Graminis cujusdam aromatici, ac Caryophyllatæ odorem æmulantis. Adde his (quod in principio dici oportuit) Calamum aromaticum verum, quem pastum Camelorum vocat ab *Orta*, qui hic abunde crescit, quo etiam incolæ cibos, præsertim pisces, non insuaviter condiunt. Ceterum reliqua addantur, quæ blando calore diuretica sunt, ut viscus hoc nobile ab infarctu liberent. Præparata jam morbi materia, eam medicamento non semel nec simul, sed iterato studebimus educere. Ejusmodi, sunt Thamarindi, Cassiæ fistulæ pulpa, adjecto pulvere Therebintinæ coct. s. a. mirum enim quam blande hæc simul per alvum, ac vesicam morbificum succum ejeciant, si paulo fortius desideres adde drach. i. Rhabbarbari, misceatur cum supradictis in formam boli. Inflammationem porro in procinctu esse cum compereris, ex febris augmento, & dolore vehementiori, ac magis pungente, statim venam secato copiose, pro viribus ægri. Cibis, ac syrupis ac conservis refrigerantibus, jam aliquoties commemoratis utere, quæ, ne actum videar agere, ego hic lubens omitto. Conficitur hic conditum ex fructibus, quos poma Amoris vocamus; Italis Bella Dona, & Lusitanis poma d'Oro, appellantur. Certe species Mandragoræ est. Hanc Chineses inter acetaria in hortis colunt, & tostam sub cineribus aceto & pipere edunt. Hæc planta, etiamsi frigida est tertio gradu, tamen in clymate hoc calido, & bile acerrima dominante, maximum hepati, ac reliquis visceribus vicinis, per consensum laborantibus, præstat refrigerium. Condiuntur quoque muria, ac aceto addito Pipere, & Aromatibus. Quod

Quod genus condituræ communi nomine Achar Indi vocant. Denique Hypochondria; præsertim dextrum inungendum est, unguento nobili, quod Indæ mulieres hic conficiunt, cujus ingredientia præcipua sunt. Radix Curcumæ (quam Borborii incolæ vocant) & unde universa compositio hæc etiam nomen fortita est. Santali, omnibus speciebus, addita Caphura: & oleo recenti ex Cocco express. vel si mavis, Rosaceo; quod nobis ex Persia suppetit: Hæc omnia in marmore subiguntur in unguenti consistentiam. Hoc oleo, feminæ simul, ac viri, totum corpus inungunt adversus æstus. Et quia colore propter Curcumam est flavo, homines quasi Croco tincti spectantur, odore tamen est admodum grato, & cerebro utili: (Curcumæ meminit ab *Orta* lib. 2. cap. 39. Et quamvis eam ibi describat, tamen fatetur id se ex auditu facere: ego millies vidi, & à terra evulsi. Descripsit autem sub nomine Croci Indici 3. Folio est Pseudoridos, seu Gladioli.) Præterea, ad idem, oleum conficimus ex floribus cujusdam arboris, non nimis altæ, ferentis folia, Persicæ arboris similia. Flores sunt viroris dilutioris, quem Belgæ *Zeegroen* vocant, & primo intuitu, potius fasciculum foliorum putes esse: sed pediculi intus in calice, quales in Rosis sunt, flores esse arguunt. Arboris simul, ac florum nomen Sampaga incolis est, & apud eos in summo sunt honore: Nam Indi, si quæ gens alia inter Mahumetanos, odoris grati sunt avidissimi: hinc nullas ferme in plateis mulieres conspicias, quæ non capillos intertextos habeant, his & similibus floribus ut gratiores se maritis, aut amantibus suis se reddant: Sed in viam redeamus. Si (quod sæpe fieri solet) quis dolor in Hepate, & ligamentis sit intolerabilis, causa tantisper omiſſa, huic symptomati occurremus. Quod fiet per extractum aurem Croci: quo vel solo (ausim affirmare) ægros plurimos curavi, natura, per quietem, ad se redeunte & virus per alvum, urinas, ac sudores ejiciente.

De Apostemate Hepatis, ac ejus cura unica.

Quod si hepatis inflammatio non bene sanetur, vel pertinacius curæ resistat, consequitur admodum miserabilis affectus Hepatis; nim. Apostema; quo, si parenchyma seu substantia ipsa jecoris occupetur, jam incurabile est malum; Ideoque de eo hic supersedeo dicere. Sed si pus hæreat, inter membranam cingentem hoc viscus, & ipsius carnem (quod persæpe hic fit) unica salutis spes est in apostematis apertione; quæ hoc modo fieri debet. Primum in regione Hepatis applicetur cauterium potentiale ita, ut eschara tantum penetret abdominis musculos, nec inficiatur peritonæum; Deinde, parvo foramine per scalpellum in ipso secto, per id immittatur instrumentum argenteum concavum, quali utuntur in sectionibus calculi lithotomi, dein satis late vulnus dilatandum: Et tum statim in conspectum se dabit membrana jecur ambiens, vehementer tumescens ab amurca intus latente. Ea pertusa, saniosus humor, carniū loturæ similis, effluet, qui quo minus foetet, eo major curæ spes est. Post hæc vulnus detergendum, modice siccantibus & mundantibus. Flo. n. Rosarum. cortic. Granatorum, add. Mell. Rosac. &c. Dein sarcoticis, ac epuloticis, à perito Chirurgo vulnus ad cicatricem perducendum. Interea ægro omnino à pharmacis ac catharticis abstinendum, & tantum roborantibus utendum, ut conserva Rosar, cum pulvere Santali rubri, cui misceatur cornu Cervi ustum, rasura cornu Rhinocerotis, qui hic plurimus in sylvis est: Margaritæ, ac Corallum rubrum præparatum. Adhæc syrup. condita, ac mixtæ à Billimbing, Mangas, Granat. è succo Limonum, quæ omnia refrigerantia simul ac hepar roborantia ægro solamen adferunt. Porro debili (ut fere semper) existente ægro, lapidi Bezoar non est parcendum.

CAP. IX.

De Hydrope, Familiarissimo in Indiis morbo.

Hæc paucissima de Hepatis apostemate : quia cura non verbis, sed agili Chirurghi expertis manu, & prudentis Medici ingenio peragenda est. Jam ad hydropem, frequentissimum in his locis malum, deveniendum est.

Hydrops, ut omnes docti consentiunt, oritur ex frigida hepatis intemperie, quæ sæpe à diuturna obstructione originem ducit. Hæc vero obstructio nascitur ex cibis mali succi, & fructibus supra descriptis: hinc fit ut sanguificatio vitietur (Hepar enim est sanguinis officina.) Jecur enim dum chylum ex venis meseraicis attractum in sanguinem convertere nequit, ejus loco serosum illum ac aquosum humorem gignit; intumescitque (ut & in Patria) vel universum corpus, vel abdomen, idque vel à flatibus vel humore seroso. Unde illæ tres tantopere decantatæ Hydropis species, Anasarca, Ascites & Tympanites, hic proh dolor! nimis frequentes sunt in Indiis. Pars tamen principaliter affecta, est nobile viscus hepar. Tussis propterea sicca comitatur ac respirandi difficultas, quia jecur insita sua, & jam per morbum adaucta gravitate, deorsum septum transversum trahens, thoraci ac pulmonibus hanc molestiam infert. Adest febris plerumque lenta, urinæ ob cruditatem, ac functionum naturalium debilitatem, tenues ac albæ. Sitis propter serosi humoris falsedinem adest indefessa. Preterea universi corporis spontanea lassitudo. Hæc sunt aquæ intercutis præcipua signa: si quæ sint leviora, ea prudens prætereo, quia mihi non est animus formare medicum: sed jam formatum docere, quid hic in praxi opus sit. Antequam hujus morbi curam aggrediamur sciendum hoc est ingenere hydropem in his locis facilius sanari, quam sub nostro clymate. Itaque cautus medicus non temere judicium suum præcipitet, nec primo aspectu lethale dicat, quod paulo post cum ingenti sua irrisione, à mulierculis, vel potius ipsa natura observata tantummodo convenienti victus ratione, sanatur. Præcipua vero cura

consistit in præparatione priinum, dein adustione humoris peccantis; tum reliquiarum discussione, denique in correctione intemperiei in hepate conceptæ. Diæta quoque sit boni succi, ut sunt gallinæ (quod avium genus hic frequentissimum) eaque sint elixæ potius, quam assæ: sed inter ceteras istud genus eligendum est, quod carne sit nigra; nam has habere vim medicamenti diuretici longo usu ab incolis compertum est; Harum jusculis incoquantur semen Anethi, Fœniculi, tum radices Cichorei, tum Majorana, ac Basilicum, quibus omnibus, hic abundamus. Eodem modo præparatæ etiam carnes caprinæ hic medicamenti simul ac alimenti vim præstabunt: sed nihil eque confert, quam quotidianus usus decoct. radicum Chinæ, Sals. parillæ; adjectis Curcumæ radicibus, Succisa ac Scabiosa, quarum herbarum vires mulieres Malaicæ obstetrices, usque ad irrisionem extollunt. Sic quoque prodest decoct. Guajac. cum corticibus ejus.

Humorem hoc modo præparatum educere per alvum studebimus vehementioribus catharticis, ne si imbecilibus utamur, succum peccantem moveamus potius, quam promoveamus. Inter quæ præstat extract. gutt. Cambodja, quod paratur hoc modo à me. Recipe Aloës Socotorinæ.

Guttæ Cambodja.

Gummi ammoniaci an. partes æquales.

Aceto vini acerrimo dissolvantur; pone in vase vitreo ad solem, fortiterque colatum, exponatur rursus, donec contraxerit consistentiam massæ pillularum.

Dosis ejus à drachm. sem. ad drachm. i.

Crescit hic quoque in summa copia, Cucumer asininus; unde Elaterii succum non semel confecimus, cujus scrup. i. ad drachm. sem. non sine magno successu ægris sæpe exhibuimus. Dantur enim commode extract. Esulæ, grana x. vel xv. in convenienti aliquo liquore. Et quia sæpius incidimus in mentionem guttæ Cambodja, ac Esulæ istius Javanæ, utriusque descriptionem hic à me accipite. Nascitur hic in sylvis Tithymalli quædam species, in tantam altitudinem, ut acumina magnarum arborum, quas instar hederæ amplectitur, æquet, imo

imo superet : crassities ejus est brachii facile humani. Hujus caule vulnerato, lacteus humor effluit ubertim, qui collectus, & in extracti consistentiam redactus, ad usum servatur. Planta ista, quæ guttam Cambodja fert, seu lacrymam istam flavam, quam in patria habetis, supra dictæ adsimilis est : nisi quod non tam alte excrescat : ita ut ferme solo colore succi hi inter se differant. Crescit hæc planta, ut Aloë in maxima copia in Cambodja regione Chinæ vicina, unde etiam nomen sortita est. De Paracentesi, aut de umbilici perforatione, hic nihil addo, non quod hic non frequenter exerceatur, sed quod hæc Chirurgo & Medico experto cognita esse debet. Adde quod mihi propositum est, tantum de ea cura agere, quæ his regionibus maxime familiaris est, & magis mihi curæ est bonum practicum agere, quam in scholis de omnibus morbis, eorumque curis otiose disputantem & medicum in charta superbe agentem, & hoc ausim affirmare (absit verbo invidia) si hanc methodum Medici & Chirurgi sequantur, non longe à scopo aberrabunt. Evacuato maxima ex parte hoc seroso humore, ne recidivam patiantur ægri (quod alias sæpe fit, & à recidivis hic in Indiis ferme ad sanitatem nunquam est reditus.) reliquæ hujus mali discutiendæ sunt, & hepar, quantum fieri potest, ad pristinam temperiem reducendum est. Ad quod præter solita antidota sudorifica, Theriacam, Mithridat. &c.) Decoctum levius Salsæ, radicis Chinæ, & Guajaci per aliquot dies continuandum est, quod tum in hoc, tum in aliis chronicis morbis longe præstantissimum ac indubitatum est remedium.

C A P. X.

De Ictero in Indiis.

Morbus regius, seu icterus, inter quotidianos in India morbos hic merito numeratur. Hic quoque vel morbos alios comitatur, vel eosdem sequitur. Exempli gratia inflammationem, scirrum, Apostema denique hepatis, & quia tum ut plurimum symptomaticus, & ex violentia morbi ortus est, ut fe-

re quoque semper lethalis est. Præterea quia ejus cura cum primariis affectibus conjuncta est, de eo hic supersedebimus dicere; verum est, & altera Icteri species, ubi folliculus fellis obstructus, excrementum suum ad alvum non transmittit, unde etiam in stercore color albus apparet, urina vero croceo plane colore, lintea tingit. Nam bilis, versus jecur regurgitans, cum sanguine dein per venas, & arterias in universum corpus distribuitur, cutemque tingit colore luteo, ut & in oculis manifesto appareat. De hoc affectu nobis hic est sermo. Sæpe hic ita momentaneus est, ut intra paucissimos dies oriatur, ac occidat, quod eis ante paucos menses accidit doctissimis, ac reverendis viris *D. Justo Heurnio*, ac *D. Abrahamo de Roy*, quibus amicissime simul ac familiariter utor, qui aliquoties exhibito pharmaco sudatorio, & cordialibus, intra breve temporis spatium curati sunt. Qui autem diuturnior est Icterus, majorem in cura diligentiam requirit, quod in eo longe validior sit obstructio: adde quod sæpe delirium, ac phrenitidem infert, bile flava per metastasim ad mentis arcem elevata: hic neglectus certissimum hydropem infert. In eo igitur iisdem medicamentis utendum, quæ superius in obstructione jecoris adduximus. Aviculæ quoque Chlorides dictæ, propria & occulta qualitate adversus hæc symptomata valere incolæ produnt. Excellit hic decoctum Chinæ & Salsæ, quo copiose sudores eliciuntur. Tum porro ad evacuationem eandem recipe folior. Sennæ unc. i. infus. in decoct. Thamarindorum cum Rhabarb. drachm. i. sem. Sed si propter fortem obstructionem paulo valentiori pharmaco sit opus, Electuario subsequenti utatur æger, quod à fratre meo *P. M. Reynero Bontio*, dum viveret *Principis Auræici Mauritii Archiatro*, & *Medicinæ Professore in Academia Leydensi*, accepi.

Recipe Ligni Guajacini libr. ij.

Salsæ parillæ unc. viij.

Cortic. ligni Guajac. unc. iiij. post macerationem in s. aq. fluvii per 24. horas. coquant. q. s. hujus colaturæ ferventissimæ adde.

Folior. Sennæ mundator. lib. j.

Polypodii libr. sem.

Sem. Anis. Fæniculi. an. unc. iij.

Helhebori nigri unc. vj.

Myrobalanorum omnium.

Thamarindorum an. lib. ij.

Bulliant q. s. in supra dicto decocto, colaturæ rursus adde.

Pulpæ Cassiæ Fistulæ, unc. xij.

Pulveris Sennæ.

Pulveris Rhabarbari an. unc. x.

Pulveris Cortic. ligni Guajacini, unc. iv.

Scammoneæ elect. pro quaque electuarii lib. j. ad. unc. j.

Sacchari albissimi q. f. ut f.

Electuarium molle. Cujus dosis est à dra. iiij. ad unc. j.

Pleraque ingredientia hujus electuarii hic inveniri scitote: Nam Polypodium, hic crassius longe, ac succulentius in Mangiferis arboribus, non secus ac in Quercubus in patria, crescit. Si porro Helleborus niger desit, ejus loco utimur Hellebori albi specie, quam Potstock Chineses ac Javani vocant, estque in summo pretio. Thamarindi quoque ac Cassia hic in sylvis passim crescunt. Loco Scammoneæ, quæ tamen, ut & reliquæ Convolvulorum species, hic abunde nascitur, uti commode possumus gutta Cambodja prius per aliquot dies in aceto macerata, vel spiritu vini. Nam hoc modo vomitoriam ac infestam suam ventriculo qualitatem plane deponit, & blandius, quam Scammonea, alvum ducit. Pro potu utatur æger secundo Decocto Chinæ, cum radicibus Curcumæ, quas Lusitani Saffram de terra nominant; ac si Crocum subterrestrem dicas. Tum pulvis ejus melle exceptus, & in electuarii formam redactus à dra. sem. ad drach. j. tanquam specificum huic morbo remedium exhibetur, & tum per urinas egregie humorem, qui in vitio est, educit. Flatus, qui in hoc morbo assidui sunt, feminibus Carminativis, & ol. Anisi, discutuntur. Crescunt enim hic omnia hæc, & à Javanis, & Chinesibus in similes usus reservantur.

C A P. XI.

De Atrophia, seu Extabescencia quadam, Indicis regionibus familiari, ab obstructione viscerum, præsertim Mesenterii orta.

Sæpe hic sine manifesta causa ægri extabescunt, ac emaciantur, febri nulla vel saltem lentissima se huic malo jungente sine magno sensu doloris: gravitas tantum quædam sentitur circa umbilicum, ac Hypochondria. Hoc malum, præter obstructionem viscerum, sæpe causam latentem habet in venis meseraicis, vel in ipsa Mesenterii substantia, quæ sæpe insignem abscessum patitur: quod in dissectis cadaveribus non semel observavi; Immo reperi aliquando totum Mesenterium absumptum; ac tamen intestina cohærebant, aut potius inter se confundebantur nullo ordine, tenuibus pelliculis, seu membranulis adnatis. Ita miseri mortales ad extremam maciem perducti, ut jam magis sceleta, quam corpora carne vestita dici possint, absumpto calore nativo, vita excedunt. Notabile in hoc malo est, plerumque adesse βῆλιμον. ac appetentiam caninam: cui se lienteria, seu levitas intestinorum conjungit; unde cibi nihil, aut parum immutati, & incocti per alvum eji- ciuntur. Taliter affecti, quamvis plerumque commoriantur, tamen, ne omnino desperare videamur, aliquid tentandum est potius, quam nihil. Si forte natura benignior, adjuta autem blandis medicamentis exterius, vires resumens, ex desperato sanabile faciat malum. Temperate itaque calidis, anodynisque, moderateque, citra insignem calorem deobstruentibus utemur. Talia sunt decoct. & condita ex seminibus Anis. Fœnicul. Carui, & reliquis carminativis supra relatis. Præterea crescit hic quoddam Gramen, cujus nomen, ac descriptionem videre est apud *Prosperum Alpinum*, libro de plantis *Ægypti* capite XL. quod merito Gramen crucis vocatur, quia quatuor spicas è summitate caulis emittit, quæ perfecte crucem formant. Radix hujus Graminis quæ tantum in usu est, odorem habet aromaticum,

&

& proxime ad Cariophyllatæ radicis accedentem, gustu quoque est γλυκόπικρον, id est, è dulci amara. Hujus radicis decoctæ mirabiles effectus expertus sum, in calculo Renum ac aliis longioribus obstructionibus, qualis hæc est de qua loquimur. Confert quoque Anagallis aquatica, seu Becabunga quæ cum elegantissimis flosculis suis albis in ripis fluviorum hic crescit. Vescatur æger carnibus Turturum, ac Fringuillarum, quas milites & Mauri sclopetis occisas quotidie venales in civitatem ferunt. Lac quoque caprillum mirifice prodest, dum nitrositate sua, quæ fero inest, venas meseraicas detergit, ac obstructione liberat. Abstinentum denique à purgantibus medicamentis, ne, dum humorem violenter conamur revellere, obstructiones per acrem calorem, qui solet pharmaca ista comitari, adaugeamus. Adde quod in hoc casu, propter alimonia defectum, vires semper summe imbecilles sunt.

C A P. XII.

De quibusdam Pulmonum vitiis, quæ hic grassantur; ac primum, De Hæmoptosi, seu sanguinis Sputo, & Phtisi, seu Ulcere Pulmonum.

DEbuisssem quidem hos Thoracis affectus præmisisse secundum ordinem, qui in scholis observatur; tamen ego, qui non umbras rerum, sed res ipsas, tanquam practicus sector, nihil ad curam referre arbitratus sum, utrum id prius, an posterius agam.

Quoniam itaque, ut & supra retuli, aëris constitutio hic est calida & humida, sæpe fit, ut acribus catharris caput oneretur; unde hic etiam gravedines tam frequentes, & sæpe diuturniores quam in patria oriuntur. Tum milites & focii navales, bene poti humi sine stragulis dormituriens, vaporibus è terra ascendentibus, & rore è cœlo cadente obruuntur: unde hoc notandum est obiter, habitationes in superiori ædium parte longe esse salubriores quam in inferiori, quæ propter humiditatem soli formicis, Scorpionibus, ac scarabæis (quos Caccar-

laccas vocant) scatent : sed hæc parergice : ad rem veniamus. Hi catharri sæpe ad subjectos pulmones è cerebro præcipitantur, ipsosque falsedine, ac acrimonia sua erodunt, unde Hæmoptosis, hinc Tabes, & dein Empyema, seu suppuratio. Assiduam tussim, difficilem anhelitum, febrem tandem hecticam hic libens prætereo, tanquam nota practicis, & jam ad curam me accingo. Et quia, in his regionibus, affectus hi à catharris, ac destillationibus ut plurimum oriuntur, isti per commodas purgationes divertendi sunt. Ejus ergo fiat catapotiorum massa hoc modo.

℞. aloës Socotorina.

Guttæ Cambodja.

Colocynthidos pulverisatæ.

Scammonæ elect. an. partes æquales : infunde in aceto, vel Spiritu vini, modo jam sæpius dicto, & sole evaporentur in massam pillularum : dosis est à sc. j. ad dra. sem. vel in valentioribus ad dra. j. Nam hoc in genere sciendum est, quod ut fluores alvi (ut Celsus vocat) hic sunt violentiores, ita quoque è contra obstructions validæ, ac pertinaces sunt : quæ non nisi valentioribus cathartice cedunt. Electuarium supra dictum fratris mei, hic etiam maximum emolumentum adfert. Aversa jam per alvum materia, reliquæ particularibus remediis tollendæ. Caputpurgiis nimirum, Errhinis, ac Masticatoriis, è Pyrethro, Staphidos agria, semine Raphani, Nasturtii, Piperis, & ceteris notis. Præter hoc peculiare hic habemus nobile medicamentum quod conficitur ex Arecca & Betele, & calce viva ex ostreorum conchiliis usta, quod mastigando pituitam è capite elicit, eamque, quæ in ventriculo est, consumit, ac prohibet, ne vaporibus caput impleat, unde hi catharri nascuntur. Medicamentum hoc, Malaice vocatur Sirii Pinang. Ejus descriptionem, & reliquas insignes virtutes, quibus sine dubio præditum est, vide apud *Garciam historia Aromaticum* capite de Betele, ac Arecca. Est quoddam genus istius Pinang quod Mabock Indi vocant, tanquam ebrium dicas, qui paucis tempore cerebrum eo modo, quo potio vini nimia, afficit. Sed manso paulo salis, statim vertigo ista evanescit :

Cum

Cum jam isti catharri, aut neglecti, aut non bene averfi, per faluginem suam, qua præditi sunt, aut pulmonum venas eroderint, aut acrimonia sua per anastomofin ora vasculorum reseverint, & æger in hæmoptosin, seu copiosam sanguinis excreationem inciderit, cum tussi valida præsertim, statim sanguis ad revulsionem copiose detrahendus est. Post pectoralibus incrassantibus, ac sanguinem sistentibus, utendum, quorum descriptionem inferius dabimus, ne necesse sit ista repetere. Si patientes contingat evadere tantisper sanguinis sputum, tum, neque tamen tussis minuatur, & per eam pus exspuatur, signum est, affectum hunc jam in tabem, seu ulcus Pulmonum transiisse, cui, si supervenit febris hectica, sequitur marasmus, quem dein comitatur certissima mors. In his duobus morbis, quia agnati sunt, & alter ex altero sæpissime oritur, eandem, vel perquam similem medendi rationem sequimur. Utendum est igitur in principio Diatragacantho frigido, cui optime conficiendo hic nascuntur semina Cucumerum, Cucurbitarum, Melonum & cetera: tum è Suratte Amygdala suppetunt, & Papaveris semen; tum cum aliis speciebus, quas hic etiam abunde habemus, in formam liquidam electuarii, aut etiam in tabulas concinnata ad usum servantur. Sed nihil æque prodest, quam toties commemoratum extractum Croci, quod non tantum sanguinis sputum sistit, sed & Tussim sedat, pus incrassando habilius ad expectorationem reddit; quinetiam pulmones jam exulceratos consolidat, ac ad cicatricem perducit. Eoque solo remedio plurimos jam desperatos sanavi. Sumant præterea ægri, ad minimum ter quotidie, haustum decocti jam describendi.

℞. Scabios. morsus diaboli; Linguae Cervinae an. m. j.

Capitum papaver. demptis summitatibus num. iv.

Glycirrisæ ras. unc. j. coq. in f. q. aq. comm. Colatur. lib. ij.

fem. adde ol. Sulphur. q. s. ad gratum acorem. m. f. Apozema.

Si in Tabe, seu Phtisi pulmones paulo magis mundare velis, add. huic decoct. unc. ij. mellis Rosacei, tum ad eundem effectum, & faciliorem expectorationem hac conserva utamur.

℞. Conservæ Rosarum è Persia antiquæ unc. ij.

Sem. Papaver. albi contusi, unc. sem.

Flor. Sulphur. drach. j. sem.

Pulver. Solidaginis Saracenicæ, & pulveris Scabiosæ, an-
dra. j.

Ol. Sulphur. q. f. ad gratum acorem M. f. Conditum.

Pro potu communi utatur decocto secundo superius Chinæ,
aut Salsæ relato.

C A P. XIII.

De Empyemate, & fluctuatione puris super septum transversum.

Empyematis quidem per eadem jam dicta medicamenta, sed longe tamen difficilior est curatio; quod pus, ac sanies libere, ab alterutroque vel etiam utroque latere, super diaphragma fluctuet & pulmones; & quamvis ejus portionem sæpe aliquam, tamen totam exfugere non valeat. Et tamen per alteram viam, quam per Tracheæam arteriam purulentæ isti materiæ non est exitus, quicquid illi dicant, qui ejici aliquando affirmant hoc pus per sinistrum cordis ventriculum, ad majores venas inde deferri & hinc ad Jecur & venas meseraicas, & hinc per alvum exonerari, vel ad Renes deferri quoque, & critice per urinas evacuari. Eorum quidem fidem, qui hæc scripserunt ego non elevo: sed nunquam tam fortunatus fui, quamvis in frequentissimo praxi, ut talem excretionem mihi videre contigerit. Sed hoc quod jam præponam, etiamsi anceps ac dubium sit remedium, tamen sine dubio nugacibus verbis, & loquacitate tam feminarum futilium, quam virorum relicta, longe præstantissimum est; supra diaphragma, inter quartam ac quintam costam, musculi thoracis intercostales, cauterio admoto potentiali adurendi sunt, donec satis lata eschara oriatur; quod circiter spatio trium horarum plerumque fiet, dein istud satis lato vulnere pertundendum est, & (ut hoc obiter dicam) hoc eo opus est, ne si sine tali cauterio, incisio fiat, vul-

vulnus nimis cito coalescat & citius quam necesse est : sed oportet ut labiis longissime à se invicem distantibus (quod in rotundo vulnere fieri certissimum est) facilius exitus puri, ac amurcæ isti fiat : sed ante omnia curandum est, ne confertim pus, ac sanies unica vice : sed repetitis vicibus emittatur, pro ægri viribus ; quarum in his regionibus maxima habenda est ratio. Hoc remedio miraculi instar aliquot curatos vidi : & inter plurimos viator quidam, & miles (Corporalem quem vocant) hic in arce Batavica sunt, qui cum me vident, non officiose tantum salutant, sed pene importune adorant ; sed de his in observationibus particularibus acturus sum. Si hæc vobis placuisse intellexero, efficiam, ut non otiose tempus in Indiis me exegisse boni sciant. Nam de malevolis mihi nulla est cura, quoniam ego me supra eorum invidiam esse arbitror ; & abunde mihi sufficit, si hic domino Generali ac Indiæ Consiliariis non displiceam.

C A P. XIV.

De Febris in Indiis.

Febres, quæ in Indiis nascuntur, pleræque aut sunt symptomaticæ, aut continuæ per se, ac (ut fere semper) Synochi putridæ. Quæ vero certam periodon fervarent, cum intermissione seu ἀπυρεξία, vix memini me vidisse ; nisi unam ac alteram Quartanam, eamque cum ægro è patria delatam, quæ hic miserrime in hydropem, & inde in certissimam mortem desistere. Itaque erraticæ plerumque hic febres sine certo ordine, quibus singulis, si nomina dare velis, Oedipo conjectore tibi opus erit. Non tamen Tertianas intermittentes, hic aliquando oriri negaverim : sed hæc tam raræ sunt, ut liceat hic dicere, quod in proverbio est, quod hirundo unica non efficit ver. Præterea propositum mihi est scribere de iis affectibus, qui ut plurimum, ac quotidie hic eveniunt. Hoc saltem in genere verum est, morbos quibus febris supervenit, hic magis periculosos esse, quam quos à principio comitatur febris. De cura

igitur febrium, & symptomatibus earum, quia cum affectus primarii sanatione conjuncta est, superfedebimus actum agere. De continuis ergo aliquid agendum, quæ plerumque cum tanto furore hic mortales invadunt, ut tanquam attonitos de ratione mentis statim dejiciant, & sæpe intra paucissimos dies, imo, aliquando horas cum phrenitide, ac continuo delirio ægros è vita rapiant. Adfunt perpetuæ vigiliæ, vomitus varii coloris, præcipue viridis, ac æruginosæ bilis. Externa rigent. Calor interne cum ingenti siti vitales ac naturales facultates depascitur. Cum febris hæc itaque sit synochi putridæ species, ubi sanguis tam qualitate, quam quantitate peccat, duo magna antiquitus decantata remedia hic necessaria esse quis dubitet? Sed utrum illorum præmitti debeat, in quæstionem posset venire: Sed nos, subtilibus scolasticorum disputationibus, ac altercationibus omissis, purgationem debere præcedere autumamus; ne in venis major perturbatio fiat, quam emolumentum ex præmissa phlebotomia sperari potest. Et ne humores isti mixti aliquam ex principibus partibus, per motum, occupent, ac terribilissima symptomata excitent. Itaque in principio leniter, ut Thamarindorum & Cassiæ pulpa, ægri purgandi sunt. Injecto quoque Clystere communi, & adjecta electuarii, supra descripti unc. j. His peractis, jam tuto vena copiose secabitur, vel etiam iteratis vicibus, quod judicio medici relinquimus, tum unguento borborii universum corpus inungendum. Quod si vigiliæ, ac Phrenitis infestat, vena frontis recte secabitur; tum somnus omni modo conciliandus. Philon. sine Euphorbio, Reque Nicolai; Mithridatio hic confecto recenti, &c. Sed in periculis, tanquam ad sacram anchoram, ad Laudanum nostrum ex Croco confugiendum est, quod in his regionibus, nunquam satis laudabitur. Ceteræ, quas dixi, erraticæ Febres curandæ sunt eo modo quo illæ, quæ certos paroxismos habent, & ad quorum naturam videbuntur proxime accedere. Quæ quoniam notissima sunt ex aliorum scriptis, Enchiridii hujus ratio non patitur me longius de iis agere.

C A P. XV.

De Febris quibusdam, quas incolæ, vocant Tymorenses, in Indiis peculiaribus.

Isti, qui navigant in Insulas Solor ac Tymor, cædendarum Santali arborum gratia, corripuntur febris quadam putrida, quæ si continua sit, delirium ac Phrenitidem secum comitem etiam habet, si vero per intervalla exasperetur (nam remittit se aliquando hæc Febris: sed intermittitur nunquam) ea exacerbatio plerumque est circiter quatuor horarum, qua durante ridiculas admodum actiones ægri edunt; imitantes ea opificia, quæ sani exercuerunt, & omnia effutientes temere, quæ in vita, tacenda, loquendaque peregerunt, cum maximo astantium risu. Adest præterea *Βύλιμ*, seu Appetentia canina ita ut, dum in delirio sunt, omnia etiam foedissima devorent, quæ ipsis præbentur Oritur hæc Febris ex diversis causis, quarum præcipuæ hæ sunt: Odor recenter cæsarum arborum Santali; quæ (fatentibus ipsis incolis) nescio quid virosum, è cortice maxime, & cerebro inimicum expirant. Santali Histor. vid. apud *Garc. ab Orta* l. i. cap. 17. Ad hæc aëris constitutio est hic nebulosa, ac admodum gravis; nam habitacula incolarum sunt in summis montibus; ubi, propter aëris mediam regionem, nebulae ac pluviosi vapores sunt; tum frigus aliquando tam violentum, quam in Hollandia solet esse, quæ omnia non nisi crassos humores ac turbidos spiritus gignunt. Addita fructus hic nascentes edendi libertate, qui, cum plerique sint horarii, & propter humiditatem putredini maxime obnoxii, in corporibus jam ante fastidio maris, laboribus, crassis cibis, tum aëris intemperie immutatis, pessimos succos gignunt. Adde (quod pene omiseram) mutationem subitam aëris, quam subeunt nostri; dum descendunt ex montibus frigidis ad littus, ac naves, ubi calor summus corpora urit: Nam insula hæc sita est versus meridiem, circiter decem gradus, à linea æquinoctiali. Et (ut Ovidius ait.)

Cum

*Cum modo frigoribus, calido modo stringimur æstu,
Tempore non certo corpora languor habet:*

Præcipue quoque cavendi sunt venti ex montibus, post medium noctis, spirantes, ut & in Java, & ceteris circumjacentibus insulis; non secus ac in quibusdam Galliæ Narbonensis locis, ac Italiæ, præcipue in regno Neapolitano, ac Romæ territorio, ventus frigidus è montibus spirans (quem Serenas vocant) Pleuritidem, Peripneumoniam, ac reliquos acutos morbos infert: unde Horatius:

Matutina parum cautos jam frigora mordent.

Cura consistit in purgatione leni, ac Clystere præmissio, in celeri sanguinis missione, eaque in plethoricis, ac constantibus viribus, usque ad animi defectum. Cucurbitæ quoque affigantur cervici, scapulis, ac, vertice rasò capiti, incolæ arterias crotaphos, seu Temporales, lamina candenti, vel fune sclopetario accenso, urunt, cum stupendo fructu, quod etiam faciunt in omnibus capitis longis doloribus. Purgatur quoque commode humor vitiosus elect. fratris mei supra relato. Tum vomitoria è Croco metallorum, ac sale Vitrioli præcipitato, utilissima in hoc casu esse experientia didici. Vigiliæ (quæ sunt fomentum phrenitidos) si perpetuæ adsint, utamur, præter cetera narcotica, extracto nostro Croci in pillulam formato, vel vino dissoluto. His omnibus generalibus remediis præmissis; intemperies cordi, hepati, ac cerebro inusta, sudorificis, ac diureticis; Antidotis quoque, ut Bezoar, ac rasura cornu Rhinocerotis, commode discutitur. Et conservis refrigerantibus, ac syrupis, supra satis ad fastidium nominatis, emendatur.

CAP. XVI.

De Cæcitate, ac debilitate visus, quæ navigantibus Amboynam, ac Moluccas versus, ac in circumjacentibus fretis accidit.

Qui Amboynam, Bandam, ac Moluccas versus navigant infestantur sæpe debilitate visus, immo totali cæcitate, à crassis lentisque vaporibus caput, ac cerebrum opplentibus, nervosque opticos obstruentibus: quæ tamen cæcitas non semper permanet; sed alterius aëris mutatione, vel melioris diætæ, sæpe recedit. Incolæ harum insularum originem trahere dicunt (quod & experientia, cui contradici vix potest, comprobatum est) ex esu Oryzæ calidæ. Hinc Javani, ac Malaji Oryzam, jam primum coctam, semper prius frigidiori aëri exponent, vel vanno calorem eventilabunt. Tum nautæ nostri fociis suis navalibus imperant, sub pœna aliqua, ne Oryzam calefactam comedant. Quod si causam altius inquirere velimus, ratione eam prædicta niti inveniemus: nam Oryza hæc semper plantatur in locis udis, ac paludosis, unde nescio quid fœculenti, ac uliginosi contrahit: quod calidum altius penetrat, quam frigidum: nam etiam siccæ Oryzæ, crudæque odor caput gravat, ac somnolentiam quandam introducit. Communis in hoc affectu cura (qua & ego utor, & plures ad pristinam sanitatem reduxi) hæc est; Primum purgandum caput, ac ventriculus à crassis humoribus, qui hos vapores ad cerebrum mittunt: Quod optime fiet per Pillulas panchymagogas *Reineri Bontii* supra descriptas. Dein sternutatoriis è pulvere Tabaci, &c. Tum Errhinis, ac Masticatoriis utendum est. Vena secta quoque prodest. Sed in hoc malo (quod postremo loco reservavi) specificum, ac crebro usu comprobatum medicamentum est, Jecur Lamiæ piscis, crudum cum sale comestum, quem pisces *een Hays* Belgice vocamus, quin & oleositas, ex eo in sole inde distillans *Traen* Belgice, ac oculis inuncta præsentaneo est remedio; quod procul dubio proprietate sub-

stantiæ fit: Nam tantum abest ut aliorum piscium jecinora hoc præstent, ut potius præsentem noxam inferant. Notandum postremo est, quod, quamvis hæc cæcitas sæpe transitoria sit, tamen neglecta, ac incommoda diæta, maxime importuno usu Aracci, sæpe in veram visus orbitatem degenerat; quorum exempla hic passim obvia sunt.

F I N I S.





DE EXTERNIS QUIBUSDAM

Corporis Affectibus, in Indiis.

C A P. XVII.

De Herpetis, seu Impetiginis Indicæ specie, quam incolæ Courap indigitant.



xpositis morbis internis præcipuis, qui in hisce remotissimis à nostro cœlo locis grassantur, omissis etiam levioribus affectibus, qui hic (ut in patria quoque) quotidiani sunt, ad externa quædam corporis vitia, in his regionibus familiaria, devenire constitui.

Inter hæc principem locum obtinet Herpes, seu Impetigo quædam molestissima, quæ ut plurimum alas, pectus, inguina, faciem, immo aliquando totum corpus occupat, cum pruritu intolerabili, adeo ut ægri à scalpendo, dies ac noctes manus abstinere nequeant: Sed statim istam voluptatem, quam ex unguium attritu homines sentiunt, acerbæ poenitentia sequitur: ingens nempe dolor, in crudis, & cuticula nudatis partibus, quas ungues aperuerunt, dum mordicans, ac nitrosus iste humor peccans, partes affectas vellicat, & inde interulæ, ac indusia, sine crustarum laceratione, avelli nequeunt: Indigenæ hunc affectum Courap καὶ ἐξοχλὼ appellunt, quod alias omnem scabiem significat: Causa hujus af-

fectus cutanei est salsa, ac nitrosa pituita, mixta bili, ac melancholiæ: estque affectus contagiosus, quia attactu facillime in aliud subjectum transit: ita ut pauci hanc molestiam effugiant. Quamvis autem hoc malum, scabram, ac deformem cutem reddat, cum furfuribus: tamen hoc commodum secum fert, quod quamdiu quis taliter affectus est, vix alio graviore morbo corripiatur; tum Courap subito evanescens, majoris morbi superventuri indicium solet esse: humore nimirum peccante, per metastasin, ad partem nobiliorem aliquam delato. Ideo sunt hic qui per aliquot annos hoc malo affecti, non adeo solliciti sunt de ejus cura. Sed nos qui novimus sublata causa, etiam tolli effectum, quod vulgus sanum per se putat, per accidens scimus evenire; quod hic nempe sit effectus bonus à mala causa. Non secus ac in Gonorrhœa virulenta, ac venerea contingit, Hepate sc. expellente à se istud virus ad glandes parastatas, ac inde ad penem, quo miseri se consolantur: cum in confesso sit aliquo modo in re medica expertis, si isti malo convenientibus remediis non occurratur, ipsum morbum venereum inde oriri. Sic hoc malum neglectum, præsertim in subjectis melancholicis, ac atrabilariis in Lepram Arabum, vel (quod multo pejus est) in ipsissimam Elephantiasin transit. Cura hujus mali in principio præcipue constat in ablatione causæ morbificæ, quod per toties jam dictas purgationes optime fiet: frustra enim neglectis generalibus, ad particularia ac Topica medicamenta devenitur. Pulvis quoque præstantissimus ad hunc effectum, ut & ad reliquos melancholicos, à me conficitur hoc modo.

℞. Folior. Sennæ mundatorum unc. xiv.

Rhabarbar. optimi.

Turbith albi an. unc. viij.

Tartar. albi.

Scammoneæ elect. an. unc. iv.

M. F. Pulvis subtilissimus.

Dosis est in convenienti liquore ʒj. jam ad Topica deveniamus, inter quæ excellens est, quod mihi reverendus ac doctissimus vir Dominus *Justus Heurnius* communicavit, vir in omni Scien-
tia

tiarum genere exercitatissimus.

℞. Ferruginis unc. j.

Sulphur. dra. fem.

Subtiliter in marmore fricentur, adde succum è foliis Basilici hic crescentis, & hinc fiant pastilli, qui aceto dissoluti & vesperi Courapo illiti, mane ob deformitatem ablui possunt.

Hoc si minus efficax sit,

℞. opii scr. j. fem.

Calcis vivæ ex conchiliis ustæ scr. ij.

Fricentur in marmore, cum succo Pomorum Amoris; usus abradat crustam Herpetis, dein absterfo ichore, illinat.

Ad eadem confert Oleum è gummi Benjuin adjecto nitro, vel sale Prunellæ, vel momento Mercurii sublimati. Commode his quoque miscetur succus Limonum. Cum Tutia præparata, aut Cerussa, quo solo remedio topico, præmissa unica purgatione, me ipsum curavi, cum sub alis, ac in pectore hac coluvie infestarer. Diæta ut in omnibus cacochymicis affectibus hic moderata, & boni succi esse debet. Quod curantis prudentiæ relinquo, ne frustra actum agam.

C A P. XVIII.

De Papulis rubentibus, seu sudaminibus, quæ vulgo nostrates het Rootvont vocant, ac obiter de molestissimis culicum morsibus.

Quas Latinus Hippocrates *Cornelius Celsus* papulas, *Plinius* sudamina vocat (nostrates Belgæ *Rootvont*) hic ita crebra sunt, ut ego adhuc hisce in locis neminem noverim, qui molestias has effugerit, non magis, quam morsus culicum, quos Lusitani Mosquitas vocant. Sunt autem hæ papulæ rubentes, ac asperæ aliquantum, per sudorem in cutem ejectæ; plerumque à capite ad calcem usque, cum summo pruritu, ac assiduo scalpendi desiderio erumpentes. Hæc

exanthemata magis afficiunt recens advenientes, ut & Mosquitarum puncturæ, quam eos, qui aliquamdiu hic morati sunt: ita ut, deridiculi ergo, hic inter nostrates dictærium enatum sit. Eum qui hoc modo affectus sit, esse *Orang Barou*, quod novitium hominem significat, & propterea culices, ac papulas sibi tributum, è lacte, è butyro, quod eum devoraverint petere: nam qui hic diutius hæserunt, se *Orang Lamme*, id est veteranos gloriose nominant. Hæc porro molestia, cum à natura expellente fiat, inter affectus cutaneos tantum recensenda venit: sed tamen temere habita, ut & morsus culicum, unguibus scilicet cute aperta, ulcera sæpe cacoëthea, ac maligna oriuntur, difficilia sane sanatu.

Sic neglecta solent incendia sumere vires.

Ut itaque pruritus isti molestissimo occurramus, acetum cum aqua misceri jubeo, addito Nitro, seu sale Prunellæ, eoque corpus linteolo immerso tingi: vel, si acrius desideres, addendus Limonum succus recenter expressus. Quæ quamvis primo acrem dolorem inferant, tamen is cito evanescit, & multo magis tolerabilis est, quam pruritus iste insignis. Hoc denique medicos, ac chirurgos obiter monitos volo, ne in his papulis purgationes, quantumvis leves, instituant, ne materia acris, ac biliosa, ad intestina delata Dysenteriam creet: sed vel potius naturæ hæc sananda relinquant: vel sudorificis excretionem hanc adjuvent: Nam ego, per incuriam, ac imprudentiam quorundam, hæc infortunia evenire non semel vidi.

C A P. XIX.

De Tophis, gummatis, ac ulcerationibus Endemiis in insula Amboyna, ac Moluccis præcipue; quas nostrates, d'Amboynse pocken vocant.

Endemius, seu popularis quidam morbus in Amboyna, ac Moluccis insulis præcipue oritur, qui symptomatis suis, admodum similis est morbo venereo. Sed in his inter se differunt quod

quod hic sine congressu venereo quoque nasci solet. Erumpunt in facie, brachiis, ac cruribus Tophi, seu Tumores, duri primum ac schirrofi, ac tam crebri per universum copus, quam clavi ac verrucæ oriuntur in manibus, ac pedibus in patria; si vero eos ulcerari contingat, materiam lentam, ac gummosam à se reddunt, attamen tam acrem, ac mordacem, ut profunda, ac cava ulcera inde oriantur, cum labiis callofis, ac inversis; foedum, ac deforme malum, & cum lue venerea conveniens, nisi quod hic tanti dolores non adsint, nec caries in ossibus tam facile oriatur, nisi per curantis incuriam. Hic affectus originem trahit, primum ex peculiari cœli ac soli istius genio; tum ex aëre, vaporibus falsis, è mari undique ascendentibus infecto; cibis præterea crassis, ac melancholicis & pituitosis, ut sunt pisces marini, quorum hic magna captura est: quibus incolæ assiduo vescuntur, quod reliquæ annonæ sit satis indiga regio. Magnum etiam momentum huic malo adfert usus placentarum, quas vice panis, per totum istum tractum edunt; ac ab incolis Sago vocatur, & est è corticibus arborum excussa farina. Ad hæc confert potus importunus liquoris cujusdam Saguër vocati, qui ferme eodem modo ex arbore elicitur, quo è palma Indica seu Coquos arbore liquor iste, quem incolæ Towac; Lusitani Vinho de Palma vocant. Hic immoderate sumptus non secus, ac vinum, & cervisia inebriat; caput ac nervos infestat, hinc etiam in his insulis crebrior est ista Paralyseos species, quam Beriberii supra diximus appellari. Quantum ad curam attinet, ea, si recens sit hoc malum, non admodum difficilis est. Sin inveteratum jam molestior est curatio. Porro iisdem ferme remediis cedit, quibus lues venerea, obstructions lienis, Leucophlegmatia, ac ipse Hydrops, & ceteri chronici, ac rebelles morbi. Decocta hic itaque parentur è Chinæ radice, Salsa parilla, Guajaco & corticibus ejusdem, quibus incoquantur Anagallidis aquaticæ, seu Becabungæ m. ij. Post peccans materia vehementioribus catharticis educenda est: nam levia hic non profunt. Talia sunt Extract. guttæ Cambodja, Elaterium: & si his non cedit, ad chymica, & mineralia deveniendum est: ut sunt Mercurius vitæ, seu Butyrum
Anti-

Antimonii, Turbith minerale, tum Mercurius præcipitatus albus. Unguenta quoque Mercurialia secundum artem parata hic externe adhibenda sunt: quæ omnia è *Crollio*, & aliis doctioribus ac versatioribus Chymicis petite.

FINIS.



OBSER-




OBSERVATIONES ALIQUOT

selectæ, ex dissectione cadaverum ac
αυτοψία desumptæ:

*Quæ præcedentibus jam dictis non parum
lucis adferunt.*

OBSERVATIO PRIMA.

De quodam è Spasmo mortuo.



ILES quidam, cum per integram noctem, ebrius in solo decubuisset, evigilans tam repente spasmo correptus est, flexo in posteriorem partem corpore, ut omnino rigidus, ac incurvus permaneret. Ipse in nosocomium delatus nostræ curæ mandatus est. Nihil deglutire poterat, & turbide loquebatur, tanquam ex loco subterraneo vocem emittens, truculenter nos intuebatur; cui cum omnia frustra adhibuissemus remedia (quæ supra in methodo medendi videre est) ille post sævissimos cruciatus, intra quatuor dies interiit. Libuit mihi causam tam atrocis mali indagare: itaque adhibito Magistro *Andræa Duræo*, *Nosocomii Batavici Chirurgo* expertissimo, cadaver aperuimus: Vitalia ut cor, ac pulmones, & Naturalia membra, ut hepar, ventriculum, ac lienem omnia integra invenimus. Itaque (quod res erat) suspicati, malum altius hære.

N

ven-

ventriculos usque difsecuimus, quos repletos invenimus materia quadam viscida, ac glutinosa, colore luteo, vitello ovorum per quam simili: sed foetida admodum: hæc incumbens principio nervorum, tam sæva symptomata in subjectis partibus excitarat. Venæ intercurrentes utramque cerebri menyngem admodum turgidæ erant bilioso sanguine: Obiit anno 1629. mense Februario. Eodem modo paucos post tempore affectus fuit signifer, qui in arce, valli Rubini dicta, præsidium agebat; sed hic præter prædicta symptomata, spasmo Cynico in dextra maxilla, torquebatur, ita ut loqui plane durante isto paroxismo non posset; & intra 24. horas ex vivis excessit; juvenis, si quis alius, fortis, ac robustus.

OBSERVATIO II.

De Phtisico quodam ac Empyematico.

Henricus NN. mercator Danus decumbens in ædibus *Ambrosii vander Keer*, hujus urbis scabini, post mortem à *Magistro Andræa* dissectus fuit: uterque lobus pulmonum, non tantum arcte costis adnatus erat, sed etiam inferius diaphragmati, ut sine laceratione, inde avelli non posset. In dextro latere, ubi majorem dolorem senserat, inventa sunt fragmenta bronchiorum ab substantia pulmonum avulsa, cum sanie copiosa; qualia, dum viveret in magna quantitate excreare consueverat: vox illi erat clangosa, qualis gallorum Africanorum, aut Calecutiensium. Laboraverat longo tempore antea sputo sanguinis; unde hujus miserandi mali principium; quo etiam extreme extenuatus, obiit. 1629. die Augusti 19.

OBSERVATIO III.

De Dysenterico.

Ex mandato Domini Generalis, ego, & *Magister Adamus Arcis Batavicae Chirurgus* aperuimus aliquot cadavera ex Dysenteria mortuorum; inter quæ corpus militis cujusdam, è
diu-

diuturna Dysenteria vita functi, quæ tum temporis cum obsessi essemus à Javanis hic tanquam morbus epidemicus grassabatur. Et invenimus intestina vehementer inflata, ac eorum interior tunicam plane abrasam; Tum folliculus fells, quod maxime in eo mirum erat, repletus, ac distentus, erat humore lento; ac viscido, alboque; instar pultis ex Amylo, quem nostræ mulierculæ *Styffel* vocant: Bilis autem nequidem vestigium relictum erat. 1624. Nov. 14.

OBSERVATIO IV.

De quodam Pulmones plenos Pure habente.

Anno 1629. mense Majo, aperuimus cadaver nautici focii, ex Phtisi mortui, cujus pulmones substantia & colore externe sani apparebant, quibus tamen dissectis, exiit pus copiosum, viride, ac foetidissimum; Et dexter pulmonum lobus costis adnatus erat. Quod obiter notandum in plurimis, quos aperuimus, nunquam sinistram lobum solum adnatum vidimus; sed vel utrumque, vel dextrum tantum. Ratio (ut ingenue fatear) me latet, nisi forte, quia in dextro latere tantum vena azygos vel sine pari est, quæ in pleuritide, tussi valida rupta, hanc amurcam à se rejicit; unde etiam in dextro latere Pleuritides exquisitæ magis oriuntur.

OBSERVATIO V.

De Empyematico sanato.

Miles quidam, cum potu Arac apprime se ingurgitasset, & ferme sine sensu, ac motu in arcem ferretur, credebamus ipsum ista nocta supervivere non posse: ille tamen, partim evomita, partim edormita crapula, postridie in dextro latere Pleuritide exquisita correptus est; cui, licet post sanguinis missionem, dolor aliquantum sedatus esset: tamen inflammatio in ulcus, & inde, eo rupto, in Empyema desiit, materia, in dextro latere, super diaphragma effusa. Erat adhuc viribus

fatis constantibus, neque febris jam tam vehemens vigeat. Itaque inter quartam, ac quintam costam cauterium potentiale, quod vocant, applicavimus, dein scalpello escaram porro aperuimus. Indeque effluxit sanies copiosa, cum ramentis, ac particulis aliquot membranæ succingentis costas, jam putrefactæ. Et ille, adhibitis opportunis Syringationibus, convaleuit præter spem, & cum hæc scribimus, Malaccam versus navigavit.

O B S E R V A T I O VI.

De insigni Cranii fractura.

Nauticus quidam socius, dum navem, in statione hic stantem, à sordibus, quas in mari contraxerat, cum ceteris purgaret, & conto scapham prohiberet, ne temere navi allideretur, dum se inclinat, ut funem, qui scaphæ inferius impactus impedimento erat, auferret, tristi fato, scapha navi undarum pulsu impegit, & caput ipsius, quod intra scapham & navem medium erat ita collisum est, ut totum cranium comminutum crederetur; ipse mutus repente, & sanguinem, per os, aures, ac nares rejiciens, inde delatus est in Nosocomium. Huic jam, putabamus, desperato, cum *Mag. Andreas*, & ego seriam manum præstaremus; Primo à posteriore capitis parte contusionem ingentem invenimus; quam, postquam aperuimus, plurimum concreti sanguinis inde extraximus. Postero die, cum jam mundatiora essent omnia, cranium in multa fragmenta communitum apparuit: hinc cum aliquot particulas exemissemus, reliquam curam (ut in tali casu decet) aggressi sumus. Ille porro hæsit inter nostras manus circiter sex menses; quo tempore totum illud os, quod circumscribitur futura Lambdoide, per fragmenta exemptum est, paulo supra illud foramen, cui inseritur prima cervicis vertebra, dentiformis dicta. Ille quidem, optime sanus, Novemb. mense patriam repetiit, apposita posteriori capitis parti semi-galea argentea, ei, in eum finem donata à Domino *Generali Coën*, ut cerebrum ab ictibus externis tueretur.

OBSERVATIO VII.

De Chronicis ac implicitis morbis in uno subjecto.

Anno 1629. Septembr. 5. diffecimus cadaver militis cujusdam Germani, qui ferme per integrum annum languerat, fluxu ventris æruginoso, tussi sicca, & insigni respirandi difficultate, &c. Mortuo eo, Omentum, ac Mesenterium repertum fuit ferme absumptum; ita ut intestina sibi invicem adnata, vel potius nullo ordine inter se confusa essent, parvulis villis hinc inde enatis. Lien erat contractus in minimam pilæ magnitudinem, & rotunditatem, ita ut Renes subjecti longe majores essent. Jecur tam varii erat coloris, luridi, pallidi, flavi ac viridis, ut miraculo spectantibus nobis esset. Cystis fellis longe major solito, repleta ac distenta erat bile æruginosa: Ventriculus, ac intestina erosa, insignem quoque hujus humoris copiam retinuerant. Præterea è vitalibus dexter lobe pulmonis costis & diaphragmati erat adnatus, ut invicem continui viderentur. Videant benigni lectores, num mirum sit difficiles hic esse curationes, cum tot simul mala concurrant, quod non in hoc uno, sed plurimis subjectis reperi. Et hoc nobis præstat nimius potus maledicti Arac ex Oryza & Holothuriis confecti. Et quoniam dicunt scriptores Physici, leporem marinum (qui ut & Sæpiæ, de Holothuriorum sunt genere) venonosa ac peculiari qualitate, pulmonem erodere, lubens in eam sententiam descendo, omnes istas immundities eandem tabificam vim habere, &c.

OBSERVATIO VIII.

De quodam cui vena cava loco sanguinis, repleta erat adiposa ac medullosa substantia quadam.

Septembris 7. Anni 1629. me præsentem, apertum fuit corpus Scujusdam civis Bataviensis, qui per tres annos languerat miro, ac incognito affectu: Nam si super umbilicum, aut circiter,

ter, quis manum imposuisset; Pulsus, qualis cordis, ac arteriarum, tam vehemens sentiebatur, instar salientis infantis in matris utero, quæ jam partui vicina est, ita ut manum elevando repelleret. Æqualem fuisse hunc pulsum cum arteriarum & cordis, hoc modo deprehendi: Sinistram umbilico ægri imposui, dextra arteriam, circa carpum, tetigi; invenique in systoles, & diastoles intervallo plane convenire. Unde ego statim conjeci arteriam magnam laborare; quod & post mortem invenimus. Nam vena cava repleta erat, loco sanguinis adiposa substantia, ac medulla spinali admodum simili, quæ, pondere suo, arteriæ vicinæ incumbens, dum illa è contra istud onus à se rejicere conaretur, hunc pulsum excitabat. Arteria magna duplo solito laxior erat, ac repleta sanguine nigro ac ferroso. Cor etiam *Magister Andræas* dissecuit; quod etiam solito majus, ac flaccidius inventum est, ac spongiarum modo comprimebatur; tum uterque ejus ventriculus amplior, ac etiam sanguine isto nigro repletus. Quis, rogo, mortalium non obstupescat, taliter affectum tam diu vitam protrahere potuisse? Iecur erat vividi coloris, ac consistentiæ, nisi quod communem mensuram ferme duplo excederet. Cystis, qua bilis continetur, etiam bovinam magnitudine æquabat, eratque intus referta cholera ex nigra viridi, lenta, ac tenaci, crassitudine syrupi spissioris, aut potius extracti. Obiit 7. Septemb. 1629.

OBSERVATIO IX.

De Apostemate Hepatis.

Miles Anglus, cum inflammationem primum hepatis passus esset, & frustra tentassemus ea, quibus opus erat, dolor se remisit quidem: sed desiit malum in fluxum hepaticum; tumore, qui ante erat, in hypochondrio plane evanescente. Cum hoc modo per sex ferme menses languisset, tandem ad extremam maciem ita perductus est, ut ipsissimam, qualis pingitur, mortem dixisses, & sic miserrimam vitam cum morte permutavit. Aperto corpore invenimus loco hepatis, solam membranam ipsum vestientem, satis crassam, instar sacci, cui adhuc portio sa-

faniēi, loturæ carniū similis inerat, qualem tam longo tempore excreverat. Obiit 1629. Aprili. mens.

OBSERVATIO X.

De Vulnere capitis, ubi perperam fissum cranium credebatur.

Mense Majo 1629. vocatus fui à Chirurgo quodam ut viscerem militem in suprema frontis parte vulneratum; vulnusque, ferme ante tres septimanas, laxius inciderat, ferramento suo credens, quod Provettam vocamus, dum asperitatem in cranio, & osse frontis sentiret, fissuram subesse judicavit, & etiamnum erat in ea opinione; Sed, dum ego oculos propius admovi, inveni, quam ille fissuram putabat, esse excurrentiam futuræ sagittalis (ut in iis solet natura ludere) usque ad nares. Itaque corripiciens Chirurgum, ostendi ei errorem suum. Interea ab aëre os jam alteratum erat; itaque curavi ægrum in Nosocomium deferri ad *Magistrum Andræam*, & jam sextus mensis est, quo sub cura nostra egit. Exemimus ipsi à futura coronali partem ossis usque ad os temporale, seu petrosum, & ab altera parte non contemnendum fragmentum; Tum ossis frontis duas partes: quæ futura excurrente distinctæ, apud *Magistrum And. Duræum* etiamnum reservantur: & jam, dum hæc scribo, die 10. Novemb. 1629. totum vulnus consolidatum ac cicatrifatum est, & ille, hac vespere, iturus ad navem bene sanus; & in Patriam, intra tres, aut quatuor dies remeaturus est.

OBSERVATIO XI.

De Catharro suffocanti in Nobilissimo Domino Joanne Petri Coën Generali in Indiis præfecto.

Cum generosus Dominus noster *Joannes Petri Coën* aliquandiu Diarrhæa laborassæt, & tamen, ut illi erat summus animi vigor, nihil de solita diligentia remitteret, dum opera,
ac

ac mutationes bellicas ipse coram inspicere vult, & tamen à me aliquoties monitus, ut paulum quieti se daret, ac valetudini suæ consulere, negavit sibi tantum otii esse ut decumberet, quasi diceret præfagiens, Imperatorem stantem mori oportere. Tandem, decimo nono Septembris 1629. circa octavam vespertinam repente in arcem ad Dominum sum vocatus, quem inveni ægre spirantem, cum tussi sicca; externe membra frigebant, sudor aderat frigidus, ac glutinosus. Dejectio per inferiora erat admodum multa, flatulenta, aquosa, ac bullis plena; vomitus præcefferat biliosus. Pulsus arteriæ tam languidus erat, ut vix sentiretur, & ille quidem vermiculans. His ego omnibus consideratis, adstantibus Amplissimis Dominis meis Consiliariis Indiæ *D. Antonio van Dyemen*, *D. Quirino à Raemburch* statim pronuntiavi *D. Generalem* supremis appropinquare: ipsis re subita attonitis, ac tantum deliquium animi, ex vomitu, dicentibus, dum paulatim vires, ac spiritus redituros putarent, cum paucis ante tempore cum ipsis discumbens familiariter confabulatus esset: Ideoque dicebant se mirati, quod tam audacter de tanto viro pronunciarem: Respondi modeste, mihi in more non esse positum, artem meam ludibrio exponere, dum aut ignorasse, aut fefellisse viderer: si sententiam meam non explicuissem: me tamen in eo optare, uti vaticinium meum fallat. Interea *Dominus Generalis* inter duodecimam, ac primam noctis horam, superveniente spasmo, quem momento temporis ante prædixeram, animam creatori suo reddidit. Qui Amplissimi hujus viri staturam, ac formam contemplati sunt, nihil miri accidisse sciant. Erat enim longa, ac erecta cervice, alis seu scapulis prominentibus. Complexione ex melancholica, pituitosa, opportunissima ad phtisin & catharrum suffocantem, quo etiam mortuus est. Obiit anno Domini nostri 1629. Septemb. 19.

OBSERVATIO XII.

De quodam ex vulnere in pectore mortuo.

Civis Batavus *Joannes Dragon* nomine, 16. Septemb. 1629. in pectore punctim vulneratus est ictu transeunte os sterni, seu scutiforme, per pulmones in Oesophagum, superveniente febre, ac singultu, octiduo post vulnus illatum, mortuus est. Aperuimus præsente magistratu cadaver, invenimus secundum conjecturam nostram partes ante dictas læsas. Thorax plenus erat sanguine seroso cum potu, qui ex gula effluxerat mixto.





OBSERVATIONES ALIQUOT

ex plurimis selectæ, de Epidemiis, ac
contagiosis, in Indiis, morbis.

OBSERVATIO PRIMA.

De Dysenteria Epidemica.

UM anno 1628. à Javanis Matarensibus obf-
dione cingeremur, amplissimus vir, *Jere-*
mias de Meester, Senatus Indici consiliarius,
primum in febrem continuam incidit, dein
in Dysenteriam, quæ tum populariter graf-
fabatur; exonerans per alvum cum fæcibus
sanguinem nigerrimum, cum summo cru-
ciatu, ac foetore; tandem, cum omnia re-
media, quæ excogitari ad hujus mali levamen potuissent, ad-
hibuissimus, ex vivis excessit; supervenientibus, paulo ante
mortem, exanthematis nigris, ac lividis, similibus iis, quæ
nostri *Peepercoorn* vocant, cum sudore frigido, ac male olente.

Similiter *Secretarius Domini Generalis, Jacobus à Dooreslaar*,
prædicti *Domini de Meester Gener.* paucis diebus post, Dysen-
teria viridi ac genere venenosa mortuus est, apparentibus co-
piosis maculis lividis, in pedibus ac brachiis, ante dictis res-
pondentibus.

OBSERVATIO II.

De eadem Dysenteria Epidemica.

Eodem tempore *Guilelmus Wyntgis*, Fisci advocatus, mihi fraterna amicitia devinctus, incidit in Dysenteriam veram cum summis torminibus, quæ perdurans cum febre ardentissima per quinque, aut sex dies, adhibitis omnibus, quæ morbi violentia, & necessitas subita requirebant, cum summo meo, & bonorum omnium mœrore, juvenis optimus mortuus est, apparentibus, tam crebris, ac densis per universum corpus maculis lividis, ut (quod in proverbio est) locus non esset, cui caput aciculæ imponeres.

OBSERVATIO III.

De febre ardenti, Dysenteria, Ulceribus malignis, &c.

Reverendus, ac Doctissimus vir *Joannes Cavallerius*, verbi divini præco, circa idem tempus correptus est febre ardenti, superveniente Dysenteria atrabiliaria, quæ cum per aliquot dies continuasset, eruperunt sub axillis, in tergo circa lumbos, & in inguinibus, etiam in collo, pustulæ ac vesicæ quædam, plenæ ac distentæ pure viridi, & subjectam cutem ad carnem usque erodente, quæ nobis, prima facie, spem criseos faciebant: sed Dysenteria non cessante ac febre, cum Phrenitide ingravescente, probissimus simul, ac doctissimus juvenis, ex hac vita ad cœlos raptus est. Eodem tempore, liberi pulcherrimi *D. Adriani Blocq*, eadem Dysenteria maligna obierunt.

OBSERVATIO IV.

Dissertatiuncula, utrum morbi Epidemici, ac pestilentiales etiam hic in Indiis Orientalibus grassentur.

Hæc paucula, ex sexcentis aliis, exempla ego in medium produxi, ut probarem frustra eos dixisse, qui pestilentiales, ac Epidemicos morbos in his locis grassari negaverunt: Quo nomine, alii eos appellent, mea nihil interest. Certe mihi constat contagiosum hunc, de quo loquor fuisse, & qui plurimos simul, ac celeriter occuparet. Causa, quæso, audite, dein recte judicate. Obsessi arcte eramus, à triginta quatuor millibus Javanorum Mataranensium, Duce Tommagom Bauraxa expertissimo, inter ipsos audacissimo milite. Quotidie à nostris excursiones, & velitationes fiebant, sæpe plurimis ex hoste tum hic, tum in oppugnationibus, quæ ferme singulis noctibus fiebant, desideratis: quorum cadavera in flumen præcipitabantur, & summum foetorem, ac corruptionem aquæ conciliabant. Tum corpora hominum, & jumentorum, ex fame, & vulneribus mortuorum, passim in campis ac silvis insepulta jacebant, quæ non levem contagionem aëri addiderunt. Præterea flumen inficiebatur radice Serpentariæ, quam Indi, in profluente, aliquot mille corbis impositam, macebant, ut venenosam qualitatem, ac glutinosam suam substantiam exueret, quam vidimus, si vitrum aqua plenum reponeremus, per aliquot horas, in fundo tanquam albumen ovi desiderare; Qua dein tosta vice Oryzæ, cujus in castris summa penuria erat, uterentur; dum unico insultu nos posse capi sperassent, & hinc minus sibi providissent. Hæc non tam mira videbuntur iis, qui sciunt in Indiis Occidentalibus radicem Cassavi, loco panis esse, cujus tamen succus expressus præsentaneum est venenum. Ad rem venio: Adde his potum aquæ subfalsæ: Nam, dum ventis è mari spirantibus, statò tempore aqua marina in fluvium impellitur, ejus alveum falsedine inficiebat: & nos propter obsidentes hostes, altius ex flumine petere

re aquam non audebamus ; Adhæc cadaveribus infectum flumen vernibus scatebat. Omnibus istis adde tempus anni, quod tum calidissimum simul ac humidissimum erat, propter assiduas pluvias tum temporis, utpote à Septembri, usque ad Februarii initium, tum sole supra verticem nostrum existente in linea æquinoctiali : Quæ omnia me quoque, per quatuor continuos menses lecto affixerunt, cum summo vitæ meæ discrimine. Primo invadente me febre ardenti; subsequente dein Dysenteria, & augescente, qua jam ante mensem affligi cœperam Paralyseos ista specie, quam Beriberii vocari diximus. Quæ omnia Deo propitio superavi, uxore interea, ac utroque filio meo iisdem molestiis vexatis, ac decumbentibus.

Dedit Deus his quoque finem.



I N D E X

Capitum hujus Methodi medendi in Indiis.

CAP. I.	D E Paralyseos quadam specie, quam indigenæ Beriberii vocant.	Fol. 59
II.	D E Spasmo.	61
III.	De Alvi profluviiis, ac primum de Dysenteria vera.	64
IV.	De fluxu hepatico.	66
V.	De Tenesmo.	68
VI.	De Cholera.	69
VII.	De Affectionibus Hepatis Visceris Nobilis, ac primum de ejus Obstructione, ac Inflammatione.	71
VIII.	De Apostemate Hepatis ac de ejus cura unica.	74
IX.	De Hydropē, familiarissimo in Indiis morbo.	75
X.	De Ictero Indico.	77
XI.	De Atrophia, seu Extabescencia quadam, Indicis regionibus familiari, ab obstructione viscerum, præsertim Mesenterii orta.	80
XII.	De quibusdam Pulmonum vitiis, quæ hic grassantur; ac primum de Hæmoptosi, ac sanguinis Sputo, & Phtisi, seu Ulcere Pulmonum.	81
XIII.	De Empyemate & fluctuatione puris super septum transversum.	84
XIV.	De Febris in Indiis.	85
XV.	De Febris quibusdam, quas incolæ vocant Tymorenses, in Indiis peculiaribus.	87
XVI.	De Cæcitate, ac debilitate visus, quæ navigantibus Amboynam, ac Moluccas versus accidit.	89
XVII.	De Herpetis seu impetiginis Indicæ specie, quam incolæ Courap indigitant.	91
XVIII.	De Papulis rubentibus, seu sudaminibus, quæ vulgo nostrates het Rootvont vocant, ac obiter de molestissimis culicum morsibus.	93
XIX.	De Tophis, gummatis, ac ulcerationibus in insulis Amboyna, ac Moluccis præcipue; quas nostrates, d'Amboynse pocken vocant.	94

I N D E X.

Observationem Selectarum Tabula.

D E quodam è Spasmo mortuo.	Fol. 97
De Phtifico quodam, ac Empyematico.	98
De Dysenterico.	98
De quodam Pulmones plenos Pure habente.	99
De Empyematico sanato.	99
De insigni Cranii fractura.	100
De Chronicis, ac implicitis morbis in uno subiecto.	101
De quodam cui vena cava loco sanguinis, repleta erat adiposa, & medullosa substantia quadam.	101
De Apostemate Hepatis.	102
De Vulnere capitis, ubi perperam fissum cranium credebatur.	103
De Catharro suffocanti in Nobilissimo Domino Joanne Petri Coën Generali in Indiis præfecto.	103
De quodam ex vulnere in pectore mortuo.	105
De morbis Epidemicis observationes aliquot è plurimus selectæ.	106
De Dysenteria Epidemica.	106
De eadem Dysenteria Epidemica.	107
De febre ardenti, Dysenteria, Ulceribus malignis, &c.	107
Dissertatiuncula, utrum morbi Epidemici, ac pestilentiales etiam hic in Indiis Orientalibus grassentur.	108

F I N I S.

1871

July 1st - 1871

Dear Sir,
I have the honor to acknowledge the receipt of your letter of the 29th inst. in relation to the above matter.
I am sorry to hear that you are not satisfied with the result of the examination.
I have been very busy lately, and have not had time to attend to this matter more fully.
I will, however, endeavor to do so as soon as possible.
Very respectfully,
J. H. [Name]



